



四庫全書存目叢書編纂委員會編

齊魯書社

# 四庫全書存目叢書

子部  
第二一一冊






魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB59/07

四庫全書存目叢書·子部二一一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經二路利大街)

廣東精裝印務有限公司印製

787×1092 毫米 36 開本 47.5 印張

1995 年 9 月第 1 版 1995 年 9 月第 1 次印刷

印數 1,400

ISBN 7-5333-0478-0

Z·27 子部定價：78300 圓

# 子部第二一一冊目次

## 子部·類書類

詩雋類函一百五十卷(一)

〔明〕俞安期輯 梅鼎祚增定  
山東省圖書館藏明萬曆三十七年自刻本

.....

詩雋類函一百五十卷(一)

〔明〕俞安期輯 梅鼎祚增定

山東省圖書館藏明萬曆三十七年自刻本

詩雋類函叙

大泌山人李維楨本寧父

始友人俞羨長以張玄超所為唐詩類苑屬余叙余謂其漫無銓擇蓋自苑之體宜然非貶辭也刻類苑者意不憚而羨長亟善余論退而作詩雋余度其名義或就苑中

李序

詩詮擇之已耳久之告成則上古三代兩漢六朝以及唐三千年具在矣是時齊人劉惟衡作詩宿體與羨長畧同宿類二十有八而雋三十有六宿部中分類一百六十有二而雋七百七十有奇宿所取第詩而雋旁及謠諺之屬宿之凡



七而雋之凡十索之彌廣而簡之彌精析之彌詳而合之彌確其類詩不能多者即不盡佳不汰其類詩多而不盡佳者為之鈎纂不盡錄唐人中晚之篇刪者亦幾半蓋羨長嘗作唐類函矣會萃唐人五類書而成意專比事雖詩文亦事也雋

李序

二

意專屬辭而以詠物、皆備以徵事、皆備以為詩、體皆備筆者可法削者可鑒譬言之於室類庀材具雋則繩墨規矩譬之於醫類儲藥物雋則方脉服食二書相為用而相成不可無一者也其有功於詩為大試據一目以評詩事同物同興

致同而出乎唐之上及唐一代前後文質繁簡妍媸較然蒼素矣今天下三尺之童皆知有唐詩唐之所以自為唐而不愧古所以自為唐而不及古所以自為唐而初盛中晚區別雋實悉之人而不言詩學詩也則可人而必言詩學詩夫

李序

三

雋焉可廢哉且雋亦難言矣自非博物多聞則美芹子食二韭而偏頗至嗜茄啗蛆臭自非品藻鑒裁則飽螬蟬吞澡豆魚乙蟹醜雜進而藉口燔黍煑豚為反古自非涵泳融浹則塵飯塗羹餽宿腐過屠門而大嚼其為詩病不既多乎雋

弱侯顧泰初兩太史執苑宗工焦之言曰文選類聚初學記為前茅雋為後勁詩紀英華為羸師百萬雋為精騎三千顧之言曰登納菁英滌盪蕪穢抽思染翰畢與題傳毋汎濫域外以開後世譚緩澶漫之門嘉獎是書幾於隻字千金羨長以余與聞發

李序

四

端使續貂二太史後因畧叙本指如此云自頃秘書往來間出而苦於無剗刪費傳布不廣羨長殺青時好事者有所資助每被以訂校之名余兩兒乳臭亦點其中然近自江南遠逮關中塞上欣然趨附以成好古右文之

風此事可並紀也

萬曆己酉季冬吉旦

李序

五

詩雋類函序

秣陵焦竑撰

古之選文章者以慮數十家而文選英華最著古之撮類苑者以慮數十家而類聚初學記最著然有綺重焉而不能相兼也文選得其雋矣而不必類英華得其類矣而

焦序

一

不必雋類聚與初學有類有雋矣然又備于事而略于詩羨長唐類函一書已高紙價李本寧謂其志彌宇宙量邕古今矣詩雋又何以類也羨長之言曰唐類函之載詩也十不得二也有詩具在先以是繼之以廣其闕也凡闕者異其後

之悉有廣也又以文選之得雋矣而恨其未及梁隋以後也英華之得其類矣而不耐其龐雜乎唐季也使之溷為一丘之貉今承學無所典刑也是編也取雋法選取類法英華而節取雋為法類聚初學記也選欲傲吾以其雋吾弗受也

焦序

二

選有所弗逮也吾以會其全也英華欲傲吾以其富吾弗受也英華有所弗汰也吾以遴其雋也類聚初學欲傲吾以其博而裁精而有辨體吾又弗受也彼以供高隱輩之懶祭吾以盡韻語之龍齏也余聞之慊然况八代初盛之詩雖得



詩紀傳矣而中晚至今未紀韋柳  
錢劉盧郎元白諸子不其忽諸即  
謂是書補詩紀之遺可也又詠賦  
者劉宋王微作也而或者且以為  
宋玉之賦微詠橫取六朝之人闌  
入楚騷之廡豈不胡盧乎周客而  
齋怒于湘纍羨長是書雖不及賦

焦序

三

而駁正多如此類即謂是書為讐  
校之律令可也又唐詩百家蒙肯  
狐貉甚至以王涯之絕續摩詰之  
貂羨長使曹劉沈謝物各有主初  
盛中晚睂列臚分即謂是書為六  
朝之干掇四唐之墨守可也得是  
編而文選類聚初學記為前茅此

為後勁得是編而詩紀英華為贏  
師百萬此為精騎三千其與此五  
六書為何如哉讀者當自得之  
萬曆己酉孟秋日

新安陳晉書

焦序

四

詩雋類函序

詩之有類編也母盛于近代以世以人則有馮汝言之漢魏六朝詩紀黃與俞之初盛唐詩紀以詞則有高廷禮之唐詩品彙以事則有張玄超之古詩唐詩類苑譬諸天厨御庖三鸞七蕤山膚海脂無所不儲無所不薦入

顧序

一

晉陵五地禮刊

其中者將鼻不勝嗅指不勝染也不勝揀靡不充咽溢吻濡首填骨屬獸而返矣余友俞君義長之類函最後出蓋自上古以迄晚唐之季諸家之所集者壹切羅而列之以事為綱錯世與人繩貫而櫛比焉廣撫其體而小澄汰其篇要使抽思遣言畢與題傳毋汜濫于

域外以開後世彈緩澶漫之門且

其辭之不雅馴者間割而去之登納菁英滌盪蕪穢蓋都衆集之所長擇之而加精焉故其名曰詩雋六雋肉之腴也蒯通著書號雋永言其說有味而長也義長有味乎古人之詩若師曠荀勗符朗皇甫謐之旨于味是以

顧序

二

采之者無遺珎而陳之者無猥品嘗試取而讀之若有莘媵臣之于湯非鱗臠鳳九鞏洛之鱗洞庭之鮒灌水之鱣旄象之約弗熟于鼎也若宋景之食善星文者非渠滄之鳧煎以桂髓輩庭之鷄蒸以蜜沫淇漳之鯉脯以青茹弗升于豆也若茂陵帝之宴于西王母

非九色鳳腦斑斕黑胎蒙山白鳳之  
肺靈丘蒼鸞之血弗肆于席也蓋使  
夫御之者一咀之而口爽再咀之而神  
腴當綺席晏改之後方丈于前無戟  
喉螫舌之患小出其餽飮以饗客猶可  
以敵王武子之施驕虞棕之饒唾李文  
饒之羹而小孫承祐之富有四海其斯

顧為

三

所稱為詩雋者邪彼之美惡襟陳溜  
渾相濫其意本欲待讀者精辨之自  
取也而不免使鑒裁者有錫與烏喙  
並設之憾以方莛長之所銓不可同日  
而論矣抑余嘗有感于味詩之難者  
三馬土銅毛無押豚炊黍眠蜺醬麤  
醢以為暴殄而蹙然投箸矣則以陋

于味而失其雋歎鷄距甘經饌美  
醋芹雖有五齊七醢之享食指曾不  
為之動也則以癖于味而遺其雋縣  
肉于林行炙以馬鴻門之生羶有可  
啗笑何太宰之食不下箸以為是矧  
竅蛙腹器不勝載者耳則以侈于味  
而奪其雋夫非祛口腹之害而辨飲

顧序


四

食之正醴然得法于甘苦酸醎之劑而  
超然得味于錡釜房俎之表有能獲  
雋者其與幾何詩不云乎物其多矣  
惟其旨矣君子多乎哉不多也惡其  
殺而以餘闕薦也夫詩有類函之雋  
將郇之厨段之堂在焉即大官之法  
膳且就而求之何羨乎多而又何多



之足病美長曰唯然吾毋重虞夫耳  
食者口之于味也有同嗜焉吾姑以其  
雋公諸者炙者而已

萬曆己酉孟冬日江寧顧起元撰并  
書



顧亭

五

詩集類函凡例九則

一稱詩集類函者上自皇古下逮唐季取其詩之雋  
永有味或辭之雋意之雋事之雋句法之雋可備  
作詩者之采擷分門比類彙爲一函庶幾易於考  
索雋字字書作子充切聲讀若翦世多作俊聲者  
未探六書旨也

一雲間張玄超有古詩類苑唐詩類苑莆中方伯文  
有詩類彙選玄超之編重在廣收伯文之編重在  
雅調余之所取重在材具其後伯文之編付之宣  
城梅禹金禹金以余有是編也適以雅調者併歸

凡例

於余實有增定之功云

一玄超之編原屬之學究題標未妥類置多訛不探  
詩旨惟憑其目太守使君分爲二類縣令明府亦  
作兩篇又如登雲梯入雲篇司馬丞入司馬篇之  
類往往而是余雖藉彼爲本而題標類置自出鄙  
衷不循其故步也

一是編中晚唐諸詩無足采者大都刪去盛唐以上  
刪者極少獨樂府古詩等擇其可合篇目者合之  
餘漫無謂者不錄

一歷代之詩獨遊覽贈送懷寄之作爲多今取辭涉

職官以至釋道者分入各篇如其語惟贈送懷寄始存本類耳

一茲取詩以材具爲主以掇拾爲用唐之中晚長篇大什往往玉石相半收之則多瑕棄之則可惜焦太史以爲藝文類聚初學記諸書一篇之中擷其菁英刪其點垢前人已行之築舍道傍之語勿以爲惑余遂遵之

一天文歲時名山大川以建職官道釋宮室器用艸木鳥獸等篇引用所急或其詩所收寥寂卽詩有不甚佳者而事有足采未免恕心收之至於登覽

凡例

二

送寄諸篇非極精工可式者不錄

一是編次第以世代爲先後又每篇以賦詠其題者先之如月篇以詠月爲首次兼地名者次兼眺望者以月爲題而兼懷寄贈送者終焉又中有初月殘月春夏秋冬之分餘亦倣此其非詠物爲題者大都約畧其意次之

一是編雖取採擷材具苟不夙窮方冊而似是用之間有意託事外不爲識者所輕乎余所以爲此蓋謂舉其全不勝其汗漫之求而類其要庶便于琳琅之觸一展覽間情生于臨文之時意暢于憤悱

之頃其所裨益非眇小矣若執此爲帳中之秘是非余之心也

凡例

三

詩雋類函目錄

卷一	天部一	日	月
卷二	天部二	天河	風
雲	天部三	祈雨	喜雨
雨	天部四	雪	霜
苦雨	天部五	霧	霞
卷四	天部五	火	光附
卷五	天部五	雷	霹靂附
煙	天部五	晴霽	虹
卷六	歲時一	春	四時
曆	歲時二	秋	歲時三
卷七	歲時三	夏	歲時四
卷八	歲時四	冬	歲時五

冬	立春	閏月	元旦
卷九	人日	上元	晦日
中和節	耗磨日	春社	歲時四
卷十	清明	上巳上	歲時五
寒食	三月晦日	四月八日	歲時六
卷十一	五月五日	夏至	伏
上巳下	立秋	中元	中秋
卷十二	七夕	歲時七	歲時八
秋社	九月十日附	歲時九	歲時十
卷十三	冬至	臘	歲時十一
卷十四	歲除	熱	涼
寒	歲時十二	歲時十三	歲時十四



卷十五	歲時十
曉	晚
早	豐年
卷十六	地部一
野	郊
田	村塢 <small>附</small>
卷十七	地部二
苑	堤
關	橋
卷十八	地部三
山總載 <small>峰附</small>	泰山
華山	嵩山
卷十九	地部四
秦中諸山	河南諸山
楚中諸山	蜀中諸山
卷二十	地部五
江南諸山	江北諸山
豫章諸山	閩粵諸山
卷二十一	地部六
嶺	洞 <small>廣附</small>
	谷

峽	嶼 <small>峴附</small>
堆	石
卷二十二	地部七
水總載 <small>洪水漲附</small>	海
卷二十三	地部八
河	淮 <small>濟附</small>
湘	洛
渭	隴
卷二十四	地部九
湖總載	太湖
附	洞庭湖 <small>滬湖青草湖</small>
鏡湖	彭蠡湖 <small>官亭湖</small>
卷二十五	地部十
池總載	昆明池
卷二十六	地部十一
潭	洲
澗	泉
井	渚
卷二十七	地部十二
灘	渡
瀨	塘

卷二十八	瀑布水	礮	濤
京都部	懷京	京都部	波附
卷二十九	秦中	河南	齊魯
楚中	吳中	越中	
蜀中	豫章	閩	
粵	幽州		
卷三十	邊塞一		
目錄	五		
邊塞總載	巡邊		
卷三十一	出塞	入塞附	
長城	諸塞	蠻夷附	
卷三十二	帝王部		
后妃	皇太子		
卷三十三	帝戚部		
公主	駙馬		
卷三十四	設官部一		
宰相	太尉	太尉附司馬	僕射
司空	諸尚書	左右丞	

卷三十五	侍郎	省郎	員外併入吏部郎員外郎
中書	侍中	常侍	
給事中	起居	諫議	
補闕	拾遺	御史中丞	
侍御史			
卷三十六	設官三		
諸卿	秘書	校書	翰林官
集賢學士	廣文	博士	
金吾	諸將軍	越將	少將並附
目錄	六		
卷三十七	設官四		
總管	都督	開府附	都護
節度使	副使附	轉運使	朝集使
留守	京兆	少尹	內刺史
司馬	判官	參軍	
書記	從事	押衙	
卷三十八	設官五		
太守	使君併入	長史	別駕
功曹	司兵	司戶	
司倉	司法	司錄	

掾	卷三十九	設官六	縣令	明府併入	縣丞	主簿	縣尉	吏附	卷四十	政術一	善政	化俗	恩賜	掌選	赴選附	知貢舉	入京	除拜	遷擢附	赴任	入朝	赴闕附	卷四十一	政術二	七	目錄	鎮守	安輯	存撫	招	巡行	巡農	勸農	營	置倉	覆糧	賑	括圖書	使絕域	政術三	和戎	理訟	刑罰附	休假	秩滿	移官	攝官	罷官	致仕	囚繫	赦宥	卷四十二	禮儀一	祭祀總	大禮附	郊天	園丘
---	------	-----	----	------	----	----	----	----	-----	-----	----	----	----	----	-----	-----	----	----	-----	----	----	-----	------	-----	---	----	----	----	----	---	----	----	----	---	----	----	---	-----	-----	-----	----	----	-----	----	----	----	----	----	----	----	----	------	-----	-----	-----	----	----

朝日夕月	祭款	雜祭	社稷	宗廟	皇后廟	太子廟	卷四十四	禮儀二	明堂	靈臺	辟	釋奠	孔子廟	元會	朝會	退朝	候朝附	徵召	拜表	卷四十五	禮儀三	宴饗	酺宴	侍宴	卷四十六	禮儀四	籍田	侍耕附	封禪	巡幸	駕迴	八	目錄	卷四十七	禮儀五	扈從	迎駕	省直	卷四十八	禮儀六	婚姻	太子納妃	公	誕辰	上壽	滿月	昨日附	上陵	酒掃附	送葬	護喪	迎	挽歌上	挽歌下	弔	卷四十九	禮儀七	卷五十	樂部一
------	----	----	----	----	-----	-----	------	-----	----	----	---	----	-----	----	----	----	-----	----	----	------	-----	----	----	----	------	-----	----	-----	----	----	----	---	----	------	-----	----	----	----	------	-----	----	------	---	----	----	----	-----	----	-----	----	----	---	-----	-----	---	------	-----	-----	-----

樂總載	歌	舞
卷五十一	樂部二	琴瑟
琵琶	阮成附	笙篪
卷五十二	樂部三	鐘
鼓	鞀附	簫
笛	篪附	簫
管	胡笳	感策
磬	角	
拍板		
卷五十三	文學一	九
目錄		
經	講書	著書附
鈔書	借書	校
史		
卷五十四	文學二	文
詩賦附	碑	勸附
書	紙	墨
筆	筆格附	硯
書帙	書簡附	
卷五十五	武部一	田獵
講武	觀兵	
射	征伐	行軍併入
從征		
卷五十六	武部二	

從軍	赴軍	監軍附	送軍
卷五十七	武部三		
成	幕府	軍中	
乞師	召募附	出圍	武功
卷五十八	武部四		
平虜	收復附	受降	告捷
凱旋	回軍附	宴勞	陣圖
烽火	劍	刀	戈附
弓	並附	箭	彈
卷五十九	人部一	旌旗	馬鞭
目錄			
祖	父母	子孤兒附	
女	誠子	生子	生女附
悼子	悼女附		
卷六十	人部二		
夫婦	姬妾	悼亡附	
卷六十一	人部三		
去妻	棄妾附		
兄弟			
卷六十二	人部四		
從兄弟	兄妹	叔姪	
宗族	舅甥	親戚	裔附

交友 <small>絕交 友並附</small>	僚	故舊	隣里
卷六十三	人部五		
幼慧	壯士	游俠	
少年			
卷六十四	人部六		
豪華	行樂	公子	
隱逸			
卷六十五	人部七		
老人	賢婦	貞烈	
官人	戍婦 <small>貧女附</small>		
目錄	十二		
卷六十六	人部八		
美女			
卷六十七	人部九		
妓 <small>傷妓附</small>	男寵	奴婢	
卷六十八	人部十		
孝	省覲	扶持	
迎親	宦情		
卷六十九	人部十一		
棄官	遭讒	貶謫	
流徙	奔亡		

卷七十	人部十二
宮詞	
卷七十一	人部十三
宮怨 <small>昭君怨 銅雀妓並附</small>	
卷七十二	人部十四
艷情	
卷七十三	人部十五
閨情一	
卷七十四	人部十六
閨情二	
目錄	十二
卷七十五	人部十七
閨情三	
卷七十六	人部十八
閨怨	
卷七十七	人部十九
懷人	傷友
卷七十八	人部二十
哭友 <small>淚附</small>	
卷七十九	人部二十一
喜幸	感慨 <small>行路難附</small>

卷八十	人部二十二
感遇	感懷
言志	書情
卷八十一	人部二十三
述懷	
卷八十二	人部二十四
遺興	題壁
感舊	偶作
卷八十三	人部二十五
舊遊	懷賢
目錄	十三
卷八十四	人部二十六
懷古	詠古
卷八十五	人部二十七
弔古	
卷八十六	人部二十八
哀時	愍亂
卷八十七	人部二十九
醉	沐浴
夢	眠
卷八十八	人部三十

諫	諷刺
自効	參謁
頌德	賀
卷八十九	人部三十一
賜詩	呈獻
卷九十	人部三十二
投	贈答上
卷九十二	人部三十三
贈答下	
卷九十三	人部三十四
贈一	十四
目錄	
卷九十四	人部三十五
贈二	
卷九十五	人部三十六
贈三	
卷九十六	人部三十七
酬答上	
卷九十七	人部三十八
酬答下	
卷九十八	人部三十九

賡和	貽示	勸諭併入	代書
簡	卷九十八	人部四十	
寄上	卷九十九	人部四十一	
寄下		嘲戲	
卷一百		人部四十二	
尋訪	不遇附	過從	見訪
			不遇附
喜至		留客	話舊
卷一百一		人部四十三	
目錄		十五	
待候		問訊	招致
逢遇		得書	
卷一百二		人部四十四	
宴集			
卷一百三		人部四十五	
遊覽		登眺	
卷一百四		人部四十六	
寓目		臨泛	閑適
卷一百五		人部四十七	
別離總載		祖餞	

卷一百十五	悶	憂愁	卷一百十四	還鄉	卷一百十三	寓宿	卷一百十二	舟行	卷一百十一	行路	卷一百十	贈別	卷一百九	送別三	卷一百八	送別二	卷一百七	送別一	卷一百六
人部五十七	歎	哀傷	人部五十六	還山	人部五十五	羈旅	人部五十四	旅泊	人部五十三	曉行	人部五十二	酬別	人部五十一	送不及附	人部五十		人部四十九		人部四十八
		悲附		避地		懷鄉			十六	夜行									
		憤怨																	



貧窮	疾病	臨終
卷一百十六	儒部	
教授	秀才 <small>貢士附</small>	孝廉 <small>明經附</small>
赴舉	試士 <small>求試附</small>	放榜
及第 <small>同年附</small>	落第	
卷一百十七	釋部一	
佛總載	法總載	經
講解 <small>會三教附</small>	法喻	
卷一百十八	釋部二	
齋	戒	懺悔
法會	僧總載	贈僧
卷一百十九	釋部三	
寄僧	訪僧 <small>不遇附</small>	飯僧 <small>送僧至並附</small>
別僧	送僧	懷僧
哭僧 <small>過故居附</small>	尼	出家
鉢	袈裟	
卷一百二十	道部一	
道總載	入道	道場
步虛	飛昇	仙
女仙 <small>神女附</small>		

卷一百二十一	道部二	
遊仙	仙詩上	
卷一百二十二	道部三	
仙詩下	鬼神詩 <small>附</small>	
卷一百二十三	道部四	
道士總載	女道士	丹竈 <small>附</small>
卷一百二十四	產業部	方術部
農	買	織
漁	釣	樵
牧		
方術總載	目録	人
卷一百二十五	巧藝部	
畫	碁	彈碁
打毬	雜戲	
卷一百二十六	居處二	
城 <small>巡城並入</small>	登城市	官 <small>過舊宮故</small>
溫泉宮並載	殿	闕
院	官舍 <small>廳附</small>	
卷一百二十七	居處二	
第宅 <small>故第宅附</small>	堂	齋

屋室 廬並附	卷一百二十八	居處三	登樓 <small>宴附</small>	閣
臺	卷一百二十九	居處四	登臺 <small>齋堂併入</small>	經館
亭	居總載	新居		
故居	移居 <small>卜居併入</small>			
卷一百三十	居處五			
郊居 <small>村居附</small>	山居	隱居 <small>幽居附</small>		
田家 <small>田舍併入</small>	酒家			
目錄	十九			
卷一百三十一	居處六			
莊	別業			
卷一百三十二	居處七			
驛	旅舍	門廳 <small>牆並附</small>		
陵	墓 <small>古冢 北印 宮人 斜附</small>	葬塔		
卷一百三十三	居處八			
寺總載	金陵諸寺	秦中諸寺		
卷一百三十四	居處九			
楚中諸寺	嵩山諸寺 <small>龍門諸寺附</small>			
蜀中諸寺	廬山諸寺	吳中諸寺		

潤州諸寺 <small>宣州諸寺附</small>	武林諸寺	寺閣	會稽諸寺 <small>越中諸寺附</small>	浮圖
卷一百三十五	居處十			
僧院	禪居	精舍 <small>林亭山池並附</small>		
蘭若	影堂 <small>浴室附</small>			
卷一百三十六	居處十一			
道觀 <small>宮殿附</small>	道館	祠廟		
卷一百三十七	器用部上			
舟 <small>棹 帆並附</small>	車	鼎		
目錄	二十			
漏	鏡 <small>鏡臺附</small>	簾		
帳幔 <small>帷並附</small>	屏風 <small>障附</small>	燈 <small>燈花附</small>		
燭 <small>燭花 庭燎附</small>	櫺	扇		
爐	火籠			
卷一百三十八	器用部下	服飾部		
牀 <small>胡牀附</small>	席	簾		
枕	几案	杖		
塵尾 <small>拂子附</small>	樽 <small>杯 盞並附</small>	卮		
瓢	砧	尺 <small>秤附</small>		
風箏	雜器			

冠	巾	簪	帽
釵	步搖	簪	
章服	衣 <small>衫襖</small>	襖 <small>襖</small>	履 <small>襪</small>
卧具 <small>被褥</small>	袋	鞋 <small>並附</small>	
卷一百三十九	珍寶部	布帛部	
飲食部 <small>上</small>			
珠 <small>珊瑚附</small>	玉	水精 <small>琉璃附</small>	
金 <small>銀錢並附</small>		布素 <small>附</small>	
錦 <small>綺繡並附</small>	羅綾 <small>附</small>		
絲	色		
酒	主		
目錄			
卷一百四十	飲食部 <small>下</small>	五穀部	
藥部	蔬菜部		
飯 <small>羹附</small>	粥	鱠	
錫	茶		
禾稼	穀米 <small>黍附</small>	麥	
藥總載	雜藥		
瓜	雜菜 <small>菜園附</small>		
卷一百四十一	果部		
果總載	梅	桃	

李	杏	柰
梨	櫻桃	石榴
荔枝	棗	橘 <small>柚併入</small>
雜果		
卷一百四十二	木部 <small>上</small>	
樹木總載	葉	
檜	柏	松
桂	桑	槐
榿	楠	杉
櫻櫚		
目錄		
卷一百四十三	木部 <small>下</small>	竹部
楊柳 <small>楊花附</small>	雜樹	
竹 <small>慈竹斑竹</small>	笋 <small>並附</small>	
卷一百四十四	花部 <small>上</small>	
花總載 <small>薊絲花附</small>	牡丹	芍藥
蘭 <small>蕙附</small>	木蘭	菊
荷 <small>葉藕</small>	石蓮 <small>並附</small>	菱
卷一百四十五	花部 <small>下</small>	草部
葵	紫薇	薔薇
梔子	海棠	玉蕊



詩集類函卷一

東吳俞安期彙纂

宣城梅鼎祚增定

侯官曹學佺訂校

天部一 天 日月

○天

天行篇

晉傅玄

天行一何健日月無高蹤百川皆赴海一作赴陽谷三辰

回泰蒙

天行歌

晉傅玄

天時泰今昭以陽清風起今景雲翔仰觀今辰象日

天部

卷一

天

月今運周俯視今河海百川今東流

兩儀詩

晉傅玄

兩儀始分元氣上清列宿垂象六位時成日月西邁

流景東征悠悠萬物殊品齊名聖人憂世實念羣生

一作兩儀始分元氣清列宿垂象六位成日月西流景東征悠悠萬物殊品名聖人憂世念羣生

○日

詠日

晉張載

白日隨天廻瞰瞰圓如規踴躍湯谷中上登扶桑枝

詠日

晉傅玄

湯谷發清曜九日棲高枝願得並天御六龍齊玉羈

詠日

梁李鏡遠

始臨東嶽觀俄升若木枝萍實詎儔彩合扇且慙規

北林耿初曜圓應鑒早曦照庭餘雪盡映簷溜滴垂

徘徊匝花樹煜燿滿春池柳陰裁靡靡簾影復離離

曾泉豈停舍桑榆忽在斯迴戈安得中長繩不可羈

冲情愛景落清宴惜光馳温暉徒已荷深心竊自知

詠日應令

梁劉孝綽

弭節馳暘谷照檻出扶桑園葵亦何幸傾葉奉離光

詠日應趙王教

隋康孟

金烏升曉氣玉檻漾晨曦先汎扶桑海返照若華池

天部

卷一

二 日

洛浦全開鏡衡山半隱規相歡承愛景共惜寸陰移

詠日

唐董思恭初

滄海十枝暉玄圃重輪慶舜華發晨檻菱彩翻朝鏡

忽遇驚風飄自有浮雲映更也人皆仰無待揮戈正

詠日

唐李嶠初

且出扶桑路遙升若木枝雲間五色滿霞際九光披

東陸蒼龍駕南郊赤羽馳傾心比葵藿朝夕奉光曦

詠日華

陳徐陵

朝暉爛曲池夕照滿西陂復有當畫景江上鑠光儀

時從高浪歇乍逐細波移一在雕梁上詎比扶桑枝

詠朝日

梁簡文帝

團團出天外煜煜上層峰光隨浪高下影逐樹輕濃

日昇歌

晉傅玄

東光昇朝陽羲和初攬轡六龍並騰驤逸景何晃晃  
旭日照萬方皇德配天地神明鑒幽荒

日出行

北周蕭撝

昏昏隱遠霧團團乘陣雲正值秦樓女含嬌酬使君

奉和詠日午

唐虞世南

高天淨秋色長漢轉曦車玉樹陰初正桐圭影未斜  
翠蓋飛圓影明鏡發輕花再中良表瑞共仰璧暉餘

天部

卷一

三日

奉和詠日午

唐褚亮

曦車日亭午浮箭未移暉日光無落照樹影正中圍  
草萎看稍靡葉燥望疑稀晝寢慙經筭暫解入朝衣

賦得日暖萬年枝

唐蔣防

新陽歸上苑嘉樹獨含妍散漫添和氣臙臙卷曙煙  
流輝宜聖日接影貴芳年自與恩光近那關煦嫗偏  
結根誠得地表壽願符天誠道憐寒質從茲不暖然

賦得日暖萬年枝

唐郭求

旭日升溟海芳枝散曙煙溫和臨樹久煦嫗在條偏  
陽德符君惠嘉名表聖年若承恩渥厚常屬陳采賢

生植雖依地光華只信天不甘側陋徒望向榮先

賦得日暖萬年枝

唐王約

雷靄彤庭果沈沈玉砌陞初升九華日潛暖萬年枝  
煦嫗光偏好青葱色轉宜每因韶景麗長沐惠風吹  
隱映當龍闕氛氲隔鳳池朝陽光照處惟有近臣知

賦得日暖萬年枝

唐鄭師真

禁樹敷榮早偏將麗日宜光搖連北闕影汎滿南枝  
得地方知照逢時異赫曦葉知盈歲積根是承年移  
宵露猶殘潤薰風更共吹餘暉誠可託况近鳳皇池

天部

卷一

四日

赫赫溫風扇炎炎夏日徂火威馳迴野畏景鑠遙途

勢矯翔陽翰功分造化鑪禁城千品獨黃道一輪孤  
落照頻空簾餘暉卷夕梧如何倦遊子中路獨踟躕

賦得秋日懸清光

唐太宗

秋露凝高掌朝光上翠微參差麗雙闕照耀滿重闌  
仙馭隨輪轉靈鳥帶影飛臨波無定彩入隙有圓暉  
還當葵藿志傾葉自相依

賦得秋日懸清光

唐王維

寥廓涼天靜晶明白日秋圓光含萬象碎影入閒流  
迴與青冥合遙同江漢浮晝陰殊未斜影下危樓

宋玉登高怨張衡望遠愁餘輝如可託雲路豈悠悠

賦得秋日懸清光

唐陶拱盛

秋至雲容歛天中日景清懸空寒色淨委照曙光盈  
法滋看彌上輝輝望最明煙霞輪乍透葵藿影初生  
鑒下應無極升高自有程何當迴盛彩一爲表精誠

賦得冬日可愛

唐陳風

寒日臨清晝寥天一望時未消埋運雪先暖讀書帷  
屬思光難駐舒情影若遺晉臣曾比德謝客昔言詩  
散彩寧偏照流陰信不追餘輝如可就迴燭幸無私  
賦得冬日可愛  
唐庾承宣一作

天部

卷一

五

宿霧開天霽寒郊見初日林疎照逾遠水輕影微出  
豈假陽和氣暫忘玄冬律愁抱望自寬羈情就如失  
欣欣事幾許瞳瞳狀非一傾心儻知期良願自茲畢

賦得日華川上動

唐石殷士中

曙霞橫旭日浮景弄晴川晃耀層潭上悠揚極浦前  
岸高時擁媚波遠漸澄鮮萍實空隨浪珠胎不照淵  
早喧依曲渚微動觸輕漣孰假咸池望幽情得古篇

賦得初日照華清宮

唐柴宿

靈山初照日遠近見離宮影動參差聚光分縹緲中  
鮮曉收晚翠佳氣滿晴空林潤溫泉入樓深殿道通

璇題生炯晃珠綴引聰矚鳳華何時下朝朝此望同

賦得初日照鳳樓

唐李虞仲晚

旭日煙雲殿朝陽燭帝居斷霞生峻宇通閣麗晴虛  
流彩連朱檻騰輝照綺疏矚矚晨景裏明滅曉光初  
戶牖仙山近軒楹鳳翼舒還如王母過遙度五雲車

賦得白日麗江臯

唐鮑溶中

遲景臨逢水晴空似不高清明開曉鏡昭晰辨秋毫  
鬱鬱長堤土離離淺渚毛煙銷占一候風靜擁千艘  
獨媚青春柳宜看白鷺濤何年謝公賞遺韻在江臯  
賦得白日半西山  
唐太宗初

天部

卷一

六

紅輪不暫駐烏飛豈復停岑霞漸漸落谿陰寸寸生  
羣葉隨光轉葵心逐照傾晚霞含樹色棲鳥雜流聲  
賦得落日山照曜  
唐張謂

賦得落日山照曜

唐張謂

爽迥空山下晚晚殘陽落圓影過峰巒半規入林薄  
餘光微羣岫亂彩分重壑石鏡共澄明巖光同照灼  
棲禽去杳杳夕煙生漠漠此境一作誰復知獨懷謝  
康樂

落日同何儀曹照

齊謝朓

參差複殿影氛氲綺羅雜風入天淵池芡荷搖復合  
遠聽雀聲聚回望樹陰杳一賞桂尊前寧傷蓬髮風



太子狀落日望水

梁劉孝綽

川平落日迴落照滿川漲復此一作淪波地派別引

沮漳耿耿流長脉熠熠動微光寒鳥逐查漾飢鵝拂

浪翔臨泛一作自多美况乃還故鄉榜人夜理

檝櫂女閨成妝欲待春江曙爭塗向洛陽

春夕早泊和劉諮議落日望水

梁何遜

旅人嗟倦遊結纜坐春洲日暮江風靜中川聞棹謳

草光天際合霞影水中浮單艫時向浦獨載年乘流

變童泣垂釣妖姬哭盪舟客心自有緒對此空復愁

天部

卷一

七

山池落照

北周王褒

竹館掩荆扉池光晦晚暉孤舟隱荷山輕棹染苔歸

浴禽時侶竄驚羽忽單飛關

返照

唐杜甫

返照開巫峽寒空半有無已低魚復暗不盡白鹽孤

荻岸如秋水松門似畫圖牛羊識童僕既夕應傳呼

返照

唐杜甫

楚王宮北正黃昏白帝城西過雨痕返照入江翻石

壁歸雲擁樹失山村衰年肺病惟高枕絕塞愁時早

閉門不可久留豺虎地南方實有未招魂

落照

唐馬戴

照曜天山外飛鴉幾共過微紅拂秋漢片白逐長波

影促寒汀薄光殘古木多金霞與雲氣散漫復相和

夕陽

唐鄭谷

夕陽秋更好歛歛蕙蘭中極浦明殘雨長天急遠鴻

僧牕西半榻漁舸透疎蓬莫恨清光盡寒蟾即照空

九曲歌

漢李尤

年歲晚暮時已斜安得力士翻日車

九曲歌

晉傅玄

歲莫景邁羣光絕安得長繩繫白日

天部

卷一

八

〇月

應王中丞思遠詠月

梁沈約

月華臨靜夜夜靜滅氛埃方暉竟戶入圓影隙中來

高樓切思婦西園遊上才網軒映珠綴應門照綠苔

洞房殊未曉清光信悠哉

詠月

唐董思恭

北堂未安寢西園聊騁望玉戶照羅幃珠軒明綺幃

別客長安道思婦高樓上所願君莫違清風時可訪

詠月

唐李益

桂滿三五夕冀分二八時清輝飛鵲鑑新影學蛾眉

皎潔臨疎牖玲瓏鑿薄帷願言從愛客清夜幸同嬉

和崔舍人詠月二十韻

唐韓愈

三秋端正月今夜出東溟對日猶分勢騰天漸吐靈  
未高蒸遠氣半上露孤形赫奕當躔次虛徐度杳冥  
長河晴散霧列宿曙分螢浩蕩英華溢蕭疎物象冷  
池邊臨倒照簷際送橫經花樹參差見臯禽斷續聆  
牖光窺寂寞砧影伴娉婷幽坐看侵戶閑吟愛滿庭  
輝斜通壁練彩碎射沙星清潔雲間路空涼水上亭  
淨堪分顧兔細得飄萍山翠相凝綠林煙共冪青  
過隅驚桂側當午覺輪停屬思摘霞錦追歡罄縹緲

天部

卷一

九月

郡樓何處望隴笛此時聽右掖連台座重門限禁局

風臺觀滉漾水砌步青燐獨有虞庭客無由拾落葦

華月

梁簡文帝

危絲生雲夜蛾影出漢時欲傳千里意不照十年悲

明月

唐李如璧

初

三五月華流煙光可憐懷歸路長逾江越漢津無  
梁逢遙永夜思茫茫昭君失寵辭上宮蛾眉嬋娟臥  
氈穹胡人琵琶彈北風漢家音信絕南鴻昭君此時  
怨畫工可憐明月光臃腫節旣秋今天向寒沅有漪  
兮湘有瀾沅湘糾合森漫漫洛陽才子憶長安可憐

明月復團圓逐臣戀主心愈恪棄妻思君情不薄已  
悲芳歲徒淪落復恐紅顏坐銷鑠可憐明月方照灼  
向影傾身比蓼葦

古朗月行

唐李白

盛

小時不識月呼作白玉盤又疑瑤臺鏡飛上五雲端  
仙人垂兩足桂樹何團圓白兔擣藥成問言誰與餐  
蟾蜍蝕圓影大明夜已殘羿昔落九烏天人清且安  
陰精此淪惑去去不足觀憂來其如何悽愴摧心肝

月

唐杜甫

盛

天上秋期近人間月影清入河蟾不沒擣藥兔長生

天部

卷一

十一月

只益丹心苦能添白髮明千戈知滿地休照國西營

二

萬里瞿塘峽春來六上弦時時開暗室故故滿青天  
爽合風襟靜當空淚臉懸南飛有烏鵲夜久落江邊

三

四更山吐月殘夜水明樓塵匣元開鏡風簾自上鈎  
免應疑鶴髮蟾亦戀貂裘斟酌嫦娥寡天寒奈九秋

月

唐元稹

中

黃葉標新朔霜霰引細輝白眉驚半隱虹勢訝全微  
涼魄潭空洞虛弓應畏威上弦何汲汲佳色轉依依

綺幕殘燈歛妝樓破鏡飛玲瓏穿竹樹岑寂思惘惘  
坐愛規將合行堪望已幾絳河水鑑朗黃道玉輪巍  
迴照偏瓊砌餘光借粉闌汎池相皎潔壓桂共芳菲  
的的當歌扇娟娟透舞衣殷勤入懷什懇款墮雲圻  
翡翠通簾影琉璃瑩殿扉西園筵瑋瑋東壁射蜚蜚  
老將占天陣幽人釣石磯荷鋤元亮息迴棹子猷歸  
迢遞同千里孤高淨九圍從星作風雨配日麗旌旗  
麟鬣寧徒設蠅聲豈浪譏司存委卿士新拜出郊畿  
今古雖云極虧盈不易違珠胎方夜滿清露忍朝晞  
漸減嫦娥面徐收楚練機下疑雕壁碎潘感竟牀稀  
天部 卷一 十一月

捐篋辭班女潛波蔽宓妃

月

唐杜牧 晚

三十六宮秋夜深昭陽歌斷信沈沈惟應獨伴陳皇  
后照見長門望幸心

月

唐李商隱 晚

池上與橋邊難忘復可憐簾開最明夜簾捲已涼天  
流處水花急吐時雲葉鮮姮娥無粉黛只是逞嬋娟

月

唐妓薛濤

魄依鈎樣小扇逐漢機團細影將圓質人間幾處看

詠新月

梁邵陵王綸

霜氛含月彩霜露下南樓霧濃光若晝雲駛影疑流

新月

梁劉琰

仙宮雲箔捲露出玉簾鈎清光無所贈相憶鳳凰樓

新月

北周庾信

鄭環唯半出秦鈎本獨懸若交臨酒影堪言照弩弦

拜新月

唐張夫人 盛

拜新月拜月出堂前暗魄深籠桂虛弓未引弦拜新  
月拜月妝樓上鸞鏡未安臺蛾眉已相向拜新月拜  
月不勝情庭前風露清月臨人自老望月更長生東  
家阿母亦拜月一拜一悲聲斷絕昔年拜月逞容儀

天部

卷一

十二月

如今拜月雙淚垂回看衆女拜新月却憶紅閨年少  
時

拜新月

類苑  
不載

唐耿漳 中

女兒見新月即便下堦拜細語人不聞北風吹裙帶

初月

唐駱賓王 初

忌滿光恒缺乘昏影暫流既能明似鏡何用曲如鈎

初月

唐杜甫 盛

光細弦欲上影斜輪未安微升古塞外已隱暮雲端  
河漢不改色關山空自寒庭前有白露暗滿菊花團

月圓

唐杜甫 盛

孤月當樓滿寒江動夜扉委波金不定照席綺逾依  
未缺空山靜高懸列宿稀故園松桂發萬里共清輝

圓靈水鏡

唐徐敞晚

浮光上東落揚彩滿圓靈明滅淪江水盈虛逐砌  
不分沙岸白偏照海山青練色臨牕牖蟾光靄戶庭  
成輪疑壁影初魄類弓形遠近凝清質依微出衆星

圓靈水鏡

唐張聿晚

鳳池開玉鏡清瑩瀉寥天影散微波上光含片玉懸  
菱花凝汎灩桂樹映清鮮樂廣披雲日山濤卷霧年  
濯纓何處去鑒物自堪妍迴首看雲液蟾蜍勢正圓

天部

卷一

十三月

月重輪行

梁戴嵩

皇基屬明兩副德表重輪重輪非是暈桂滿自恒春  
海珠含更滅階實翳且新婕妤比團扇曹王譬洛神  
浮川疑滾壁入戶類燒銀從來看顧兔不曾聞關麟  
北堂豈盈手西園偏照人

京兆府試殘月如新月

唐鄭谷晚

榮落誰相似初終却一般猶疑和夕照誰信墮朝寒  
水國輝華別詩家比象難家人應誤拜棲烏反求安  
屈指期輪滿何心謂影殘庾樓清賞處吟徹曙鐘看

春月

唐元稹中

春月雖至明終有靄靄光不似秋冬色逼人寒帶霜  
纖粉澹虛壁輕煙籠半牀分暉間林影餘照上虹梁

詠秋月

梁虞義

影麗高臺端光入長門殿初生似玉鈎裁滿如團扇  
泛濫浮陰來金波時不見儻遇賞心者照之西園宴

秋月

唐駱賓王初

雲披玉繩淨月滿鏡輪圓哀露珠暉冷凌霜桂影寒  
漏彩含疎薄浮光漾急瀾西園徒自賞南飛終未安

月夜

唐杜甫盛

今夜鄜州月閨中只獨看遙憐小兒女未解憶長安

天部

卷一

十四月

香霧雲鬟瀟清輝玉臂寒何時倚虛幌雙照淚痕乾

月夜

唐韋應物中

皓月流春城華露積芳草坐念綺牕空翻傷清景好  
清景終若斯傷多人自老

擬明月照高樓

梁武帝

圓魄當虛闌清光流思延延思對孤影悽怨還自憐  
臺鏡早生塵匣琴又無絃悲慕屢傷節離憂亟華年  
君如東扶景妾似西柳煙相去既路迴明晦亦殊懸  
願爲銅鐵轡以感長樂前

賦得明月照高樓

唐許敬宗初

高樓一何綺素月復流明重軒望不極餘照望詎盈  
鏡華當牖照鈞影隔簾生逆愁異樽酒對此難為情

侍宴賦得龍沙宵明月

梁劉孝威

鵲飛空繞樹月輪殊未圓嫦娥望不出桂枝稍隱殘  
落照移樓影浮光動墜瀾馬悲笳吹城烏啼寒寒  
傳聞機杼妾愁余衣服單當秋緒已脆銜啼織復難  
歛眉雖不樂舞劒強為歡請謝函關吏行當封一丸

同蕭治中賦得蕩婦高樓月

梁王臺卿

空庭高樓月非復三五圓何須照牀裏終是一人眠

賦得三五明月滿

陳江總

天部

卷一

十五月

三五兔輝成浮雲

一作陰

冷復輕隻輪非戰返團扇少

歌聲雲前來往色水上動搖明况復高樓照何嗟攬  
不盈

賦得薄帷鑒明月

阮籍詠懷詩云薄帷鑒明月清風吹我衿

陳張正見

長河上桂月澄彩照高樓分簾疑碎壁隔幔似垂鈎

牕外光恒滿帷

一作中

影暫流豈及西園夜長隨飛

蓋遊

賦得秋月懸清輝

唐蔣防中

秋月沿霄漢亭亭委素輝山明桂花發池滿夜珠歸

入戶人偏攬臨枝鵲正飛影連平野淨輪度曉雲微  
晶晃浮輕露徘徊映薄帷此時千里道延望獨依依

賦得海上生明月

唐朱華

皎皎秋中月團團海上生影開金鏡滿輪抱玉壺清  
漸出三山上將凌一漢橫素娥嘗棄去烏鵲逐枝驚  
照水光偏白浮雲色最明此時亮砌下萱莢自將榮

賦得月映清淮流

唐孫綽

逢夜淮漸淨浮空月正明虛無含氣白凝澹映波清  
見底深還淺居高缺復盈虛柔知坎德持潔表陰精  
利物功難並和光道已成安流方利涉應鑒此時情

天部

卷一

十六月

賦得月映清淮流

唐吳融

淮月秋偏靜含虛夜轉明桂花窺鏡發蟾影映波生  
澹澹輪初上徘徊魄正盈遙塘分草樹近浦寫山城  
桐柏流光遠嶺珠濯景清孤舟方利涉更喜照前程

賦得三讓月成魄

唐劉琬

為禮依天象周旋逐月成教人三讓美為客一宵生  
初進輪猶暗終辭影漸明幸陪賓主位取舍任虧盈

賦得月照水池

唐葉繼良

霽夕雲初歛樓娥月未虧圓光生碧海素色滿瑤池  
天迴輪空見波凝影詎窺浮霜玉比彩照像鏡同規

皎潔寒偏淨徘徊夜轉宜誰憐幽境在長與賞心隨

賦得月照水池

唐李商隱

皓月方離海豎水正滿池金波雙激射璧彩兩參差  
影占徘徊處光含的皪時高低連素色上下接清規  
顧兔飛難定潛魚躍未期鵲驚俱欲遶狐聽始無疑  
似鏡將盈手如霜恐透肌獨憐游詠意達曉不知疲

林下映月

梁劉孝綽

明明三五月垂影當高樹攢柯半玉蟾  
哀葉彰金兔茲林有夜坐嘯歌無與晤側光聊可書含毫且成賦

峨嵋山月歌

唐李白

天部

卷一

十七

月

峨嵋山月半輪秋影入平羌江水流夜發清谿向三  
峽思君不見下渝州

洞庭秋月

唐劉禹錫

洞庭秋月生湖心層波萬頃如鎔金孤輪徐轉光不  
定游氣濛濛隔寒鏡是時白露三秋中湖平月上天  
地空岳陽樓頭暮角絕蕩漾已過君山東山城蒼蒼  
夜寂寂水月逶迤繞城白蕩槩已童歌竹枝連檣估  
客吹羌笛勢高夜久陰力全金氣肅肅開星躔浮雲  
野馬歸回首遙望星斗當中天天雞相呼曙霞出劍  
影含光讓朝日日出喧譁人不閒夜來清景非人間

樓中月夜

唐韋應物

端令倚懸檻長望抱沈憂寧知故園月今夕在茲樓  
衰運送餘馥華露湛新秋坐見蒼林變清輝愴已休  
一作收

秋閨月

唐權德輿

三五二八光如練海上天涯人共見不知何處玉樓  
前乍入深閨玳瑁筵露濃香徑知愁坐風動羅帷照  
獨眠初卷珠簾看不足斜抱箜篌未成曲稍應妝臺  
臨綺牕遙知不語淚雙雙此時秋望知何極萬里秋  
天同一色靄靄遙分陌上光迢迢對此閨中憶早晚  
天部

卷一

十八

月

禁中月

唐白居易

海上明月出禁中清夜長東南樓殿白稍稍上官牆  
淨落金塘水明浮玉砌霜不比人間見塵土汚清光

長安夜月

唐杜牧

寒光垂靜夜皓彩滿重城萬國盡分照誰家無此明  
古槐疎影薄仙桂動秋聲獨有長門裏蛾眉對曉晴

客中月

唐白居易

客從江南來來時月上弦悠悠行旅中三見清光圓



曉隨殘月行夕與新月宿誰謂月無情千里遠相逐  
朝發渭水橋暮入長安陌不知今夜月又作誰家客

客中月

唐于鄴晚

離家凡幾宵一望一寥寥新魄又將滿故鄉應漸遙  
獨臨彭蠡水遠憶洛陽橋更有乘舟客悽然亦駐橈

關山月

梁元帝

朝望清波道夜上白登臺月中含桂樹流影自徘徊  
寒沙逐風起春花犯雪開夜長無與晤衣單誰爲裁

關山月二首

陳後主

秋月上中天迴照關城前暈缺隨灰滅光滿應珠圓

天部

卷一

十九月

帶樹還添桂銜峰乍似弦復教征戍客長怨久連翩

二

戍邊歲月久恒悲望舒耀城遙接暈高澗風連影搖  
寒光帶岫徙冷色含山峭看時使人憶爲似嬌娥照

關山月

陳陸瓊

邊城與明月俱在關山頭焚烽望別壘擊斗宿危樓  
團團婕妤扇纖纖秦女鈎鄉園誰共此愁人屢益愁

關山月

陳徐陵

關山三五月客子憶秦川思婦高樓上當應應未眠  
星旗映疎勒雲陣上祁連戰氣今如此從軍復幾年

二

月出柳城東微雲掩復通蒼茫縈白暈蕭瑟帶長風  
羌兵燒上郡胡騎獵雲中將軍擁節起戰士夜鳴弓

關山月

陳賀力牧

重關歛暮煙明月下秋前照石疑分鏡臨弓似引弦  
霧暗迷旗影霜濃濕劍蓮此處離鄉客遙心萬里懸

關山月

陳阮卓

關山陵漢開霜月正徘徊映林如壁碎侵塞似輪摧  
楚師隨晦盡胡兵逐暖來寒笳將夜譟相亂晚聲哀

關山月

陳江總

天部

卷一

二十月

兔月半輪明孤關一路平無期從此別復欲幾年行  
映光書漢奏分影照胡兵流落今如此長戍受降城

關山月

陳張正見

巖間度月華流彩映山斜暈逐連城壁輪隨出塞車  
唐賞遙合影秦桂遠分花欲驗盈虛理一作方知道

路賒

關山月

北周王褒

關山夜月明秋色照孤城影虧一作半形同漢陣輪滿一作  
逐胡兵天寒光轉白風多暈欲生寄言亭上吏遊

客解雞鳴

關山月

唐崔融

月生西海上氣逐邊風壯萬里照關山蒼茫非一狀  
漢兵開郡國胡馬窺亭障夜夜聞悲笳征人起南望

關山月

唐盧照隣

塞垣通碣石虜陣抵祁連相思在萬里明月不長懸  
影移金岫北光斷玉門前寄言閨中婦愁看鴻鴈天

關山月

唐沈佺期

漢月生遼海朧朧出半暉合昏玄菟郡中夜白登圍  
暈落關山迴光含霜霰微將軍聽曉角戰馬欲南歸

關山月

唐徐九臯

天部

卷一

王一月

玉塞抵長城金微映高關遙心萬餘里直望三邊月  
霜靜影逾懸露稀光漸沒思君不可見空歎將焉歎

關山月

唐李白

明月出天山蒼茫雲海間長風幾萬里吹度玉門關  
漢下白登道胡窺青海灣由來征戰地不見有人還  
戍客望邊色一作思歸多苦顏高樓當此夜歎息未  
應聞

關山月

唐耿湓

月明邊徼靜戍客望鄉時塞古柳衰盡關寒榆發遲  
蒼蒼萬里道戚戚十年悲今夜青樓上還應照所思

關山月

唐李端

露濕月蒼蒼關頭榆葉黃迴輪照海遠分彩上樓長  
水凍頻移幕兵疲數望鄉祇應城影外萬里共胡霜

望月

宋孝武帝

寒幕蕩暄氣入夜漸流清微微風始發曖曖月初明  
思因徃物深悲以歸雲盈

望月

梁簡文帝

流暉入畫堂初照上梅梁形同七子鏡影類九秋霜  
桂花那不落團扇與誰妝空聞北牕彈未舉西園觴

又望月

梁簡文帝

天部

卷一

王一月

今夜月光來正上相思臺可憐無遠近光照悉徘徊  
澄江涵皓月水影若浮天風來如可泛流急不成圓

望江中月影

梁元帝

秦鉤一作斷復接和璧碎還聯裂紈依岫草斜桂逐  
行船卽此春江上無俟百枝然

和望月

梁庾肩吾

桂殿月偏來留光引上才圓隨漢東蚌暈逐淮南灰  
渡河光不濕移輪轍詎開此夜臨清景還承終宴杯

和徐主簿望月

梁庾肩吾

樓上徘徊月牕中愁思人照雪光偏冷臨花色轉春



星流時入暈桂長欲侵輪願以重光曲承君歌扇塵

望秋月

梁蕭子範

河漢東西陰清光此夜出入帳華珠被針筵照寶瑟  
霜慘庭上蘭風鳴簷下橘獨見傷心者孤燈坐幽室

望秋月

梁沈約

望秋月秋月光如練照曜三爵臺徘徊九華殿九華  
玳瑁梁華榱與壁璫以茲雕麗色持照明月光凝華  
入黼帳清輝縣洞房先過飛燕戶却映班姬牀桂宮  
裊裊落桂枝早寒淒淒凝白露上林晚葉颯颯鳴鴈  
門早鴻離離度湛秀質今似規委清光今如素照愁

天部

卷一

三

軒之蓬髮影金堦之輕一作微步居人臨此笑以歌別  
客對之傷且慕經衰圃映寒叢凝清夜帶秋風隨庭  
雪以偕素與池荷而共紅臨玉堦一作堦之皎皎含霜  
雷之濛濛轉天衢而徙度輾長漢而飛空隱巖崖而  
半出隔帷幌而纔通散朱庭之奕奕入青瑣而玲瓏  
寒階悲寡鶴沙洲怨別鴻文姬泣胡殿昭君思漢宮  
余亦何爲者淹留此山東

望月

梁劉孝綽

輪光缺不半扇影出將圓流光照漣漣波動映淪漣

江上望月

梁鮑泉

客行鈎始懸此夜月將弦川澄光自動流駛影難圓  
蒼蒼隨遠色瀼瀼逐漪漣無因轉還汎迴首春前賢

舟中望月

梁朱超

大江闊千里孤舟無四鄰唯餘故樓月遠近必隨人  
入風先遶暈排霧急移輪若教長似扇堪拂艷歌塵

望月

北周庾信

夜光流未曙金波影尚賒照人非七子含風映九華  
莫新半壁上桂滿獨輪斜乘舟聊可望無假逐仙一作靈槎

舟中望月

北周庾信

天部

卷一

西

舟子夜離家開船望月華川明疑有雪岸白不關沙  
天漢看珠蚌星橋視桂灰飛重暈關關落獨輪斜  
遼城望月

唐太宗

玄兔月初明澄輝照遼碣映雲光斂隱隔樹花如綴  
鬼滿桂枝圓輪虧鏡彩缺臨城却影散帶暈重圍結  
駐蹕俯九都佇觀妖氛滅

奉和望月應魏王教

唐褚亮

層軒登皎月流照滿中天色共梁珠遠光隨趙璧圓  
落影臨秋扇虛輪入夜弦所欣東館裏預奉西園篇

江中望月

唐盧照隣

江水向岑陽澄澄寫月光鏡圓珠溜微弦滿箭波長  
沈鈎搖兔影浮桂動舟芳延照相思夕千里共沾裳

秋夜望月

唐張九齡

秋天碧雲夜明月懸東方皓皓庭際色稍稍林下光  
桂華澄遠近璧彩散池塘鴻鴈飛難度關山曲易長

和李侍郎秋夜望月

唐張九齡

清秋發高興涼月復閒宵光逐露華滿情因水鏡搖  
同持亦所見異路無相招美景向空盡歡言隨事銷  
忽聽金華作誠如玉律調南宮尚爲後東觀何其遼  
名數雖云隔風期幸未遙今來重餘論懷此更終朝

天部

卷一

十五

秋夕望月

唐張九齡

清迥江城月流光萬里同所思如夢裏相望在庭中  
皎潔青苔路蕭條黃葉風含情不得語頻使桂華空

秋夜望月

唐姚崇

明月有餘鑒羈人殊未安桂含秋樹晚影入夜池寒  
灼灼雲枝淨光光草露團所思迷所在長望獨長歎

壁池望秋月

唐張子容

涼夜窺清沼池空水月秋滿輪沈玉鏡半見落銀鈎  
蟾影搖輕浪菱花渡淺流漏移光漸潔雲歛色偏浮  
似壁悲三獻疑珠怯再投能將千里意來照楚鄉愁

西樓望月

唐張籍

城西樓上月復是雪晴時寒夜共來望思鄉獨下遲  
幽光落水暫淨色在霜枝明日千里去此中還別離

南樓望月

唐僧皎然

夜月家家望亭亭愛此樓纖雲谿上斷疎柳影中秋  
漸映千峰出遙分萬派流關山時復見應獨起邊愁

登樓望月二首

唐劉闢

圓月當新霽高樓見最明素波流粉壁丹桂拂飛甍  
下瞰千門靜勿觀萬象生梧桐墮下影烏鵲檻前聲  
嘯逸劉琨興吟資庾亮情遊人莫登眺迢遞故鄉程

天部

卷一

十五

二

皎潔三秋月魏我百丈樓下分征客路上有美人愁  
帳卷芙蓉帶簾褰玳瑁鈎倚牕情渺渺憑檻思悠悠  
未得金波轉俄成玉筋流不堪三五夕夫婿在邊州

十五夜望月

唐王建

中庭地白樹棲鴉冷露無聲濕桂花今夜月明人盡  
望不知秋思在誰家

翫月城西門廨中

宋鮑照

始見一作西南樓纖纖如玉鈎未映東北墀娟娟似  
蛾眉蛾眉蔽珠櫳玉鈎隔瑣牕三五二八時千里與

君同夜移衡漢落徘徊惟戶一作中歸華先委露別

葉早辭風客遊厭苦辛仕子倦飄塵休滯自公日宴

慰及私辰蜀琴抽白雪郢曲發一作陽春肴乾酒未

闕金壺啓夕淪迴軒駐輕蓋留酌待情人

和元舍人萬頃臨池翫月戲爲新體

唐沈佺期

春風搖碧樹秋霧卷丹臺復有相宜夕池清月正開

玉流寒水動金魄度雲來熠燿光如沸翻翻景若摧

破環投積草碎壁聚流杯夜久平無煥天晴皎未噴

鏡將池作匣珠以岸爲胎有美同言暇高興獨悠哉

天部 卷一

揮翰初難擬飛名豈易陪夜光珠在握了了見沈灰

喜皇甫曾侍御見過南樓翫月聯句

唐顏真卿

喜嘉客關前軒天月淨水雲昏真卿鴈聲苦蟾影寒聞

哀汜滴檀欒時歡宴處江湖間皇甫卷翠幕吟嘉句

恨清光留不住李高駕動清角催惜歸華重徘徊

露欲晞客將醉猶宛轉照深意陸七

褒城驛池塘翫月

唐羊士諤

夜長秋始半圓影麗銀河北渚清光溢西山爽氣多

鶴飛聞墜露魚戲見增波千里家林望涼颺換綠蘿

一百五日夜對月

唐杜甫

無家對寒食有淚如金波斫却月中桂清光應更多

此離放紅藥想像嬾青娥牛女漫愁思秋期猶渡河

江中對月

唐劉長卿

空洲夕煙歛望月秋江裏歷歷沙上人月中孤渡水

過裴廸南門秋夜對月

唐錢起

夜來詩酒興月滿謝公樓影閉重門靜寒生獨樹秋

鵲驚隨葉散螢遠入煙流今夕逢天末清光一作幾

處愁

宿陽城驛對月

唐白居易

親故尋迴駕妻孥未出關鳳凰池上月送我過商山

宿藍谿對月

唐白居易

昨夜鳳池頭今夜藍谿口明月本無心行人自迴首

新秋松影下半夜鐘聲後清影不宜眠聊將茶代酒

田氏南樓對月

唐馬戴

主人同露坐明月在高臺咽咽陰蟲叫蕭蕭塞馬來

影搖疎木落魄轉曙鐘開幸免丹霞映清光溢酒杯

在縣中庭看月

梁劉琰

移榻坐庭陰初弦時復臨侍兒能勸酒貴客解彈琴

柏葉生鬢內桃花出髻心月光移數尺方知夜已深

和繆郎視月

梁何子期

清夜未云疲珠簾聊可發冷冷玉潭水映見蛾眉月  
靡靡露方垂暉暉光稍沒佳人復千里餘影徒揮忽

把酒問月

故人賈淳  
令予問之

唐李白

青天有月來幾時我今停杯一問之人攀明月不可  
得月行却與人相隨皎如飛鏡臨丹闕綠煙滅盡清  
輝發但見宵從海上來寧知曉向雲間沒白兔擣藥  
秋復春嫦娥孤棲與誰隣今人不見古時月今月曾  
經照古人古人今人若流水共看明月皆如此惟願  
常歌對酒時月光長照金樽裏

天部

卷一

三九

川

山中問月

唐白居易

爲問長安月誰教不相離昔隨飛蓋處今照入山時  
借助秋懷曠留連夜臥遲如歸舊鄉國似對好親知  
松下行爲伴谿頭坐有期千巖將萬壑無處不相隨  
與諸公池上待月

唐楊發

遊谿待月

唐僧皎然

樹密池繁岸池遙水際空菱開方吐鏡蘋動欲含風  
漸映莎汀白微分夜渚紅金波宜共賞僊棹一宵同  
谿色思汎月沿洄欲未歸殘燈逢水店踈磬憶山扉  
夜浦魚驚少空林鵲遶稀可中纔望見撩亂掃寒衣

奉和月下

齊王融

雕雲度綺錢香風入珠網獨知此夜月依遲慕神賞

月下秋宴

北齊魏收

此夕甘言宴月照露方塗使星疑向蜀劍氣不關吳  
良交契金水上客慰管蘇何必應劉董還來遊鄴都

同賀監林月清酌

唐王灣

華月當秋滿朝來假典同淨林新霽入窺院早涼通  
碎影行庭裏搖光落酒中清宵凝爽意併此助文雄

府舍月遊

唐韋應物

官舍一作寺耿深夜佳月喜同遊橫河俱半落泛露忽

天部

卷一

三十

月

驚秋散彩踈羣樹分規澄素流心期與浩景蒼蒼殊  
未收

行見月

唐王建

月初生居人見月一月行行行一年十二月強半馬  
上看盈一作圓缺百年歡樂能幾何在家見少行見多

不緣衣食相驅遣此身誰願長奔波篋中有帛倉中  
粟豈向天涯走碌碌家人中一作見月望我歸正是道

上思歸時

中夜起望西園值月上

唐柳宗元

覺聞繁露墜開戶臨西園寒月上東嶺泠泠踈竹根

石泉遠逾響山鳥時一喧倚檻遂至旦寂寞將何言

詠月贈人

北周王褒

月色當秋夜斜暉映薄帷上弦如半璧初魄似蛾眉  
渡雲光忽馭中天影更遲高陽懷許遠對此益相思  
令孤舍人說昨夜西掖詠月因戲贈

唐李商隱

昨夜玉輪明傳聞近太清涼波衝碧瓦曉暈落金莖  
露索秦宮井風絃漢殿爭幾時綿竹頌擬薦子虛名

望月有所思

梁劉孝綽

秋月始纖纖微光垂步簷臃臃入牀簾影翳鑑應簾  
天部 卷一

簾螢隱光息簾蟲映光纖玉羊東北上金虎西南舛  
長門隔清夜高堂夢容色如何當此時懷情滿曾臆

望月有所思

唐駱賓王

九秋涼氣肅千里月華開圓光隨露湛碎影逐波來  
似霜鳴玉砌如鏡寫珠胎曉色依關近邊聲雜吹哀  
離居分照耀愁緒共徘徊自繞南飛羽空忝北堂才

望月有懷

唐康庭芝

天使下西樓光含萬里秋臺前疑挂鏡簾外似懸鉤  
張尹將眉學班姬取扇倚佳期應借問爲報在刀頭  
和康五庭芝望月有懷 唐杜審言

明月高秋迴愁人獨夜看暫將弓並曲翻與扇俱團  
霧濯清輝苦風飄素影寒羅衣一此鑒頓使別離難

望月懷遠

唐張九齡

海上生明月天涯共此時情人怨遙夜竟夕起相思  
滅燭憐光滿披衣覺露滋不堪盈手贈還空寄相思

月下懷

唐孟浩然

秋空明月懸光彩露濕驚鷺棲未定飛螢卷簾入  
庭牕寒影踈隣杵夜深急佳期曠何許悵空佇立

挂席江上待月有懷

唐李白

待月月未出望江江自流倏忽城西郭青天懸玉鉤  
天部 卷一

素華雖可攬清景不同遊耿耿金波裏空瞻鵲樓  
望新月示同羈 梁何遜

初宿長淮上破鏡出雲明今夕千餘里雙蛾映水生  
的的與沙靜灩灩逐波輕望鄉皆下淚非我獨傷情  
暮秋望月示學士各釋愁應教 隋徐儀

隋徐儀

碣石寒光遠□□秋色高長洲正下葉曲岸已飛濤  
君王帳晚節延佇謁神臯復屬西園夜輕輦暫遊遨  
遊遨未云賞蒼茫孤月上枝間影合離波上光來往  
此夕未央宮應照仙人掌掌高明轉淨夜深留睿想

處處敞高局流照滿珠庭重輸入雅曲合璧應祥經  
燦爛浮珠網參差間玉星山幽有芳桂林靜發新聲  
賞開布帝城分枝共月明斜暉漸西落彌軫憶歸情  
驂駕且來遊聖藻命舒愁詢芻以蠲瘼參妙本難酬  
良史稱天閔因時命應劉楚王追綠咒齊后由青丘  
馳原落雲翼截水曳谷舟無勞子虛詫即事可忘憂

秋山望月謝李騎曹

唐李嶠

愁客坐山隈懷抱自悠哉况復高秋夕明月正徘徊  
高高出迥岫皎皎映層臺色帶銀河滿光含玉露開  
澹雲籠影度虛暈抱輪迴谷遠涼陰靜山空夜響哀

天部

卷一

三五

寒催數鴈急風送一螢來獨軫離居恨遙想故人杯

詠月呈漢中王

唐杜甫

夜深露氣清江月滿江城浮客轉危坐歸舟應獨行  
關山同一照一作點鳥鵲自多驚欲得淮王術風吹暈  
已生

南齋詠月憶山陰崔少府

唐王昌齡

高臥南齋時開帷月初吐清輝涵水木演漾在牕戶  
冉冉幾盈虛澄澄變今古美人清江畔是夜越吟苦  
千里其何如微風吹蘭杜

谿中月下寄楊子尉封亮

唐李益

團團山中月三五離夕同露凝朱絃絕觸至蘭玉空  
清光液流波盛明難再逢常恐河漢遠坐窺煙景窮  
小人諒處陰君子樹大功永願厲高翼慰我丹桂叢  
郡中詠月寄江南李少尹虞部孟員外

唐羊士諤

桂華臨洛浦如挹李膺仙茲夕披雲望還吟擲地篇  
鳳池分直夜牛渚汎舟年會是風流賞惟君內史賢

直中書詠月見寄

此題必有遺字

唐李端

名卿步月正淹留上客裁詩怨別遊素魄近成班女  
扇清光遠似庾公樓嬋娟更稱憑高望皎潔能傳自

天部

卷一

三五

古愁盈手入懷皆不見陽春曲麗轉誰訓

奉和太常王卿訓中書李舍人中書寓直春夜

對月見寄

唐盧綸

露如輕雨月如霜不見星河見鴈行虛傳入池波自  
汎滿輪當苑桂多香春臺幾望黃龍闕雲路寧分白  
玉郎是夜已歌應金石豈殊螢火對清光

訓集賢劉郎中對月見寄兼懷元浙東

唐白居易

月在洛陽天天高淨如水下有白頭人挈衣中夜起  
思遠鏡亭上光深書殿裏眇然三處心相去各千里



江樓月夜元微之

唐白居易

嘉陵江曲曲江池明月雖同人別離一宵光景潛相憶兩地陰晴遠不知誰料江邊懷我夜正當池畔望君時今朝共語方同悔不解多情先寄詩

對月答元明府

唐戴叔倫

山下孤城月上遲相留一醉本無期明年此夕遊何處縱有清光知對誰

峨嵋山月歌送蜀僧晏入中京

唐李白

我在巴東三峽時西看明月憶峨嵋月出峨嵋照滄海與人萬里長相隨黃鶴樓前月華白此中忽見峨

天部

卷一

三五

峨嵋峨嵋山月還送君風吹西到長安陌風吹大道橫九天峨嵋山月照秦川黃金獅子承高座白玉塵尾譚重玄我似浮雲滯吳越君逢聖主遊丹闕一振高名滿帝都歸時還弄峨嵋月

詩集類函卷一

詩集類函卷二

東吳俞安期彙纂

宣城梅鼎祚增定

侯官曹學佺訂校

天部二

星河風雲

○星

詠星

唐董思恭

歷歷東井含昭昭右掖垣雲際龍文出池中鳥色翻流暉下月露墜影入河源方知潁川集別有太丘門

詠星

唐李嶠

蜀郡靈槎轉豐城寶劍新將軍臨北塞天子入西秦

天部

卷二

星

未作三台輔寧爲五老臣今宵潁水曲誰識聚賢人

衆星詩

晉傅玄

明月共衆星日出擅其明冬寒地爲裂春和草木榮陽德雖普濟非陰亦不成

賀老人星詩

北齊邢邵

瑞動星光照化移月輪重庶徵符社錄將以贊時雍

月夜觀星

隋煬帝

團團素月淨脩脩夕景清谷泉驚暗石松風動夜聲披衣出荆戶躡屣步山楹欣親明堂亮喜見泰階平甯參猶可識牛女尚分明更移斗柄轉夜久天河橫

徘徊不能寐參差幾種情

奉和月夜觀星應令

隋諸葛穎

宵篠補居遠蕭條更漏深薄煙淨遙色高樹肅清陰  
星月滿茲夜燦爛還相臨連珠欲東上團扇漸西沈  
澄水含斜漢脩樹隱橫參時聞送籌檠屢見繞枝禽  
聖情記餘事振玉復鳴金

奉和月夜觀星應令

隋袁慶隆

六龍出匿影顧兔始馳光戒井傳宵漏詩陸士衡宜武堂

山庭引夕涼宸居多勝託閒步出琳堂爛爛星芒動

耿耿清河長青道移天駟北極轉文昌詩陸士衡宜武堂喬枝猶隱畢

天部 卷二

絕嶺半侵張仰觀留玉裕詩陸士衡宜武堂睿作動金

相無庸徒抱寂何以繼連章

奉和月夜觀星應令

隋蕭琮

陽精去南陸大曜始西流夕風淒謝暑夜氣應新秋  
重門月已映巖城漏漸脩臨風出累榭度月蔽層樓  
靈河隔神女仙轡動星牛玉衡指棟落瑤光對幌留  
徒知仰閭闔乘槎未有由

奉和月夜觀星應令

隋虞世南

早秋炎景暮初弦月彩新清風滌暑氣文露淨露塵  
蕩霧銷輕縠鮮雲卷夕鱗休光灼前耀瑞彩接重輪

緣情摘聖藻並作命徐陳宿草誠淪濫吹噓偶縉紳  
天文豈易述徒知仰北辰

賦觀老人星

唐趙蕃

太史占南極秋分見壽星增輝延寶曆發曜起祥經  
灼爍依狼地昭彰近帝庭高懸方杳杳孤白乍煒煒  
應見光親吐休徵德自形既能符聖祚從此表遐齡

賦觀老人星

唐李頻

良宵出戶庭極目向青冥海內逢康日天邊見壽星  
臨空遙的的竟曉獨煒煒春後先依景秋來忽近丁  
垂休歸有道作瑞掩前經豈比周王夢徒言得九齡

天部 卷二

賦得壽星見

唐盧渥

玄象金何應時和政亦平祥為一人壽色映九霄明  
皎潔垂銀漢光芒近斗城含規同月滿表瑞得天清  
甘露盈條降非煙向日生無如此嘉祉率土荷秋成

賦得郎官上應列宿

唐公乘億

北極佇文昌南宮曉拜郎紫泥乘帝澤銀印佩天光  
緯結三台側鈎連四輔傍佐商依傳說仕漢笑馮唐  
委佩搖秋色峨冠帶晚霜自然符列象千古耀巖廊

明河篇

唐宋之間



八月涼風天氣清萬里無雲河漢明  
見南樓清且淺曉落西山縱復橫  
洛陽城闕天中起長河夜夜千門裏  
復道連薨共蔽虧畫堂瓊戶特相宜  
雲母帳前初汎濫水精簾外轉逶迤  
倬彼昭回如練白復出東城接南陌  
陌征人去不歸誰家今夜擣寒衣  
驚鷺機上疎螢度烏鵲橋邊一鴈飛  
鴈飛螢度愁難歇坐見銀河漸微沒  
已能舒卷任浮雲不惜光輝讓流月  
明河可望不可親願得乘槎一問津  
更將織女支機石還訪成都賣卜人

卷二

四

天部  
不許乃作明河篇以見其意

天河

唐杜甫

常時任顯晦秋至最分明縱被微雲掩終能永夜清  
含星動雙闕伴月落邊城牛女年年會何曾風浪生

賦得秋河曙耿耿

陳張正見

耿耿長河曙濫濫宿雲浮天路橫秋水星橋轉夜流  
月下姮娥落風驚織女秋德星猶可見仙槎不復留

賦得秋河曙耿耿

唐陳潤

曉望秋高夜微明欲曙河橋成鵲已去機罷女應過  
月上殊開練雲行類動波尋源不可到耿耿復如何

賦得玉繩低建章

唐張仲素

迢迢玉繩下芒彩正闌干稍復臨鵲方疑近露寒  
微明連粉堞的皪映僊盤橫接河流淺低將夜色殘  
天榆隨影沒官樹與光攢遐想西垣客長吟欲罷難

○風

詠風

齊謝朓

徘徊發紅萼歲蕤動綠葳垂楊低復舉新萍合且離  
步檐行袖靡當戶思襟披高響飄歌吹相思子未知  
時拂孤鸞鏡星鬢視參差

詠風

梁簡文帝

天部

卷二

五

風

飄飄散芳勢泛漾下蓬萊傳涼入鏤檻發氣滿瑤臺  
委禾周邦偃飛颿宋都迴亟搖故葉落屢蕩新花開  
暫舞驚鳬去時送蒨一作香來已拂巫山雨何用卷  
寒灰

詠風

梁元帝

樓上試朝妝風花下砌旁入鏡先飄粉翻衫好染香  
度舞飛長袖傳歌共繞梁一作繞欲因吹少女還持  
拂大王

詠風

梁王臺卿

浸淫不可識去來非有情乍見珠簾捲時覺洞房清

暫拂蘭池上漱淡玉波生一辨雄雌異還惡庶人輕

詠風

梁庾肩吾

宋地鷗飛初湘川燕起餘掃一作壇聊動竹吹雄欲

成書蒼梧洞猶在一作蒼梧合浦樹應踈陽鳥一轉

翅千里定非虛

詠風

梁劉孝綽

嫋嫋秋聲習習春吹鳴茲玉樹渙此銅池羅幃自舉

襟袖乃披慙非楚侍濫賦雄雌

詠風

陳祖孫登

颯颯楚王宮徘徊繞竹叢帶葉俱吟樹將花共儻空

天部

卷二

六一

飄香雙袖裏亂曲五絃中試上高臺聽悲響定無窮

賦得風

陳阮卓

高風應爽節搖落漸疎林吹雲旅鴈斷臨谷曉松吟

屢惜一作涼秋扇常飄清夜琴泠泠隨列子彌諧逸

豫心

詠風

唐太宗

蕭條起關塞搖颺下蓬瀛拂林花亂彩響谷鳥分聲

披雲羅影散汎水織文生勞歌大風曲威加四海清

漢高祖大風歌曰大風起兮雲飛揚威加海內兮歸故鄉安得猛士兮守四方

奉和詠風應魏王教

唐虞世南

逐舞飄輕袖傳歌共繞梁動枝生亂影吹花送遠香

詠風

唐董思恭

蕭蕭度閭闔習習下庭闈花蝶自飄舞蘭蕙先光輝

相鳥正舉翼退鷁已驚飛方從列子御更逐雲歸

詠風

唐李嶠

落日生蘋末搖颺徧遠林帶花疑鳳舞向竹似龍吟

月動臨秋扇松清入夜琴蘭臺宮殿峻還拂楚王襟

詠風

唐王勃

肅肅涼景生加我林壑清驅煙尋磻戶卷霧出山楹

去來固無跡動息如有情日落山水靜爲君起松聲

天部

卷二

七一

秋晨同淄川毛司馬詠風

唐駱賓王

紫陌炎氛歇青蘋晚吹浮亂竹搖疎影縈池織細流

飄香曳舞袖帶粉汎妝樓不念一作君恩絕純扇曲

中秋

詠風

唐張祐

搖搖歌扇舉悄悄舞衣輕引笛秋臨塞吹沙夜遶城

向峰迴鴈影出峽送猿聲何似琴中奏依依別帶情

詠風

唐呂溫

微風生青蘋習習出金塘輕搖深林翠靜獵幽徑芳

北走摧鄧林東去落扶桑掃却垂天雲澄清無私光

悠然泛空寂晏海通舟航

風

唐李商隱

迴拂來鴻急斜催別鷺高已寒休慘澹更遠尚呼號  
楚色分西塞夷音接下牢歸舟天外有一為戒波濤

詠春風

梁何遜

可聞不可見能重復能輕鏡前飄落粉琴上響餘聲

詠春風

梁賀文標

排簾動輕幔一作憶汎水拂垂楊本持飄落藥翻送舞  
衣香

朝春風

唐溫庭筠

天部

卷二

八

風

春風何處好別殿饒芳草冉弱轉鸞旗歲寒吹雉葆  
揚芳歷九門澹蕩入蘭蓀爭奈白團扇時時偷王恩

秋風辭

漢武帝

秋風起兮白雲飛草木黃落兮鴈南歸蘭有秀兮菊  
有芳懷佳人兮不能忘汎樓船兮濟汾河橫中流兮  
揚素波

和巴陵王秋風曲三首

梁江洪

二

嬌婦悲四時况在秋閨內淒葉留晚蟬虛庭吐寒菜

三

北牖風摧樹南籬寒蛩吟庭中無限月思婦夜鳴砧

秋風引

唐劉禹錫

何處秋風至蕭蕭送鴈羣朝來入庭樹孤客最先聞

北風

唐杜甫

春生南國瘴氣待北風蘇向晚靈殘日初宵鼓大鑪  
爽攜卑濕地聲拔洞庭湖萬里魚龍伏三更鳥獸呼  
滌除貪破浪愁絕付摧枯執熱沈沈在凌寒往往須  
且知覺疾肺不敢恨危塗再宿煩舟子衰容問僕夫  
今晨非盛怒便道即長驅隱几看帆席雲山湧坐隅

天部

卷二

九

風

西風

唐白居易

西風來幾日一葉已先飛新霽乘輕屐初寒換熱衣  
淺渠銷漫水疎竹漏斜暉薄暮青苔巷家僮引鶴歸

冬至日祥風應候

唐穆寂

節逢清景空占氣二儀中獨喜登臺日先知應候風  
呈祥光舜化表慶感堯聰一作况與乘時叶還將入  
律同微微萬井遍習習九門通更繞爐煙起殷勤報  
歲功

賦得八風從律

唐蔣防

製律窺元化因聲感八風遠從萬籟起更與五音同

習習爐煙上泠泠玉管中氣隨時物好響徹霄天空  
自得陰陽順能令惠澤通願吹寒谷裏從此達前蒙

賦得風動萬年枝

唐樊陽源

珍木羅前殿乘春任好風振柯方裊裊舒葉乍濛濛  
影動丹墀上聲傳紫禁中離披偏向日凌亂半分空  
輕拂祥煙散低垂翠色同長令占天眷四氣借全功

賦得風動萬年枝

唐許稷

瓊樹春偏早光飛處處暎浮三殿日暗度萬年枝  
婀娜搖僊禁續翻映玉池含芳煙乍合拂砌影初移  
爲近韶陽煦皆先衆卉垂成陰知可待不與衆芳隨

天部

卷二

十一風

賦得風動萬年枝

唐韋紱

嘉名標萬祀擢秀出深宮嫩葉含煙靄芳柯振惠風  
參差搖翠色綺靡舞晴空氣稟禎祥異榮霑雨露同  
天年方未極聖壽比應崇幸列華林裏知殊衆木中

賦得風不鳴條

唐盧肇

習習和氣至過條不自鳴暗通青律起遠望白蘋生  
拂樹花仍落經林鳥自驚幾牽蘿蔓動潛惹柳絲輕  
入谷迷松響開牕失竹聲薰絃方在御萬國仰皇情

賦得風不鳴條

唐姚鵠

吾君理化清上瑞報昇平曉吹何曾息柔條自不鳴

花香知暗度柳動覺潛生只見低垂勢那聞擊觸聲  
大王初溥暢少女正輕盈幸遇無私力幽芳願發榮

賦得風不鳴條

唐黃頌

五緯起祥飈無聲瑞聖朝稍開含露蕊纔轉惹煙條  
密葉應潛變低枝幾暗搖林間鴛欲嚙花下蝶微飄  
初滿緣堤草因生逐水苗太平無一事天外奏虞韶

賦得風不鳴條

唐左牢

旭日懸清景微風在綠條入松聲不發過柳影空搖  
長卷應潛變一作扶疎每暗飄有林時嫋嫋無樹漸  
蕭蕭誤逐青煙散輕和翠色饒豐年知有待歌詠美

天部

卷二

十一風

唐堯

賦得風不鳴條

唐金厚載

寂寂曙風生遲遲散野輕露華搖有滴林葉裊無聲  
暗翦叢芳發空傳谷鳥鳴悠揚韶景靜澹蕩霽煙橫  
遠水波瀾息荒郊草樹榮吾君垂至化萬類共澄清

賦得風光草際浮

唐裴杞

澹蕩和風至芊綿碧草長徐吹遙撲翠半偃乍浮光  
葉似翻宵露疑疑扇夕陽遙迤明曲渚照耀滿迴塘  
白芷生還暮崇蘭汎更香誰知攬結處含思向餘芳

賦得風光草際浮

唐張復元

纖纖春草長遲日度風光  
羅摩含新彩霏微籠遠芳  
殊姿媚原野佳色滿池塘  
最好垂清露偏宜帶豔陽  
淺深浮嫩綠輕麗拂餘香  
好助鶯遷勢乘時翼便翔

賦得風光草際浮

唐陳瑞

春風汎瑤草九日遍神州  
已向花間積還來葉上浮  
曉光綠圃麗芳氣滿街流  
澹蕩依朱萼颿颿帶玉溝  
向空看轉媚臨水見彌幽  
况被藜蘭色王孫正可遊

賦得風光草際浮

唐吳秘

草色春沙裏風光曉正幽  
輕明搖不散郁昱麗仍浮  
吹緩苗難轉輝間葉本柔  
碧疑煙彩入紅似一作日

天部

卷二

十二風

華流耐可披襟對誰應滿掬收  
恭聞掇芳客爲此尚淹留

賦得風光草際浮

唐陳祐

秀發王孫草春生君子風  
光搖低偃處影散豔陽中  
稍稍移蘋末微微轉蕙叢  
浮煙傾綠野遠色澹晴空  
汎彩池塘媚含芳景氣融  
清輝誰不挹幾許賞心同

賦得春風扇微和

唐公乘億

麗日催遲景和風扇早春  
暖浮丹鳳闕韶媚黑龍津  
澹蕩迎僊仗霏微送畫輪  
綠搖官柳散紅待禁花新  
舞席皆迴雪歌筵暗送塵  
幸當陽律候佳願及佳辰

賦得春風扇微和

唐陳九流

喜見陽和至遙知橐籥功  
遲遲散南陌裊裊逐東風  
暗入芳一作園裏潛吹草木中  
蘭蓀纔有綠桃杏未成紅  
已覺寒光盡還看淑氣通  
由來榮與悴今日發應同

賦得春風扇微和

唐張彥

木德生和氣微微入曙風  
暗催南向葉漸翦北歸鴻  
澹蕩侵水谷悠揚轉蕙叢  
拂塵迴廣路汎瀨過遙空  
暖上煙光際雲移律候中  
扶搖如可借從此戾蒼穹

賦得春風扇微和

唐范傳正

暖暖當遲日微微扇好風  
吹搖新葉上光動淺花中  
澹蕩凝清晝氤氳碧空稍  
看生綠水已覺散芳叢  
徒倚情偏適徘徊賞未窮  
妍華不可狀竟夕氣融融

賦得春風扇微和

唐陳通方

習習和風扇悠悠淑氣微  
陽升知候改律應喜春歸  
池柳晴初坼林鶯暖欲飛  
川原浮彩翠臺館動光輝  
汎豔搖丹闕揚芳入粉闥  
發生當有分枯朽幸因依

賦得春風扇微和

唐柳道倫

青陽初入律淑氣應春風  
始辨梅花裏俄分柳色中  
依微開夕一作照澹蕩媚晴空  
拂水生蘋末經巖觸

桂叢稍抽蘭葉紫微吐杏花紅願逐仁風布將裨生植功

賦得春風扇微和

唐崔立之

時令忽已變年光俄又春高低惠風入遠近芳氣新  
靡靡纔偃草冷冷不動塵溫和乍扇物煦嫗偏感人  
去出桂林漫來過蕙圃頻晨輝正澹蕩披拂長相親

賦得春風扇微和

唐盧綸

春晴生縹緲軟吹和初遍池影動滄淪山容發蔥蒨  
遲遲入綺閣習習流芳甸樹杪颺鸞啼堦前落花片  
韶光恐閒放旭日宜遊宴文客拂塵衣仁風願廻扇

天部

卷二

古

風

賦得春風扇微和

唐邵偃

微風扇和氣韶景共芳晨始見郊原綠旋過御苑春  
三條開廣陌八水汎通津煙動花間葉香流馬上人  
逶迤雲彩曙嘹唳鳥聲頻爲報東堂客明朝桂樹新

賦得景風扇物

唐張聿

何處青蘋末呈祥起遠空晚來搖草樹輕度淨塵蒙  
水上微波動林間媚景通寥天鳴萬籟蘭  
徑長幽叢漸颺搏扶勢應從橐籥中開襟若有日願

觀大王風

賦得清風戒寒

唐

蕭颯清風至悠然發思端入林翻別葉繞樹敗紅蘭  
曉拂輕霜度宵分遠籟攢稍依簾隙靜遍舉座隅寒  
乍逐驚蓬振偏催急漏殘遙知洞庭水此夕起波瀾

會園臨春風

梁沈約

臨春風春風起春樹游絲暖如網一作落花霏似霧  
先泛天淵池還過細柳枝蝶逢飛搖颺燕值羽差池  
揚柱旆動芝蓋開燕裾吹趙帶趙帶飛參差燕裾合  
且離迴簪復轉黛顧步惜容儀容儀已灼灼春風復  
迴薄氛氲桃李花青附含素萼旣爲風所開復爲風  
所落搖綠蒂抗紫莖舞春雪雜流鶯曲房今開金鋪響

天部

卷二

五

風

金鋪響今妾思驚梧臺未陰淇川始碧迎行雨於高  
唐送歸鴻於碣石經洞房響紉素感幽閨思惟帝想  
芳園今可以遊念蘭翹今漸堪摘拂明鏡之冬塵解  
羅衣之秋髮旣鏗鏘以動佩又細縵而流射始搖蕩  
以入閨終徘徊而緣隙鳴珠簾於繡戶散芳塵於綺  
席是時悵思歸安能久行役佳人不在茲春風誰爲  
惜

詠入幌風

梁費昶

經堂一作房汎寶瑟乘隙動浮埃鏘金驅響至舉袂送  
芳來能使蘭膏滅乍見珠簾開輕裾試一舉令子暫



遲迴

江上風

唐僧皎然中

江風西復東飄暴忽何窮初生虛無際乍起蕩漾中  
應吹夏口檣竿折定感淦城浪花咽今朝莫怪沙岸  
明昨夜聲狂捲成雪

邊風行

唐劉禹錫中

邊風蕭蕭鳴邊馬滿磧生暗添弓箭力陡上鼓聲聲  
襲月寒暈起吹雲陰陣成將軍占氣候出號夜翻營

江都遇風

晉庾闡

天吳踊靈壑將駕奔冥霄飛廉振析木流一作靈景登

天部

卷二

十六風

扶搖洪川佇宿浪躍水迎晨潮仰盼感玄雲俯聽聒  
悲風

江上遇疾風

唐張九齡初

疾風江上起鼓怒揚煙埃白晝晦如夕洪濤聲若雷  
投林鳥鏃羽入浦魚曝鰓瓦飛屋且發帆快檣已摧  
不知天地氣何為此喧喧

西征軍行遇風

唐崔融初

北風卷塵沙左右不相識颯颯吹萬里昏昏同一色  
馬煩莫敢進人急未遑食草木春更悲天景晝相匿  
夙齡慕忠義雅尚存孤直覽史懷浸驕讀書歎孔棘

及茲戎旅地不從書記職兵氣騰北荒軍聲振西極  
坐覺威靈遠行看氛祲息愚臣何以報倚馬申微力

岐陽守風

宋鮑照

差池玉繩高掩謁一作映瑤井沒廣岬中宿陰懸岬樓

歸月役人喜先馳軍令申早發洲迴風正悲江寒霧  
未歇飛雲日東西別鶴方楚越塵衣孰揮澣蓬思亂  
光髮

光髮

標口守風

梁劉孝綽

春心已應豫歸路復當歡如何此日風靈曉駭波瀾  
倏見搖心慘俄瞻鄉路難賴有同舟客移宴息層巒

天部

卷二

十七風

華茵藉初卉芳樽散緒寒謔浪雖云善江流苦未安  
何由入故園詎卽紉新蘭寄謝浮丘子暫欲假飛鸞

和劉諮議守風

梁何遜

彌旬苦凌亂揆景候阡陌晝想汝陽津夜夢邯鄲驛  
憤風急驚嘶屯雲仍觸石蕭條疾帆流碣磳衝波白  
息榜已云久維稍晨已積蒼蒼極浦潮香香長洲夕

本慙飲飛劍寧慕澹臺壁織羅若不口歧予中上澤

銅官渚守風

唐杜甫

不夜楚帆落避風湘渚間水耕先浸草春火更燒山  
早泊雲物晦逆行波浪怪飛來雙白鶴過去香難攀

庚子歲五月中從都還阻風於規林二首

晉陶淵明

行行循歸路計日望舊居一欣待溫顏再喜見友于  
鼓棹路崎曲指景限西隅江山豈不險歸子念前途  
凱風負我心戢柁守窮湖高舂眇無界夏木獨森疎  
誰言客舟速近瞻百里餘延目識南嶺空歎將焉如

二

自古歎行役我今始知之山川一何曠巽坎難與期  
崩浪聒天響長風無息時久遊戀所生如何淹在茲  
靜念園林好人間良可辭當年詎有幾縱心復何疑

天部

卷二

十八

風

和杜學士旅次淮口阻風

唐李嶠初

夕吹生寒浦清淮上暝潮迎風欲舉棹觸浪反停橈  
森漫煙波濶參差林岫遙日沈丹氣歛天敞白雲銷  
水鴈銜蘆葉沙鳥隱荻苗客行殊未已川路幾迢迢

松滋江北阻風

唐閻寬盛

江風久未歇山雨復相仍巨浪天涯起餘寒川上凝  
憂人勞夕惕鄉事憶晨興遠聽知音駭誠哉不可陵

汴河阻風

唐孟雲卿盛

清晨自梁宋挂席之楚荆幽浦風漸惡傍灘舟欲橫  
大河噴東注羣動皆宵冥白霧魚龍氣黑雲牛馬形

蒼茫迷所適危安懼暫寧信此天地內孰爲身命輕  
丈夫苟未達所向須有成前路捨舟去東南仍晚晴

行漢水晚次神灘阻風

唐僧無可晚

驚風山半起舟子忽停橈听荻吹先亂灘聲落更跳  
聽松欲今暮過島或明朝若盡平生趣東浮看石橋

遭風

唐元稹中

洞庭瀾漫接天迴一點君山似措杯暝色已籠秋竹  
樹夕陽猶帶舊樓臺湘南買伴乘風信夏口篙工厄  
汜洄罔象睢盱頻逞怪石尤翻動忽成災騰靈豈但  
河宮溢塊軋渾憂地軸摧疑是陰兵致昏黑果聞靈

天部

卷二

十九

風

鼓借喧騰龍歸窟穴深潭旋屈作波濤古岸噴水客  
暗游燒野火楓人夜長吼春雷浸淫沙市兒童亂汨  
沒汀洲鴈驚哀在昔詎慚橫海志此時甘乏濟川才  
歷陽舊事曾爲驚鮫穴相傳有化能閉目唯愁滿空  
電冥心真類不然灰那知否極休徵至漸覺宵分曙  
氣催怪族潛收湖黯湛幽妖盡走日崔嵬紫衣將校  
臨船問白馬君侯傍柳來喚上驛亭還酩酊兩行紅  
袖拂鐙鑿

西陵遇風獻康樂

宋謝惠連

我行指孟春春仲尚未發趣途遠有期念離情無歇



戒裝候良辰漾舟陶嘉月瞻塗意少悵還顧情多闕

二

哲兄感此別相送越垌林飲饒野亭館分袂澄湖陰  
悽悽留子言眷眷浮客心迴塘隱艫棹遠望絕形音

三

靡靡卽長路戚戚抱遙悲遙但自拜路長當語作  
問誰行行道轉遠去去情彌遲昨發浦陽汭今宿浙

江湄

四

屯雲蔽層嶺驚風湧飛流零雨潤墳澤落雪灑林丘

天部

卷二

二十風

浮氛晦嘯嘯積素惑原疇曲汜薄停旅一作依通川絕

行舟

五

臨津不得濟佇楫阻風波蕭條洲渚際氣色少諧和  
西瞻一作瞻興游歎東睇起悽歌積憤成疾痼無萱將  
何如

江上使風寄裴耀卿

唐張九齡初

江路與天連風帆何淼然遙林浪出沒孤舫鳥聯翩  
常自千鈞重深思萬事捐報恩非徇祿還逐賈人船

訓張九齡江上使風見示

唐裴耀卿初

茲地五湖隣艱哉萬里人驚駭翻是託危浪亦相因  
宣室才華子金閨諷議臣承明有二入去去速歸輪  
纜船苦風戲題四韻奉簡鄭十三判官

唐杜甫盛

東岍朔風疾天寒鷁鷁呼漲沙覆草樹舞雪渡江湖  
吹帽時時落維舟日孤因聲置驛外爲覓酒家壚  
洞庭湖阻風贈張十一署

唐韓愈中

十月陰氣盛北風無時休蒼茫洞庭岸與子雙維舟  
霧雨晦爭泄波濤怒相投犬鷄斷四聽糧絕誰與謀  
相去不容步險如礮山丘清譚可以飽夢想接無由

天部

卷二

三十一風

男女喧左右饑啼但啾啾非懷北歸興何用勝羈愁  
雲外有白日寒光自悠悠能令暫開霽過是吾無求  
竹牕聞風寄苗發司空曙

唐李益中

微風驚暮坐臨牖思悠哉開門復動竹疑是故人來  
時滴枝上露稍沾堦下苔何當一入幌爲拂綠琴埃

迴風有懷

唐呂溫中

銀宮翠島煙霏霏珠樹玲瓏朝日暉神僊望見不得  
到却逐迴風何處歸

雲

詠雲

梁簡文帝

浮雲舒五色瑤瑤應霜天玉葉散秋影金風飄紫煙

詠雲二首

梁吳均

飄飄上碧虎藹藹隱青林氛氲如有意縈鬱詎無心

二

白雲蒼梧來過拂章華臺逢河散復卷經風合且開

詠雲二首

唐李嶠

英英大梁國郁郁秘書臺碧落從龍起青山觸石來  
官名光遠古蓋影耿輕埃飛感高歌發威加四海迴

二

大梁白雲起氛氲殊未歇錦文觸石來蓋影凌天發

天部

卷二

王

烟煴萬年樹掩映三秋月會入大風歌從龍赴員闕

詠雲

唐董思恭

帝鄉白雲起飛蓋上天衢帶月綺羅映從風枝葉敷

參差過層閣倏忽下蒼梧因風望既遠安得久踟躕

詠雲

唐于季子

瑞雲千里映祥輝四望新隨風亂鳥足汎水結魚鱗

布葉疑臨夏開花詎待春願得承嘉景無令掩桂輪

詠雲

唐李商隱

捧月三更斷藏星七夕明纔聞飄迴路旋見隔重城

潭暮隨龍起河秋壓鴈聲只因唯宋玉知是楚神名

雲歌

晉傅玄

白雲翩翩翔天庭流景影非君形白雲飄飄矜我

高翔青雲徘徊爲我愁腸

雲歌

梁王暕

玉雲初度色金風送影來全生疑魄暗辛去月時開

欲知無處所一爲上陽臺

雲

唐杜甫

龍以瞿塘會江依白帝深終年常起峽每夜必通林

收穫辭霜渚分明在夕岑高齋非一處秀氣豁煩襟

浮雲

魏文帝

天部

卷二

王

西北有浮雲亭亭如車蓋惜哉時不遇忽與飄風會

吹我東南行行行至吳會吳會非我鄉安能久留滯

棄置勿復陳客子常畏人

浮雲

梁簡文帝

可憐片雲生暫重複還輕欲使襄王夢應過白帝城

玄雲

梁張率

壞陣壓峨壘遮牕暗思扉映日斜生海跨樹似鵬飛

夢山妾已去落靨何由歸

和王中書德充詠白雲

梁沈約

白雲自帝鄉氛氲屢迴沒蔽虧崑山樹含吐瑤臺月

秋風西北起飄我過城闕城闕已參差白雲復離離  
皎潔在天漢倒影入華池將過丹丘野時至碧林垂  
九重迎飛燕萬里送翔螭

梁陶弘景

山中何所有，嶺上多白雲。只可自怡悅，不堪持寄君。

唐梁德裕

彩雲呈瑞質五色發人寰獨作龍虎狀孤飛天地間  
隱隱臨北極叢叢象南山恨在帝鄉外不逢枝葉攀

陳張正見

西北春雪起遙臨  
偃蓋松根危纔吐  
葉氣淺未成峰

西

風前飛未斷日處下一作影疑重體輕無五色詎是得

從龍

唐鄧倚中

搖曳自西東依林又逐風勢移清道裏影汎蕩一作淥

波中夕霽方明日朝陰復蔽空度關隨去馬出塞引

歸鴻色任寒暄變光將遠近同爲霖如見用還得助

成功

唐裴澄中

漠漠復溶溶。春任所從映林初展葉。觸石未成峰。  
旭日消寒翠。晴煙點淨容。霏微將似滅。深淺又如重。

薄彩臨谿散輕陰帶雨濃空餘負樵者領上自相逢

唐駱賓王

南陸銅渾改西郊玉葉輕  
汎斗瑤光動臨陽瑞色明  
蓋陰連鳳闕陣影翼龍城  
誰知時不遇空傷流滯情

往往孤山映寒更春雪生

陳蔡疑

春色遍空明春雲處處生入風衣暫歛隨車蓋轉輕  
作葉還依樹爲樓欲近城含愁上對影似有別離情

唐駱賓王

千里年光靜四望春雲生  
暫日祥光舉踈雲瑞葉輕

卷二

五

蓋陰籠迴樹陣影抱危城非將吳會遠飄蕩帝鄉情

陳張正見

白雲蓋瀟水流彩入澠川疎葉臨嵇竹輕鱗入鄭船

菊泛金枝下峰斷玉山前一朝開五色飄飄映十千

謝靈運過始寧墅詩白雲抱幽石綠篠媚清漣

陳孔範

白雲浮遠蓋飄飄繞石飛帶蓮縈錦色拂鏡下仙衣

陣結香爐隱羅成玉女微能感荆王夢陽臺雜雨歸

唐駱賓王

重巖抱危石幽澗曳輕雲繞鎮仙衣動飄逢羽蓋分

錦色蓮花靜苔光帶葉薰詎知吳會影長抱穀城文

賦得含峰雲

唐太宗

翠樓含曉霧蓮峰帶晚雲玉葉依巖翠金枝觸石分  
橫天結陣影逐吹起羅文非復陽臺下三將感楚君

賦得雲生梁棟間

唐虞希烈

一片蒼梧意氛氲生棟梁下簾山足暗開戶日添光  
偏使衣裘潤能令枕簟涼無心伴行雨何必夢荆王

賦得寒雲輕重色

唐張仲素

佳期當可許託思望雲端鱗影朝猶落繁陰暮自寒  
因風方嫋嫋間石已漫漫隱映看鴻度霏微覺樹攢

天部

卷二

三

雲

凝空多似黛引素乍如紈每向愁中覽含毫欲狀難

賦得白雲起封中

唐呂溫

封開白雲起漢帝坐齋宮望在泥金上疑生秘玉中  
攢柯初繚繞布葉漸朦朧日觀祥光合天門瑞氣通

無心以出岫有勢欲凌風儻遣成膏澤從茲遍太空

賦得白雲起封中

唐張嗣初

英英白雲起呈瑞出封中表聖寧因地逢時豈待風  
浮光彌皎潔流影更冲融自叶堯年美誰云漢日同

金泥光乍掩玉檢氣潛通欲與非煙並亭亭不散空

賦得白雲起封中

唐李正辭

千年泰山頂雲起漢皇封不作奇峰狀寧分觸石容

爲霖雖易得表聖自難逢冉冉排空上依依疊影重

素光非曳練靈貺是從龍豈學無心出東西任所從

賦得青雲千呂

唐林藻

應節偏千呂亭亭在紫氛綴雲初度影捧日已成文

結蓋祥光迴爲樓翠色分還同起封上更似出橫汾

作瑞來藩國呈形表聖君徘徊如有託誰道比閒雲

賦得青雲千呂

唐令狐楚

郁郁復紛紛青霄千呂雲色令天下見候向管中分

遠覆無人境遙彰有德君瑞容驚不散冥感信稀聞

天部

卷二

三

雲

湛露羞依草南風耻帶薰恭惟漢武帝餘烈尚氛氲

賦得青雲千呂

唐王履真

異方占瑞氣千呂見青雲表聖興中國來王見大君

迎祥殊大樂叶慶類橫汾自感明時起非因觸石分

映霄難辨色從吹乍成文須使留一作千載垂芳在

典墳

賦得青雲千呂

唐彭伉

祥輝上千呂郁郁又紛紛遠示無爲化將明至道君

勢疑千里靜色向九霄分已見從龍意寧知觸石文

狀煙殊散漫捧日更氛氲自使來賓國西瞻仰瑞雲

賦得日暮碧雲合

唐許康佐

日際愁陰生天涯暮雲碧重重初似蓋沈沈乍如積  
林山黯疑暝隙光俄已夕出岫且從龍縈空寧觸石  
餘輝澹瑤草浮影凝綺席時景詎能留幾思輕尺璧

賦得稍雲含樹彩

唐羅讓

殊質資靈貺凌空發瑞雲稍稍含樹彩郁郁動霞文  
不比因風起全非觸石分葉光閒汎灑枝杪靜氛氲  
隱見心無宰徘徊慶自君翻飛如可託長願在橫汾  
賦得白雲向空盡

唐周存

白雲生遠岫搖曳入晴空乘化隨舒卷無心任始終

天部

卷二

三

雲

欲銷仍向日將斷或因風勢薄飛難定天高色易窮  
影收元氣表光滅太虛中况若從龍去一作還施潤物功

山出雲

唐陸暢

靈山蓄雲彩紛郁出清晨望樹繁花白看峰小雪新  
映松張蓋影依澗布魚鱗高似從龍處低如觸石頻  
濃光藏半岫淺色類飄塵玉葉開天際遙憐占早春

山出雲

唐張復

山靜雲初吐霏微觸石新無心離碧岫有意占青春  
散類如虹氣輕同不讓塵凌空還似翼映澗欲成鱗

異起臨汾鼎凝隨出峽神為霖終濟旱非獨降賢人

山出雲

唐李紳

杳靄祥雲起飄颻翠嶺新縈峰開石秀吐葉間松春  
林靜翻空少山明度嶺頻迴崖時掩鶴幽澗或隨人  
姑射朝凝雪陽臺晚伴神悠悠九霄上應坐玉京賓

山出雲

唐張勝之

片雲初出岫孤迴色難親蓋小辭山近根輕觸石新  
飄颻經綠野明歷照晴春拂樹疑舒葉臨流似結鱗  
從龍方有感捧日豈無因看助爲霖去思霽雨露均

谿口雲

唐女郎張文姬

天部

卷二

三

雲

一片谿口雲纔向谿中吐不復歸谿中還作谿中雨  
觀雲篇

唐劉禹錫

興雲感陰氣疾足如見機晴來意態行有若功成歸  
葱龍合晚景潔素凝秋暉夜深度銀漢漠漠仙人衣

立春日曉望三素雲

唐李李何

靄靄青春曙飛僊駕五雲浮輪初縹緲承蓋下氤氲  
薄影隨風度殊容向日分羽毛紛共遠環佩杳猶聞  
靜合煙霞色遙將鸞鶴羣年年瞻此御應許從元君

立春日曉望三素雲

唐陳師穆

清曉□春日高心望素雲彩光浮玉輦紫氣隱元君

縹緲中天去逍遙上界分鸞驂攀不及僂吹遠難聞  
禮候於斯親明口在解紛人歸懸想處霞色自氤氲

立春日曉望三素雲

唐李愿中

玄鳥初來日靈僊望處分水容朝上界玉輦擁朝雲  
碧落流輕豔紅霓間彩文帶煙時縹緲向斗更氤氲  
影鬢隨風馭迢遙出曉雲茲辰三見後希得從元君  
景陽樓慶雲

宋孝武帝

非煙非雲曳紫流光懸華曜藻奄爵臺堂與予休明  
震乎珍祥積慶有文靈貺無疆

華山慶雲見

唐□□□

天部

卷二

手

雲

聖王祠名岳高風發慶雲金柯初縹繞玉葉漸氤氲  
氣色含珠日光明吐翠氛依稀來鶴態鬚鬢列僊羣  
萬樹流光影千潭寫錦文蒼生欣有望祥瑞在吾君  
上黨奏慶雲見

唐李紳中

飛龍久馭宇貞氣尚與雲五色傳嘉瑞千齡表聖君  
從風忽蕭索依漢若氛氲影徹天初霽光明日未薰  
表祥近且遠一作來垂化聚還分寧作無依者空傳

陶令文

慶雲現

唐李紳中

禮成中岳陳金冊祥報卿雲冠玉峰輕未透林疑待

鳳細非行雨詎從龍卷風變彩霏微薄照日籠光隱  
映重還入九霄成沆瀣夕嵐生處鶴歸松

南至日太史登臺書雲物

唐裴遜中

圓丘纔展禮佳氣近初分太史新簪筆高臺記彩雲  
煙空和縹緲曉色共氛氲道泰資賢輔年豐荷聖君  
恭惟司國瑞兼用察人文應念懷鉛客終朝望碧霧  
南至日太史登臺書雲物

唐于尹躬中

至日行時令登臺約禮文官稱伯趙氏色辨五方雲  
晝漏聽初發陽光望漸分司一作用天爲歲備持簡出

人羣惠愛周微物生靈荷聖君長當有嘉瑞郁郁復

天部

卷二

手

雲

紛紛

荅郭黃中孤雲首章見贈

唐李益中

孤雲生西北從風東南飄帝鄉日已遠蒼梧無還颺  
已矣玄鳥歎嚴霜集靈若君其勉我懷歲暮孰不凋  
奉和中書徐侍郎中書省詵白雲寄賴陽趙大

唐儲光義

唐儲光義

青闕朝初退白雲遙在天非關取雷雨故欲伴神僊  
汎豔鵷池曲飄飄瑣闥前猶多遠山意幸入侍臣篇

望鳴臯山白雲寄洛陽盧主簿

唐李頎



飲馬伊水中白雲鳴臯上氛氲山絕頂行子時一望  
照日龍虎姿攢空冰雪狀嶙峋未已峻嶒忽相向  
皎皎橫綠林霏霏澹青嶂遠映村更失孤高鶴來傍  
勝氣欣有逢僊遊且難訪故人吏京劇每事多閒放  
空盡峨嵋峰心格洞庭浪惜哉清興裏不見予所向

火山雲歌送別

唐岑參

火山突兀赤亭口火山五月火雲厚火雲滿山凝未  
開飛鳥千里不敢來平明乍逐胡風斷薄暮渾隨塞  
雨回繚繞斜吞鐵關樹氛氲半掩交河戍迢迢征路  
火山東山上孤雲隨馬去

天部

卷二

三

雲

白雲歌送劉十六歸山

唐李白

楚山泰山皆白雲白雲處處長隨君長隨君君入楚  
山裏雲亦隨君渡湘水湘水上女蘿衣白雲堪臥君  
早歸

送王七尉松滋賦得巫山雲

唐孟浩然

君不見巫山神女作行雲霏紅沓翠曉氛氲嬋娟流  
入襄王夢倏忽還隨零雨分空中飛去復飛來朝朝  
暮暮下陽臺愁君此去爲僊尉便逐行雲去不回

賦得浮雲起離色送鄭述誠

唐韋應物

遊子欲言去浮雲那得知偏能見行色自是獨傷離

晚帶城遙暗秋生峰尚奇還因朔吹斷匹馬與相隨

詔問山中何所有賦詩以答 梁陶弘景

山中何所有嶺上多白雲只可自怡悅不堪持寄君

感寓

唐梁德裕

彩雲呈瑞質五色發人寰獨作龍虎狀孤飛天地間  
隱隱臨北極峩峩象南山恨在帝鄉外不逢枝葉攀

詩雋類函卷二

三

詩雋類函卷三

東吳俞安期彙纂 宣城梅鼎祚增定

蕭中方承郁訂校

天部三

雨

祈雨

喜雨

苦雨

○雨

詠雨

魏阮瑀

苦雨滋玄冬引日彌且長丹墀自穢澣深樹猶雷震  
客行易感悴我心摧已傷登臺望江沔陽侯沛洋洋

詠雨

晉傅玄

徂暑未一句重陽翳朝霞厥初月離畢積日遂滂沱  
天部 卷三 一雨

屯雲結不解長溜周四阿霖雨如倒井黃潦起洪波  
湍深激墻隅門庭若決河炊爨不復舉竈中生蛙蝦

詠雨

唐太宗

和風吹綠野梅雨灑芳田一作細流添舊澗宿霧足  
朝煙鴈濕行無次花霑色更鮮對此欣登歲披襟弄

五絃

詠雨

唐太宗一作玄宗

罩雲飄遠岫噴雨汎長河低飛昏嶺腹斜足灑巖阿  
泣叢珠締葉起溜鏡圖波濛柳添絲密含吹織空羅

奉和詠雨應詔

唐許敬宗初

舞商初赴節湘燕遠迎秋飄絲交殿網亂滴起池漚  
激溜分龍闕斜飛灑鳳樓崇朝方決寓宸盼俯凝旒

詠雨

唐李嶠初

西北雲膚起東南雨足來靈童出海見神女向臺迴  
斜影風前合圓文水上開十旬無破塊九土信康哉

雨

唐杜甫盛

峽雲行清曉煙霧相徘徊風吹蒼江去雨灑石壁來  
婁婁生餘寒殷殷兼出雷白谷變氣候朱炎安在哉  
高鳥濕不下居人門未開楚宮久已滅幽珮為誰哀  
侍臣書王夢賦有冠古才冥冥翠龍駕多自巫山臺

天部

卷三

雨五首

唐杜甫盛

始賀天休雨還嗟地出雷驟看浮峽過密作渡江來  
牛馬行無色蛟龍鬪不開干戈盛陰氣未必自陽臺

二

冥冥甲子雨已度立春時輕筵煩相向纖絺恐自疑  
煙添纔有色風引更如絲直覺巫山暮兼催宋玉悲

三

萬木雲深隱連山雨未開風扉掩不定水鳥過仍迴  
蛟館仍鳴杼樵舟豈伐枚清涼破炎毒衰意欲登臺

四



微雨不滑道斷雲疎復行紫畦奔處黑白鳥去邊明  
秋日新霑影寒江舊落聲柴扉臨野碓半濕擣香秔

五

楚雨石苔滋京華消息遲山寒青兕叫江晚白鷗飢  
神女花鈿落鮫人織杼悲繁憂不自整終日灑如絲

雨

唐李商隱晚

撼撼度瓜圃依依傍竹軒秋池不自冷風葉共成喧  
窓迴有時見簷高相續翻侵宵送書馬應爲稻梁恩

擬雨詩

梁虞騫

清風送涼氣薄暮蕩炎氛虹照漣漪水電出嵯峨雲

天部

卷三

三一雨

落暉散長足細雨織斜文

行雨

梁簡文帝

本是巫山來無人覩容色唯有楚王臣曾言夢相識

細雨

梁元帝

風輕不動葉細雨未霑衣入樓如霧上拂馬似塵飛

細雨

唐李商隱晚

蕭酒傍迴汀依微過短亭氣涼先動竹點細未開萍  
稍促高高燕微疎的的螢故園煙草色仍近玉門青

微雨

唐李商隱晚

初隨林靄動稍共夜涼分窓迴侵燈冷庭虛近水聞

夏日登觀農樓和崔論使君詠微雨

唐僧皎然中

片雨拂檐楹煩襟四座清霏微過來曉蕭瑟傍沙城  
靜愛和花落幽聞入竹聲朝觀趣無限高詠寄閒情

霖雨

晉曹毗

洪霖彌旬日翳翳四區昏紫電光飛牖迅雷終  
天奔

霖雨

晉張載

霖雨餘旬朔濛昧日夜墜何以解愁懷置酒招親類  
啾啾絲竹作伶人奏竒秘悲歌結流風逸響迴秋氣

天部

卷三

四雨

和皇太子春林晚雨

梁劉孝威

雲樹交爲密雨日共成虹雷舒長男氣枝搖少女風  
葉珠垂滴水簷繩下溜空蝶濡飛不颺花沾色更紅

春雨早雷

唐張說初

東北暮風至飄飄帶雨來拂黃先變柳點素早驚梅  
樹藹懸書閣煙含作賦臺河魚未上凍江蟄已聞雷

春後雨

唐孟郊中

昨夜一霎雨天意蘇群物何物最先知虛庭草爭出

長安春山

唐羅鄴

兼風颭颭灑皇州能滯輕寒與勝遊  
裏美人驚起爲花愁

和殷衙推春霖卽事

唐王成用

東風吹暖雨潤下不能休古道雲橫白移時客共愁  
綠沈莎似藻紅泛葉爲舟忽起江湖興疑憐吹澹流  
柳眉低帶泣蒲劍銳初抽石燕翻空重燕羅綴滴稠  
荷傾蛟淚盡巖拆電鞭收豈直望堯喜却懷微禹憂  
樹滋堪採菌磯沒懶垂鈎腥覺聞龍氣寒宜擁豹裘

梅雨

唐杜甫

天部

卷三

五

南京犀浦道四月熟黃梅湛湛長江去冥冥細雨來  
茅茨疎易濕雲霧密難開竟日蛟龍喜盤渦與岸迴

梅雨

唐柳宗元

梅實迎時雨蒼茫值晚春愁深楚援夜夢斷越難晨

海霧連南極江雲暗北津素衣今盡化非爲帝京塵

秋雨聯句

唐韓愈

萬木聲號呼百川氣交會庭翻樹離合牖變景明  
藹藹深瀉殊未終飛浮亦云泰牽懷到空山屬聽  
邇驚瀨簷垂白練直渠漲清湘大其津澤祥禾  
伏潤肥荒艾主人吟有歡客子歌無奈侵陽日

沈玄剝節風搜兌塊北遊峽喧颺颺臥江汰

飄來枕前高灑自天外蓋穴何迫走蟬枝掃鳴蟻

援菊茂新芳逕蘭銷晚禍地鏡時昏曉池星競

漂沛臥冷空避門衣寒屢循帶水怒已倒流陰

繁恐疑害憂魚思舟楫感禹勤畝澮懷襄信可

畏疏決須有賴策命或馮著卜晴將問蔡庭商

忽驚舞壚崇亦親酌氛醕稍疎疎映零亂還擁蒼陰

旌時摻流帝鼓鎮劄礪棗園落青璣瓜哇爛文貝

深路倒羸驂弱途擁行軼毛羽皆遭凍離徒不能翺

吾人猶在曉僕誠自鄙因思征蜀士未免濕戎

天部

卷三

六

旃安得發商飈廓然吹宿靄白日懸大野幽泥化輕

塩搜心思有効抽策期稱最豈惟慮收穫亦以救

顛沛禽情初嘯儔礎色微收需庶幾諧我願遂止

晨雨

唐杜甫

小雨晨光內初來葉上聞霧交纔灑地風逆旋隨雲

暫起柴荆色輕霑鳥獸羣麝香山亭午未全分

夜雨

唐元稹

水怪潛幽草江雲擁廢居雷驚空屋柱電照滿牀書  
竹瓦風頻裂茅簷雨漸疎平生江海意此去快爲魚

庭雨應詔

梁沈約

出空寧可圖入庭倍難賦非煙復非雲如絲復如霧  
霖霖裁欲垂霏微不能注雖無千金質聊爲一晨起

賦得入堦雨

梁簡文帝

細雨堦前入灑砌復沾帷漬花枝覺重濕鳥羽飛遲  
儻令斜日照併欲似游絲

賦得梅林輕雨應教

陳張正見

梅樹耿長虹芳林散輕雨蜀郡隨仙去陽臺帶雲聚  
飄花更濯枝潤石還侵柱詎得零陵燕隨風時共舞

賦得微雨從東來應教

陶淵明讀山海經詩微雨從東來好風與之俱

天部

卷三

七

雨

隋諸葛穎

微雨閨東峰散漫灑長松澗滿新流濁山霑積翠濃  
風起還吹燕雲來本送龍登年隨玉燭名山定可封

賦得巫山雨

唐宋之間初

神女向高唐巫山下夕陽徘徊作行雨婉孌逐荆王  
電影江前落雷聲峽外長霽雲無處所臺館曉蒼蒼

裴端公使院賦得隔花簾見春雨

唐包何中

細雨未成霖垂簾但覺陰唯看上砌濕不遣入簾深  
度噪霽霜簡因風潤綺琴須移戶外屢簷溜夜相侵

監試夜雨滴空堦

唐喻鳧晚

雲雲復淒淒飄松又灑槐氣濛濛蛛網檻聲疊鮮花堦  
古壁青燈動深庭濕葉埋徐垂舊鷺瓦競歷小茅齋  
冷與陰蟲間清將玉漏諧病身唯展轉誰見此時懷

觀朝雨

齊謝朓

朔風吹飛雨蕭條江上來既灑百常觀復集九成臺  
空濛如薄霧散漫似輕埃平明振衣坐重門猶未開  
耳目暫無擾懷古信悠悠哉哉翼希驤首乘流畏曝鰓  
動息無兼遂歧路多徘徊方同戰勝者去翦北山萊

望夕雨

一作唐蘇味道單于川對雨

梁劉苞

天部

卷三

八

雨

崇朝邁行雨薄晚屯密雲綠階起素沫竟水散圓文  
河柳低未舉山桃落已芬清鑄久不薦淹留遂待君

望雨

梁劉孝威

清陰蕩暄濁飛雨入階廊瞻空亂無緒望雷耿成行  
交枝含曉潤雜葉帶新光浮芥離還聚沿漚滅復張  
浴禽飄落義風荷散餘香瑤綃掛繡幕象簾列華牀  
侍童拂羽扇厨人奉盥漿內則有漿有盥注盥涼也寄言楚臺客

雄風詎獨涼

西閣雨望

唐杜甫盛

樓雨霽雲幔山寒著水城逕添沙面出湍減石稜生

菊藥淒疎放松林駐遠情滂沱朱檻濕萬慮傷簷楹

對雨

梁朱超

當夏苦炎埃習靜對花臺落照依山盡浮涼帶雨來  
重雲吐飛電高棟響行雷洒樹輕花發滴沼細萍開  
汎沫繁堦草奔流起砌苔無因假輕蓋徒然想上才

對雨

北齊劉逖

重輪宵犯畢行雨旦浮空細落疑含霧斜飛覺帶風  
濕槐仍足綠沾桃更上紅無由似玄豹縱意坐山中

對雨

北周庾信

繁雲猶暗嶺積雨未開庭階含侵角路鑊滿溜疏萍

天部

卷三

九

雨

濕楊生細堪爛草變初螢徒勞看蟻封無事祀靈星

閒居對雨二首

陳陰鏗

四溟飛旦雨三逕絕來遊震位雷聲發離宮電影浮  
山雲遙似帶庭葉近成舟茅簷下亂滴石竇引環流  
寄言一高士如何麥不收

蘋藻降靈祇聰明諒在斯觸石朝雲起從星夜月離

八川奔巨壑萬頃溢澄波綠野含膏潤青山帶濯枝  
嘉禾方合穎秀麥已分歧寄語紛綸學持竿詎必知

對雨

唐杜甫

莽莽天涯雨江邊獨立時不愁巴道路恐濕漢旌旗

雪嶺防秋急繩橋戰勝遲西戎甥舅禮未敢背恩私

長沙館中與郭夏對雨

唐劉長卿

長沙積雨晦深巷絕人幽潤上春衣冷聲連暮角愁  
雲橫全楚地樹暗古湘洲杳謁江天外空堂生百憂

窮秋對雨

唐錢起

晦日連苦雨動息更遑迴生事萍無定愁心雲不開  
翟門悲暝雀墨竈上寒苔始信宣城守乘流畏曝腮

李士曹廳對雨

唐錢起

春雨暗重城訟庭深更寂終朝人更少滿院煙雲集  
濕鳥壓花枝新苔宜砌石掾曹富文史清興對詞客

天部

卷三

十

雨

愛爾蕙蘭叢芳香飽時澤

閒齋對雨

唐韋應物

幽獨自盈抱陰澹亦連朝空齋對高樹疎雨共蕭條  
巢燕翻泥濕蕙花依砌消端居念往事倏忽苦驚飄

同裴少府安吉寺對雨

唐皇甫冉

共結尋真會還當退食初爐煙雲氣合林葉雨聲餘  
潯暑銷珍簟浮涼入綺疏歸心從念遠懷此復何如

開元寺樓看雨聯句

唐陸龜蒙

海上風雨來掀轟逐飛電登樓一凭檻滿眼蛟龍戰  
細灑寬空冷橫飄目能眩垂簷珂珮喧撼瓦珠

璣濺日休遙瞻山露色漸覺雲成片遠樹欲鳴蟬深

簷尚藏燕龜蒙殘雷隱鱗盡反照依微見日休疎帆

逗前渚晚磬分涼殿龜蒙畢景好疎吟餘涼可清宴

聞雨二首

唐張說初

窮冬萬化匝永夜百憂攢危戍臨江火空齋入雨寒  
斷援知屢別嘶雁覺虛彈心對鑪灰死顏隨庭樹殘  
舊恩懷未報傾膽鏡中看

多雨絕塵事寥寥入太玄城陰疎復合簷滴斷還連  
念我勞造化從來五十年誤將心徇物近得還自然

天部

卷三

十一

雨

閒居草木侍虛室鬼神憐有時進美酒有時泛清絃  
聲真不世識心醉豈言詮

發營逢雨應詔

唐虞世南初

豫遊欣勝地皇澤乃先天油雲陰御道膏雨潤公田  
隴麥霑逾翠山花濕更燃稼穡良所重方復悅豐年

漁潭值雨

唐錢起中

日入林島異鶴鳴風草間孤帆泊枉渚飛雨來前山  
客意念留滯川途忽阻艱赤亭仍數里夜待安流還

山行遇雨

唐孫逖初

驟雨晝氤氲空天望不分暗山唯覺電窮海但生雲

涉澗猜行潦綠崖畏宿氛夜來江月霽棹唱此中聞

江南遇雨

唐張鼎盛

江天寒意少冬半雨仍飛出戶愁爲聽從風灑客衣  
旅寬驚處斷鄉信意中微幾日應晴去孤舟且欲歸

登秦嶺半巖遇雨

唐錢起中

屏翳忽騰氣浮陽慘無暉千峰挂飛雨百尺搖翠微  
震電閃雲逕奔流翻石磯倚巖假松蓋臨水羨荷衣  
不得采苓去空思乘月歸且憐東臯上水色侵荆扉

中書省遇雨

唐錢起中

濟旱惟宸慮爲霖卽上台雲銜七曜起雨拂九門來

天部

卷三

十二

雨

綸閣飛絲度龍渠激溜迴色翻池上藻香裊鼎前盃  
奉使宜春夜渡新淦江陸路至黃葉館路上遇

風雨作

唐皇甫曾中

草草理夜裝涉江又登陸望路殊未窮指期今已促  
傳呼戒徒馭振轡轉林麓陰雲擁巖端霪雨當山腹  
震雷如在耳飛電來照目獸跡不敢窺馬蹄惟務速  
虔心若齋禱濡體如沐浴萬竅相怒號百泉暗奔瀑  
危梁慮足跌峻坂憂車覆問我何以然前日受微祿  
轉知人代事纓組乃微束向若家居時安枕春夢熟  
導途稍已近候吏來相續曉霽心始安林端見初旭

孤山寺遇雨

唐白居易中

拂波雲色重，灑葉雨聲繁。水鷺雙飛起，風荷一向翻。  
空濛連北岸，蕭颯入東軒。或擬湖中宿，留船在寺門。

雲安阻雨

唐戎昱中

日長巴峽雨濛濛，又說歸舟路未通。遊人不及西江  
水，先得東流到渚宮。

滯雨

唐李商隱晚

滯雨長安夜，殘燈獨客愁。故鄉雲水地，歸夢不宜秋。  
中書寓直詠雨簡褚起居上官學士

唐楊師道初

天部

卷三

十三

雨

雲暗蒼龍闕，沈沈殊未開。窻臨鳳凰沼，颯颯雨聲來。  
電影入飛閣，風威凌吹臺。長簷響奔溜，清簾蕭浮埃。  
早荷葉稍沒，新篁枝半摧。茲晨悵多緒，懷友自難裁。  
況復重城內，日暮獨徘徊。玉階良史筆，金馬換天才。  
高甍通散騎，複道駕蓬萊。思君贈桃李，於此冀瓊環。  
輞口遇雨憶終南山因獻絕句 唐裴迪 盛  
積雨晦空曲，平沙滅浮彩。輞水去悠悠，南山復何在。  
答裴迪輞口遇雨憶終南山 唐王維 盛  
森森寒流廣，蒼蒼秋雨晦。君問終南山，心知白雲外。  
梁州對雨懷麴二秀才便呈麴大判官時疾贈

余新詩

唐岑參 盛

江上雲氣黑，岬山昨夜雷。水惡平明飛，雨從嶓冢來。  
濛濛隨風過，蕭颯鳴庭槐。隔簾濕衣巾，當暑涼幽齋。  
麴生住相近，言語阻且乖。臥疾不見人，午時門始開。  
終日看本艸，藥苗滿前階。兄弟早有名，甲科皆秀才。  
二人事慈母，不弱古老萊。昨歎攜手遲，未盡平生懷。  
愛君有佳句，一日吟幾回。

江閣對雨有懷行營裴端公

唐杜甫 盛

南極風濤壯，陰晴屢不分。野流行地日，江入度山雲。  
層閣憑虛殿，長空面水文。雨來銅柱北，應洗伏波軍。

天部

卷三

十四

雨

雨夜同厲玄懷皇甫荀 唐賈島 中  
桐竹遠庭匝，雨多風更吹。還如舊山夜，臥聽瀑泉時。  
磧雁來期近，秋鐘到夢遲。溝西吟苦客，中夕話兼思。  
寺居秋日對雨有懷 唐喻龜 晚  
修修復復黃葉時，飛隱几客吟斷。鄰房僧話稀，  
隔寒梅樹定。螢濕在窻微，卽事瀟湘渚。漁翁披艸木，  
細山遙懷故人 唐李建勳 晚  
江雲未散東風暖，溟濛正在高樓見。細柳綠堤少，過  
人平蕪隔水時。飛燕我有近詩誰與和，憶君狂醉愁  
難破。昨夜南窗不得眠，閉堦點滴迴燈坐。



遇雨貽謝南池

唐孟浩然

出家春事起丁壯就南陂殷殷雷聲作森森雨足垂  
海虹晴始見河柳潤初移予意在耕鑿因君問土宜

□□□□雨夜見投之作

唐司空曙

出戶繁星盡池塘閣不開動衣涼氣度遞樹達聲來  
燈外初行電城隅偶隱雷因知謝文學曉望比塵埃

夜雨寄寇校書

唐錢起

秋館煙雨合重城鐘漏深佳期阻清夜孤興發離心  
燭影出綃幕蟲聲連素琴此時逢閣友應念舊同衾

離居夜雨奉寄李京兆

唐錢起

天部

卷三

五

天部

卷三

十六

永夜不可度蛩吟秋雨滴寂寞想章臺始歎雲泥隔  
雷聲匪君車猶時過我廬電影非君燭猶能明我目  
如何瓊樹枝夢裏看不足望望佳期阻愁聲寒草綠

訓劉員外雨中見寄

唐錢起

苦雨滴蘭砌秋風生葛衣潢汗三逕絕砧杵四鄰稀  
分與玄豹隱不爲湘燕飛慚君角巾折猶肯問衡闈

對雨寄韓庫部協

唐韋應物

颶至池館涼蕭然和曉霧蕭條集新荷氛氳散高樹  
閑居與方澹默想心已屢暫出仍濕衣兄君東城住

善福閣對雨寄李儋幼遐

唐韋應物

飛閣凌太虛晨躋巒嶺驚颿觸縣檻白雲冒層甍  
太陰布其地密雨垂八紘仰觀固不測俯視但冥冥  
感此窮秋氣沈鬱命友生及時未高步羈旅游帝京  
聖朝無隱才品物俱昭形國士秉繩墨何以表堅貞  
寸心東北馳思與一會并我車夙已駕將逐晨風征  
郊塗住成淹默默阻中情

郊居對雨寄趙吉士包郎中

唐盧綸

暑雨青山裏隨風到野居亂漚浮曲砌縣澗滴前除  
塵鏡愁多掩蓬頭懶更梳夜窻淒枕席陰壁潤圖書  
滿颿宜新竹龍鍾拾野蔬石泉空自咽藥圃不堪鋤

天部

卷三

十六

濁水淙深輒荒蘭擁敗渠繁枝留宿鳥碎浪出寒魚  
桑扈時登望荷花自卷舒應憐在泥滓無路託高車  
訓苗員外仲夏歸郊居遇雨見寄

唐盧綸

雷響風仍急人歸鳥亦還亂雲方至水驟雨已喧山  
田鼠依林上池魚戲艸間因高比埃霧一詠一開顏

雨中寄張博士籍侯主簿喜

唐韓愈

放朝還不報半路踏泥歸雨慣曾無節雷頻自失威  
見墻生菌徧憂麥作蛾飛歲晚偏蕭索誰當救晉飢

訓韓祭酒雨中見寄

唐張籍

雨中秋不出陰黑晝連宵屋濕唯添漏泥深未收朝  
無獨憐馬瘦少食信兒嬌聞道韓夫子還同此寂寥

和李僕射雨中寄盧嚴二給事 唐張籍中

郊原飛雨至城闕濕雲埋近點時穿牖浮漚欲上堦  
偏滋解籜竹併灑落花槐晚潤生琴匣新涼滿藥齋  
從容朝務退放曠披曹韋盡日無來客閑吟感此懷

細雨成詠獻尚書河東公 唐李商隱晚

灑砌聽來響卷簾看已迷江間風颭定雲外日應西  
稍稍落蝶粉斑斑融燕泥颭萍初過沼重柳更綠堤  
必擬和殘漏寧無晦暝聲半將花漠漠全共草淒淒

天部

卷三

十七雨

猿別方長嘯鳥驚始獨棲府公能入詠聊且續新題

夜雨寄北

唐李商隱晚

君問歸期未有期巴山夜雨漲秋池何當共翦西窗  
燭却話巴山夜雨時

初春雨中舟次和州橫江裴使君見迎兼寄江

南許渾先輩

唐杜牧晚

步艸渡頭微雨時萬株楊柳拂波垂蒲根水暖鴈初  
浴梅徑香寒蜂未知辭客倚風吟黯澹使君迴馬濕  
旌旗江南仲蔚多情調悵望春陰幾首詩

和左衛武倉曹衛中對雨創韻贈右衛李騎曹

薄雲生北闕飛雨自西郊院暑便清曠庭蕪覺漸苞

高門關詎閑逸韻柱難膠枳棘鸞無歎椅桐鳳必巢  
忽聞徵並作觀海愧堂坳

郡中對雨贈元錫兼簡楊凌 唐韋應物中

宿雨冒空山空城響秋葉沈沈暮色至淒淒涼氣入  
蕭條林表散的樂荷上集夜霧著衣重新苔侵履濕  
遇茲端憂日賴與嘉賓接

宿馮翊夜雨贈主人

唐李益中

危心驚夜雨起望漫漫悠悠氣耿殘燈暗聲繁高樹秋

天部

卷三

十八雨

涼軒辭夏扇風幌攬輕綢思緒逢初斷歸期燕暫留

盧氏池上遇雨贈同遊者

唐溫庭筠晚

簾翻涼氣集溪上潤殘葦萍皺風來後荷喧雨到時  
寂寥閑望久飄灑獨歸遲無限松江恨煩君解釣絲

賦得暮雨送李胃

一作

唐韋應物中

楚江微雨裏建業暮鐘時漠漠帆來重冥冥鳥去遲  
海門深不見浦樹遠含滋相送情無限沾襟比散絲  
船下夔州宿雨濕不得上峴別王十二判官

唐杜甫

依沙宿舸船石瀨月娟娟風起春燈亂江鳴夜雨縣



晨鐘雲外濕勝地石堂煙柔櫓輕鷗外含悽覺汝賢

○祈雨

桑林禱雨

荀子太畧篇湯旱而禱云云何不雨至斯極也

殷湯

政不節

協即

與使民疾與官室崇與婦謁盛協平與

苞苴行與讒夫興與

東哲歌

音書曰東哲陽平元城人太康中郡界大旱哲為邑人請雨三日而雨注衆為

哲作

東先生通神明請天三日甘雨零我黍以育我稷以生何以疇之報束長生

天部

卷三

九

祈雨

賽敬亭山廟喜雨

齊謝朓

夕悵懷椒糈蠲景潔膏薈登秋雖未獻望歲佇年祥  
潭淵深可厲狹邪車未方朦朧度絕限出沒見林堂  
秉玉朝羣帝樽桂迎東王排雲接虬蓋蔽日下霓裳  
會舞紛瑤席安歌逸鳳梁百味芬綺帳四座沾羽觴  
福被延民澤樂極思故鄉登山騁歸望原雨晦茫茫  
胡寧昧千里解珮拂山莊

城隍廟賽雨二首

唐牟士諤中

奉雨慰斯人齋心薦綠蘋山風簫鼓響如祭敬亭神

二

積潤通千里推誠奠一卮回飈經畫壁忽似偃雲旗

郴州祈雨

唐韓愈中

乞雨女郎竟炮羞潔且繁廟開鼃鼠叫神降越巫言  
旱氣期銷蕩陰官想駿奔行看五馬入蕭颯已隨軒  
韋使君黃溪祈雨見召從至祠下口號

唐柳宗元中

驕陽愆歲事良牧念苗畲列騎低殘月鳴笳度碧虛  
稍窮樵客路遙駐野人居谷口寒流淨叢祠古木疎  
焚香秋霧濕奠玉曉光初盼蠻巫言報精誠禮物餘  
惠風仍偃艸靈雨會隨車俟罪非真吏翻慚奉簡書

天部

卷三

辛

祈雨

奉和皇甫冉大夫祈雨應時雨降

唐嚴維中

政和知必感歲旱未書災伯禹明靈降元戎禱請來  
九成陳夏樂三獻奉殷疊擊曳旗交電鏗鏘鼓應雷  
行雲依蓋轉飛雨逐車回欲識皇天意為霖覘在哉  
和河西裴尹侍郎宿齋天平寺詣九龍祠祈雨

二十韻

唐劉禹錫中

有事九龍廟繁齋夢王祠玉簫何時絕碧樹空涼颺  
更散埃壒息月高庭宇宜重城肅穆間澗水潺湲時  
人稀夜復閑慮靜境亦隨紆懷斷鼇足凝想乘鸞姿

朱明盛農節膏澤方愆期瞻言五靈瑞能救百穀萎  
吟嗟晨鷄鳴欄干斗柄垂修容謁神像注意陳正詞  
驚飈起泓泉若調雷雨師黑煙聳鱗甲濕液如芬絲  
豐隆震天衢列缺揮火旗炎空忽淒緊高雷玄縷縻  
生物已霽霽濕雲稍離披丹霞啓南陸白水含東苗  
熙熙飛走適藹藹艸樹滋浮光動宮觀遠思盈川坻  
吳公拙于政謝守工爲師商山有病客言賀舒麗眉

觀祈雨

唐李約中

桑條無葉土生煙簫管迎龍水廟前朱門幾處看歌  
舞猶恐春陰咽管絃

天部

卷三

祈雨

賀李觀察禱河神降雨

唐耿漳中

質明齋祭北風微駟馭千羣擁廟扉玉帛纔敷雲澹  
澹笙鏞未徹雨霏霏路邊五稼添膏長河上雙旌帶  
濕歸若出敬亭山下作何人敢和謝玄暉

所居永樂縣久旱縣宰祈禱得雨因賦詩

唐李商隱

井井滴滴是精誠晝夜如絲一勾盈祗恠閭闔喧鼓  
吹邑人同報東長生

○喜雨

喜雨詩

魏陳思王

天覆何彌廣苞育此羣生棄之必憔悴惠之則滋榮  
慶雲從北來鬱述西南征時雨中夜降長雷周我庭  
嘉種盈膏壤登秋必有成

喜雨

宋謝惠連

朱明振炎氣溽暑扇溫飈羨彼明月輝離畢經中宵  
思此西郊雲旣雨盈崇朝上天愍憔悴商羊自吟謠

喜雨

宋謝莊

燕起知風舞礎潤識雲流冽泉承夜湛零雨望晨浮  
合穎行盛茂分穗方盈疇

喜雨

宋鮑照

天部

卷三

喜雨

營社達羣陰屯雲

一作連官

拊積陽河并起龍烝日鬼斂

游光族雲飛泉室震風沈羽鄉升零浹地維傾潤瀉  
天潢平灑周海岳曲潦溢川莊驚雷鳴桂渚迴涓流  
玉堂珍木抽翠條炎卉擢

一作擢

朱芳開市欣九賦京

廩開萬箱無謝堯爲君何用知柏皇

從駕喜雨

梁庾肩吾

西嶽浮鐘桂東皇事浴蘭赦詔還京兆歸神出灌壇  
濕風含酒氣陰雲助麥寒典農欣受職治粟喜當官  
復此隨車雨民天知可安

喜雨

北齊魏收

霞暉涂刻棟礎潤上雕楹神山千葉照仙艸百花榮  
瀉瀉高齋響添池曲岸平滴下如珠落波迴類壁成  
氣調登萬里年和欣百靈定知丹甌出何須銅雀鳴

奉和趙王喜雨

北周庾信

玄霓臨日谷封蟻對雲臺投壺欲起電倚柱稍驚雷  
白沙如濕粉蓮花類洗杯驚鳥灑翼度濕鴈斷行來  
浮橋七星起高堰六門開猶言祀蜀帝即似望荆臺  
厭田終上上原野自莓莓

和李司錄喜雨

北周庾信

純陽實久亢雲漢乃昭回臨河沈璧玉夾道畫龍媒

天部

卷三

三

喜雨

離光初繞電震氣始乘雷海童還碣石神女向陽臺  
雲逐魚鱗起渠隨龍骨開崩沙雜水去臥樹擁槎來  
嘉苗雙合穎熟稻再含胎屬此欣膏露逢君摘揆才  
愧乏瓊將玖無酬美且偲

同劉見喜雨

唐玄宗

節變寒初盡時和氣已春繁雲先合寸膏雨自依旬  
颯颯飛平野霏霏靜暗塵懸知花葉意朝夕望中新

奉和聖製同劉見喜雨應制

唐張說

青氣含春雨知從岱嶽來行雲避師出灑雨待車迴  
厭浥塵清道空濛柳映臺最宜三五夜晴月九重開

奉和聖製喜雨

唐張九齡

艱我稼穡載育載亭如物應之曷聖與靈謂我何憑  
惟德之馨誰云天遠以誠必至太清無雲義和頓轡  
于斯烝人瞻彼非凱陰冥倏忽霑澤成河何以至之  
我后之感無臯無隰黍稷黝黝無卉無木敷芬黝黝  
黃龍勿來鳴鳥不思人和年豐皇心則怡豈與周宜  
雲漢徒詩

和崔尚書喜雨

唐張九齡

積陽雖有悔經月未為災上念人天重先祈雲漢迴  
仁心及艸木號令起風雷照爛陰霞止交紛瑞雨來

天部

卷三

三

喜雨

三辰啟泰稷四達屏氛埃池溜因添滿林芳為灑開  
聽中聲滴瀝望處影徘徊惠澤成豐歲昌言發上才  
無論驗石鼓不是御雲臺直頌皇恩浹崇朝遍九垓

奉和春日遊苑喜雨應制

唐李嶠

仙蹕九重臺香筵萬壽杯一旬初降雨二月早聞雷  
葉向朝陽密花含宿潤開幸承天澤豫無使日光催

奉和春日遊苑喜雨應制

唐李乂

園樓春正歸入暮弄芳非密雨迎仙步低雲拂御衣  
危花沾易落度鳥濕難飛膏澤登千庾歡情遍九圍

奉和春日途中喜雨

唐魏知古

皇輿向洛城時雨應天行麗日登巖送陰雲出野迎  
濯枝林杏發潤葉渚蒲生絲入綸言喜花依錦宇明  
微臣忝東觀載筆佇西成

晚秋喜雨 并序

唐李嶠 初

咸亨元年自四月不雨至九月王畿之內嘉穀不  
滋君子小人惶惶如也天子慮深求瘼念在責躬  
避寢損膳錄寬弛役牲幣之禮徧于神祇鍾庾之  
貸周于窮乏至誠斯盛臨瞻有融爰降甘澤大拯  
炎亢朝廷公卿相趨動色里閭賾底謳吟成響年  
和俗阜于焉可致撫事形言孰云能已乃詩曰

天部

卷三

十五 喜雨

積陽纏首夏隆旱屆徂秋炎威振皇服歆景暴神州  
氣滌朝川朗光澄夕照浮艸木委林甸禾黍悴原疇  
國懼流金胥人深懸罄憂紫宸兢履薄丹辰念推溝  
望肅壇場祀寬申囹圄囚御車遷玉殿薦菲撤瓊羞  
濟窘邦儲發蠲窮井賦優服閑雲驥屏冗術土龍修  
睿感通三極天誠貫六幽夏祈良未擬商禱詎爲儔  
穴蟻禱符應山蛇毒影收騰雲八際滿飛雨四冥周  
聚靈籠仙闕連霏繞畫樓早陂仍積水涸沼更通流  
晚穗萎還結寒苗瘁復抽九農歡歲阜萬寓慶時休  
野洽如坻詠途喧擊壤謳幸聞東李道欣奉北場遊

喜雨

唐杜甫 盛

南國旱無雨今朝江出雲入空纔漠漠灑迴已紛紛  
巢燕高飛盡林花潤色分晚來聲不絕應得夜深聞

春夜喜雨

唐杜甫 盛

好雨知時節當春乃發生隨風潛入夜潤物細無聲  
野徑雲俱黑江船火獨明曉看紅濕處花重錦官城  
白水明府舅宅喜雨得過字 唐杜甫 盛

吾舅政如此古人誰復過碧山晴又濕白水雨偏多  
精禱既不昧歡娛將謂何湯年旱頗甚今日醉絃歌  
蘇端林亭對酒喜雨 唐錢起 中

天部

卷三

十五 喜雨

小雨飛林頂浮涼入晚多能知留客處偏與好風和  
濯錦翻江縈跳珠亂碧荷芳樽深幾許此興可酣歌  
喜雨 唐戴叔倫 中

閒居倦時煥開軒俯平林雷聲殷遙空雲氣布層陰  
川上風雨來灑然滌煩襟田家共歡笑溝澮亦已深  
團團聚鄰曲斗酒相與斟樵歌野曲中漁釣滄江尋  
蒼天豈有念悠悠終我心

春日喜雨奉和馬侍中宴白樓

唐盧綸 中

鸛鶴相呼綠野寬鼎臣閒倚玉闌干洪河擁沫流仍

急蒼嶺如雲色更寒艷艷風光呈瑞歲冷冷歌頌振  
瑯盤今朝醉舞同鄉老不覺傾斜懈豸冠

賀雨

唐白居易中

皇帝嗣寶曆元和三年冬自冬及春暮不雨旱熯熯  
上心念下民懼歲成災凶遂下罪已詔殷勤制萬邦  
帝曰予一人繼天承祖宗憂勤不遑寧夙夜心忡忡  
元年誅劉闢一舉靖巴邛二年戮李錡不戰安江東  
顧惟眇眇德遠有巍巍功或者天降沴無乃微予躬  
上思答天戒下思致時邕莫如率其身慈和與儉恭  
乃命罷進獻乃命賑飢窮宥死降五刑責已寬三農

天部

卷三

三

喜雨

宮女出宣徽殿馬減飛龍殿政靡不舉皆出自宸衷  
奔騰道路人偃偻田野翁歡呼相告報感泣涕沾胸  
順人人心悅先天天意從詔下纔七日和氣生沖融  
凝爲悠悠雲散作習習風晝夜三日雨淒淒復濛濛  
萬心春熙熙百谷青芄芄人變愁爲喜歲易歉爲豐  
乃知王者心憂樂與衆同皇天與后土所感無不通  
冠珮何鏘鏘將相及王公蹈舞呼萬歲列賀明庭中  
小臣誠愚陋職忝金鑾宮稽首再三拜一言獻天聰  
君以明爲聖臣以直爲忠敢賀有其始亦願有其終  
○苦雨

苦雨

晉張協

黑蜨躍重淵商羊儻野庭飛廉應南箕豐隆迎號屏  
雲根臨八極雨足灑四溟霖瀝過二旬散漫亞九齡  
階下伏泉涌堂上水衣生洪潦浩方割人懷昏墊情  
沈液漱陳根綠葉腐秋莖里無曲突煙路無行輪聲  
環堵自頽毀垣閭不隱形尺燼重尋桂紅粒貴瑤瑱  
君子守固窮在約不爽貞雖榮田方贈慙爲溝壑名  
取志於陵子比足一作之黔婁生

苦雨二首

原作贈尚書郎顏彦先

晉陸機

大火貞朱光積陽熙自南望舒離金虎屏翳吐重陰

天部

卷三

三

苦雨

淒風在時序苦雨遂成霖朝游忘輕羽夕息憶重衾  
感物百憂生纏綿自相尋與子隔蕭牆蕭牆阻且深  
形影曠不接所託聲與音音聲日夜潤何用慰吾心  
二

朝游遊層城夕息旋直廬迅雷中宵激驚電光夜舒  
玄雲拖朱閣振風薄綺疏豐注溢脩雷潢潦浸階除  
停陰結不解通衢化爲渠沈稼湮梁頽流民汙荆徐  
眷言懷桑梓無乃將爲魚

苦雨

宋鮑照

連陰積澆灌滂沱下霖亂沈雲日夕昏驟雨望一作注

朝旦蹊溥走獸稀林寒鳥飛晏密霧冥下溪聚雲屯  
高岸野雀無所依羣鷄聚空館川梁日已廣懷人邈  
渺漫徒的相思酒空急促明彈

擬張黃門協苦雨

梁江淹

丹霞蔽陽景綠泉涌陰渚水鸛巢層巖山雲潤柱礎  
有淦興春節愁霖貫秋序變變涼葉奪戾戾颼風舉  
高談詵四時索居慕儔侶青苔<sup>一作苔</sup>日夜黃芳蕤成  
宿楚歲暮百慮<sup>一作憂</sup>交無以慰延佇

苦雨

唐高適<sup>盛</sup>

獨坐見多雨况茲兼索居茫茫十月交窮陰千里餘

天部

卷三

三

苦雨

彌望無端倪北風擊林笳白日眇難覩黃雲爭卷舒  
安得造化功曠然一掃除滴瀝簷宇愁寥寥譚笑疎  
泥塗擁城郭水潦盤丘墟惆悵憫田農徘徊傷里閭  
曾是力井稅曷爲無斗儲

王真公主別館苦雨

唐李白<sup>盛</sup>

苦雨思白日浮雲何由卷稷卨和天人陰陽仍驕蹇  
秋霖劇倒井昏霧橫絕絕嚙欲往咫尺塗遂成山川限  
溼漉奔澗瀉浩浩驚波轉泥沙塞中塗牛馬不可辨  
飢從漂母食閒綴羽陵簡園家逢秋蔬藜藿不滿眼  
蟪蛄結思幽蟋蟀傷福淺廚竈無青煙刀機生綠蘚

苦雨

唐元稹<sup>中</sup>

江瘴氣候惡庭空田地蕪煩昏一日內陰暗三四殊  
巢燕汚牀席蒼蠅點肌膚不足生詬怒但苦寡懽娛  
凌晨坐堂廡努力泥中趨迴頭命僮御向我色踟躕  
逡巡崔嵬日杲曜東南隅已復雲蔽翳不使及泥塗  
良農盡蒲葦厚地積潢汙三光不得照萬物何由蘇  
安得飛廉車磔裂雲將軀

和韓侍郎苦雨

唐白居易<sup>中</sup>

潤氣凝柱礎繁聲注瓦溝暗留窻不曉涼引簾先秋  
葉濕蠶應病泥稀燕亦愁仍聞放朝夜誤出到街頭

天部

卷三

三

苦雨

霖雨苦多江湖暴漲塊然獨望因題北亭

唐白居易<sup>中</sup>

自作潯陽客無如苦雨何籬根舟子語巷口釣人歌  
霧鳥沈黃氣風帆蹴白波門前車馬道一宿變江河  
酬鄭侍御多雨春空過詩

唐白居易<sup>中</sup>

南雨來多滯東風動即狂鏡昏鸞減影衣潤麝消香  
蘭濕難紉佩花凋易落妝沾黃鶯翅重滋綠艸心長  
紫陌皆泥濘潢汙共絲茫恐霖成怪沴望霽劇禱祥  
楚柳腰肢暉湘筠涕淚滂晝昏疑是夜陰盛勝於陽  
居士巾幘墊行人蓋盡張跳蛙還屢出移蟻欲深藏



變海常須慮爲魚慎勿忘此時方共懼何處可相將  
已望東溟禱仍封北戶禳却思逢旱賤誰喜見商羊  
祀典修成秋農書振滿牀且當營歲事寧暇惜年芳

吳中苦雨

唐皮日休

全吳臨巨溟百里到滬瀆海物競駢羅水怪爭滲漉  
狂蜃吐其氣千尋勃然感倏忽腥香冥須臾圻崖谷  
直拔倚天劒又建橫海蘼化之爲暴雨深深射平陸  
如將月窟寫似把天河撲頃刻執稍止尚自傾救救  
只是遇滂沱少曾逢霽霽雞犬竝淋漓兒童但咿噢  
當庭死蘭芷四垣盛蒼藜解帙展斷書拂林安壞牘

天部

卷三

三

苦雨

薪蒸濕不著白晝須然燭汗來旣已溥買魚不獲鮒  
竟未成麥饘安能得梁肉

奉詔吳中苦雨

唐陸龜蒙

今來值霖雨晝夜無暫歇雜若碎淵淪高如破轆轤  
何勞鼃吼岸詎要鶴鳴垤意江海翻更愁山嶽裂  
初驚蚩尤陣虎豹爭搏噬又疑伍胥濤蛟蜃相感撥  
千家濛濛練忽似好披拂沮洳漬琴書莓苔染中襪  
解衣換倉粟舂稗猶未脫飢鳥屢窺臨泥童苦春師  
或聞秋稼穡大半沈澎汜耕父蠹齊民農夫思旱魃

苦雨憶皇甫冉

唐錢起

涼雨門巷深窮居成習靜獨吟愁霖雨更使秋思永  
疲痾苦昏墊日夕開軒屏艸木森已悲衾幃清且冷  
如何遊宦客江海隨泛梗延首長相思憂襟孰能整

苦雨奉寄隴西公兼呈王徵士

唐杜甫

今秋乃淫雨仲月來寒風羣木水光下萬家雲氣中  
所思礙行潦九里信不通悄悄素滄路迢迢天漢東  
願騰六尺駒背若孤征鴻劃見公子面超然懽笑同  
奮飛旣胡越局促傷樊籠一飯四五起憑軒心力窮  
嘉蔬沒溷濁時菊碎榛叢鷹隼亦屈猛烏鵲何所蒙

天部

卷三

三

苦雨

式瞻北鄰居取適南巷翁挂席釣川漲焉知清興終  
客舍苦雨即事寄錢起郎士元二員外

唐盧綸

積雨暮淒淒窮人壯自棲響空宮樹接覆水野雲低  
穴蟻多隨艸巢蜂半墮泥遶池墻蘚合擁溜瓦松齊  
舊圃平如海新溝曲似溪壞闌留衆蝶欹棟止羣鷄  
芳盛終無實槎枯反有莢綠萍藏廢井黃葉隱危堤  
閭里歡將絕朝昏望亦迷不知霄漢侶何路可相攜

一作何路

奉詔苦雨見寄

唐陸龜蒙

松篁交加午陰黑別是江南煙靄國頑雲猛雨更相欺聲似號號色如墨茅茨裊爛簷生衣夜夜化爲螢火飛螢飛漸多屋漸薄一注愁霖當面落高掛愁霖詞未已披文忽自皮夫子哀絃怨柱合爲吟恫我窮棲蓬藿裏初悲濕翼何由起末欲箋天叩天耳其如玉女正投壺笑電霏霏作天喜

秋雨歎二首

唐杜甫 盛

闌風伏雨秋紛紛四海八荒同一雲去馬來牛不復辨濁涇清渭何當分禾頭生耳黍穗黑農夫田父無消息城中斗米換衾裯相許寧論兩相直

天部

卷三

三

苦雨

長安布衣難比數反鏤衡門守環堵老夫不出長蓬蒿穉子無憂走風雨雨聲颼颼催早寒胡鴈翅濕高飛難秋來未曾見白日泥汚后土何時乾

秋霖曲

唐錢起 中

君不見聖主旰食憂元元秋風苦雨暗九門鳳皇池裏滯泉騰蒼龍闕下生雲根陰精離畢太淹度倦鳥將歸不知樹愁陰慘澹時殷雷生靈墊溺若寒灰公卿紅粒爨丹桂黔首白骨封青苔玉食張公子炮炙燠天戟門裏且如歌笑日揮金應笑禹湯能罪已鸛鳴蛙躍正及時豹隱蘭茝亦可悲焉得太阿決

屏翳還令率土見朝曦

雨不絕

唐杜甫 盛

鳴雨旣過漸細微映空搖颺如絲飛階前短艸泥不亂院裏長條風乍稀舞石旋應將乳子行雲莫自濕仙衣眼邊江舸何忽促未得安流逆浪歸

復陰

唐杜甫 盛

方冬合沓玄陰塞昨日晚晴今日黑萬里飛蓬映天過孤城樹羽揚風直江濤簸岸黃沙走雲雪埋山蒼兕吼君不見夔子之國杜陵翁牙齒半落左耳聾詩雋類函卷三



詩集類函卷四

東吳俞安期彙纂 宣城梅鼎祚增定

甫中方承郁訂校

天部四

雪 電附

○雪

電附

詠雪聯句

謝人傳安寒雪日內集與兒女講論文義俄而雪驟公欣然唱韻兄子胡

兄及兄女道韞廣歌公大笑樂

晉謝道韞

白雪紛紛何所似公撒鹽空中差可擬胡未若柳絮

因風起韞

詠白雪

宋鮑照

人部

卷四

二 雪

白珪誠自白不如雪光妍工隨物動氣能逐勢方圓

無妨玉顏媚不奪素綰鮮投心障苦節隱迹避榮年

蘭焚石既斷何用恃芳堅

詠雪學劉公幹體

宋鮑照

胡風吹朔雪千里度龍山集君瑤臺上飛舞兩楹前

茲晨自爲美當避豔陽天一作豔陽桃李節皎潔不

成妍

詠雪離合

宋王韶之

霞先集兮雪乃零散輝素令被脣庭曲室寒兮朔風

厲川陸涸兮天籟鳴

雜言詠雪

宋謝莊

火洲滅日曄清龍關沙蒸河微雪驚岑未沈而井闕

寓方霾而海湛始益蓋以凝轉終徘徊而煙曳狀素

鏡之晨光寫金波之夜晰

詠雪使韻

梁簡文帝

鹽飛亂蝶舞花落飄粉匳匳粉飄落花舞蝶亂飛鹽

詠雪二首

梁吳均

微風搖一作庭樹細雪下簾隙縈空如霧轉凝階似

花積不見楊柳春徒看桂枝白零淚無人道相思空

何益

天部

卷四

二 雪

雪逐春風來過集巫山野瀾漫雖可愛悠一作揚詎

堪把問君何所思昔日同心者坐須風雪霽相期洛

城下

詠雪

梁裴子野

飄飄千里雪倏忽度龍沙從雲合且散因風卷復斜

拂草如連蝶落樹似飛花若贈離居者折以代瑤華

詠雪應令

梁沈約

思鳥聚寒蘆蒼雲軫暮色夜雪合且離曉風驚復息

嬋娟入綺牕徘徊驚情極弱桂不勝枝輕飛屢低翼

玉山聊可望瑤池豈難卽

和司馬博士詠雪

梁何遜

凝堦夜似月拂樹曉疑春蕭散忽如盡徘徊已復新  
輕蔽卷純質復慙施粉人若逐微風起誰言非玉塵

詠雪

陳徐陵

瓊林玄圃葉桂樹日南華豈若天庭瑞輕雪帶風斜  
三農喜盈尺六出儼崇花明朝關門外應見海神車

詠雪應衡陽王教

陳張正見

九冬飄遠雪六出表豐年睢陽生玉樹雲夢起瓊田  
入牕輕落粉拂柳駛飛綿欲動淮南賦亂下桂花前

詠雪

唐太宗

天部

卷四

三

縈野凝晨曜裝墀帶夕輝集條分樹玉拂浪影泉瓊  
色灑妝臺粉花飄綺席衣入扇縈離虛一作匣點素皎  
殘機

詠雪應詔

唐上官儀

禁園凝朔氣瑞雪掩晨曦花明樓鳳閣珠散影娥池  
飄素迎歌上翻光向舞移幸因千里映還繞萬年枝  
此詩中用影娥池學士時無解其事祭酒令狐德  
武召張柬之等十餘人示此詩柬之對云洞冥記漢  
武帝於望鵲臺西起俯月臺臺下穿影娥池每登臺  
眺月影入池中使宮人乘舟笑弄月影因名影娥池  
亦曰眺鵲臺德  
茶歎其博識

詠雪

唐駱賓王

龍雲玉葉上鶴雪瑞花新影亂銅鳥吸光銷玉馬津  
含輝明素象隱迹表祥輪幽蘭不可儷徒自繞陽春

詠雪

唐董思恭

天山飛雪度言是落花朝惜哉不我與蕭索從風飄  
鮮潔凌純素紛糝下枝條良時竟何在坐見容華銷

詠雪

唐李嶠

瑞雪驚千里同雲暗九霄龍沙飛正遠玉馬地還銷  
一作地疑明月  
夜山似白雲朝逐舞花光動臨歌扇影飄大周天闕  
路今日海神朝

詠雪

唐韓愈

天部

卷四

四

只見縱橫落寧知遠近來飄飄還自弄歷亂竟誰催  
座暖銷那怪池清失可猜切中初葢底垓處遂成堆  
慢有先居後輕多去卻迴度前鋪瓦隴發本積牆隈  
穿細時雙透乘危忽半摧舞深逢坎井集早值層臺  
砧練終宜擣階統未暇裁城寒裝睥睨樹凍裹莓苔  
緯繡觀朝萼宜蒞曠晚埃娥嬉華蕩漾胥怒浪崔嵬  
萬屋漫汗合千株照曜開豈堪裨嶽鎮強欲效鹽梅  
隱匿瑕疵盡包羅委瑣該誤難宵呃嚙驚雀暗徘徊  
浩浩過三暮悠悠市九垓日輪埋欲側坤軸壓將頽  
著地無由卷連天不易推龍魚冷蟄苦虎豹餓號哀

貌雪

梁昭明太子

既同標榜口散復似大谷花飛密如公超所起皓如  
淵客所揮無羨崑崙列素豈匹振鷺羣飛

白雪曲

齊朱孝廉

雲沒霄漢從風飛且散聯翩下幽谷徘徊依井幹  
既興楚國謠亦動周王歎所恨輕寒早不迫陽春旦

陽春一作春光

雪

梁沈約

火競乃上炎陰矯亦下潤獨有凝雨姿貞晚而無殞  
排雲寧自高晞光本非慘委谷不辭深因巖豈知峻

天部

卷四

五

潔貌雖同賞英心共誰振

雪

唐杜甫

南雪不到地青崖霑未消微微向日薄脉脉去人遙  
冬熱鴛鴦病峽深豺虎驕愁邊有江水焉得北之朝

雪

唐李咸用

六二凝陰氣同雲指上天結時風乍急集處霰長先  
犬狂南陌上竹醉小池前樵徑花黏履漁舟玉帖舷  
陣經腸谷薄勢想朔方偏嘶馬應思塞蹕鳥似為燕  
念物希周穆含毫愧惠連吟闌餘興逸還憶剡谿船

雪

唐羅隱

盡道豐年瑞豐年瑞若何長安有貧者宜瑞不宜多

和元日花雪應詔

宋謝莊

從候昭神世息燧應頌道玄化盡天秘凝功畢地寶  
笙鏞流七始玉帛承三造委霰下璇璣疊雪翻瓊藻  
積曙境寓明聯萼千里杲掩映順雲懸搖裔從風掃  
發矚燭任前騰瑞光圖表澤厚見身末恩踰悟生眇  
疎誠岱駕肅側志梁鑾矯

同謝朓花雪

梁任昉

土膏候年動積雪表晨暮散葩似浮玉飛英若總素  
東序皆白珩西籬盡翔鷺山經陋蜜一作榮騷人貶

天部

卷四

六

瓊樹

詠花雪

梁庾肩吾

瑞雪墜堯年因風入綺錢飛花灑庭樹凝瑛結井泉  
寒光晦八極同雲暗九天已飄黃竹路共慶白渠田

奉和聖製瑞雪篇

唐張九齡

萬年春三朝日上御明臺旅庭實初瑞雪今霏微俄  
同雲今蒙密此時騷切陰風生先過金殿有餘清信  
宿嬋娟飛雪度能使玉人俱掩嬈皓皓樓前月初白  
紛紛陌上塵皆素昨訝驕陽積數旬始知和氣待迎  
新匪惟在人利曾是占天意天意豈云遙雪下不崇

朝皇情翫無數雪委方盈尺草樹紛早榮京坻宛先  
積君恩誠謂何歲稔復人和預數斯箱慶應如此雪  
多朝冕旒今載悅想簪笠今農節倚琤琴今或歌續  
薰風今瑞雪福寢昌應尤盛瑞雪年年常感聖願以  
柏梁作長爲柳花詠

奉和聖製瑞雪篇

唐劉廷琦初

紫宸飛雪曉徘徊層閣重門雪照開九衢晶耀浮埃  
盡千品差池贊帛來何處田中非種玉誰家院裏不  
生埋雲翳景無窮已因風落地吹還起先過翡翠  
寶房中轉入鴛鴦金殿裏美人含笑出聯翩豔逸相

天部

卷四

七

輕鬬容止羅衣點着渾是花玉手搏來半成水奕奕  
紛紛何所如頓憶陽園二月初羞同班妾高秋扇欲  
照明王一夜書姑射山中符聖壽芙蓉闕下降仙車  
願隨睿澤流無限長揖豐年貴有餘

小雪

唐李咸用晚

散漫陰風裏天涯不可收壓松猶未得撲石暫能留  
閣靜縈吟思途長拂旅愁崆峒山北面早想玉成丘

小雪

唐僧無可晚

片片互一作玲瓏飛揚玉漏終乍微全滿地漸密更  
無風集物圓方別連雲遠近同作膏凝瘠土呈瑞下

深宮氣射重衣透花窺小隙通飄秦增舊嶺發漢攬  
長空迴冒巢松鶴孤鳴穴帛蟲過三知臘盡盈尺賀  
年豐委積休聞竹稀疏漸見鴻蓋沙沓澶漫灑海助  
冲融草木潛加潤山河更益雄因知天地力覆育有  
全功

積雪

唐賈島中

省屬時霖滯今逢臘雪多南猜飄桂渚北訝雨交河  
盡滅平蕪色彌重古木柯夕繁仍晝密漏間復鍾和  
想積高嵩頂新秋皓月過

積雪爲小山

唐劉春虛盛

天部

卷四

八

飛雪伴春還春庭曉自開虛心應任道遇賞遂成山  
峰小形全秀岩虛勢莫攀以幽能皎潔謂近可循環  
孤影臨水鏡寒光對玉顏不隨遲日盡留顧歲華間  
詠餘雪

梁沈約

陰庭覆素正南階寒綠施玉臺新落構青山已半齡  
殘雪

唐李商隱晚

旭日開晴色寒空失素塵遶牆全剝粉傍井漸銷銀  
刻獸摧鹽虎爲山倒玉人珠還猶照魏壁碎尚留秦  
落日驚侵晝餘光誤惜春簷水滴鵝管屋瓦鏤魚鱗  
嶺霽嵐光坼松暄翠粒新擁林愁拂盡着砌恐行頻

焦寢忻無患梁園去有因莫能知帝力空此荷平均

竹下殘雪

唐丘爲

一點消未盡孤明在竹林晴光夜轉瑩寒氣曉仍深  
還對讀書牖且關乘興心已能依此地終不傍瑤琴

牆陰殘雪

唐

積雪還因地牆陰久尚殘影添斜月白光借夕陽寒  
皎潔開簾近清瑩步履看狀花飛暮樹如玉不成盤  
冰薄方寧及霜濃比亦難誰憐高臥處歲暮歎袁安  
同劉諮議詠春雪 梁簡文帝

晚霞飛銀礫浮雲暗未開入池消不積因風墮復來

天部

卷四

九

思婦流黃素溫姬玉鏡臺看花言可折一作定自非

春梅

詠春雪

唐陳子良

光映妝樓月花承歌扇風欲如梅將柳故落早春中

詠春雪

唐東方虬

春雪滿空來觸處似花開不知園裏樹若箇是真梅

淮南李相公席上賦春雪

唐韋孝標

六出花飛處處飄粘牕著砌上寒條朱門到曉難盈

尺盡是三軍喜氣消

春雪

唐杜甫

三月雪連夜未應傷物華只緣春欲盡留著伴梨花

春雪

唐元稹

徘徊輕雪意似惜豔陽時不悟風花冷翻令梅柳遲

春雪

唐白居易

元和歲在卯六年春二月月晦寒食天天陰夜飛雪  
連宵復竟日浩浩殊未歇大似落鵝毛密如飄玉屑  
寒銷春蒼茫氣變風凜冽上林草盡沒曲江水復結  
紅乾杏花死綠凍楊枝折所憐物性傷非惜年芳絕  
上天有時令四序平分別寒燠苟反常物生皆天闕  
我觀聖人意魯史有其說或記水不冰或書霜不殺

天部

卷四

十一

上將做政教下以防災孽茲雪今如何信美非時節

春雪

唐韓愈

片片驅鴻急紛紛逐吹斜到江還作水著樹漸成花  
越喜飛排瘴胡愁厚益砂兼雲封洞口助月照天涯  
暝見迷巢鳥朝逢失轍車呈豐盡相賀寧止力耕家

春雪

唐韓愈

看雪乘清旦無人坐獨謠拂花輕尚起落地暖初銷  
已訝凌歌扇還來伴舞腰灑簣留密節著柳送長條  
江浪迎濤日風毛縱獵朝弄閑時細轉爭急忽驚飄

春雪

唐韓愈

新年都未有芳華二月初驚見草芽白雪卻嫌春色晚故穿庭樹作飛花

春雪

唐李建勳

南國春寒朔氣迴霏霏還阻百花開全移暖律何方去似誤新鶯昨日來平野旋銷難蔽草遠林高綴卻遮梅不知金勒誰家子只待晴明賞帝臺

詠春近餘雪應詔

北周庾信

送寒開小苑迎春入上林絲條變柳色香氣動蘭心待花將一作思對酒留雪擬彈琴陪遊愧並作空見奉恩深

天部

卷四

十一

雪

禮部試早春殘雪

唐姚康

微暖春潛至輕明雪尚殘銀鋪光漸濕珪破色仍寒無柳花常在非秋露正團素光浮轉薄皓質駐應難幸得依陰處偏宜帶月看玉塵銷欲盡窮巷起袁安

早春殘雪

唐裴乾餘

霽日彫瓊彩幽庭減夜寒梅飄餘片積日墮晚光殘零落偏依桂霏微不掩蘭陰林披霧縠小沼破冰盤曲檻霜凝砌疎篁玉碎竿已聞三徑好猶可訪袁安

早春殘雪

唐施肩吾

春景照林巒玲瓏雪影殘井泉添碧甃繁圃洗朱欄

雲路迷初醒書堂映已難花分梅嶺色應減玉堦寒遠稱樓松鶴高宜點露盤佇逢春律後陰谷始堪看

雪朝

梁簡文帝

同雲凝暮序嚴陰屯廣隰落梅飛四注翻舞三襲實斷望如連恒分似相及已觀池影亂復視簾珠濕

夜雪

唐白居易

已訝衾枕冷復見牕戶明夜深知雪重時聞折竹聲

雨雪曲

陳後主

長城飛雪下邊關地籟吟濛濛九天暗霏霏千里深樹冷月恒少山霧日偏沈况聽南歸鴈切思胡笳音

天部

卷四

十二

雪

雨雪曲

陳謝燮

朔邊昔離別寒風復淒切我我六尺水飄飄千里雪未寒袁安戶行封蘇武節應隨隴水流幾過空鳴咽

雨雪曲

陳張正見

胡關辛苦地雪路遠漫漫含冰踏馬足雜雨凍旗竿沙漠飛恒暗天山積轉寒無因辭日逐團扇掩齊紈

雨雪曲

唐盧照隣

虜騎三秋入關雲萬里平雪似胡沙暗水如漢月明高闕銀爲闕長城玉作城節旄零落盡天子不知名

雨雪曲

唐李端



天山一丈雪雜雨夜霏霏濕馬胡歌亂經烽漢火微  
丁零蘇武住疎勒范羌歸若著關頭下長榆葉定稀

雪中

唐韋應物

空堂歲已晏密室獨安眠壓篠夜偏積覆閣曉逾妍  
連山暗古郡驚風散一川此時騎馬出忽省京華年

雪中偶題

唐鄭谷

亂飄僧舍茶煙濕密瀝高樓酒力微江上晚來堪畫  
處漁人披得一簑歸

賦得雪映夜舟

陳張正見

黃雲迷鳥路白雪下鳬舟分沙映冰浦照鶴聚寒流

卷四

十三

檣風吹影落纜錦雜花浮船梁若是桂翻如月照秋

賦得玄圃觀春雪

陳張正見

同雲遙映嶺瑞雪近浮空拂鶴伊川上飄花桂苑中  
影麗重輪月飛隨團扇風還取長歌處帶曲舞春風

賦得春雪映早梅

唐庾敬休

清晨凝雪彩新候變庭梅樹愛春榮偏臆驚曙色催  
寒光添粉壁積潤覆青苔分明六出瑞隱映幾枝開

聞笛花疑落輝琴興轉來曲成非寡和長詠思悠哉

賦得春雪映早梅

唐元稹

飛舞先春雪因依上番梅一枝方漸秀六出已同開

積素光逾密填花節暗催搏風飄不散見現忽偏摧  
郢曲琴空奏羌音笛自哀今朝兩成詠翻挾昔人才

江州雪

唐白居易

新雪滿前山初晴好天氣城柳方綴花簷水方結穗  
須臾風日暖處處皆飄墜行吟賞未足坐歎銷何易  
猶勝嶺南看紛紛不到地

江雪

唐柳宗元

千山鳥飛絕萬徑人蹤滅孤舟蓑笠翁獨釣寒江雪

喜雪

唐太宗

碧昏朝合霧丹卷暝韜霞結葉繁雲色凝瓊遍雪華

卷四

十四

光樓皎若粉映幕集疑沙泛柳飛飛絮妝梅片片花  
照壁臺圓月飄珠箔穿露瑤結短長階玉藂高下樹

映桐珪累白縈峰蓮抱素斷續氣將沈裴徊歲云暮  
懷珍愧隱德表瑞佇豐年藥間飛禁苑鶴處舞伊川

儻詠幽蘭曲同歡黃竹篇

奉和聖製喜雪應制

唐許敬宗

嶸州表竒觀闕竹應遐巡何如御京洛流霞下天津  
忽若瓊林曙俄同李徑春姑峰映仙質郢路襍歌塵  
伏檻觀花瑞稱觴慶冬積飄河共瀉銀委樹還重壁  
連山分掩翠綿霄遠韜碧千里遍浮空五軼咸淪跡



機前暉裂素池上伴凌波騰華承玉宇凝照混金娥  
是日松筠性欣奉柏梁歌

喜雪

唐玄宗 盛

日觀卜先征時巡順物情風行未備禮雲密遂飄霰  
委樹寒花發繁空落絮輕朝如玉已會庭似月猶明  
既視膚先合還欣尺有盈登封何以報因此謝功成

奉和聖製喜雪應制

唐張說 初

聖德與天同封巒欲報功詔書期日下靈感應時通  
觸石雲呈瑞含花雪告豐積如沙照月散似麴從風  
舞集仙臺上歌流帝樂中遙知百神喜灑路待行宮

天部

卷四

十五 雪

奉和喜雪應制

唐宗楚客 初

飄飄瑞雪下山川散漫輕飛集九垓似絮還飛垂柳  
陌如花更繞落梅前影隨明月團紈扇聲將流水襍  
鳴絃共荷神功萬庾積終期聖壽百千年

奉和喜雪應制

唐徐安貞 初

兩宮齋祭近登臨雨雪紛紛天晝陰祗爲經寒無瑞  
色頓教正月滿芳林蓬萊北上旌門暗花萼南歸馬  
跡深自是三農歌帝力還將萬庾答堯心

野次喜雪

唐玄宗 盛

拂曙闢行宮寒臯野望通繁雲低遠岫飛雪舞長空

賦象恒依物繁廻屢逐風爲知勤恤意先此示年豐

奉和聖製野次喜雪應制

唐張說 初

寒更玉漏催曉色御前開決滌陰雪積氣氤風雪迴  
山如銀如甕宮見璧成臺欲驗豐年象飄飄仙藻來  
扈從溫泉奉和姚令公喜雪 唐蘇頌 初

清道豐人望乘時漢主遊恩暉隨霰下慶澤與雲浮

泉暖驚銀磧花寒愛玉樓鼎臣今有問河伯且應留

扈從溫泉奉和姚令公喜雪

唐張九齡 初

萬乘飛黃馬千金狐白裘正逢銀霰積如向玉京遊  
瑞色鋪馳道花文拂綵旒還聞吉甫頌不共郢歌儔

天部

卷四

十六 雪

扈從溫泉奉和姚令公喜雪

唐蘇綰 初

漢主新豐邑周王尚父師雲符沛童唱雪應海神期  
林變驚春早山明訝夕遲况逢溫液沛恩重御裘詩

長安喜雪

唐朱灣 中

千門萬戶雪花浮點點無聲落御溝通似玉塵消更  
積半成冰片結還流光含曉色清天闕輕逐微風遠  
御樓平地已霑盈尺潤年豐須荷富民侯

蒙河南劉大夫見示與吏部張公喜雪酬唱輒

敢攀和

唐許渾 晚

風度龍山暗雲凝象闕陰瑞花瓊樹合仙草玉苗深

欲醉梁王酒先調楚客琴卽應攜手去將此助商霖

奉和僕射相公春澤稍愆聖君軫慮嘉雪忽降

品彙昭蘇卽事書成四韻唐杜牧

飄來雞樹鳳池邊漸壓瓊枝凍碧連銀闕雙高銀漢裏玉山橫列玉墀前昭陽殿下風迴急承露盤中月影圓上相抽毫歌帝德一篇風雅美豐年

都堂試貢士日慶春雪唐李衢

錫瑞來豐歲旌賢入貢辰輕搖梅共笑飛弱柳和春遶砌封瓊屑依階噴玉塵蟬蛩吟更苦科斗映還新鶴毳迷難辨冰壺鑒易真因歌大君德率舞詠陶鈞

天部卷四  
十七

都堂試貢士日慶春雪唐李景

密雪分天路羣才坐粉廊霽空迷書景臨案借寒光似暖花消地無聲玉滿堂灑詞偏誤曲留硯忽因方幾處曹風比何人謝賦長春輝早相照莫滯九衢芳

都堂試貢士日慶春雪唐李損之

春雪畫悠揚飄飛試士場綴毫疑起草沾字共成章匝地如鋪練疑階似截肪鵝毛縈樹合柳絮帶風狂投息方殊慶豐年已報祥應知郢上曲高唱出東堂

溫湯對雪唐玄宗

北風吹同雲同雲飛白雪白雪乍迴散同雲何慘烈

未見溫泉水寧知火井滅表瑞良在茲庶幾可怡悅

奉和聖製溫湯對雪應制唐張說

瑞雪對寒風寒風入陰館陰館方疑閉寒風復悽斷宮似瑤林布庭如月華滿正歎挾纈詞非近溫湯暖

春朝對雪唐張九齡

忽對林亭雪瑤華處處開今年迎氣始昨夜伴春迴玉潤牕前竹花繁院裏梅東郊齋祭所應見五神來

和張丞相春朝對雪唐孟浩然

迎氣當春立承恩喜雪來潤從河漢下花關豔陽開不覩豐年瑞安知燮理材散鹽如可擬願參和羹梅

天部卷四  
十八

對雪唐杜甫

北雪犯長沙胡雲冷萬家隨風且間葉帶雨不成花

奉和對雪唐皇甫冉

春雪偏當夜暄風卻變寒庭深不復埽城曉更宜看命酒開全酌披簑晚未冠連營鼓角動忽似戰桑乾

劉方平西齋對雪唐皇甫冉

對酒閒齋晚開軒臘雪時花飄疑節候色淨潤簾幃委樹寒枝弱縈空去鴈遲自然堪訪戴無復四愁詩

淪城對雪唐元稹

晨起滿闔雪憶朝闔闔時玉座分曙早金爐上煙遲

飄散雲臺下凌亂桂樹姿  
廁跡鴛鴦末蹈舞豐年期  
今朝覆山郡寂寞復何爲

對雪

唐韋莊

瓊林瑤樹忽珊珊急帶西風下  
晚天皓鶴離飛不辨玉山重疊東相連

對雪二首

時欲之東

唐李商隱

寒氣先侵玉女扉清光旋透省郎闌  
梅花大庾嶺頭發柳絮章臺街裏飛  
欲舞定隨曹植馬有情應濕謝莊衣  
龍山萬里無多遠留待行人二月歸  
旋撲珠簾過粉牆輕於柳絮重於霜  
已隨江令誇瓊

天部

卷四

十九

樹又入盧家妬玉堂侵夜可能爭桂魄  
忍寒應欲試梅妝關河凍合東西路  
腸斷斑驂送陸郎

對雪

唐許渾

雲度龍山暗綺城先飛浙瀝引輕盈  
素娥冉冉拜瑤闕皓鶴紛紛朝玉京  
陰嶺有風梅艷散寒林無月桂華清  
剡谿一醉十年事忽憶棹回天未明

和段學士對雪

唐喻龜

盈尺知豐歲開牕向酒壺飄當大野  
匝灑到急流無密際西風盡凝間朔氣扶

望雪

梁丘遲

氛氲發紫漢雜沓被朱城  
倏忽銀臺構俄頃玉樹生  
綿綿九軌合昭昭四區明

望雪

梁虞羲

歲杪雪晝昏玄池冰夜結遠風金河起  
吹我玉山雪望雪

凍雲宵徧積素雪曉凝華入牖千重碎  
迎風一半斜

不妝空散粉無樹獨飄花  
縈空慙夕照破彩謝晨霞

終南望餘雪

唐祖詠

終南陰嶺秀積雪浮雲端林表明霽色  
城中增暮寒望終南春雪

天部

卷四

二十

山勢抱西秦初年瑞雪頰色搖鵲野  
霽影落鳳城春輝品瓊一作輝峯通晶明玉樹親  
尚寒由氣勁不夜爲光新荆岫全疑近崑丘  
宛合隣餘輝儻可借迴照讀書人

和劉郎中望終南山秋雪

唐白居易

遍覽古今集都無秋雪詩陽春先唱後  
陰嶺未消時草訝霜疑重松疑鶴散遲  
清光莫獨占亦對白雲司

望禁門松雪

唐王涯

宿雲開霽景佳氣此時濃瑞雪凝清禁  
祥煙羃小松依稀駕瓦出隱映鳳樓重  
金闕清光照瓊枝瑞色封

葉鋪全類玉柯偃乍疑龍詎比寒山上風霜老昔容

天津橋望洛城殘雪

唐閻濟美

新霽洛城端千家積雪寒未收清禁色徧向上陽殘

翫雪

隋王衡

寒庭浮暮雪疑從千里來皎潔隨處滿流亂逐風迴  
壁臺如始構瓊樹似新栽不待陽春節誰持競落梅

奉和洛陽翫雪應制

唐沈佺期

周王甲子旦漢后德陽宮灑瑞天庭裏驚春御苑中

氛氲生浩氣颭香舞回風宸藻光盈尺賡歌樂歲豐

禁闈翫雪

唐錢起

天部

卷四

王

玄雲低禁苑飛雪滿神州虛白生臺榭寒光入冕旒

粉凝宮壁靜乳結洞門幽細遶風轉輕隨落羽浮

奉和春日翫雪

唐秦韜玉

北闕同雲掩曉霞東風春雪滿山家瓊章定少千人

和銀樹先開六出花

看雪

唐

松亞竹珊珊心知萬井歡山明迷舊徑谿滿漲新瀾

客醉瑤臺曙兵防玉塞寒紅樓知有酒誰肯學袁安

阻雪聯句遙贈和

齊謝朓

積雪皓陰池北風鳴細枝九逵密如繡何異遠別離

謝風庭舞流霞水沼一作結文漸飲春雖以煥欽賢

紛若馳江秀才珠雲條間響玉溜檐下垂杯酒不相接

寸心良共知王丞融飛雲亂無緒結水明曲池雖乖促

席燕白首信勿虧王蘭陵僧飄素瑩檐溜巖結噎通岐

罇罍如未澣况乃限音儀謝洗馬原隰望徒倚松筠竟

不移隱憂而萱樹忘懷待山巵劉中書初听逸翮舉日

昇驚馬疲幽山有桂樹歲暮方參差沈初

上朝值雪

梁裴子野

冰雪欵千門柳風朝萬戶集霰渝丹轍流雲飄繡柱

滴瀝垂土膏闌干懸石乳

天部

卷四

王

郊行值雪

北周庾信

風雲俱慘慘原野共茫茫雪花開六出水珠映九光

還如驅玉馬暫似獵銀獐陣雲全不動寒山無物香

薛君一狐白唐侯兩驢驢寒關日欲暮披雪渡河梁

發長松遇雪

宋鮑照

土牛既送寒莫陵一作方方決馳振風搖地局封雪滿

空枝江渠合為陸天野浩無涯飲泉凍馬骨斷水傷

役疲昆明豈不慘黍谷寧可吹

奉和遊禁苑幸臨渭亭遇雪應制

唐李义

青陽御紫微白雪下彤闈  
泱壤流天霽綿區灑帝輝  
水如銀度燭雲似玉披衣  
爲得因風起還來就日飛  
奉和遊禁苑幸臨渭亭遇雪應制

唐李嶠

彤雲接野煙飛雪暗長天  
拂樹添梅色過樓助粉妍  
光含班女扇韻入楚王絃  
六出迎仙藻千箱荅瑞年  
奉和遊禁苑幸臨渭亭遇雪應制

唐李適

長樂喜春歸披香愛雪霏  
花從銀閣度絮繞玉牕飛  
寫曜街大藻呈祥拂御衣  
上林紛可望無處不光輝

天部

卷四

雪

奉和遊禁苑幸臨渭亭遇雪應制

唐徐彥伯

玉律藏冰候彤階飛雪時  
日寒消不盡風定舞還遲  
瓊樹留宸矚璇花入睿詞  
懸知穆天子黃竹謾言詩

苑中遇雪應制

唐沈佺期

北闕彤雲掩曙霞東風吹雪舞  
仙家瓊章定少千人  
和銀樹長芳六出花

與秦韜玉春日詠雪詩小異二集俱載

苑中遇雪應制

唐宋之問

紫禁仙輿詰旦來青旂遙倚望春臺  
不知庭霰今朝落疑是林花昨夜開

苑中遇雪應制

唐劉憲

龍驤曉入望春宮正逢瑞雪舞東風  
花光併灑天文上寒氣行消御酒中

苑中遇雪應制

唐李義

勝日登臨雲葉起芳風搖蕩雪花飛  
星輝幸得承金鏡颺影還將奉玉衣

苑中遇雪應制

唐趙彥昭

始見青雲干律呂俄逢瑞雪應陽春  
今日廻看上林樹梅花柳絮一時新

苑中遇雪應制

唐趙彥伯

天部

卷四

雪

千鍾聖酒御筵披六出祥英亂遶枝  
卽此神仙對瓊圃何煩轍跡向瑤池

苑中遇雪應制

唐李嶠

散漫祥雲逐聖迴飄飄瑞雪繞天來  
不能落後爭飛絮故欲迎前綻早梅

和張二途中遇雪

唐孟浩然

風吹沙海雪來作柳園春宛轉隨香騎  
輕盈伴玉人歌疑郢中客態比洛川神  
今日南歸楚雙飛似入秦

赴京途中遇雪

唐孟浩然

迢遞秦京道蒼茫歲暮天窮陰連晦朔  
積雪滿山川

落鴈迷沙渚，饑鳥噪野田。客愁空佇立，不見有人煙。

逢雪宿芙蓉山主人

唐劉長卿

日暮蒼山遠，天寒白屋貧。柴門聞犬吠，風雪夜歸人。

悼傷後赴東蜀辟至散關遇雪

唐李商隱

劒外從軍遠，無家與寄衣。散關三尺雪，迴夢舊驚機。

苦雪

唐高適

濛濛灑平陸，淅瀝至幽居。且喜潤羣物，焉能悲斗儲。故交久不見，鳥雀投吾廬。

憶雪

唐李商隱

天部

卷四

三

雪

愛景人方樂，同雲候稍愆。徒聞周雅什，願賦朔風篇。欲俟千箱慶，須資六出妍。詠留飛絮後，歌唱落梅前。庭樹思瓊葉，妝樓認粉綿。瑞邀盈尺日，豐待兩岐年。預約延枚酒，虛乘訪戴船。映書孤志業，披氅阻神仙。幾向霜堦步，頻將月幌褰。玉京應已足，白屋但顚然。

校書秘書省對雪詠懷

梁劉孝綽

桂華殊皎皎，柳絮亦霏霏。詎比咸池曲，飄飄千里飛。恥均班女扇，羞儷曹人衣。浮光亂粉壁，積照朗彤闥。鵲鶴搖羽至，鸚鵡拂翅歸。相彼猶自得，嗟余獨有違。終朝守玉署，方夜勞石扉。未能奏綳綺，何由辨國圍。

坐銷風露，貨遊聯珠。璧暉偶懷，策車是良。知高蓋非，既言謝端，本無為陳巧機。

詠春雪寄族人治書思澄

梁何遜

可憐江上雪，迴風起復滅。本欲映梅花，翻悲似玉屑。朝鶯日弄響，暮條行可結。咸言不適時，安知非矯節。冬日普光寺臥疾值雪簡諸舊遊

隋釋慧淨

臥病苦留滯，闔戶望遙天。寒雲舒復卷，落雪斷還連。凝華照書閣，飛素婉琴絃。迴飄洛神賦，皎映齊紈篇。縈階如鶴舞，拂樹似花鮮。徒賞豐年瑞，沈憂終自憐。

天部

卷四

三

雪

寓居洛濱對雪憶謝二

唐駱賓王

旅思眇難裁，衝飈恨易哀。曠望洛川晚，飄飄瑞雪來。積彩明書帳，流韻繞琴臺。色奪迎仙羽，花避犯靈梅。謝庭賞方逸，表扉掩未開。高人儻有訪，興盡詎須迴。

冬晚對雪憶胡居士家

唐王維

寒更傳曉箭，清鏡覽衰顏。隔牖風驚竹，開門雪滿山。灑空深巷靜，積素廣庭閑。借問袁安舍，脩然尚閉關。舟中夜雪有懷盧十四侍御弟

唐杜甫

朔風吹桂水，大雪夜紛紛。暗度南樓月，寒深北渚雲。燭斜初近見，舟重竟無聞。不識山陰道，聽雞更憶君。



奉酬辛大夫喜湖南臘月連日降雪見示之作

唐劉長卿中

長沙耆舊拜旌麾喜見江潭積雪時  
柳絮三冬先北地梅花一夜遍南枝  
初開牕閣寒光滿欲掩軍城暮色遲  
閭里何人不相慶萬家同唱郢中詞

春夜喜雪有懷王二十二

唐白居易中

夜雪有佳趣幽人出書帷微寒生枕席輕素封階墀  
坐罷楚絃曲起吟班扇詩明宜滅燭後淨愛褰簾時  
憑引曙色早庭銷春氣遲山陰應有興不卧待微之

新雪寄楊舍人

唐白居易中

天部

卷四

三七 雪

不思朱雀街東鼓不憶青龍寺後鐘  
唯憶夜深新雪後新昌臺上七株松

和吳學士對春雪獻韋令公次韻

唐黃潛中

春雪下盈空翻疑臘未窮連天寧認月墮地屢兼風  
忽誤邊沙上應平火嶺中掩扉皆墮北移律愧居東  
出戶行瑤砌開園見粉蘂高才興詠處真宰吝殊功

雪夜下朝呈省中一絕

唐韋應物中

南望青山滿禁闌曉陪鴛鴦正差池共愛朝來何處  
雪蓬萊宮裏拂松枝

雪中聞李儋過門不訪聊以寄贈

唐韋應物中

度門能不訪冒雪屢西東已想人如玉遙憐馬似驄  
乍迷金谷路須變上陽宮還比相思意紛紛正滿空

和韓郎中楊子津翫雪寄嚴維

唐李嘉祐中

雪深楊子岍看柳盡成梅山色潛知近潮聲只聽來  
夜禽驚曉散春物受寒摧粉署生新興瑤華寄上才  
和韓郎中楊子津翫雪寄山陰嚴維

唐皇甫冉中

凝陰晦長箔積雪滿通川征客寒猶去愁人晝更眠

天部

卷四

三八 雪

謝家興詠日漢將出師年聞有招尋興隨君訪戴船  
酬王二十舍人雪中見寄

唐韓愈中

三日柴門擁不開階平庭滿白皚皚今朝踏作瓊瑤  
跡爲有詩從鳳沼來

雪中寄令狐相公兼呈夢得

唐白居易中

兔園春雪梁王會想對金罍詠玉塵今日相如身在  
此不知客又坐何人

雪中卽事寄微之

唐白居易中

連夜江雲黃慘澹平明山雪白模糊誰家高士關門  
戶何處行人失道途壓瘴一州除疾苦呈豐萬井盡



歡娛潤含玉德懷君子寒助霜威憶大夫莫道煙波  
一水隔何妨氣候兩鄉殊越中地暖多成雨還有瑤  
臺瓊樹無

酬樂天雪中見寄

唐元稹

知君夜聽風蕭索曉望林亭雪半糊坐覺湖聲迷遠  
浪回驚雲路在長途滿空飛舞應爲瑞寡和高歌只  
自娛莫遣擁簾傷思婦且將盈尺慰農夫稱觴彼此  
情何異對景東西事有殊鏡水遶山山盡白琉璃雲  
母世間無

廬江途中遇雪寄李侍御

唐朱慶餘

天部

卷四

二十九

廬聲多鴈滿陂濕雲連野見山稀遙知將吏相逢  
處半是春城賀雪歸

翫殘雪寄河南尹劉大夫

唐許渾

豔陽無處避皎潔不成容素質添瑤水清光散玉峰  
眠鷗猶戀草棲鶴未離松聞在金鑾望羣仙對七重

和畢員外雪中見寄

唐許渾

仙署掩清景雪華松桂陰夜凌瑤席宴春寄玉京吟  
燭晃垂羅幙香寒重繡衾相思不相訪煙月剡谿深

雪夜與友生同宿曉寄近鄰

唐溫庭筠

閉門羣動息積雪透疎林有客寒方覺無聲鳥自深

正欲聞近鴈併落起棲禽寂寞寒塘路憐君獨阻尋

雪中寄李知誨判官

唐方干

聚散聯翩急欲遲解將華髮兩相欺雖云竹重先藏  
路卻訝巢傾不損枝入戶便從風起後照牕翻似月  
明時此時門巷無行跡塵滿樽罍誰得知

淮海對雪贈傅靄

唐李白

朔雪落吳天從風渡溟渤海樹成陽春江沙皓明月  
興從剡谿起思繞梁山發寄君郢中歌曲罷心斷絕  
夜中對雪贈秦絲時秦初與謝氏離婚謝氏在

越

唐劉長卿

天部

卷四

三十

月明花滿地君自憶山陰誰遣因風起紛紛亂此心  
旅舍對雪贈考功王員外

唐李端

楊花驚滿路麴市忽狂風驟下搖蘭葉輕飛集竹叢  
欲將瓊樹比不共玉人同獨望微之棹青山在雪中

天山雪歌送蕭治歸京

唐岑參

天山雪雪常不開千峰萬嶺雪崔嵬北風夜卷赤亭  
口一夜天山雪更厚能兼漢月照銀山復逐胡風過  
鐵關交河城邊鳥飛絕輪臺路上馬蹄滑晝晡寒氣  
萬里凝闌干陰崖千丈冰將軍狐裘卧不暖都護寶  
刀凍欲斷正是天山雪下時送君走馬歸京師雪中

何以贈君別惟有青青松樹枝

白雪歌送武判官歸京

唐岑參

北風卷地白草折胡天八月即飛雪忽如一夜春風  
來千樹萬樹梨花開散入珠簾濕羅幕狐裘不暖錦  
衾薄將軍角弓不得控都護鐵衣冷難著瀚海闌干  
百丈冰愁雲慘淡萬里凝中軍置酒飲歸客胡琴琵  
琶與羌笛紛紛暮雪下轅門風掣紅旗凍不翻輪臺  
東門送君去去時雪滿天山路山回路轉不見君雪  
上空留馬行處

少室雪晴送王寧

唐李頎

夫部

卷四

三十一

少室眾峰幾峰別一峰晴見一峰雪隔城半山連青  
松素色峨峨千萬重過景斜臨不可道白雲欲盡難  
爲容行人與我翫幽境北風切切吹衣冷惜別浮橋  
駐馬時舉頭試望南山嶺

和張湖熟電詩

陳陸瓊

惟微動羽惟陰脅陽雨水作沴凝氣爲祥

詩集類函卷四

詩集類函卷五

東吳俞安期彙纂

宣城梅鼎祚增定

甫中方永初訂校

天部五

霜 霧 煙 火 附 雷 露

○露

賦得露

梁顧烜

飛空猶蘊狀集物始成華萎黃病秋菊厭浥長春芽  
非唯溥蔓草頗亦變兼葭仍增江海浪聊點木蘭花

詠露

唐董思恭

夜色凝僊掌晨甘下帝庭不覺九秋至遠向三危雲

天部

卷五

一

蘆渚花初白葵園葉尚青晞陽一灑惠方願溢滄溟

詠露

唐李嶠

滴瀝明花苑歲疑滋竹叢玉垂丹棘上珠湛綠荷中  
夜警千年鶴朝零七月風願凝僊掌內長奉未央宮

詠露

唐李正封

霏霏靈液重雲表無聲落霑樹急玄蟬灑池淒皓鶴  
流塵清遠陌飛月澄高閣宵潤玉堂簾曙寒金井索  
佳人比珠淚坐感空綃薄

詠露珠

唐元稹

秋荷一滴露清夜墜玄天將來玉盤上不定始知圓

早露

梁劉瞻

九畹疑芳葉百草瑩新珠盈荷雖不潤拂竹竟難枯

秋露

唐駱賓王

初

玉蘭寒氣早金塘秋色歸泛掌光逾淨添荷滴尚微  
變霜凝曉液承月委圓輝別有吳臺上應濕楚臣衣

詠採甘露應詔

陳江總

祥露曉氛氤上林朝晃朗千行珠樹出萬葉瓊枝長  
徐輪動仙駕清晏留神賞丹水波濤汎黃山煙霧上  
風亭翠旆開雲殿朱絃響徒知恩禮洽自憐名實爽

芳林園甘露

梁神游

天部

卷五

三

矧茲嘉露因祥特表翻潤星夕流甘月曉奇越彫氛  
珍逾素鳥降液丹墀飛津綺殿九服依風八荒改面  
敢述朦詞式旌舞忭

應詔甘露詩

北齊邢邵

膏露且漸洽凝液洊旌旗草木盡霑被玉散復珠霏  
誰謂穹昊達合道若應機

甘露

北齊邢子才

休微慮動感極迴天流甘委素玉潤冰鮮蜜房下結  
珠琲上懸布濩林野灑散旌旒

尹相公京兆府中棠樹降甘露詩

唐岑參

相國尹京兆政成人不欺甘露降府庭上天表無私  
非無他人家豈少羣木枝被茲甘露樹美掩召伯詩  
團團甜如蜜晶晶凝若脂千柯玉光碎萬葉珠顆垂  
崑崙何時來慶雲相逐飛魏宮銅盤貯漢帝金掌持  
王澤布人和精心動靈祇君臣日同德禎瑞方潛施  
何術令大臣感通能及茲忽驚政化理暗與神物期  
却笑趙張輩徒稱今古稀爲君下天酒麴蘖將用時  
京兆尹廳前甘棠樹降甘露 唐錢起

內史用堯意理京宜惠慈氣和祥則降孰謂天難知

天部

卷五

三

濟早露爲兆有如埧應麓豈無天桃樹洒此甘棠枝  
玉色與人淨珠光臨筆垂協風與之俱物性皆熙熙  
何必鳳池上方看作霖時

和錢侍郎甘露

唐孟郊

玄天何以言瑞露青松繁忽見垂書跡還驚涌澧源  
春枝晨媚媚香味曉翻翻子禮忽來獻臣心固易敦  
清風惜不動薄霧肯蒙昏嘉晝色更晶仁慈久乃存  
一方難獨占天下恐爭論側聽飛中使重榮華德門  
從公樂萬壽餘慶及兒孫

賦得胥臺露

隋庾抱

胥臺既落構荆棘稍侵扉棟折連雲影梁摧照日暉  
翔鶴遂不返巢燕反無歸唯有團圞露承睫共沾衣

賦得金華露

唐徐敞中

武帝貴長生延年餌玉英銅盤滴珠露僊掌抗金莖  
拂曙氛埃歛凌空沆瀣清岩峩捧瑞氣龍從出宮城  
勢入浮雲聳形標霽色明大君當御宇何必去蓬瀛

賦得清露被皇蘭

唐孫顧中

九臯蘭葉茂八月露華清稍與秋陰合還將曉色并  
向空羅細影臨水沄微明的皦添幽興芊綿動達情  
夕芳人未採初降鶴先驚爲感生成惠心同葵藿傾

天部

卷五

四

賦得宿煙含白露

唐□□□

枿枿有新意微微曙色幽露含疎月靜光與曉煙浮  
迴野遙凝素空林望已秋著霜寒未結凝葉滴還流  
比玉偏清潔如珠詎可收徘徊阡陌上瞻想但淹留

春草凝露

唐張友正中

蒼蒼芳草色含露對青春已賴陽和長仍慙潤澤頻  
日臨殘未滴風度欲成津蕙葉垂偏重蘭叢洗轉新  
將行愁裏逕欲采畏濡身獨愛池塘畔清華遠襲人

月夜梧桐葉上見寒露

唐戴察

蕭疎桐葉上月白露初團滴瀝瀝光滿熒煌素彩寒

風搖愁玉墜枝動惜珠乾氣冷知秋晚聲微覺夜闌  
凝空流欲遍潤物淨宜看莫厭窺臨倦將晞聚更難

○霜

詠霜

梁張率

駟見視乾度鐘鳴測地機秋冬交代序申霜白綏綏  
原野生暮鬻堪埤散夕霏徘徊總巖氣悵望淪清輝  
平臺寒月色池水愴風威凝陰同徂夜遺鴈獨歸飛  
繁叢亂蕪絕繁林紛已稀貞松非受令芳草徒具腓

詠霜

唐蘇味道初

天部

卷五

五

金祇暮律盡玉女暝氣歸孕冷隨鐘徹飄華逐劍飛  
帶日浮寒景乘風進晚威自有貞筠質寧將庶草腓

霜

唐袁郊晚

古今何事不思量盡信鄒生感彼蒼但想燕山吹暖  
律炎天豈不解飛霜

風草不留霜

唐王景中中

繁霜當永夜寒草正驚風飄素衰頽末流光晚蕙叢  
悠揚方泛影皎潔卻飛空不定離披際難凝鬱蒼中  
低昂閒散質肅殺想成功獨感玄暉詠依依此夕同

白露爲霜

唐顏粲中

悲秋將歲晚繁露已成霜徧渚蒼先白雪籬菊自黃

應鐘鳴遠寺擁鴈度三湘氣逼禰太薄寒消野蔓長  
滿庭添月淨拂水欽荷香獨念蓬門下窮年在一方

白露為霜

唐徐敞中

早寒青女至零露結為霜入夜飛清景凌晨積素光  
駟星初杳杳段炎復蒼蒼色冒沙灘白威加木葉黃  
鮮輝襲紈扇殺氣掩干將葛屨那堪履徒令君子傷  
○霧

詠霧二首

梁元帝

曉霧晦階前垂珠帶葉邊五里浮長隰三晨暗遠天  
傍通似佳氣却望若非煙疎簾還復密斷棟更疑連

天部

卷五

六

霧

還思逢樂廣能令雲霧寨

三晨生遠霧五里闌城闌從風疑細雨映日似遊塵  
乍若飛一作輕煙散時如佳氣新不妨鳴樹鳥時蔽摘  
花人

賦得霧

梁沈約

竊簪蔽園林依霏被軒牖睇有始疑空瞻空復知有  
游蛇隱遙漢文豹棲南阜既殊三五輝遠望徒延首  
詠霧應詔

北周王褒

七條開早陌五里闌朝氛帶樓疑海氣含蓋似浮雲  
方從河水上預奉綠圖文

詠霧

唐董思恭初

蒼山秋已暮翠觀黯將沈終南晨豹隱巫峽夜猿吟  
天寒氣不歇景晦色方深待訪公超市將予赴華陰

詠霧

唐蘇味道初

氤氳起洞壑遙裔匝平疇乍似含龍劍還疑映蜃樓  
拂林隨雨密度逕帶煙浮方謝公超步終從彥輔遊

詠霧

唐李嶠初

曹公迷楚澤漢帝出平城沃野妖氛靜丹山霽色明  
類煙飛稍重方雨散還輕倘入非熊繇寧思玄豹情

賦得花庭霧

唐太宗

天部

卷五

七

霧

蘭氣已薰宮新藥半妝叢色含輕重霧香引去來風  
拂樹濃舒碧紫花薄蔽紅還當禱行雨髮髯隱遙空

遠山澄碧霧

唐太宗

殘雲收翠嶺夕霧結長空帶岫凝全碧障霞隱半紅  
髣髴分初月飄飄度曉風還因三里處冠蓋遠相通

水亭夜坐賦得曉霧

唐李益中

月落寒霧起沈思浩通川宿禽嚙木散山澤一蒼然  
漠漠沙上路云洲外田猶當依遠樹斷續欲窮天

行舟值早霧

梁代挺

水霧維山煙冥冥不見天聽猿方村岫聞瀨始知川

漁人惑澳一作浦行舟迷汭沿日中氛霽盡空水共澄鮮

凌霧行

唐韋應物中

秋城海霧重職事凌晨出浩浩合元天溶溶迷朗日  
纔看含鬢白稍視霑衣密道騎全不分郊樹都如失  
罪微誤噓吸膚腠生寒慄歸當飲一杯庶用蠲斯疾

○煙

詠煙

梁簡文帝

浮空覆雜影含露密花藤乍如洛霞發頗似巫雲登  
映光飛百仞從風散九層欲持翡翠色時吐鯨魚燈

天部

卷五

八

煙

詠煙

唐李嶠初

瑞氣凌青閣空蒙上翠微迴浮雙闕路遙拂九仙衣  
桑柘迎寒色松篁暗晚暉還當紫霄上時接彩鸞飛

遠煙

唐僧處默

霽霽前山上凝光滿薜蘿高風吹不起遠樹得偏多  
翠與晴雲合輕將淑氣和正堪流野目朱閣意如何

賦得浦狹村煙度

梁簡文帝龍江引浦狹村煙度洲長歸鳥息

陳張正見

茅蘭夾兩岨野燎燭中川村長合夜影水狹度浮煙  
收光暗鳥弋分火照漁船山人不炊桂樵華幸共然

南至日隔仗望含元殿爐煙 唐崔立之中

千官賀長至萬國拜含元隔仗爐光出浮霜煙氣翻  
飄飄繁內殿漠漠澹前軒聖日開如捧卿雲近欲渾  
輪困灑宮闕蕭索散乾坤願惹天風便披香奉至尊

南至日隔仗望含元殿爐煙

唐裴次元中

晃旒初負扆丹服盡朝天暘谷初移日金爐漸起煙  
芬馨流遠近散漫入貂蟬霜仗凝逾白朱欄映轉鮮  
始看浮闕在稍見逐風遷為冰皇家慶來瞻羽衛前

南至日隔仗望含元殿爐煙

唐王良士中

抗殿疏龍首高接上玄節當南至日星是北辰天

天部

卷五

九

煙

霜戟羅仙仗金爐引御煙霏微雙闕麗溶曳九門連  
拂曙祥光滿分晴瑞色鮮一陽今在曆生值願陶甄

○火

光附

火

唐杜甫盛

楚山經月火大旱則斯舉舊俗燒蛟龍驚惶致雷雨  
爆嵌魑魅泣崩棟嵐陰昡羅落沸百泓根源皆萬古  
青林一灰燼雲氣無處所入夜殊赫然新秋照牛女  
風吹巨焰作河棹騰煙柱勢欲焚崑崙光彌燠洲渚  
腥至焦長蛇聲吼纏猛虎神物已高飛不見石與土  
爾寧要謗讟憑此近焚侮薄關長吏憂甚昧至精王



遠遷誰撲滅將恐及環堵流汗卧江亭更深氣如縷

續令詠山火

唐李白

野火燒山上人歸火不歸焰隨紅日去煙逐暮雲飛  
白微時為小吏侍廣漢令令一日賦山火詩思輒不屬白從傍綴其下句今題止

戊申歲六月中遇火

晉陶淵明

草廬寄窮巷甘以辭華軒正夏長風急林

一作鄰

室頻

燒燔一宅無遺宇舫舟蔭門前迢迢新秋夕亭亭月

將圓果菜始復生驚鳥尚未還中宵竚遙念一盼周

九天總髮抱孤念奄出四十年形跡憑化往靈府長

獨閑貞剛自有質玉石乃非堅仰想東戶時餘糧宿

天部

卷五

十一

中田鼓腹無所思朝起暮歸眠既已不遇茲且遂灌

西一作園

遠看放火

梁庾肩吾

風前細塵起月裏黑煙生發燄看喬木侵光識遠城

武陵觀火詩

唐劉禹錫

楚鄉祝融分炎火常為虞是時直突煙發自晨炊徒

盲風扇其威白晝曠陽鳥操縵不暇汲循牆還避踰

怒如列缺光迅與芬輪俱聯延掩四達赫奕成洪鑪

洵疑雲濤翻颯若鬼神趨當前迎燄絕是物同膏腴

金鳥入梵天赤龍遊玄都騰煙透牕戶飛焰生藥爐

火山摧半空星雨灑中衢瑤壇被髹漆寶樹攢珊瑚

光縣與焦琴旗亭無酒濡市人委百貨邑令遺雙鳬

餘勢下隄隴長燄烘舳舻吹焚照水府炎浪愁天吳

災罷雲日晚心驚視聽殊高灰辨廩更黑土連闔閭

衆燼合星羅遊氛鑠人膚厚地藏宿熱逢林呈驟枯

火德資生人庸可一日無御之失其道敲石彌天隅

晉庫走龍劒吳宮傷燕雛五行有沴氣先哲垂訐謨

宋鄭同日起時稱賢大夫無苛自可樂弭災意所圖

賢守恤人瘼臨煙駐驪駒弔傷色慘怛顏失詞劬愉

下令蠲里布指期輕市租開垣適未立苦蓋自相娛

天部

卷五

十一

山木行翦伐江泥宜堊途邑臣不必會何用徵越巫

道州觀野火

唐呂溫

南風吹烈火焰焰燒楚澤陽景當晝遲陰夜半天赤

過處若箠掃來時似電激豈復辨蕭蘭焉能分玉石

蟲蛇盡燦爛虎兕亦奔迫積穢皆蕩除和氣始融液

堯時既敬授禹稼斯肇植遍生合穎禾大秀兩岐麥

家有京坻詠人無溝壑感乃悟焚如功來歲終受益

甘露寺火後

唐羅隱

六朝勝事已塵埃猶有閒人悵望來只道鬼神能護

物不知龍象自成灰犀慙水府渾無恠燕說吳宮未



是災還識平泉故侯否一生蹤跡此樓臺

燒歌

唐溫庭筠 晚

起來望南山山火燒山田微紅久如滅短焰復相連  
差差向巖石冉冉凌青壁低隨迴風盡遠照簷茅赤  
鄰翁能楚言倚鋪欲憐然自言楚越俗燒畝爲早田  
豆苗蟲促促籬上花當屋廢棧豕歸欄廣場雞豕粟  
新年春雨晴處處賽神聲持錢就人卜敲瓦隔林鳴  
卜得山上卦歸來桑棗下吹火向白茅一作腰鑣映  
和蔗風驅柵葉煙柵樹連平山迸星拂霞外飛燼落  
堦前仰面呻復嚏鴉娘呪豐歲誰知蒼翠容盡作官

家稅

卷五

十一

火

夜光篇

以下光

唐王冷然 咸

遊人夜到汝陽間夜色冥濛不解顏誰家暗起寒山  
燒因此明中得見山山頭山下須臾滿歷險緣深無  
暫斷焦聲散著羣樹鳴炎氣傍林一川煖是時西北  
多海風吹上連天光更雄濁煙熏月黑高焰蕪雲紅  
初謂煉丹仙竈裏還疑鑄劍神谿中劃爲飛電來照  
物乍作流星併上空西山無草光已滅東頂熒熒猶  
未絕沸湯空谷數道水融盡陰崖幾年雪兩京貧病  
若爲居四壁皆成鑿照餘未得貴遊同秉燭唯將半

影借披書

河出榮光

唐張良器

引派崑山峻朝宗海路長千齡逢聖主五色瑞榮光  
隱映浮中國晶明助太陽坤維連浩漫天漢接微茫  
丹闕清氛裏函關紫氣傍位尊常守伯道泰每呈祥  
習坎靈逾久居卑德有常龍門如可涉忠信是舟梁  
河出榮光 唐□□□

符命自陶唐吾君應會昌千年清德水九折滿榮光

極岍浮佳氣微波照夕陽澄輝明貝闕散彩入龍堂

近帶關雲紫遙連日道黃馮夷矜海若漢武貴宣房

天部

卷五

十三

榮光

漸沒孤槎影仍分一葦杭撫躬悲未濟作頌喜時康

望禁苑祥光

唐蔣防 中

佳氣生天苑葱龍幾效祥樹搖三殿側日映九城傍  
山霧今同色卿雲未可章眺汾疑鼎氣臨渭想熒光  
當並春陵發應開聖曆長微臣時一望短羽欲翱翔  
○雷 霹靂附

雷 雜言

晉傅玄

雷隱隱感妾心傾耳清聽非車音

清字

驚雷歌

晉傅玄

驚雷奮兮震萬里威陵宇宙兮動四海六合不維今

誰能理

雷

唐杜甫

巫峽中宵動滄江十月雷龍蛇不成蟄天地割爭迴  
却碾空山過深蟠絕壁來何須妬雲雨霹靂楚王臺

聞雷

唐白居易

瘴地風霜早溫天氣候催窮冬不見雪正月已聞雷  
震蟄蟲蛇出驚枯草木開空餘客方寸依舊似寒灰

聞春雷

唐司空曙

水國春雷早闌闌若衆車自憐遷逐者猶滯蟄藏餘

霹靂引

梁簡文帝

天部

卷五

十四雷

來從東海上發自南山陽時聞連鼓響乍散投壺光  
飛車走四瑞繞電發時祥令去於斯表殺來永傳芳

霹靂引

隋辛德源

出地聲初奮乘乾威更作雲銜天笑明雨帶星精落  
碎枕神無擾震盪書自若側聞吟白虎達見飛玄鶴

書異

唐元稹

孟冬初寒月渚澤蒲尚青飄蕭北風起皓雪紛滿庭  
行過冬至後凍閉萬物零奔渾馳暴雨驟鼓轟雷霆  
傳云不終日通宵曾莫停瘴雲愁拂地急雷疑注瓶  
洶湧潢潦濁噴薄鯨鯢腥跳趨井蛙喜突兀水惟形

飛蚺奔不死脩蛇蟄再醒應龍非時出無乃歲不寧

吾聞陰陽戶啓閉各有局後時無肅殺廢職乃玄冥

座配五天帝薦用百品珍權爲祝融奪神其焉得靈

春秋雷電異則必書諸經仲冬雷雨苦願省蒙蔽刑

○虹

詠虹

唐董思恭

春暮萍生早日落雨飛餘橫彩分長漢倒色媚清渠  
梁前朝影出橋上晚光舒願逐旌旗轉飄飄侍直廬

詠虹

唐蘇味道

紆餘帶星渚窈窕架天濶空因壯士見還共美人沈

天部

卷五

十五

逸照含良玉神光藻瑞金獨留長劍彩終負昔賢心

賦得浦外虹

唐陳潤

日影化爲虹彎彎出海東一條微雨後五色片雲中  
輪勢隨天度橋形跨海通還將飲水處持送使車雄

虹藏不見

唐徐敞

迎冬小雪至應節晚虹藏玉氣徒成象星精不散光  
美人初比色飛鳥罷呈祥石澗收晴影天津失彩梁  
霏霏空暮雨杳杳映殘陽舒卷應時令因知聖曆長

○霞

早望海邊霞

唐李白

四明三千里朝起赤城霞日出紅光散分輝照雪厓  
一餐燕瓊液五內發金沙舉手何所待青龍白虎車  
○晴霽

天晴詩

晉湛方生

屏翳寢神轡飛廉收靈扇青天瑩如鏡凝津平初學作奕  
如研落帆脩江渚初學作渭悠悠極長晴清氣朗山壑千

里遙相見

開霽

梁簡文帝

景落商飈靖煙開四郊謐偃蹇暮山虹游揚峰下日  
水紋城上動城樓水中出竟微共治功空卧淮陽秩  
天部 卷五 十六

雨晴

隋王冑

初晴物候涼夕景照山莊殘虹低飲澗新溜上侵塘  
風度蟬聲遠雲開鴈路長

雨晴二首

唐杜甫盛

天際秋雲薄從西萬里風今朝好晴景久雨不妨農  
寒柳行疎翠山梨結小紅胡笳樓上發一鴈入高空

二

雨晴山不改晴罷峽如新天路看殊俗秋江思殺人  
有猿揮淚盡無犬附書煩故國愁眉外長歌欲損神

晴二首

唐杜甫盛

久雨巫山暗新晴錦繡文碧知湖外草紅見海東雲  
竟日鶯相和摩霄鶴數羣野花乾更落風處急紛紛  
二

啼鳥爭引子鳴鶴不歸林下食遭泥去高飛恨久陰

雨聲衝塞盡日氣射江深迴首周南客驅馳魏闕心

霽後作齊梁體

唐曹鄴晚

新霽辨草木晚塘明衣衿乳燕不歸宿雙雙飛向林  
微照露花影輕雲浮麥陰無人可招隱盡日登山吟

雨後

梁簡文帝

散絲與山氣忽合復俄晴雷音稍入嶺電影尚連城  
天部 卷五 十七

雨餘雲稍薄風收熱復生

雨後

唐李百藥初

晚來風景麗晴初物色華薄雲向空盡輕虹逐望斜  
後牕臨岍竹前堦枕浦沙寂寥無與晤樽酒對風花

同顏大夫初晴

北周庾信

夕陽含水氣反景照河隄濕花飛未遠陰雲斂向低  
燕燥還爲石龍殘更是泥香泉酌冷澗小艇釣蓮谿

但使心齊物何愁物不齊

初晴應教

唐虞世南初

初日明燕館新溜滿梁池歸雲半入嶺殘滴尚懸枝

初晴落景

唐太宗

晚霞聊自怡初晴彌可喜日光百花色風動千株翠  
池魚躍不同園鳥聲還異寄言博通者知予物外志

春晴

唐李咸用

簾滴春膏絕憑欄晚吹生良朋在何處高樹忽流鶯  
遊寺期應定尋芳步已輕新詩吟未就遲日又西傾

答康樂秋霽詩

宋謝瞻

夕霽風氣涼閒房有餘清開軒滅華燭月露皓一作  
已盈獨夜無物役寢者亦云寧忽復愁霖唱懷勞奏

所誠一作歎彼行旅艱深茲眷言情伊余雖寡慰殷

天部

卷五

十八

晴

憂暫為輕牽率酬嘉藻長揖愧吾生

秋霽

唐白居易

金火不相待炎涼雨中變林晴有殘蟬巢冷無留燕

沈吟卷長簾惻愴收團扇向夕稍無泥閑步青苔院

月出砧杵動家家擣秋練

晚晴

唐杜甫

高唐暮冬雪壯哉舊瘴無復似塵埃崖沈谷沒白皚

皚江石缺裂青楓摧南天三旬苦霧開赤日照耀從

西來六龍寒急光衰徊照我衰顏忽落地口雖吟詠

心中哀未恠及時少年子揚眉結義黃金臺汨乎

生何飄零支離委絕同灰

晚晴

唐杜甫

晚照斜初微浮雲薄未歸江虹明遠飲映雨落餘飛  
鳬鶴終高去能罷覺自肥秋風客尚在竹露夕微微

江亭春霽

唐李郢

江離漠漠符田田江上雲亭霽景鮮蜀客帆檣背歸  
燕楚山花木怨啼鶻春風掩映千門柳晚色凄寒萬  
井煙金磬泠泠水南寺上方僧室翠微連

幽山雨後應制

唐虞世南

肅城隣上苑黃山邇桂宮雨歇連峰翠煙開竟野通

天部

卷五

十九

晴

排虛翔戲鳥跨水落長虹日下林全暗雲收嶺半空

山泉鳴石澗地籟響島風

泉上雨後作

唐元季川

風雨蕩繁暑雷息佳霽初衆峯帶雲雨清風入我廬

颯颯涼颼來臨窺愜所圖綠蘿長新蔓裊裊垂坐隅

流水復簷下丹砂發清渠養鳥為我衣種芋為我蔬

誰是畹與畦彌漫連野蕪

曲江春霽

唐劉駕

宿雨洗秦樹舊花如新開池邊草未乾日照人馬來

馬蹄踏流水漸漸成塵埃駕鸞不敢下飛繞岬東西

此地喧仍舊歸人亦滿街

早霽南樓

唐張說

山水佳新霽南樓翫初旭夜來枝半紅雨後洲全綠  
四運相終始萬形分代續適臨青草湖再變黃鸝曲  
地穴穿東武江流下西蜀歌聞枉渚迴舞見長沙促  
心阻意徒馳神和生自足白髮悲上春知常謝先欲  
奉和早霽南樓

唐趙冬曦

閑曙躋南樓凭軒肆遐矚物華蕩暄氣春景媚時旭  
川霽湘山孤林芳楚郊縹列岩重疊翠遠岸逶迤綠  
風帆摩天垠艇人散灣曲鴻冥鶴舞送猿叫鶯聲續

天部

卷五

二十

晴

羣動皆熙熙噫予獨羈束常欽才子義問鵬傷蹢躅  
雅尚騷人文懷沙何迫促未知二賢意去矣從前欲  
水閣朝霽

唐杜甫

東城抱春岑江閣臨石面崔巍晨雲白朝日射芳甸  
雨檻臥花叢風牀展書卷

山下晚晴

唐崔曙

寥寥遠天靜谿路何空濛斜光照疎雨秋氣生白虹  
雲盡山色暝蕭條西北風故林歸宿處一葉下梧桐

湖中晚霽

唐常建

湖廣舟自輕江天欲澄霽是時清楚望氣色猶窺暄

踟躕金霞白波上日初麗煙虹落鏡中樹木生天際  
杳杳涯欲辨蒙蒙雲復閉言乘星漢明又觀寰瀛勢  
微興從此愜悠然不知歲

林園晚霽

唐韋應物

雨歇見青山落日照林園山多一作煙鳥亂林清風  
景翻提攜唯子弟蕭散在琴樽同遊不同意耿耿獨  
傷鬼寂冥鐘已盡如何遠入門

灞東晚晴

唐劉長卿

客心豁初霽霽色暝玄灞西向看夕陽曛曛映桑柘  
古樹枳道傍人煙杜陵下

天部

卷五

二十三

晴

途中晴

唐孟浩然

已失武陵雨猶逢蜀坂泥天開斜景遍山出晚雲低  
餘濕猶霑草殘流尚入谿今宵有明月鄉思遠悽悽

山行積雨歸途始霽

唐韋應物

攬轡窮登降陰雨遘二旬但見白雲合不睹巖中春  
急澗豈易揭峻塗良難遵深林猿聲冷沮洳虎跡新  
始霽升陽景山水開清晨襟花積如霧百卉萋已陳  
鳴騶屢驤自歸路自欣欣

除官歸京睦州雨霽

唐杜牧

秋半吳天霽清凝萬里光水聲侵笑語嵐翠撲衣裳

遠樹疑羅帳孤雲認粉囊谿山侵兩越時節到重陽  
顧我能甘賤無由得自強誤曾公觸尾不敢夜循牆  
豈意籠飛鳥還爲錦帳郎網今開傳燦書舊識黃香  
曾在史館四年姪女真虛語饑兒欲一行淺深須揭厲休更  
學張綱

悅晴

晉嵇含

勁風歸巽林玄雲起重基朝霞炙瓊樹夕景映玉枝  
一作雲芝翔鳳晞輕翮應龍曝纖髻百穀偃而立大木顛  
復持

喜晴

北周庾信

天部

卷五

三

晴

比日思光景今朝始暫逢雨住便生熱雲晴卽作峰  
水白澄還淺花紅燥更濃已歡無石燕彌欲棄泥龍  
喜晴應詔勅自疏韻

北周庾信

御辯誠膺錄維皇稱有建雷澤昔經漁負夏時從販  
柏梁驂駟馬高陵馳六傳有序屬賓連無私表平憲  
河堤崩故柳秋水高新堰心齋愍昏墊樂徹憐胥怨  
禪河東高論法輪開勝辯王城水鬪息洛浦河圖獻  
伏泉還習坎歸風已回巽桐枝長舊園蒲節抽新寸  
山藪欣藏疾幽棲得無悶有慶兆民同論年天子萬

興音從寸音斷  
問音慢皆古韻

和御史韋大夫喜霽之作

唐褚亮

晴天度旅鴈斜影照殘虹野淨餘煙盡山明遠色同  
沙平寒水落葉脆晚枝空白簡光朝曠形騶出禁中  
息駕遊蘭坂雕文折桂叢無因輕羽翮徒自仰仁風

喜晴

唐杜甫

皇天久不雨旣雨晴且佳出郭眺西郊蕭蕭春增華  
青燐陵陂麥窈窕桃李花春夏各有實我饑豈無涯  
望夕霽

梁王筠

連山卷亂族一作雲長林息衆籟密樹含綠滋遙峯凝  
翠靄石溜正潏潏一作潺湲山泉始澄汰物華方入賞

天部

卷五

三

晴

予心期會

新晴晚望

唐王維

新晴原野曠極目無氛垢郭門臨渡頭村樹連谿口  
白水明田外碧峯出山後農月無閑人傾家事南畝

春臺晴望

唐

曲臺送春日景物麗新晴靄靄煙收翠欣欣木向榮  
靜有連日上閑愛野雲平風慢游絲轉天開近水明  
登高塵慮息觀微道心清更有遷喬意翩翩出谷鶯

春臺晴望

唐鄭賁

追賞層臺迴登臨四望頻熙熙山雨霽處處柳條新



草長秦城夕花宜漢苑春晴林翻度鳥紫陌閑行人  
旅客風塵厭山家夢寐親遷鶯思出谷鶯翁待芳辰

春臺晴望

唐喬弁

層臺聊一望遍賞帝城春風煖聞啼鳥水開見躍鱗  
晴山煙外翠香藥日邊新已變青門柳初銷紫陌塵  
金湯千里國車騎萬人此處雲霄

雪晴晚望

唐賈島

倚杖望晴雪谿雲幾萬重樵人歸白屋寒日下危峰  
野火燒岡草斷煙生石松

郡樓晴望

唐羊士諤

天部

卷五

三十四

霽色朝雲盡亭臯露亦晞寒開臨曲檻蕭颯換輕衣  
地遠秦人望天晴社燕飛無功慙歲晚惟念故園歸

洛中晴望

唐于鄴

葉落上陽樹草衰金谷園亂鴉歸未已斜日半前軒

長安晴望

唐杜牧

翠屏山對鳳城開碧落搖光霽後來迴識六龍巡幸  
處飛煙閑繞望春臺

奉和吏部崔尚書雨後大明朝堂望終南山

唐張九齡

迢遞終南頂朝朝闔闔前場來青綺外高在翠微先

雙鳳寒爲闕羣龍儼若仙還知到玄圃更是謁甘泉  
夜雨塵初滅秋空月正懸詭容紛入望霽色宛成妍

東極華陰踐西彌嶓冢連奔峰出嶺外瀑水落雲邊  
漢帝宮將苑商君陌與阡林華鋪近甸煙靄遶晴川  
既庶仁斯及分憂政已宣山公啓事罷吉甫頌聲傳  
濟濟金門步洋洋玉樹篇徒歌雖有屬清越豈同年

至陳倉曉晴望京邑

唐盧照鄰

拂曙驅飛傳初晴帶曉涼霧歛長安樹雲歸仙帝鄉  
澗流漂素沫岩景謫朱光今朝好風色延瞰極天莊

同諸公秋霽曲江俯見南山

唐儲光義

天部

卷五

三十五

天靜終南高俯映江水明有若蓬萊下淺深見澄瀛  
羣峰懸中流石壁如瑤瓊魚龍臥蒼翠鳥獸遊清泠  
孤蒲林下秋薜荔波中輕山靈浴蘭沚水若居雲屏  
嵐氣浮渚宮孤光隨曜靈陰陰豫章館宛宛百花亭  
大君及羣臣宴樂方嚶鳴吾黨二三子蕭辰怡性情  
逍遙滄海時乃在長安城

晚霽登汝南大雲閣

唐賈彥璋

禪宮新雨歇香閣晚登臨邑樹晴光起川苗佳氣深  
水包城下岸雲細郢中岑自歎牽卑日聊開望遠心

雨後遊輞川

唐李端



驟雨歸山盡顏陽入輞川看虹登晚墅踏石道春泉  
紫葛藏仙井黃花出野田自知無路去迴步就人煙

夏遊招隱寺暴雨晚晴

唐李正封

竹柏風雨過蕭疎臺殿涼石渠瀉奔溜金剎照顏陽  
鶴舞巖煙碧鹿鳴澗草香山僧引清梵幡蓋遶迴廊

新秋雨霽宿王處士東郊

唐馬戴

夕陽逢一雨夜木洗清陰露氣竹牕靜秋光雲月深  
得意兩不寐微風生玉琴

春暮喜晴酬表戶曹苦雨

梁何遜

振衣喜初霽褰裳對晚晴落花猶未捲時鳥故餘聲

天部

卷五

主六

春芳空悅目遊客反傷情鄉園不可見江水獨自清  
願得同攜手歸望對都城

酬王六霽後書懷見示

唐張九齡

雲雨俱行罷江天已洞開炎氛霽後滅邊緒望中來  
作驥君垂耳爲魚我曝腮更憐湘水賦還是洛陽才

和杜學士江南初霽驕懷

唐李嶠

大江開宿雨征棹下春流霧捲晴山出風恬晚浪收  
岼花明水樹川鳥亂沙洲驕眺傷千里勞歌動四愁

山郭風雨朝霽悵然秋思

唐羊士諤

桐竹離披曉涼風似故園驚秋對旭月感物坐前軒

江燕飛還盡山榴落尚繁平生信有意衰久已忘言

秦中初霽獻給事中二首

唐儲光義

渭水收暮雨處處多新澤宮苑傍山明雲林帶天碧  
君子聳高駕英聲邈今昔鏘珮出中臺彩纓入仙掖  
夙心幸清鑒晚至欣良覲鳴盜非足徵願言同下客

二

南國久爲思西都嘗作質雲開天地色日照山河春  
善聽在知已揚光唯達人妙年并采翰弱冠偶良辰  
擢第文昌閣還家滄海濱寸心何所望東掖有賢臣

霽後貽馬十二巽

唐儲光義

天部

卷五

主七

高天風雨散清氣在園林况我夜初靜當軒鳴綠琴  
雲開北堂月庭滿南山陰不見長裾者空歌遊子吟

雨霽池上作呈侯學士

唐韋莊

鹿中藜杖葛衣輕雨歇池邊晚吹清正是如今江上  
好白鱗紅稻紫萸羹

和蘇侍郎小園夕霽寄諸弟

唐張九齡

清風閭闔至軒蓋承明歸雲月愛秋景林堂開夜扉  
何言兼濟日尚與晏私違興屬兼葭變文因棠棣飛

人倫用忠厚帝德已光輝贈弟今爲貴方知陸氏微

雨後公超谷北原眺望寄高拾遺

唐獨孤及

崖口雨足收清光洗高天虹蜺歛殘靄山水含碧鮮  
遠空霞破露月輪薄雲片片成魚鱗五陵如薺渭如  
帶目極千里關山春朝來爽氣未易說盡取花峰贈  
達人

同德寺雨後寄元侍御李博士 唐韋應物中

川上風雨來須臾滿城闕岩巒青蓮界一作蕭條孤  
興發前山遽已淨陰靄夜來歇喬木生夏涼流雲吐  
華月巖城自有限一水非難越相望曙河何一作遠高  
齋坐超忽

天齋

卷五

汪小晴

詩刪類函卷五

詩雋類函卷六

東吳俞安期彙纂 宣城梅鼎祚增定

武林胡心存訂校

歲時部一 曆 四時 春

○曆

貞元曆 是歲秋八月太上改永貞傳位今皇帝 唐元稹中

象魏纔頒曆龍鑣已御天猶看後元曆新署永貞年  
半歲光陰在三朝禮數遷無因書簡冊空得詠詩篇

長慶曆 唐元稹中

年曆復年曆卷盡悲且惜曆日何足悲但悲年運易

歲時 卷六

年年豈無歎此歎何啻啻所歎別此年永無長慶曆

題長慶四年曆日尾 唐元稹中

殘曆半張餘十四灰心雪鬢兩悽然定知新歲御樓  
後從此不名長慶年

歲日見新曆寄都官裴郎中 唐劉長卿中

青陽振蟄初頒曆白首銜冤欲問天絳老更能經幾  
歲賈生何事又三年愁占蓍草終難決病對椒花倍

白憐若道平分四時氣南枝為底發春偏

書院無曆日以詩代書問路侍御六月大小

唐李益中

野性迷堯曆松牕有道經故人爲柱史爲我數階賞  
○四時

四時原作神

晉顧愷之

春水滿四澤夏雲多奇峰秋月揚明輝冬嶺秀寒松

四時南史曰孝武狎侮羣臣各有偏目柳元景桓護之雖並北人而王玄謨陶弘景老僧之目嘗爲玄謨

作四時詩曰

宋孝武帝

望茹供春膳粟漿充夏餐炮醬調秋菜白醢解冬寒

四氣

宋王微

蘅若首春華梧楸當夏翳鳴笙起秋風置酒飛冬雪

四時行生回

梁劉遵

三月三日咄泉水七月七日芍陂塘鳳曆蛾眉妝玉面朱簾繡戶映新妝

○春

春詩

晉郭璞

青陽暢和氣谷風穆以溫英蔭晬林蒼昆蟲咸啓門高臺臨迅流四坐列王孫羽蓋停雲陰翠爵映玉樽

詠春

宋鮑照

節運同可悲莫若春氣甚和風未及燠遺涼清且凜

春詩二首

齊王儉

蘭生已匝苑萍開欲半池輕風搖雜蘼細雨亂叢枝

二

風光承露照霧色點蘭暉青萸結翠藻黃鳥弄春飛

春詞

北魏王德

春花綺繡色春鳥弦歌聲春風復蕩漾春女亦多情愛將鶯作友憐傍錦爲屏回頭語夫婿莫負豔陽征

春詞三首

唐常建

階下草猶短牆頭梨花白織女高樓上停梭顧行客問君在何所青鳥舒錦翮

歲時 卷六 三 春 苑苑黃柳絲濛濛雜花垂日高紅妝卧倚對春光遲

寧知傍淇水腰裏黃金羈

翳翳陌上桑南枝交北堂美人金梯出素手自提筐非但畏蠶饑盈盈嬌路傍

春詞

唐張籍

新妝面面下朱樓深鎖春光一院愁行到中庭數花朵蜻蜓飛上玉搔頭

春

唐元稹

節應寒灰下春生返照中未能消積雪已漸少回風迎氣邦經重齋誠帝念隆龍驤紫宸北天壓翠輿東仙仗搖佳彩榮光荅聖衷便從威仰座隨入大羅宮

先到璇淵底偷穿瑤瓊櫳館娃朝鏡晚太液曉冰融  
畫漏頻加箭宵暉欲半弓驅令三殿出乞與百蠻同  
直自方壺島斜臨絕漠戎南巡暖珠樹西轉麗崆峒  
鸞役投筐妾耘催荷篠翁既蒸難發地仍送懶歸鴻  
約畧環區宇殷勤綺錦豐

春詞

唐女郎張琰

垂柳鳴黃鸝閒關若求友春晴不可耐愁殺園中婦  
日暮登高樓誰憐小垂手昨日桃花飛今日梨花吐  
春色能幾時那堪正愁緒蕩子遊不歸春來淚如雨

陽春歌

宋吳邁達

歲時

卷六

四

百里望咸陽知是帝京邑綠樹搖雲光春城起風色  
佳人愛華景流靡園塘側妍姿豔月映羅衣飄蟬翼  
宋玉歌陽春巴人長歎息雅鄭不同賞那令君愴惻  
生平重愛惠私自憐何極

陽春歌

齊檀約

青春獻初歲白日應雕梁蘭萌猶自短柳葉未能長  
已見綠草花紅發復聞花蕊香乘一作此試遊衍誰  
知心獨傷

陽春歌

陳頴野王

春草正芳非重樓啓曙扉銀鞍俠客至杯潭宛一作

童歸池前竹葉滿井上桃花飛薊門寒未歇爲斷流  
黃機

陽春曲

古無名氏

朱苒生前逕含桃落小園春心自搖蕩百舌更多言

陽春歌

唐李白盛

長安白日照春空綠楊結煙垂裊風披香殿前花始  
紅流光發色繡戶中繡戶中相經過飛燕皇后輕身  
舞紫宮夫人絕世歌聖君三萬六千日歲歲年年奈  
樂何

陽春曲

唐吳象之盛

歲時

卷六

五

春

簾低曉露濕簾捲鶯聲急欲起把筇篥如凝彩絃澀  
孤眠愁不轉點淚聲相及淨掃堦上花風來更吹入

陽春曲

唐溫庭筠晚

雲母空牕曉煙薄香昏龍氣凝輝閣霏霧雨杏花  
天簾外春威著羅幕曲欄伏檻金麒麟沙苑芳郊連  
翠茵廐馬何能嚙芳草路人不敢隨流塵

春時曲

唐溫庭筠晚

家臨長信往來道乳燕雙雙拂煙草油壁車輕金犢  
肥流蘇帳曉春雞早籠中嬌鳥暖猶睡簾外落花閑  
不掃衰桃一樹近前池似惜紅顏鏡中老

春日

梁元帝

春還春節美春日春風過春心日日異春情處處多  
處處春芳動日日春禽變春意春已繁春人春不見  
不見懷春人徒望春光新春愁春自結春結詎能申  
欲道春園趣復憶春時人春人竟何在空爽上春期  
獨念春花落還以惜春時

和劉上黃春日

梁元帝

新鶯隱葉嚶新燕向牕飛柳絮時依酒梅花乍入衣  
玉珂逐風度金鞍映日暉無今春色晚獨望行人歸  
奉和湘東王春日

梁鮑泉

歲時

卷六

木春

新鶯始新歸新蝶復新飛新花滿新樹新月麗新輝  
新光新氣早新望新盈抱新水新綠浮新禽新聽好  
新景自新還新葉復新攀新枝雖可結新愁詎解顏  
新思獨氛氲新知不可聞新扇如新月新蓋學新雲  
新落連珠淚新點石榴裙

春日二首

梁簡文帝

年還樂應滿春歸思復生桃含可憐紫柳發斷腸青  
落花隨燕入游絲帶蝶驚邯鄲歌管地見許欲留情

二

花開幾千葉水覆數重衣蝶颺紫空舞燕作同心飛

歌妖弄曲罷鄭女挾琴歸

春日二首

梁聞人蒨

愁人試出牖春色定無窮參差依網日淡蕩入簾風  
落花還繞樹輕飛去隱空徒令玉筯泣雙垂明鏡中

二

高臺動春色清池照日華綠葵向光轉翠柳逐風斜  
林有驚心鳥園多奪目花相與咸知節歎子獨離家  
人行今不返何勞空折麻

春日

梁王筠

金堤草非舊玉池泉已新風生似羊角雲上若魚鱗

歲時

卷六

七春

幽閨多怨思停織坐嬌春芳華既零落方作向隅人  
和吳王簿春日二首

梁王筠

日照鴛鴦殿萍生鴈鷺池游塵隨影入弱柳帶風垂  
青散一作逐黃口獨別鶴慘羈雌同衾遠遊說結  
愛久相離於今方溘死寧須萱草枝

蒸蔬心未發蘼蕪葉欲齊春蠶方曳緒新燕正銜泥  
野雉呼雌雌庭禽挾子栖從君客梁後方晝掩春閨  
山川隔道里芳草徒萋萋

春日

梁庾肩吾

桃紅柳絮白照日復隨風影出朱城外香歸青殿中

水映寄生竹山橫半死桐  
頌文知渥重擲札媿才空

春日

梁吳均

春從何處來拂水復驚梅  
雲郭青瑣闥風吹承露臺  
美人隔千里羅幃閉不開  
無由得共語空對相思杯

春日

陳江總

水苔宜溜色山櫻助落暉  
浴鳥沈還戲飄花度不歸

春日

陳徐陵

岸煙起暮色岸水帶斜暉  
逕狹橫枝度簾搖驚燕飛  
落花承步履流澗寫行衣  
何殊九枝蓋薄暮洞庭歸

春日

北齊陽休之

歲時

卷六

八

遲遲暮春日靄靄春光上  
柔露洗金盤輕絲綴珠網  
漸看階庭蔓稍覺池蓮長  
蝴蝶映花飛楚雀綠條響

奉和趙王春日

北周庾信

城傍金谷苑園裏鳳凰池  
細管調歌曲長衫教舞兒  
向人長曼臉由來薄面皮  
梅花絕解作樹葉本能吹

香煙龍口出蓮子帳心垂  
莫畏無春酒須花但見隨

春日

唐王績

前旦出園遊林華都未有  
今朝下堂來池水開已久  
雪被南軒梅風催北庭柳  
遙呼竈前妾却報機中婦  
年光恰恰來滿甕營春酒

奉和春日二首

唐元萬頃

花輕蝶亂仙人杏葉密  
鶯喧帝女桑飛雲閣上春  
應至明月樓中夜未央

鳳輦迎風乘紫閣鸞車避日轉  
彤闈中堂促管滄春  
望後殿清歌開夜屏

春日

唐溫庭筠

問君何所思迢遞豔陽時  
門靜人歸晚牆高蝶過遲  
一雙青瑣燕千萬綠楊絲  
屏上吳山遠樓中朔管悲  
寶書無寄處香轂有來期  
草色將林彩相添入黛眉

春日

唐溫庭筠

歲時

卷六

九

柳暗杏花稀梅梁乳燕飛  
美人鸞鏡笑嘶馬鴈門歸  
楚宮雲影薄臺城心賞違  
從來千里恨色滿戎衣

春早

唐皇甫冉

草徧賴陽山花開武陵水  
春色既已同人心亦相似

春晝

唐李賀

朱城報春更漏轉光風催  
蘭吹小殿卷衣秦帝掃粉  
趙燕日含盡暮蜂上羅薦  
平陽花塢河陽花縣越婦  
支機吳蠶作繭菱汀繁帶  
荷塘倚扇江南有情塞北  
無限

初春

梁沈約

夾一作道覓陽春相將共攜手草色猶自腴林中都  
未有無事逐梅花空教信楊柳且復共歸來含情寄  
杯酒

早春

北周宗懔

昨暝春風起今朝春氣來鶯鳴一兩轉花樹數重開  
散粉成初蝶翦綠作新梅遊客傷千里無暇上高臺

早春

唐太宗

寒隨窮律變春逐鳥聲開初風飄帶柳曉一作雪間

花梅碧林青舊竹綠沼翠新苔芝田初鴈去綺樹未  
一作鶯來

歲時

卷六

十一

首春

唐陳叔達

雪花聯玉樹水彩散瑤池翔禽遙出沒積翠遶參差

初春

唐王績

春來日漸長醉客喜年光稍覺池塘好偏宜酒甕香

早春行

唐王維

紫梅發初遍黃鳥歌猶澀誰家折楊女弄春如不及

愛水看妝坐羞人映花立香畏風吹散衣愁露濕

玉閨青門裏日落香車入游衍益相思含啼向綵帷

憶君長入夢歸晚更生疑不及紅簷燕雙棲綠草時

早春

唐暢諸

獻歲春猶淺園林未盡開雪和新雨落風帶舊寒來  
聽鳥聞歸鴈看花識早梅生涯知幾日更被一年催

早春

唐劉長卿

微雨夜來歇江南春色迴本驚時不住還恐老相催  
人好千場醉花無百日開豈堪滄海畔爲客十年來

早春

唐白居易

雪散因和氣冰開得暖光春銷不得處惟有鬢邊霜

早春曲

唐戴叔倫

青樓昨夜東風轉錦帳凝寒覺春淺垂楊搖絲鶯亂  
啼裏裏煙光不堪翦博山吹雲龍腦香銅壺滴愁更

歲時

卷六

十二

漏長玉頰啼紅夢初醒羞見青鸞鏡中影儂家少年

愛遊逸萬里輪蹄去無跡朱顏未衰消息稀腸斷天

涯草空碧

早春

唐劉威

曉來庭戶外草樹似依依一夜東風起萬山春色歸

冰消泉脈動日暖露華晞已醺看花酒嬌鶯莫預飛

當春四韻

梁江淹

雷萌山中草雲煦江上花流煙漾璇景輕風泛凌霞

我有幽蘭念銜意矚里斜友人殊未還獨慰簷前華

和春深十首

唐白居易



何處春深好春深執政家鳳池添硯水雞樹落花  
詔借當衢宅恩容上殿車延英開對久門外日西斜

二

何處春深好春深方鎮家通犀排帶勝瑞鶴勤袍花  
飛絮衝迷馬垂楊拂妓車戎裝拜春設左握寶刀斜

三

何處春深好春深學士家鳳書裁五色馬鬣翦三花  
蠟炬開明火銀臺賜物車相逢不敢揖彼此帽低斜

四

何處春深好春深女樂家慣看溫室樹飽識浴堂花

歲時

卷六

十三 春

御印提隨仗香牋把下車宋家宮樣髻一片綠雲斜

五

何處春深好春深御史家絮繁驄馬尾蝶繞繡衣花  
破柱行持斧埋輪立駐車入班遙認得魚貫一行斜

六

何處春深好春深隱士家野衣裁薜葉山飯曬松花  
蘭索紉幽珮蒲輪駐軟車林間箕踞坐白眼向人斜

七

何處春深好春深漁父家松灣隨棹月桃浦落船花  
投餌移輕楫牽輪轉小車蕭蕭蘆葉裏風起釣絲斜

八

何處春深好春深上巳家蘭亭席上酒曲洛岸邊花  
弄水遊童棹湔裾小婦車齊橈爭渡處一匹錦標斜

九

何處春深好春深寒食家玲瓏鏤雞子宛轉綵毬花  
碧草追遊騎紅塵拜掃車鞦韆細腰女搖曳逐風斜

十

何處春深好春深娶婦家兩行籠裏燭一樹扇間花  
賓拜登華席親迎障憶車催妝詩未了星斗漸傾斜

春遠

唐杜甫 盛

歲時

卷六

十三 春

蕭蕭花絮晚霏霏紅素輕日長唯鳥雀春遠獨柴荆  
數有關中亂何曾劍外清故鄉歸不得地入亞夫營

晚春

梁簡文帝

紫蘭葉初滿黃鸝弄不稀石蹲還似獸蘿長更如衣  
水曲一作東文魚聚林暝鴉鳥飛渚蒲變新節巖桐長

舊園風花落未已山齋開夜扉

晚春

北齊邢邵

日斜賓館晚風輕麥候初簷喧巢幕燕池躍戲蓮魚  
石聲隨流響桐影傍巖疎誰能千里外獨寄八行書

晚春

隋楊帝

洛陽春稍晚四望滿春暉楊葉行將暗桃花落未稀  
窺簷燕爭入穿林鳥亂飛唯當關塞者潯露方霑衣

晚春

唐劉希夷

佳人眠洞房回首見垂楊寒盡鶯鶯被春生玳瑁牀  
庭陰羃青靄簾影散紅芳寄語同心伴迎春且薄妝

晚春

唐孟浩然

二月湖水清家家春鳥鳴林花掃更落徑草踏還生  
酒伴來相命開尊共解醒當杯已入手歌妓莫停聲

春晚

唐孟浩然

春眠不覺曉處處聞啼鳥夜來風雨聲花落知多少

歲時

卷六

十四

春

晚春

唐元稹

晝靜簷疎燕語頻雙雙鬬雀動堦塵柴扉日暮隨風  
掩落盡閑花不見人

春從何處來

唐白居易

欲識春生處先從木德來入門潛報柳度嶺暗驚梅  
透雪寒光散銷冰水鏡開曉迎郊騎發夜逐斗光回  
淑氣寅中變新聲雨後催偏宜資律呂應是候陽臺

何處春先到

唐白居易

何處春先到橋東水北亭凍花開未得冷酒著難醒  
就日移輕榻遮風展小屏不勞人勸醉鶯語漸丁寧

生春三首

唐元稹

何處生春早春生曉禁中殿堦龍旆日漏閣寶箏風  
藥樹香煙重天顏瑞氣融柳梅渾未覺青紫已叢叢

二

何處生春早春生柳眼中芽新纔綻日茸短未含風  
綠誤眉心重黃鶯蠟淚融碧條殊未合愁緒已先叢

三

何處生春早春生鳥思中鵲巢移舊歲戴羽旋高風  
鴻鴈驚沙暖鶯鶯愛水融最憐雙翡翠飛入小梅叢

春來

唐白居易

歲時

卷六

十五

春

春來觸動故鄉情忽見風光憶兩京金谷蹋花香騎  
入曲江碾草鉏車行誰家淥酒歡連夜何處紅樓睡  
失明猶有不眠不醉客經春冷坐古湓城

春來曲

唐王建

春欲來每日望春門早開黃衫白馬帶塵土逢著探  
春人却迴御堤內園曉過急九衢大宅家家入看帝  
少女染桃花露妝初出紅猶濕光風噉噉蝶宛宛遶  
一作樹氣匝枝柯軟可憐寒食街中郎早起著得單  
衣裳少年即見春好處似我白頭無好樹

春去曲

唐王建

春已去花亦不知春去處緣岡繞澗却歸來百迴看  
著無花樹就中一夜東風惡收紅拾翠無遺落老夫  
不比少年兒不中數與春別離

和蕭洗馬畫屏陽春發和氣 梁費昶

日靜班姬門風輕董賢館卷耳緣堦出反舌登牆喚  
蠶女桂枝鈎遊童蘇合彈拂袖當留客相逢莫相難  
詠春色 唐楊衡初

靄靄復濛濛非霧滿晴空密添宮柳翠暗泄露桃紅  
縈絲光乍失綠隙影繞通夕迷鴛枕上朝漫綺絃中  
促駟馳香陌勞鶯囀豔叢可憐腸斷望併在洛城東  
歲時 卷六 唐沈亞之

賦得春色滿皇州 唐沈亞之  
何處春歸 一作好偏宜在雍州花明夾城道柳暗曲

江頭風軟遊絲重光融瑞氣浮蘭雞憐短草乳燕傍  
高樓繡轂盈香陌新泉溢御溝行 一作看日欲暮迴  
騎還 似川流

賦得春色滿皇州 唐裴夷直

靄靄復悠悠春歸十二樓最明雲裏關先滿日邊州  
色媚青門外光搖紫陌頭上林鶯舊樹太液鏡新流  
暖帶祥煙起清添瑞景浮陽和如起鰲從此事芳遊  
賦得春色滿皇州 唐裴夷直

寒銷山水地春遍帝王州北闕晴光動南山喜氣浮  
大紅妝暖樹急淚走陰溝思婦開香閣玉孫上玉樓  
氛氲直城北駘蕩曲江頭今日靈臺下翻然却是愁

賦得春色滿皇州 唐封敖

帝里春光正葱龍喜氣浮錦鋪仙禁側鏡寫曲江頭  
紅萼開蕭閣黃絲拂御樓千門歌吹動九陌綺羅遊  
日近風光滿仁深澤共流應非憔悴質辛若在神州

賦得春色滿皇州 唐張嗣初

何處年華好皇州淑氣勻韶陽潛應律草木暗迎春  
柳變金堤畔蘭抽曲水濱輕黃垂輦道微綠映天津  
歲時 卷六 唐沈亞之

麗景浮丹闕晴光擁紫宸不知幽遠地今日幾枝新  
賦得元和布澤 唐潘孟陽

至德生成泰咸歡煦育恩流輝霑萬物布澤在三元  
北闕祥雲滿東方喜氣繁青陽初應律蒼玉正臨軒  
恩洽因時令風和比化源自慙同草木無以荅乾坤

省試臘後望春宮 唐林寬

皇都初度臘鳳輦出深宮高凭樓臺上遙瞻灞滄中  
仗凝霜彩白袍映日華紅柳眼方開東鶯聲漸轉風  
御溝穿斷靄驪岫照斜空時見宸遊興因觀稼穡功  
奉和春日池臺 唐元萬頃

日影飛花殿風文積草池鳳樓通夜敞虬輦望春移  
同趙侍御巴陵早春作

唐張說初

江上春來早可觀巧將春物妬餘寒水苔共繞留鳥  
石花鳥爭開關鴨欄佩勝芳辰日漸暖燃燈美夜月  
初圓意隨北鴈雲飛去直待南州蕙草殘

早春桂林殿應詔

唐上官儀初

步輦出披香清歌臨太液曉樹流鶯滿春堤芳草積  
風色翻露文雪華上空碧花蝶來未已山光暖將夕

早春桂林殿應詔

唐陳叔達初

金鋪照春色玉律動年華朱樓雲似益丹桂雪如花

歲時

卷六

十八

水岸銜階轉風條出柳斜輕輿臨太液湛露酌流霞

長安早春

唐

杏靄三春色先從帝里芳折楊猶恨短測景已欣長

鷗和紅樓樂花連紫禁香躍魚驚太液佳氣接溫湯  
風送飛珂響塵蒙翠輦光熙熙晴煦遠徒欲奉堯觴

長安早春

唐張子容盛

開國移東井城池對北辰咸歌太平日共樂建寅春  
雪盡黃山樹水開黑水津草迎金埒馬花伴玉樓人  
鴻漸看無數鶯遷聽欲頻何當桂枝擢還及柳條新

長安早春

唐許渾

雲月有歸處故山清洛南秦城一花發春夢遍江潭  
洛陽早春

唐顧況中

何地避春愁終年憶舊遊一家千里外百舌五更頭  
客路偏逢雨鄉山不入樓故園桃李月伊水向東流

宮前早春

唐王建中

酒幔高樓一百家宮前楊柳寺前花內園分得溫湯  
水二月中旬已進瓜

零陵早春

唐柳宗元中

問春從此去幾日到秦原憑寄還鄉夢殷勤入故園  
谿中早春

唐白居易中

歲時

卷六

十九

南山雪未盡陰嶺留殘白西澗水已銷春溜含新碧  
東風來幾日蟄動萌草坼潛知陽和功一日不虛擲

南池早春

唐白居易中

朝遊北橋上晚憩南塘畔西日雪全銷東風冰盡泮  
從從魚尾棹瞥瞥鵝毛換泥暖草芽生沙虛泉脉散  
晴芳冒苔島宿潤侵蒲岸

仲春郊外

唐王勃初

東園垂柳徑西堰落花津物色連三月風光絕四鄰  
鳥飛村覺曙魚戲水知春初晴山院裏何處染芳塵

殘春曲禁中口號

唐白居易中

禁苑殘鶯三四聲景遲風慢暮春情日西無事牆陰下閑踏宮花獨自行

春盡日天津橋醉吟

唐白居易中

宿雨洗天津無泥未有塵初晴迎早夏落照送殘春興發詩隨口狂來酒寄身

東蜀春晚

唐鄭谷晚

如此浮生更別離可堪長慟送春歸潼江水上楊花雪剛逐孤舟繚繞飛

春郊雜詩

晉張協

太昊啓東節春郊禮青祇鷹化日夜分雷動寒暑離歲時

卷六

二十一春

飛澤洗冬條浮颺解春斯米虹纓高雲文虬鳴陰池冲氣扇九垓蒼生衍四垂時至萬寶成化周天地移

春日曲水

北齊蕭慤

落花無限數飛鳥排花度禁苑至饒風吹花春滿路巖前片石迴如樓水裏連沙聚作洲二月鶯聲纔欲斷三月春風已復流分流通繞小渡暫水還相注山頭望水雲水底看山樹舞餘香尚存歌盡聲猶住麥蘢一驚聲菱潭兩飛鶯飛鶯復驚聲傾曦帶掩扉芳颺翼還憶藻露挹行衣

春園

唐王勃初

山泉兩處晚花柳一園春還持千日醉共作百年人

春莊

唐王勃初

山中蘭葉徑城外李桃園直知人事靜不覺鳥聲喧

春日山莊

唐韋述初

初歲開韶月田家喜載陽晚晴搖水態遲景蕩山光浦淨漁舟遠花飛樵路香自然成野趣都使俗情忘

春湖古意

唐宋之問初

院梅發向盡園鳥復成曲落日遊南湖果值一作顏如玉含情不得語轉吟知所屬惆悵未可歸寧關須暮景

歲時

卷六

二十三春

山房春事二首

唐岑參盛

風恬日暖蕩春光戲蝶遊蜂亂入房數枝門柳低衣桁一片山花落筆牀

梁園日暮亂飛鴉極目蕭條三兩家庭樹不知人去盡春來還發舊時花

巴丘春作

唐張均盛

日出洞庭水春山挂斷霞江岑相映發卉木共紛華湘戍南浮閣荆關北望賒湖陰窺魍魎丘勢辨巴蛇島戶巢爲館漁人艇作家自憐心問影三歲客長沙

春日淇上作

唐李嘉祐中

淇水春風漲鴛鴦逐浪飛清明桑葉小度雨杏花稀  
衛女紅妝薄王孫白馬肥相將踏青去不解惜羅衣

曲江春

唐張喬

尋春與送春多遶曲江濱一片鷺鷥水千秋輦轂塵  
岸涼隨衆木波影逐遊人自是遊人老年年管吹新

迎春東郊

唐張濯

顓頊時初謝勾芒今復陳飛灰將應節賓日已知春  
考歷明三統迎祥受萬人衣冠宵執玉壇壇曉清塵  
肅穆來東道迴環拱北辰仗前花待發旂處柳迎新  
雲斂黃山際冰開素滙濱聖朝多慶賞希爲薦沈淪

歲時

卷六

三

迎春東郊

唐王綽

玉管潛移律東郊始報春鑾輿膺寶運天仗出佳辰  
睿澤光時輩恩輝及物新蚪螭動旌旆煙景入城闌  
御柳初含色龍池漸啓津誰憐在陰者得與蟄蟲伸

迎春東郊

唐皇甫冉

曉見蒼龍駕東郊春已迎綵旄天仗合玄象太階平  
佳氣山川透和風政令行鈞陳霜騎肅御道雨師清  
律向韶陽變人隨草木榮遙歡上林苑今日

幽居值春

北周庾信

山人久陸沈幽逕忽春臨決渠移水碓開園掃竹林

歌橋久半斷崩岸始邪侵短歌吹細笛低聲泛古琴  
錢刀不相及耕種且須深長門一紙賦何處覓黃金

江上逢春

唐張均

離憂耿未和春慮忽蹉跎擇木猿知去尋泥燕獨過  
驚花翻露日垂柳拂煙波激意屢怡賞無如鄉念何

望春詩

梁元帝

葉濃知柳密花盡覺梅疎蘭生未可握蒲小不堪書

登高望春

梁沈約

登高眺京洛街巷紛漠漠迴首望長安城闕鬱盤桓  
日出照細黛風過動羅紈齊童躡朱履趙女揚翠翰

歲時

卷六

三

春風搖雜樹歲蕤綠且丹寶瑟玫瑰柱金羈玳瑁鞍  
淹留宿下蔡置酒過上蘭解舟還復斂方知巧笑難  
佳期空靡靡含睇未成歡嘉客不可見因君寄長歎

春望古意

梁蕭子範

光景斜漢宮橫梁照采虹春情寄柳色鳥語出梅中  
氛氲闥裏思逶迤水上風落花徒入戶何解妾牀空

春望

北周庾信

春望上春臺春牕四面開落花何假拂風吹會併來

春望

北周宗懌

日暮春臺望徙倚愛餘光都尉新移棗司空始種楊



一枝猶桂馥十步有蘭香望望無蒼草忘憂竟不忘

和歲首寒望

北周宗懔

旅騎出平原鉦鏡遍野喧接里開都邑連車駐小門  
稻車迴故塢獵馬轉新村古碑空戴石山龜未上幡  
所言春不至未有桃花源

春庭晚望

北齊蕭慤

春庭聊縱望樓臺自相隱  
牕梅落晚花池竹開初筍  
泉鳴知水急雲來覺山近  
不愁花不飛到畏花飛盡

和晉陵陸丞早春遊望

唐杜審言

獨有宦遊人偏驚物候新  
雲霞出海曙梅柳渡江春

歲時

卷六

三十四 春

淑氣催黃鳥晴光轉綠蘋  
忽聞歌古調歸思欲霑中

和晉陵陸丞早春遊望

唐元稹

何處醉春風長安西復東  
不因俱罷職豈得此時同  
貫酒宣平里尋芳下苑中  
往來楊柳陌猶避昔年驄

春日登樓野望

唐薛稷

憑軒聊一望春色幾芳菲  
野外煙初合樓前花正飛  
嬌鶯弄新響斜日散餘輝  
誰忍孤遊客言念獨依依

西亭春望

唐賈至

日長風暖柳青青北鴈歸飛入官冥  
岳陽樓上聞吹笛能使春心滿洞庭

奉和聖製從蓬萊向興慶閣道中留春雨中春

望之作應制

唐李愔

別館春還淑氣催三宮路轉鳳凰臺  
雲飛北闕輕陰散雨歇南山積翠來  
御柳遙隨天仗發林花不待曉風開  
已知聖澤深無限更喜年芳入睿才

奉和聖製從蓬萊向興慶閣道中留春雨中春

望之作應制

唐王維

渭水自縈秦塞北黃山舊遶漢宮斜  
鑾輿迴出千門柳閣道迴看上苑花  
雲裏帝城雙鳳闕雨中春樹萬人家  
爲乘陽氣行時令不是宸遊翫物華

歲時

卷六

三十五 春

春望

唐杜甫

國破山河在城春草木深  
感時花濺淚恨別鳥驚心  
烽火連三月家書抵萬金  
白頭搔更短渾欲不勝簪

望春詞

唐令狐楚

雲霞五采浮天闕梅柳千般夾御溝  
不上黃山南北望豈知春色滿神州

早春遊望

唐司空曙

東風春未足試望秦城曲  
青草狀寒蕪黃花似秋菊  
壯將歡共去老與悲相逐  
獨作遊社人暮過威輦宿

曲江春望三首

唐盧綸



菖蒲翻葉柳交枝暗上蓮舟鳥不知更到無花最深處玉樓金殿影參差

翠黛紅妝盡鷁中共驚雲色帶微風簫管曲長吹未盡花南水北雨濛濛

泉聲遍野入芳洲擁沫吹花草上流一作上落日行人漸無路巢口乳燕滿高樓

春日五門西望

唐王建中

百官朝下五門西塵起春風過玉堤黃帕蓋鞍呈了馬紅羅繫頸關迴雞館松枝重牆頭出御柳條長水面齊唯有教坊南草綠古苔陰地冷淒淒

歲時

卷六

三六

江樓春望

唐于鵠晚

樓下長江路舟車晝不開鳥聲非故國春色是他山一望雲復水幾重河與關愁心隨落日萬里各西還

天津橋春望

唐雍陶晚

津橋春水浸紅霞煙柳風絲拂岸斜翠輦不來金殿閣宮鶯銜出上陽花

武德殿朝退望九衢春色

唐曹松晚

玉殿朝初退天街一看春南山初過雨北闕淨無塵夾道天桃滿連溝御柳新蘇舒同舜澤照姬並堯仁佳氣浮軒蓋和風襲綰紳自茲憐萬物同入發生辰

時運四章

并序

晉陶淵明

時運遊暮春也春服既成景物斯和偶影獨遊欣慨交心

邁邁時運穆穆良朝襲我春服薄言東郊山條餘靄宇曖微霄有風自南翼彼新苗

洋洋平津乃漱乃濯邈邈遐景載欣載矚稱心而言人亦易足揮茲一觴陶然自樂

延目中流悠悠清沂童冠齊業閒詠以歸我愛其靜寤寐交揮但恨殊世邈不可追

斯晨斯夕言息其廬花藥分列林竹翳如清琴橫牀

歲時

卷六

三二

濁酒半壺黃唐莫逮慨獨在予

遊春詩

晉張駿

句芒御春正衡紀運玉瓊明庶起祥風和氣翕來征慶雲蔭八極甘雨潤四垓昊天降靈澤朝日耀華精嘉苗布原野百卉敷時榮鳩鵲與鶯黃間關相和鳴菜萍一作芙蓉覆靈沼香花揚芳馨春遊誠可樂感此白日傾休否有終極落葉思本莖臨川悲逝者節變動中情

春遊迴文詩

齊王融

枝分柳塞北葉暗榆關東垂條逐絮轉落葉散花叢

池蓮照曉月慢錦拂朝風低吹雜綸羽薄粉豔妝紅  
離情隔遠道歎結深閨中

春遊

梁王筠

聚蘭已飛蝶楊柳半藏鴉物色相煎蕩微步出東家  
既同翡翠翼復如桃李花欲以千金笑迴君流水車

應教使君春遊詩

梁蕭子暉

上林看草色河橋望日暉洛陽城閉晚金鞍橫路歸

初春攜內人行戲

梁徐君蒨

梳篦多今世衣著一時新草短猶通屐梅香漸著人  
樹斜牽錦帔風橫入紅綸滿酌蘭英酒對此得娛神

歲時

卷六

三九

見遊春人

北周庾信

長安有狹斜金穴盛豪華連孟勸上馬亂果擲行車  
深紅蓮子豔細錦鳳凰花那能學喫酒無處似樂巴

遊春曲

唐文德皇后

上苑杏花朝日明蘭闥闔妾動春情井上新桃偷回  
色簷前嫩柳學身輕花中去來看舞蝶樹上長短聽

鳴鶯林下何須遠借問出衆風流舊有名

春日出苑遊矚

唐玄宗

三陽麗景早芳辰四序佳園物候新梅花百般障去  
路垂柳千條暗回津鳥驚直爲飛風葉魚沒都出怯

岸人唯願聖主南山壽何愁不賞萬年春

奉和春日出苑矚目應令

唐張說

禁林豔裔發春陽春望逍遙出畫堂雨洗亭臯千畝  
綠風吹梅李一園香鶴飛不去隨青管魚躍翻來入

綵航睿賞歡承天保定道文更覩日重光  
玄宗墨令  
谷贊云入  
相論道資孝爲忠明如明鏡穆若清風既  
調飾鶴又擅雕龍有典有則是爲文雄

奉和春日出苑矚目應令

唐賈曾

銅龍曉關問安迴金輅春遊博望開渭水晴光搖草  
樹終南佳氣入樓臺招賢已從商山老托乘還徵鄴

下才臣在周南獨留滯欣逢睿藻日邊來

歲時

卷六

三九

遊春詞二首

唐王維

曲江絲柳變煙條寒谷冰隨暖氣銷纔見春光生綺  
陌已聞清樂動雲韶

經過柳陌與桃谿尋逐春光著處迷鳥度時時衝絮

起花繁滾滾壓枝低

與鄭錫遊春

唐李嘉祐

青門垂柳長回首獨心傷日暖臨芳草天晴憶故鄉  
映花鶯上下過水蝶悠颺借問同行客今朝淚幾行

遊春曲

唐張仲素

上苑何窮樹花開次第新香車與絲綺風靜亦生塵

春遊曲三首

唐張仲素中

煙柳飛輕絮風榆落小錢濛濛百花裏羅綺競秋千

二

騁望登香閣爭高下砌臺林間踏青去席上意錢來

三

行樂三春柳林林百和香當年重意氣先占鬪雞場

遊春詞二首

唐令狐楚中

曉遊臨碧殿晚日上春亭芳樹羅仙苑晴山轉翠屏

二

一夜好風吹新花一萬枝風前調玉管花下簇金羈

歲時

卷六

三十

春

和初春宴東堂應令

隋劉端

睿賞叶春芳開筵臨畫堂庭梅飄早素簷柳變初黃

八珍羅玉俎九醞湛金觴筆響流飛閣歌塵落妓行

何必西園夜空承明月光

同陳留崔司戶早春宴蓬池

唐高適盛

同官載酒出郊圻晴日東馳鴈北飛隔岸春雲邀翰

墨傍簷垂柳報芳菲池邊轉覺虛無盡臺上偏宜酌

酹歸州縣徒勞那可度後時連騎莫相違

春朝閑步

唐楊師道初

休沐乘閑豫清晨步北林池塘藉芳草蘭芷襲幽衿

露中分曉日花裏弄春禽野徑香恒滿山階筍屢侵  
何須命傾蓋桃李自成陰

春日行歌

唐劉希夷初

山樹落梅花飛落野人家野人何所有滿甕陽春酒  
攜酒向春臺行歌伴落梅醉罷卧明月乘夢遊天台

春行

唐李益中

侍臣朝謁罷戚里自相過落日青絲騎春風白苧歌  
恩承三殿近獵向五陵多歸路南橋望垂楊拂細波

遣春二首

唐元稹中

久雨憐霽景偶來隄上行空濛天色嫩杳森江面平

歲時

卷六

三十一

春

百草短長出衆禽高下鳴春陽各有分予亦澹無情

二

低迷籠樹煙明淨暮霞日陽焰波春空平湖漫凝溢

雪鷺遠近飛渚芽淺深出江流復浩蕩相爲坐紆鬱

送春辭

唐王維盛

日日人空老年年春更歸相歡在尊酒不用惜花飛

送春詞

唐劉禹錫中

昨來樓上迎春處今日登樓又送歸蘭藥殘妝含露

泣柳條長袂向風揮佳人對鏡容顏改楚客臨江心

事違萬里至今同此恨無如一醉盡忘機

送春曲三首

唐劉禹錫

春向晚春晚思悠哉風雲日已改花葉自相催漠漠  
空中去何處天際來

春已暮冉冉如人老映葉見殘花連天是青草可憐  
桃與李從此同桑棗

春景去此去何時回遊人千萬恨落日高臺寂寞  
繁花盡流鶯歸不歸

送春歸

唐白居易

送春歸三月盡日日暮時去年杏園花飛御溝綠何  
處送春曲江曲今年杜鵑花落子規啼送春何處西

歲時

卷六

三

江西帝城送春猶快快天涯送春能不知

送春

唐白居易

三月三十日春歸日復暮惆悵問春風明朝應不住  
送春曲江上眷眷東西顧但見撲水花紛紛不知數  
感時良爲已獨倚池南樹今日送春心心如別親故

春情

梁簡文帝

蝶黃花紫燕相追楊低柳合露塵飛已見垂鈎挂綠  
樹誠知淇水沾羅衣兩童夾車問不已五馬城南猶  
未歸鶯啼春欲駛無爲空掩扉

春情

陳徐陵

風光今日動雪色故年殘薄夜迎新節當臘却晚寒  
奇一作香分細篆一作石炭檮輕純竹葉裁衣帶梅  
花奠酒盤年芳袖裏出春色黛中安欲知迷下蔡先  
將過上蘭

春情

唐張起

春有情篇

唐劉禹錫

畫閣餘寒在新年舊燕歸梅花獨帶雪未得試春衣  
爲問遊春侶春情何處尋花含欲語意草有鬬生心  
雨頻催發色雲輕不作陰縱令無月夜芳興暗中深

春思

齊謝朓

歲時

卷六

三

姑谿發春水此山起朝日蘭色望已同萍際轉如一  
巢燕聲上下黃鳥弄儔匹邊郊阻遊衍故人盈契闊  
夢寐借假簣思歸賴倚瑟幽念漸鬱陶山檻永爲室

春思

梁沈約

楊柳亂如絲綺羅不自持春草黃復綠客心傷此時  
青苔已結洧碧水復盈淇日華照趙瑟風色動燕姬  
襟前萬行淚故是一相思

春思

梁王僧孺

雪罷枝即青水開水便綠復聞黃鳥聲全作相思曲

春思

唐李白

燕草如碧絲秦桑低綠枝當君懷歸日是妾斷腸時  
春風不相識何事入羅幃

山中春思

唐獨孤及

懶祭川水大人家春日長獨謠畫不暮搔首慙年芳  
靡草知節換含葩向新陽不嫌三徑深爲我生池塘  
亭午井竈閑雀聲響空倉花落沒侵齒風動羣木香  
歸路雲水外天涯香茫茫獨卷萬里心深入山鳥行  
芳景勿相迫春愁未遽忘

春思

唐馬戴

初日照楊柳玉樓含翠陰啼春獨鳥思望遠佳人心  
歲時

卷六

三四

幽怨貯瑤瑟韶光凝碧林所思曾不見芳草意空深

戲題春意

唐張九齡

一作江南守江林三四春相鳴不及鳥相樂喜關人  
日守朱絲直年催華髮新淮陽祇有卧持此度芳辰

東城春意

唐白居易

風軟雲不動郡城東北隅晚來春澹澹天氣似京都  
絃管隨宜行杯觴不道無其如親故遠無可共歡娛

春餘遣興

唐

春去日漸遲庭空草偏長餘英間初實繁繁珠網  
好鳥多息陰新篁已成響簾開斜照入樹影游絲上

絕跡念物閑良時契心賞笑倚連枝花恭扶瑞藤杖  
步屣恣優游望山多氣象簪纓固煩襍江海徒浩蕩

春感

唐李白

茫茫南與北道直事難諧榆莢錢生樹楊花玉慘街  
塵紫遊子面蝶弄美人釵知憶青山去雲雨掩竹齋  
白隱居戴天大臣山往來旁郡依潼江趙微君難鞋  
亦節士任俠有氣善爲縱橫學著書號長短經自從  
益州刺史歸頗見奇之

感春

唐張籍

遠客悠悠任病身誰家池上又逢春明年各自東西  
去此地看花是別人

歲時

卷六

三五

惜晚春應劉秘書

梁江淹

煙景抱空意蘅杜綴幽心心憂望碧葉涵影顧青林  
風光多樹色露華翻蕙陰水苔方下蔓石蘿日上尋  
霞衣已具帶仙冠不持符一作簪徒爲多委鬱精魄還  
自臨始獲瓊歌贈一點重如金山中有雜桂玉瀝乃  
共斟

春怨

梁吳均

四時如湍水飛奔競迴復夜鳥嚶嚶朝花照煜煜  
厭見花成子多看筍成爲一作竹萬里斷音書十載異  
栖宿積愁落芳鬢長啼壞美目君去往榆關妾留住

面谷唯對昔邪房如愧蜘蛛屋獨喚響相酬還持影  
自逐象牀易氎簾羅衣變單複幾過度風霜獨能保  
煢獨

春別四首

梁蕭子範

翻鶯度燕雙比翼楊柳千條共一色但看陌上攜手  
歸誰能對此空相憶

江東大道日華春垂楊挂柳掃輕塵淇水昨送淚沾  
巾紅妝宿昔已應新

銜悲攬涕別心知桃花李花任風吹本知人心不似  
樹何意人別似花離

歲時

卷六

三六

春

幽宮積草自芳菲黃鳥著樹情相依爭風競日常聞  
響重花疊葉不通飛當知此時動妾思慙使羅袂拂  
君衣

傷春

梁沈約

弱草半抽黃輕條未全綠年芳被禁禦煙花繞層曲  
寒苔卷復舒冬泉斷方續早花散凝金初露滋成玉

傷春感懷

唐劉威

晚

花飛惜不得年長更堪悲春盡有歸日老來無去時  
風前千片雪鏡裏數莖絲腸斷青山暮獨攀楊柳枝

旅遊傷春

唐李昌符

晚

酒醒鄉關遠迢迢聽漏終曙分林影外春盡雨聲中  
鳥思江村路花殘野岸風十年成底事羸馬倦西東  
東郊望春訓王建安雋晚遊 梁蕭子雲  
金塘綠泉滿上園梨蕊落蛺蝶戀殘花黃鶯對妖  
餘萼芳菲滿郊甸惠風生蘭薄子家冠蓋里我館幽  
棲郭綠楊垂長谿便橋限清洛相去能幾許一水終  
疎索

春日懷歸

唐杜審言

初

心是傷歸望春歸異往年河山鑒魏關桑梓憶秦川  
花禰芳園鳥風和綠野煙更懷歡賞地車馬洛橋邊

歲時

卷六

三七

春

河西春暮憶秦中

唐岑參

盛

渭北春已老河西人未歸邊城細草出客館梨花飛  
別後鄉夢數昨來家信稀涼州三月半猶未脫寒衣  
洛陽早春憶吉中孚校書司空曙主簿因寄清

江上人

唐盧綸

中

值迴逢高駐馬頻雪晴閑看洛陽春鶯聲報遠同芳  
信柳色邀歡似故人酒貌昔將花共豔鬢毛今與草  
爭新年來百事皆無緒唯與湯師結淨因  
長沙早春雪後臨湘水呈同遊諸子

唐劉長卿

中



川洲暖漸淑煙景淡相和舉目方如此歸心豈奈何  
日華浮野雪春色染湘波北渚生芳草東風變舊柯  
江山古思遠猿鳥暮情多君問漁人意滄浪自有歌

春日貽劉孝綽

梁蕭填

澗水初流碧山櫻早發紅新禽爭弄響落葉亂從風  
拂筵多軟幹映戶悉花叢誰云相去遠垂柳對高桐

春日寄鄉友

梁王僧孺

旅心已多恨春至尚離羣翠枝結斜影綠水散圓文  
戲魚兩相顧遊鳥半藏雲何時不憫默是日最思君

早春寄王漢陽

唐李白

歲時

卷六

三八

聞道春還未相識走傍寒梅訪消息昨夜東風入武  
陽陌頭楊柳黃金色碧水浩浩雲茫茫美人不來空  
斷腸預拂青山一片石與君連日醉壺觴

春日獨坐寄鄭明府

唐李白

燕麥青青遊子悲河堤弱柳鬱金枝長條一拂春風  
去盡日飄揚無定時我在河南別離久那堪坐此對  
牕牖情人道來竟不來何人共醉新豐酒

東臯早春寄郎四校書

唐錢起

祿微賴學稼歲起歸衡茅窮達戀明主耕桑亦近郊  
夜來霽山雪陽氣動林梢蘭蕙暖初吐春鳩鳴欲巢

蓬萊時入夢知子憶貧交

春暮寄元九

唐白居易

梨花結成實燕卵化為雛時物又若此道情復何如  
但覺日月促不嗟年歲徂

和樂天早春見寄

唐元稹

雨香雲澹覺微和誰送春聲入棹歌萱近北堂穿土  
早柳偏東面受風多湖添水劑消殘雪江送潮頭湧  
漫波同受新年不同賞無由縮地欲如何

春晚寄楊十二兼呈趙八

時楊生館於趙氏

唐□□□

歲時

卷六

三五

蒙蒙竹樹深簾牖多清陰避日坐林影餘花委芳襟  
傾樽就殘酌舒卷續微吟空際颺高蝶風中聆素琴  
遷鶯戀嘉木求友多好音自無琅玕實安得蓮花簪

渚宮晚春寄秦地友人

唐溫庭筠

風華已眇然獨立思江天鳬鴈野塘水牛羊春草煙  
秦原曉重疊瀾浪夜潺湲今日思歸客愁容在鏡懸

武司功初有幽庭春暄見詒夏首獲見以詩報

焉

唐張九齡

芳月盡離居幽懷重起予雖言春事晚尚想物華初  
遲日暎方照高齋澹復虛筍成林向密花落樹應疎



贈鯉情無間求鶯思有餘暄妍不相待含歎欲焉如

早春代洛陽客杜審言

唐于季子

梓澤年光往復來杜瀟遊人去不迴若非載筆登麟閣定是吹簫伴鳳臺路傍桃李花猶嫩波上芙蓉葉未開分明寄語長安道莫教雨滯洛陽才

晚春嚴少尹與諸公見過

唐王維

松菊荒三徑圖書共五車烹葵邀上客看竹到貧家鵲乳先春草鶯啼過落花自憐黃髮暮一倍惜年華

春興戲題贈李侯

唐岑參

黃雀始欲銜花來君家種桃花未開長安二月眼看

歲時

卷六

四

盡寄報春風早爲催

春日書情贈別司空曙

唐盧綸

壯志隨年盡謀身意未安風塵交契絕老大別離難臘近晴多暖春遲夜却寒誰堪少兄弟三十又無官

詩集類函卷六

詩集類函卷七

東吳俞安期彙纂

宣城梅鼎祚增定

武林胡心存訂校

歲時部二

夏秋

○夏

夏詩

魏文帝

夏時饒溫和避暑就清涼北坐高閣下延賞作名倡嘉餽重疊來珍果在一傍碁局縱橫陳博奕合雙揚功出更勝負歡美樂人腸從朝至日夕安知夏節長

夏始和劉涪陵

齊謝朓

歲時

卷七

一一夏

威仰弛蒼郊龍曜表皇臨春色卷遙甸炎光麗近邑白蘋望已騁細荷紛可襲徒願尺波旋終憐寸景戢對牕斜日過洞幌鮮飈入浮雲去欲窮暮鳥飛相及柔翰縝芳塵清源非易揖迴江難絕濟云誰暢佇立良宰最夜漁出入事朝汲積羽余旣裳更賦子盈粒椅梧何必零歸來共栖集

和湘東王首夏

梁簡文帝

冷風雜細雨垂雲助麥涼竹水俱葱翠花蝶兩飛翔燕泥銜復落鷓吟歛更揚卧石藤爲纜山橋樹作梁欲待華池上明月吐清光

初夏應詔

隋魏澹

雖度芳春節物色尚餘華  
出簾飛小燕映戶落殘花  
舞衫飄細縠歌扇掩輕紗  
蘭房本宜夜不覺日光斜

初夏

唐太宗

一朝春夏改隔夜鳥花遷  
陰陽深淺葉曉夕重輕煙  
呀鶯猶響殿橫絲正網天  
珮高蘭影接綬細草紋連  
碧鱗驚棹側玄燕舞簷前  
何必汾陽處始復有山泉

初夏曲三首

唐劉禹錫

銅壺方促夏斗柄暫南回  
稍嫌單袷重初憐北戶開  
西園花已盡新月爲誰來

歲時

卷七

二

時節遇繁華陰陰千萬家  
巢禽命子戲園果墜枝斜  
寂寞孤飛蝶窺叢覓晚花  
綠水風初暖青林露未晞  
麥隴雉朝雊桑野人暮歸  
百舌悲花盡能無來去飛

首夏

唐白居易

孟夏百物滋動植一時好  
麋鹿樂深林蟲蛇喜豐草  
翔禽愛密葉游鱗悅新藻

梅夏應教

隋薛道衡

長廊連紫殿細雨應黃梅  
浮雲半一作空上清吹隔  
池來集鳳桐花散勝龜蓮  
葉開幸逢爲善樂頻降濟

時才

夏日

晉郭璞

羲和聘丹雘朱明赫其猛  
融風拂晨霄陽精一何罔  
閑宇靜無娛端坐愁日永

夏日

晉李願

炎光燦一作南溟海暑融  
三夏霽對重雲陰砢稜震  
靄叱

夏日

梁徐勉

夏景厭房櫳促席詵花叢  
荷陰斜合翠蓮影對分紅  
此時避炎熱清樽獨未空

歲時

卷七

三

夏日

梁徐曄

炎光歇中宇清氣入房櫳  
晚荷猶卷綠疎蓮久落紅  
奉和夏日應令

北周庾信

朱簾捲麗日翠幕蔽重陽  
五月炎蒸氣三時刻漏長  
麥隨風裏熟梅逐雨中黃  
開水帶井水和粉雜生香  
衫含蕉葉氣扇動竹花涼  
早菱生軟角初蓮開細房  
願陪仙鶴舉洛浦聽笙簧

夏日

隋李德林

夏景多煩蒸山水暫追涼  
桐枝覆玉檻荷葉滿銀塘  
輕扇搖明月珍簾拂流黃  
壺盛仙客酒瓶貯帝臺漿

才人下銅雀侍妓出明光歌聲越齊市舞曲冠平陽  
微風動羅帶薄汗染紅妝共欣陪宴賞千秋樂未央

夏日

唐韋應物

已謂心苦傷如何日方永無人不晝寢獨坐山中靜  
悟澹將遣慮學空庶遺境積俗易爲侵愁來復難整

夏日作

唐白居易

葛衣疎且單紗帽輕且寬宿雨林筍嫩晨露園葵鮮  
婆娑庭前步安穩牕下眠庶幾無天悶得以終天年

夏日與柳公權聯句

唐文宗

人皆苦炎熱我愛夏日長  
文宗熏風自南來殿閣生微涼

涼

卷七

四

長夏五首

唐元稹

夏風多暖暖樹木有繁陰新筍紫長短早櫻紅淺深  
煙花雲幕重榴豔朝景侵華實各自好詎云芳意沈

二

江幢炎夏早蒸騰信難度今宵好風月獨此荒庭趣  
露葉傾暗光流星委餘素但恐清夜徂詎悲朝景暮

三

流芳遞炎景繁英盡寥落公署香滿庭晴霞覆欄藥  
裁紅起高幘綴綠排新萼憑此遣幽懷非言念將謫

四

紅絲散芳樹旋轉光風急煙汎被籠香露濃妝面濕  
佳人不在此悵望堦前立忽厭夏景長今春行已及

五

靈均死波後是節常浴蘭綵縷碧筠糲香杭白玉團  
逝者良自苦今人反爲歡哀哉狗名士沒命求所難

夏書偶作

唐柳宗元

南州溽暑醉如酒隱几熟眠開北牖日午獨覺無餘  
聲山童隔竹敲茶臼

夏晚

隋薛道衡

歲時

卷七

五

涼柳公  
流火稍西傾夕影遍曾城高天澄遠色秋風入蟬聲

奉和夏日晚景應詔

唐楊師道

輦路夾垂楊離宮通建章日落橫峯影雲歸起夕涼  
雕軒動流吹羽翼益息迴塘雉草生還綠殘花疎尚香

青巖類姑射碧澗似汾陽幸屬無爲日歡娛方未央

賦得夏首啓節

唐太宗

北闕三春晚南榮九夏初黃鶯弄漸變翠林花落餘  
瀑流還響石猿啼自應虛早荷向心卷長楊就影舒

此時歡不及調軫坐相於

賦得夏首猶清和

唐張聿

早夏宜春景和光起禁城祝融將御節炎帝啓朱明  
日送殘花晚風過御苑清郊原浮麥氣池沼發荷英  
樹影臨山動禽飛入漢輕幸逢堯禹化全勝谷中情

夏日出下館

齊謝朓

麥候始清和涼雨銷炎燠紅蓮搖弱荇丹藤繞新竹  
物色盈懷抱方駕娛耳目零落既難留何用存華屋

首夏泛天池

梁武帝

薄遊朱明節泛漾天淵池舟楫互容與藻蘋相推移  
碧沚紅茵菖蒲白沙青漣漪新波拂舊石殘花落故枝  
葉軟風易出草密路難披

歲時

卷七

六一夏

夏日還山庭

陳江總

獨於幽棲地山庭暗女蘿澗清長低篠池開半卷荷  
野花朝暝落盤根歲月多停樽無賞慰狎鳥自經過

夏日臨江

隋煬帝

夏潭蔭脩竹高岸坐長楓日落滄江靜雲散遠山空  
鷺飛林外白蓮開水上紅逍遙有餘興悵望情不終

和夏日幽莊

唐盧照鄰

聞有高蹤客耿介坐幽莊林壑人事少風煙鳥路長  
瀑水合秋氣垂藤引夏涼苗深全覆隴荷上半侵塘  
釣渚青鳥沒村田白鷺翔知君振奇藻還嗣海隅芳

夏日遊日聊作

唐駱賓王

暫屏簾塵累言尋物外情志逸心逾默神幽體自輕  
浦夏荷香滿田秋麥氣清詎假滄浪上將濯楚臣纓

夏日遊山家同夏少府

唐駱賓王

返照下層岑物外狎招尋蘭徑薰幽佩槐庭落暗金  
谷靜風聲徹山空月色深一遺樊籠累唯餘松桂心

夏日山中

唐李白

懶搖白羽扇裸體青林中脫巾挂石壁露頂灑松風

夏日辨玉法師茅齋

唐孟浩然

夏日茅齋裏無風坐亦涼竹林深筍穉藤架引梢長

歲時

卷七

七一夏

燕覓巢窠處蜂來造窠房物華皆可玩花藥四時芳

李夏入北山

唐林璠

整駕俟明發逶迤歷險途天形逼峰盡地勢入谿無  
樹遶圓峰密雲橫杳障孤誰憐後時者六月未南圖

閑居孟夏卽事

唐許渾

綠樹蔭青苔柴門臨向一作水開簾涼初熟麥枕膩一作

午經梅魚躍海風起一作風一鴈鳴江雨來佳人竟何

處一作佳期日夕上樓臺

夏夜歎

唐杜甫

永日不可暮炎蒸毒我腸安得萬里風飄颻吹我裳

昊天出華月茂林延疎光仲夏苦夜短開軒納微涼  
虛明見纖毫羽蟲亦飛揚物情無巨細自適固其常  
念彼荷戈士窮年守邊疆何由一洗濯執熱互相望  
竟夕擊刁斗喧聲連萬方青紫雖被體不如早還鄉  
北城悲笳發鶴鶴號且翔況復煩促倦激烈思時康

酬樂天早夏見懷

唐元稹

庭柚有垂實燕巢無宿雛我亦辭社燕茫茫焉所如  
君詩夏方早我歎秋已徂食物風土異衾裯時節殊  
荒草滿田地近移江上居八日復切九月明侵半除  
初夏卽事寄魯望

唐皮日休

歲時

卷七

八一夏

夏景恬且曠達人疾初平黃鳥語方熟紫桐陰正清  
解宇有幽處私遊無定程歸來閉雙關亦忘枯與榮  
土室作深谷蘇垣爲干城敍杉突地架迸筍支檐楹  
奉酬襲美先輩初夏見寄

唐陸龜蒙

積雨晦臯圃門前煙水平蘋蘩增遙吹枕席分餘清  
愁鴟占枯枿野鼠趨前楹幽篁倚微照碧粉含疎莖  
蠹簡有遺字斑琴無泛聲蠶寒繭尚薄燕喜雛新成

○秋

秋詠

晉張載

靈象運天機日月如激電秋風兼夜戒微霜淒舊院

嘉禾殞蘭圃芳草悴芝蘭嚶嚶南翔鴈翩翩  
玉肌隨爪素噓氣應口見歛襟思輕衣出入忘華屨  
覩物識時移顧景知節變

詠秋

晉江道

祝融解炎纒羣收起涼駕高風催節變凝露督物化  
長林悲素秋茂草思朱夏鳴鴈薄雲嶺蟋蟀吟深榭  
寒蟬向竟夕號驚飈激中夜感物增人懷悽然無  
欣暇

詠秋

宋鮑照

秋蘭徒晚綠流風漸不親隨我垂思慕驚此梁上塵

歲時

卷七

九

秋歌

宋南平王鐸

旻天清且高秋氣發初涼白露下微津明月流素光  
凝煙汎城闕淒風入軒房朱華先零落綠草就芸黃  
纖羅還箇篋輕紉改衣裳

秋歌

宋湯惠休

秋風嫋嫋入曲房羅帳含月思心傷蟋蟀夜鳴斷人  
腸長夜思君心飛揚他人相思君相忘錦衾瑤席爲  
誰芳

秋詩

北齊陽休之

日照前牕竹露濕後園薇夜蛩扶砌響輕蛾遶燭飛

秋日

晉孫綽

蕭瑟仲秋日飈唳風雲高山居感時變遠客興長謠

疎林積涼風虛岫結凝香湛露酒庭樹密葉辭榮條

撫菌一作悲先落鬱一作松美後凋垂綸在林野交

情遠市朝澹然懷古心濠上豈伊遙

秋日

梁鮑泉

露色已成霜梧楸欲半黃燕去欄恒靜蓮寒池不香

夕鳥飛向月一作餘蚊聚逐光旅情恒自苦秋夜漸

應長

歲時

卷七

十一

秋日

北周庾信

蒼茫望落景羈旅對窮秋賴有南園菊殘花足解愁

和裴儀同秋日

北周庾信

蕭條依白社寂寞似東臯學異南宮敬貧同北郭騷

蒙吏觀秋水萊妻紡落毛旅人嗟歲暮田家厭作勞

霜天林木燥秋氣風雲高栖遑終不定方欲涕沾袍

秋日應詔

隋袁朗

玉樹涼風舉金塘細柳萎葉落商飈觀鴻歸明月池

迎寒桂酒熟含露菊花垂一奉童臺宴千秋長願斯

秋日效庾信體

唐太宗

嶺銜宵月桂珠穿曉露叢蟬啼覺樹冷螢火不溫風  
花生園菊藥荷盡戲魚通晨浦鳴飛鴈夕渚集棲鴻  
颯颯高天吹氛澄下熾空

秋日二首

唐太宗

爽氣澄蘭沼和風動桂林露凝千片玉菊散一叢金  
日岫高低影雲空點綴陰蓬瀛不可望泉石且娛心

二

菊散金風起荷疎玉露圓將秋數行鴈離夏幾林蟬  
雲凝愁半嶺霧碎纈高天還似成都望直見峨眉前

秋日作

唐高適

歲時

卷七

十二

端居值秋節此日更愁辛寂寞無一事蒿萊通四鄰

閉門生白髮迴首憶青春歲月不相待交遊隨衆人

雲霄何處託愚直有誰親舉酒聊自勸窮通信爾身

秋日

唐耿湋

反照入閭巷憂來與誰語古道無人行秋風動禾黍

秋日

唐溫庭筠

爽氣變昏目神臯遍原隰煙華久蕩搖石澗仍清急  
柳闇山犬吠蒲流水禽立菊花明欲迷棗葉光如濕

天籟思林嶺車塵倦都邑譙張風所違悔悵何由入

芳草秋可藉幽泉曉堪汲牧羊燒外鳴林果雨中拾



復此遂閑曠翛然脫羈繫田收鳥雀喧氣肅龍蛇蟄  
佳節足豐稷良朋阻遊集沈機日寂寥葆素常呼吸  
投跡倦攸往放懷忘所執良時有東甯吾將事簞笠

秋日

唐許渾

琪樹西風華簾秋楚雲湘月憶同遊高歌一曲掩明  
鏡昨日少年今白頭

秋來

唐李賀

桐風驚心壯士苦衰燈絡緯啼寒素誰看青簡一編  
書不遣花蟲粉空蠹思牽今夜腸應直雨冷香覓弔  
書客秋墳鬼唱鮑家詩恨血千年土中碧

歲時

卷七

十二

秋

到秋

唐李商隱

晚

扇風浙瀝簾流滴萬里南雲滯所思守到清秋還寂  
寞葉丹苔碧閉門時

度秋

唐太宗

夏律昨留灰秋箭今移晷峨嵋岫初出洞庭波漸起  
桂白發幽巖菊黃開灞浹運流方可歎含毫屬微理

初秋

宋孝武帝

夏盡炎氣微火息涼風生綠草未傾色白露已盈庭  
遠視秋雲發近聽寒蟬鳴運移矜物化川上感餘情

初秋

梁簡文帝

羽袞晨猶動珠汗晝恒揮秋風忽嫋嫋向夕引涼歸  
浮陰即染浪清氣始染衣卷幌通河色開牕引一  
月輝晚花欄下照疎螢簾上飛直置猶如此何況送  
將歸

大同九年秋七月

梁簡文帝

高樓闌左扇迴望依蘭橈晚風颼颼來落照參差好

奉和初秋

北周庾信

落星初伏火秋霜正動鐘北閣連橫漢南宮應鑿龍  
祥鸞棲竹實靈蔡上芙蓉自有南風曲還來吹九重

初秋

唐孟浩然

歲時

卷七

十三

秋

不覺初秋夜漸長清風習習重淒涼炎暑退茅齋  
靜階下叢莎看露光

七月一日作

唐白居易

林間暑氣歇池上涼風起橋竹碧鮮鮮岸莎青靡靡  
蒼然古盤石清淺平流水何言中門前便是深山裏

早秋二首

唐許渾

晚

逢夜泛清瑟西風生翠羅殘螢委玉露早鴈拂金  
銀河高樹曉還密遠山晴更多淮南一葉下自覺老

煙波

二



薊北鴈猶達淮南人已悲殘桃間隋并新菊亦侵籬  
書劒豈相誤琴樽聊自持西齋風雨夜更有詠貧詩

早秋

唐女冠魚玄機

嫩菊含新彩遠山閑夕煙涼風驚綠樹清韻入朱絃  
思婦機中錦征夫塞外天鴈飛魚在水書信若爲傳

奉和初秋西園應教

北齊蕭慤

池亭三伏後林館九秋前清冷間泉石散漫雜風煙  
渠開千葉影榴豔百枝然約嶺停飛旆凌波動畫船

儀鸞殿早秋

唐太宗

寒驚薊門葉秋發小山枝松陰背日轉竹影避風移  
歲時

卷七

十四

秋

提壺菊花岸高興芙蓉池欲知涼氣早巢空燕不窺  
奉和儀鸞殿早秋應制

唐許敬宗

初

睿想追嘉豫臨軒御早秋斜暉麗粉壁清吹肅朱樓  
高殿凝陰滿雕牕豔曲流小臣參廣宴大造諒難酬

初秋夜坐

唐太宗

斜廊連綺閣初月照宵帷塞冷鴻飛疾園秋蟬噪遲  
露結林疎葉寒輕菊吐滋愁心逢此節長歎復含悲

初秋夜坐應詔

唐楊師道

初

玉琯涼初應金壺夜漸闌蒼池流稍潔僊掌露方溥  
鴈聲風處斷樹影月中寒爽氣長空淨高吟覺思寬

九成宮初應詔

九成宮本隋仁壽宮也唐太宗修以避暑更名九成宮

萬年宮

唐劉祿之初

帝圖疏金闕僊臺駐玉鑾野分鳴鶴岫路接寶維壇  
林樹千霜積神宮四序寒蟬急知秋早鴛疎覺夏闌  
怡神紫氣外凝睇白雲端舜海詞波發空驚遊聖難

太原早秋

唐李白

盛

歲落衆芳歇時當大火流霜威出塞早雲色渡河秋  
夢繞邊城月心飛故國樓思歸若汾水無日不悠悠

早秋山中作

唐王維

盛

無才不敢累明時思向東谿守故籬豈厭尚平婚嫁  
歲時

卷七

十五

秋

早却嫌陶令去官遲草間蛩響臨秋急山裏蟬聲薄  
暮悲寂寞柴門人不到空林獨與白雲期

江樓早秋

唐白居易

中

南國雖多熱秋來亦不遲湖光朝露後竹氣晚涼時  
清風水蘋葉白露木蘭枝欲作雲泉計須營伏臘資

曲江早秋

唐白居易

中

秋波紅蓼水夕照青蕪岸獨信馬蹄行曲江池四畔  
早涼晴後至殘暑暝來散方喜炎燠銷復嗟時節換

幽居早秋閑詠

唐白居易

中

幽僻重塵外清涼水木間卧風秋拂簾步月夜開關

軒鶴留何用淵魚放不還誰人知此味臨老十年間

早秋山居

唐溫庭筠

山近覺寒早草堂霜氣晴樹凋牕有日池清水無聲  
果落見猿過葉乾聞鹿行素琴機慮靜空伴夜泉清

秋晚

梁簡文帝

浮雲出東嶺落日下西江促陰橫隱壁長暉斜度牕  
亂霞圓綠水紅葉影飛缸

奉和太子秋晚詩

梁上黃侯曄

副君秉暇景臨秋坐北宮杏梁照初月蓮池引夕風  
清暉洞藻井流香入綺櫳鵲聲時徙樹螢光乍滅空

歲時

卷七

十六

涼氛散簾席露色變林叢

大同八年秋九月

梁簡文帝

大君重九節下輦上林中酒闌嘉宴罷車騎各西東  
時余守西掖脂車歸北宮車分獨坐道扇拂冶城風  
落照澗中滿浮煙槐外通長樂含初紫安榴拆晚紅

晚秋

北周庾信

淒清臨晚景疎索望寒階濕庭凝露擗風卷落槐  
日氣斜還冷雲峰晚更霾可憐數行鴈點點遠空排

和司徒鎧曹陽辟疆秋晚

北齊蕭慤

葉疎知樹落香盡覺荷衰山藪良多思田園聊復歸

大曆二年九月三十日

唐杜甫

爲客無時了悲愁向夕終瘴餘夔子國霜薄楚王宮  
草敵虛嵐翠花禁冷蕊紅年年小搖落不與故園同

賦得九月盡秋字

唐元稹

霜落三旬後賞餘一葉秋玄陰迎落日涼魄盡殘鈎  
半夜灰移管明朝帝御裘潘安過今夕休詠賦中愁

晚秋

唐元稹

竹露滴寒聲離人曉思驚酒醒秋簾冷風急夏衣輕  
寢倦解幽夢慮閑添遠情誰憐獨歎枕斜月透牕明

秋晚

唐白居易

歲時

卷七

十七

籬菊花稀砌桐落樹陰離離日色薄單幙疎簾貧寂  
寞涼風冷露秋蕭索光陰流轉忽已晚顏色凋殘不  
如昨萊妻卧病月明時不擣寒衣空擣藥

奉和便省餘秋

梁庾肩吾

前對金精坂傍臨圓水池照影礙浮葉看山通迴枝  
鴈行連露盡雨足帶雲移

山閣晚秋

唐太宗

山亭秋色滿巖牖涼風度疎蘭尚染煙殘菊猶承露  
古石衣新苔新巢封古樹歷覽情無極咫尺輪光暮

季秋江村

唐杜甫

喬木村墟古疎籬野蔓縣清琴將暇日白首望霜天  
登俎黃柑重支牀錦石圓遠遊雖寂寞難見此山川

暮秋山行

唐岑參

疲馬卧長坂夕陽下通津山風吹空林颯颯如有人  
蒼旻露涼雨石路無飛塵千念集暮節萬緒悲蕭辰  
鷓鴣昨夜鳴蕙草色已陳況在遠行客自然多苦辛

山中晚秋

唐元季川

河漢降玄霜昨夜節物殊愧無神僊姿豈有陰陽俱  
靈鳥望不見慨然悲高梧華葉隨風揚珍條雜榛蕪  
爲君寒谷吟歎息知何如

歲時

卷七

十八

秋

成都暮秋雨

唐戎昱

九月龜城暮愁人閉草堂地卑多雨潤天暖少秋霜  
縱欲傾新酒其如憶故鄉不知更漏意唯向客邊長

南湖晚秋

唐白居易

八月白露降湖中水芳老旦夕秋風多衰荷半傾倒  
手攀青楓樹足躡黃蘆草慘澹老容顏冷落秋懷抱  
有兄在淮楚有弟在蜀道萬里何時來煙波白浩浩

晚秋江上作

唐張祐

萬里窮秋客蕭條對落暉煙霞山鳥散風雨廟神歸  
地遠聲切天長鴈影稀那堪正砧杵幽思想寒衣

秋晚題湖城驛池上亭

唐劉禹錫

秋次池館上林塘照南榮塵衣紛未解幽思浩已盈  
秋蓮墜故萼露菊含晚英恨爲一夕客愁聽晨雞鳴

秋晚登城

唐許渾

城高不可下永日一登臨曲檻涼颼急空樓返照深  
蘆花迷夕棹梧葉散秋砧謾作歸田賦蹉跎歲欲陰

始安秋日

唐宋之問

桂林風景異秋似洛陽春晚霽江天好分明愁殺人  
卷雲山鰲鰲碎石水磷磷世業事黃老妙年孤隱淪  
歸歎卧滄海何物貴吾身

歲時

卷七

十九

秋

秋夜翠微宮

貞觀二十一年夏四月上得風疾  
苦涼師盛暑命修南山太和殿宮  
爲翠微宮五月如翠微宮冀州進士張昌齡  
獻翠微宮頌上優其文命爲通事舍人裏供  
奉秋七月復  
移仗居之

秋光凝翠嶺

唐太宗

涼吹蕭離宮荷疎一葢缺樹冷半帷空  
側陣移鴻影圓花釘菊叢攄懷俗塵外高眺白雲中

遼東山夜臨秋

唐太宗

煙生遙岸隱月落半崖陰連山驚鳥亂隔岫斷猿吟

奉和山夜臨秋

唐上官儀

殿帳清炎氣輦道合秋陰淒風移漢筑流水入虞琴  
雲飛送斷鴈月上淨疎林滴瀝露枝響空濛煙壑深

秋夜獨坐

隋表朗

危絃斷客心虛彈落驚禽新秋百慮淨獨夜九愁深  
枯蓬惟逐吹墜葉不歸林如何悲此曲坐作白頭吟

秋夜獨坐

唐王維

獨坐悲雙鬢空堂欲二更雨中山果落燈下草蟲鳴  
白髮終難變黃金不可成欲知除老病唯有學無生

山居秋暝

唐王維

空山新雨後天氣晚來秋明月松間照清泉石上流  
竹喧歸浣女蓮動下漁舟隨意春芳歇王孫自可留

林園秋夜作

唐李疑

歲時

卷七

二十一

林卧避殘暑白雲長在天賞心既如此對酒非徒然  
月色徧秋露竹聲兼夜泉涼風懷袖裏茲意與誰傳

長安秋夕

唐戎昱

八月更漏長愁人起常早閉門寂無事滿院生秋草  
昨宵北牕夢夢入荆南道遠客歸去來在家貧亦好

江城秋霽

唐戎昱

霽後江城風景涼豈堪登眺只堪傷遠天蟬噪收殘  
雨映水鷓鴣近夕陽萬事無成空過日十年多難未

還鄉不知何處消茲恨轉覺愁隨夜夜長

秋野四首

唐杜甫

易識浮生理難教一物違水深魚極樂林茂鳥知歸  
吾老甘貧病榮華有是非秋風吹几杖不厭北山薇

二

禮樂攻吾短山林引興長掉頭紗帽側曝背竹書光  
風落收松子天寒割蜜房稀疎小紅翠駐役近微香

三

遠岫秋沙白連山晚照紅潛鱗輪駭浪歸翼會高風  
砧響家家發樵聲箇箇同飛霜任青女賜被隔南宮

四

身許麒麟畫年衰驚鷺羣大江秋易盛空峽夜多聞

歲時

卷七

二十一

峰隱千重石帆留一片雲兒童解蠻語不必作參軍

秋園

唐司空曙

傷秋不是惜年華別憶春風碧玉家強向衰蘂見芳  
意茱萸紅實似繁花

秋日山行

唐杜牧

遠上寒山石徑斜白雲生處有人家停車坐愛楓林  
晚霜葉紅於二月花

秋朝野望

北齊劉逖

駐車憑險岫飛蓋歷平湖菊寒花稍發蓮秋葉漸枯  
向浦低行鴈排空轉噪鳥若將君共賞何處減城隅

秋日即目

唐太宗

爽氣浮丹闕秋光澹紫宮  
衣碎荷疎影花明菊點叢  
袍輕低草露益側舞松風散岫飄雲葉迷路飛煙鴻  
砌冷蘭凋佩闌寒樹頽桐別鶴棲琴裏離猿啼峽中  
落野飛星箭弦虛半月弓芳菲夕霧起暮色滿房櫳

奉和秋日即目應制

唐許敬宗

玉露交珠網金風度綺錢  
昆明秋景澹岐岫落霞然  
辭鷺歸寒海來鴻出遠天  
葉動羅帷颺花映繡衣鮮  
規空昇閣魄籠野散輕煙  
鵲度林光起晷沒水文圓  
無機絡秋緯如管奏寒蟬  
乃睠情何極宸襟豫有旃

歲時

卷七

二三

奉和秋日即目應制

唐上官儀

上苑通平樂神池邇建章  
樓臺相掩映城闕互相望  
緹油泛行幔簫吹轉浮梁  
晚雲含朔氣斜照蕩秋光  
落葉飄蟬影平流寫鴈行  
槿散凌風縹荷銷裊露香  
德歌臨杳詣玄豫歷長楊  
歸路乘明月千門開未央

秋相望

唐元稹

簷月驚殘夢浮涼滿夏衾  
蟪蛄低戶網螢火度牆陰  
爐暗燈花短牀空帳影深  
此時相望久高樹憶橫岑  
同韓郎中閑庭南望秋景

唐元稹

朝下抱餘素地高心本閑  
如何趨府客罷秩見秋山

疎樹共寒意遊禽同暮還  
因君悟清景西望一開顏

秋郊夕望

唐馬戴

度鳥向棲急陰蟲逢夜多  
餘霞媚秋漢迴月濯滄波  
蔓草將萎絕流年其奈何  
耿然搖落思獨酌不成歌

長安秋望

唐趙嘏

雲物淒涼拂曙流漢家宮闕動高秋  
殘星幾點鴈橫寒長笛一聲人倚樓  
紫豔半開離菊靜紅衣落盡渚蓮愁  
鱸魚正美不歸去空戴南冠學楚囚

秋思引

宋湯惠休

秋寒依依風過河白露蕭蕭洞庭波  
思君未光光已滅眇眇悲望如思何

歲時

卷七

二三

滅眇眇悲望如思何

秋思

北齊蕭慤

清波收潦日華林鳴籟初芙蓉露下落楊柳月中疎  
燕幃細綺被趙帶流黃裾相思阻音息一作結夢感  
離居顏氏家訓曰蘭陵蕭慤工於篇什嘗有秋思詩云芙蓉露下落楊柳月中疎時人未之賞也吾愛其蕭散宛然在目顧川荀仲舉卿卿諸葛洪亦以爲爾而盧思道之徒雅所不愜

秋思二首

唐李白

春陽如昨日碧樹鳴黃鸝  
蕪然蕙草暮颯爾涼風吹  
天秋木葉下月冷莎雞悲  
坐愁羣芳歇白露凋華滋

二

燕支黃葉落妾望自登臺海上碧雲斷單于秋色來  
胡兵沙塞合漢使玉關回征客無歸日空悲蕙草摧

秋思二首

唐王維

網軒涼吹動輕衣夜聽更生玉漏稀月度天河光轉  
濕鵲驚秋樹葉頻飛

宮連大液見滄波暑氣微消秋意多一夜輕風蘋末  
起露珠翻盡滿池荷

秋思

唐岑參

那知芳歲晚坐見寒葉隨吾不如腐草翻飛作螢火

秋思

唐張籍

歲時

卷七

二十四

洛陽城裏見秋風欲作歸書意萬重復恐匆匆說不  
盡行人臨發又開封

秋思

唐白居易

病眠夜少夢閑立秋多思寂寞餘雨晴蕭條早寒至  
鳥棲紅葉樹月照青苔地何況鏡中年又過三十二

秋思

唐白居易

夕照紅於燒晴空碧勝藍獸形雲不一弓勢月初三  
鴈思來天北砧愁滿水南蕭條秋氣味未老已深諳

秋思

唐鄭巢

寒蛩鳴不定郭外水雲幽南浦鴈來日北牕人卧秋

病身多在遠生計少於愁薄暮西風急清砧響未休

秋思

唐杜牧

熱去解鉗鈇飄蕭秋半時微雨池塘見好風襟袖知  
髮短梳未足枕涼開且歌平生分過此何事不參差

海畔秋思

唐錢起

匡濟道難合去留隨興牽偶爲謝客事不顧平子田  
魏闕資翹楚此身常棄捐箕裘空在念拙拙誰推賢  
無用卽明代養病仍壯年日夕望佳期帝鄉路幾千  
秋風晨夜起零落愁芳全

杜陵秋思

唐羅隱

歲時

卷七

二十五

南望商於北帝都兩堪棲托兩無圖只聞斥逐張公  
子不覺悲同楚大夫嚴畔早涼生紫樹井邊疎影落  
高梧一杯渌酒他年憶瀝向清波寄五湖

秋懷

宋謝惠連

平生無志意少小嬰憂患如何乘苦心矧復值秋晏  
皎皎天月明奕奕河宿爛蕭瑟含風蟬寥唳度雲鴈  
寒商動清閨孤燈暖幽幔耿介繁慮積展轉長宵半  
夷險難預謀倚伏昧前算雖好相如達不同長卿慢  
頗悅鄭生偃無取白衣官未知古人心且從性所翫  
賓至可命觴朋來當染翰高臺驟登踐清淺時陵亂



顏覓不再圓傾義無兩日金石終銷毀丹青豈彫煥  
各勉玄髮歡無貽白首歎因歌遂成賦聊用布親串

秋懷

唐張九齡初

庭蕪生白露歲候感遐心策蹇慙途遠巢枝思故林  
小人恐致寇終日如臨深魚鳥好自逸池籠安所欽  
挂冠東都門採薇南山岑議道誠愧昔覽分還愜今  
無然憂成老空爾白頭吟

暮秋言懷

唐魏徵初

首夏別京輔杪秋滯三河沈沈蓬萊閣日夕鄉思多  
霜翦涼地蕙風捎幽渚荷歲芳坐淪歇感此式微歌  
歲時

卷七

二天

秋

秋懷

唐閻寬盛

下帷長日盡虛館早涼生芳草猶未薦如何蜻蛚鳴  
秋風已振衣客土何時歸爲問當途者寧知心有違

秋夕書懷

唐李白盛

北風吹海鴈南度落寒聲感此蕭湘客悽其流浪情  
海懷結滄洲一作迷心霞想遊赤城始探蓬壺事旋  
覺天地輕澹然吟高秋閑卧瞻太清蘿月掩空幕松  
霜結前楹滅見息羣動獵微窮至精桃花有源水可  
以保吾生

郢門秋懷

唐李白盛

郢門一爲客巴月三成弦朔風正搖落行子愁歸旋  
杳杳山外日茫茫江上天人迷洞庭水鴈度瀟湘煙  
清曠諸宿好緇磷及此年百齡何蕩漾萬化相推遷  
空謁蒼梧帝徒尋溟海僊已聞蓬海淺豈見三桃園  
倚劍增浩歎捫襟還自憐終當遊五湖濯足滄浪泉

江上秋懷

唐李白盛

餐霞卧舊壑散髮謝逋遊山蟬號枯桑始復知天秋  
朔鴈別海裔越燕辭江樓颯颯風捲沙茫茫霧縈洲  
黃雲結暮色白水揚寒流惻愴心自悲潺湲淚難收  
衡蘭方蕭瑟長歎令人愁

歲時

卷七

二天

秋

秋懷

唐白居易中

月出照北堂光華滿墀墀涼風從西至草木日夜衰  
桐柳減綠陰蕙蘭銷碧滋感物私自念我心亦如之  
安得常少壯盛衰迫天時人生如石火爲樂常苦遲

秋懷詩八首

唐韓愈中

題前兩好樹衆葉光蕤蕤秋風一披拂策策鳴不已  
微燈照空牀夜半偏入耳愁憂無端來感歎成坐起  
天明視顏色與故不相似義和驅日月疾急不可恃  
浮生雖多塗趨死惟一軌胡爲浪自苦得酒且歡喜

二



白露下百草蕭蘭共彫悴青青匝牆下已復生滿地  
寒蟬暫寂寞蟋蟀鳴自恣運行無窮期稟受氣苦異  
適時各得所松柏不必貴

三

秋氣日惻惻秋空日凌凌上無枝上蜩下無盤中蠅  
豈不感時節耳目去所憎清曉卷書坐南山見高稜  
其下澄秋水有蛟寒可醫惜哉不得往豈謂吾無能

四

離離挂空悲感感抱虛警露泫秋樹高蟲弔寒夜永  
欽退就新懦趨營悼前猛歸愚識夷塗汲古得脩綆  
歲時

卷七

三

秋

名浮猶有恥味薄真自幸庶幾遺悔尤卽此是幽屏

五

今晨不成起端坐盡日景蟲鳴室幽幽月吐牕罔罔  
喪懷若迷方浮念劇含梗塵埃慵伺候文字浪馳騁  
尚須勉其頑王事有朝請

六

秋夜不可晨秋日苦易暗我無汲汲志何以有此憾  
寒雞空在棲缺月煩屢嗽有琴具徽絃再鼓聽愈淡  
古聲久埋滅無由見真慚低心逐時趨苦飽祗能警  
豈必求贏餘所要石與甌

七

卷卷落地葉隨風走前軒鳴聲若有意顛倒相追奔  
空堂黃昏暮我坐默不言童子自外至吹燈當我前  
問我我不應饋我我不餐退坐西壁下讀詩盡數編  
作者非今士相去時已千其言有感觸使我復悵酸  
顧謂汝童子置書且安眠丈夫屬有念事業無窮年

八

暮暗來客去羣囂各收聲悠悠偃宵寂聲聲抱秋明  
世累忽進慮外憂遂侵誠強懷張不滿弱念缺已盈  
詰屈避語奔冥茫觸心兵敗虜千金棄得比寸草榮  
歲時

卷七

三

秋

知恥足爲勇晏然誰汝令

秋暮言志

唐太宗

朝光浮燒野霜華淨碧空結浪水初鏡在徑菊方叢  
約嶺煙深翠分旗霞散紅抽思滋泉側飛想傳巖中  
已獲千箱慶何以繼薰風

奉和秋暮言志應制

唐許敬宗

初

秋深桂始發寒總菊餘菲波擁羣鳧至秋飄朔鴈歸  
月莢生還落雲枝似復非疑展閱西畝觀文佇少微  
聖敬韜前哲先天諒不違

秋興八首

唐杜甫

盛

玉露周傷楓樹林巫山巫峽氣蕭森江間波浪兼天湧塞上風雲接地陰叢菊兩開他日淚孤舟一繫故園心寒衣處處催刀尺白帝城高急暮砧

夔府孤城落日斜每依北斗望京華聽猿實下三聲淚奉使虛隨八月槎畫省香爐違伏枕山樓粉堞隱悲笳請看石上藤蘿月已映洲前蘆荻花

千家山郭靜朝暉日日江樓坐翠微信宿漁人還汎汎清秋燕子故飛飛匡衡抗疏功名薄劉向傳經心事違同學少年多不賤五陵裘馬自輕肥

聞道長安似奕碁百年世事不勝悲王侯第宅皆新歲時

卷七

三十一

主文武衣冠異昔時直北關山金鼓振征西車馬羽書遲魚龍寂寞秋江冷故國平居有所思

蓬萊宮闕對南山承露金莖霄漢間西望瑤池降王母東來紫氣滿函關雲移雉尾開宮扇日繞龍鱗識聖顏一卧滄江驚歲晚幾回青瑣點朝班

瞿塘峽口曲江頭萬里風煙接素秋華萼夾城通御氣芙蓉小苑入邊愁珠簾繡柱圍黃鵠錦纜牙樯起白鷗回首可憐歌舞地秦中自古帝王州

昆明池水漢時功武帝旌旗在眼中織女機絲虛夜月石鯨鱗甲動秋風波漂菰米沈雲黑露冷蓮房墜

粉紅關塞極天唯鳥道江湖滿地一漁翁

昆吾御宿自逶迤紫閣峯陰入漢陂香稻啄餘鸚鵡粒碧梧棲老鳳凰枝佳人拾翠春相問僊侶同舟晚更移綵筆昔曾干氣象白頭吟望苦低垂

秋興

唐王昌齡

日暮西北堂涼風洗脩木著書在南牕門館常蕭蕭苔草延古意視聽轉幽獨或問余所營刈黍就寒谷

秋山夕興

唐陶翰

山月松篠下月明山景鮮聊爲高秋酌復此清夜絃晤語方獲志棲心亦彌年尚言興未逸更理逍遙篇歲時

卷七

三十二

秋興

唐權德輿

流螢與落葉秋晚共紛紛返照城中盡寒砧雨外聞離人見衰鬢獨鶴暮何羣楚客在千里相思看碧雲和劉補闕秋園興之作

唐朱慶餘

深齋嘗獨處詎肯厭秋聲翠篠寒愈靜孤花晚更明每因逢石坐多見抱書行入夜聽疎杵遙知耿此情

二

蒼翠經宵在園廬景自深風淒欲去燕月思向來砧碧石當莎逕寒煙冒竹林杯瓢閑寄詠清絕是知音

悲秋

隋煬帝

故年秋始去今年秋復來露濃山氣冷風急聲哀  
鳥擊初移樹魚寒欲隱苔斷霧時通日殘雲尚作雷

奉和悲秋應令

北齊蕭慤

秋天擬文學秋水擅莊蒙草濕蒹葭露波卷洞庭風  
便坐翻桑葉長坂歇蘭蓀簷喧猶有燕波靜未來鴻  
蟬噪聞疑斷池清映似空劉安悲落木曹植歎征蓬  
重明豈凝滯無累在淵冲隨時四序合應物五情同  
發言形惻隱睿作挺神功下材均朽木何以慕雕蟲

秋感

原作

晉左思

秋風何冽冽

一作烈烈

白露爲朝霜柔條且夕勁綠葉日

歲時

卷七

三

秋

夜黃明月出雲崖嘒嘒流素光披軒臨前庭嘒嘒晨  
鴈翔高志局四海塊然守空堂壯齒不恒居歲暮常  
慨慷

秋感

原作

晉張協

朝霞迎白日丹氣臨湯谷翳翳結繁雲森森散雨足  
輕風摧勁草凝霜竦高木密葉日夜疎叢林森如束  
疇昔歎時遲晚節悲年促歲暮懷百憂將從季主卜

秋感

原作

晉張協

大火流坤維白日馳西陸浮陽映翠林迴颺扇綠竹  
飛雨灑朝蘭輕露栖叢菊龍蟄喧氣凝天高萬物肅

弱條不重結芳蕤豈再馥人生瀛海內忽如鳥過目  
川上之歎逝前修以自勗

金風扇素節丹霞啓陰期騰雲似涌煙密雨如散絲  
寒花發黃采秋草含綠滋閑居玩萬物離羣戀一作  
所思案無蕭氏牘庭無貢公基高尚遺王侯道積自  
成基至人不嬰物餘風足染時

秋感

原作

晉傅玄

志士惜日短愁人知夜長攝衣步前庭仰觀南鴈翔

玄景隨形運流響歸空房清風何飄颻微月出西方

繁星衣一作依

青天列宿自成行蟬鳴高樹間野鳥號

歲時

卷七

三

秋

東廂纖雲時髣髴渥露沾我裳良時無停景北斗忽  
低昂常恐寒節至凝氣結爲霜落葉隨風摧一絕如  
流光

秋念

梁吳均

團團珠暉轉炤炤漢陰移箕風入桂露璧月滿一作  
瑤池樹青草未落蟬涼葉已危還深長夜想顧憶臨  
卬厄芳杜果蕪沒纓帶欲何爲

潯陽紫極宮感秋作

唐李白

何處聞秋聲脩脩北牕竹迴薄萬古心攬之不盈掬  
靜坐觀衆妙浩然媚幽獨白雲南山來就我簷下宿

懶從唐生訣蓋訪季主卜四十九年非一往不可復  
野情轉蕭散世道有翻覆陶令歸去來田家酒應熟

感秋

唐姚倫中

試向疎林望方知節候殊亂聲千葉下寒影一巢孤  
不蔽秋天鴈驚飛夜月烏霜風與春日幾度遺榮枯

曲江感秋

唐白居易中

疎蕪南畝草蕭颯西風樹莎平綠茸台蓮落青房露  
今日臨望時往年感秋處榮名與壯齒相避如朝暮  
時命始欲來年顏已先去當春不歡樂臨老徒驚誤

客路感秋

唐白居易中

歲時

卷七

三西秋

日暮天地冷雨霽山河清長風從西來草木凝秋聲  
已感歲倏忽復傷物凋零孰能不惓惓天時牽人情

汾上驚秋

唐蘇頌初

北風吹白雲萬里渡河汾心緒逢搖落秋聲不可聞

傷秋

唐杜甫盛

林僻來人少山長去鳥微高秋收畫扇久客掩柴扉  
懶慢頭時櫛艱難帶減圍將軍思汗馬天子尚戎衣  
白蔣風颭脆殷檉曉夜稀何年減豺虎似有故園歸

秋日示休上人

宋鮑照

枯桑葉易零疲客心易驚今茲亦何早已聞絡緯鳴

迴風滅且起卷蓬息復征愴愴簾上寒悽悽帳裏清  
物色延暮思霜露逼朝榮臨堂觀秋草東西望楚城  
百物方蕭瑟坐歎從此生

始背洛城秋郊矚目奉懷臺中諸侍御

唐蘇味道初

薄遊忝霜署直指戒冰心荔浦方南紀蘅皋暫北臨  
山晴關塞斷川暮廣城陰場圃通圭甸溝塍礙石林  
野童來拾田叟去謳吟蟋蟀秋風起蒹葭晚露深  
帝城仙館徵征傳幾駸駸迴憶披書地勞歌謝所欽

秋夕讀書幽興獻兵部李侍郎

唐岑參盛

歲時

卷七

三五秋

年紀蹉跎四十強自憐頭白始爲郎雨滋苔蘚侵堦  
綠秋颯梧桐覆井黃驚蟬也解求高樹旅鴈還應厭  
後行覽卷試穿鄰舍壁明燈何惜借餘光

淮南秋夜呈同僚

唐李疑盛

天淨河漢高夜聞砧杵發清秋忽如此離恨應難歇  
風亂池上萍露光竹間月與君共遊處勿作他鄉別

襄陽早秋寄岑侍郎

唐崔湜初

江城秋色早旭旦坐南闌落葉驚衰鬢清霜換旅衣  
時來矜早達事往覺前非體道徒推理防身終昧微  
故人金華省肅穆秉天機誰念江漢廣蹉跎心事違

秋山寄陳讜言

唐王昌齡

巖間寒事早衆山木已黃北風何蕭蕭  
感激未能寐中宵時慨慷黃蟲初悲鳴  
獨卧時易晚離羣情更傷思君若不及  
鴻鴈今南翔

感秋寄達

唐白居易

惆悵時節晚兩情千里同離憂不散  
庭樹正秋風燕影動歸翼蕙香銷故叢  
佳期與芳歲牢落兩成空

新秋言懷寄魯望

唐皮日休

移牀驚蟋蟀拂匣動蟪蛄小桂如拳  
葉新松似手梢鶴鳴轉清角鶴下撲金  
爵合藥還慵服爲文亦懶抄

歲時

卷七

債田含紫芋低蔓隱青匏度日忘冠帶  
經時憶酒肴達人唯落落俗士自譎譎  
底力將排難何顏用解嘲等閑逢毒蠱  
容易遇咆哮時事方千錫公途正二嶠  
名微甘世棄性拙任時拋白日須投分  
青雲合定交仕應同五柳歸莫舍三茅  
澗鹿從來去煙蘿任溷役道窮應鬼遺  
性拙必天教

奉和新秋言懷

唐陸龜蒙

身閑唯愛靜離外是荒郊地僻憐同巷  
庭喧厭累巢嘶聲搖舴艋影辨蟪蛄早  
藕擎霜節涼花束紫梢山衣輕斧藻天  
籟逸絃匏辭乾粘晚吻煙濕動晨庖

曆外窮飛朔著中記伏父松桂何妨蠹  
龜龍亦任嘲由弓猿不捷梁園虎忘虓  
舊友懷三益關山阻二嶠道隨書簾古  
時共釣輪拋好作忘機士須爲莫逆交  
看君馳諫草憐我卧衡茅出處雖冥默  
薰蕕肯溷穀僂因隱居信禪是淨名教

秋日遣懷十六韻寄道侶

唐陸龜蒙

盡日臨風坐雄詞妙略兼共知時世薄  
寧恨歲華淹且把靈方試休憑吉夢占  
夜燃燒汞火朝鍊洗金鹽有路求貞隱  
無媒舉孝廉自然成嘯傲不是學沈潛  
水恨同心隔霜愁兩鬢雲鶴屏憐掩扇  
烏帽愛垂簷

歲時

卷七

雅調宜觀樂清才稱典籤冠危玄髮少  
書健紫毫尖故疾因秋召塵容畏日黔  
壯圖須行行儒服謾澹澹片石聊當枕  
橫煙欲代簾蠹根延穴蟻疎葉漏庭蟾  
藥鼎高低鑄雲菴早晚苦胡麻如重寄  
從誰我無厭

秋日愁居荅孔主簿

梁王僧孺

首秋雲物善書暑旦猶清日華隨水汎  
樹影逐風輕依簾野馬合當戶昔邪生  
物我一無際人鳥不相驚儼過北山北  
聊訪法高卿

暮秋荅朱記室

梁何遜

游場日色淺騷屑風音勁寒潭見底清  
風色極天淨

寸陰坐銷鑠千里長遼迴桃李爾繁華松柏余本性  
故心不存此高文徒可詠

酬牛相公宮城早秋寓言見示兼呈夢得時夢

得有疾

唐白居易

碧樹未搖落寒蟬始悲鳴夜涼枕簟滑秋燥衣巾輕  
疏受老慵出劉楨疾未平何人伴公醉新月上宮城

酬彭州蕭使君秋日言懷

唐辛士諤

右職移青綬雄藩拜紫泥江回玉壘下氣爽錦城西  
皐鶴鳴秋律琴鳥怨夜啼離居同舍念夙昔奉金閨

元和初接  
武南臺間

歲時

卷七

毛人秋

黎拾遺昕裴迪見過秋夜對雨之作

唐王維

促織鳴已急輕衣行向重寒燈坐高館秋雨聞疎鐘  
白法調狂象玄言問老龍何人顧蓬逕空愧牛羊蹤

詩雋類函卷八

東吳俞安期彙纂 宣城梅鼎祚增定

武林胡心存訂校

歲時部三

冬 閏月 元正 立春

○冬

詠冬

晉傅玄

季冬時慘烈猛寒不可勝嚴風截人耳素雪墜地凝  
草上飛霜起波水自生冰未夕結重衾崇朝不敢興

詠冬

冬至

晉潘尼

渾儀賦四氣玉衡運招搖靈晷脩斯夕日南始令朝

歲時

卷八

一 冬

詠冬

晉曹毗

縣邈冬夕宵一作永凜厲寒氣升離葉向晨落長風振  
條興夜靜輕響起天清月輝澄寒水盈渠結素霜竟  
欄凝今載忽已暮來紀一作奄復仍

詠冬

宋謝惠連

七宿乘運曜三星與時滅履霜冰彌堅積寒風愈切  
繁雲起重陰迴颺流輕雪園林粲斐皓庭除秀皎潔  
墀瑣有凝沍一作達衢無通轍

冬日

原作  
雜詩

晉張華

晷度隨天運四時互相承東壁正昏中涸陰寒節升



繁霜降當夕悲風中夜興朱火青無光蘭膏坐自凝  
重衾無煖氣挾纒如懷水伏枕終遙夕寤言莫予應  
永思慮崇昔慨然獨拊膺

冬日

宋鮑照

嚴風亂山起白日欲還次曛霧蔽窮天夕陰晦寒地  
煙蘊有氛氲精光無明異風急野田空飢禽稍相棄  
含生共通閉懷賢敦爲利天窺苟平圓寧得已偏媚  
瀉海有歸潮衰容不還稚君今且安歌無念老方至

冬日

唐方干

晚

燒火掩關坐窮居訪客稀凍雲愁暮色寒日澹斜暉

歲時

卷八

二

穿牖竹風滿遶庭雲葉飛已嗟周一歲驕寓尚荷衣

冬夜

隋煬帝

不覺歲將盡已復入長安月影含冰凍風聲淒夜寒

江海波濤壯峭潼坂險難無因寄飛翼徒欲動和鑾

冬宵四韻

唐太宗

雕宮靜龍漏綺閣宴公侯珠簾燭焰動繡柱月光浮

雲起將歌發風停與管過瑣除任多士端展更何憂

冬十月

魏武帝

孟冬十月北風徘徊天氣肅清繁霜霏霏鳴鷄晨鳴

鴻鳩南飛鷺鳥潛藏能罷宿樓錢鏐停置農收積場

逆旅整設以通商賈

大同十年十月戊寅

梁簡文帝

喧塵是時息靜坐對重巒冬深柳條落雪後桂枝殘  
星明霧色淨天白鴈行單雲飛乍想閣水結遠疑紉  
晚橘隱重屏枯藤帶迴竿荻陰連水氣山峰添一作

月寒

孟冬

唐杜甫

盛

殊俗還多事方冬變所爲破柱霜落爪嘗稻雪翻匙

巫岫寒都薄鳥蠻聲遠隨終然減灘瀨暫喜泉蛟螭

孟冬蒲津關河亭作

唐呂溫

中

歲時

卷八

三

息駕非窮途未濟豈迷津獨立大河上北風來吹人

雪霜自茲始草木當更新嚴冬不肅殺何以見陽春

滄浦早冬

唐白居易

中

潯陽孟冬月草木未全衰祇抵長安陌涼風八月時

蓼花始零亂蒲葉稍離披但作城中想何異曲江池

大同十一年庚戌

梁簡文帝

茲園植藝積山谷久紆威直興轉多緒眞事亦因依

是節嚴冬景寒雲掩落暉遠聞風瑟瑟亂視雪霏霏

浪起川難渡林深人至稀山禽背徑走野鳥歷塘飛

歲暮

原作時

晉盧湛



臺臺圓象運悠悠方儀廓忽忽歲云暮遊原采蕭藿  
北踰芒與河南臨伊與洛凝霜露蔓草悲風振林薄  
城城芳葉零榮榮芬華落下泉激冽清曠野增遼索  
登高眺遐荒極望無嵯嶢形變隨時化神感因物作  
澹乎至人心恬然存玄漠

歲暮和張常侍

晉陶淵明

市朝懷舊人驟驥感悲泉明日非今日歲暮予何言  
素顏斂光潤白髮一已繁闕哉泰穆談旅力豈未愆  
向夕長風起寒雲沒西山厲厲氣遂嚴紛紛飛鳥還  
民生鮮常在矧伊愁苦纏屢闕清醑至無以樂當年

歲時

卷八

四

冬

窮通靡攸慮顓頊由化遷撫已有深懷履運增慨然

歲暮

宋謝靈運

殷憂不能寐苦此夜難顏明月照積雪朔風勁且哀  
運往無淹物年逝覺已催

彭城宮中直感歲暮

宋謝靈運

草草春徂物契契矜歲殫楚豔起行戚吳趨絕歸歡  
脩帶緩舊裳素餐改朱顏晚暮悲獨坐

作鳴鶴歌

春蘭

歲暮悲

宋鮑照

霜露迭濡潤草木互榮落日夜收運周今悲復如昨

晝色苦沈陰白雪夜迴薄微涼冒霜屬飄揚出風鶴  
天寒多顏苦妍容逐丹壑絲綃千里心獨宿乏然諾  
歲暮美人還寒壺與誰酌

冬盡難離和丘長史

梁江淹

閒居深悵悵寒颺拂中閨寶禮自千里縑一作縑書果  
君題山川吐幽氣雪景抱長懷茲別亦爲遠潮瀾鬱  
東西汀臯日慘色桂閣猿方啼擘意誰侘僚屑涕在  
心乖杜蘅念無沐石蘭終不睽莫終歲暮駕遊衍蒼  
山蹊

和殷廷尉歲暮

北周王褒

歲時

卷八

五

冬

歲晚悲窮律他鄉念索居寂寞灰心盡摧殘生意餘  
產空交道絕財殫密親疎空悲趙壹賦還著虞卿書

冬深

唐杜甫

花葉隨天意江溪共石根早霞隨類影寒水各依痕  
易下楊朱淚難招楚客魂風濤暮不穩捨棹向誰門

玄圃寒夕

梁簡文帝

洞門扉未掩金壺漏已催曛煙生澗曲暗色起林隈  
雪花無有帶冰鏡不安臺堦楊始倒插浦桂半新栽  
陳根委落蕙細葢一作葉發香梅鴈去銜蘆上獮戲繞  
枝來

歲暮出橫門

北周庾信

年華改歲陰遊客喜登臨據鞍垂玉帖橫腰帶錦心  
冰弱浮橋沒沙虛馬跡深倚弓依石岍回牀向柳陰  
智瓊來勸酒文君過聽琴明朝雲雨散何處更相尋

冬郊行望

唐王勃

桂密巖花白梨疎林葉紅江高寒望盡歸念斷征蓬  
冬日山居思鄉

唐周賀

大野始嚴凝雪天曉色澄樹寒稀宿鳥山迴少來僧  
背日收牕雪開爐釋硯冰忽然歸故國孤想寓西陵  
幽居冬暮

唐李商隱

歲時

卷八

六

冬

羽翼摧殘日郊園寂寞時曉雞驚樹雪寒驚守冰池  
急景倏云暮顏年寢已衰如何匡國分不與夙心期

感冬篇

晉李顯

高陽攬玄轡太皞御冬始望舒游天策曜靈協燕紀  
冬日傷志篇

北齊邢邵

昔時情遊士任性少矜裁朝驅一作馳瑪瑙勒夕銜熊  
耳杯折花步一作贈淇水撫琴望叢臺繁華夙昔改衰

病一時來重以三冬月愁雲聚復開天高日色淺林  
勁鳥聲哀終風激簷宇餘雪滿條枚邀遊昔宛洛踟  
躕今草萊時事方去矣撫已獨傷懷一作懷哉

冬夜書懷

唐王維

冬宵寒且永夜漏宮中發草白霜繁霜木衰澄清月  
麗服映頰顏朱燈照華髮漢家方尚少顧影慙朝謁  
贈司馬承禎冬宵引

唐宋之間

河有冰今山有雪北戶墜今行人絕獨坐山中对松  
月懷美人今屢盈缺明月的寒潭中青松幽幽吟  
勁風此情不向俗人說愛而不見恨無窮

答宋之問冬宵引

唐司馬承禎

時既暮令節欲春山林寂令懷幽人登奇峰今望白  
雲悵緬邈今象郁紛白雲悠悠去不返寒風颼颼吹

歲時

卷八

七

冬

日晚不見其人誰與言歸坐彈琴思逾遠  
冬日寄李贊府

唐于良史

地險朝陽滿天邊宿霧收風兼殘雪起河帶斷水流  
北關馳心極南園尚旅遊登臨思不已何處得銷憂

初冬偶作寄南陽潤卿

唐皮日休

寓居無事入清冬雖設樽罍酒半空白菊為霜翻帶  
紫蒼苔因雨却成紅迎潮預遣收魚笱防雪先教葢  
鶴籠唯待支笏最寒夜共君披覽訪林公

冬日寄僧友

唐僧無可

斂屐入寒竹安禪過漏聲高杉殘葉落深井凍痕生

龍聲風枝動懸燈雪屋明何當招我友乘月上方行

○閏月

閏月

唐李賀中

帝重光年重時七十二候迴環推天宮玉宇灰初飛  
今歲何長來歲遲王母移桃獻天子義氏和氏遷龍  
轡

閏月

唐方干晚

羃羃復蒼蒼微和傍早陽前春寒已盡待閏日猶長  
柳變雖因雨花遲豈爲霜自茲延聖曆誰不駐年光

閏三月

唐劉威晚

歲時

卷八

八閏月

三年皆一閏此閏勝常時莫怪花開晚都緣春盡遲  
節分炎氣近律應惠風移夢得成蝴蝶芳菲幸不遺

閏月定四時

唐羅讓

月閏隨時暑疇人定職司餘分將考日積算自成時  
律候行宜表陰陽運不欺氣熏灰琯驗數劫卦辭推  
六曆文明序三年理暗移當知歲功立唯是奉無私

閏月定四時

唐許稷

玉律窮三紀推爲積閏期月餘因妙算歲徧自成時  
乍覺年華改翻憐物候遲六句知不惑四氣本無欺  
月桂虧還正階莫落復滋從斯分曆象共仰定毫釐

閏月定四時

唐杜周士

得閏因真歲吾君敬授時體元承夏道推曆法竟容  
直取歸餘改非如再失欺葭灰初變律斗柄正當寅  
寒暑功前定春秋氣可推更憐幽谷羽鳴躍尚須期

閏月定四時

唐徐至

積數歸成閏義和職舊司分銖標斗建盈縮正人時  
節候潛相應星辰自合期寸陰寧越度長歷信無欺  
定向銅儀辨還從玉律推高明終不謬委鑑本無私  
○元正 新年附

正朝

晉曹毗

歲時

卷八

九元正

靈春散初澤焚燭青陽舒佳袍忽已故今載奄復初  
軟節暢宇宙和風被八區

正朝詩

晉王氏劉和妻

稔冉冥機運迅矣四節經太簇應玄律青陽兆初正

元正詩

晉辛氏傅充妻

元正啓令節嘉慶肇自滋咸奏萬年觴小大同悅熙

奉和元日

北齊蕭慤

帝宮通夕燎天門拂曙開瑞雲生寶鼎榮光上露臺  
華山不凋葉宜城萬壽杯遙見飛鳧下懸知棠縣  
令來

元日

唐太宗

高軒暖春色  
遠閣媚朝光  
彤庭飛綵旆  
翠幌曜明璫  
恭已臨四極  
垂衣馭八荒  
霜戟列丹陛  
絲竹韻長廊  
穆矣熏風茂  
康哉帝道昌  
繼文遵後軌  
循古鑒前王  
草秀故春色  
梅豔昔年妝  
巨川思欲濟  
終以寄舟航

奉和元日應制

唐許敬宗

天正開初節  
日觀上重輪  
百靈滋景祚  
萬玉慶惟新  
待旦敷玄造  
韜旒御紫宸  
武帳臨光宅  
文衛象鉤陳  
廣庭揚九奏  
大帛麗三辰  
發生同化育  
播物體陶鈞  
霜空澄曉氣  
霞景瑩芳春  
德暉覃率土  
相賀奉還淳

歲時

卷八

十

元正

元朝

唐張說

初

元日今歲樂不謝  
往年春智向來心  
道誰爲昨夜人

元正

唐許渾

晚

高揭鷄竿闢帝關  
祥風微暖瑞雲屯  
千官共削姦臣迹  
萬國初銜聖主恩  
官殿雪華齊紫閣  
關河春色到青門  
華夷一軌人方泰  
莫學論兵誤至尊

元日

唐方干

晚

晨雞兩變報更闌  
刁斗無聲曉漏乾  
暖日映山調正氣  
東風入樹舞殘寒  
軒車欲識人間感  
獻歲須來帝里看  
纔酌屠蘇定年齒  
坐中唯笑鬢毛斑

歲日作

唐劉長卿

中

建寅迴北斗  
看曆占春風  
律變滄江外  
年加白髮中  
春衣試稚子  
壽酒勸衰翁  
今日陽和發  
榮枯豈不同

歲日

唐元稹

中

一日今年始  
一年前事空  
淒涼百年事  
應與一年同

正日臨朝

唐太宗

條風開獻節  
灰律動初陽  
百蠻奉遐賚  
萬國朝未央  
雖無舜禹跡  
幸欣天地康  
車軌同八表  
書文混四方  
赫奕儼冠蓋  
紛綸盛服章  
羽旄飛馳道  
鐘鼓震嚴廊  
組練輝霞色  
霜戟耀朝光  
晨宵懷至理  
終愧撫遐荒

歲時

卷八

十一

元正

奉和正日臨朝應詔

唐魏徵

初

百靈侍軒后  
萬國會塗山  
豈如今睿哲  
邁古獨光前  
聲教溢四海  
朝宗引百川  
鏘洋鳴玉珮  
灼爍耀金蟬  
淑景輝雕輦  
高旌揚翠煙  
庭實超王會  
廣樂盛鈞天  
旣欣東日戶  
復詠南風篇  
願奉光華慶  
從斯萬億年

奉和正日臨朝應詔

唐岑文本

初

時雍表昌運  
日正叶靈符  
德兼三代禮  
功包四海圖  
踰沙紛在列  
執玉儼相趨  
清蹕喧輦道  
張樂駭天衢  
拂蜺九旗映  
儀鳳八音殊  
佳氣浮仙掌  
熏風繞帝梧  
天文光七政  
皇恩被九區  
方陪瑤玉禮  
珥筆岱山隅

奉和正日臨朝

一作隋李孝貞詩

唐李元操

銅渾變秋節玉律動年灰暖暖城霞巨隱隱禁門開  
衆靈驂仙府百神朝帝臺葉令雙鳧至梁王駟馬來  
戈鋌映林闕歌管拂塵埃保章望瑞氣尚書免火災  
冠冕多秀士簪裾饒上才誰憐張仲蔚日暮反蒿來

奉和正日臨朝

唐李百藥

化曆昭唐典承天順及正百靈警軒禁三辰揚旆旌  
充庭富禮樂尚讌齒簪纓獻壽符萬歲移風韻九成  
奉和正日臨朝

唐顏師古

七政璿衡始三元寶曆新負辰延百辟垂旒御九賓  
歲時

卷八

十二元正

奉和正日臨朝

唐楊師道

皇猷被寰宇端展屬元辰九重麗天邑千門臨上春

元日大禮

唐竇牟

歲華春更早天瑞雪猶深玉輦回時令金門降德音  
翰飛駕別侶叢植桂爲林壽酒朝時獻農書直夜尋  
國香溫翠幄庭燎絕紅衾漢魏文章盛堯湯雨露靈  
大哉寰海晏不算子牟心

元日早朝

唐耿漳

九陌朝臣滿三朝候鼓賒達珂時接韻攢炬偶成花

紫貝爲高闕黃龍建大牙參差萬戟合左右八貂斜  
羽扇分朱檻金爐隔翠華微風傳曙漏曉日上春霞  
環佩聲重疊蠻夷服等差樂和天易感山固壽無涯  
渥澤千年聖車書四海家盛明多在位誰得守蓬麻

元日早朝

唐王建

大國禮樂備萬邦朝元正東方色未動冠劍門已盈  
帝居在蓬萊肅肅鐘漏清將軍領羽林持戟巡宮城  
翠華皆宿陳雪仗羅天兵庭燎遠煌煌旗上日月明  
聖人龍火衣寢殿開璇局龍樓橫紫煙宮女天中行  
六蕃倍位次衣服各異形舉頭看玉牌不識官殿名  
歲時

卷八

十三元正

朝元引四首

唐陳陶

帝燭熒煌下九天蓬萊宮闕玉爐煙無央鸞鳳隨金  
母來賀薰風一萬年  
正殿雲開露見旒下方珠翠壓鰲頭天鷄唱罷南山  
曉春色先歸十二樓  
萬宇靈祥擁帝居東華元老薦屠蘇龍池遙望非煙  
拜五色瞳矐在玉壺

寶祚河宮一向清龜魚天篆益分明近臣誰獻登封  
草五岳齊呼萬壽聲

元日觀百僚朝會

唐包佶

萬國賀唐堯清晨會百僚花冠蕭相府繡服霍嫖姚  
壽色凝雙闕歡聲徹九霄御鑪分獸炭仙管弄雲韶  
日照金觴動風吹玉珮搖都城獻賦者不得共趨朝

元日觀朝

唐厲元

玉座臨新歲朝盈萬國人火連雙闕曉仗列五門春  
瑞雪銷鴛瓦祥光在日輪天顏不敢視稱慶拜空頻

元日望含元殿御扇開

唐張莒

歲時

卷八

十四 元正

萬國來朝歲千秋觀聖君輦迎仙仗出扇匝御香焚  
俯對昭容近先知曙色分冕旒開處見鐘磬合時聞  
影動承朝日花攢似慶雲蒲葵那可比徒用隔炎氛

歲仗

唐羅鄴

玉帛朝元萬國來鷄人曉唱五門開春排北極迎仙  
馭一作日捧南山入壽杯歌舜薰風鏗劍珮祝堯佳  
氣霽樓臺可憐四海車書共重見蕭曹佐漢才

元日觀郭將軍早朝

唐釋靈澈

欲曙九衢人更多千條香燭照銀河今朝始見金吾  
貴連馬縱橫避玉珂

元日退朝觀軍仗歸營

唐德宗

獻歲視元朔萬方咸在庭端旒揖群后迴輦閱師貞  
綵仗宿華殿退朝歸禁營分行左右出轉旆風雲生  
歷歷趨複道容容映層城勇餘矜捷技今肅無喧聲  
眷此戎旅節載嘉良工誠順時傾宴賞亦以助文經  
奉和庫部盧四兄曹長元日朝迴

唐韓愈

天仗宵嚴建羽旄春雲送色曉鷄號金爐香動螭頭  
暗玉珮聲來雉尾高戎服上趨承北極儒冠列侍映  
東曹太平時節難身遇郎署何須歎二毛

歲時

卷八

十五 元正

獻歲讌官臣

隋煬帝

三元建上京六佾宴吳城朱庭容衛肅青天春氣明  
朝光動劍綵長階分珮聲酒闌鐘磬息欣觀禮樂成  
奉和獻歲讌官臣

隋虞世南

履端初啓節長苑命高筵肆夏喧金奏重潤響朱絃  
春光催柳色日彩泛槐煙微臣同濫吹謬得仰鈞天

元日獻椒花頌

梁劉臻妻

璇穹周廻三朔肇建青陽散輝澄景載煥美哉靈花  
爰采爰獻聖容映之永壽千萬

元日恩賜柏樹應制

唐趙彥昭



器乏雕梁器材非構厦材但將千載葉常奉萬年杯

元日恩賜柏樹應制

唐李义

初

勁節凌冬勁芳心待歲芳偏令人益壽非止麝香

奉和正朔賜群臣柏葉

唐武平一

初

綠葉迎春綠寒枝歷歲寒願持柏葉壽長奉萬年歡

正朔摘梅

唐張說

初

蜀地寒猶暖正朔發早梅偏驚萬里客已復一年來

同平南弟元日思歸

陳後主

至德掩義黃成功邁禹湯儀刑元四海來庭盛萬方  
鳴玉觀什降嶠石乃鏗鏘三春氣色早九疑煙霧長

歲時

卷八

十六

初

浮雲斷復續輕花落復香北宮瞻遠岫南服阻遙江  
爾言想伊洛我思屬瀟湘

田家元日

唐孟浩然

盛

昨日斗迴北今朝歲起東我年已強仕無祿尚憂農  
野老就耕去荷鋤隨牧童田家占氣候共說此年豐

歲日感懷

唐李約

中

曙氣變東風蟾蜍夜漏窮新春幾人老舊曆四時空  
身賤悲添歲家貧喜過冬稱觴唯有感歡慶在兒童

正朝上左丞相張燕公

唐楊重玄

初

歲去愁終在春還命不來長吁問丞相東閣幾時開

元日寄韋氏妹

唐杜甫

盛

近聞韋氏妹迎在漢鍾離郎伯殊方鑿京華故國移  
春城迴北斗郢樹發南枝不見朝正使啼痕滿面垂

蘇州李中丞以元日郡齋感懷詩寄微之及予

輒依來篇走筆奉答

唐白居易

中

白首餘杭白太守落魄拋名來已久一辭渭北故園  
春再把江南新歲酒杯前笑歌徒勉強鏡裏形容漸  
衰朽領郡慙當潦倒年鄰州喜得平生友長洲草接  
松江听曲水花連鏡湖口老去還能痛飲無春來會  
作閑遊不負嗟一日日催人且貴一年年入手

歲時

卷八

十七

元正

幽州新歲作

唐張說

初

去歲荆南梅似雪今春薊北雪如梅共知人事何常  
定且喜年華往復來邊鎮戍歌連夜動京城燎火徹  
明開遙遙西向長安日願上南山壽一杯

新年作

唐劉長卿

中

鄉心新歲切天畔獨潸然老至居人下春歸在客先  
嶺後同旦暮江柳共風煙已似長沙傳從今又幾年

新年

唐賈島

中

嗟以龍鍾貌一作身如何歲復新石門思隱久銅鏡強  
窺頻花發新移樹心知故國春誰能平此恨豈是比



宗人

新年

唐僧無可

燃燈朝復夕漸作長年身紫閣未歸日青門又見一作  
直春掩關寒過盡開出定草生新自有林中趣誰

驚去歲頻

新歲贈夢得

唐白居易中

暮齒忽將及同心私自憐漸衰宜減食已喜更加年  
紫綬行聯袂籃輦出比肩與君同甲子歲酒合誰先

○立春

立春

唐杜甫盛

歲時

卷八

十八立春

春日春盤細生菜忽憶兩京梅發時盤出高門行白  
玉菜傳纖手送青絲巫峽寒江那對眼杜陵遠客不  
勝悲此身未知歸定處呼兒覓紙一題詩

立春

唐冷朝陽中

玉律傳佳節青陽應北辰土牛呈歲稔綵燕表年春  
臘盡星迴次寒餘月建寅風光何處好雲物望中新  
流水初銷凍潛魚欲振鱗梅花將柳色偏思越鄉人

立春

唐韋莊晚

青帝東來日馭遲暖煙輕逐曉風吹綢袍公子樽前  
覺錦帳佳人夢裏知雪圃乍開紅菜甲綵幡新翦綠

楊絲殷勤為作宜春曲題向花牋帖繡楣

人日代客子是日立春

唐張繼中

人日兼春日長懷復短懷遙知雙綵勝併在一金釵  
賦得新陽改故陰

律管才催候寒郊忽變陰微和方應節積慘已辭林  
暗覺餘漸斷潛驚麗景侵禁城佳氣重北陸翠煙深

有截知遐布無私荷照臨韶光如可及鶯谷免幽沈  
立春日汎舟玄圃各賦一字六韻成篇

立春日汎舟玄圃各賦一字六韻成篇

顧野王謝仲諸琢王綏  
傅緯陸瑜謝察等九人

陳後主

春光返禁苑暖日暖源桃霄煙近漠漠暗浪遠滔滔

歲時

卷八

十九

立春

石苔侵綠蘚岍草發青袍迴歌逐轉機浮水隨度刀  
遙看柳色嫩迴望鳥飛高自得欣為樂忘意若臨濠  
獻歲立春光風具美汎舟玄圃各賦六韻

陸瓊顧野王殷謀陸  
琛岑之敬等六人上

陳後主

寒輕條已翠春初未轉禽野雪明巖曲山花照迴林  
苔色隨水溜樹影帶風沈沙長見水落歌遙覺浦深  
餘輝斜四戶流風颺八音既此留連席道欣放曠心

立春日遊苑迎春

直學士十二員象四時八節十二月於是李  
嶠宗楚客趙彥昭韋嗣立為大學士李適劉  
憲崔湜盧藏用李義倫劉子玄為學  
士薛稷馬懷素宋之問武平一杜審言沈佺

期闕朝隱為直學士又召徐堅韋元旦徐彥伯劉允濟等滿員其後被選者不一凡天子饗會遊豫唯宰相直學士得從春幸禁苑迎春並渭水被除則賜細柳園碎屬夏宴蒲萄園賜朱櫻秋登慈恩浮圖獻菊花酒稱壽冬幸新豐歷白堊觀上驥山賜浴湯池給香粉蘭澤從行給翔麟馬品官黃衣各一帝有所感即賦詩學士皆屬和當時人所欣慕焉

唐中宗

神臯福地三秦邑玉臺金闕九仙家寒光猶戀甘泉樹淑景偏臨建始花綵蝶黃鸞未欲舞梅香柳色已堪誇迎春正啟流霞席暫囑曦輪勿遽斜

奉和立春遊苑迎春應制

唐盧藏用

天遊龍輦駐城闌上苑遲光晚更新瑤臺半入黃山歲時

卷八

立素

路玉檻傍臨玄灞津梅香欲待歌前落蘭氣先過酒上春幸預柏臺稱獻壽願陪千畝及農辰

奉和立春遊苑迎春應制

唐崔日用

乘時迎氣正璿衡灞滻煙氛向曉清翦綺裁紅妙春色宮梅殿柳識天情瑤筐綵燕先呈瑞金縷晨鷄未學鳴聖澤陽和宜宴樂年年捧日向東城

奉和立春遊苑迎春應制

唐閻朝隱

管籥周移褰極裏乘輿望幸斗城闌草根未結青絲縷蘿葛猶垂綠帔巾鵲入巢中言改歲燕銜青土道宜新願得長繩繫取日光臨天子萬年春

奉和立春遊苑迎春應制

唐沈佺期

東郊暫轉迎春仗上苑初飛行慶杯風射蛟冰千片斷氣衝魚鑰九關開林中覓草纔生蕙殿裏爭花併是梅歌吹銜恩歸路晚棲鳥半上鳳城來

奉和立春遊苑迎春應制

唐李適

金輿翠輦迎佳節御苑仙官待獻春淑氣初銜梅色淺祥風半拂柳條新天杯慶壽齊南岳聖藻光輝動北辰稍覺披香歌吹近龍驂薄暮下城闌

奉和立春遊苑迎春應制

唐馬懷素

玄籥飛灰出洞房青郊迎氣肇初陽仙輿暫下宜春歲時

卷八

立素

苑御醴行開薦壽觴映水輕苔猶隱綠綠堤弱柳未舒黃唯有裁花飾簪餐恒隨聖藻狎年光

奉和立春遊苑迎春應制

唐韋元旦

灞浹長安恒近日殷正臘月早迎新池魚戲葉仍含凍宮女裁花已作春向苑雲疑承翠幄入林風若起青蘋年年斗柄東無限願挹瓊觴壽北辰

奉和聖製立春日侍宴內殿出翦綵花應制

唐上官昭容

密葉因裁吐新花逐翦舒攀條雖不謬摘葉詎知虛春至由來發秋還未肯疎借問桃將李相亂欲何如

奉和聖製立春日侍宴內殿出翦綵花應制

唐劉憲初

上林宮館好春心獨早知翦花疑早發刻燕似新窺  
色濃輕雪點香淺嫩風吹此日叨陪侍恩榮得數枝  
奉和聖製立春日侍宴內殿出翦綵花應制

唐趙彥昭初

翦綵迎初候攀條故寫真花隨紅意發葉就綠情新  
嫩色驚銜燕輕香誤采人應爲東風拂能令芳樹春  
奉和聖製立春日侍宴內殿出翦綵花應制

唐宋之間初

歲時

卷八

王三

立春

金閣妝仙杏瓊筵弄綺梅人間都未識天上忽先開  
蝶繞香絲往蜂憐彩艷迴今年春色早應爲翦刀催  
奉和聖製立春日侍宴內殿出翦綵花應制

唐李嶠初

早聞年欲至翦綵學芳辰綴綺奇能似裁紅巧過真  
花從篋裏發葉向手中春不與韶光競何名天上人  
奉和聖製立春日侍宴內殿出翦綵花應制

唐蘇頌初

曉入宜春苑穠芳吐禁中翦刀因製素妝粉爲開紅  
綵異驚流雪香饒點便風裁成識天意萬物與花同

奉和立春日內出綵花樹應制

景龍四年正月

綵花賜近臣武平一等應制賦詩是日春內山  
手教批云平一年雖最少文甚新悅紅紫  
之先開黃鶯一枝以彰其美所賜學士花並令  
今更賜花一枝以彰其美所賜學士花並令  
拜謝崔日用乘酣飲欲奪平一左右交插因舞  
簾下見之謂平一日日用何奪卿花平一跪  
笑曰讀書萬卷從一日日用何奪卿花平一跪  
笑因更飲酒一杯當時稱美

唐武平一初

鑾輅青旂下帝臺東郊上苑望春來黃鸝未解林間  
轉紅藥先從殿裏開畫閣條風初變柳銀塘曲水半  
含香欣逢睿藻光韶律更促霞觴良景催

歲時

卷八

王三

立春

奉和立春日內出綵花樹應制 唐劉憲初  
禁苑韶年此日歸東郊道上轉青旂柳色梅芳何處  
所風前雪裏覓芳作開水池內魚新躍翦綵花間燕  
始飛欲識王遊遠陽氣爲觀天藻競春輝

奉和立春日內出綵花樹應制 唐崔湜初

澹蕩春光滿曉空逍遙御輦入 官山河降望雲天  
外臺閣參差煙霧中庭際花飛錦繡合枝間鳥嘯管  
絃同即此歡娛齊錫宴唯應率舞樂薰風

奉和立春日內出綵花樹應制 唐岑羲初

和風助律應韶年清蹕乘高入望仙花笑鶯歌迎帝

輦雲披日霽俯皇川南山近壓仙樓上北斗平臨魏  
闕前一奉恩榮同鑄宴空知率舞聽薰絃

立春日宴高陵任明府宅

唐耿漳中

春灰今變候密雪又霏霏坐客同心滿流年此會稀  
風成空處亂素積夜來飛且共銜杯酒陶潛不得歸

和左司張員外自洛入京中路先赴長安逢立

春日贈韋侍御

唐孫逖初

拜郎登省闈奉使馳車乘逢瞻使者星便是郎官應  
臺妙時相許皇華德彌稱二陝聽風謠三秦望形勝  
此中聯益友是日多詩興寒盡歲陰催春歸物華證

歲時

卷八

二十四

立春

和左司張員外自洛使入京中路先赴長安逢

立春日贈韋侍御等諸公

唐孫逖初

忽覩雲間數鴈迴更逢山上一花開河邊淑氣迎芳  
草林下輕風待落梅秋憲府中高唱入春卿署裏和  
歌來共言東閣招賢地自有西征作賦才

立春日呈宮傅侍郎

唐皇甫曙中

朝旦微風吹曉霞散爲和氣滿皇家不知容貌潛消  
落且喜春光動物華出問池水猶寒岸歸尋園柳未  
生芽摩娑酒甕重封閑待入新年共賞花

客中逢立春寄懷郇伯

唐竇常盛

浪跡終年客驚心此地春風前獨去馬澤畔耦耕人  
老大交情重悲哀物外親子雲今在宅應見柳條新

立春日酬錢員外曲江舟行見贈

唐白居易中

下直遇春日垂鞭出禁闈兩人攜手語十里看山歸  
柳色早黃淺水文新綠微風光向晚好車馬近南稀  
機盡笑相顧不驚鷗鷺飛

詩簡類函卷八

歲時

卷八

三十一

立春

詩雋類函卷九

東吳俞安期彙纂

宣城梅鼎祚增定

武林胡胤嘉訂校

歲時部四

人日 上元 春社 晦日 中和節

○人日

人日

唐杜甫

元日到人日未有不陰時  
冰雪鶯難至春寒花較遲  
雲隨白水落風振紫山悲  
蓬鬢稀疏久無勞比素絲

人日

唐杜甫

此日此時人共得一談  
一笑俗相看樽前柏葉休隨

歲時

卷九

人日

酒勝裏金花巧耐寒佩劍衝星聊暫拔匣琴流水自  
須彈早春重引江湖興直道無憂行路難

人日翦綵

唐張九齡

姹女矜容色爲花不讓春  
既爭芳意早誰待物華真  
葉作參差發枝從點綴新  
自然無限態長在豔陽人

人日翦綵

唐余延壽

閨婦持刀坐自憐  
裁翦新葉催情綬  
色花寄手成春  
帖燕留妝戶黏鷄欲餉人  
擎來問夫婿何處不如真

正月七日登高侍宴

北齊陽休之

廣殿麗年輝上林起春色  
風生拂彫輦雲迴浮綺翼

人日登高

唐喬侃

僕本多悲者年來不悟春  
登高一遊目始覺柳條新  
杜陵猶識漢桃源不辨秦  
甕得昇雲霧還似出囂塵  
賴得煙霞氣淹留攀桂人

人日城南登高

唐韓愈

初正候纔兆涉七氣已弄  
靄靄野浮陽暉暉水披凍  
聖朝身不廢佳節古所用  
親友既許來于姪亦可從  
盤蔬冬春雜樽酒清濁共  
今徵前事爲觴詠新詩送  
扶杖凌圯吐刺船犯枯葑  
戀池羣鴨迴釋嶠孤雲縱

人日侍宴大明宮應制

唐鄭愔

歲時

卷九

二

人日

瓊殿含光映早輪  
玉鑾嚴蹕望初晨  
池開凍水仙宮  
麗樹發含花禁苑新  
佳氣徘徊籠細網殘雲漸  
灑染輕塵良時荷澤皆迎  
勝窮谷晞陽猶未春

人日侍宴大明宮應制

唐趙彥昭

寶契無爲屬聖人  
凋興出幸玩芳辰  
平樓半入南山  
霧飛閣旁臨東墅春  
夾路穠花千樹發  
垂軒弱柳萬條新  
處處風光今日好  
年年願奉屬車塵

奉和人日宴大明宮恩賜綵縵人勝應制

唐馬懷素

萬宇千門平旦開  
天容辰象列昭回  
三陽候節金爲

勝百福迎祥玉作杯就暖風光偏著柳辭寒雪影半  
藏梅何幸得參詞賦職自憐終乏馬卿才

奉和人日宴大明宮恩賜綵縷人勝應制

唐崔日用 初

新年宴樂正東朝鐘鼓鏗鎗大樂調金屋瑤筐開寶  
勝花箋綵筆頌春椒曲池苔色冰前液上苑梅香雪  
裏飄宸極此時飛聖藻微臣竊抃預聞韶

奉和人日宴大明宮恩賜綵縷人勝應制

唐李嶠 初

鳳城景色已含韶人日光風倍覺饒桂吐半輪迎此

歲時

卷九

三 人日

夜賞開七葉應今朝魚猜冰東行猶濯鷺喜春聲弄  
欲嬌愧奉登高搖綵翰欣逢御氣上丹霄

奉和人日宴大明宮恩賜綵縷人勝應制

唐韋元旦 初

鸞鳳旌旗拂曉陳魚龍角觝大明晨青韶既肇人爲  
日綺勝初成日作人聖藻凌雲裁柏賦仙歌促宴摘  
梅春垂旒一慶宜年酒朝野俱歡薦壽新

奉和人日宴大明宮恩賜綵縷人勝應制

唐蘇頌 初

疏龍磴道切昭回建鳳旗門遶帝臺七葉仙萸承月

吐千株御柳拂煙開初年競帖宜春勝長命先添獻  
壽杯是日最靈知竊幸群心能捧大明來

奉和人日宴大明宮恩賜綵縷人勝應制

唐李乂 初

詰日行春上苑中憑高却下大明宮千年執象寰瀛  
泰七日爲人慶賞隆綵鳳曾驚瑞雪銅鳥細轉入  
祥風此時朝野歡無算此歲雲天樂未窮

奉和人日宴大明宮恩賜綵縷人勝應制

唐沈佺期 初

拂旦鷄鳴仙衛陳憑高龍首帝城春千官黼帳杯前

歲時

卷九

四 人日

壽百福香奩勝裏人山鳥初來猶怯轉林花未發已  
偷新天文正應韶光轉設報懸知用此辰

奉和人日宴大明宮恩賜綵縷人勝應制

唐李適 初

朱城待鳳韶年至碧殿疏龍淑氣來寶帳金屏人已  
帖圖花學鳥勝初裁林香近接宜春苑山翠遙添獻  
壽杯向夕憑高風景麗天文垂耀象昭回

奉和人日清暉閣宴羣臣遇雪應制

唐李乂 初

上月登臺賞中天御輦飛後庭聯舞唱前席仰恩輝



膚作風雲起農祥雨雪霏幸陪人勝節長願奉垂衣

奉和人日清暉閣宴羣臣遇雪應制

唐李嶠初

三陽偏勝節七日最靈晨行慶傳芳蟻升高綬綵人  
堦前冀候月樓上雪驚春今日銜天造還疑上漢津

奉和人日清暉閣宴羣臣遇雪應制

唐劉憲初

輿輦乘人日登臨上鳳京風尋歌曲颺雪向舞行繁  
千官隨興合萬福與時并承恩長若此微賤幸昇平

奉和人日清暉閣宴羣臣遇雪應制

歲時

卷九

五

人日

唐趙彥昭初

出震乘東陸憑高御北辰祥雲應早歲瑞雪候初旬  
宮樹千花發階蓂七葉新幸逢今日宴長奉萬年春

奉和人日清暉閣宴羣臣遇雪應制

唐宗楚客初

窈窕神仙客參差雲漢間九重中禁啓七日早春還  
太液天爲水蓬萊雪作山今朝上林樹無處不堪攀

奉和人日清暉閣宴羣臣遇雪應制二首

唐蘇頌初

樓觀空煙裏初年瑞雪過苑花齊玉樹池水作銀河

七日祥圖啓千春御賞多輕飛傳綵勝天上奉薰歌

二

平明敞帝居霰雪下凌虛寫月含珠綴從風薄綺疏  
年驚花絮早春映筵絃初已屬雪天外欣承需澤餘

人日陪宣州范中丞傳正與范侍御宴

唐鮑溶中

人日春風綻早梅謝家兄弟看花來吳姬對酒歌千  
曲秦女留人酒百杯絲柳向空初宛轉玉山看日漸  
徘徊流光易去歡難得莫厭頻頻上此臺

人日思歸

隋薛道衡

歲時

卷九

六

人日

入春纔七日離家已二年人歸落鴈後思發在花前

人日卽事

唐李商隱晚

文王喻復今朝是子晉吹笙此日同舜格有苗旬太  
遠周稱流火月難窮鏤金作勝傳荆俗翦綵爲人起  
晉風獨想道衡詩思苦離家恨得二年中

軍中人日登高贈房明府

唐宋之間初

幽郊昨夜陰風斷頓覺朝來陽吹暖涇水橋南柳欲  
黃杜陵城北花應滿長安昨日寄春衣短翮登茲一  
望歸聞道凱旋乘騎入看君走馬見芳菲

人日寄杜二拾遺

唐高適盛



人日題詩寄草堂遙憐故人思故鄉柳條弄色不忍見梅花滿枝空斷腸身在南蕃無所預心懷百憂復千慮今年人日空相憶明年人日知何處一臥東山三十春豈知書劔老風塵龍鍾還忝二千石愧爾東西南北人

追酬故高蜀州人日見寄 并序 唐杜甫 感

開文書帙中檢所遺忘因得故高常侍適往居在成都時高任蜀州刺史人日相憶見寄詩淚灑行間讀終篇末自枉詩已十餘年莫記存沒又六七年矣老病懷舊生意可知今海內忘形故人獨漢歲時 卷九 七 人日

中王瑀與昭州敬使君超先在愛而不見情見乎辭大曆五年正月二十二日却追酬高公此作因寄王及敬弟

自蒙蜀州人日作不意清詩久零落今晨散帙眼忽開近淚幽吟事如昨嗚呼壯士多慷慨合沓高名動寥廓嘆我悽悽求友篇感時鬱鬱匡君畧錦里春光空爛熳瑤輝侍臣已冥寞瀟湘水國旁龍鼉郭杜秋天失鵬鸞東西南北更堪論白首扁舟病獨存遙拱北辰纏冠盜欲傾東海洗乾坤邊塞西蕃敢克斥衣冠南渡多崩奔鼓瑟至今悲帝子曳裾何處覓王門

文章曹植波瀾濶服食劉安德業尊長笛誰能亂愁思昭州詞翰與招魂

酬郭夏人日長沙感懷見贈 此公比經流寓親在上都

唐劉長卿 中

舊俗歡猶在憐君恨獨深新年向國淚今日倚門心歲去隨湘水春生近桂林流鶯且莫弄江畔正行吟 ○上元

正月十五日于通衢建燈夜升南樓

隋煬帝

法輪天上轉梵聲天上來燈樹千光照花燄七枝開歲時 卷九 八 上元

月影凝流水春風含夜梅旛動黃金地鐘發琉璃臺奉和通衢建燈應教 隋諸葛穎

芳衢澄夜景法炬爛參差逐輪時徒燄桃花生落枝飛煙繞定室浮光映瑤池重閣登臨罷歌管乘空移

十五夜觀燈 唐盧照隣 初

錦里開芳宴蘭缸豔早年綵遙分地繁光遠綴天接漢疑星落依樓似月懸別有千金笑來映九枝前

十五夜觀燈 唐王諷 初

暫得金吾夜通看火樹春停車傍明月走馬入紅塵妓雜歌偏勝場移舞更新應須盡記取說向不來人

正月十五夜

唐蘇味道  
初

火樹銀花合，星橋鐵鎖開。  
暗塵隨馬去，明月逐人來。  
遊妓皆穠李，行歌盡落梅。  
金吾不禁夜，玉漏莫相催。

十五夜遊

唐蘇味道  
初

今夕重門啓，遊春得夜芳。  
月華連晝色，燈影雜星光。  
南陌青絲騎，東隣紅粉妝。  
管絃遙辨曲，羅綺暗聞香。  
人擁行調路，車攢鬪舞場。  
經過猶未已，鐘鼓出長楊。

上元六首

唐崔液  
初

玉漏銅壺且莫催，鐵關金鎖徹明開。  
誰家見月能閒坐，何處聞燈不看來。

歲時

卷九

九

上元

今年春色勝常年，此夜風光最可憐。  
鵲樓前新月滿，鳳凰臺上寶燈燃。

神燈佛火百輪張，刻像圖容七寶裝。  
影裏如聞金口說，空中似放玉毫光。

金勒銀鞍控紫騮，玉輪珠憶駕青牛。  
驂驪始散東城曲，倏忽還來南陌頭。

公子王孫意氣驕，不論相識也相邀。  
最憐長袖風前弱，更賞新絃暗裏調。

星移漢轉月將微，露灑煙飄燈漸稀。  
猶惜道傍歌舞處，踟躕相顧不能歸。

上元

唐郭利正  
初

九陌連燈影，千門慶月華。  
傾城出寶騎，匝路轉香車。  
爛熳唯愁曉，周遊不問家。  
更逢清管發，處處落梅花。

上元夜效小庾體同用春字  
并序

九谷帝畿三川奧，域交風均露上分。  
朱鳥之躔沂洛背，河下鎮蒼龍之闕多近臣之第宅。  
卽瞰銅街有貴戚之樓臺，自連金苑美人競出錦幃如霞。  
公子交馳雕鞍似月，同遊洛浦疑尋稅馬之津。  
爭渡河橋似向牽牛之渚。  
實昌年之樂事，令節之佳遊者焉。

唐長孫正隱  
初

歲時

卷九

十

上元

薄晚嘯遊人，車馬亂驅塵。  
月光三五夜，燈焰一重春。  
煙雲迷北闕，簫管識南隣。  
洛城終不閉，更出小平津。

上元夜效小庾體同用春字  
唐陳嘉言  
初

今夜可憐春，河橋多麗人。  
寶馬金爲絡，香車玉作輪。  
連手窺潘掾，分頭看洛神。  
重城自不掩，出向小平津。

上元夜效小庾體同用春字  
唐崔知賢  
初

今夜啓城闔，結伴戲芳春。  
鼓聲掠亂動，風光觸處新。  
月下多遊騎，燈前饒看人。  
歡樂無窮已，歌舞達明晨。

上元夜效小庾體同用春字  
唐韓仲宣  
初

他鄉月夜人相伴，看燈輪光隨九華。  
出影共百枝新。

歌鐘盛北里車馬沸南隣今宵何處好惟有洛城春

上元夜效小庾體同用春字 唐高瑾 初

初年三五夜相知一兩人連鑣出巷口飛轂下池漣  
燈光恰似月人面併如春遨遊終未已相歡待月輪

軒遊宮正月十五日夜 唐玄宗

行邁離秦國巡方赴洛師路逢三五夜春色暗中期  
關外長河轉宮中淑氣遲歌鐘對明月不減舊遊時

正月十五日夜應制 唐孫逖 初

洛城三五夜天子萬年春綵仗移雙闕瓊筵會九賓  
舞成蒼頡字燈作法王輪不覺東方日遙隨御藻新

歲時 卷九 十一 上元

十五日夜御前口號踏歌詞 唐張說 初

花萼樓前雨露新長安城裡太平人龍銜火樹千燈  
豔鷄踏蓮花萬樹春

帝宮三五戲春臺行雨流風莫妬來西域燈輪千影  
亂東華金闕萬重開

正夜侍宴應制 唐薛曜 初

重關鐘漏通夕敞鳳凰宮雙闕祥煙裏千門明月中  
酒杯浮湛露歌曲唱流風侍臣咸醉止恒愧遇恩崇

奉和聖製正月十五夜燃燈繼以酺宴應制 元開

元年春正月十五夜開門燃燈大酺令樂太  
上皇與玄宗皇帝御門樓臨觀以夜繼晝凡

月餘 唐王維 盛

上路笙歌滿春城漏刻長遊人多晝日明月讓燈光

魚鑰通翔鳳龍輿出建章九衢陳廣樂百福透名香  
仙妓來金殿都人遶玉堂定應偷妙舞從此學新妝

奉引迎三事司儀列萬方願將天地壽同以獻君王  
上元紫極宮門觀州民燃燈 唐羊士諤 中

山郭通衢隘瑤壇紫府深燈花助春意舞綬識歡心  
閑似淮陽臥恭聞樂職吟唯將聖明化聊以達飛沈

上元日 唐文宗

上元高會集群仙心齋何事欲祈年丹誠儻徹玉帝

歲時 卷九 十二 上元

座且共吾人慶大田 唐薛能 晚

上元二首

偃王登塔古徐州二十年來樂事休此日將軍心似  
海四更身領萬人遊

十萬軍城十萬燈酥油香暖夜如蒸紅妝滿地煙光  
好祇恐笙歌引上昇

上元唱和三首 唐溫庭皓 晚

一峰當勝地萬點照巖城勢異崑岡發光疑玄圃生  
焚書翻見字舉燧不招兵况遇新春夜何勞秉燭行

二

九枝應並耀午夜思潛然景集青山外螢分碧草前  
輝華侵月影歷亂寫星躔望極高樓上搖光滿綺筵

三

春山收暝色燭火集餘輝麗景饒紅焰祥光出翠微  
白榆行自比青桂影相依唯有偷光客追遊欲忘歸

上元唱和三首

唐段成式

風抄影凌亂露輕光陸離如霞散仙掌似燒上峨嵋  
道樹千花發扶桑九日移因山成聚象不復藉蟠螭

二

踴出多寶塔往來飛錫僧分明三五月傳照百千燈

歲時

卷九

上元

三首

馴狄移高桂慶雲遮半層夜深寒焰白猶自綴金繩

三

磊落風初定輕明雲乍妨疎中搖月影繁處雜星芒  
火樹枝柯密燭龍鱗角張窮愁讀書者應得假餘光

上元唱和

唐韋蟾

新正圓月夜猶重看燈時累塔嫌沙細成文訝筆遲  
歸牛疑燧落過鴈誤書遺生惜蘭膏燼還爲隔歲期

上元日聽太清宮步虛

唐張仲素

仙客開金錄元辰會玉京靈歌宿紫府雅韻出層城  
磬雜音徐徹風飄響更清紆餘空外盡斷續聽中生

舞鶴紛將集流雲駐未行誰知九陌上塵俗仰遺聲

上元日夢王母獻白玉環

唐丁澤

夢中朝上日闕下拜天顏髮髯瞻王母分明獻玉環  
靈姿趨甲帳道悟契玄關似見霜姿白如看月彩彎  
霓裳歸物外鳳曆曉人寰仙聖非相遠昭昭寤寐間

正月十五日夜月

唐白居易

歲熟人心樂朝遊復夜遊春風來海上明月在江頭  
燈火家家市笙歌處處樓無妨思帝里不合厭杭州  
同比部楊員外十五夜遊有懷靜者李

唐王維

歲時

卷九

上元

十四首

承明少休沐建禮省文書夜漏行人息歸鞍落日餘  
懸知三五夕萬戶千門闕夜出曙翻歸傾城滿南陌  
陌頭馳騁盡繁華王孫公子五侯家由來月明如白  
日共道春燈勝百花聊看侍中千寶騎強識小婦七  
香車香車寶馬共喧闐箇裏多情俠少年競向長楊  
柳市北肯過精舍竹林前獨有仙郎心寂寞却將晏  
坐爲行樂儻覺忘懷共往來幸霑同舍甘藜藿

上元夜建元寺觀燈呈

通智上人

唐

建元看別上元燈處處回廊闌火層珠玉亂拋高殿  
佛綺羅深拜遠山僧臨風走筆思呈惠到曉行禪合

伴能無限喧闐留不得月華西下露華凝

十五夜望月寄杜郎中時會琴客唐王建中

夜市千燈照碧雲高樓紅袖客紛紛如今不似時平日猶自笙歌徹曉聞

正月十五日夜東林寺學禪偶懷藍田楊主簿

因呈智禪師唐白居易中

新年三五東林夕星漢迢迢鐘梵遲花縣當君行樂夜松房是我坐禪時忽看月滿還相憶始歎春來自不知不覺定中微念起明朝更問鴈門師

○晦日

歲時卷九五晦日

晦日汎舟應詔北魏盧元明

輕灰吹上管落莫飄下帶遲遲春色華晚晚年光麗

晦日汎舟應詔北齊魏收

裊裊春枝弱關關新鳥呼棹唱忽逶迤菱歌時顧慕睿賞芳月色宴言忘日暮游豫慰人心照臨康國步

月晦唐太宗

晦魄移中律凝暄起麗城罩雲朝蓋上穿露曉珠呈笑樹花分色啼枝鳥合聲披衿歡眺望極目暢春情

晦日唐張說初

晦日嫌春淺江浦看前衣道傍花欲合枝上鳥猶稀

共憶浮橋晚無人不醉歸寄書題此日鴈過洛陽飛

晦日宴高氏林亭同用華字是題同賦下四首十一首以下四首

語及晦日者存餘一十九首悉移入宴會唐郎餘令初

三春休晦節九谷泛年華半晴餘細雨全晚澹殘霞樽開疎竹葉管應落梅花興闌相顧起流水送香車

晦日宴高氏林亭同用華字唐周思鈞初

早春驚柳穠初晦掩宴華騎出平陽里筵開衛尉家竹影含雲密池紋帶雨斜重惜林亭晚上路滿煙霞

晦日宴高氏林亭同用華字唐周彥暉初

砌莫收晦魄津柳競年華既狎忘筌友方淹投轄車

歲時卷九十六晦日

綺筵迴舞雪瓊醕泛流霞雲低上天晚絲竹帶風斜

晦日置酒林亭同用華字唐高正臣初

正月待嘉節三春翫物華忘懷寄樽酒陶性狎山家

柳翠含煙葉梅芳帶雪花光陰不相惜遲遲落景斜

晦日重宴同用池字是題同賦者凡八首以下三首語及晦日存此餘悉入宴唐周彥暉初

春華歸柳岸晦景落莫枝置驛銅街右開筵玉浦臨

林煙含障密竹雨帶珠危興闌中倒著山公下習池

晦日重宴同用池字唐陳嘉言初

高門臥冠蓋下客抱支離綺席珍羞滿文場藻翰摛

莫華彫上月柳色藹春池日斜歸戚里連騎勒金羈

晦日重宴同用池字

唐周思鈞

綺筵乘晦景高宴下陽池濯雨梅香散含風柳色移  
輕塵依扇落流水入絃危勿顧林亭晚方歡雲霧披

晦日宴遊

唐杜審言

日晦隨莫英春情著杏花解紳宜就水張幕會連沙  
歌管風輕度池臺日半斜更看金谷騎爭向石崇家

晦日宴遊

唐嚴維

晦日湔裾俗春樓置酒時山公還已醉謝客舊能詩  
溪柳熏晴淺巖花待閨遲爲邦久無事比屋自熙熙

歲時

卷九

晦日

晦日陪辛大夫宴南亭

唐劉長卿

月晦逢休澣年光逐宴移早鶯留客醉春日爲人遲  
莫草全無葉梅花遍壓枝政閑風景好莫比峴山時

晦日呈諸判官

唐韓滉

晦日新晴春日嬌萬家攀折渡長橋年年老白江城  
寺不覺春風換柳條

○中和節

正元五年初置中和節帝製詩寫本賜戴叔倫

於容州

唐德宗

東風變梅柳萬彙生春光中和紀月令方與天地長

耽樂豈子尚懿茲時景良庶遂亭育恩同致寰海康  
君臣永終始交泰符陰陽曲沼水新碧華林桃稍芳  
勝賞信多歡戒之在無荒

中和節日宴百寮賜詩

唐德宗

韶華啓仲序初吉諧良辰肇茲中和節式慶天地春  
歡酣朝野同生德區宇均雲開灑膏露草疏芳河津  
歲華方載陽東作方肆勤慙非熏風唱曷用慰吾人

中和節賜百官宴因示所懷

唐德宗

至化常在有保和茲息人推誠撫諸夏與物長爲春  
仲月風景暖禁城花柳新芳時協金奏錫燕周群臣

歲時

卷九

十八

絲竹豈云樂忠賢唯所親庶洽朝野意曠然天下均

奉和聖製中和節曲江宴百寮

必相德宗以上

集而寒食上巳多同時欲以二月名節必請  
廢正月晦以二月朔爲中和節因賜大臣成  
以示務本帝乃著令與上巳九日爲三令節  
中外皆賜  
羅錢燕會

唐李泌

風俗時有變中和節惟新軒車雙闕下宴會曲江濱  
金石何鏗鏘簪纓亦紛綸皇恩降自天品物咸知春  
慈恩所寰瀛歌詠同君臣

奉和聖製中和節賜百官宴集因示所懷

唐王季友



皇心不向晦改節號中和淑氣同風景嘉名利詠歌  
滿裾移舊俗賜尺下新科曆象千年正醢醢四好多  
花隨春令發鴻度歲陽過天地齊休慶懽聲欲蕩波  
奉和聖製中和節賜百官宴集因示所懷

唐權德輿

萬古慶嘉節宴喜皇澤均曉開冥英初景麗百鳥春  
藻思貞百度著明竝三辰物情舒在陽時令弘至仁  
衢酒和樂被薰絃聲曲新賡歌俄并側永荷玄化醇  
奉和中和節詔賜公卿尺

唐陸復禮

春仲令初吉歡樂大中皇恩貞百度寶尺賜群公  
歲時

卷九

九

中和節

欲使方隅法還令規矩同捧觀珍質麗拜受聖恩崇  
如荷丘山重難酬分寸功從茲度天地與國慶無窮  
奉和中和節詔賜公卿尺

唐裴度

陽和行慶賜尺度爲臣工荷寵乘佳節傾心立大中  
短長思合製遠近貴攸同初仰裁成德將酬分寸功  
作程施有用垂範播無窮願續延洪壽千春奉聖躬

吐蕃別館中和日寄朝中

唐呂溫

清時令節千官會絕域窮山一病夫遙想滿堂歡笑  
處幾人似我向西隅

二月一日是貞元舊節有感絕句寄黔南賈三

洛陽盧七

唐呂溫

同事先皇立玉墀中和舊節又支離今朝各自看花  
處萬里遙知掩淚時

○耗磨日

耗磨日飲二首

唐趙冬曦

耗磨傳茲日縱橫道未宜但今不忌醉翻是樂無爲  
二

上月今朝減流傳耗磨辰還將不時事同醉俗中人  
耗磨日飲

唐張說

春來半月度俗忌一朝閑不酌他鄉酒無堪對楚山  
歲時

卷九

二十

中和節

○春社

皇太子社詩

晉潘尼

太族協青陽履端發歲首孟月涉初旬吉日惟上酉  
我后邇天休設社祈遐者

祠社詩

隋李叔達

升壇預結祀諾阜肅分司椒蘭平酒酌簋簠撤香其

詩雋類函卷九



詩集類函卷十

東吳俞安期彙纂

宣城梅鼎祚增定

武林胡胤嘉訂校

歲時部五

寒食 清明

上巳上

○寒食

寒食應制

唐韋承慶

鳳城春色晚龍禁早暉通舊火收槐燧餘寒入桂宮  
鶯啼正隱葉鷓鴣始開籠藹藹瑤山滿仙歌始樂風

奉和聖製寒食應制

唐張說

寒食春過半花濃鳥復嬌從來禁火日曾接清明

歲時

卷十

關敵鷄殊勝爭毬馬絕調晴空數雲豔香樹百風搖  
改木迎新燧封田表舊燒皇情愛嘉節傳曲與蕭韶

寒食

唐沈佺期

普天皆滅燭匝地盡藏煙不知何處火來就客心然

寒食

唐孟雲卿

二月江南花滿枝他鄉寒食遠堪悲貧居往往無煙  
火不獨明朝爲子推

寒食

唐王建

田舍清明日家家出火遲白衫眠古巷紅索搭高枝  
紗帶生難結銅釵重欲垂斬新衣踏盡還似去年時

寒食行

唐王建

寒食家家出古城老人看屋少年行丘壠年年無舊

道車徒散行一作車入衰草牧羊一作驅牛下塚頭

畏有家人來灑掃遠人無墳水頭祭還引婦姑望鄉

拜三日無火燒紙錢紙錢一作哀那得到黃泉但看壠

上無新土此中白骨應無主

寒食

唐元稹

清明寒食好春園百卉開綵繩拂花去輕毬度閣來

長歌送落日緩吹逐殘杯非關無燭罷良爲騎思催

寒食

唐韓翃

歲時

卷十

春城無處不飛花寒食東風御柳斜日暮漢宮傳蠟  
燭青煙散入五侯家

寒食

唐李山甫

風煙放蕩花披猖鞦韆女兒飛短牆繡袍馳馬拾遺

翠錦袖關鷄喧廣場

寒食

唐僧雲表

寒食悲看郭外春野田無處不傷神平原黿鼉傷新

塚半是去年來哭人

寒食日作

唐溫庭筠

紅深綠暗徑相交抱暖含春披紫袍綵索平時墻婉

婉輕毵落處花寥梢牕中草色妬鷄卵盤上芹泥憎  
燕巢自有王樓春意任不能騎馬度煙郊

賦寒食日亥時

唐李宣古

人定朱門尚未開初星粲粲照人回此時寒食無燈  
燭花柳蒼蒼月欲來

寒食賜恩火

唐竇叔向

恩光及小臣華燭忽驚春電影隨中使星輝拂路人  
幸因榆柳暖一照草芽貪

寒食月夜

唐白居易

風香露重梨花濕草舍無燈愁未入南隣北里歌吹

歲時

卷十

寒食

時獨倚柴門月中立

雨中寒食

唐羊士諤

令節逢煙雨園亭但掩關佳人宿妝薄芳樹綵繩閑  
歸思偏消酒春寒爲近山花枝不可見別恨灞陵間

寒食直歸遇雨

唐韓愈

寒食時看度春遊事已違風光連日直陰雨半朝歸  
不見紅毵上那論綵索飛惟將新賜火向曙著朝衣

嶺表寒食

唐沈佺期

嶺外逢寒食春來不見錫洛中新甲子何日是清明  
花柳爭朝發軒車滿路迎帝鄉遙可念腸斷報親情

初入秦川路逢寒食

唐玄宗

洛川芳樹映天津灞岸垂楊罕地新直爲經過行樂  
處不知虛度兩京春去年餘閏今年早曙色和風著  
花草可憐寒食與清明光輝并在長安道自從關路  
入秦川爭道何人不戲鞭公子途中妨蹴鞠佳人馬  
上廢鞦韆渭水長橋今欲度葱葱漸見新豐樹遠看  
驪岫入雲霄預想湯池起煙霧霧氣氛氲水殿開暫  
拂香泉歸去來今歲清明行已晚明年寒食更相陪

奉和聖製初入秦川路逢寒食

唐張說

上陽柳色喚春歸臨渭桃花拂水飛總爲朝廷巡幸

歲時

卷十

四

寒食

去頓教京洛少光輝昨從分陝山南口馳道依依漸  
花柳入關正投寒食前還京遂落清明後路上天心  
重豫遊御前恩賜特風流便幕那能鑊雞子行宮善  
巧帖毛裘渭橋南渡花如撲麥隴青青斷人目漢家  
行樹直新豐秦地驪山抱溫谷香池春溜水初平預  
歡浴日照京城今歲隨宜過寒食明年倍宴作清明

襄陽路逢寒食

唐張說

去年寒食洞庭波今年寒食襄陽路不辭著處尋山  
水祇畏還家落春暮

寒食江州滿塘驛

唐宋之間

去年上巳洛橋邊今年寒食廬山曲遙憐華樹花應  
滿復見吳洲草新綠吳洲春草蘭杜芳感物思歸懷  
故鄉驛騎明朝發何處猿聲今夜斷君腸

寒食題臨江驛

唐宋之間初

馬上逢寒食愁中屬暮春可憐江浦望不見洛陽人  
北極懷明主南溟作逐臣故園思斷處日夜柳條新

和宋之問寒食題臨江驛

唐崔融初

春風自淮北寒食渡江南忽見潯陽水疑是宋家潭  
明主闢難叫孤臣逐未堪遙思故園陌桃李正酣酣  
和宋之問寒食題臨江驛

唐胡皓初

歲時

卷十

五

寒食

聞道山陰會仍爲火忌辰途中甘棄日江上苦傷春  
流水翻催淚寒灰更伴人丹心終不改白髮爲誰新

寒食清明早赴王門率成

唐李嶠初

遊客趨梁邸朝光入楚臺槐煙乘曉散榆火應春開  
日帶晴虹上花隨早蝶來雄風乘令節餘吹拂輕灰

寒食汜上作

唐王維盛

廣武城邊逢暮春汶陽一作歸客淚沾巾落花寂寂  
啼山鳥楊柳青青渡水人

寒食城東卽事

唐王維盛

清溪一道穿桃李演漾綠蒲涵白芷溪上人家凡幾

家落花半落東流水蹴踘屢過飛鳥上鞦韆競出垂  
楊裏少年分日作遨遊不用清明兼上巳

寒食卽事

唐王昌齡盛

晉陽寒食地風俗舊來傳雨滅龍蛇火春生鴻鴈天  
泣多流水漲歌發舞雲旋西見之推廟空爲人所憐

洛橋寒食日作

唐白居易中

上苑風煙好中橋道路平蹴毬塵不起潑火雨新晴  
遇客踟躕立尋花取次行連錢嚼金勒繫落寫銀罌  
府醞傷教送官娃豈要迎三年過寒食盡在洛陽城

東都所居寒食

唐陳潤中

歲時

卷十

六

寒食

江南寒食早二月杜鵑鳴日緩山初綠春寒雨欲晴  
浴蠶看社日改火待清明更喜瓜田好令人憶邵平

平陵寓居再逢寒食

唐朱灣中

幾迴江上泣途窮每遇良晨嘆轉蓬火燧知從新節  
變灰心還與故人同

長安寒食

唐邵謁晚

春日照九衢春風媚羅綺萬騎出都門擁在香港裏  
莫辭弔枯骨千載長如此安知今日身不是昔時鬼  
但看平地遊亦見摧軀死

丙午年鄜州寒食城外醉吟

唐韋莊晚

滿街楊柳綠絲煙畫出清明二月天好是隔簾花樹  
動女郎撩亂送鞦韆

開元坡下日初斜拜掃歸來走鉤車可惜數枝紅豔  
好不知今夜落誰家

雨絲煙柳欲清明金屋人間煖鳳笙永日迢迢無一  
事隔街聞築氣毬聲

寒食日早春城東

唐羅隱

青門欲曉天車馬已喧闐禁柳疎風細舊花圻露鮮  
唯言誇麗景只是歎流年不得高飛便迴頭望紙鷁

寒食都門

唐胡曾

歲時

卷十

七

寒食

二年寒食住京華寓目春風萬萬家金絡馬銜原上  
草玉釵人折路傍花軒車競出紅塵合冠蓋爭迴白  
日斜誰念都門兩行淚故園寥落在長沙

寒食宴于中舍兄弟宅

唐蘇頌

子推山上歌龍罷定國門前結駟來始覩元昆鏘玉  
至旋聞季子佩刀迴晴花處處因風起御柳條條向  
日開自有長筵歡不極還持綵勝詠南陔

寒食內宴二首

唐張籍

朝光瑞氣滿宮樓綵纛魚龍四面稠廊下御厨分冷  
食殿前香騎逐飛毬千官盡醉猶教坐百戲皆呈未

放休共喜拜恩侵夜出金吾不敢問行由

城闕沈沈向曉寒恩當冷節賜餘歡瑞煙入處開三  
殿香雨微時引百官寶樹樓前分繡幙綵花廊下映  
華欄空筵戲樂年年別已得三迴對御看

寒食野望吟

唐白居易

丘墟郭門外寒食誰家哭風吹曠野紙錢飛古墓  
壘春草綠棠梨花映白楊樹盡是死生離別處冥冥  
重泉哭不聞蕭蕭暮雨人歸去

寒食遠望

唐李郢

舊墳新隴哭多時流世都堪幾度悲烏鵲亂啼人未  
歲時

卷十

八

寒食

遠野風吹散白棠梨

寒食寄李補闕

唐郭郛

蘭陵士女滿晴川郊外紛紛拜古埏萬井閭閻皆禁  
火九原松柏自生煙人間後事悲前事鏡裏今年老  
去年介子終知祿不及王孫誰肯一相憐

和郭郎寒食

唐李紳

常州建元寺在郡東郭松扉竹院各在岡阜每歲  
寒食里人灑掃經過之所大曆中詩人郭郎賦寒  
食當時以爲絕唱李紳嘗在兒童即聞此詩因和  
云

江城物候傷心地遠寺經過禁火辰芳草壠邊迴首  
客野花叢裏斷腸人紫荊繁豔空門晝紅藥深開古  
殿春歎惜光陰催白髮莫悲風月獨沾巾

寒食寄京師諸弟

唐韋應物

雨中禁火空齋冷江上流鶯獨坐聽把酒看花想諸  
弟杜陵寒食草青青

寒食日獻郡守

唐伍唐珪

入門堪笑復堪憐三徑苔荒一釣船慙愧四隣教斷  
火不知廚裏久無煙

熟食日示宗文宗武

唐杜甫

歲時

卷十

九

消渴遊江漢羈栖尚甲兵幾年逢熟食萬里逼清明  
松栢<sub>一作中</sub>山路風花白帝城汝曹催我老回首淚  
縱橫

○清明

清明二首

唐杜甫

朝來新火起新煙湖色春光淨客船繡羽衝花他自  
得紅顏騎竹我無緣胡童結束還難有楚女腰肢亦  
可憐不見定王城舊處常懷賈傅并依然虛靈周舉  
爲寒食實藉君平賣卜錢鐘鼎山林各天性濁醪粗  
飯任吾年

此身飄泊歎西東右臂偏枯半耳聾寂寂繫舟雙下  
淚悠悠伏枕左書空十年蹴踘將雛遠萬里鞦韆習  
俗同旅鴈上林歸紫塞家人鑽火用青楓秦城樓閣  
煙花裏漢主山河錦繡中風水<sub>一作春水</sub>春來洞庭白  
蘋愁殺白頭翁

清明

唐杜甫

著處繁華矜是日長沙千人萬人出渡頭翠柳豔明  
眉爭道朱蹄騎驢膝此都好遊湘西寺諸將亦自軍  
中至馬援征行在眼前葛強親近同心事金鈴下  
紅粉晚牙檣挾拖青樓遠古時喪亂皆可知人世悲  
歡暫相遣弟姪雖存不得書干戈未息苦離居逢迎  
少壯非吾道况乃今朝更被除

歲時

卷十

十一

清明

唐孫昌胤

清明暮春裏悵望北山陲燧火開新烟桐花發故枝  
沈寔愍歲物歡宴阻朋知不及林間鳥遷喬並羽儀  
洛陽清明日雨霽

唐李正封

曉日清明天夜來嵩少雨千門尚煙火九陌無塵土  
酒綠河橋春漏閑宮殿午遊人戀芳草半犯嚴城鼓  
鏤鷄子<sub>唐俗清明節鏤鷄子爲人物花并形相遺</sub>唐路賓王  
幸遇清明節欣逢舊練人刻花爭臉態寫月競眉新

量罷空餘月詩成併道春誰知懷王者含響未吟晨

清明日賜百寮新火

唐韓滂中

朱騎傳紅燭天厨賜近臣火隨黃道見煙繞白榆新  
榮耀分他日恩光共此辰更調金鼎味還暖玉堂人  
灼灼千門曉輝輝萬井春應憐聚螢者瞻望獨無鄰

清明日賜百寮新火

唐史延中

上苑連侯第清明及暮春九天初改火萬井屬良辰  
頒賜恩逾洽承時慶并均翠煙和柳嫩紅焰出花新  
寵命尊三老祥光燭萬人太平當此日空復賀陶鈞

清明日賜百寮新火

唐王濯中

歲時

卷十

十一

清明

御火傳香殿華光及侍臣流星中使馬濯耀九衢人  
轉影連金屋分輝麗錦茵焰迎紅藥發煙染綠條春  
助律和風早添鑪暖氣新誰憐一寒女猶望照東隣

清明日賜百寮新火

唐鄭轅中

改火清明後優恩賜近臣漏殘丹禁晚燧發日榆新  
瑞彩來雙闕神光煥四隣氣回侯第暖煙散帝城春  
利用調羹鼎餘輝燭綰紳皇明如照隱願及聚螢人

清明日詔宴寧王山池

賦得飛字

唐張說初

今日清明宴佳境惜芳菲搖揚花雜下嬌嚶鶯亂飛  
綠渚傳歌榜虹橋渡舞圻和風偏應律細雨不沾衣

承恩如改火春去春來歸

清明後登城眺望

唐劉長卿中

風景清明後雲山睥睨前百花如舊日萬井出新煙  
草色無空地江流合遠天長安在何處遙指夕陽邊

清明日登城春望寄大夫

君使

唐王表中

春城開望愛晴天何處風光不眼前寒食花開千樹  
雪清明日出萬家煙興來促席唯同舍醉後狂歌盡  
少年聞說鶯啼却惆悵詩成不見謝臨川

清明日送韋侍御貶處州

唐白居易中

寂寞清明日蕭條司馬家留餞和冷粥出火煮新茶

歲時

卷十

十二

清明

欲別能無酒相留亦有花南遷更何處此地已天涯

清明日憶諸弟

唐韋應物中

冷食方多病開襟一忻然終令思故郡煙火滿晴川  
杏粥猶堪食榆羹已稍煎唯恨乖親燕坐度此芳年  
○上巳

上巳篇

晉張華

仁風導和氣句芒御昊春姑洗應時月元巳啓良辰  
密雲蔭朝日零雨灑微塵飛軒遊九野置酒會衆賓  
臨川懸廣幕夾水布長茵徘徊存往古慷慨慕先真  
朋從自遠至童冠八九人追好舞雪庭擬跡洙泗濱



伶人理新樂膳夫然時珍八音礪磬奏有俎從橫陳  
妙舞起齊趙悲歌出三秦春醞踰九醞冬清過十旬  
盛時不努力歲暮將何因勉哉衆君子茂德景日新  
高飛舞鳳翼輕舉攀龍鱗

三月三日應詔詩二首

晉閻丘冲

暮春之月春服既成陽昇土潤冰渙川盈餘萌達壤  
嘉木敷榮后皇宣遊既宴且寧光光華輦說說從臣  
微風扇穢朝露翳塵上蔭丹幄下藉文茵臨川一作池  
挹盥濯故絜新俯鏡清流仰睇天津藹藹華林巖巖  
景陽業業峻宇奕奕飛梁垂蔭倒景若沈若翔

歲時

卷十

十三

上巳

浩浩白水汎汎龍舟皇在靈沼百辟同遊擊檣清歌  
鼓枻行酬一作謳聞樂咸和具醉斯柔在昔帝虞德被  
遐荒干戚在庭苗民一作人來王今我哲后古聖齊芳  
惠此中國以綏四方元首既明股肱惟良樂酒今日  
君子惟康

三月三日

晉陸機

三月三日

晉孫綽

遲遲暮春日天氣柔且佳元吉隆初已濯穢遊黃河  
姑洗幹運首陽穆闡嘉卉萋萋溫風暖曖言滌長瀨  
聊以游行縹緲流綠柳蔭坂羽從風飄鱗隨浪轉

三月三日

晉庾闡

心結湘川渚目散冲霄外清泉吐翠淥流醪漂素瀨  
悠想盼長川輕瀾渺如帶

三月三日詩

晉王讚

招搖啓運寒暑代新疊疊不舍如彼行雲倚倚季月  
穆穆和春皇儲降止宴及嘉賓嘉賓伊何具惟姻族  
如彼葛藟衍於樛木郁郁近侍巖巖台嶽庶寮鱗次  
以崇天祿如彼崑山列此琚玉巍巍天階亦降列宿  
右載元首左光儲副大祚無窮天地爲壽

三日

宋鮑照

歲時

卷十

十四

上巳

氣暄動思心柳青起春懷時豔憐花藥服淨俛登臺  
提觴野中飲愛心一作煙未開露色染春草泉源紫  
米苔泥泥濡路條嫋嫋乘風裁鳬雛掇苦薺黃鳥銜  
櫻梅解衿欣景豫臨流競覆杯美人竟何在浮心空  
自摧

三月三日率爾成詩

梁簡文帝

芳年多美色麗景復妍遙握蘭唯是日採艾亦今朝  
迴沙溜碧水曲岫散桃花綺花非一種風絲亂百條  
雲起相思觀日照飛虹橋繁華炫妹色燕趙豔妍妖  
金鞍汗血馬寶髻珊瑚翹關馨起轂袖蓮錦束瓊腰



相看隱綠樹見人還自嬌王柱鳴羅薦渠枕泛迴潮  
洛濱非拾羽滿握詎貽椒

三月三日率爾成篇

梁沈約

麗日屬元巳年芳具在斯開花已匝樹流嬰復滿枝  
洛陽繁華子長安輕薄兒東出千金堰西臨鴈鶩陂  
游絲應空轉高楊拂地垂綠幘文照耀紫燕光陸離  
清晨戲伊水薄暮宿蘭池象筵鳴寶瑟金甌泛羽卮  
寧憶春蠶起日暮桑欲萎長袂屢已拂彫胡方自炊  
愛而不可見宿昔減容儀且當忘情去歎息獨何爲

上巳

唐崔顥

歲時

卷十

十五

上巳

巳日帝城春傾都被袂辰停車須傍水奏樂要驚塵  
弱柳障行騎浮橋擁看人猶言日早晚更向九龍津

奉和聖製三日

唐陳希烈

上巳遷龍駕中流汎羽觴酒因朝太子詩爲樂賢王  
錦纜方舟渡瓊筵大樂張風搖垂柳色花發異林香  
野老歌無事朝臣飲歲芳皇情被羣物中外洽恩光

上巳日

唐耿湋

共來修禊事內顧一悲翁王鬢風塵下花林絲管中  
故山離水石舊侶失鷓鴣不及游魚樂徘徊蓮葉東

上巳日

唐劉駕

上巳曲江濱喧於市朝路相尋不見者此地皆相遇  
光去此遠翠幕張如霧何事歡娛中易覺春城暮  
物情重此節不是愛芳樹明日花更多何人肯回顧

蘭亭集詩

晉右將軍王羲之二首

代謝鱗次忽焉以周欣此暮春和氣載采詠彼舞雩  
異世同流廼攜齊契散懷一丘

仰視碧天際俯瞰淥水濱寥閭無涯觀寓目理自陳  
大矣造化工萬殊莫不均羣籟雖參差適我無非親

瑯琊王友謝安二首

歲時

卷十

十六

上巳

伊昔先子有懷春遊契茲言執寄傲林丘森森連嶺  
茫茫原疇迴霄垂霧疑泉散流

相與欣佳節率爾同褰裳薄雲羅景物微風翼輕航  
醇醪陶丹府兀若遊羲唐萬殊混一理安復覺彭殤

司徒左西屬謝萬二首

肆眺崇阿寓目高林青蘿翳岫脩竹冠岑谷流清響  
條鼓鳴音玄嘒吐潤霏霧成陰

司冥卷陰旌句芒舒陽旌靈液被九區光風扇鮮榮  
碧林輝翠萼紅葩擢新莖翔禽撫翰游騰鱗躍清泠

前餘杭令孫統二首

茫茫大造萬化齊軌罔悟玄同競異標肯平勃運謀  
黃綺隱几凡我仰希期山期水

地主觀山水仰尋幽人踪回沼激中逵疎竹間脩桐  
因流轉輕觴冷風飄落松時禽吟長澗萬籟吹連峯  
左司馬孫綽二首

春詠登臺亦有臨流懷彼伐木肅一作宿此良儔脩竹  
陰沼旋瀨縈丘穿池激湍連濫觴舟

流風拂枉渚停雲陰九臯鶯語吟脩竹游鱗戲瀾濤  
攜筆落雲藻微言剖纖毫時珍豈不甘忘味在聞韶

中軍參軍孫嗣

歲時

卷十

十七

上巳

望巖懷逸許臨流想奇莊誰云真風絕千載挹餘芳  
散騎常侍郗曇

溫風起東谷和氣振柔條端坐興遠想薄言遊近郊

賴川庾友

馳心域表寥寥遠邁理感則一冥然斯會

賴川庾羣

仰想虛舟說俯歎世上賓朝榮雖云樂夕斃理自因  
行參軍曹茂之

時來誰不懷寄散山林間尚想方外賓迢迢有餘閒

上虞令華茂

林榮其鬱浪激其隈汎汎輕觴載欣載懷

榮陽桓偉

主人雖無懷應物貴有尚宣尼遯沂津蕭然心神王  
數子各言志曾生發清唱今我欣斯遊愜情亦覽暢

陳郡袁嶠之二首

人亦有言得意則歡佳賓卽臻相與遊盤微一作音  
迭詠馥焉若蘭苟齊一致遐想揭竿

四眺華林茂俯仰晴一作清川渙激水流芳醪密爾累

心散遐想逸民軌遺音良可玩古人詠舞雩今也同  
斯歎

歲時

卷十

十八

上巳

王玄之

松竹挺巖崖幽澗激清流消散肆情志酣暢豁滯憂

王凝之二首

莊浪濠津巢步賴湄冥心真寄千載同歸

烟燼采風扇熙怡和氣淳駕言興時遊逍遙映通津

王徽之二首

散懷山水蕭然忘羈秀薄榮賴疎松籠崖遊羽翮霄  
鱗躍清池歸日寄歡心冥二奇

先師有冥藏安用羈世羅未若保冲真齊契箕山阿

王渙之

去來悠悠子披褐良足欽超跡脩獨往真契齊古今

王肅之二首

在昔暇日味存林嶺今我斯遊神怡心靜

嘉會欣時遊豁爾暢心神吟詠曲水瀨淥波轉素鱗

王彬之二首

丹崖竦立葩藻映林淥水揚波載浮載沈

鮮葩映林薄游鱗戲清渠臨川欣投釣得意豈在魚

王蘊之

散密情志暢塵纓忽已捐仰詠挹餘芳怡情味重淵

行參軍王豐之

歲時

卷十

十九

上巳

肆吟巖岫臨泉濯趾感興與魚鳥安居幽時

郡功曹魏滂

三春陶和氣萬物齊一歡明后欣時豐駕言映清瀾

疊疊德音暢蕭蕭遺世難望巖愧脫屣臨川謝揭竿

鎮軍司馬虞說

神散宇宙內形浪濠梁津寄暢須臾歡尚想味古人

郡五官謝繹

縱暢任所適回波縈游鱗千載同一朝沐浴陶清塵

行參軍徐豐之二首

俯揮素波仰掇芳蘭尚想嘉客希風永嘆

清響擬絲竹班荆對綺疏零觴飛曲津歡然朱顏舒

徐州西平曹華

願與達人遊解結邀豪傑狂吟任所適浪流無何鄉

太康六年三月二日後園會章四晉張華

暮春元日陽氣清明祁祁甘雨膏澤流盈習習祥風

啓滯導生禽鳥翔逸卉木滋榮纖條被綠翠華英合

於皇我后欽若昊乾順時省物言觀中園讌及羣辟

乃命乃延初一作合樂華池被濯清川汎彼龍舟泝游

洪源一作游源

朱幕雲覆列坐文茵羽觴騰波品物備珍管絃繁會

歲時

卷十

二十

上巳

變用奏新穆穆我皇臨下渥仁訓以慈惠詢納廣神

好樂無荒化達無垠

咨予微臣荷寵明時忝恩於外攸攸三期犬馬惟慕

天寶爲之靈啓其願邀願在茲于以表情爰著斯詩

三月三日洛水作

晉潘尼

晷運無窮已時逝焉可追斗酒足爲歡臨川胡獨悲

暮春春服成百草敷英蕤聊爲三日遊方駕結龍旂

廊廟多豪俊都邑有豔姿朱軒蔭蘭皇翠幙映洛湄

臨崖濯素手涉水舉輕衣沈鈎出比目舉弋落雙飛

羽觴乘波進素俎隨流歸

三月三日臨曲水

晉庾闡

暮春濯清汜游鱗泳一壑高泉吐東岑洄瀾自淨泉

臨川疊曲流豐林映綠薄輕舟沈飛觴鼓柁觀魚躍

三月三日從華林園

晉荀勗

清節中季春姑洗通滯塞王輅扶淥池臨川蕩奇隱

上巳會詩

晉阮脩

三春之季歲惟嘉時靈雨既零一作零風以散之英

華扇耀祥鳥羣嬉澄澄綠水澹澹其波脩岸逶迤長

川相過聊且逍遙其樂如何坐此脩筵臨彼素流嘉

肴既設舉爵獻酬彈箏弄琴新聲上浮水有七德知

歲時

卷十

三

上巳

者所娛清瀨澗澗菱葭芬敷沈此芳鉤引彼潛魚委

餌芳美君子戒諸

應詔識曲水作詩八章

宋畧曰文帝元嘉十一年三月丙申禊飲于樂

遊苑且祖道江夏王義恭衡陽王義季有詔會者賦詩

宋顏延之

道隱未形治彰既亂帝迹懸衡皇流共貫惟王創物

永錫洪筭仁固開周義高登漢

祚融世哲業光列聖太上正位天臨海鏡制以化裁

樹之形性惠浸萌生信及翔泳

崇虛非徵積實莫尚豈伊人和實靈所賦日完其朔

月不掩望航琛越水輦賁踰嶂

帝體麗明儀辰作貳君彼東朝金昭王粹德有潤身

禮不愆器柔中淵映芳猷蘭秘

昔在文昭今惟武穆於赫王宰方旦居叔有睟啟蕃

爰履真牧寧極和鈞屏京維服

肅魄雙交月氣參變開榮灑澤舒虹燦電化際無間

皇情爰眷伊思錫飲每惟洛宴

郊餞有壇君舉有禮幙帷蘭甸畫流高陞分庭薦樂

析波浮醴豫同夏諺事兼出濟

仰閱豐施降惟微物三妨儲隸五塵朝黻途泰命屯

恩充報詘有悔可悛滯瑕難拂

歲時

卷十

三

上巳

三月三日詔宴西池詩

宋顏延之

河岳曜圖聖時利見於赫有皇升中納禪載貞其恒

載通其變大哉人文至矣天睠昭哉儲德靈慶攸繁

明兩紫宸景物乾元帝宗蕃藹維城維蕃衮衣善職

彤弓受言飾館春宮稅鑣青輅長筵逶迤浮觴沿沂

車駕幸京口三月三日侍遊曲阿後湖作

宋顏延之

虞風載帝狩夏諺頌王遊春方動宸駕望幸傾五州

山祇蹕嶠路水若警滄流神御出瑤軫天儀降藻舟

萬軸胤行衛千翼汎飛浮雕雲麗璇蓋祥飈被綵旂

江南進荆豔河激獻趙謳金練照海浦笳鼓震漠洲  
貌眇觀青崖衍漾觀綠疇民靈騫都野鱗翰登淵丘  
德禮既普洽川嶽徧懷柔

三月三日侍宴西池詩

宋謝靈運

詳觀記牒鴻荒莫傳降及雲鳥曰聖則天虞承唐命  
周襲商艱江之永矣皇心惟眷矧乃暮春時物芳衍  
濫觴逶迤周流蘭殿禮備朝容樂闋夕宴

三月三日曲水集

宋謝惠連

四時著平分三春稟融燠遲遲和景婉天天園桃灼  
馮朋適一作郊野昧爽一作辭廊廓蜚雲興翠嶺芳

歲時

卷十

二三

上巳

飈起華薄解纒偃崇丘藉草繞迴壑際渚羅時筵託  
波汎輕爵

三日遊南苑

宋鮑照

採蘋及華月追節逐芳雲騰雋溢林疏麗日曄山文  
清潭圓翠會花薄緣綺紋合樽遽景斜折榮委組芬

三日侍宴曲水代人應詔

齊謝朓

神理內寂機象外融遺情汾水垂冕鴻宮樹以司牧  
匪我求蒙徒勤日用誰契玄功

往晦必明來碩資蹇於皇克聖時乘御辯寶曆載暉  
瑤光重踐昭昭舊物熙熙遷善

當宁日昃求衣未明抵壁焚翠銷劒襲城九疇式序

三辟載清虞歲罔闕矇奏傳聲

麗景則春儀方在震重聖積厚金式瓊潤天爵必諧

王臣咸善諸華霍惟邦之鎮

正朔慙瀚冠冕叩越爭長明堂相超魏闕龜象南薦

環裘西發巢閣易窺馴庭難狝

上巳惟昔干彼襖流被穢河許張樂春疇既停龍駕

亦泛見舟靈宮備矣無待茲遊

初鸞命曉朝霞開夜飾陞導源迴伊流灞極望天淵

曲阻亭榭閒館巖敞長廊水架

歲時

卷十

二四

上巳

金觴搖蕩王祖推移筵浮水豹席擾雲螭寥亮琴瑟

嗽咷填兇歡茲廣譙穆穆天儀

周道如砥康衢載直徒愧玄黃負恩無力華轡徒駕

長纓未飾相彼失晨寧忘鼓翼

詩集類由卷十

詩集類函卷十一

東吳俞安期彙纂

宣城梅鼎祚增定

樵李李衷純訂校

歲時部六

上巳下

三月晦日

夏至

伏日

四月八日

五

立秋

○上巳下

三日侍皇太子曲水宴

并序

梁簡文帝

竊以周成洛邑自流水以禊除晉集華林同文軌而高宴莫不禮具義舉杳矩重規昭動神明雍熙鍾石者也皇太子生知上德英明在躬智湛靈珠辯均河注騰茂實於三善振嘉聲於八區是節也

歲時

卷十一

上巳下

上巳屬辰餘萌達壤倉庚應律女夷司候爾乃分階樹羽疏泉泛爵蘭觴沿沂惠有來往賓儀式序盛德有容吹發孫枝聲流嶰谷舞豔七盤歌新六變遊雲駐綵僊鶴來儀都人野老雲集霧會結軫方衢飛軒照日

震德叶靈年芳節淑濯伊臨灞蕩心愉目驤騎晨野縱金曉陸蕙氣卷旌神飈擊轂層岑偃蹇聳觀岩崑煙生翠幕日照綺寮銀華晨散金步暮搖綠水動葉丹距映條顧惟菲薄徒承恩裕藝學未優聲績不樹豈辨河書寧摘淮賦徒偶羣龍終慚並馭

上巳侍宴林光殿曲水

梁簡文帝

芳年留帝賞應物動天襟挾苑連金陣分衢度羽林帷宮對廣掖層殿邇高岑風旗爭曳影亭臯一作共生陰林花初墮帶池荷欲吐心

三日侍皇太子曲水宴

梁劉孝威

二龍巡夏代八駿馭周朝豫遊光帝則樂飲盛民諶皇儲遵洛袂濫觴追灞橋掌夜開神籙司馬動鑾鑣周旗交采毳晉鼓維清簫旌宮臨廣隰藻衛爍嚴椒蘭樽沿曲岬靈若沂廻潮

三日侍華光殿曲水宴

梁劉孝綽

薰夜三陽暮濯禊元巳初皇心騰樂飲帳殿臨春渠豫遊高夏諺凱樂盛周居復以焚林日丰茸花樹舒羽觴環堵轉清瀾傍席疏妍歌已嘹亮妙舞復紆餘九成變絲竹百戲起龍魚

三日侍安成王曲水宴

梁劉孝綽

滙澤良孔殷分區屏中縣躡跨兼流采矜喉邇封甸吾王奄艷畢析珪承羽傳不資魯俗移何待齊風變東山富遊士北土無遺彥一言白璧輕片善黃金賤餘辰屬上一作元巳清被追前諺持此陽瀨遊復展城隅宴芳洲亘千里遠近風光扇方歡厚德重誰言薄



遊倦

三日侍鳳光殿曲水宴應制 梁沈約

光遲蕙氣婉椒臺皇心愛矣帝曰遊哉玉鸞徐驚

一作翠鳳輕迴別殿廣臨離宮洞啓川低奉壽河宗

相禮清洛漸延長伊流陞洞盪嘉羞搖漾芳醴輕歌

易繞弱舞難持素雲留管玄鶴停絲引思爲歲歲亦

陽止叨服責身身亦昌止徒勤丹漆終愧文梓

三日侍林光殿曲水宴應制 梁沈約

宴鎬鏘玉鑾遊汾舉仙軼榮光泛彩旄脩風動芝蓋

淑氣婉登晨天行聳雲旆帳殿臨春籞帷宮繞芳薈

歲時 卷十一 三 上巳

漸席周羽觴分墀引迴瀨穆穆玄化升濟濟皇階泰

將御遺風軫遠侍瑤臺會

上巳華光殿

梁沈約

於維盛世卽軒矯朝酺宴鎬復在斯朝光灼燦映蘭

池春風婉轉入細枝時鶯顧慕聲合離輕波微動漾

羽卮河宗海若生蛟螭浮梁徑度跨迴瀨朱顏始洽

景將移安得壯士駐奔曦

三日侍蘭亭曲水宴

梁庾肩吾

策星依夜動鸞駕總朝遊旌門臨苑樹相風出鳳樓

春生露泥泥天覆雲油油桃花舒玉澗柳葉暗金溝

襖川分曲洛帳殿掩芳洲踴躍鱗魚出參差絳蕤浮  
百戲俱臨水千鍾共逐流

上巳宴麗暉殿各賦一字十韻 陳後主

芳景滿闕暉暉光生遠阜更以登臨趣還勝祓祓酒

日照源上桃風搖城外柳斷雲仍合霧輕霞時映牖

遠樹帶山高嬌鶯含響偶一峰遙落日數花飛映綬

度鳥或過檐飄絲屢薄敷言志遞爲樂置觴方薦壽

文學且迴筵羅綺令陳後干戈幸勿用寧須勞馬首

上巳玄圃宣猷堂嘉辰祓酌各賦六韻以次成

篇 陸遜有張式陸瓊顧野王 陳後主

歲時 卷十一 四 上巳

園開簪帶合亭迴春芳過鶯度遊絲斷風駛落花多

峰幽來鳥嚶洲橫擁浪波歌聲時出牖舞影乍侵柯

面玉同釵玉衣羅異草蘿旣悅弦筒暢復歡文酒和

上巳玄圃宣猷堂祓飲同共八韻

陳後主

綺殿三春晚玉燭四時平藤交近浦暗花照遠林明

百戲堦庭滿八音絃調清鶯喧維管韻鐘響帶風生

山高雲氣積水急溜杯輕簪綰今盛此俊又本多名

帶才盡壯思文采發離英樂是西園口歡茲南館情

春色襖辰盡當曲宴各賦十韻 陳後主



餘春尚芳菲中園飛桃李是時乃季月茲日叶上已  
既有遊伊洛可以後溱洧得性足為娛高堂聊復擬  
高堂亦有趣圖續此芳軌栖遁稱式驂善政日馴雉  
蘭桂觀往輟釋裾躡前趾啼禽靜或喧花落低還起  
水霧遙混雜山雲遠相似坐客聽一言隨吾祛俗鄙  
祓禊汎舟春日玄圃各賦七韻 陳後主

歲時

卷十一

五

上巳

三日侍宴宣猷堂曲水

陳江總

上巳娛春禊芳辰喜月離北宮命簫鼓南館列旌麾  
繡柱擎飛閣雕軒傍曲池醉魚沈遠岫浮棗漾清漪  
落花懸度影飛絲不礙枝樹動丹樓出山斜翠磴危  
禮周羽爵遍樂闌光陰移

三日華林園公宴

北齊邢邵

迴鑾自樂野弭蓋屬瑤池五承接光景七友樹風儀  
芳春時欲遽覽物惜將移新萍已冒沼餘花尚滿枝  
草滋徑蕪沒林長山蔽虧芳筵羅玉俎激水漾金卮  
歌聲斷以一作續舞袖合還離

上巳禊飲

隋盧思道

山泉好風景一作景城市厭囂塵聊持一樽酒共尋千  
里春餘光下幽桂夕吹舞青蘋何言出關後重有入  
林人

上巳浮江宴分韻得遙字

唐王勃

上巳年光促中川興緒遙綠齊山葉滿紅洩岍花銷  
泉聲喧後澗虹影照前橋遽悲春望遠江路積波潮  
又得吐字 唐王勃

披觀玉京路駐賞金臺吐逸興懷九僊良辰傾四美  
松吟白雪際桂馥青谿裏別有江海心日暮情何已

歲時

卷十一

六

上巳

三日曲水侍宴應制

曲江漢武帝所鑿其水曲折似嘉陵江故名唐開元中詔鑿為勝境都人遊賞盛於中和節江總

中詔鑿為勝境都人遊賞盛於中和節江總  
茲滿慈翠柳陰四合每錫宴臣僚會于山亭  
池備綠舟唯宰相三使  
北省官翰林學士登焉 唐閻朝隱

三月重三日千春續萬春聖澤如東海天文似北辰  
荷葉珠盤淨蓮花寶蓋新陛下制萬國臣作水心人

于長史山池三日曲水

唐陳子昂

摘蘭藉芳月被宴坐迴汀汎灑清流滿歲疑白芷生  
金絃揮趙瑟玉柱弄秦箏巖樹風光媚郊原春樹平  
煙花飛御道羅綺照昆明日落紅塵合車馬亂縱橫

三日綠潭篇

唐萬齊融

春潭滉漾接隋宮，宮闕連延潭水東。  
蘋苔嫩色含波綠，桃李新花照底紅。  
垂布藻如妝鏡麗，日晴天相照映素影沈沈。  
對蝶飛金砂礫礫，窺魚泳佳人被袂。  
賞韶年傾國傾城，併可憐拾翠總來芳樹下。  
踏青爭近綠潭邊。公子王孫恣遊翫，沙場水曲情無厭。  
禽浮似揖羽觴杯，鱗躍疑投水心劍。  
金鞍玉勒騁輕肥，落絮紅塵擁路飛。  
綠水殘霞催席散，畫樓初月待人歸。

桂州三月三日

唐宋之間

代業京華裏，遠投魍魎鄉。  
登高望不見雲海，四茫茫伊昔承休吟，曾爲人所羨。  
兩朝賜顏色，二紀陪遊宴。

歲時

卷十一

七

上巳

昆明御宿侍龍媒，伊闕天泉復幾迴。  
西夏黃河水心劍東周清洛羽觴杯，苑中落花掃還合。  
河畔垂楊撥不開，千春獻壽多行樂。  
柏梁和歌攀睿作，賜金分帛駐光輝。  
風舉雲遙入紫微，晨趨北闕鳴珂至。  
夜出南宮把燭歸，載筆儒林多歲月。  
襖被文昌佐吳越，越中山海且高深。  
興來無處不登臨，永和九年刺海郡。  
暮春三月醉山陰，愚謂嬉遊長似昔。  
不言流寓歎成今，始安繁華舊風俗。  
帳飲傾城沸江曲，主人絲管清且悲。  
客子肝腸斷還續，荔浦蘅皋萬里餘。  
洛陽音信絕能疎，故園今日應愁思。  
曲水何能更祓除，作伴誰憐

合浦葉思歸，豈食桂江魚。  
不求漢使金囊贈，願得佳人錦字書。

三日禁園侍宴

唐沈佺期

九重馳道出上巳，祓堂開畫鷁。  
中川動青龍，上苑來野花。  
飄御座，河柳拂天杯。  
日晚迎祥處，笙鏞下帝臺。

上巳日祓禊渭濱應制

景龍四年三月甲寅中宗皇帝幸渭濱臨渭亭

修祓飲賜羣官柳條以辟惡

唐沈佺期

寶馬香車清渭濱，紅桃碧柳禊堂春。  
皇情尚憶垂竿佐，天祚先呈捧劍人。

上巳日祓禊渭濱應制

唐李乂

歲時

卷十一

八

上巳

中園花柳暮春時，元巳陪遊樂在茲。  
此日欣逢臨渭賞，昔年空道濟汾詞。

上巳日祓禊渭濱應制

唐劉憲

桃花欲落柳條長，沙頭水色足風光。  
此時御蹕來遊處，願奉年年祓禊觴。

上巳日祓禊渭濱應制

唐韋嗣立

乘春祓禊逐風光，扈蹕陪鸞渭渚傍。  
還笑當時水濱老，衰年八十待文王。

上巳日祓禊渭濱應制

唐徐彦伯

晴風麗日滿芳洲，柳色春筵祓錦流。  
皆言侍蹕橫谿

燕甍似乘槎天漢遊

上巳日祓禊渭濱應制

唐張說初

青郊上巳艷陽年紫禁皇遊祓渭川幸得歡娛承湛露心同草樹樂春天

三月三日詔宴定昆池官莊賦得筵字

唐張說初

鳳凰樓下對天泉鸚鵡洲中匝管絃舊識平陽佳麗地今逢上巳盛明年舟將水動千尋日暮共林橫兩岍煙不降玉人觀祓飲誰令醉舞拂賓筵

三月三日申王園亭宴集

唐張九齡初

歲時

卷十一

九上巳

稽亭追往事睢苑勝前聞飛閣凌芳樹華池落綠雲藉草人留酌銜花鳥赴羣向來同賞處惟恨碧林曛

三月三日登龍山

唐張九齡初

伊川與霸津今日祓除人豈似龍山上還同湘水濱衰顏憂更老淑景望非春祓飲豈吾事聊將偶俗塵

三月三日曲江侍宴應制

唐趙良器盛

聖祖發神謀靈符叶帝求一人光錫命萬國荷時休雷解圜丘趾雲需曲水遊岸花迎步輦僊仗擁行舟睿漢天中降恩波海外流小臣同品物陪此樂皇猷

三月三日曲江侍宴應制

唐王維盛

萬乘親齋祭千官喜豫遊奉迎從上苑祓禊向中流草樹連容衛山河對冕旒盡旗搖浦淑春服滿汀洲僊樂龍媒下神臯鳳蹕留從今億萬歲天寶紹春秋

三月三勤政樓侍宴應制

唐王維盛

綵仗連宵合瓊樓拂曙通年光三月裏宮殿百花中不數秦王日誰將洛水同酒筵嫌落絮舞袖怯春風天保無爲德人歡不戰功仍臨九衢宴更達四門聰

奉和聖製與太子諸王三月三日龍池春禊應制

唐王維盛

歲時

卷十一

十上巳

故事修春禊新宮展豫遊明君移鳳輦太子出龍樓賦掩陳王作杯如洛水流金人來捧劍畫鷁去廻舟苑樹浮宮闕天池照冕旒宸章在雲表垂象滿皇州

奉和聖製上巳於望春亭觀禊飲應制

唐王維盛

長樂青門外宜春小苑東樓開萬戶上輦過百花中畫鷁移僊仗金貂列上公清歌邀落日妙舞向春風渭水明秦甸黃山入漢宮君王來祓禊灞滻亦朝宗

奉和上巳祓禊應制

唐崔國輔盛

元巳秦中節吾君灞上遊鳴鸞通禁苑別館繞芳洲鷁鷺千官列魚龍百戲游桃花春欲盡穀雨夜來收

慶向弄尊祝歡從楚棹謳逸詩何足對瘠作掩東周

夜襖曲三首

漢王年拾遺記曰周昭王乘舟於江

王身同沒焉故江漢人至今思之至春上巳  
日祓集祠間或以時鮮甘味採蘭杜包裹沈  
水中或結五色紗囊盛食或用金鐵器並沈  
水中言蛟龍畏五色金鐵則不侵此食後漢  
書禮儀志曰三月上巳官民皆潔於東流水  
上曰洗濯祓除去宿垢疾為大潔潔者言陽  
氣布暢萬物訖出始潔之矣注為之祓也風  
俗通曰周禮女巫巫掌歲時以祓除疾者言  
也春者蠶也蠶搖動也尚書以殷仲春厥民  
析言人解析也蠶搖動也尚書以殷仲春厥  
成冠者五六人童子六七人浴乎沂風乎舞  
雩詠而歸今三月上巳祓除於水濱蓋出於  
此一說後漢有郭虞者三月三日祓除於水  
日中並不育俗以為大忌至此月日諱止家  
皆於東流水上為祈禳自潔濯謂之禊祠引  
流行鶴遂成曲水韓詩曰鄭國之俗三月上

歲時

卷十一

十一

已之秦消兩水之上招覓續覓東蘭草祓除  
不廷漢書八月祓霸水亦斯義也杜篤祓除  
賦曰王侯公主暨于富商亦歌泣于維禊也  
黃太傅大將軍梁商亦歌泣于維禊也自魏  
不復用三月水宴者焉晉書武帝嘗問羣  
以三月曲水之義虞對曰漢章帝時平原徐肇  
招攜之水濱洗祓遂因水以祓其義起此  
束皙曰昔周公城洛邑因流水以祓其義起  
詩云羽觴隨波又秦昭王以三日置酒河曲  
見金人捧水心劍曰今君制有西夏乃霸諸  
侯因此立為曲水二漢相緣皆為成集西京  
雜記曰漢宮三月上巳張樂於流水是  
也晉宋以後皆有之至唐傳以為曲

唐□□□

昨見春條綠那知秋葉黃蟬聲猶未斷寒鴈已成行

二

金谷園中柳春來已舞腰那堪好風景獨上洛陽橋

三

何處堪愁思花間長樂宮君王不重客泣淚向春風

三月三日夜襖洛濱

并序

唐白居易中

開成二年三月三日河南尹李待價以人和歲稔  
將襖於洛濱前一日啓留守裴令公公明日召太  
子少傅白居易太子賓客蕭籍李仍叔劉禹錫前  
中書舍人鄭居中國子司業裴暉河南少尹李道  
樞倉部郎中崔晉司封員外郎張可績駕部員外  
郎盧言虞部員外郎苗愔和州刺史裴儔潤州刺

歲時

卷十一

十一

史裴洽檢校禮部員外郎楊魯士四門博士談弘  
暮等一十五人合宴于舟中由斗亭歷魏堤抵津  
橋登臨沂沿自晨及暮簪組交映歌笑間發前水  
嬉而後妓樂左筆硯而右壺觴望之若僊觀者如  
堵盡風光之賞極遊泛之娛美景良辰賞心樂事  
盡得於今日矣若不記錄謂洛無人晉公首賦一  
章鏗然玉振顧謂四座繼而和之居易舉酒抽毫  
奉十二韻以獻

三月草萋萋黃鶯歌又啼柳橋晴有絮沙路潤無泥  
襖事修初半遊人到欲齊金鈿耀桃李絲管駭鳥驚

轉岸迴船尾臨流簇馬蹄開翻楊子渡踏破魏王堤  
妓接謝公宴詩陪荀令題舟同李膺泛體爲穆生攜  
水引春心蕩花牽醉眼迷塵街從鼓動煙樹任鴉棲  
舞急紅腰軟歌遲翠黛低夜歸何用燭新月鳳樓西

上已泛舟

唐張登中

令節推元已天涯喜有期初筵臨泛地舊俗後禳時  
枉渚潮新上殘春日正遲竹枝遊女曲桃葉渡江詞  
風鷁今方退沙鷗亦未疑且同山簡醉倒載莫寒帷  
三月三日義興李明府後亭泛舟

唐皇甫冉中

歲時

卷十一

十三

上巳

江南煙景復如何聞道新亭更可過處處執紼一作蘭  
春浦綠萋萋藉草遠山多壺觴須就陶彭澤時俗猶  
傳晉永和更使輕桡徐轉去微風落日水增波

上巳接清明遊宴

唐獨孤良弼中

上巳歡初罷清明賞又追閨年侵舊曆令節併芳時  
細雨鶯飛重春風酒醞遲尋花迷白雪看柳折新絲  
淑氣如相待天和意爲誰吁嗟名未立空詠宴遊詩

和上巳連寒食有懷京洛

唐沈佺期初

天津御柳碧遙遙軒騎相從半夜朝行樂光輝寒食  
倍一作太平歌舞晚春饒紅妝樓下東迴輦青草洲

邊南度橋坐見司空掃西第看君侍此落花朝

上巳憶江南禊事

唐李德裕中

黃河西繞郡城流上巳應無袂褱遊爲憶漳江春水  
色更隨宵夢向吳州

洛中寄王九迴

唐孟浩然盛

卜洛成周地浮杯上巳筵關雞寒食下走馬射堂前  
垂柳金堤合平沙翠幙連不知王逸少何處會羣賢

三日贈都上人

唐殷堯藩中

曲水公卿宴香塵盡滿街無心修禊事獨步到禪齋  
細草繁愁目繁花逆旅懷綺羅人走馬遺落鳳凰釵

歲時

卷十一

十四

上巳

○三月晦日

三月三十日

唐白居易中

今朝三月盡寂寞春事畢黃鳥漸無聲朱櫻新結實  
臨風獨長歎此歎意非一半百過九年豔陽殘一日

三月三十日題慈恩寺

唐白居易中

慈恩春色今朝盡盡日徘徊倚寺門惆悵春歸留不  
得紫藤花下漸黃昏

三月盡日

唐李昌符晚

江頭從此管絃稀散盡遊人獨未歸落日已將春色  
去殘花應逐夜風飛

酬元員外三月三十日慈恩寺相憶見寄

唐白居易

悵望慈恩三月盡紫桐花落鳥關關誠知曲水春相憶其奈長沙老未還赤嶺猿聲催白首黃茅瘴色換朱顏誰言南國無霜雪盡在愁人鬢髮間

三月晦日贈劉評事

唐賈島

三月正當三十日風光別我苦吟身共君今夜不須睡未到曉鐘猶是春

春晦送客

唐雍裕之

野酌亂無巡送君兼送春明年春色盡一作莫作未

歲時

卷十一

五

三月晦日

歸人

○四月八日

四月八日贊佛詩

晉釋支遁

三春迭云謝首夏含朱明祥祥令一作日泰朗朗玄

夕清菩薩彩靈和眇然因化生四王應期來矯掌承

玉形飛天鼓弱羅騰擢散芝英綠瀾顏龍首縹緲翳

流冷芙蕖育神葩傾柯獻朝榮芳津霈四境甘露凝

玉瓶珍祥盈四八玄黃曜紫庭感降非情想恬怕同

無所營玄根泯靈府神條秀形名圓光朗東旦金姿

豔春精舍和總八音吐納流芬馨跡隨因溜浪心與

太虛冥六度啓窮俗八解濯世纓慧澤融無外空同忘化情

詠八日詩三首

晉釋支遁

大塊揮冥樞昭昭兩儀映萬品誕遊華澄清凝玄聖釋迦乘虛會圓神秀機正交養衛恬和靈知溜性命動為務下尸寂為無中鏡

真人播神化流淳良有因龍潛堯術邑漂景圖浮瀛佇駕三春謝飛轡朱明旬八維披重藹九霄落芳津玄祇獻萬舞般般遮泰伶倫淳白凝神宇蘭泉渙色身投步三才泰揚聲五道泯不為故為貴忘奇故神

歲時

卷十一

六

四月八日

緬哉玄古思想託因事生相與圖靈器像也像彼形黃裳羅帕質元服拖緋青神為恭者惠跡為動者行虛堂陳藥餌蔚然起奇榮疑似垂熾微我諒作者情於焉遺所尚肅心擬太清

○端午

五日

北齊魏收

麥涼殊未畢蜩鳴早欲聞喧林尚黃鳥浮天已白雲辟兵書鬼字神印題靈文因想蒼梧郡茲日記陳君

五日望採拾

梁王筠

裁縫逗早夏點畫守初晨綃紵既妍媚脂粉亦香新



長絲表良節命一作縷應佳辰結蘆同楚客採艾興  
詩人折花競鮮彩拭露染芳津含嬌起斜吟歛笑動  
微嚙獻瑞依洛浦懷珮似江濱須待恩光接中夜奉  
衣巾

端午

唐玄宗

端午臨中夏時清日復長鹽梅已佐鼎羹藜且傳觴  
事古人留迹年深縷續長當軒知槿茂向水堂蘆香  
憶兆同歸壽羣公共保昌忠貞如不替貽厥後昆芳

端午三殿宴羣臣得神字

唐玄宗

律中蕤賓獻壽之象著火在盛德文明之義輝故

歲時

卷十一

七

以式宴陳詩上和下暢者也朕宵衣旰食輯聲教  
於萬方上戰行師總兵鈴於四海勤食日給憂忘  
心勞聞蟬聲而悟物變見槿花而驚候改所賴濟  
濟朝廷視成鸛鷺桓桓邊塞責辦熊羆喜麥秋之  
有登玩梅夏之無事時雨近霽西郊霍靡而一色  
炎雲作峰南山嵯峨而異勢正當召儒雅宴高明  
廣殿肅而清氣生列樹深而長風至厨人嘗散熟  
之饌酒正行陶暑之飲庖捐惡鳥俎獻肥龜新筒  
裏棟香盧角黍恭儉之儀有序慈惠之意溥洽諷  
味黃老致息心於真妙抑揚游夏滌煩想於詩書

超然玄覽自足爲樂何止柏枕桃門驗方術於經  
紀綵花命縷觀問遺於風俗感婆娑於孝女憫枯  
槁之忠臣而已哉歎節氣之循環美君臣之相樂  
凡百在會咸可賦詩五言紀其日端七韻成其火  
數豈獨漢武之殿盛朝士之連章魏文之臺壯辭  
人之並作云爾

五月符天數五音調夏鈞舊來傳五日無事不稱神  
穴枕通靈氣長絲續命人四時花競巧九子粽爭新  
方殿臨華節圓宮宴雅臣進對一言重道文六藝陳  
股肱良足詠風化可逕淳

歲時

卷十一

十八

端午

端午三殿侍宴應制

唐張說

小暑夏絃應徽音商管初願齊長命縷來續大恩餘  
三殿寒珠箔羣官上玉除助陽嘗黍稷順節進龜魚  
甘露垂天酒芝花捧御書合丹同蠟燭灰骨共蟾蜍  
今日傷地意銜珠遂闕如張說巧於用才近世無比是詩成玄宗覽之親解紫  
拂帶以賜焉

岳州觀競渡

唐張說

畫作飛鳬雙競拂流炫裝山色變急棹水華浮  
土尚三閭俗江傳二女游齊歌迎孟姥獨舞送陽侯  
鼓發南湖漣標爭西驛樓垂馳恒詫速非畏日光道



官莊池觀競渡

唐儲光義

落日吹簫管清池發棹歌船爭先後渡岸激去來波  
水葉藏魚鳥林花間綺羅踟躕僊女處猶似望天河  
觀競渡

唐儲光義

大夫沈楚水千祀國人哀習棹江流長迎神雨霧開  
標隨綠雲動船逆碧波來下怖魚龍起上驚鳧鴈迴  
能令秋大有鼓吹遠相催

競渡歌

唐張建封

五月五日天晴明楊花繞江啼曉鶯使君未出郡齋  
外江上早聞齊和聲使君出時皆有準馬前已被紅  
歲時

卷十一

上九

端午

旗引兩旂羅衣破暈香銀釵照日如霜刃鼓聲三下  
紅旗開兩龍躍出浮水來棹影幹波飛萬劒鼓聲劈  
浪鳴千雷鼓聲漸急標將近兩龍望標目如瞬坡上  
人呼霹靂驚竿頭綵挂虹蜺暈前船搶水已得標後  
船失勢空揮撈瘡眉血首爭不定輪岸一朋心似燒  
只將輪贏定功賞兩旂十舟五來往須臾戲罷各東  
西競脫文身請書上吾今細觀競渡兒何殊當路權  
相持不思得旂各休去會到推車折轂時

端午日賜衣

唐杜甫

宮衣亦有名端午被恩榮細葛含風軟香羅疊雪輕

自天題處濕當暑暑來清意內稱長短終身荷聖情

端午日恩賜百索

唐竇叔向

仙官長命縷端午降殊私事盛蛟龍見恩深犬馬知  
餘生儻可續終冀答明時

五日觀妓

唐萬楚

西施謾道浣春紗碧玉今時鬪麗華眉黛奪將萱草  
色紅裙妬殺石榴花新歌一曲令人豔醉舞雙眸歛  
鬢斜誰道五絲能續命却令今日死君家

五絲

唐褚朝陽

越人傳楚俗截竹競繁絲水底深休也日中還賀之  
歲時

卷十一

上九

端午

夏至

章施文勝質列匹美於姬錦繡侔新段羔羊寢舊詩  
但誇端午節誰薦屈原祠把酒時伸奠汨羅空遠而  
○夏至

夏至避暑北池

唐韋應物

晝晷已云極宵漏自此長未及施政教所憂變炎涼  
公門日多暇是月農稍忙高居念田里苦熱安可當  
亭午息羣動獨遊愛方塘門閉陰寂寂城高樹蒼蒼  
綠筠尚含粉圓荷始散芳千鳥灑煩抱可以對華觴  
○伏

初伏

晉潘岳

南陸迎脩景朱明送末垂初伏啓新節隆暑方赫義  
朝想慶雲興夕遲白日移揮汗辭中宇登城臨清池  
涼風自遠集輕衿隨風吹靈閣曜華果通衢列高椅  
同李吏部伏日口號呈元庶子路中丞

唐包佶

火災逢六月金伏過三庚幾度衣裳汗誰家枕簟清  
頌水無下位裁扇有高名吏部還開甕勤勤二客情

廣州王園寺伏日卽事寄北中親友

唐劉言史

南越逢初伏東林度一朝竹池煎畏景高閣絕微颺

歲時

卷十一

王

伏

竹簟移先灑蒲葵破復搖地偏毛瘡近山房火威饒  
莫汗絺如濯親牀枕並燒隨枝傷翠羽萎葉惜紅蕉  
且困流金熾難成獨酌諄望霖窺潤礎思吹候鳴條  
旅恨生烏濟鄉心繫洛橋誰憐在炎客一夕壯容銷

○立秋

立秋

陳周弘讓

茲辰戒流火商飈早已驚雲天改夏色木葉動秋聲

立秋日

唐司空曙

律變新秋至蕭條自此初花酣運報謝葉在柳呈疎  
澹日非雲映清風似雨餘卷簾涼暗渡迎扇暑毛除

草靜多翻驚波澄乍露魚今朝散騎省作賦興何如

立秋日題安昌寺北亭

唐孫逖

樓觀倚長霄登攀及霽朝高如石門頂勝擬赤城標  
天路雲虹近人寰氣象遙山圍伯禹廟江落伍胥潮  
但暑迎秋薄涼風是日飄果林餘苦李萍水覆甘蕉  
覽占將夷漫陵空愛寂寥更聞金刹下鐘梵晚蕭蕭

立秋後題

唐杜甫

日月不相饒節序昨夜隔玄蟬無停號秋燕已如客  
平生獨往願惆悵年半百罷官亦由人何事拘形役

立秋雨院中有作

唐杜甫

歲時

卷十一

王

立

山雲行絕塞大火復西流飛雨動華屋蕭蕭梁棟秋  
窮途愧知已暮齒借前籌已背清晨謁那成長者謀  
解衣開北戶高枕對南樓樹濕風涼進江喧水氣浮  
禮寬心有適節爽病微瘳主將歸調鼎吾還訪舊丘

和王卿立秋卽事

唐司空曙

秋宜何處看試問白雲官暗入蟬鳴樹微侵蟬繞蘭  
向風涼稍動近日暑猶殘九陌浮埃減千峰爽氣攢  
換衣防竹暮沈果訝泉寒宮響傳花杆天清出露盤  
高禽當側弁游鱗對憑欄一奏招商曲空今繼唱難

立秋日登樂遊園

唐白居易

獨行獨語曲江頭  
迴馬遲遲上樂遊  
蕭颯涼風與衰鬢  
誰教計會一時秋

立秋夕涼風忽至炎暑稍消卽事詠懷寄汴州

節度使李二十尚書

唐白居易

娟娟簷樹動好風  
西南來紅缸纖微滅  
碧幌飄颻開披襟  
有餘涼拂簟無霏埃  
但喜煩暑退不惜光陰催  
河秋稍清淺月午方徘徊  
美人在浚都旌旗遙樓臺  
雖非滄海限難見如蓬萊  
蟬迎節又換鴈送書未廻

奉酬樂天立秋日有懷見寄

唐李紳

深夜星漢靜秋風初報涼  
望塔漸瀝瀝露葉參差光

歲時

卷十一

三

立秋

冰兔半升鳬銅壺微滴長  
薄帷乍飄卷襟帶輕搖揚  
北除窺夢清斜月滿軒房  
疑復步前楹劒戟森在行  
重城宵正分號鼓互相望  
獨坐有所思夫君鸞鳳章  
天津落星河一葦安可航  
龍泉白玉首魚服黃金裝  
報國未知效維鵜徒在梁  
徘徊顧我旃旆氣生東方  
衰葉滿欄草斑毛盈鏡霜  
羸牛未脫轅老馬強騰驤  
吟君白雪唱慚愧巴人腸

詩集類函卷十一

詩集類函卷十二

東吳俞安期彙纂

宣城梅鼎祚增定

歲時部七

七夕

中元

中秋

七夕

附

七夕

七月七日

晉李充

朗月垂玄景洪漢截皓蒼  
牽牛難牽牧一作織女空  
守箱一作襄河廣尚可越  
怨此漢無梁

七夕二首

宋孝武帝

白日傾晚照  
弦月升初光  
炫炫葉露滿  
肅肅庭風揚

歲時

卷十二

二

七夕

瞻言娟天漢幽期濟河梁  
服箱從奔軺統綺闕成章  
解帶速廻軫誰云秋夜長  
愛聚雙情欸念離兩心傷

二

開庭鏡天路餘光不可臨  
沿風被弱縷迎輝貫玄鍼  
斯藝成無取時物聊可尋

和王義興七夕

宋鮑照

宵月向掩扉夜霧方當白  
寒機思孀婦秋堂泣征客  
匹命無單年偶影有雙夕  
暫交金石心須更雲雨隔

七夕

梁武帝

白露月下團秋風枝上鮮  
瑤臺含碧霧羅幕生紫煙

妙會非綺節佳期乃凉年玉壺承夜急蘭膏後曉煎  
昔悲漢難越今傷河易旋怨咽雙念斷悽悽一作兩

情懸

七夕

梁簡文帝

秋期此時浹長夜徙河靈紫煙凌鳳羽紅光隨玉輶  
洛陽疑劍氣成都怪客星天梭織來久方逢今夜停

七夕

梁庾肩吾

玉匣卷懸衣鍼樓開夜扉姮娥隨月落織女逐星移  
離前忿促夜別後對空機倩語雕陵鵲填河未可飛

七夕

梁何遜

歲時

卷十二

二

仙車駐七襄鳳駕出天潢月映九微火風吹百和香  
來歡暫巧笑還淚已沾裳一作依依稀如洛汭倏忽似  
高唐別離未得語河漢漸湯湯

同管記陸瑜七夕四韻

陸瑜王瑒等  
二人上和

陳後主

河漢言清淺相望限煙霄雲生劍氣沒槎還客宿遙

月上仍爲鏡星連可作橋唯當有今夕一夜不迢迢

同管記陸瑜七夕五韻

陳後主

亭亭秋月明團團夕露輕鳳駕今時度霓騎此宵迎  
疏上采霞動粉外白雲生故嬌隔分別新歡起舊情

含笑不終夜香風空自停

七夕

陳江總

漢曲天榆冷河邊月桂秋婉孌期今夕飄飄渡淺流  
輪隨列宿動一作轉路逐彩雲浮橫波翻瀉淚束素反

絨愁此時機杼息獨向紅妝羞

七夕

北齊邢邵

盈盈河水側朝朝長歎息不恡漸衰苦波流詎可測  
秋期忽云至停梭理容色束衿未解帶迴鑒已沾軾  
不見眼中人誰堪機上織願逐青鳥去暫因希羽翼

七夕二首

隋王春

歲時

卷十二

三

天河橫欲曉鳳駕儼應飛落月移妝鏡浮雲動別衣  
歡逐今宵盡愁隨還路歸猶將宿昔淚更上去年機

二

終年恒弄杼今夕始停梭卻鏡看斜月移車渡淺河  
長裙動星珮輕帳拚雲羅舊愁雖暫止新愁還復多

七夕

唐杜審言

白露含明月青霞斷絳河天街七襄轉閣道二神過  
絃服鏘環珮香庭拂綺羅年年今夜盡機杼別情多

七夕

唐張文恭

鳳律驚秋氣龍梭靜夜機星橋百枝動雲路七香飛

映月迴雕扇凌霞曳綺衣含情向華幄流態入重闌  
歡餘夕漏盡怨結曉驂歸誰念分河漢還憶兩心違

七夕賦詠成篇

唐何仲誼

日日思歸勤理鬢朝朝佇望懶調梭凌風寶扇遙臨  
月映水僊車遠渡河歷歷珠星疑拖佩冉冉雲衣似  
曳羅通宵道意終無盡向曉離愁已復多

七夕賦詠成篇

唐沈叔安

皎皎霄月麗秋光耿耿天津橫復長停梭且復留殘  
緯拂鏡及早更新妝彩鳳齊駕初成輦雕鵲填河已  
作梁雖喜得同今夜枕還愁重空明日秋

歲時

卷十二

四

七夕賦詠成篇

唐凌敬

鳳駕鳴鸞啓閭闔霓裳遙裔儼天津五明霜紈開羽  
扇日和香車動畫輪婉婉夜分能幾許靚妝冶服爲  
誰新片時歡娛自有極已復長望隔年人

七夕賦詠成篇

唐許敬宗

一年抱怨嗟長別七夕含態始言歸飄飄羅襪光天  
步灼灼新妝鑒月輝情催巧笑開星靨不惜呈露解  
雲衣所歎却隨更漏盡掩泣還弄昨宵機

七夕

唐祖詠

閨女求天女更闌意未闌玉庭開粉席羅袖捧金盤

向月穿針易臨風整線難不知誰得巧明日試相看

七夕

唐崔顥

長安城中月如練家家此夜持針線僊裙玉珮空自  
知天上人間不相見長信陰深夜轉幽瑤階金閣數  
螢流班姬此夕愁無限河漢三更看斗牛

七夕

唐韋應物

人世拘形跡別去間山川豈意靈僊偶相望亦彌年  
夕衣清露濕晨駕秋風前臨歡定不住當爲何所牽

七夕

唐李賀

別浦今朝暗羅帷午夜愁鵲辭穿線月花入曝衣樓

歲時

卷十二

五

天上分金鏡人間望玉鈎錢塘蘇小小更值一年秋

七夕二首

唐劉禹錫

河鼓靈旗動嫦娥破鏡斜滿空天是幕徐轉地爲車  
機罷猶安石橋成不礙槎誰知觀津女終日望雲涯

二

天衢啓雲帳神馭上星橋初喜渡河漢頻驚轉斗杓  
餘霞張錦帳輕電閃紅綃非是人間世還悲後會遙

七夕同用秋字

唐盧綸

祥光若可求閨女夜登樓月露浩方下河雲凝不流  
鉛華潛警曙機杼暗傳秋迴想歛餘睠人天俱是愁

七夕同用期字

唐盧綸中

涼風吹玉露河漢有幽期星彩光仍隱雲容掩復離  
良宵驚曙早閨歲怨秋遲何事金闈子空傳得網絲

七夕曲

唐王建中

河邊獨自看一作星宿夜織天絲難接續拋梭振躡

動明璫爲有秋期眠不足遙愁今夜河水隔龍駕車  
轅鵲填石流蘇翠帳星渚間環珮無聲燈寂寂兩情  
纏綿忽如故復畏秋風生曉路幸迴郎意且斯須一  
年中別今始初明星未出少停車

辛未七夕

唐李商隱晚

歲時

卷十二

六

七夕

恐是僊家好別離故教迢遞作佳期由來碧落銀河  
畔可要金風玉露時清漏漸移相望久微雲未接過  
來遲豈能無意酬烏鵲唯與蜘蛛乞巧絲

七夕偶題

唐李商隱晚

寶婺搖珠珮嫦娥照玉輪靈歸天上匹巧遺世間人  
花果香千戶笙竽溢四鄰明朝曬犢鼻方信阮郎貧

七夕

唐李商隱晚

鸞扇斜分鳳幄開星橋橫過鵲飛迴爭將世上無期  
別換得年年一度來

七夕

唐溫庭筠晚

鳴機札札停金梭芙蓉澹蕩生池波神軒紅粉陳香  
羅鳳低蟬薄愁雙蛾微光奕奕凌天河鸞咽鶴唳飄  
飄歌響橋銷盡愁奈何天氣貽蕩雲波叱平明花木  
有愁意露濕綵盤蛛網多

七夕

唐羅隱晚

絡角星河舊苗天一家歡笑設紅筵應傾謝女珠璣  
篋盡寫檀郎錦繡篇香帳簇成排窈窕金針穿罷拜  
嬋娟銅壺漏報天將曉惆悵佳期又一年

七夕

唐羅隱晚

月帳星房次第開兩情唯恐曙光催時人不用穿針  
待沒得心情送巧來

歲時

卷十二

七

七夕

七夕

唐唐彥謙晚

露白風清夜向晨小星乘佩且埋輪絳河浪淺休相  
隔滄海波深尚作塵天外鳳凰何寂寞世間烏鵲謾  
辛勤猗蘭殿北斜樓上多少通宵不寐人

七夕

唐李郢晚

烏鵲橋頭雙扇開年年一度過河來莫嫌天上稀相  
見猶勝人間去不回

牛女

原作古詩

無名氏一作漢

迢迢牽牛星皎皎河漢女纖纖擢素手札札弄機杼



終日不成章泣涕零如雨河漢清且淺相去復幾許  
盈盈一水間脉脉不得語

七月七日詠織女

晉蘇彦

火流涼風至少昊協素藏織女思北止牽牛歎南陽  
時來嘉慶集整駕巾玉箱瓊珮垂藻蕤霧裙結雲裳  
金翠耀華輜軒轅散流芳釋轡紫微庭解衿碧琳堂  
歡讌未及究晨暉照扶桑仙童唱清道盤螭起騰驤  
悵悵一宵促遲遲別日長

七夕觀織女

晉王鑒

牽牛悲殊館織女悼一作怨離家一稔期一宵此期良  
歲時一作卷十二

可一作嘉赫奕玄門開飛閣鬱嵯峨隱隱驅千乘聞

聞越星河六龍奮瑤轡文螭負瓊重火丹秉瑰燭素

女執瓊華絳旗若吐電朱一作彩蓋如振霞雲韶何嘈

嗽靈鼓鳴相和停軒佇一作紆高盼眷予在岌我澤因

芳露沾恩附蘭風加明發相從遊翩翩鸞翼羅同遊

不同觀念子憂怨多敬因三祝末以爾屬貞娥

七夕詠牛女應制

宋謝莊

輟機起春暮停箱動秋衿璇居照漢右芝駕蕭河陰  
容裔泛星道逶迤濟煙潯陸離迎宵佩倏燦望昇簪  
俱傾環氣怨共耿浹年心珠殿釭未沫瑤庭路已深

夕一作夜清豈淹拂弦輝無久臨

七夕詠牛女

宋南平王鑠

秋動清風扇火移炎氣歇廣簷含夜陰高軒通夕月  
安步巡芳林傾望極雲闕組幙縈漢陳龍駕凌霄發  
誰云長河遙頗覺促延悅沈情未申寫飛光已飄忽  
來對眇難期今歡自茲沒

七月七日夜詠牛女

宋謝惠連

落日隱欄楹升月照簾櫳團團滿葉露析析振條風  
蹀足循廣除瞬目曜曾穹雲漢有靈匹彌年闕相從  
遐川阻曜愛脩渚曠清容弄杼不成藻聳鸞驚前蹤  
歲時一作卷十二

昔離秋已兩今聚夕無雙傾河易迴幹欸情一作難

久悰沃若靈駕旋寂寥雲幄空留情顧華寢遙心逐

奔龍沈吟為爾感情深意彌重

七夕詠牛女

宋謝靈運

火逝首秋節新明弦月夕月弦光照戶秋首風入隙  
凌峰步曾崖憑雲肆遙脉徙倚西北庭踈踈東南覲

紈綺無報章河漢有駿軌

為織女贈牽牛

宋顏延之

婺女麗經星姮娥棲飛月慙無二媛靈託身侍天闕  
閨闔殊未暉咸池豈沐髮漢陰不夕張長河為誰越



雖有促讌期方須涼風發虛計雙曜周空遲三星沒  
非怨杼軸勞但念芳菲歇

代織女贈牽牛

梁沈約

紅妝與明鏡二物本相親用持施點畫不照離居人  
往秋雖一照一照復還塵塵生不復拂蓬首對河津  
冬夜寒如此寧遽道陽春初商忽云至暫得奉衣巾  
施衿已成故每聚忽如新

代牽牛答織女

梁王筠

新知與生別由來儻相值如何一寸心中一宵懷  
兩事歡娛未繾綣倏忽成離異終日遙相望祇益生  
歲時

卷十二

七夕

愁思猶想今春悲尚有故年淚忽遇長河轉獨喜涼  
颼至奔精翊鳳軫纖阿警龍轡

望織女

梁范雲

盈盈一水邊夜夜空自憐不辭精衛苦河流未可填  
寸情百重結一心萬處懸願作雙青鳥共舒明鏡前

詠織女

梁劉孝儀

金鈿已照曜白日未蹉跎欲待黃昏後含嬌渡淺河

七夕宴重詠牛女各爲五韻

陳後主

明月照高臺仙駕忽徘徊雷徒聞車度霞上見妝開

房移看動馬斗轉望斟杯壓色隨星去髣髴縹緲來  
更覺今宵短只遽日輪催

牛女

唐宋之問

粉席秋期緩針樓別怨多奔龍爭渡月飛鵲亂填河  
失喜先臨鏡含羞未解羅誰能留夜色來夕倍還梭

閏月七日織女

唐王灣

耿耿曙河微神僊此夜稀今年七月閏應得兩迴歸

牽牛織女

唐杜甫

牽牛出河西織女處其東萬古永相望七夕誰見同  
神光意難候此事終朦朧颯然精靈合何必秋遂通

歲時

卷十二

七夕

亭亭新妝立龍駕具曾空世人亦爲爾祈請走兒童  
膳夫翊堂殿鳴玉淒房櫓曝衣遍天下曳月揚微風

織女詞

唐戴叔倫

鳳梭停織鵲無音夢憶僊郎夜夜心難得相逢容易  
別銀河爭似妾愁深

織女懷牽牛

唐曹唐

北斗佳人雙淚流眼穿腸斷爲牽牛封題錦字凝新  
恨拋擲金梭結舊愁桂樹三天雲漠漠銀河一帶水

悠悠欲將心就僊郎說借問榆花早晚秋

七夕穿鍼

梁簡文帝

憐從帳裏出想見夜牕開鉞歌疑月暗縷散惟風來

七夕穿鍼

梁劉孝威

縷亂恐風來衫輕羞指現故穿雙眼鉞持縫合歡扇

七夕穿鍼

梁劉遵

步月如有意情來不自禁向光抽一縷舉袖弄雙鉞

七夕穿鍼

梁柳惲

代馬秋不歸緇純無復緒迎寒理衣縫映月抽纖縷

的礫愁睇光連娟思眉聚清露下羅衣秋風吹玉柱

流陰稍已多一作流景餘光欲誰與一作難取

荅唐娘七夕所穿鍼

梁劉令嫺徐惟安

歲時

卷十二

七夕

倡人効漢女靚妝臨月華連鉞學並蒂繁縷作開花

嬌閨絕綺羅覽贈自傷嗟雖言未相識聞道出良家

曾停霍君騎經過柳惠車無由一共語暫看日升霞

題七夕圖

唐李節晚

帝子吹簫上翠微秋風一曲鳳凰歸明年七夕重相

見依舊高懸織女機

七月七日侍皇太子宴玄圃

晉潘尼

商風初授辰火微流朱明送夏少昊迎秋嘉禾茂園

芳草被疇於時我后以豫以遊

七夕宴樂修殿各賦六韻

座有張式陸瓊潘瑜姚察

七人

陳後主

秋初菱荷殿寶帳芙蓉開玉笛隨絃上金鈿逐照迴

釵光搖玳瑁柱色輕玫瑰笑靨人前欽衣香動處來

非同七襄駕詎隔一春梅神仙定不及寧用流霞杯

七夕宴玄圃各賦五韻

座有顧野王陸雲等四人

陳後主

殿深炎氣少日落夜風清月小看鉞暗雲開見縷明

絲調聽魚出吹響聞蟬聲度更銀燭盡陶暑玉卮盈

星津雖可望詎得似人情

初伏七夕已覺微涼既引應徐且命燕趙清風

歲時

卷十二

七夕

朗月以望七襄之駕置酒陳樂各賦四韻之

篇陸雲等五人陳後主

廣席多才俊重合引姝妍管絃檐外響羅綺樹中鮮

舉鉞還向月上儂復依筵渡河將口殿相看併是仙

七夕宴玄圃二首

唐高宗

羽蓋飛天漢鳳駕越層嶺俱歎三秋阻共叙一宵歡

璜虧夜月落靨碎曉星殘誰能重操杼織手濯清瀾

二

霓裳轉雲路鳳駕凌天潢虧星周夜靨殘月照朝璜

促歡今夕促長離別後長輕梭聊駐纖掩淚獨悲傷

奉和七夕宴玄圃應制二首 唐許敬宗 初

牛閨臨淺漢鸞駟涉秋河兩懷紫別緒萬縷慶停梭  
星模鉛裏靨目寫黛中蛾奈許今宵度長與離別多

二

發閨期今夕娥輪泛淺潢迎秋伴暮雨待暝合神光  
薦寢低雲鬢皇態解霓裳喜中愁漏促別後怨天長

奉和七夕宴兩儀殿應制 景龍三年七月七日  
會宴羣臣杜審言等各應制賦詩詩事出李  
行言能唱步虛歌是夕帝命為之於御  
前長跪作三洞道士音詞歌 唐杜審言 初

數曲貌偉聲揚上頰歎美 唐杜審言 初

一年銜別怨七夕始言歸歛淚開星靨微步動雲衣

歲時 卷十二 十四 七夕

天迥兔欲落河曠鵲停飛那堪盡此夜復往弄殘機

奉和七夕宴兩儀殿應制 唐李嶠 初

靈匹三秋會僊期七夕過查來人泛海橋渡鵲填河

帝縷升銀閣天機罷玉梭誰言七襄詠重入五絃歌

奉和七夕宴兩儀殿應制 唐劉憲 初

秋吹過雙闌星僊動二靈更深移月鏡河淺度雲軿

轡上呼方朔人間識武丁天文茲夜裏光映紫微庭

奉和七夕宴兩儀殿應制 唐趙彦昭 初

青女三秋節黃姑七日期星橋渡玉珮雲閣掩羅幃

河氣通僊掖天文入睿詞今宵望靈漢應得見蛾眉

奉和七夕宴兩儀殿應制 唐李義 初

桂宮明月夜蘭殿起秋風靈漢彌年阻星筵此夕同  
倏來疑有處旋去已成空睿作鈞天響覓飛在夢中

奉和七夕宴兩儀殿應制 唐蘇頌 初

靈媛乘秋發僊裝警夜催月光窺欲渡河色辨應來  
機石天文寫針樓御賞開竊觀棲鳥至疑向鵲橋迴

七夕曝衣篇 唐沈佺期 初

君不見昔日宜春太液邊披香畫閣與天連燈花灼  
爍九微映香氣氤氳百和燃此夜星繁河正白人傳

織女牽牛客宮中擾擾曝衣樓天上娥娥紅粉席曝

歲時 卷十二 十五 七夕

衣何許曉時一作半黃宮中綵女提玉箱珠履奔騰上

蘭砌金閨宛轉出梅梁絳河裏碧煙上雙花伏兔畫

一作屏風四子盤龍擎斗帳舒羅散縠雲霧開綴玉

垂珠星漢迴朝霞散綵羞衣架曉月分光劣鏡臺上

有僊人長命絡中看玉女一作實媛迎歡繡玳瑁庭中別

作春珊瑚一作璽裏翻成畫椒房金屋寵新流意氣

嬌奢不自由漢文宜惜露臺產一作晉武須燒前殿

裴

七夕月下 宋王僧達

遠山歛氛侵廣庭揚月波氣往風集噪秋還露泫柯

節氣既已屏一作節期中宵振綺羅來歡詎終夕收  
淚泣分河

奉使江州舟中七夕

梁庾肩吾

九江逢七夕初弦值早秋天河來映水織女欲攀舟  
漢使俱爲客星槎共逐流莫言相送浦不及穿鍼樓  
和東觀羣賢七夕泛昆明池 唐任希古初

秋風始搖落秋水正澄鮮飛眺牽牛渚激賞鏤鯨川  
岸珠淪曉魄池灰歛曙煙泛槎分寫漢儀星別架天  
雲光波處度月影浪中懸驚鴻結蒲弋游鱸入莊筌  
萍葉疑江上菱花似鏡前長林代輕幄細草卽芳筵

歲時

卷十二

十六

七夕

七夕泛舟

唐盧照鄰初

汀葭蕭徂暑江樹起新涼水疑通織室舟似泛僊潢  
連橈渡急響鳴棹下浮光日晚菱歌唱風煙滿夕陽  
七夕泛舟 唐梁鐙盛

七夕泛舟

唐梁鐙

他鄉七夕

唐孟浩然盛

他鄉逢七夕旅館益羈愁不見穿針婦空懷故國樓  
緒風初減熱新月始登秋誰忍窺河漢迢迢問斗牛

七夕看新婦隔巷停車

隋陳子良

隔巷遙停憶非復爲來遲只言更尚淺未是渡河時

七夕寄懷

唐竇常中

露盤花水望三星髮髯虛無降匹靈斜漢沒時人不  
寐幾條蛛網下風庭

七夕寄張氏兄弟

唐李郢晚

新秋牛女會佳期紅粉筵開玉饌時好與檀郎記花  
朶莫教清曉羨蛛絲

○中元

七月十五日題章敬寺

唐德宗

歲時

卷十二

十七

中元

招提邇皇邑複道連重城法筵會早秋駕言訪禪局  
嘗聞大德教清淨宗無生七物匪吾寶萬行先求成  
名相既雙寂繁華奚所榮金風扇微涼遠煙凝翠晶  
松院靜苔色竹房深磬聲境幽真慮恬道勝外物輕  
意適本非說含毫空復情

中元日觀法事

唐盧拱中

四孟逢秋序三元得氣中雲迎碧落步章奏玉皇宮  
壇滴槐花露香飄柏子風羽衣陵縹緲瑤轂轉虛空  
夕慕餐霞客常悲習蓼蟲青囊如可授從此訪鴻蒙  
中元作 唐李商隱晚

絳節飄飄空國來中元朝拜上清迴羊權雖得金條  
脫溫嶠終虛玉鏡臺曾省驚眠聞雨過不知迷路爲  
花開有娥未抵瀛洲遠青雀如何鳩鳥媒

中元夜

唐李郢晚

江南水寺中元夜金粟欄邊見月娥紅燭影迴僊態  
近翠環光動見人多香飄彩殿疑蘭麝霧透輕衣維  
綺羅湘水夜空巫峽遠不知歸路欲如何

中秋

十六 十七附

中秋月二首

唐李嶠初

盈缺青冥外東風萬古吹何人種丹桂不長出輪枝

歲時

卷十二

大中秋

圓臯上寒空皆言四海同安知千里外不有雨兼風

八月十五夜月二首

唐杜甫盛

滿目飛明鏡歸心折大刀轉蓬行地遠攀桂仰天高  
水路疑一作疑霜雪林棲見羽毛此時瞻白兔直欲數  
秋毫

中秋

稍下巫山峽猶銜白帝城氣沈全浦暗輪側半樓明

刁斗皆催曉蟾蜍且自傾張弓倚殘魄不獨漢家營

中秋月

唐張祐中

碧落桂含姿清秋是素期一年逢好夜萬里見明時

絕域行應久高城下更遲人間繫情事何處不相思

中秋月

唐歐陽詹中

八月十五夕舊嘉蟾兔光斯從古人好共下今宵堂  
素臯皓孤凝芳輝紛四揚徘徊林上頭泛灩天中央  
皓露助流華輕風佐浮涼清冷到肌骨潔白盈衣裳  
惜此苦宜翫攬之非可將含情顧廣庭願至沈西方

中秋月

唐朱慶餘中

自古分功定唯應缺又盈一宵當皎潔四海盡澄清  
靜覺風微起寒過雪乍傾孤高稀此遇吟賞倍牽情

歲時

卷十二

十九中秋

憶昔千秋節歡娛萬國同今來六親遠此日一悲風  
年少逢胡亂時平似夢中梨園幾人在應是涕無窮

中秋月

唐潘緯

古今逢此夜共冀滅寥明豈是月華別祗應秋氣清  
影當中土正輪對八荒平尋客徒留望瞻幾自有程

中秋夜月

唐僧棲白

尋常三五夕不是不嬋娟及到中秋半還勝別夜圓  
清光疑有露皓色爽無煙自古人皆玩年來更一年

中秋月

唐僧無可

蟾宜天地靜三五對堦賞照一作照超諸夜光芒掩衆星

影寒池更澈露冷樹銷青枉值中秋半長夜宿洞庭

奉和中書崔舍人八月十五日夜詠月二十韻

唐劉禹錫中

暮景中秋爽陰靈既望圓浮精離碧海分照接虞淵  
迴見孤輪出高從倚蓋旋二儀含皎澈萬象共登鮮  
整御當西陸舒光麗上玄從星變風雨順日助陶甄  
遠近同時望晶煢此夜偏運行調玉燭潔白應金天  
曲榭疑瑤鏡通衢若象筵逢人盡冰雪遇境卽神僊  
引素吞銀漢凝清洗綠煙臯禽驚露下鄰杵思風前  
水是還珠浦山成種玉田劒沈三尺影燈罷九枝燃

歲時

卷十二

二

中秋

八月十五夜觀月

唐劉禹錫中

星展讓光彩風露發晶英能變人間世翛然是玉京

鎮西蜀中秋夜錦樓翫月

唐武元衡中

玉輪初滿空迴出錦城東相向秦樓鏡分飛碣石鴻  
桂香隨窈窕珠綴隔玲瓏不及前秋見團圓鳳沼中

奉和中秋夜錦樓翫月二首

唐崔備中

清景同千里寒光盡一年竟天多鴈過通夕少人眠

照別江樓上添愁野帳前隋侯恩未報猶有夜珠圓

二

四時皆有月一夜獨當秋照耀初含露徘徊正滿樓  
遙連雪山靜迴入錦江流願以清光末年年許從遊

奉和中秋夜錦樓翫月

唐張正一中

高秋今夜月皓色正蒼蒼遠水澄如練孤鴻迴帶霜  
旅人方積思繁宿稍沈光朱檻叨陪賞尤宜清漏長

奉和中秋夜錦樓翫月

唐徐放中

玉露中秋夜金波碧落開鵲驚初泛濫鴻思共徘徊  
遠日清光徧高空爽氣來此時陪永望更得上燕臺

歲時

卷十二

二

中秋

鶴林寺中秋夜翫月

唐許渾晚

待月東林月正圓廣庭無樹草無煙中秋雲盡出滄  
海半夜露寒當碧天輪彩漸移金殿外鏡光猶挂玉  
樓前莫辭達曙殷勤望一墮西巖又隔年

八月十五夜詠月

唐劉滄晚

中秋朗月靜天河烏鵲南飛客恨多寒色滿牕明枕  
簾清光凝露拂煙羅桂枝斜漢流靈竇蘋葉微風動  
細波此夜空庭聞木落葉殘霜積鴈初過

八月十五夜詠月

唐殷文珣晚

萬里無雲鏡光州最團圓夜是中秋滿衣冰彩拂不



落遍地水光疑欲流

八月十五夜同衛諫議看月

唐秦韜

常時月好賴新晴不似年年此夜生  
初出海濤疑尚濕漸來雲路覺偏清  
寒光入水蛟龍起靜色當天鬼魅驚  
豈獨座中堪仰望孤高應到鳳凰城

中秋夜獨遊安國寺山亭院步月李益

寺中求與聯句

唐僧廣宣

九重城接天花界三五秋分一夜風  
行聽漏聲雲散後遙聞天雨月明中  
含涼閣近通僊掖承露盤

高出上宮誰問獨愁園外理清潭不與此宵同

歲時

卷十二

三

中秋不見月

唐羅隱

風簾淅淅漏燈痕一半秋光此夕分  
天爲素娥嬌怨苦併教西北起浮雲

酬劉端公中秋夜對月見懷

唐權德輿

涼夜清秋半空庭皓月圓動搖隨積水  
皎潔滿晴天多病佳期阻深情麗曲傳  
偏懷賞心處同望庾樓前

荅夢得八月十五夜詠月

唐白居易

南國碧雲客東京白首翁松江初有月  
伊水正無風遠思兩鄉斷清光千里同  
不知娃館上何似石樓中

中秋夕寄大梁劉尚書

唐許渾

汴人迎拜洛人留虎豹旌旗擁碧油  
刀斗更嚴軍耳目戈鋌長控國咽喉  
柳營出號風生燾蓮幕題詩月上樓  
應念散官千里外去年今夜醉蘭舟

荆渚八月十五日夜值雨寄同年李嶼

唐鄭谷

共待輝光夜翻成黯澹秋正宜清路  
望潛起滴堦愁棹倚安渚簾垂庾亮樓  
桂無香實落蘭有露花浮玉漏添蕭索  
金樽阻獻酬明年佳景在相約向神州

十六夜詠月

唐杜甫

舊挹金波爽皆傳玉露秋關山隨地闊  
河漢近人流

歲時

卷十二

三

十七夜對月

唐杜甫

秋月仍圓夜江村獨老身捲簾還照客  
倚杖更隨人光射潛蚪動明翻宿鳥頻  
茅齋依橘柚清切露華新

○秋社

唐杜甫

社日二首

九農成德業百祀發光輝報效神如在  
馨香舊不違南翁巴曲醉北鴈塞聲微  
尚想東方朔恢諧割肉歸

陳平亦分肉太史竟論功今日江南老  
他時渭北童



歡娛看絕塞涕淚落秋風鷓鴣迴金闕誰憐病峽中

秋社日崇讓園宴得新字

唐蘇頌

鳴雀三農稔句龍百代神運昌叨輔弼時泰喜黎氓  
樹缺池光近雲開日影新生全應有地長願樂交親

社日關路作

唐白居易

晚景函關路涼風社日天青巖新有燕紅樹欲無蟬  
愁立驛樓上厭行官堠前蕭條秋興苦漸近二毛年

詩集類函卷十二

文

卷十二

二

秋社

詩集類函卷十三

東吳俞安期彙纂

宣城梅鼎祚增定

構李屠中李訂校

歲時部八

九日

九月十日附

○九日

九月十日附

已酉歲九月九日

晉陶淵明

靡靡秋已夕淒淒風露交蔓草不復榮園木空自凋  
清氣澄餘滓杳然天界高哀蟬無歸響叢鴈鳴雲霄  
萬化相尋繹人生豈不勞從古皆有沒念之中心焦  
何以稱我情濁酒且自陶千載非所知聊以永今朝

歲時

卷十三

九日

九日賦韻

梁簡文帝

是節協陽數高秋氣已鼎簷芝逐月啓帷風依夜清  
逮燭承歌黛斜橋聞屐聲梁塵下未息共愛賞心并

九日

梁王修已

霜威始落翠寒氣初入堂隋珠爛似燭懸黎疑夜光  
舞步因絃折歌聲隨袂揚夜深聞漏緩簷虛覺唱長

九月九日

唐高宗

端居臨玉展承

一作初

律啓金商鳳闕澄秋色龍闈引

夕涼野靜山氣歛林疎風露長砌蘭虧半影嚴桂發  
全香滿葢荷凋翠圓花菊散黃揮鞭爭電烈飛羽亂

星光柳空穿石碎弦虛側月張怯援啼落岫驚鴈  
分行斜輪低夕景歸旆擁通莊

奉和九月九日應制

唐賀敬初

商飈凝素籥玄覽實黃圖曉霜驚斷鴈晨吹結樓烏  
寒花低岼菊涼葉下庭梧澤宮申舊典相圃叶前模  
玉砌分雕戟金溝轉鏤帶星飛夏箭映月上軒弧  
慶展簪裾洽恩融雨露濡天文發丹篆寶思掩玄珠  
承歡徒聳抃負弛竊忘軀

九日

唐王勃初

九日重陽節開門有菊花不知來送酒若箇是陶家  
歲時

卷十三

二一九日

荅王無功九日

唐崔善為初

秋來菊花氣深山客重尋露葉凝涵玉風花似散金  
摘來還汎酒獨坐即徐斟王弘貪自醉無復覓楊林  
九日

唐張諤初

秋天林下不知春一種佳遊事也均絳葉從朝飛著  
夜黃花開日未成旬將衡柏樹頻驚馬半醉歸途數  
問人城遠登高併九日茱萸凡作幾年新

九月九日酬顏少府

唐高適盛

簷前白日應可惜籬下黃花爲誰有行子迎霜未授  
衣主人得錢始沽酒蘇秦頗領人多厭蔡澤棲遲世

看醜縱使登高只斷腸不如獨坐空搔首

重陽

唐高適盛

節物驚心兩鬢華東籬空繞未開花百年將半仕三  
已五畝就荒天一涯豈有白衣來剝啄亦從烏帽自  
欹斜真成獨坐空搔首門柳蕭蕭噪暮鴉

九日

唐李白盛

今日雲景好水綠秋山明攜壺酌流霞舉菊汎寒榮  
地遠松石古風揚絃管清窺觴照歡顏獨笑還自傾  
落帽醉山月空歌懷友生

九日

唐孟浩然盛

歲時

卷十三

三一九日

九日未成旬重陽即此辰登高聞故事載酒訪幽人  
落帽恣歡飲授衣同試新茱萸正可佩折取寄情親  
九日二首

唐杜甫盛

舊日重陽日傳杯不放杯即今逢舊改但愧菊花開  
北闕心長戀西江首獨迴茱萸賜朝士難得一枝來  
二

舊與蘇司業兼隨鄭廣文采花香泛泛坐客醉紛紛  
野樹歌還倚秋砧醒却聞歡娛兩冥冥西北有孤雲  
九日

唐杜甫盛

重陽獨酌杯中酒抱病起登江上臺竹葉於人既無

分菊花從此不須開殊方日落玄猿哭舊國霜前白  
鴈來弟妹蕭條各何在干戈衰謝兩相催

九日

唐杜甫盛

去年登高鄴縣北今日重在涪江濱苦遭白髮不相  
放羞見黃花無數新世亂鸛鶴久爲客路難悠悠常  
傍人酒闌却憶十年事腸斷驪山清路塵

九日

唐杜甫盛

故里樊川菊登高素涯源他時一笑後今日幾人存  
巫峽瞿江路終南對國門繫舟身萬里伏枕淚雙痕  
爲客裁烏帽從兒具綠樽佳辰對羣盜愁絕更堪論  
歲時

卷十三

四

九日

九日

唐王綬盛

莫將邊地比京都八月蒙霜草已枯今日登高樽酒  
裏不知能有菊花無

九日

唐崔國輔盛

江邊楓落菊花黃少長登高一望鄉九日陶家雖載  
酒三年楚客已沾裳

九日

唐李嘉祐中

惆悵重陽日空山野菊新兼葭百戰地江海十年人  
歎老看衰柳傷秋對白蘋孤樓聞夕磬塘路向城闌

九日

唐德宗

禁苑秋來爽氣多昆明風動起滄波中流簫鼓鼓  
賞詐假橫汾發棹歌

九日

唐耿漳中

重陽寒寺滿楸梧密在南樓顧老夫步蹇強登遊藻  
井髮稀那更插茱萸橫空過雨千峰出大野新霜萬  
葉枯更望樽中菊花酒殷勤能得幾回沽

重陽日酬李觀

唐皇甫冉中

不見白衣來送酒但令黃菊自開花愁看日晚良辰  
過步步行尋陶令家

九日作

唐白行簡中

歲時

卷十三

五

九日

降慮意何如窮荒九月初三秋異鄉客一紙故人書  
對酒情無限開緘思有餘感時空寂寞懷舊幾躊躇  
鴈盡平沙迴煙銷大漠虛登高南望處掩淚對雙魚

九日從駕

北周王褒

黃山獵地廣青門官路長律吹三秋節氣應九鍾霜  
曙影初分地暗色始成光高旆長楸坂緹幕杏間堂

射馬垂雙帶豐貂佩兩璜苑寒梨樹紫山秋菊葉黃  
華露霏霏冷輕颺颺颺涼終慙屬車對空假侍中郎

九日幸臨渭亭登高

并序

唐中宗

陶潛盈把既浮九醞之歡卑卓持螯須盡一生之

興人題四韻同賦五言其最後成罰之引滿

九日正乘秋三杯興已周汎桂迎樽滿吹花向酒浮  
長房莫早熟彭澤菊初收何藉龍沙上方得恣淹留  
奉和九日幸臨渭亭登高應制得枝字

唐韋安石初

重九開秋節得一動宸儀金風飄菊蕊玉露滋萸枝  
睿覽八紘外天文七曜披臨深應在即居高豈慮危  
是宴也韋安石蘇琰詩最先成  
干經野盧懷慎最後成罰酒

奉和九日幸臨渭亭登高應制得暉字

唐蘇瓌初

歲時

卷十三

六 九日

重陽早露晞睿賞暇秋磯菊氣先薰酒更香更襲衣  
清切絲桐會縱橫文雅飛恩深荅效淺留醉奉宸暉  
奉和九日幸臨渭亭登高應制得歡字

唐李嶠初

令節三秋晚重陽九日歡僊杯還汎菊寶饌且調蘭  
御氣雲霄近乘高宇宙寬今朝萬壽引宜向曲中彈  
奉和九日幸臨渭亭登高應制得餘字

唐蕭至忠初

望幸三秋暮登高九日初朱旗巡漢苑翠帟俯秦墟  
寵極更房通恩深菊耐餘承歡何以荅萬億奉宸居

奉和九日幸臨渭亭登高應制得英字

唐竇希玠初

鸞輿巡上苑鳳駕瞰層城御座丹烏麗宸居白鶴驚  
玉旗紫桂葉金杯汎菊英九晨陪聖膳萬歲奉承明  
奉和九日幸臨渭亭登高應制得深字

唐韋嗣立初

層觀遠沈沈鑾旗九日臨行宮壓水听步輦入煙岑  
枝上萸新採樽中菊始斟願陪歡樂事長與歲時深  
奉和九日幸臨渭亭登高應制得花字

唐趙彥伯初

歲時

卷十三

七 九日

九日報僊家三秋轉翠華呼鷹下鳥路戲馬出龍沙  
簪挂丹萸藥杯酒紫菊花所願同微物年年共辟邪  
奉和九日幸臨渭亭登高應制得亭字

唐楊廉初

達目瞰秦垌重陽坐灞亭既開黃菊酒還降紫微星  
簫鼓迎僊曲山河入畫屏幸茲陪宴喜無以效丹青  
奉和九日幸臨渭亭登高應制得直字

唐李咸初

重陽乘令序四野開晴色日月數初并乾坤聖登極  
菊黃迎酒汎松翠凌霜直遊海難爲深負山徒倦力

奉和九日幸臨渭亭登高應制得筵字

唐閻朝隱初

九九侍神僊高高坐半天文章二曜動氣色五星連  
簪綬趨皇極笙歌接御筵願因芳菊酒相守百千年  
奉和九日幸臨渭亭登高應制得行字

唐沈佺期初

御氣幸金方憑高薦羽觴魏文頒菊藥漢武賜萸囊  
去鶴留笙吹歸鴻識舞行臣歡重九慶日月奉天長  
奉和九日幸臨渭亭登高應制得時字

唐蘇頌初

歲時

卷十三

八九日

嘉會宜長日高遊順動時曉光雲外洗晴色雨餘滋  
降鶴因韶德吹花入御詞願陪陽數節億萬九秋期  
奉和九日幸臨渭亭登高應制得龍字

唐李乂初

望幸紆千乘登高自九重臺疑臨戲馬殿似接疏龍  
捧篋更香編稱觴菊氣濃更看僊鶴舞來此慶時雍  
奉和九日幸臨渭亭登高應制得臣字

唐陸景初初

九秋光順豫重節霽良辰登高識漢苑問道侍軒臣  
菊花浮柅萸房插綰紳聖化邊陲謐長洲鴻鴈賓

奉和九日幸臨渭亭登高應制得月字

唐韋元旦初

雲物開千里天行乘九月絲言丹鳳池旆轉雙龍闕  
灞水歡娛地秦京遊俠窟欣承解慍詞聖酒黃花發  
奉和九日幸臨渭亭登高應制得高字

唐李適初

禁苑秋光入宸遊霽色高更房頒綵笥菊藥薦香醪  
後騎繁堤柳前旌拂御桃王枚俱得從疎淺愧飛毫  
奉和九日幸臨渭亭登高應制得日字

唐鄭南金初

歲時

卷十三

九九日

重陽玉律應萬乘金輿出風起韻虞絃雲開吐堯日  
菊花浮聖酒茱萸挂衰質欲知恩煦多順動觀秋實  
奉和九日幸臨渭亭登高應制得樽字

唐于經野初

御氣三秋節登高九曲門桂筵羅玉俎菊醴溢芳樽  
遵渚歸鴻度承雲舞鶴來微臣陪賞空荷聖明恩  
奉和九日幸臨渭亭登高應制得還字

唐盧懷慎初

時和素秋節宸豫紫機開鶴似聞琴至人疑宴鎬還  
曠望臨平野潺湲俯溟濶無因酬大德空此愧崇班

九日陪登高

唐張說初

重陽初啓節無射正飛灰寂寞風蟬至連翩霜馬來  
山棠紅葉下岼菊紫花開今日桓公坐多愧孟嘉才

九日已丘登高

唐張均盛

客心驚暮序賓鴈下滄洲共賞重陽節言尋戲馬遊  
湖風扶戍柳江雨暗山樓且酌東籬菊聊祛南國愁

九日登高

唐李頎盛

青山遠近帶皇州霽景重陽上北樓雨歇庭皋僊菊  
潤霜飛天苑御梨秋茱萸插髮花宜賞翡翠橫釵舞  
作愁謾說陶潛籬下醉何嘗得見此風流

歲時

卷十三

十一 九日

九日登高

唐嚴維中

詩家九日憐芳菊逐客高齋瞰浙江漁浦浪花搖素  
壁西陵樹色入秋牕木奴向熟懸金實奈落新開漏  
玉釭四子醉時爭講德笑論黃霸屈爲邦

九日齊山登高

唐杜牧晚

江涵秋影鴈初飛與客攜壺上翠微塵世難逢開口  
笑菊花須插滿頭歸但將酩酊酬佳節不用登臨悵  
落暉古往今來只如此牛山何必淚沾衣

九月九日登玄武山旅眺

唐王勃初

九月九日望鄉臺他日他鄉送客杯人情已厭南中

苦鴻鴈那從北地來

九月九日登玄武山旅眺

唐盧照鄰初

九月九日眺山川歸心歸望積風煙他鄉共酌金巵  
酒萬里同悲鴻鴈天

九月九日登玄武山旅眺

唐邵大震初

九月九日望遙空秋水秋天生夕風寒鴈一向南飛  
遠遊人幾度菊花叢

九日進茱萸山詩五首

唐張說初

家居洛陽下舉日見嵩山刻作茱萸節情生造化間

歲時

卷十三

十一 九日

黃花宜泛酒青嶽好登高稽首明庭內心爲天下勞

三

菊酒攜山客萸囊繫牧童路疑隨大隗心似問鴻蒙

四

九日重陽數三秋萬寶成時來謁軒后罷去坐蓬瀛

五

晚節歡重九高山上五千醉中知遇聖夢裏見尋僊

九月九日登龍山

唐張九齡初

郡庭常窘束涼野求昭曠楚客漁秋時桓公舊臺上  
清明風日好歷落江山望極遠何蕭條中留坐惆悵



東彌夏自關西拒荆門壯夷險雖異時古今豈殊哉  
先賢眇不接故老猶可訪投弔傷昔人揮斤感可匠  
自爲本疎散未始忘幽尚際會非有欲往來是無妄  
爲邦復多幸去國殊遷放且泛籬下菊還聆郢中唱  
灌園亦何爲於陵乃逃相

九日登山

唐李白

淵明歸去來不與世相逐爲無杯中物遂偶本州牧  
因招白衣人笑酌黃花菊我來不得意虛過重陽時  
題輿何俊發遂結城南期築土按響山俯臨宛水湄  
胡人叫玉笛越女彈霜絲自作英王胄斯樂不可窺

歲時

卷十三

十三

赤鯉湧琴高白龜道冰夷靈僊如彷彿莫酌逢相知  
古來登高人今復幾人在滄洲違宿諾明日猶可待  
連山似驚波合沓出溟海揚袂揮四座酩酊安所知  
齊歌送清觴起舞亂參差賓隨落葉散帽逐秋風吹  
別後登此臺願言長相思

九日登巴陵置酒望洞庭

水

唐李白

盛

九日天氣清登高無秋雲造化闢川嶽了然楚漢分  
長風鼓橫波合沓感龍文憶昔傳遊豫樓船壯橫汾  
今茲計鯨鯢旌旆何繽紛白羽落酒樽洞庭羅三軍  
黃花不掇手戰鼓遙相聞劍舞轉頽陽當時日停驂

酣歌激壯士可以摧妖氛齷齪測角東籬下淵明不  
足羣

九日陪潤州邵使君登北

山

唐張子容

盛

五馬向山椒重陽坐麗譙徐州帶綠水楚國在青霄  
張幕連江樹開筵接海潮凌雲詞客語迴雪舞人嬌  
梅福慙僊吏羊公賞下僚新豐酒舊美况是菊花朝

九日登玉山

唐錢起

中

霞景青山上誰知此勝遊龍沙傳往事菊酒對今秋  
步石隨雲起題詩向水流忘歸更有處松下片雲幽

歲時

卷十三

十三

九日

昔人惆悵地繫馬又登臨舊處煙霞在多時草木深  
水將空合色雲共我無心想見龍山會良辰亦似今  
九日與楊凝崔淑期登山有故不往

唐朱放

中

欲從攜手登高去一到門前意已無那得更將頭上  
髮學他年少挿茱萸

湘州九日城北亭子

唐張說

初

西楚茱萸節南淮戲馬臺寧知沅水上復有菊花杯  
亭帳憑高出親遊自遠來短歌將急景同使興情催

九日曲江

唐杜甫

盛

綴席茱萸好浮舟菡萏衰季秋時欲半九日意兼悲  
江水清源曲荆門此路疑晚來高興盡搖蕩菊花期

九日藍田崔氏莊

唐杜甫

老去悲秋強自寬興來今日盡君歡羞將短髮還吹  
帽笑倩傍人爲正冠藍水遠從千澗落玉山高並兩  
峯寒明年此會知誰健醉把茱萸仔細看

九日登梓州城

唐杜甫

伊昔黃花酒如今白髮翁追歡筋力異望遠歲時同  
弟妹悲歌裏朝廷醉眼中兵戈與關塞此日意無窮

九日登李明府北樓

唐劉長卿

歲時

卷十三

十四

九日登高望蒼蒼遠樹低人煙湖草裏山翠縣樓西  
霜降鴻聲切秋深客思迷無勞白衣酒陶令自能攜

九日同司直九叔崔侍御登寶雞南樓

唐盧綸

把菊歎將老上樓悲未還短長新白髮重疊舊青山  
霜氣清衿袖琴聲引醉顏竹林唯七友何幸亦登攀

九日登巴臺

唐白居易

黍香酒初熟菊暖花未開閒聽竹枝曲淺酌茱萸杯  
去年重陽日漂泊溢城隈今歲重陽日蕭條巴子臺  
旅鬢尋已白鄉書久不來臨觴一搔首座客亦徘徊

九日登梓州驛樓

按此詩無九日語  
存爲悼亭故事

唐許渾

鱸膾與蓴羹西風片席輕潮回孤島晚  
山晴丹羽下高閣黃花垂古城因秋倍多感鄉樹接  
咸京

奉陪裴相公重陽日遊安樂池亭

唐李郢

絳霄輕靄翊三台嵇阮情懷管樂才連沼昔爲王儉  
府菊離今作孟嘉杯寧知北闕元勳在却引東山舊  
客來自笑吐茵還酩酊日斜空從絳衣迴

歲時

卷十三

十五

九日侍宴

齊竟陵王

月殿風轉層臺氣寒高雲歛色遙露已溥式詔司警  
言戾秋變輕觴時薦落英可餐

九日侍皇太子樂遊苑

梁簡文帝

離光麗景神英春裕副極儀天金鏘玉度監撫昭明  
善物宣布惠潤崑瓊澤熙垂露秋晨精曜駕動宮闈  
露點金節霜沈玉璣玄戈側影翠羽翻輝庭迴鶴蓋  
水照犀衣蘭羞薦俎竹酒澄芬千音爲鳳自戲承雲  
紫燕躍武亦免越空橫飛鳥前半轉虵弓

九日侍宴樂遊苑

梁沈約

憑玉宅海端展御天止流飛壑靜震騰川疑神貫一作

極摘道漏泉西表委衽南風在絃暮之始綠年桂

初丹上林葉下滄池水寒霜沾玉樹鴈動輕瀾停

玉陛徙衛璫瑋瑁箱鳳綵羽蓋鸞姿虹旌迢遞翠華

歲粧禮弘灞汭義高洛湄

九日侍宴樂遊苑爲西封侯作

梁何遜

皇德無餘讓重規襲帝助垂衣化北屋睠顧慎爲君

翺飛悅有道卉木荷平分宸襟動時豫歲序屬涼氛

城霞旦晃朗槐霧曉氤氳鸞輿和八襲鳳駕啓千羣

羽觴謹湛露佾舞奏承雲禁林終宴晚華池物色曛

歲時

卷十三

十六

九日

疏樹翻高葉寒流聚細紋晴軒連瑞氣同一作惹御

香芬日斜迢遞宇風起嵯峨雲運偶參侯服恩洽厠

朝聞於焉藉多幸歲暮仰遊汾

九日侍宴樂遊苑應令

梁庾肩吾

轍跡光周頌巡遊盛夏功鉤陳萬騎轉聞闔九關通

秋暉逐行漏朔氣繞相風獻壽重陽節迴鑾上苑中

疏山開輦道間樹出離宮玉醴吹巖一作菊銀牀落

井桐御梨寒更紫仙桃秋轉紅飲羽山西射浮雲翼

北驄塵飛金埒滿葉破柳條空騰援疑矯箭驚鴈避

虛弓彫材濫杞梓花綬接鵷鴻愧乏天庭藻徒參文

雅雄

九日侍宴樂遊苑

梁丘遲

朱明已謝蓐收司禮爰理秋被備揚旌榮奉璋

金貂濟濟上林弘敞離宮非一綵殿迴風丹樓映日

隋珠甲帳屯衛周悉辟容徐動天儀澄澄謐雲物游颺

光景高麗枯葉未落寒花委砌絲桐激舞楚雅閑慧

參差繁響殷動流詣

九日侍宴樂遊苑

梁任昉

帝德峻韶夏王功書頌平共貫沿五勝獨道邁三英

我皇撫歸運時來信告成一唱華鍾石再撫被絲笙

歲時

卷十三

十七

九日

黃草歸雉木梯山薦玉榮時來濁河變瑞起溫洛清

物色動宸眷民豫一作降皇情

九日侍宴樂遊苑正陽堂詩

梁劉苞

六郡良家子幽并遊俠兒立乘爭飲羽側騎競紛馳

鳴珂飾華眊金鞍映玉羈騰羞殢海陸和齊眊秋宜

雲飛雅琴奏風起洞簫吹曲終高宴罷景落樹陰移

微薄承嘉惠飲德良不貲取効績無紀感恩心自知

爲臨川王九日侍太子宴

梁沈約

寒英始獻涼耐初醇靡靡神襟鏘鏘羣彥思媚儲猷  
洽和奉宴恩暢蘭席歡同桂殿景遠樂推臨風以眷  
麗景天枝位非德舉任伍辰階祚均河楚負岳未勝  
瞻雲難侶望古興傷心焉載佇

九日酌菊酒

梁劉孝威

露花疑始摘羅衣似適薰餘杯度不取欲持嬌使君

九日宴

唐張諤初

秋葉風吹黃颯颯晴雲日照白鱗鱗歸來得問茱萸  
女今日登高醉幾人

重九日宴江陰

唐杜審言初

歲時

卷十三

木

九日

蟋蟀期歸晚茱萸節候新降霜青女月送酒白衣人  
高興要長壽卑棲隔近臣龍沙即此地舊俗坐爲隣

岳州九日宴道觀西閣

唐張說初

搖落長年歎蹉跎遠宦心北風嘶代馬南浦宿陽禽  
佳此黃花酌酣餘白首吟涼雲羣楚望濛雨蔽荆岑  
登眺思清景誰將眷濁陰釣歌出江霧樵唱入山林  
魚以嘉名採木爲美材侵大道由中悟逍遙匪外尋  
參佐多君子詞華妙賞音留題洞庭觀望古意何深

九日侍宴應制

唐崔國輔盛

運偶千年聖時傳九日神堯樽列鐘鼓漢闕關鉤陳

金錄三清降瓊筵五老巡始驚蘭佩出復詠柏梁新  
雲鴈樓前晚霜花酒裏春歡娛無限極書劔太平人  
同崔員外恭母拾遺九日宴京兆府李士曹

唐高適盛

今日好相見羣賢仍廢曹晚晴催翰墨秋興引風騷  
絳葉擁虛砌黃花隨濁醪閉門無不可何事更登高

九日龍山飲

唐李白盛

九日龍山飲黃花笑逐臣醉看風落帽舞愛月留人  
雲安九日鄭十八攜酒陪諸公宴

唐杜甫盛

歲時

卷十三

十九

九日

寒花開已盡菊葉獨盈枝舊摘人頻異輕香酒暫隨  
地偏初衣袂山擁更登危萬國皆戎馬酣歌淚欲垂

九月九日李蘇州東樓宴

唐獨孤及盛

是菊花開日當君乘興秋風前孟嘉帽月下庾公樓  
酒解留征客歌能破別愁醉歸無以贈祗奉萬年酬

九月九日劉十八東堂集

唐李頎盛

風俗尚九日此情安可忘菊花辟惡酒湯餅茱萸香  
雲入授衣候風吹閒宇涼主人盡歡意林景晝微茫  
清切晚砧動東西歸鳥行淹留悵爲別日醉秋雲光  
奉陪李大夫九日龍沙宴會 唐權德輿盛

龍沙重九會千騎駐旌旗水木秋光淨絲桐雅奏遲  
煙蕪歛暝色霜菊發寒姿今日從公醉全勝落帽時

九日陪樊尚書龍山宴集

唐楊衡中

孟嘉從宴地千乘復登臨綠危降高步憑曠寫幽襟  
黃花翫初馥翠物喜盈斟雲雜組繡色樂和山水音  
旆搖秋吹急筵卷夕光沈都人瞻騎火猶知隔寺深

九日奉陪侍中宴白樓

唐盧綸中

露白菊氛氲西樓盛襲文玉筵秋令節金鉞漢元敷  
說劍風生座抽琴鶴遶雲諛儒無以荅願得備前軍

九日陪劉中丞宴送客

唐朱放中

歲時

卷十三

二十九

獨坐三臺妙重陽百越間水心觀遠俗霜氣入秋山  
不棄遺簪舊寧辭落帽還仍聞西上客咫尺謁天顏

九日閒居

并序

晉陶淵明

余閒居愛重九之名秋菊盈園而持醪靡由空服  
九華寄懷於言

世短意常多斯人樂久生日月依辰至舉俗愛其名  
露凄暄風息氣澈天象明往燕無遺影來鴈有餘聲  
酒能祛百慮菊爲制頽齡如何蓬廬士空視時運傾  
塵爵耻虛囂寒華徒自榮歛襟獨閑謔緬焉起深情  
棲遲固多娛淹留豈無成

衡州九日

陳江總

秋日正淒淒茅茨復蕭瑟姬人薦初醞幼子問殘疾  
園菊抱黃花庭榴剖珠寶聊以著書情暫遣他鄉日  
於長安歸還揚州九月九日行薇亭賦韻

陳江總

心逐南雲逝形隨北鴈來故鄉離下菊今日幾花開  
一作長安九日詩曰心逐南雲去身隨北鴈來故園  
離下菊今日爲誰開又作唐詩敬宗九日至徽山亭  
詩

旅中過重陽

唐朱慶餘中

一歲重陽至羈遊在異鄉登高思舊友滿目是窮荒

歲時

卷十三

二十九

草際飛雲片天涯落鴈行故山離畔菊今日爲誰黃  
婺州水館重陽日作

唐韋莊

異國逢佳節憑高獨苦吟一杯今日酒萬里故鄉心  
水館紅蘭合山城紫菊深白衣雖不至鷗鳥自相尋

重陽日卽事

唐德宗

令節曉澄霽四郊煙靄空天青白露潔菊散黃金叢  
冥德荷天貺順時休百工豈懷歌鐘樂思爲君臣同  
至化在亭育相成資始終未知康衢詠所仰惟年豐  
奉和聖製重陽日卽事六韻

唐權德輿

嘉節在陽數至歡朝野同恩隨千鍾洽慶屬五稼豐

時菊洗露華秋池涵霽空金絲響僊樂劍鳥羅羣公  
天道光下濟廣歌敷大中多懸擊壤曲何以達堯聰  
重陽日中外同歡以詩言志因示羣官

唐德宗

爽節在重九物華新雨餘清秋黃葉下菊散金潭初  
萬實行就稔百工欣所如歡心暢遐邇殊俗同車書  
至化自雍睦佳辰宜宴胥鏘鏘間絲竹濟濟羅簪裾  
此樂匪足耽此誠期永孚

奉和聖製重陽日中外同歡以詩言志因示羣  
臣  
唐權德輿中

歲時

卷十三

三

九日

玉醴宴嘉節拜恩歡有餘煌煌菊花秀馥馥萸房舒  
白露秋稼熟清風天籟虛和聲度簫韶瑞氣深儲胥  
百辟皆醉止萬方今晏如宸衷在化成藻思煥瓊琚  
微臣徒竊抃豈足歌唐虞

豐年多慶九日示懷

唐德宗

爽氣肅時令早衣聞朔鴻重陽有佳節具物欣年豐  
皎潔暮潭色芬敷新菊叢芳樽滿衢室繁吹凝煙空  
惠合信吾道保和惟爾同推誠至玄化天下期為公  
奉和聖製豐年多慶九日示懷  
唐權德輿中  
寒露應秋節清光澄曙空澤均行葦厚年慶黍禾豐

聲名暢八表宴喜陶九功文麗日月合樂和天地同  
聖言在推誠臣職事匪躬瑣細何以報軫飛淳化中  
奉和聖製九日言懷賜中書門下及百寮應制

唐權德輿中

令節在豐歲皇情喜久安絲竹調六律簪裾列千官  
煙霜暮景清水木秋光寒庭開曲池上望盡終南端  
天麗慶霄漢墨妙驚飛鸞願言黃花酒永奉今日歡  
行軍九日思長安故園  
唐岑參盛

強欲登高去無人送酒來逢憐故園菊應傷戰場開  
九日懷襄陽  
唐孟浩然盛

歲時

卷十三

三

九日

去國已如昨倏然經杪秋峴山不可見風景令人愁  
誰采籬下菊應閑池上樓宜城多美酒歸與葛強遊  
九月九日憶山東兄弟  
唐王維盛

獨在異鄉為異客每逢嘉節倍思親遙知兄弟登高  
處遍插茱萸少一人

九日有懷

唐李商隱晚

曾共山翁把酒時霜天白菊遶堦墀十年泉下無消  
息九日樽前有所思不學漢臣栽苜蓿空教楚客詠  
江離郎君官貴施行馬東閣無因再得窺

九日登望僊臺仍呈劉明府容  
唐崔曙盛



漢文皇帝有高臺此日登臨曙色開三晉雲山北  
向二陵風雨自東來開門令尹誰能識河上僊翁去  
不回我欲近尋彭澤宰陶然共醉菊花杯

宣城九日聞崔四侍御與宇文太守遊敬亭余  
時登簪山不同此賞醉後寄崔侍御二首

唐李白

九日茱萸熟插髮傷蚤白登高望山海滿目悲古昔  
遠訪投沙人因為逃名客故交竟誰在欄有崔亭伯  
重陽不相知載酒任所適手持一枝菊調笑二千石  
日暮岸帻歸傳呼隘阡陌雙白鹿賓從何輝赫

歲時

卷十三

九日

夫子在其間遂成雲霄隔良辰與美景兩地方虛擲  
晚從南峰歸蘿月下水壁却登郡樓望松色寒轉碧  
咫尺不可親棄我如遺舄

九卿天上落五馬道傍來列戟朱門曉寒帷碧帳開  
登高望遠海名客得英才紫綬歡情洽黃花逸興催  
山從圖上見谿即鏡中迴逢羨重陽作應過戲馬臺

九日龍沙作寄劉大

唐孟浩然

龍沙豫章北九日挂帆過風俗因時見湖山發興多  
客中誰送酒棹裏自成歌歌竟乘流去酒酒任夕波

九日閒居寄登高數子

唐錢起

初服棲窮巷重陽憶舊遊門閒謝病日心醉授衣秋  
酒盡黃花笑庭空暝雀愁今朝落帽客幾處管絃留

九日澧上作寄崔主簿倬二李端繫

唐韋應物

淒淒感時節望望臨澧渚翠嶺明華秋高天澄遙渚  
川寒流愈迅霜交物初委林葉索已空晨禽迎颺起  
時菊乃盈沚濁醪自爲美良遊雖可娛殷念在之子  
人生不自省營欲無終已孰能同一酌陶然冥斯理

九日寄鄭豐

唐皇甫冉

重陽秋已晚千里信仍稀何處登高望知君正憶歸  
歲時

卷十三

九日

還當採時菊定未授寒衣欲識離居恨郊園正掩扉  
重陽日寄浙東諸從事

唐李郢

野人多病門長掩荒園重陽菊自開愁裏又聞清笛  
怨望中難見白衣來元瑜正及從軍樂寧戚誰憐叩  
角哀紅旆紛紛碧江暮知君醉下望鄉臺

九日從宋公戲馬臺集送孔令詩

宋謝瞻

風至授寒服霜降休百工繁林收陽彩密苑解華叢  
巢幕無留鷺遵渚有來歸一作鴻輕霞冠秋日迅商薄  
清宮望心眷嘉節揚鑾戾行宮四筵露芳醴中堂起

絲桐扶光迫西汜歡餘宴有窮逝矣將歸客養素克  
有終臨流怨莫從歡心歎飛蓬

九日從宋公戲馬臺集送孔令 宋謝靈運

季秋邊朔苦旅鴈違霜雪淒淒陽卉腓皎皎寒潭紫  
良辰感聖心雲旗興暮節鳴葭戾朱宮蘭卮獻時哲  
餞宴光有孚和樂隆所缺在宥天下理吹萬羣方悅  
歸客逐海隅脫冠謝朝列弭棹薄枉渚指景待樂闕  
河流有急瀾浮驂無緩轍豈伊川途念宿心愧將別  
彼美丘園道喟焉傷薄劣

九日送別

唐王之渙

歲時

卷十三

王 九日

蒨庭蕭瑟故人稀何處登高且送歸今日暫同芳菊  
酒明朝應作斷蓬飛

九日送人

唐劉昫

海上正搖落客中還別離同舟去未已遠送新相知  
流水意何極滿樽徒爾爲從來菊花節早已醉東籬

九日送人

唐司空曙

送人冠獬豸值節佩茱萸均賦徵三壤登車出五湖  
水風淒落日岸葉颯衰蕪自恨塵中使何因在路隅  
和司空曙劉昫虛九日送人 唐孫昌胤

京邑歎離羣江樓喜遇君開筵當九日泛菊外浮雲

朗詠山川霽酣歌物色曛君看酒中意未肯喪斯文

九日送人

唐李嘉祐

晴景應重陽高臺愴遠鄉水澄千室倒霧卷四山長  
受節人逾老驚寒菊半黃席前愁此別未別已沾裳

九月十日即事

唐李白

昨日登高罷今朝再舉觴菊花何太苦遭此兩重陽

九月十日即事

唐嚴維

家貧惟種竹時幸故人看菊度重陽少林經閨月寒  
宿醒猶落帽華髮強扶冠美景良難得今朝更盡歡

歲時

卷十三

王 九月十日

詩傳類函卷十四

東吳俞安期彙纂

宣城梅鼎祚增定

橋李屠中孚訂校

歲時部八

冬至 蜡 臘

歲除 熬 烹 寒

○冬至

詠冬至

宋袁淑

連星貫初曆今月臨首歲薦樂行陰政登金

一作贊

陽滯收涼降天德萌華宣地惠司瑞記一作晞書

雲掌朝誓

冬至詩

晉李氏

陳新妻

歲時

卷十四

冬至

靈象尋數迴四氣平運散陰律鼓微陽大明啓脩旦

感與時來興心隨逝化歎式宴集中堂賓客盈朝館

冬至

宋傅亮

星昂殷仲冬短晷窮南陸柔荔迎時萋芳芸應節馥

一作綠

冬至

宋鮑照

舟遷莊甚笑水流孔急歎景移風度改日至晷迴換

眇眇負霜鶴皎皎帶雲鴈長河結欄杆層冰如玉岼

哀哀古老容慘顏愁歲晏催促時節過逼迫聚離散

美人還未央鳴箏誰與彈

奉和冬至應教

北齊蕭慆

天宮初動磬緹室已飛灰暮風吹竹起陽雲覆石來

拆冰開荔色除雪出蘭栽慙無宋玉辨濫吹楚王臺

冬至

唐杜甫

年年至日長爲客忽忽窮愁泥殺人江上形容吾獨

老天涯風俗自相親杖藜雪後臨丹壑鳴玉朝來散

紫宸心折此時無一寸路迷何處見三秦

日南至

唐獨孤鉉

玉曆班窮一作律凝陰發一陽輪暉猶惜短圭影漸

欣長晷度經南斗光流一作盡北堂乍疑周一作戶

歲時

卷十四

冬至

曜可愛逗林光一作積雪消微煦初萌動早芒更昇

臺上望雲物已昭彰

南至日太史登臺書雲物

唐裴達

圓丘纔展禮佳氣近初分太史方簪筆高臺紀彩雲

天容一作煙空和縹緲曉色共氛氲道泰資賢輔年豐荷

聖君恭惟同國瑞兼用察人文應念懷鉛客終朝望

碧雲

南至日太史登臺書雲物

唐于尹躬

至日行時今登臺約禮文官稱伯趙氏色辨五方雲

晝漏聽初發陽光望漸分司天爲歲備持簡出人羣

惠愛周微物生靈荷聖君長富有嘉瑞郁郁復紛紛

畫堂良夜屢長在節歌管賦詩迴筵命酒十韻

成篇得香台答雜納 陳後主

季冬初陽始寒氣尚蕭颯原葉或委低岫雲時吐飲  
雕樹乍疎迴達峰自重沓雲興四山霾風動萬籟蒼  
肅肅凝霜下我我層冰合複殿可以娛於茲多延納  
迢迢百尺觀杳杳三休閣前後訓導屏左右文衛匪  
進退簪纓移縱橫壯思雜幸矣天地泰當無范睢拉

至日登樂遊園 唐裴度中

陰律隨寒改陽和應節生祥雲觀魏闕瑞氣映秦城

歲時 卷十四 三 冬至

驗炭論時政書雲受歲盈影移長日至霧斂達霄清  
景暖僊梅動風柔御柳傾那堪封得意空對物華情

至日遣興奉寄北省舊閣老兩院故人二首

唐杜甫 盛

去歲茲辰捧御牀五更三點入鵷行欲知趨走傷心  
地正想氤氲滿眼香無路從容陪語笑有時顛倒著  
衣裳何人錯憶窮愁日愁日愁隨一線長

憶昨逍遙供奉班去年今日侍龍顏麒麟不動爐煙  
上孔雀徐開扇影還玉几由來天北極朱衣只在殿  
中間孤城此日堪腸斷愁對寒雲雪滿山

小至 唐杜甫 盛

天時人事日相催冬至陽生春又來刺繡五紋添弱  
線吹葭六琯動飛灰岸容待臘將舒柳天意衝寒欲  
放梅雲物不殊鄉國異教兒且覆掌中杯

○蜡

伊耆氏蜡辭禮記郊特牲曰天子大蜡八伊耆氏始為蜡蜡也者索也歲十二月

國伊耆國者合而稱之也○炎帝神農氏其初  
祭也○文心雕龍曰昔伊耆氏始蜡以  
祭八仲其辭云云則上皇祝文變在茲矣

土反其宅各反○此祝詞也宅猶安也土安則無崩圯水歸則水歸其壑各反○此祝詞也宅猶安也土安則無崩圯水歸則昆蟲毋作草木歸其澤各反○此祝詞也宅猶安也土安則無崩圯水歸則

歲時 卷十四 四 蜡

大蜡詩 晉裴秀

日躔星紀大呂司辰亥象改次庶衆更新歲事告成  
八蜡報勤告成伊何年豐物阜豐禋孝祀介茲萬祐  
報勤伊何農功是歸穆穆我后矜茲烝黎宣力留畝  
沾體暴肌飲饗清祀四方來綏充牣郊甸鱗集京師  
交錯貿遷紛葩相追摻袂成幕連衽成帷有肉如丘  
有酒如泉有肴如林有貨如山率土同歡和氣來臻  
祥風叶順降祉自天方隅清謐嘉祚日延與民優游  
享壽萬年

蜡日

晉陶淵明

風雪送餘運無妨時已和梅柳夾門植一條有佳花  
我唱爾言得酒中適何多未能明多少章山有奇歌

荅賀蜡

晉江偉

正元二年冬臘家君在陳郡余別在國舍不得集  
會弟廣平作詩以貽余余荅之藝文類聚作晉人然晉無正元之號

誤或

蜡節之會廓焉獨處晨風朝興思我慈父我心懷戀  
運首延佇

蜡除詩

宋張望

歲時

卷十四

五

蜡

玄靈告稔謝青龍駕拂軫鮮冰迎流結凝雷垂簷實  
人欣入蜡暢詎知歲聿盡

蜡節

北齊魏收

凝寒迫清祀有酒宴嘉平宿心何所道藉此慰中情

○臘

臘日

唐杜甫

盛

臘月常年暖尚逢今年臘日凍全消侵陵雪色還萱  
草漏洩春光有柳條縱酒欲謀良夜醉還家初散紫  
宸朝口脂面藥隨恩澤翠管銀罌下九霄

歲暮懷崔峒耿緯

唐司空曙

中

臘月江天見春色白花青柳疑寒食洛陽舊社各東  
西楚國遊人不相識

○歲除

歲盡應令

梁庾肩吾

歲序已云殫春心不自安聊開柏葉酒試奠五辛盤  
金薄圖神燕朱泥印一作却鬼丸梅花應可折倩爲雪  
中看

歲窮應教

隋薛道衡

故年隨夜盡初春逐曉生方驗從軍樂飲至入西京

除夜

唐太宗

歲時

卷十四

六

除夜

歲陰窮暮紀獻節啓新芳冬盡今宵促年開明日長  
冰消出鏡水梅散入風香對此歡終宴傾壺待曙光

除夜

唐王諷

盛

今歲今宵盡明年明日催寒隨一夜去春逐五更來  
氣色空中改容顏暗裏回風光人不覺已入後園梅

除夜作

唐高適

盛

旅館寒燈獨不眠客心何事轉悽然故鄉今夜思千  
里霜鬢明朝又一年

除日

唐韋應物

中

思懷耿如昨季月已云暮忽驚年復新獨恨人成故

水池始泮綠梅援一作還飄素淑景方轉延朝朝自難度

除夜

唐白居易中

薄晚支頤坐中宵枕臂眠一從身去國再見日周天老度江南歲春拋渭北田潯陽來早晚明日是三年

除夜

唐白居易中

歲暮紛多思天涯渺未歸老添新甲子病減舊容輝鄉國仍留念功名已息機明年四十九應轉悟前非

除夜

唐曹松晚

殘臘卽又盡東風應漸聞一宵猶幾許兩歲欲平分

歲時

卷十四

七 除夜

燎暗傾時斗春通綻處芬明朝逢把酒先合祝吾君

歲除夜

唐羅隱晚

官曆行將盡村醪強自傾厭寒思暖律畏老惜殘更歲月已如此寇戎猶未平兒童不諳事歌吹待天明

除夜

唐方干晚

玉漏斯須欲達晨四時吹轉任風輪寒燈短燼方燒臘盡角新聲已報春明日便爲今歲客昨朝猶是去年人新正定數隨年減浮世唯應日遍新

共內人夜坐守歲

梁徐君蒨

歡多情未極賞至莫停杯酒中喜桃子粽裏覓楊梅

簾開風入帳燭盡炭成灰勿疑鬢釵重爲待曉光催

守歲

唐太宗

暮景斜芳殿年華麗綺宮寒辭去冬雪暖帶入春風階馥舒梅素盤花卷燭紅共歡新故歲迎送一宵中

於太原召侍臣賜宴守歲

唐太宗

四時運灰琯一夕變冬春送寒餘雪盡迎歲早梅新

守歲待宴應制

唐杜審言初

季冬除夜接新年帝子王孫捧御筵宮闕星河低拂樹殿庭燈燭上熏天彈絃奏節梅風入對局探鉤柏酒傳欲向正元歌萬壽暫留歡賞寄春前

歲時

卷十四

八 除夜

西京守歲

唐駱賓王初

閑居寡言宴獨坐慘風塵忽見嚴冬盡方知列宿春夜將寒色去年共曉光新耿耿他鄉夕無由展舊親

岳州守歲

唐張說初

除夜清樽滿寒庭燎火多舞衣連臂拂醉坐合聲歌至樂都忘我冥心是委和今年只如此來歲知如何

岳州守歲二首

唐張說初

夜風吹醉舞庭戶對酣歌愁逐前年少歡迎今歲多

桃枝堪辟惡竹爆好驚眠歌舞留今歲猶言惜舊年



欽州守歲

唐張說初

故歲今宵盡新年明日來愁心如斗柄東北望春迴

嶺外守歲

唐李福業初

冬去更籌盡春隨斗柄迴寒暄一夜隔客鬢兩年催

京中守歲

唐丁儂芝盛

守歲多然燭通宵莫掩扉客愁當暗漏春色向明歸

玉斗巡初匝銀河落漸微開正獻歲酒千里間庭闈

秦中守歲

唐儲光義盛

衆星已窮次青帝方行春永感易成戚離居難重陳

闔門守初夜燎火到清晨或念無生法多傷未出塵

歲時

卷十四

九除夜

廣庭日將晏虛室自爲賓願以桑榆末常逢甲子新

杜位宅守歲

唐杜甫盛

守歲阿戎家椒盤已頌花盞簪喧櫪馬列炬散林鷄

四十明朝是飛騰暮景斜誰能更拘束爛醉是生涯

客中守歲

唐白居易中

守歲樽無酒思鄉淚滿巾始知爲客苦不及在家貧

畏老偏驚節防愁預惡春故園今夜裏應念未歸人

除夜宿洛州

唐白居易中

家寄關西住身爲河北遊蕭條歲除夜旅泊在洛州

除夜長安作

唐李景遜晚

長安朔風起窮巷掩雙扉新歲明朝是故鄉何路歸

鬢絲饒鏡色隙雪奪燈輝却羨秦州鴈逢春盡北歸

除夜宿石頭驛

唐戴叔倫中

旅館誰相問寒燈獨可親一年將盡夜萬里未歸人

寥落悲前事支離笑此身愁顏與衰鬢明日又逢春

除夜有懷

唐杜審言初

故節當歌守新年把燭迎冬氛戀虬箭春色候雞鳴

興盡聞壺覆宵闌見斗橫還將萬億壽更謁九重城

除夜有懷

唐孟浩然盛

五更鐘漏欲相催四氣推遷往復迴帳裏殘燈纔去

歲時

卷十四

十一除夜

焰爐中香氣盡成灰漸看春逼芙蓉枕頓覺寒銷竹

葉杯守歲家家應未卧相思那得夢魂來

歲除夜有懷

唐孟浩然盛

迢遞三巴路騷危萬里身亂山殘雪夜孤燭異鄉人

漸與骨肉遠轉於奴僕親那堪正飄泊來日歲華新

除夜書情

唐周弘亮中

何處風塵歲雲陽古驛前三冬不再稔曉日又明年

春入江南柳寒歸塞北天還傷知候客花景對韋編

除夜樂城逢孟浩然

唐張子容盛

遠客襄陽郡來過海畔家樽開柏葉酒燈發九枝花

妙曲逢盧女高才得孟嘉東山行樂意非是競繁華

除夜樂城逢張子容二首

唐孟浩然

雲海訪甌閩風潮泊島濱何知歲除夜得見故鄉親  
子是乘槎客予爲失路人平生復能幾一別十餘春

二

疇昔通家好相知無間然續明催盡燭守歲接長筵  
舊曲梅花唱新正柏酒傳客行隨處樂不見度年年

歲夜喜魏萬成郭夏雪中相尋

唐劉長卿

新年欲變柳舊客共霑衣歲夜猶難盡鄉春又獨歸  
寒燈映虛牖暮雪掩閒扉且莫乘船去平生相訪稀

歲時

卷十四

十一

余夜

除日荅夢得同發楚州

唐白居易

共作千里伴俱爲一郡迴歲陰中路盡鄉思先春來  
山雪晚猶在淮水晴欲開歸歎吟可作休戀主人杯

除夜寄弟妹

唐白居易

感時思弟妹不寐百憂生萬里經年別孤燈此夜情  
病容非舊日歸思逼新正早晚重歡會羈離各長成

歲除對王秀才作

唐韋莊

我惜今宵促君愁玉漏頻豈知新歲酒猶作異鄉身  
雪向寅前凍花從子後春到明追此會俱是隔年人

○熱

熱三首

唐杜甫

雷霆空霹靂雲雨竟虛無炎赫衣流汗低垂氣不蘇  
乞爲寒水玉願作冷秋菰何似兒童歲風涼出舞雩

二

瘴雲終不滅瀘水復西來閉戶人高卧歸林鳥却迴  
峽中都似火江上只空雷想見陰宮雪風門颯香開

三

朱李沈不冷雕胡炊屢新將衰骨盡痛被唱味空頻  
歛翕炎蒸景飄飄征伐人十年何解甲爲爾一霑巾

苦熱行

魏陳思王

歲時

卷十四

十二

熱

行遊到日南經歷交趾鄉苦熱但暴露越夷水中藏

苦熱

晉傅玄

朱明運將極溽暑晝夜興裁動四支廢舉身若山陵  
珠汗洽玉體呼吸氣鬱蒸塵垢自成泥素粉隨手凝

代苦熱行

宋鮑照

赤坂橫西阻火山赫南威身熱頭且痛鳥墜魂來歸  
湯泉發雲潭焦煙起石圻

一作

日月有恒昏雨露未

管睢丹蛇踰百尺玄蜂盈十圍含沙射流影吹蠱病  
一作行暉瘴氣書薰體茵露夜霑衣饑後莫下食晨

禽不敢飛毒涇尚多死度瀘寧具腓生軀路走地  
志登禍機戈船榮既薄伏波賞亦微爵輕君尚惜士  
重安可希

苦熱行

梁簡文帝

六龍驚不息三伏起炎陽寢興煩几案俯仰倦  
滂沱汗似鏤微靡風如湯迴池愧玉浪蘭殿非含霜  
細簾時半卷輕幌乍橫張雲斜花影沒日落荷心香  
願見洪崖井詎憐河朔觴

苦熱

梁何遜

昔聞草木焦今窺一作沙石爛瞠瞠風逾靜瞠瞠日  
歲時卷十四

漸肝習靜悶一作衣巾讀書煩几案卧思清露濕

待高星燦蝙蝠戶中飛蠅螻蛄間亂實無河朔飲空  
有臨淄汗遺金不自拾惡木寧無餘願以三伏晨

促九秋換

苦熱

梁任昉

旭日煙雲卷烈景入東軒傾光望轉蕙斜日照西垣  
既卷蕉梧葉復傾葵藿根重簾無冷氣挾石似懷溫  
露霖類珠綴喘嚇狀雷奔

苦暑

梁王筠

日坂一作散朱零天隅歛青靄飛颺一作煥南陸炎

津通北瀨繁星聚若珠密雲屯似蓋月至每開襟風  
過時解帶

苦暑

梁劉孝威

暮日苦炎溽遷坐接階廊月麗姮娥影星含織女光  
棲禽動夜竹流螢出閨牆香盤糝鮮粉雕壺承玉漿  
白羽徒垂握綠水自周堂弱紈猶覺重纖絢尚少涼  
弄風思漢朔戲雨憶吳王玄水術難驗赤道漏猶長  
誰能更吹律還令黍谷涼

和樂儀同苦熱

北周庾信

火井沈焚散炎洲高燄通鞭石未成雨鳴鳶不起風  
歲時卷十四

思為鸞翼扇願借明光宮臨淄迎子禮中散就安豐  
美酒含蘭氣甘瓜開蜜筒寂寥人事屏還得隱牆東  
和長孫秘監伏日苦熱唐任希古

玉署三時曉金羈五日歸北林開逸徑東閣敞閒扉  
池鏡分天色雲峰減日輝游鱗映荷聚驚翰遶林飛  
披襟揚子宅舒嘯仰重闈

苦熱

唐王維

赤日滿天地火雲成山岳草木盡焦卷川澤皆竭涸  
輕紈覺衣重密樹苦陰薄莞簾不可近絺綌再三濯  
思出宇宙外曠然在家廓長風萬里來江海蕩煩濁

却顧身爲患始知心未覺忽入甘露門宛然清涼樂

奉和李大夫同呂評事太行苦熱行

唐獨孤及

駟馬上太行脩途亘遠碣已忘羊腸險豈憚溫風熱  
搖策汗滂沱登崖思紆結炎雲如煙火谿谷將恐竭  
晝景絕可畏涼颶何由發山長飛鳥隔目極行車絕  
奉和李大夫同呂評事太行苦熱行

唐劉長卿

迢遞太行路自古稱險惡千騎嚴欲前羣峰望如削  
火雲從中出仰視飛鳥落汗馬卧高原危旌倚長薄

歲時

卷十四

十五

清風何不至赤日何煎鑠石枯山木焦鱗窮水泉涸  
九重今旰食萬里傳明畧諸將候軒車元兇愁鼎鑊  
何勞短兵接自有長纓縛通越事豈難渡滙功未博

苦熱

唐司空曙

暑氣發炎州焦煙遠未收嘯風兼熾熾揮汗訐成流  
鸛鵲投林盡龜魚擁石稠漱泉齊飲酎衣葛劇兼裘  
長簾貪軟枕輕巾嬾挂頭招商如有曲一爲取新秋

夏夜苦熱登西樓

唐柳宗元

苦熱中夜起登樓獨寒衣山澤凝暑氣星漢湛光輝  
火晶燥露滋野靜停風威探湯汲陰井煬竈聞重扉

憑欄久徬徨流汗不可揮莫辨亭毒意仰訴璿與璣  
諒非姑射子靜勝安能希

酬薛員外詎苦熱行

唐僧皎然

六月金數伏茲辰日在庚炎曦曝肌膚毒霧昏檐楹  
安得奮翅翮超遙出雲征不知天地心如何匠生成  
火德燒百卉瑤草不及榮省客當此時忽貽懷中瓊  
捧翫煩袂滌嘯歌美風生遲君佐元氣調使四序平  
中今霜不燠火餘氣常貞江南詩騷客休吟苦熱行  
太子李舍人城東別業與二三文友逃暑

唐錢起

歲時

卷十四

十六

下馬失炎暑重門深綠簾宮臣禮嘉客林表開蘭堂  
鳥道挂疎雨人家殘夕陽城隅擁歸騎留醉戀瓊芳  
早秋苦熱堆案相仍

唐杜甫

七月六日苦炎蒸對食暫餐還不能每愁夜中自足  
蠅况乃秋後轉多蠅束帶發狂欲大叫簿書何急來  
相仍南望青山架短壑安得赤脚踏層米

嘲熱客

晉程曉

平生三伏時道路無行車閉門避暑臥出入不相過  
今世一作今祇一作穢穢子觸熱到人家主人聞客來輒感奈  
此何謂當起行去安坐正咨嗟一作所說無一急嗒

哈一何多疲瘵向之久甫問君極那搖扇髀中疾一作痛  
流汗正滂沱莫謂爲小事亦是一大瑕傳戒諸高明熱行宜見呵

僧房避暑

唐嚴維中

支公好閒寂庭宇愛林篁幽曠無煩暑恬和不可量  
蕙風清水殿荷氣雜天香明月談空坐恬然道術忘

銷暑

唐白居易中

何以銷煩暑端居一院中眼前無長物牕下有清風  
熱散由心靜涼生爲室空此時身自得難更與人同

月夜登閣避暑

唐白居易中

歲時

卷十四

十七熱

早久炎氣甚中人若燔燒清風隱何處草樹不動搖  
何以避暑氣無如出塵囂行行都門外佛閣正蒼蒼  
清涼近高生煩熱委靜銷開襟當軒坐意泰神飄飄

香山避暑

唐白居易中

六月灘聲如猛雨香山樓北暢師房夜深起凭欄杆  
立滿耳潺湲滿面涼

自朔方還與鄭式瞻崔稱鄭子周岑贊同會法

雲寺三門避暑

唐李益中

予本疎放士竭來非外矯誤落邊塵中愛山見山少  
始投清涼宇門值煙岫表參差互明滅彩翠竟昏曉

泠泠遠風來過此羣木杪英英二三彥襟曠去煩擾  
游川出潛魚息陰勸飛鳥

同崔峒補闕慈恩寺避暑

唐盧綸中

寺涼高樹合卧石綠陰中伴鶴慙仙侶依僧學老翁  
魚沈荷葉露鳥散竹林風始悟塵居者應將火宅同

多病執熱奉懷李之芳尚書

唐杜甫感

衰年正苦病侵凌首夏何須氣鬱蒸大水淼茫炎海  
接奇峰碑兀火雲升思霑道暍黃梅雨敢望宮恩玉  
井冰不是尚書期不顧山陰野雪興難乘

時熱少見客因詠所懷

唐白居易中

歲時

卷十四

十八熱

冠櫛心多嬾逢迎典漸微況當時熱甚幸遇客來稀  
濕灑池邊地涼開竹下扉露牀青篾簟風架白蕉衣  
院靜留僧宿樓空放妓歸衰殘強歡宴此事久知非

○涼

清涼

梁張率

登臺待初景帳殿謁餘晨羅帳夕風濟清氣尚波人  
長簾涼可仰平莞溫未親幸願同枕席爲君橫自陳

晚涼偶詠

唐白居易中

日下西牆西風來北牕北中有逐涼人單牀獨棲息  
飄蕭過雲雨搖曳歸飛翼新葉多好陰初筠有佳色

幽深小池館優穩閒官職不愛勿復論愛亦不易得

新秋喜涼

唐白居易中

過得炎蒸月尤宜老病身衣裳朝不潤枕簟夜相親  
樓月纖纖早波風嫋嫋新光陰與時節先感是詩人

納涼

梁元帝

高春斜日下佳氣滿欄楹池紅早花落水綠晚苔生  
星稀月稍上雲開河尚橫白鳥翻帷暗丹螢入帳明  
珠基趨北闕玳席徙南榮金鋪掩夕扇玉壺傳夜聲

晚景納涼

梁簡文帝

日移涼氣散懷抱信悠哉珠簾影空捲桂戶向池開

歲時

卷十四

十九

涼

鳥一作

棲星欲見河淨月應來橫階入細笋蔽地濕

輕苔草化飛爲火蚊聲合似雷於茲靜聞見自此歇  
氛埃

納涼梧下

梁簡文帝

斜日晚駸駸池塘生半陰避暑高梧側輕風時入襟  
落花還就影驚蟬乍失林遊魚吹水沫神蔡上荷心  
翠竹垂秋采丹棗映疎砧無勞夜遊曲寄此託微吟

薄晚逐涼北樓迴望

梁簡文帝

平衢望如掌層雉暖相連斷雲留去日長山減半人  
戲鳧乘汰下漁舟冒浪前

玄圃納涼

梁簡文帝

登山想劒閣逗浦憶辰陽飛流如凍雨夜月似秋霜  
螢翻競晚熱蟲思引秋涼鳴波如礪石聞草別蘭香

奉和太子納涼梧下應令

梁庾肩吾

北園涼氣早步輦暫逍遙避日交長扇迎風列短簫  
山帶彈琴曲桐橫棲鳳條懸門開溜水錦石鎮浮橋  
黑米生菰葉一作青花出稻苗無因學仙藻雲氣徒  
飄飄

和晉安王薄晚逐涼北樓迴望應教

梁庾肩吾

歲時

卷十四

二十

涼

向夕紛誼屏追涼飛觀中樹影臨城日隄含度水風  
遙天如接岬遠帆似凌空陪文慙宋玉徒等侍蘭宮

奉和玄圃納涼

梁劉綏

清氣流暄濁非關狹室中當由小堂上自有大王風  
蟪蛄動蘭室神飈起桂叢披襟深簾賞曲巷何由同  
秋夕納涼奉和刑獄舅

梁江淹

蕭條晚秋景旻雲承景斜虛堂起青霞崦嵫生暮霞  
空居寂以欹左右自幽歌騎星謝箕尾濯髮慙陽阿  
年歇玄圃壁歲減天津波金簫哀夜長瑤琴怨暮多  
四時通信黯春風日夜過楚水徒有蘭憂至竟如何



奉和逐涼

梁劉孝威

鐘鳴夜未央避暑起徬徨長河似曳素明星若散瑞  
倚巖欣石冷臨池愛水涼月纖張敞盡荷妖韓壽香  
對此遊清夜何勞娛洞房

內園逐涼

陳徐陵

昔有北山北一作東海東納涼高樹下直坐落  
花中狹徑長無跡茅齋本自空提琴就竹篠酌酒勸  
梧桐

小園納涼卽事

唐蘇頌

煩暑避鬱蒸歸閒習高明長風自遠來層閣有餘清  
歲時

卷十四

王

散灑納涼氣蕭條遺世情奈何誇大隱終日繫塵纓

納涼

唐王維

喬木萬餘株清流貫其中前臨大川口豁達來長風  
漣漪涵白沙素鮪如游空偃卧盤石上翻濤沃微躬  
漱流復濯足前對釣魚翁貪餌凡幾許徒思蓮葉東

夏日納涼

唐嚴維

山陰過野客鏡裏接仙郎盟漱臨寒水塞幃入夏堂  
杉松交日影枕簟上湖光袞袞承嘉話清風納晚涼  
精舍納涼

唐元稹

山景寂已晦野寺變蒼蒼夕風吹高殿露葉散林光

清鐘始戒夜幽禽尚歸翔誰復掩扉卧不詠南軒涼

晚夜逐涼

唐白居易

送客出門後移牀下砌初赴涼行繞竹引睡卧看書  
老更爲官拙慵多向事疎松牕倚藤杖人道似僧居

與孟郊納涼聯句

唐韓愈

遽嘯取逢風微微近秋朔郊青燐文簾施澹澈甘瓜  
濯淒如飢寒門皓若攢玉璞掃寬延鮮飗汲冷清香  
穉愈賈勇發霜刃爭前曜水槩感衰悲舊改工異逞  
新作

涼思

唐李商隱

歲時

卷十四

王

客去波平檻蟬休露滿枝永懷當此節倚立自移時  
北斗兼春遠南陵寓使遲天涯占夢數疑誤有新知  
東郊納涼憶左威衛李錄事收昆季太原崔參  
軍三首

并序

唐樓穎

僕三伏於通化門東北數里避暑之地地卽故倅  
天官顧公之舊林今貳冢宰君李公之別業右抵  
禁籞斜界沁園空水相輝步虹橋而下視竹木交  
映弄仙棹而傍窺足滌煩襟陶蒸暑獨往成興恨  
不與數公共之率然有作因以見意

水竹誰家宅幽庭向苑門今知季倫沼舊是辟疆園

饑驚窺魚靜鳴鷗帶子喧興成祇自適欲白反忘言

二

納涼每選地近得青門東林與綠垣接池將沁水通  
枝交帝女樹橋映美人虹想是忘機者悠悠在興中

三

林間求適意池上得清飈稍稍斜回機時時一度橋  
水光壁際動山影浪中搖不見李元禮神仙何處要  
○寒

寒

江瘴節候暖臘初梅已殘夜來北風至喜見今日寒

歲時

卷十四

三

寒

扣冰淺塘水擁雪深竹欄復此滿樽醪但嗟誰與歡

早寒

唐白居易中

黃葉聚牆角青苔圍柱根被經霜後薄鏡遇雨來昏  
半捲寒簷幕斜開暖閣門迎冬兼送老只仰酒盈樽

暮寒

梁劉氏王淑英妻

梅花自爛熳百舌早迎春逾寒衣逾薄未肯惜腰身

暮寒

唐杜甫盛

霧隱平郊樹風含廣岬波沈沈春色靜慘慘暮寒多  
戍鼓猶長擊林鶯遂不歌忽思高宴會朱袖拂雲和

苦寒謠

晉夏侯湛

惟立冬之初夜天慘慄以降寒霜皚皚以被庭水澹  
灝於井幹草檄檄以疏葉木蕭蕭以零殘松隕葉於  
翠條竹摧柯於綠竿

苦寒行

晉陸機

北遊幽朔城涼野多險難一作難俯入窮谷底仰陟高

山盤凝水結重礪積雪被長巒陰雲興巖側悲風鳴

樹端不覩白日景但聞寒鳥囀一作喧猛虎憑林嘯玄

猿臨岬歎夕宿喬木下慘愴恒鮮歡渴飲堅冰漿饑

待零露餐離思固已久一作久寤寐莫與言劇哉行役

人慊慊恒苦寒

歲時

卷十四

三

寒

苦寒行二首

宋謝靈運

歲歲層氷合紛紛霰雪落浮陽滅清暉寒禽叫悲壑

飢爨煙不興渴汲水枯涸

樵蘇無夙飲鑿氷煮朝餐悲矣采薇唱苦哉有餘酸

苦寒行

唐喬知之初

胡天夜清迴孤雲獨飄揚搖曳出鴈關逶迤含晶光

陰陵久徘徊幽都無多陽初寒凍巨海殺氣流大荒

朔馬飲寒水行子履胡霜路有從役倦卧死黃沙場

羈旅因相依慟之淚沾裳由來從軍行賞存不賞亡

亡者誠已矣徒令存者傷

前苦寒行二首

唐杜甫

漢時長安雪一丈牛馬毛寒縮如蜩楚江巫峽冰入懷虎豹哀號又堪記秦城老翁荆楊客慣習炎蒸歲

去年白帝雪在山今年白帝雪在地凍埋蛟龍南浦縮寒刮肌膚北風利楚人四時皆麻衣楚天萬里無晶輝三尺之烏足恐斷義和迭迭將安歸

後苦寒行二首

唐杜甫

南紀巫廬瘴不絕太古以來無尺雪蠻夷長老怨苦寒崑崙天關凍應折玄猿口噤不能嘯白鵠翅垂眼

歲時

卷十四

三五

流血安得春泥補地裂

晚來江門失大木猛風中夜飛白屋天兵斬斷青海戎殺氣南行動坤軸不爾苦寒何大酷巴東之峽生凌斯彼蒼迴幹人得知

苦寒吟

唐孟郊

天色寒青蒼北風叫枯桑厚水無裂文短日有冷光敲石不得火壯陰正奪陽調苦竟何言凍吟成此章

寒江吟

唐孟郊

冬至日光白始知陰氣凝寒江波浪凍急一作千里無平水飛鳥絕高羽一作行人皆晏興荻洲素浩渺碣

岸斯破磳煙舟忽自阻風帆不相乘

北中寒

唐李賀

一方黑照三方紫黃河水合魚龍死三尺木皮斷文理百石強車上河水霜花草上大如錢揮刀不入迷濛天淨滄海水飛凌喧山瀑無聲玉虹懸

舟中寒望

梁庾肩吾

日暮敞島舟層水合駛流雪照齊君履寒入楚王裘

黃竹詩

三章○穆天子傳曰丙辰天子遊黃臺大寒北風雨雪有來人

我徂黃竹

字一員閼寒帝收九行○周穆王

歲時

卷十四

我公侯百辟冢卿皇我萬民旦夕勿忘之也

二

我徂黃竹字一員閼寒帝收九行嗟我公侯百辟冢卿皇我萬民旦夕勿窮今無困也

三

有皎者駱駝鳥名翩翩其飛嗟我公侯勿則遷居樂甚寡不如遷土求安禮樂其民○言當以禮樂化其人也本傳註曰自侯以下似當云百辟冢卿皇我萬民○勿則遷

詩雋類函卷十四

詩集類函卷十五

東吳俞安期彙纂

宣城梅鼎祚訂定

橋李項德芬訂校

歲時部十

曉 晚 夜 早

○曉

詠曉

唐韋應物

軍中始吹角城上河初落深沈猶隱帷晃朗先分閣

詠曉

唐溫庭筠

蟲歇紗牕靜鴉散碧梧寒稍驚朝佩動猶傳清漏殘

亂朱凝燭淚微紅上露盤寒衣復理鬢餘潤拂芝蘭

歲時

卷十五

曉色

梁武陵王紀

晨禽爭學囀朝花亂欲開爐煙入斗帳屏風隱鏡臺

紅妝隨淚盡蕩子何當來

將曉二首

唐杜甫

石城除擊柝鐵鎖欲開關鼓角悲荒塞星河落曉山

巴人常小梗蜀使動無還垂老孤帆色飄飄犯百蠻

二

軍吏回官燭舟人自楚歌寒沙蒙薄霧落月去清波

壯惜身名晚衰慚應接多歸朝日簪笏筋力定如何

欲曙

唐元稹

江隄閱暗流漏鼓急殘籌片月低城堞  
鶴媒華表上鷓鴣柳枝頭不為來趨府何因欲曙遊

東方半明

唐韓愈

東方半明大星沒猶有太白配殘月嗟爾殘月勿相

疑同光共影須臾期殘月暉暉太白睽睽

更五點

春早

唐韋莊

聞鶯纔覺曉閉戶已知晴一帶牕間月斜穿枕上生

和湘東王冬曉三韻

梁簡文帝

冬朝日照梁舍怨下前牀帷寒竹葉帶鏡轉菱花光

歲時

卷十五

會是無人見何用早紅妝

奉和湘東王冬曉應令

梁蕭子暉

步櫳光欲通曙鳥向西東燭滅傳餘氣帷香開曉風

繁花無處盡還銷寒鏡中

奉和湘東王冬曉應令

梁劉孝威

妾家邊洛城慣識曉鐘聲鐘聲猶未盡漢使報應行

天寒硯水凍心悲書不成

奉和湘東王冬曉應令

梁劉孝先

晨霞影翠帷思婦織霜絲輕寒牽杼澀釧冷調梭遲

乍廢倡樓粉貪赴遠人期

奉和湘東王冬曉應令

梁庾肩吾

鄰雞聲已傳愁人竟不眠月光侵曙後霜明落曉前  
繁髮起照鏡誰忍插花鈿

奉和湘東王冬曉應令

梁劉孝綽

冬曉風正寒偏念客衣單臨妝罷鉛黛含淚翦綾紈  
寄語龍城下詎知書信難

賦得晨光動翠華

唐□□□

早朝開紫殿佳氣逐清晨北闕華旌在東方曙景新  
影連香露合光媚慶雲頻鳥羽飄初定龍文照轉真  
直宜環珮入長愛冕旒親搖蕩祥雲裏朝朝映侍臣

歲時

卷十五

唐白居易

東樓曉

唐白居易

脉脉復脉脉東樓無宿客城暗雲霧多峽深田地窄  
宵燈尚留焰晨禽初展翮欲知山高低不見東方白

石城曉

唐李賀

月落大堤上女垣棲鳥起細露濕團紅寒香解夜醉  
女牛渡天河柳煙滿城曲上客留斷纓殘蛾鬬雙綠  
春帳依微蟬翼羅橫茵突金隱體花帳前輕絮鵝毛  
起欲說春心無所似

宿郊外曉作

隋王衡

殘星落簷外餘月罷牕東水白先分色霞暗未成紅

晨出郡舍林下

唐張九齡

晨興步北林蕭散一開襟復見林上月娟娟猶未沈  
片雲自孤遠叢篠亦清深無事由來貴方知物外心

和張九齡晨出郡舍林下

唐崔頌

優閒表政清林薄賞秋成江上懸曉月往來虧復盈  
天雲抗直意郡閣晦高名坐嘯應無欲寧辜濟物情

早起

唐王建

迴燈正衣裳出戶星未稀堂前候姑起環珮生晨輝  
暗池光羃歷密樹花葳蕤九城鐘漏絕遙聽直郎歸

早起

唐楊厚

歲時

卷十五

唐楊厚

星漢轉寒更伊余索寞情鐘催歸夢斷鴈引遠愁生  
危壁蘭光暗疎簾露氣清閒庭聊一望海日未分明

早起

唐曹鄴

月墮滄浪西開門樹無影此時歸夢闌立在梧桐井

早起

唐李商隱

風露澹清晨簾間獨起人鶯花啼又笑畢竟是誰親

曉起

唐李商隱

擬杯當曉起呵鏡可微寒隔箔山櫻熟寒帷桂燭殘  
書長爲報晚夢好更尋難影響輪雙蝶偏過舊曉蘭

晨起二首

唐許渾

桂樹綠層層風微煙露凝簷楹銜落日韓偓  
殘燈湘簾曙香冷越瓶秋水澄心閒卽無事何異住山僧

二

殘月皓煙露掩門深竹齋水蟲鳴曲檻山鳥下空階  
清鏡曉看髮素琴秋寄懷因知北牕客一作日與世

情乖

晨起

唐曹松 晚

曉色教不睡卷簾清氣中林殘數枝月髮冷一梳風

廣州津亭曉望

唐張九齡 初

明發臨前渚寒來淨遠空水紋天上碧日氣海邊紅

歲時

卷十五

五 曉

景物紛爲異人情賴此同乘桴自有適非欲破長風

曉望

唐杜甫 盛

白帝更聲盡陽臺曉色分高峰寒上日疊嶺宿霾雲  
地坼江帆隱天清木葉聞荆扉對麋鹿應共爾爲羣

和曉望

唐白居易 中

休吟稽山曉聽詠秦城旦雞鳴初有聲宿鳥猶未散  
丁丁漏向盡鑿鑿鼓過半南山青沈沈東方白漫漫  
街心若流水城角如斷岸星河稍隅落宮闕方輪煥  
朝車雷四合騎火星一貫赫奕冠蓋盛熒煌朱紫爛  
沙堤巨墓池市路遶龍斷白日忽照耀紅塵紛散亂

貴教過客避榮任行人看祥煙滿虛空春色無邊畔  
鷓鴣行候晷刻龍尾登霄漢臺殿暖宜攀風光晴可翫  
草鋪地茵褥雲卷天幃幔鶯鶯雜佩鐙鐙花饒衣粲粲  
華州客舍奉和崔端公春城曉望

唐耿湋 中

不語看芳徑悲春嬾獨行向人微月在報雨早霞生  
貧病催年齒風塵掩姓名賴逢驄馬客郢曲緩羈情

曉望

唐杜牧 晚

獨起望山色水雞鳴蓼洲房星隨月曉楚木向雲秋  
曲渚疑江盡平沙似浪浮秦原在何處澤國碧悠悠

歲時

卷十五

六 曉

天街曉望

唐許渾 晚

明一作星低未央蓮闕迴蒼蒼疊鼓催殘葉疎鐘迎  
早霜關防浮瑞氣宮館耀神光再拜爲君壽南山高  
且長

早歸

唐元稹 中

春靜曉風微凌晨帶酒歸遠山籠宿霧高樹影朝暉  
飲馬魚驚水穿花露滴衣嬌鶯似相惱含嚬傍人飛

曉興

唐白居易 中

牕聲度殘漏簾影浮初旭負喧簷宇下散步池塘曲  
南鴈去未迴東風來何速雪依瓦溝白草遶牆根綠



何言萬戶州太守常幽獨

早夏曉興

唐白居易中

牕明簾薄透朝光卧整巾簪起下牀背壁燈殘經宿  
焰開箱衣帶隔年香

曉思

唐王建中

曉氣生綠水春條露霏霏林間棲鳥散遠念征人起  
幽花宿含彩早蝶寒弄翅君行非晨風詎能從門至

澗碧驛曉思

唐溫庭筠晚

香燈伴殘夢楚國在天涯月落子規歌滿庭山杏花

早覺有懷

唐呂溫中

歲時

卷十五

一 晚

東方殊未明暗室蟲正飛先覺忽先起衣裳顛倒時  
嚴冬寒漏長此夜如何其不用思秉燭扶桑有清暉

池上清晨候皇甫郎中

唐白居易中

曉景麗未熱晨飈鮮且涼池幽綠蘋合霜潔白蓮香  
深掃竹間逕靜拂松下牀玉柄鶴翎扇銀鬕雲母漿  
屏除無俗物瞻望唯清光何人擬相訪羸女從蕭郎

酬杜五弟晴朝獨坐見贈

唐李嶠初

平明坐虛館曠望幾悠哉宿霧分空盡朝光度隙來  
影低藤架密香動藥欄開未展山陽會空留池上杯

夜宿西閣曉呈元二十一曹長 唐杜甫 歲

城暗更籌急樓高雨雪微稍通綰幕霽遠帶玉繩稀  
門鵲晨光起橋烏宿處飛寒江流甚細有意待人歸

趨府候曉呈兩縣僚友

唐韋應物中

趨府不遑安中宵出戶看滿天星尚在近壁燭仍殘  
立馬頻驚曙垂簾却避寒可憐同宦者應悟下流難

冬曉呈鄰里

唐盧綸中

終夜寢衣冷開門思曙光空塔一叢葉華室四鄰霜  
望闕覺天迴憶山愁路荒途中一留滯雙鬢颯然蒼

赴京初入口曉景即事先寄兵部李郎中

唐杜牧晚

歲時

卷十五

八

晚 晚

清淮控隋漕北走長安道檣形櫛櫛斜浪態迤迤好  
初旭紅可染明河澹如掃澤潤鳥來遲村饑人語早  
露蔓蟲絲多風蒲燕雛老秋思高蕭蕭客愁長裊裊  
因懷京洛間官遊何戚草什伍持津梁瀕湧爭追討  
翹便詎可尋幾秘安能考小人之聲香上下將何禱  
唯有君子心顯豁知幽抱

○晚

晚

唐杜甫 歲

杖藜尋巷晚炙背近牆暄人見幽居僻吾知養拙尊  
朝廷問府主耕稼學山村歸翼飛棲定寒燈亦閉門

嘆

唐杜甫

日下四山陰山庭嵐氣侵牛羊歸徑險鳥雀聚枝深  
正枕當星劍收書動玉琴半扉開燭影欲掩見清砧

日暮

唐杜甫

日落風亦起城頭烏尾訛黃雲高未動白水已揚波  
羌婦語還哭胡兒行且歌將軍別上馬夜出擁彫戈

日暮

唐杜甫

牛羊下來夕各已閉柴門風月自清夜江山非故園  
石泉流暗壁草露滿秋根頭白燈明裏何須花燼繁

向夕

唐杜甫

歲時

卷十五

九

賦畝孤城外江村亂水中深山催短景喬木易高風  
鶴下雲汀近雞棲草屋同琴書散明燭長夜始堪終

向晚

唐李商隱

當風橫去憶臨水卷空帷北去鞦韆罷南朝被袂歸

賦得日暮天無雲

唐熊孺登

杳杳復蒼然無雲日暮天象分清氣外景盡赤霄前  
漸吐星河色遙生水木煙從容難附麗顧步欲澄鮮

但見收三素何能測上玄應非暫呈瑞不許出山川

賦得日暮山河清

唐□□□

天高爽氣晶馳景忽西傾山列千重靜河流一帶明

相同金鏡徹寧讓玉壺清纖翳無由出浮埃不復生  
縈紆分漢苑表裏見秦城逸興終難繫抽毫仰此情

秋晚

唐白居易

煙景澹濛濛池邊微有風骨寒蛩近壁知暝鶴歸籠  
長貌隨年改衰情與物同夜來霜厚薄梨葉半低紅

寒晚敬和何徵君點

齊王融

疎酌候冬序閒琴改秋律如何將暮天復值西歸日  
搖落迎軒牖飛鳴亂繩草煙灌共深陰風篁兩蕭瑟

歲時

卷十五

十

春江晚景

唐張九齡

江林皆秀發雲日復相鮮征路那逢此春心益渺然  
興來祇自得佳處莫能傳薄暮津亭下餘花滿客船

岳陽晚景

唐張均

晚景寒鴉集秋風旅雁歸水光浮日出霞彩映  
江一作飛洲白蘆花吐園红柿葉稀長沙卑濕地九

月未成衣

晚出新亭

陳陰鏗

大江一浩蕩離悲足幾重潮落猶如蓋雲昏不作峰  
遠戍唯聞鼓寒山但見松九十方稱半歸途詎有蹤

建昌渡暝吟

唐韋莊

月照臨官渡鄉情獨浩然鳥棲彭蠡樹月上建昌船  
市散漁翁醉樓深賈客眠隔江何處笛吹斷綠楊煙

晚歸曲

唐溫庭筠

格格水禽飛帶波孤光斜起夕陽多湖西山淺似相  
笑菱刺惹衣攢黛蛾青絲繫船向江木蘭芽出土吳  
江曲水極晴搖汎灩紅草平春染煙綿綠玉鞭騎馬  
楊叛兒刻金作鳳光參差丁丁暖漏滴花影催入景  
陽人不知彎堤弱林遙相矚雀扇團團掩香玉蓮塘  
艇子歸不得柳暗桑穠聞布穀

歲時

卷十五

十一

自終南山晚歸

唐錢起

采苓日往還得性非樵隱白水到初澗青山辭尚近  
絕境勝無倪歸途興不盡沮溺時返顧牛羊自相引  
逍遙不外求塵慮從茲泯

街西晚歸

唐鄭谷

御溝春水繞閒坊信馬歸來傍短牆幽榭名園臨紫  
陌晚風時帶牡丹香

晚望

唐白居易

江城寒角動沙洲夕鳥還獨坐高亭上西南是遠山

晚興

唐白居易

極浦收殘雨高城駐落暉山明虹半出松暗鶴雙歸

將吏隨衙散文書入務稀閒吟倚新竹筠粉汚朱衣

晚思

唐司空曙

蛩餘牕下月草濕堦前露晚景淒我衣秋風入庭樹

苔令狐士曹獨孤兵曹聯騎暮歸望山見寄

唐韋應物

共愛青山住近南行牽吏役背雙驂枉書獨宿對流  
水遙羨歸時滿夕嵐

晚自東郭回留一二故友

唐許渾

鄉心迢遞宦情微吏散尋幽趣晚暉林下草腥巢鷺

歲時

卷十五

十一

宿洞前雪濕雨龍歸鐘隨野艇回孤棹鼓絕山城掩  
半扉今夜西齋好風月一壺春酒莫相違

○夜

詠夜

唐韋應物

明從何處去暗從何處來但覺年年老半是此中催

夜

唐杜甫

白夜月休弦燈光半委眠號山無定鹿落樹有驚蟬  
暫憶江東餚兼懷雪下船蠻歌犯星起重覺在天邊

二

城郭悲笳暮村墟過翼稀田兵年數久賦歛夜深歸

暗樹依巖落明河繞塞微斗斜人更望月細語休飛

夜

唐杜甫

絕岼風威動寒房燭影微嶺猿霜外宿江鳥夜深飛  
獨坐親雄劍哀歌歎短衣煙塵繞閭闔白首壯心違

夜夜曲二首

梁沈約

河漢縱且橫北斗橫復直星漢空如此寧知心有憶  
孤燈暖不明寒機曉猶織零淚向誰道雞鳴徒歎息

二

北斗闌干去夜夜心獨傷月輝橫射枕燈光半隱牀

擬沈隱侯夜夜曲二首

梁簡文帝

歲時

卷十五

十三夜

霽霽夜中霜河開向曉光枕啼常帶粉身眠不著牀  
蘭膏盡更益薰爐滅復香但問愁多少便知夜短長

二

愁人夜獨傷滅燭卧蘭房祗恐多情月旋來照妾牀

夜夜曲

唐僧貫休

蟬蛄切切風騷騷芙蓉噴香蟾蜍高孤燈耿耿征婦  
勞更深撲落金錯刀

長夜謠

晉夏侯湛

日暮今初晴天灼灼今遐清披雲今歸山垂景今照  
庭列宿今皎皎星稀今月明停檐隅以逍遙今吟太

虛以仰觀望閭闔之昭晰今麗紫微之暉煥

逢夜吟

梁宗夫

逢夜復逢夜逢夜憂未歇坐對風動帷卧見雲間月

中宵

唐杜甫

西閣百尋餘中宵步綺疏飛星過水白落月動沙虛  
擇木知幽鳥潛波想巨魚親朋滿天地兵甲少來書

貴公子夜闌曲

唐李賀

裊裊沈水煙烏啼夜闌景曲沼芙蓉波腰圍白玉冷

春夕

齊王儉

露華方照歲雲彩復經春虛閨稍疊草幽帳日凝塵

歲時

卷十五

十四夜

和湘東王春宵三韻

梁簡文帝

花樹含春叢羅帳夜長空風聲隨篠韻月色與池同  
綵牋徒自製無信往雲中

奉和湘東王春宵應令

梁庾肩吾

征人別來久年芳復臨牖燭下夜縫衣春寒偏著手  
願及歸飛鴈因書寄高柳

奉和湘東王春宵應令

梁蕭子暉

夜夜妾偏栖百花含露低虛聲繞春岼月色思空閨  
傳語長安驛辛苦寄遼西

奉和湘東王春宵應令

梁劉孝綽

春宵猶自長春心非一傷月帶園樓影風飄花樹香  
誰能對雙鸞曉暝守空牀

奉和湘東王春宵應令

梁劉孝威

花開人不歸節暖衣須變迴釵挂反環祛縹緲春綠  
今夜月輪圓胡兵必應戰

奉和湘東王春宵應令

梁劉孝先

夜樓明月弦露下白花鮮情多意不設啼罷未歸眠  
燉煌定若遠一信動經年

奉和春夜應令

梁庾肩吾

春牖對芳洲珠簾新上鉤燒香知夜漏刻燭驗更籌

歲時

卷十五

十五

天禽一作雞

下北閣一作闌

織女入西樓月皎疑非夜林

疎似更秋水光懸蕩壁山翠下添流詎假西園讌無  
勞飛蓋遊

春夜

唐虞世南

春苑月徘徊竹堂侵夜開驚鳥排林度風花隔水來

春夜

唐劉兼

薄薄春雲籠皓月杏花滿地堆香雪醉垂羅袂倚朱  
欄小數玉僊歌未闌

和常州崔使君寒食夜

唐孫逖

聞道清明近春庭向夕闌行遊晝不厭風物夜宜看

斗柄更初轉梅香暗裏殘無勞秉華燭清月在南端

夏夜獨坐

梁蕭子範

節序值徂炎茲宵在三伏憑軒佇涼氣中筵倦煩燠  
寂寞對空牕清疎臨夜竹蟲音亂堦草螢光繞庭木  
簾月度斜輝風光起餘馥一傷年志罷長嗟逝波速

夏夜

唐韋莊

傷水遷書榻開襟納夜涼星繁愁晝熱露重覺荷香  
蛙吹鳴還息蛛羅滅又光正吟秋興賦桐影下西牆

秋夜詩

晉湛方生

悲九秋之爲節物凋悴而無榮嶺頽鮮而頹綠木傾

歲時

卷十五

十六

柯而落英履代謝以惆悵觀搖落而興情信臯壤而

感人樂未畢而哀生秋夜清今何秋夕之轉長夜悠

悠而難極月皦皦而停光播商氣以清溫扇高風以

革凉水激波以成漣露凝結而爲霜凡有生而必凋

情何感而不傷苟靈符之未虛孰茲戀之可忘何天

懸之難釋思假暢之冥方拂塵矜於玄風散近滯於

老莊攬逍遙之宏維總齊物之大綱同天地於一指

等太山於毫芒萬慮一時頓泯情累豁焉都忘物我

泯然而同體豈復壽夭於彭殤

秋夜

宋孝武帝

景薄西隅升月照東垂肅肅風盈幕  
霞霞傾枝  
何聞飛壺急坐見河宿移靚辰念節變感物於非離

秋夜

宋鮑照

夜久膏既竭啓明旦未央環情倦始復空閨一作起  
晨裝幸承天光轉曲影入幽堂徘徊集通隙宛轉燭  
迴梁帷風自卷舒簾露視成行歲役急窮晏生慮備  
溫涼絲絢風染濯綿綿夜裁張冬雪旦夕至公子之  
衣裳華心愛零落非直惜容光願君翦眾念且共覆  
前觴

秋夕

宋鮑照

歲時

卷十五

十七夜

慮涕擁心用夜默發思機幽閨溢涼吹閒庭滿清暉  
紫蘭花已歇青梧葉方稀江上淒海嘆漢曲驚朔罪  
髮斑悟壯晚物謝知歲微臨宵嗟獨對撫賞怨情違  
躊躕空明月惆悵徒深帷

和王護軍秋夕

宋鮑照

散漫秋雲遠蕭蕭霜月寒驚飈西北起孤鴈夜往還  
開軒當戶牖取琴試一彈停歌不能和終曲久辛酸  
金氣方勁殺隆陽微且單泉涸甘井竭節徒芳歲殘  
生事各多少誰共知易難投章心蘊結千里途輕紼  
願託孤老服觴思暫開餐

秋夜

齊謝朓

秋夜促織鳴南鄰搗衣急思君隔九重夜夜空佇立  
北牕輕幔垂西戶月光入何知白露下坐視階前濕  
誰能長分居秋盡冬復及

秋夜二首

梁簡文帝

高秋一作度函谷墜露下芳枝綠潭倒雲氣青山街  
月規花心風上轉葉影樹中移一作外遊獨千里夕  
歎誰共知

螢飛夜的的蟲思夕嚶嚶輕露霑懸井浮煙入綺寮  
檐重月沒早樹密風聲饒池蓮翻罷葉霜條生寒條

歲時

卷十五

十八夜

端坐彌茲漏離憂積此宵

秋夜

梁元帝

秋夜九重空蕩子怨房櫳燈光入綺帷簾影穿屏風  
金微調玉軫茲夜撫離鴻

秋夜

梁沈約

月落宵向分紫煙鬱氛氲曉螢入霧離離鴈度雲  
巴童闇理瑟漢女夜縫裙新知樂如是久要詎相聞  
奉和湘東王秋夜應令

梁劉綬

樓上起秋風絕望秋閨中燭溜花行滿香然奩欲空  
徒教兩行淚俱浮妝上紅



和王主簿秋夜二首

梁王筠

九重依夜館四壁慘無暉招搖顧西落烏鵲向東飛  
流螢漸收火絡緯欲催機爾時思錦字持製行人衣  
所望丹心達嘉客儻能歸

露華初泥泥桂枝行棟棟煞氣下重軒輕陰滿四屋  
別寵增脩夜遠征悲獨宿愁牽翠羽眉淚滿橫波目  
長門絕往來含情空杼軸

和衡陽王秋夜

陳張正見

唯苑涼風舉章臺雲氣收螢光連燭動月影帶河流  
綠綺朱絃汎黃花素蟻浮高軒揚麗藻卽是賦新秋

歲時

卷十五

十九

和潁川公秋夜

北周庾信

一作唐

沈寥空色遠葉黃婁序變洞浦落遵鴻長飈送巢燕  
千秋流夕景百一作萬籟含宵嘯峻雉聆金柝層臺切  
銀箭

秋夜長

唐王勃

初

秋夜長殊未央月明露白澄清光層城綺閣遙相望  
川無梁北風受節南鴈翔叢蘭委質時菊芳鳴環曳  
履出長廊爲君秋夜擣衣裳纖羅對鳳凰丹綺雙鴛  
鴦調砧亂杵思自傷征夫萬里戍他鄉鶴關音信斷  
龍門道路長君在天一方寒衣徒自香

和李起居秋夜之作

唐薛稷

過庭聞禮日趨侍寄言回獨卧玉牕前卷簾殘雨來  
高秋南斗轉涼夜北堂開水影入朱戶螢光生綠苔  
簡成良史筆年是洛陽才莫重白雲意時人許上台

秋夜

唐錢起

商歌向秋月哀韻兼浩歎寤寐怨佳期美人隔霄漢  
寒雲渡窮水別葉繞垂幔牕中問談雞長夜何時旦

秋夜二首

唐韋應物

庭樹轉蕭蕭陰蟲還戚戚獨向高齋眠夜聞寒雨滴  
微風時動牖殘燈尚留壁惆悵平生懷偏來妾今夕

歲時

卷十五

二十一

二

霜露已淒淒星漢復昭回朔風中夜起驚鴻千里來  
蕭條涼葉下寂寞清砧哀歲晏仰空宇心事若寒灰

秋夜曲四首

唐張仲素

丁丁漏水夜何長漫漫輕雲露月光秋逼暗蟲通夕  
響征衣未寄莫飛霜  
碧牕斜月靄清暉愁聽寒螿淚濕衣夢裏分明見關  
塞不知何路向金微  
秋天一夜靜無雲斷續鴻聲到曉聞欲寄征衣問消  
息居延城外又移軍

博山沈燈絕餘香蘭燼金繁怨夜長爲問畫屏前  
草幾回經雨復經霜

秋夜

唐元稹中

暗牕涼葉動秋天一作寢席單憂人半夜起明月在  
林端一與清景遇每憶平生歡如何方惻愴披衣露  
更寒

早秋獨夜

唐白居易中

井梧涼葉動鄰杵秋聲發獨向簷下眠覺來半牀月  
八月三日夜作

唐白居易中

氣爽衣裳健風疎砧杵鳴夜衾香有思秋簾冷無情  
歲時

卷十五

王

夢短眠頻覺宵長起暫行燭凝臨曉影蟲怨欲寒聲  
權老花先盡蓮凋子始成

晚秋夜

唐白居易中

碧空溶溶月華靜月裏愁人弔孤影花開殘菊傷疎  
籬葉下衰桐落寒井塞鴻飛急覺秋盡鄰雞鳴遲知  
夜永凝情不語空所思風吹白露衣裳冷

秋夕

唐杜牧晚

紅燭秋光冷畫屏輕羅小扇撲流螢瑤階夜色涼如  
水坐看牽牛織女星

秋夕

唐李咸用晚

寥廓秋雲薄空庭月影微樹寒棲鳥密砌冷夜蛩稀  
曉鼓軍容肅疎鐘客夢歸吟餘何所憶聖主尚宵衣

奉和湘東王冬宵

梁劉綬

別後春池異荷盡欲生水箱中剪刀冷臺上面脂凝  
纖腰轉無力寒衣恐不勝

詠寒宵

唐溫庭筠晚

寒宵何耿耿良讌有餘姿寶靽徘徊處薰鑪悵望時  
曲瓊垂翡翠斜月到梁恩委墜金缸燼闌珊玉局基  
話窮猶注睇歌罷尚持頤曉暎逢相屬氛氲積所思  
奉城卷衣晚胡鴈度雲遲上郡歸來夢那知錦字詩

歲時

卷十五

王

同李三月夜作

唐皇甫冉中

霜風驚度鴈月露皓疎林處處砧聲發星河秋夜深  
訓劉長卿月夜

唐章八元中

夜涼河漢白卷箔出南軒過月鴻爭遠辭枝葉暗翻  
獨謠聞麗曲緩步接清言宜室思前席行看拜主恩

春山月夜

唐于良史中

春來多勝事賞翫夜忘歸掬水月在手弄花香滿衣  
興來無遠近欲去惜芳菲南望鐘鳴處樓臺深翠微

含風夕

唐元稹中

炎昏勸煩久逮此含風夕夏服稍輕清秋堂已岑寂

古燐微月鈎幽暉洞陰覓水鏡潤玉輪若見淵泉壁  
樹影滿空牀螢光綴深壁露網裊風珠輕河汎逢碧  
馨香推蕙蘭堅貞論松柏生物固有涯安能比金石  
來者良未窮去矣定奚適委順在物爲營營復何益

春夜山庭

陳江總

春夜芳時晚幽庭野氣深山疑刻削意樹接縱橫陰  
戶對忘憂草池驚旅浴禽樽中良得性物外知余心

春江花月夜二首

隋煬帝

暮江平不動春花滿正開流波將月去潮水帶一作  
星來

歲時

卷十五

三

夜

夜露含花氣春潭漾月暉漢水逢遊女湘川值兩妃  
按晉書樂志曰春江花月夜玉樹後庭花並陳後主所作後主常與宮中女學士及朝臣相和爲詩太常令何遜又善於文詠采其尤豔麗者以爲此曲

奉和春江花月夜

隋諸葛穎

張帆渡柳浦結纜隱梅洲月色含江樹花影覆船樓

春江花月夜二首

唐張子容

林花發岸口氣色動江新此夜江中月流光花上春  
分明石潭裏宜照浣紗人

交甫憐瑤佩仙妃難重期沈沈綠江晚惆悵碧雲委

初逢花上月言是弄珠時

春江花月夜詞

唐溫庭筠

玉樹歌闌海雲黑花庭忽作青蕪國秦淮有水水無  
情還向金陵漾春色楊家二世安九重不御華芝嫌  
六龍百幅錦帆風力滿連天展盡金芙蓉珠翠丁星  
復明滅龍頭劈浪哀笳發千里涵空澄水魂萬枝破  
鼻飄香雪漏轉霞高滄海西玻璃枕上聞天雞蠻絃  
代寫曲如語一醉昏昏天下迷四方湏動煙塵起猶  
在濃團夢魂裏後主荒宮有曉鶯飛來只隔西江水

衡門春夜

唐錢起

不厭晴林下微風度葛巾寧唯北牕客一作自謂上

歲時

卷十五

二

夜

皇人叢篠輕新暑孤花占晚春寄言莊叟蝶與爾得  
天真

秋堂夕

唐□□□

炎涼正迴互金火鬱相乘雷雲暗交構川澤方蒸騰  
清風一朝勝白露忽已凝草木凡氣盡始見天地澄  
况此秋堂夕幽懷曠無朋蕭條簾外雨條閃案前燈  
書卷滿牀席蠅蛸懸復升啼兒屢啞咽勸僮時寢興  
汎覽昏夜目詠誼暢煩膺

縣城秋夕

唐錢起

山城日易夕愁生先掩扉俸薄不沽酒家貧忘授衣

露重薰花落月冷莎雞飛効拙慚無補雲林歎再歸

西閣夜

唐杜甫

恍惚寒山暮逶迤白霧昏山虛風落石樓靜月侵門  
擊柝可憐子無衣何處村時危關百慮盜賊爾猶存

閣夜

唐杜甫

歲暮陰陽催短景天涯霜雪霽寒宵五更鼓角聲悲  
壯三峽星河影動搖野哭千家聞戰伐夷歌幾處起  
漁樵卧龍躍馬終黃土人事音書漫寂寥

代夜坐吟

宋鮑照

冬夜沈沈夜坐吟含聲未發已知心霜入幕風度林

歲時

卷十五

三

朱燈滅朱顏尋體君歌逐君音不貴聲貴意深

夜坐吟

唐李白

冬夜夜寒覺夜長沈吟久坐坐北堂水合井泉月入  
閨金缸清凝照悲啼金缸滅啼轉多掩妾淚聽君歌  
歌有聲妾有情情聲合兩無違一語不入意從君萬  
曲梁塵飛

夜坐吟

唐李賀

踏踏馬蹄誰見過眼看北斗直天河西風羅幕生翠  
波鉛華笑妾顰青蛾爲君起唱長相思簾外嚴霜皆  
倒飛明星爛爛東方睡紅霞稍出東南涯陸郎去矣

乘斑騅

夜坐

唐白居易

斜月入牕楹迢迢夜坐情梧桐上堦影蟋蟀近牀聲  
曙傍牕間至秋從簾上生感時因憶事不寢到雞鳴

秋中夜坐

唐李昌符

空庭吟坐久爽氣入荷衣病葉先秋落驚禽背月飛  
瘴雲晴未散戍客老將依爲應金門策多應說戰機

夜坐有感

唐曹鄴

悄悄月出樹東南若微霜愁人不成寐五月夜亦長

夜飲東亭

唐宋之問

春水鳴大壑皓月吐層岑岑壑景色佳慰我遠遊心  
暗芳足幽氣驚栖多衆音高興南山曲長謠橫素琴

夜遊曲

唐鄭愔

漢室歡娛盛魏國文雅優許史多暮宿應陳從夜遊  
西園燕公子北里召王侯詎以將軍獵空嗟廷尉留

夜集聯句

唐顏真卿

寒花護月色墜葉占風音茲夕無塵慮高雲共片心

奉和襲美寒夜文宴

唐鄭壁

已知羽駕朝金闕不用燒蘭望玉京應是易遷明月  
好玉皇留看舞雙成

起夜來

梁柳惲

城南斷車騎閣道覆青埃露華光翠網月影入蘭臺  
洞房且莫掩應門或復開颯颯秋桂響非君起夜來

行途賦得四更應詔

北周庾信

四更天欲曙落月垂關下深谷暗藏人歌松橫礙馬

夜還東谿

唐王績初

石苔應可踐叢枝幸易攀青谿歸路直乘月夜歌還

嵩山夜還

唐宋之問初

家住嵩山下好采舊山薇自省遊泉石何曾不夜歸

暮歸

唐杜甫盛

歲時

卷十五

三七夜

霜黃碧梧白鶴棲城上擊柝烏復啼客子入門月皎皎  
誰家擣練風淒淒南渡桂水闕舟楫北歸秦川多  
鼓鼙年過半百不稱意明日看雲還杖藜

夜歸

唐白居易中

逐勝移朝宴留歡放晚衙賓寮多謝客騎從半吳娃  
到處銷春景歸時及月華城陰一道直燭焰兩行斜  
東吹先催柳南霜不殺花臯橋夜沽酒燈火是誰家

驩州南庭夜望

唐沈佺期初

昨望南亭夜分明夢洛中室家誰道別兒女案嘗同  
忽覺猶言是沈思始悟空肝腸餘幾寸拭淚坐春風

夜聽聲

宋鮑照

辭鄉不覺遠歡寡憂自繁何用慰秋望清燭視夜翻

山夜憂

宋謝莊

庭光盡山明一作歸一有松昏解流風乘軒卷明月

緣河飛一有迴軒西世亂幽澁出藥嶼而淹留過香

而闕景亦轉絲潤鳥鳴今夜蟬清橘露靡今蕙煙輕

凌別浦今值魚躍經喬木今遇猿驚南臯別鶴行佇

一作漢東鄰孤管入青天沈疴白髮共急日朝露過

隙詎賒年年既去今髮不還金膏玉液豈留顏迴舛

拓繩戶收棹掩荆關

歲時

卷十五

三八夜

今夕行

唐杜甫盛

今夕何夕歲云徂更長燭明不可孤咸陽客舍一事  
無相與博塞為歡娛馮陵大叫呼五白袒跣不肯成  
臯盧英雄有時亦如此邂逅豈即非良圖君莫笑劉  
毅從來布衣願家無僮石輪百萬

倦夜

唐杜甫盛

竹涼侵卧內野月滿庭隅重霧成涓滴稀星乍有無  
暗飛螢自照水宿鳥相呼萬事干戈裏空悲清夜徂

聞夕

唐白居易中

蘭缸耿無煙筠簟清有露未歸房後寢且下前軒步

斜月入低廊涼風滿高樹

湖中閒夜遣興

唐朱慶餘中

釣艇同琴酒良宵背水濱風波不起處星月盡隨身  
浦迴湘煙卷林香嶽氣春誰知此中興寧羨五湖人

章臺夜思

唐韋莊晚

清瑟怨遙夜遶絃風雨哀孤燈聞楚角殘月下章臺  
芳草已云暮故人殊未來鄉書不可寄秋鴈又南迴

秋夕遠懷

唐口口口

旦夕天氣爽風飄葉漸輕星繁河漢白露逼衾枕清  
丹鳥月中滅莎雞牀下鳴悠悠此懷抱况復多遠情

歲時

卷十五

三十九

夏夜呈從兄散騎車長沙

宋顏延之

炎天方埃鬱暑晏閑塵紛獨靜闕偶坐臨堂對星分  
側聽風薄木遙睇月開雲夜蟬當夏急陰蟲先秋聞  
歲候初過半荃蕙豈久芬屏居惻物變慕類抱情殷  
九逝非空思七襄無成文

家園夜坐寄郭微

唐祖詠盛

前堦微雨歇開戶散窺林月出夜方淺水涼池更深  
餘風生竹樹清露薄衣襟遇物遂長歎懷人滋遠心  
依稀成夢想影響絕微音誰念窮居者明時嗟陸沈

秋夜寄袁中丞王員外

唐錢起中

一夕盈千念方知別者勞衰榮難會面魂夢一作暫  
同袍片月臨堦早清河度鴈高應憐蔣生逕秋露滿  
蓬蒿

奉和宣城張太守南亭秋夕懷友

唐錢起中

池館蟬蛩聲梧桐秋露晴月臨朱戟靜河近盡樓明  
捲幔浮涼入聞鐘永夜清片雲懸曙斗數鴈過秋城  
羽扇揚風暇瑤琴悵一作別情江山飛麗藻謝朓讓  
前名

秋夜寄丘二十二員外

唐韋應物中

歲時

卷十五

三十一

奉酬秋夜寄示

唐丘丹中

懷君屬秋夜散步詠涼天山空松子落幽人應未眠  
露滴梧葉鳴風秋桂花發中有學僊侶吹簫弄山月  
冬夜寄韋弁一作秋夜寄  
司空文明

唐李端中

獨坐知霜下開門見木衰壯應隨日去老豈與人期  
廢井蟲鳴早陰階菊發遲興來空憶戴不似剡谿時

訓程延秋夜卽事

唐韓翃中

長簾迎風早空城澹月華星河秋一鴈砧杵夜千家  
新秋獨夜寄戴叔倫

唐方干晚

遙夜獨不卧寂寥庭戶中河明五陵上月滿九門東



萬里親朋散故園滄海空歸懷正南望此夕起秋風

長安夜坐懷寄湖外嵇處士 唐鄭谷

晚

萬里念江海浩然天地秋風高羣木落夜久數星流  
鐘絕分宮漏螢微隔御溝遙思洞庭上葦露滴漁舟

人定

唐白居易

中

人定月朧明香銷枕簟清翠屏遮燭影紅袖下簾聲  
坐久吟方罷眠初夢未成誰家教鸚鵡故故語相驚

○早

奉和武帝苦旱

梁庾肩吾

陽山蛇不蟄沕澤鳥猶攢誓息流膏雨將似怨祁寒

歲時

卷十五

三十一

文衣夜不卧蔬食晝忘餐潔誠同望祀惟馨等浴蘭  
江蘋享上帝荆壁奠高巒繁雲興岳立蒸穴動龍蟠  
渭渠還積水滌池更起瀾

大旱

原作

唐杜甫

盛

大旱山嶽焦密雲復無雨南方瘡痍地惟此農事苦  
封內必舞雩峽中喧擊鼓真龍竟寂寞土梗空俯俣  
吁嗟公私病稅歛缺不補故老仰面啼瘡痍向誰數  
暴尪或前聞鞭巫非稽古請先偃甲兵處分聽人主  
萬邦但各業一物休盡取水旱其數然荒湯免親覩  
上天鑠金石羣盜亂豺虎二者存一端愆陽不猶愈

昨宵殷其雷風過齊萬弩復吹霾翳散虛覺神靈聚  
氣暘腸胃融汗滋衣裳汚吾衰尤計拙失望築場圃

夏旱

唐白居易

中

太陰不離畢太歲仍在午旱日與炎風枯焦我田畝  
金石欲銷鑠况茲未與黍噉噉萬族中唯農最辛苦  
惘然望歲者出門何所覩但見棘與茨羅生偏場圃  
惡苗承沴氣欣然得其所感此因問天可能長不雨

贈韋處士六年夏大熱旱

唐白居易

中

驕陽連毒暑動植皆枯槁旱日乾密雲炎煙焦茂草  
少壯猶困苦况予病且老既無白旂檀何以除熱惱

歲時

卷十五

三十一

旱

汗巾束頭鬢羶食薰襟抱始覺羣山人休糧散髮好  
旱災自咎貽七縣宰

唐元稹

中

吾聞上帝心降命明且仁臣植苟有罪胡不災我身  
胡為旱一州禍此千萬人一旱猶可忍其旱亦已頻  
臘雪不滿地膏雨不降春惻惻詔書下牛減麥與緡  
半租豈不薄尚竭力與筋竭力不敢憚慚戴天子恩  
累纍婦拜姑訥訥語孫禾黍日夜長足得盈我困  
還填折粟稅酬償貴麥鄰苟無公私責飲水不為貧  
歡言未盈口旱氣已再振六月天不雨秋孟亦既旬  
區區昧陋積禱祝非不勤日馳衰白顏再拜泥甲鱗

歸來重思忖願告諸邑君以彼天道遠近如人事親

團團囹圄中無乃冤不申擾擾食廩內無乃茲有因

軋軋輸送車無乃使不倫遙遙負擔卒無乃役不均

今年無大麥計與珠玉濱村胥與里吏無乃求取繁

符下歛錢急值官因酒嗔誅求與撻罰無乃不遑巡

生小下俚住不曾州縣門訴詞千萬恨無乃不得聞

強豪富酒肉窮獨無芻薪俱由案牘吏無乃移禍屯

官分市井戶迭配水陸珍未蒙所償直無乃不敢言

有一於此事安可尤蒼旻借使漏刑憲得不虞鬼神

自顧頑滯牧坐貽災疹臻上羞朝廷寄下媿閭里民

豈無神明宰為我同苦辛共布慈惠語慰此衢客塵

夏日歎

唐杜甫

夏日出東北陵天經中街朱光徹厚地鬱蒸何由開

止蒼久無雷無乃號令乖雨降不濡物良田起黃埃

飛鳥苦熱死池魚涸其涯萬人尚流冗舉目唯蒿萊

至今大河北盡作虎與豺浩蕩想幽薊王師安在哉

對食不能餐我心殊未諧眇然貞觀初難與數子偕

詩雋類函卷十五

詩雋類函卷十六

東吳俞安期彙纂 宣城梅鼎祚增定

樵李項德明訂校

地部一 野 郊 原 園 林

○野

詠野 唐李嶠

鳳出秦郊迴鶻飛楚塞空蒼梧雲影去涿鹿霧光通

艸暗少原綠花明入蜀紅誰言板築士猶處傳巖中

南野 唐戴叔倫

治田長山下引流坦溪曲東山有遺塋南野起新築

地部 卷十六

家世素業儒子孫鄙食祿披雲朝出耕帶月夜歸讀

身勩竟忘疲團團欣在目野芳綠可采泉美清可掬

茂樹延晚涼早田候秋熟茶烹松火紅酒吸荷杯綠

解佩臨清池撫策看脩竹此懷誰與同此樂君所獨

野田 唐張籍

漠漠野田艸中牛羊道古墓無子孫白楊不得老

野田行 唐李益

日沒出古城野田何茫茫寒狐嘯青塚鬼火燒白楊

昔人未為泉下客行到此中曾斷腸

春野作 唐僧貫休

閒步淺青平綠流水征車自速誰家  
紅衣啄木

野居

唐張籍

貧賤易爲適荒郊亦安居端坐無餘思  
彌樂古人書  
秋田多良苗野水多游魚我無未與網  
安得克麋厨

野步

北周庾信

值泉仍飲馬逢花即舉杯稍看城闕遠  
轉見風雲來

望野

北周庾信

試策千金馬來登五丈原有城仍舊縣  
無樹即新村  
水向蘭池泊日斜細柳園涸渚通沙路  
寒渠塞水門

地部

卷六

野

但得風雲賞何須人事論

野望

唐王績

東臯薄暮望徙倚欲何依樹樹皆秋色  
山山唯落暉  
牧人驅犢返獵馬帶禽歸相顧無相識  
長歌懷采薇

冬日野望

唐駱賓王

故人無與晤安步陟山椒野靜連雲卷  
川明斷霧銷  
靈巖間曉籟洞浦漲秋潮三江歸望斷  
千里故鄉遙  
勞歌徒自奏客魂誰爲招

野望

唐杜甫

納納乾坤大行行郡國遙雲山兼五嶺  
風壤帶三苗

野樹侵江濶春蒲長雪消扁舟空老去  
無補聖明朝

野望

唐杜甫

清秋望不極迢遞起層陰遠水兼天淨  
孤城隱霧深  
葉稀風更落山迴月初沈獨鶴歸何晚  
昏鴉已滿林

望野二首

唐杜甫

金華山北涪水西仲冬風日始淒淒  
山連越嶺蟠三  
蜀水散巴渝下五溪獨鶴不知何事舞  
飢鳥似欲向  
人啼射洪春酒寒仍綠目極傷神誰爲  
攜

西山白雪三城戍南浦清江萬里橋  
海內風塵諸弟  
隔天涯涕淚一身遙唯將遲暮供多病  
未有涓埃答

地部

卷六

野

聖朝跨馬出郊時極目不堪人事日蕭條

野望

唐辛士諤

忘懷不使海鷗疑水映桃花酒滿巵  
亭上一聲歌白  
亭野人歸棹亦行遲

秋中野望寄舍弟綬

唐盧綸

憂來思遠望高處殊非愜夜露濕蒼山  
秋波滿黃葉  
人隨鴈迢遞棧與雲重疊骨肉暫分離  
形神遂疲憊  
早春遊樊川野居卻寄李端校書夜呈  
崔峒補

闕司空曙主簿耿緯拾遺

唐盧綸

白水遍溝塍青山對杜陵晴旻人望鶴  
曠野鹿隨僧

古柳連巢折荒堤帶艸崩陰橋全覆雪瀑溜半垂水  
桂樹曾爭折龍門幾共登琴師阮校尉詩和柳吳興  
紙筆求書扇張屏看畫蠅上隣空遂約問卦獨無徵

都廣野贊

附

晉郭璞

都廣之野珍怪所聚爰有余穀鸞歌鳳舞后稷託終  
樂哉斯土

○郊

西郊

唐杜甫

盛

時出碧鷄坊西郊向艸堂市橋官柳細江路野梅香  
傍架齊書帙看題滅藥囊無人競一作來往疎嬾意

卷十六

四

郊

何長

東郊

唐元稹

中

吏舍跼終年出郊曠清曙楊柳散和風青山澹吾慮  
依叢適自憩綠澗還復去微雨霽芳原春鳩鳴何處  
樂幽心屢止遵事跡猶遽終罷斯結廬慕陶真可庶

東郊行

唐溫庭筠

晚

關鷄臺下東西道柳覆斑駁蝶縈艸塊靄韶容鏤澹  
秋青篴葉盡蠶應老綠渚幽香生白蘋差差小浪吹  
魚鱗王孫騎馬有歸意林彩著空如細塵安得人生  
各相守燒船破棧休馳走世上方應無別離路傍更

長千枝柳

郊野

唐鄭谷

晚

蓼水荊籬邊新晴有亂蟬秋光終寂寞晚醉自留連  
野濕禾中露村閒社後天題詩滿紅葉何必浣花牋

春郊

梁虞羲

光風轉蕙暎香霧鬱蘭津暄遲蝶弄蘂景麗鳥和春  
樵歌喧壠暮漁柁亂江晨山中芳杜若依依獨思人

春郊

唐錢起

中

水遶水渠漸有聲氣融煙塢晚來明東風好作陽和  
使逢艸逢花報發生

地部

卷十六

五

郊

春日還郊

唐王勃

初

閒情兼嘒嘒攜杖赴巖泉艸綠縈新帶榆青綴古錢  
魚牀侵岸水鳥路入山煙還題平子賦花樹滿春田

秋郊作

唐元稹

中

清露澄境遠旭日照林初一望秋山淨蕭條形迹疎  
登原欣時稼采菊行故墟方願沮洳耦澹澹守田廬

秋日東郊作

唐皇甫冉

中

閒看秋水心無事臥對寒松手自栽廬嶽高僧留偈  
別茅山道士寄書來燕知社日辭巢去菊爲重陽冒  
雨開淺薄將何稱獻納臨岐終日自遲廻

涼州郊外遊望

唐王維

野老才三戶邊村少四鄰婆娑依里社蕭鼓賽田神  
灑酒澆餽狗焚香拜木人女坐分屢舞羅襪步生塵

郊興

唐王勃

空園歌獨酌春日賦閒居澤蘭侵小徑河柳覆長渠  
雨去花光濕風歸葉影疎山人不惜醉唯畏綠樽虛

○原

詠原

唐李嶠

王粲銷憂日江淹起恨年帶川遙綺錯分隰迴阡眠  
□□橫甸莠苔闕晉田方知急難響長在鵲鵲篇

地部

卷十六

六一原

白草原

唐李頎

白草原頭望京師黃河流無已時秋天曠野人行  
絕馬首西來知是誰

京北原作

唐賈島

登原見城闕策蹇思炎天日午路中客槐花風處蟬  
遠山奈木上清渭漢陵前何事居人世皆從名利牽

白鹿原

唐馬戴

澹田鴈飛下秦原人葬回丘墳與城闕樹其塵埃  
登廣武原

唐張祐

廣武原西北華夷此浩然地盤山入海河遶國連天

遠樹千門邑高橋萬里船鄉心日暮暮猶在城原

登樂遊原

唐耿漳

園廟何年廢登臨有故丘孤村連日靜多雨及霖休  
嘗與泰山對曾經漢王遊豈知千載後萬事水東流

過鑄鼎原

唐劉滄

黃帝修真萬國朝鼎成龍駕上丹霄天風乍起鶴聲  
遠海霧漸深龍節遙仙界日長青鳥度御衣香散紫

霞飄唯留古跡寒原在碧水蒼蒼空寂寥

過五丈原

唐溫庭筠

鐵馬雲騅久絕塵柳陰高壓漢營春天晴殺氣屯關

地部

卷十六

七原

石夜半妖星照渭濱下國臥龍空謾主中原逐鹿不  
因人象牀錦帳無言語從此姬周是老臣

秋遊原上

唐白居易

露杖筇竹冷風襟越蕉輕新棗未全熟晚瓜有餘馨  
依依田家叟設此相逢迎

樂遊原晴望上李侍郎

唐錢起

爽氣朝來萬里清憑高一望九愁輕不知鳳沼霖初  
霽但覺堯天日轉明四野山河通遠色千家佔杳共

秋聲遙想青雲丞相府何時開閣引書生

原居即事言懷贈孫員外

唐賈島

出入土門偏秋深石色泉徑通原上草池接水中蓮  
採菌依餘樹拾薪逢刈田高齋久不到猶喜未經年

○田

溉田附

賦貧民田

齊謝朓

假遇

一作佳

非將迎靖共

一作靜

延殊慶中歲歷三臺旬

月典

邦政曾是共治情敢忘郵貧病將無富教禮孰

有知

方性敦本抑工商均業省兼并察壤見泉脉規

星視

農正黍稷緣高殖穡

一作稂

稂即甲盛舊埒新塍

分青

苗白水映遙樹匝清陰連山周遠淨即此風雲

佳孤

觴聊可命既微三載道庶藉兩岐詠俾爾倉廩

地部

卷十六

八

實余從谷口鄭

白石巖下徑行田

宋謝靈運

小邑

居易貧災年民無生知淺懼不周愛深憂在情

舊業

橫海外蕪穢積頽齡飢饉不可久甘心務經營

千頃

帶遠堤萬里瀉長汀洲流涓涓合連統塍埒并

雖非

楚官化荒闕亦黎萌雖非鄭白渠每歲望東京

天鑒

儻不孤來茲驗微誠

歸田

北周庾信

務農

勤九穀歸來嘉一屨穿渠移水碓燒棘起山田

樹陰

逢歇馬魚潭見灑船苦李無人摘秋瓜不直錢

社鷄新欲伏原蠶始更眠今日張平子翻爲人所憐

歸田

唐白居易

種田計已決決意復何如賣馬買犢使健步歸田廬

迎春治耒耜候雨闢苗畝吾聞老農言爲稼慎在初

所施不鹵莽其報必有餘上求奉王稅下望備家儲

晚遊東田寄司空文明

唐李端

暮來思遠客獨立在東田片影無妨雨殘虹不映天

別愁逢夏果歸興入秋蟬莫作隱官意幽潛未必賢

鄴民歌

史記曰魏襄王以史起爲鄴令引漳水

鄴有賢令今爲史公黃友決漳水今灌鄴勿終古烏

地部

卷十六

九

田

溉田

鹵今生稻梁

鄭白渠歌

史記曰韓聞秦好畝事侯罷之毋令

水自中山西邸縣口爲渠並山東注洛

大始二年趙中大夫公復奏穿渠引涇水

渠民得其饒歌之曰

田於何所池陽谷口

孔五切

鄭國在前白渠起後舉

鍾如雲決渠爲雨涇水一石其泥數斗古音且溉且

糞長我禾黍衣食京師億萬之口

○村

唐村

春村

唐白居易

中



二月村園煖桑間戴勝飛農夫春舊穀  
牛馬因風遠鷄豚過社稀黃昏林下路鼓笛賽神歸

春日江村二首

唐杜甫

農務村村急春流岸岸深乾坤萬里眼時序百年心  
茅屋還堪賦桃源自可尋艱難昧生理飄泊到如今

二

扶病垂朱紱歸休步紫苔郊扉存晚計幕府覩羣材  
燕外晴絲捲鷗邊水葉開鄰家送魚蟹問我數能來

江村

唐劉駕

江水灌稻田飢年田亦熟舟中愛桑麻日午因成宿  
地部

卷十六

十一

朱陳村

唐白居易

徐州古豐縣有村曰朱陳去縣百餘里桑麻青氛氲  
機梭聲札札牛驢走紆紆女汲澗中水男采山上薪  
縣遠官事少山深人俗淳有財不行商有丁不入軍  
家家守村業頭白不出門生為陳村民死為陳村塵  
田中老與幼相見何欣欣一村唯兩姓世世為婚姻  
親疎居有族少長遊有群黃鸝與白酒歡會不隔旬  
生者不遠別嫁娶先近鄰死者不遠葬墳墓多遠村  
既安生與死不苦形與神所以多壽考往往見玄孫

題靈臺縣東山村主人

唐李益

處處征胡人漸稀山村寥落暮煙微門臨蒼莽終年  
閉身逐嫖姚幾日歸貧妻白髮輸殘稅餘寇黃河未  
解圍天子如今能用武祗應晚歲息兵機

題玉山村叟壁

唐錢起

谷口好泉石居人能陸沈牛羊下山小煙火隔雲深  
一徑入溪色數家連竹陰藏虹辭晚雨驚隼落殘禽  
涉趣皆流目將歸羨在林却思黃綬事辜負紫芝心

書村叟壁

唐鄭谷

艸肥朝牧牛桑綠晚鳴鳩列岫簷前見清泉碓下流  
地部

卷十六

十一

紀村事

唐韋莊

春蔬和雨割社酒向花籬引我南陂去籬邊一小舟  
綠蔓映雙扉循牆一徑微雨多庭果爛稻熟渚禽肥  
釀酒迎新社遙砧送暮暉數聲牛上笛何處餉田歸

內鄉村路作

唐白居易

口下風高野路涼緩驅疲馬闌思鄉渭村秋物應如  
此棗赤梨紅稻穗黃

到村

唐杜甫

碧澗雖多雨秋沙先少泥蛟龍引子過荷芰逐花低  
老去參戎幕歸來散馬蹄稻梁須就列榛艸即相迷

蓄積思江漢頑疎惑町畦慙酬知已分還入故林懷

暮過山村

唐賈島

數里聞寒水山家少四鄰恠禽啼曠野落日恐行人  
初月未終夕邊烽不過秦蕭條桑柘外煙火漸相親

村行

唐杜牧

春半南陽西柔桑過村塢娉娉垂柳風點點迴塘雨  
簾唱牧牛兒籬窺茜裙女半濕解征衫主人饋鷄黍

夜宿荒村

隋孔德紹

綿綿夕漏深客恨轉傷心撫絃無人聽對酒時獨斟  
故鄉萬里絕窮愁百慮侵秋艸思邊馬遠枝驚夜禽

地部

卷十六

十一

風度谷餘鄉月斜山半陰勞歌欲敘意終是白頭吟

村夜

唐杜甫

蕭蕭風色暮江頭人不行村春雨外急鄰火夜深明  
胡羯何多難漁樵寄此生中原有兄弟萬里正含情

宿深村

唐僧貫休

行行一宿深村裏鷄犬豐年聞如市黃昏見客合家  
喜月下取魚厚塘水

經河源軍漢村作

唐呂溫

行行忽到舊河源城外千家作漢村樵采未侵征虜  
墓耕耘猶就破羌屯金湯天險長全設伏臘華風亦

暗存暨駐單車空下淚有心無力復何言

江村亂後

唐顧況

江村日暮尋遺老江水東流橫浩浩竹裏開牕不見  
人門前舊路生青艸

山村曉思

唐于漬

開門省禾黍隣翁水頭住今朝南澗波昨夜西川雨  
牧童披短簑腰箭期煙渚不問水邊人騎牛傍山去

茂陵村行贈何兆

唐李端

春天黃鳥嚶野徑白雲閒解帶依芳艸支頤想故山  
人行九州路樹老五陵間誰道臨邛遠相如自憶還

地部

卷十六

十一

垂花塢醉後戲題

賦得俱字

唐獨孤及

莊周臺南十許步有丘一成上有樛藤垂花而蔓  
艸荒之且隔大溝路不可涉道士張大和伐薪爲

堰封土以壅滄尋亦命雍氏治蕪穢而剡宿莽遂

闢爲登賦之位位廣二席席間足以酌樽酒二簋

三月戊子及羣英由堰而升焉諸花倒垂下拂杯

案紫葩綉綻如釵如梳衆君子瞻弄之不足故秉

燭進酒以繼落日欲稱醉而不能也因命其地曰

垂花塢塢曰緣花塢亦飾之以詩云

紫蔓青條覆酒壺落花時與竹風俱歸時自負花前

醉笑向儵魚問樂無

經西塢偶題

唐溫庭筠

擇擇弱柳黃鸝啼芳艸無情人自迷日影明滅金色  
鯉杏花啜喋青頭鷄微紅榛蒂惹蜂粉潔白片芽穿  
燕泥借問含顰向何事昔年曾到武陵溪

○園林

華林園詩

晉王濟

思樂華林薄采其蘭皇居偉則芳園巨觀仁以山悅  
水爲智歡清池流爵秘樂通玄脩晉灑鱗大庖妙饌  
物以時序情以化宣終溫且克有肅初筵嘉賓在茲  
地部

卷六

西

園林

千保永年

北宅秘園

宋謝朓

夕天霽晚氣輕霞澄暮陰微風清幽幌餘日照青林  
收光漸隱歇窮園自荒深綠池翻素景秋槐響寒音  
伊人儻同愛絃酒共棲尋

紀功曹中園聯句

齊謝朓

蘭亭仰遠風芳林接雲嶠傾葉順清飈條莖佇高鶴  
連綿夕雲歸晚暖日將落寸陰不可留蘭墀豈  
停酌吳丹櫻猶照樹綠筠方解籜永志能兩忘即賞

謝丘壑

府君

芳林篇

梁柳惲

芳林曄兮發朱榮時已晚今隨風零隨風零今返無  
期安得陽華遺所思

後園作迴文詩

梁元帝

斜峰繞徑曲聳石帶山連花餘拂戲鳥樹密隱鳴蟬  
和湘東王後園迴文詩

枝雲間石峰脉水侵山岫池清戲鵲聚樹秋飛葉散  
和湘東王後園迴文詩

和湘東王後園迴文詩

梁邵陵王

燭華臨靜夜香氣入重幃曲度聞歌遠絃繁覺舞遲  
和湘東王後園迴文詩

和湘東王後園迴文詩

梁定襄侯

地部

卷十六

五

園林

危臺出岫迴曲澗上橋斜池蓮隱弱艾徑篠落藤花  
和湘東王後園迴文詩

旱蓮生竭鏤嫩菊養秋鄰滿地留浴鳥分橋上戲人  
和湘東王後園迴文詩

園庭

北周庾信

杖鄉從物外養學事閒郊窮愁方汗簡無遇始觀交  
谷寒已吹律簷空更翦茅樵隱恒同路人禽或對巢

水蒲開晚結風竹解寒苞古槐時變火枯楓乍落膠  
倒屣迎懸榻停琴聽解嘲香螺酌美酒枯蚌藉蘭葭  
飛魚時觸釣駢雉屢懸庖但使相知厚當能來結交

園

唐杜甫

盛

仲夏多流水清晨向小園碧溪搖艇澗朱果爛枝繁  
始爲江山靜終防市井喧畦蔬繞茅屋自足媚盤餐

小園

唐杜甫 盛

由來巫峽水本是楚人家客病留因藥春深買爲花  
秋庭風落果溪畔雨頽沙閑俗營寒事將詩待物華

樂遊園歌

晦日賀蘭楊長史筵席中作

唐杜甫 盛

樂遊古園翠森爽煙絲碧艸淒淒長公子華筵勢最  
高秦川對酒平如掌長生木瓢示真率更調鞍馬狂  
歡賞青春波浪笑芙蓉園白日雷霆夾城仗闥闔晴開  
映蕩蕩曲江翠幕掛銀榜拂水低回舞袖翻綠雲清

地部

卷十六

六

園林

切歌聲上卻憶年年人醉時只今未醉已先悲數莖  
白髮那拋得百罰深杯亦不辭聖朝已知賤士醜一  
物自荷皇天慈此身飲罷無歸處獨立蒼茫自詠詩

李氏園林

唐孟浩然 盛

我愛陶潛趣林園無俗情春雷百卉坼寒食四鄰清  
伏枕嗟公幹歸田美子平年年白社客空滯洛陽城

瓜園

并序

唐王維 盛

維瓜園高齋俯視南山形勝二三時輩同賦是詩  
兼命詞英數公同用園字爲韻韻任多少時太子  
司議郎薛璩發此題遂同諸公云

子適欲鋤瓜倚鋤聽叩門鳴騶導驄馬常從夾朱軒  
窮巷正傳呼故人儻相存攜手追涼風放心望乾坤  
蘭蘭帝王州宮觀一何繁林端出綺道殿頂播華幡  
素懷在青山若值白雲屯迴風城西雨返景原上村  
前酌盈鐻酒往往聞清言黃鸝轉深木朱槿照中園  
猶羨松下客石上聞清猿

春中田園

唐王維 盛

屋上春鳩鳴村邊杏花白持斧伐遠楊荷鋤覘泉脉  
歸燕識故巢舊人看新曆臨觴忽不御惆悵遠行客  
同張侍御鼎和京兆蕭兵曹華歲晚南園

地部

卷十六

七

園林

唐儲光義 盛

公府傳休沐私庭效陸沈方知從大隱非復在幽林  
闕下忠貞志人間孝友心旣將冠蓋雅仍與薜蘿深  
寒變中園柳春歸上苑禽池涵青艸色山帶白雲陰  
潘岳閒居賦鍾期流水琴一經當自足何用遺黃金

郡中西園

唐白居易 中

南園

唐元稹 中

閒園多芳艸春夏香靡靡院門閉松竹庭徑穿蘭芷  
魚依藻長樂鷗見人驚起有時舟隨風盡日蓮照水  
誰知郡府內景物閒如此

清露夏天曉荒園野氣通水禽逢汎雪池蓮迥披紅  
幽林詎知暑環舟似不窮頭灑塵喧意長嘯滿襟風

南園六首

唐李賀

宮北田塍曉氣酣黃桑飲露空宮簾長腰健婦偷攀  
折將餒吳王八箇蠶

竹裏綠絲挑網車青蟬獨噪日光斜桃膠迎夏香琥珀  
自課越傭能種瓜

春水初生乳燕飛黃蜂小尾撲花歸窻含遠色通書  
幌魚擁香釣近石磯

泉沙軟臥鴛鴦暖曲岍回篙舴艋遲瀉酒木蘭蕉葉  
地部

卷十六

大

園林

蓋病客扶起種菱絲

長巒谷口倚嵇家白晝千峰老翠華自履藤鞋收石  
蜜手牽苔絮長蒹花

松谿黑水新龍卵桂洞生硝舊馬牙誰遣虞卿裁道  
帔輕綃一匹染朝霞

南園

唐李賀

方領蕙帶折角巾杜若已老蘭若春南山削秀藍玉  
合小雨歸去飛涼雲熟杏暖香梨葉老艸稍竹色鎖  
池痕鄭公鄉老開酒尊坐汎楚奏吟招魂

家園

唐白居易

滄浪峽水千陵灘路遠江深欲去難何似家池通小  
院臥房堦下插魚竿

和李僕射西園

唐張籍

遇午歸閒處西庭敞四簷高眠著瑟枕散帙檢書籤  
印在休通客山晴好捲簾竹涼蠅到少藤暗蝶爭潛  
曉鵲頻驚喜疎蟬不許拈石苔生紫點欄藥吐紅尖  
虛坐詩情遠幽探道侶兼所營尚勝地雖儉復誰嫌

程評事西園

唐釋法震

誰向春鶯道名園已共知簷前迴水影城上出花枝  
搖拂煙雲動登臨翰墨隨相招能不厭山舍爲君移

地部

卷十六

九

園林

陳氏園林

唐鄭巢

當門三四峰高興幾人同尋鶴新泉外留僧古木中  
蟬鳴槐葉雨魚散菱荷風多喜倍幽賞清吟繞石叢

小園

唐李建勳

小園我所好栽植忘勞形晚果經秋赤寒蔬近社青  
竹籬荒引蔓土井淺生萍更欲從人勸還高置艸亭

將赴益州題小園壁

唐蘇頌

歲窮惟益老春至却辭家可惜東園樹無人也作花  
自題小園

唐白居易

廻看甲乙第列在都城內素垣及朱門藹藹遙相對

主人安在哉富貴去不迴池乃爲魚樂林乃爲禽栽  
何如小園主拄杖閒即來親賓有時會琴酒連夜閒

題裴二十一新園

唐皇甫冉

東郭訪先生西郊尋隱路久爲江南客自有雲陽樹  
已得閒園心不知公府步開門白日晚倚杖青山暮  
果熟任霜封籬疎從水度窮年常牽綬往事情淪誤  
唯見耦耕人朝朝自來去

題李沆林園

唐盧綸

古巷牛羊出重門接柳陰閒看入竹路自有向山心  
種藥齊幽石耕田到遠林願同詞賦客得與謝家深

地部

卷十六

二十一

園林

題從叔沆林園

唐李端

阮宅閒園暮總中見樹陰樵歌依遠艸僧語過長林  
鳥上花閒丹人彈竹裏琴白嫌身未老已有任山心

題崔端公園林

唐李端

上士愛清輝開門向翠微抱琴看鶴去枕石待雲歸  
野坐苔生席高眠竹挂衣舊山東望遠惆悵暮花飛

灞東題司馬郊園

唐許渾

楚翁秦塞往昔事李輕車白社貧思極青門老仰爪  
讀書三徑艸沽酒一籬花更欲尋芝木商山便寄家

遊園詠

晉湛方生

諒茲境之可懷究川阜之奇勢水窮清以澈鑒山鄰  
天而無際乘初霽之新景登北館以悠曠對荆門之  
孤阜俯魚陽之秀岳乘夕陽而含詠杖輕策以行遊  
襲秋蘭之流芬幙長椅之森脩任緩步以升降歷丘  
墟而四周智無涯而難恬性有方而易適差一毫而  
遽乖徒理存而事隔故羈馬思其華林龍雉想其阜  
澤矧流客之歸思豈可忘於疇昔

從武帝華林園宴二章

晉荀勗

習習春陽帝出乎震天施地生以應仲春思文聖皇  
順時秉仁欽若靈則飲御嘉賓洪恩普暢慶乃衆臣

地部

卷十六

三十一

園林

其慶維何錫以帝祉肆觀羣后有客戾止外納嬰荒  
內延卿士簫管詠德八音咸理凱樂飲酒莫不宴喜  
栖玄寺聽講畢遊邸園七韻應司徒教

齊王融

道勝業茲遠心閒地能陳桂楸鬱初栽蘭墀坦將闢  
虛檐對長嶼高軒臨廣液芳艸列成行嘉樹紛如積  
流風轉還逕清煙泛喬石日汨山照紅松映水  
華碧暢哉人外賞遲遲眷西夕

遊後園

齊竟陵王



託性本禽魚栖情閒物外羅逕轉連綿松軒方杳藹  
丘壑每淹留風雲多賞會

遊後園

梁元帝

暮春多淑氣斜景落高春日照池光淺雲歸山望濃  
入林迷曲逕渡渚隔危峰

晚景遊後園

梁元帝

高軒聊騁望煥景入川梁波橫一作山度影雨罷葉  
生光日移花色異風散水紋長

遊韋黃門園

梁簡文帝

息車冠蓋里停轡仲長園簷疎遠興積實至羽觴繁

地部

卷十六

三

山林

夜遊北園

梁簡文帝

星芒侵嶺樹月暈隱城樓暗花舒不覺明波動見流  
賦得西園遊上才沈約詩月詩曰高樓切思婦西園遊上才

隋王胄

西園遊上才清夜可徘徊月桂臨樽上山雲影蓋來  
飛花隨燭度疎葉向帷開當軒顧應阮還覺賤鄒枚

與弟遊家園

唐張九齡

定省榮君賜來歸是晝遊林鳥飛舊里園果饌新秋  
枝長南庭樹池靈北澗流星霜屢爾別蘭麝爲誰幽

偶遊主人園

唐賀知章

主人不相識偶坐爲林泉莫謾愁沽酒囊中自有錢

春過賀遂員外藥園

唐王維

前年槿籬故新作藥欄成香艸爲君子名花是長卿  
水穿盤石透藤繫古松生譙畏開厨走來蒙倒屣迎  
蔗漿菰米飯蒟醬露葵羹頗識灌園意於陵不自輕

陪鄭廣文遊何將軍山林

唐杜甫

不識南塘路今知第五橋名園依綠水野竹上青霄  
谷口舊相得濠梁同見招平生爲幽興未惜馬蹄遙

二

百頃風潭上千章夏木清早枝低結子接葉暗黃鸝

地部

卷十六

三

山林

鮮鯽銀絲鱸香芹碧澗羹翻疑施樓底晚飯越中行

三

萬里戎王子何年別月支異花開絕域滋蔓匝清池  
漢使徒空到神農竟不知露翻兼雨打開圻漸離披

四

荷含連高竹疎籬帶晚花懶澗深沒馬藤蔓曲藏蛇  
詞賦工無益山林跡未賒盡拈書籍賣來問爾東家

五

刺水滄江破殘山碣石開綠垂風折筍紅綻出肥梅  
銀甲彈箏用金魚換酒來興移無酒掃隨意坐莓苔

六

風磴吹陰雪雲門吼瀑泉酒醒思臥簾衣冷欲裝綿  
野老來看客河魚不取錢只疑淳朴處自有一山川

七

棘樹寒雲色茵陳春藕香脆添生菜美陰益食簾涼  
野鶴清晨出山精白日藏石林蟠水府百里獨蒼蒼

八

憶過楊柳渚走馬定昆池醉把青荷葉狂遺白接離  
刺船思郢客解水乞吳兒坐對秦山晚江湖與頰隨

九

地部

卷十六

西

園林

牀上書連屋堦前樹拂雲將軍不好武穉子總能文  
醒酒微風入聽詩靜夜分絺衣挂蘿薜涼月白紛紛

十

幽意忽不愜歸期無奈何出門流水住回首白雲多  
自笑燈前舞誰憐醉後歌祇應與朋好風雨亦來過

重過何氏山林五首

唐杜甫

問訊東橋竹將軍有報書倒衣還命駕高枕乃吾廬  
花妥鶯捎蝶溪喧獺趁魚重來休沐地真作野人居

二

山雨樽仍在沙沈榻未移犬迎曾宿客鵲護落巢兒

雲薄翠微寺天清皇子陂向來幽興極步履過東籬

三

落日平臺上春風咬茗時石欄斜點筆桐葉坐題詩  
翡翠鳴衣桁蜻蜓立釣絲自今幽興熟來往亦無期

四

頗怪朝參懶應耽野趣長雨拋金鎖甲苔臥綠沈槍  
手自移蒲柳家纔足稻梁看君用幽意白日到羲皇

五

到此應嘗宿相留可判年蹉跎暮容色悵望好林泉  
何日霑微祿歸山買薄田斯遊恐不遂把酒意茫然

地部

卷十六

三

園林

攜妓登梁王樓霞山孟氏桃園中

唐李白

碧艸已滿地柳與梅爭春謝公自有東山妓金屏笑  
坐如花人今日非昨日明日還復來白髮對綠酒強

歌心已摧君不見梁王池上月昔照梁王樽酒中

王已去明月在黃鸝愁醉啼春風分明感故鄉

莫惜醉臥桃園東

春園宴

唐張

南園春色正相宜大婦同行小婦隨竹裏金屏人不  
見花間覓路鳥先知櫻桃解結垂簾幕楊柳輕搖

戶枝山簡醉來歌一曲參差笑殺郢中兒

晦日處士叔園林燕集

唐韋應物

遽看葉盡坐闌芳年賞賴此林下則清風勝煩想  
始萌動新煦佳禽發幽響嵐嶺對高齋春流滿疏環  
樽酒遺形迹道言屢開獎幸蒙終夕歡聊用發幽  
春日同諸公過兵部王尚書林園

唐韋應物

休沐君相近時客曳履過花間留客久臺上見春多  
松色以含文竹綠維玉河上酒熟相與醉

秋日過徐氏園林

唐包氏

地部

卷十六

三

廻塘分越水古樹積吳煙掃竹催鋪席垂蘿待繫船  
鳥窺新鑪栗龜上半欹蓮屢入忘歸地長嗟俗事牽

過張老園林

唐丁鶴

身老無修飾頭巾用白紗開門朝掃徑登水夜澆花  
藥氣聞深巷桐陰到數家不愁還酒債腰下有丹砂

晚白朝臺至韋隱居郊園

唐許渾

秋來鳬鴈下方塘繫馬朝臺步夕陽村徑繞山松葉  
晴野門臨水稻花香雲連海氣琴書潤風帶潮聲枕  
簟涼西下磬溪猶萬里可能重白待文王

從天平節度使遊平流園

唐曹鄴

池塘靜於寺俗事不到眼下馬如在山令人忽跡散  
入竹藤似蛇侵牆水成蘚沿流路若窮及行路猶遠  
洞中已云夕洞口天未晚

遊東湖黃處士園林

唐劉威

偶向東湖更向東數聲鷄犬翠微中遙知楊柳是門  
處似隔芙蓉無路通樵客出來山帶雨漁舟過去水  
生風物情多與閒相稱所恨求安計不同

和崔監丞春遊鄭僕射東園

唐張翥

春曉隨花盡東園自養閒不離三畝地似入萬重山  
白鳥穿蘿去清泉抵石還豈同秦代客無位隱商山

地部

卷十六

三

酬姚員外見過林下

唐僧無可

掃苔迎五馬蒔藥過申鍾鶴共林僧見雲隨野客逢  
入樓山隔水滴旆露垂松日暮題詩去空知雅調重

一作

田南樹園激流植援

宋謝靈運

樵隱俱在山由來事不同不同非一事養病亦園中  
中園一作屏氛雜清曠招遠風上室倚北阜啟扉面  
南江激澗代汲井插槿當列壠群木既羅戶衆山亦  
當一作愔靡迤邐下田一作追遞瞰高峰寡欲不期  
勞即事罕人功唯開蔣生徑永懷求羊蹤賞心不可

忘妙善冀能同

園中秋散

宋鮑照

負疾固無豫晨衿悵已單氣交蓬門疎風數圍艸殘  
荒墟半晚色幽庭憐夕寒既悲月戶清復切夜蟲酸  
流枕商聲苦騷殺年志闌臨歌不知調發興誰與歡  
儻結絃上情豈孤林下彈

臨後園

梁簡文帝

隱淪遊少海神仙入太華我有逍遙趣中園復可嘉  
千株同落葉百丈共尋霞

憩郊園

梁沈約

地部

卷十六

天

南林

宿東園

梁沈約

陳王鬪鷄道安仁采樵路東郊豈異昔聊可閑余步  
野徑既盤紆荒阡亦交互槿籬疎復密荆扉新且故  
樹頂鳴風颭艸根積霜露驚塵去不息征鳥時相顧  
茅棟嘯愁鷗平岡走寒兔夕陰帶層阜長煙引輕素  
飛光忽我道豈止歲云暮若蒙西山藥頽齡倘能度

行園

梁沈約

寒瓜方臥瓏秋菰亦滿陂紫茄紛爛熳綠芋鬱參差  
初松向堪把時菲日離離高梨有繁實何減萬年枝

荒渠集野鴈安用昆明池

和沈祭酒行園

齊謝朓

清淮左長薄荒徑隱高蓬回潮旦夕上寒渠左右通  
霜畦紛綺錯秋町鬱蒙茸環梨縣已紫珠榴折且紅  
君有棲心地伊我歡既同何用甘泉側玉樹望青蔥

寒園即目

北周庾信

寒園星散居搖落小村墟遊仙半壁蕭隱士一牀書  
子月泉心動陽爻地氣舒雪花深數尺氷牀厚尺餘  
蒼鷹斜望雉白鷺下看魚更想東都外群公別二疏

郊園即事

唐王勃

地部

卷十六

天

南林

煙霞春早賞松竹故年心斷山疑畫障縣瀟瀟鳴琴  
艸徧南亭合花開北院深閒居饒酒賦隨興欲抽簪  
南山家園林木交映盛夏五月幽然清涼獨坐

思遠率成十韻

唐陳子昂

寂寥守窮巷幽獨臥空林松竹生虛白階庭橫一作  
古今鬱蒸炎夏晚棟宇悶清陰軒窓交紫靄層戶對  
蒼岑鳳蘊仙人錄鸞歌素女琴忘機委人代開牖察  
天心蛺蝶憐紅藥蜻蛚愛碧潯坐觀萬象化方見百  
年侵擾擾將何息青青長苦吟願隨白雲駕龍鶴相  
招尋

田園七首

唐王維

厭見千門萬戶經過北里南鄰官府鳴珂有底崢嶸  
散髮何人

再見封侯萬戶立譚賜壁一雙詎勝耦耕南畝何如  
高臥東窓

采菱渡頭風急策杖林西日斜杏樹壇前漁父桃花  
源裏人家

萋萋芳艸春綠落落長松夏寒牛羊自歸村巷童穉  
不識衣冠

山下孤煙遠村天邊獨樹高原一瓢顏回陋巷五柳  
地部

卷十六

三

渭水

先生對門

桃紅復含宿雨柳綠更帶朝煙花落家僮未掃鶯啼  
山客猶眠

酌酒會臨泉水抱琴好倚長松南園露葵朝折東舍  
黃梁夜春

寒雨朝行視園林

唐杜甫

盛

柴門雜樹向千株丹橘黃柑此地無江上今朝寒雨  
歇籬中秀色蕭屏紆桃蹊李徑年雖古梔子紅椒艷  
色殊鎖石藤梢元自落倚天松骨見來枯林香出實  
垂將盡葉辭枝不重蘇愛日恩光蒙借登清霜殺

氣得憂虞衰顏動憂慕牀坐緩步仍須竹杖扶散騎  
未知雲閣處帝後僻在楚山隅

課小豎鉏斫舍北果林枝蔓荒穢淨訖移牀三

首

唐杜甫

盛

病枕依茅棟荒鉏淨果林背堂資僻遠在野興清深  
山雉防求敵江猿應獨吟洩雲高不去隱几亦無心

二

衆壑生寒早長林卷霧齊青蟲懸就日朱果落封泥  
薄俗防人面全身學馬啼吟詩坐迴首隨意葛巾低

三

地部

卷十六

三

渭水

籬弱門何向沙墟所只摧日斜魚更食客散鳥還來  
寒水光難定秋山響易哀天涯稍曛黑倚杖更徘徊

晚歸東園二首

唐李頎

盛

出郭喜見山東行亦未達夕陽帶歸鴛鴦露秋光晚  
樵者乘霽歌野夫及星飯請謝朱輪客垂竿不復返

二

荆扉帶郊郭稼穡滿東窗倚杖寒山暮鳴梭秋葉時  
回雲覆陰谷返景照霜梨澹泊真吾事清風別白茲

小園招隱

唐錢起

中

支離鮮兄弟形影如手足但遂飲水節甘辭代耕祿

斑衣在林巷始覺無羈束交柯低戶陰間鳥將雛窮通世情阻日夜苔徑綠誰言北郭貧能分晏嬰粟

秋園晚沐

唐錢起

黃卷在窮巷歸來生道心五株衰柳下三徑小園深倒薤翻成字寒花不假林龐眉謝群彥獨酌且閒吟

永寧小園即事

唐羊士諤

蕭條梧竹下秋物映園廬宿雨方燃桂朝飢更摘蔬陰苔生白石時菊覆清渠陳力當何事忘言愧道書

早行林下

唐白居易

披衣未冠櫛晨起入前林宿露殘花氣朝光新葉陰地部

卷十六

三

傍松人跡少隔竹鳥聲深閒倚小橋立傾頭時一吟

小園秋興

唐楊發

誰言帝城裏獨作野人居石磴晴看疊山苗晚自鋤猶慚五秉粟尚癖一車書思昔揚雄宅還無卿相與

閒園懷蘇子

唐孟浩然

林園雖少事幽獨自多違向夕開簾坐庭陰落景微鳥從煙樹宿螢傍水軒飛感念同懷子京華去不歸

閒園書事招暢當

唐司空曙

聞蟬晝眠後欹枕對蓬蒿羸病懶尋戴田園方採陶傍簷蟲挂靜出樹蝶飛高惆悵臨清鏡思君見二毛

閒園即事贈考功王員外

唐李端

南陌晴雲稍變霞東風動柳水紋斜園林帶雪潛生艸桃李雖春未有花幸接上賓登鄭驛羞爲長女似黃家今朝一望還成暮欲別芳菲戀歲華

春日郊園賦贈楊殷

唐許渾

十里蒹葭入薜蘿春風誰許颺鳴珂相如渴後狂還減曼倩歸來語更多門枕碧溪水皓耀檻齊青嶂雪嵯峨野橋沽酒茅簷下誰羨紅樓一曲歌

後園餞從兄豫章

齊王儉

茲夕竟何夕念別開曾軒光風轉蘭蕙流月泛虛園地部

卷十六

三

奉陪鄭駙馬韋曲二首

唐杜甫

韋曲花無賴家家惱殺人淶樽須盡日白髮好禁春石角鉤衣破藤枝刺眼新何時占叢竹頭戴小烏巾

二

野寺垂楊裏春畦亂水間美花多映竹好鳥不歸山城郭終何事風塵豈駐顏誰能共公子薄暮欲俱還

詩雋類函卷十六



詩雋類函卷十七

東吳俞安期彙纂

宣城梅鼎祚增定

橋李項德明訂校

地部二

苑

關

橋

塵

堤

園

附

○苑

樂遊苑應詔詩

宋范曄

崇盛歸朝闕虛寂在川岑山梁協孔性黃屋非堯心

軒駕時未肅文圃降照臨流雲起行蓋晨風引鸞音

原薄信平蔚臺澗備曾深蘭池清夏氣脩帳含秋陰

遵渚攀蒙密隨山上嘔嶽睇目有極覽游情無近尋

地部

卷七

苑

聞道雖已積年力互頽侵探已謝丹轍一作感事懷

長林

上林

梁昭明太子

千金腰褭騎萬斤流水車爭遊上林裏高蓋逗春華

春日想上林

梁簡文帝

春風本自奇楊柳最相宜柳條恒著地楊花好上衣

處處春心動常惜光陰移西京董賢館南苑習郁池

荇間魚共樂桃上鳥相窺香車雲母幃駛馬黃金羈

南苑中

梁何遜

苑門闢千扇苑戶開萬扉樓殿聞朱履竹樹隔羅衣

漢苑行三首

唐張仲素中

回鴈高飛太液池新花低發上林枝年光到處皆堪

賞春色人間總未知

春風澹澹影悠悠驚轉高枝燕入樓千步迴廊聞鳳

吹珠簾處處上銀鉤

二月春光變柳條九天清樂奏雲韶蓬萊殿後花如

錦紫閣堦前雪未消

吳苑行

唐溫庭筠晚

錦雉雙飛梅結子平春遠綠隄中起吳江澹澹水連

空三尺屏風隔千里小苑有門紅扇開天絲舞蝶共

地部

卷七

苑

徘徊綺戶雕楹常若此韶光處處還歸來

沙苑

唐鄭谷晚

茫茫信馬行不似近都城苑吏猶迷路江人莫問程

聚來千嶂出落去一川平日暮客心速愁聞鴈數聲

苑中

唐韓偓晚

上苑離宮處處迷相風高與露盤齊金堦鑄出後視

立玉柱雕成翡翠啼外使調鷹初得按中官過馬不

教嘶笙歌錦繡雲霄裏獨許詞臣醉似泥

遊建興苑

梁紀少瑜

丹陵抱天邑紫淵更上林銀臺懸百仞玉樹起千尋

水流冠蓋影風揚歌吹音踟躕憐拾翠顧步惜遺簪  
日落庭光轉方幙屢移陰終言樂未極不道愛黃金

南苑看遊者

宋鮑照

洛陽小苑地車馬盛經過綠溝駐行幘傍柳轉一作  
鳴珂履高含響珮襪輕半隱羅浮雲無處所何月轉  
橫波

南苑看人還

梁庾肩吾

春花競玉顏俱折復俱攀細腰宜窄衣長釵巧挾鬟  
洛橋初度燭青門欲上關中人應有望上客莫前還  
遣使宣詔幸上苑入校二年臘卿相欲許將花發請幸上苑有所謀也許之

地部

卷七

三

尋疑有異圖乃遣使宣詔云云於是凌晨名花布苑羣臣咸服其異

唐武后

明朝遊上苑火速報春知花須連夜發莫待曉風吹  
大曆十四年侍郎潘炎試花發上林苑

唐王表

御苑春何早繁花已繡林笑迎明主仗香拂美人簪  
地接樓臺近天垂雨露深晴光來戲蝶夕景動棲禽  
欲托凌雲勢先開捧日心方知桃李樹從此別成陰  
賦得長洲苑送李惠

唐郎士元

艸深那可訪地主阻相傳散漫三秋雨疎蕪萬里煙

都迷采蘭處強記館娃年客有遊吳者臨風思眇然

京兆歌

齊陸厥

兔園夾池水脩竹復檀欒不如黃山苑儲胥與露寒  
邇邇傷無界岑壼一作樽上干干入翠微下趾連  
長薄芳露浸紫莖秋風搖素馬起宵未央雲間月  
將落照梁桂兮影徘徊承露盤今光照灼壽陵之街  
走狐兔金卮玉盃會銷鑠願奉葡萄花為君實羽爵

遊古苑

禪藻集誤作何偃

陳釋洪偃

龍田畱故苑汾水結餘波悵望傷遊目辛酸思緒多  
涼飈慘高樹濃露變輕羅澤葵猶帶井池竹尚一作

地部

卷七

四

侵荷秋風徒自急無復白雲歌

遊故苑

續高僧傳曰瑗每上鍾阜諸寺修造道泉石偏見朋從把臂郊垌

陳釋曇瑗

丹陽松葉少白水黍苗多浸淫下客淚哀怨動民歌  
春溪度短葛秋浦沒長莎麋鹿自騰倚車馬絕經過  
蕭條四野望惆悵將如何

觀園人藝植

以下圖

宋鮑照

善賈笑蠶漁巧宦賤農牧遠餐遍關市深利窮海陸  
乘輅實金羈當墟信珠服居無逸身伎安得坐梁肉  
徒承屬生幸政緩更平陸春畦及耘藝秋場早芟築

澤閱既繁高山營又登熟抱鋪壠上餐結茅野中宿  
空織已尚淳寧知俗翻覆

從皇太子出玄圃應令

梁庾肩吾

春光起麗譙屣步陟山椒閣影臨飛蓋鳴入洞簫  
水還登故渚樹長蔭長橋綠荷生綺葉丹藤上細苗  
顧循慙振藻何用擬瓊瑤

藥圃

唐司空曙中

春園芳已遍綠蔓雜紅英獨有深山客時來辨藥名  
○堤

大堤

原作藥陽

宋隨王誕

地部

卷十七

五

關堤

朝發襄陽城暮至大堤宿大堤諸女兒花豔驚郎目  
雍州大堤曲

梁簡文帝

宜城斷中道行旅亟留連出妻工織素妖姬慣數錢  
炊彫留上客貫酒逐神仙

大堤曲

唐李白盛

漢水橫一作襄陽花開大堤煖佳期大堤下淚向南  
雲滿春風復無情吹我夢魂散不見眼中人天長音

信斷

大堤曲

唐李賀中

妾家住橫塘紅紗滿桂香青雲教綰頭上髻明月與

作耳邊璫蓮風起江畔春大堤上留北人郎食鯉里  
尾妾食猩猩脣莫指襄陽道綠浦歸帆少今日菖蒲  
花明朝楓樹老

堤上行二首

唐張籍中

酒旗相望大堤頭堤下連橋堤上樓日暮行人爭渡  
急漿聲幽軋滿中流

江南江北望煙波入夜行人相應歌桃葉傳情竹枝  
怨水流無限月明多

堤上行

唐劉禹錫中

春堤繚繞水徘徊酒舍旗亭次第開日晚上樓招估  
地部

卷十七

六

堤

客峨舸大船落颿來

沙堤行呈裴相公

唐張籍中

長安大道沙爲堤早風無塵晚無泥宮中玉漏下三  
刻朱衣導騎丞相來路傍高樓息歌吹千車不行行  
者避街官閭吏相傳呼當前十里惟空衢白麻詔下  
移相印新堤未成舊堤盡

○道路

逕附

詠道

唐李嶠中

銅駝分鞏洛劍閣抵臨邛紫微三千里青樓十二重  
玉關塵似雪金穴馬如龍今日中衢上堯躔更可逢

東西道

唐元稹

天皇開四極便有東西道萬古閱行人行人幾人老  
顧我倦行者息陰何不早少壯塵事多那言壯年好

岐路

唐鮑溶

北風送微寒徒侶勤遠程憂人席不暖殘月馬上明  
飄飄岐路間長見日初生重嶂曉色淺疎猿寒啼清  
人間多岐路常恐終身行迴見四方人車輪無留聲  
空谷亦可隱下田非嬾耕古人有遺訓飽食非親榮  
我生禮我鄉少小見太平聖賢猶騎旅况復非其名

地部

卷七

七

又下合諸水而總其日焉故有瀘江之名矣  
自朱提至犍道有水步道有黑水羊官水至  
崧難三津之阻行者  
苦之故俗爲之語曰

猶溪赤木盤蛇七曲盤竿烏欏氣與天通

蜀道難二首

梁簡文帝

建平督郵道魚復永安宮若奏巴渝曲時當君思中

二

巫山七百里巴水三迴曲笛聲下復高猿啼斷還續

蜀道難

梁劉孝威

玉壘高無極銅梁不可攀雙流逆巖道九坂澀陽關  
鄧侯策馬度王生斂轡還斂轡懼身尤叱馭奉王猷

若慘千金重誰爲萬里侯戲馬吞珠界揚舲濯錦流

沈犀厭恠水握鏡表靈丘禹山金碧有光輝遷亭車

馬尚肥輕彌想上裘擁節返更憶相如乘傳歸君平

子雲圓不嗣江漢英靈信已稀一作英○文苑英華  
類聚同惟郭氏等分前五言後七言  
各爲一首中開大句今從文苑爲一首

蜀道難

陳陰鏗

王尊奉漢朝靈關不憚遙高岷長有雪陰棧屢經燒  
輪摧九折路騎阻七星橋蜀道難如此功名詎可要

蜀道難

古今樂錄曰王僧虔校錄有蜀道難行  
玉壘之阻不歌樂府解題曰蜀道難言銅梁  
作蜀道難似罪嚴武後陸暢譚韋南東早於

地部

卷七

八

蜀郡感章之恩遂反其詞作蜀道易云蜀道  
易易於履平地按銅梁玉壘在蜀郡西南今  
永康是也非入  
蜀道失之遠矣

梁山鎮地險精石阻雲端深谷下寥廓層巖上躡盤

飛梁駕絕嶺棧道接危巒攬轡獨長息方知斯路難

蜀道難

唐李白

噫吁戲危乎高哉蜀道之難難於上青天蠶叢及魚  
鳧開國何茫然爾來四萬八千歲不與秦塞通人煙

西當太白有鳥道可以橫絕峨眉巔地崩山摧壯士

死然後天梯石棧相鉤連上有六龍回日之高標下

有衝波逆折之回川黃鶴之飛尚不得過猿猱欲度

愁攀綠青泥何盤盤百步九折繁巖巖捫參戶并仰  
脇息以手撫膺坐長歎問君西遊何時還畏途巉巖  
不可攀但見悲鳥號古木雄飛雌從繞林間又聞子  
規啼夜月愁空山蜀道之難難於上青天使人聽此  
彫朱顏連峯去天不盈尺枯松倒挂倚絕壁飛湍瀑  
流爭喧豨崩崖轉石萬壑雷其嶮也如此嗟爾遠道  
之人胡為乎來哉劍閣崢嶸而崔嵬一夫當關萬夫  
莫開所守或匪親化為狼與豺朝避猛虎夕避長蛇  
磨牙吮血殺人如麻錦城雖云樂不如早還家蜀道  
之難難於上青天側身西望長咨嗟

地部

卷七

九

道路

名首訪之既奇其姿又請所為文  
太白出蜀道難示之呼為謫仙人

蜀路二首

唐張說初

雲埃夜澄廓山日曉晴鮮葉落滄江岼鴻飛白露天  
磷磷含水石羃羃覆林煙客心久無緒秋風殊未然

二

後蜀時未改別家鄉念盈憶昨出門日春風發鮮榮  
及茲旋轅地秋風滿路生昏曉思魏闕夢寐遼秦京  
秦京開朱第魏闕垂紫纓幽獨玄虛閣不聞人馬聲  
藝業為君重名位為君輕玉琴知調苦寶鏡照膽清  
鷹飢常啄腥鳳飢亦待瓊於君自有屬物外豈能輕

穆陵路

唐陳存中

西遊匣長劍日暮湘楚間歇馬上秋艸逢人問故關  
孤村綠塘水曠野白雲山方念此中去何時此路還

路唐詩

唐劉禹錫中

朝辭官軍驛前望順陽路野水齧荒墳秋蟲鏤宮樹  
曾聞天寶來胡馬西南驚城守魯將軍拔城從此去

板橋路

唐白居易中

梁苑城西二十里一渠春水柳千條若為此路今重  
過十五年前舊板橋曾共玉容橋上別不知消息到  
今朝

地部

卷七

十

道路

初出藍田路

唐白居易中

停驂問前路路在秋雲裏蒼蒼縣南道去途從此始  
絕頂忽盤上衆山皆下視下視千萬峰峰頭如浪起  
朝經韓公坂夕次藍橋水潯陽僅四千始行七十里  
人煩馬蹄阻勞苦已如此

初入太行路

唐白居易中

天冷日不光太行峰蒼莽常聞此中險今我方獨往  
馬啼凍且滑羊腸不可上若比世路難猶自平於掌

商於新開路

唐李商隱晚

六百商於路崎嶇古共聞蜂房春欲暮虎奔日初曛

路向泉間辨人從樹杪分更誰開捷徑速擬上青雲

東門路

唐于鄴晚

東門車馬路此路在浮沈白日若不落紅塵應更深

青門路

唐劉駕晚

青門有歸路坦坦高槐下門開送客去落日嬾回馬  
旅食帝城中不如遠遊者

赴李少府莊失路

唐皇甫冉中

君家南郭白雲連正待情人弄石泉月照煙花迷客  
路蒼蒼何處是伊川

綠路

唐□□□

地部

卷十七

十一 道路

總是玲瓏竹兼藏淺漫溪沙平深見底石亂不成泥  
煙火搖村落桑麻隔稻畦此中如有問甘被到頭迷

奉教追赴九成宮途中口號

唐李嶠初

委質承仙翰祗命過搖策事偶從梁遊人非背淮客  
長驅歷川阜迴眺窮原澤鬱鬱桑柘繁油油禾黍積  
雨餘林氣靜日下山光夕未攀叢桂巖猶倦飄零陌  
行當奉麾蓋慰此勞行役

山路偶興

唐白居易中

捫蘿上煙嶺蹋石穿雲壑谷鳥晚仍啼洞花秋不落  
提籠復攜榼遇勝時停泊假使在城時終年有何樂

花徑以下徑

唐元稹中

山花夾徑幽古甃生苔澀胡牀理事餘玉琴承露濕  
朝與詩人賞夜攜禪客入自是塵外蹤無令吏趨急

竹裏徑

唐司空曙中

幽徑行迹稀清陰苔色古蕭蕭風欲來乍似逢山雨  
竹徑偶作

唐權德輿中

還朝此休沐閉戶無塵氛支策入幽徑清風隨此君  
瑟觴恣偃傲蘭蕙相氛氲幽賞方自適林西煙景曛

黃州竹徑

唐杜牧晚

竹岡蟠小徑屈折闔地來三年得歸去知遶幾千迴

地部

卷十七

十二

○關

函谷關

漢李尤

函谷險要襟帶喉咽尹從李老留作二篇孟嘗離秦  
奔驚東征夜造稽疑謫以鷄鳴范睢將入自盛以囊  
元鼎車移錯之新安舍彼西阻東即高原長壙重關  
閑固不踰簡易易從與乾合符

秋風函谷關應制

唐徐賢妃初

秋風起函谷朔氣動河山偃松千嶺上雜雨二陵間  
低雲愁廣隰落日慘重關此時飄紫氣應驗真人還

潼關口號

唐玄宗



河曲回千里關門限二京所嗟非特德險到天平

奉和聖製潼關口號應制

唐張說

天德平無外關門東復西不將千里隔何用一丸泥

奉和聖製潼關口號應制

唐張九齡

隱嶙故城壘荒涼空戍樓在德不在險方知王道休

題潼關樓

唐崔顥

客行逢雨霽歇馬上津樓山勢雄三輔關門扼九州

川從陝路去河遶華陰流向晚登臨處風煙萬里愁

戲題關門

唐岑參

來亦一布衣去亦一布衣羞見關城吏還從舊處歸

地部

卷十七

三

題鐵門關樓

唐岑參

鐵關天西涯極目少行客關門一小吏終日對石壁

橋跨千仞危路盤兩岸窄試登西樓望一望頭欲白

劍門

唐杜甫

維天有設險劍閣天下壯連山抱西南石角皆北向

兩崖崇墉倚刻畫城郭狀一夫怒臨關百萬未可傍

珠玉走中原岷峨氣淒愴三皇五帝前鷄犬莫相放

後王尚柔遠職貢道已喪至今英雄人高視見霸王

并吞與割據極力不相讓吾將罪真宰意欲鏹疊嶂

恐此復偶然臨風默惆悵

天井關

唐韋莊

太行山上雲深處誰回雲中築女牆短綆詎能垂玉

甃繚垣何用學金湯斷開嵐翠為高壘截斷雲霞作

巨防守吏不教飛鳥過赤眉何路到吾鄉

度關山

梁劉遵

隴樹寒色落塞雲朝欲開谷深聲易響路狹噫難迴

當知結綬去非是棄繻來行人思顧返道別且徘徊

願度關山鶴勞歌立可哀

散關晨度

唐王勃

關山凌旦開石路無塵埃白馬高譚去青牛真氣來

地部

卷十七

四

重門臨巨壑連棟起崇隈即今揚策度非是棄繻回

秋晚度廢關

唐李行言

秦郊平舊險周德眷遺黎始聞清夜柝俄見落封泥

物色來無限津途去不迷空亭誰問馬閒戍但鳴鷄

山月寒彌淨河風曉更淒贈言楊伯起非復是關西

奉和聖製過潼津關

唐蘇頌

在德何夷險觀風復往還自然同善閉中路可無關

早渡蒲關

唐玄宗

鐘鼓嚴更曙山河野望通鳴鑾下蒲坂飛旆入秦中

地險關逾壯天平鎮尚雄春來津樹合月落戍樓空

馬色分朝景鷄聲逐曉風所希常道泰非復棄繯同

奉和聖製早渡蒲關應制 唐張說 初

蒲坂橫臨晉華芝曉望秦關城雄地險橋路扼天津  
樓映行宮日隄含宮樹春黃雲隨寶鼎紫氣逐真人  
東詠唐虞跡西觀周漢塵山河非國寶明主愛忠臣

奉和聖製早度蒲關應制 唐張九齡 初

魏武中流處軒皇問道迴長堤春樹發高掌曙雲開  
龍負王舟渡人含仙氣來汀津會日月天象役風雷  
東顧重關盡西馳萬國陪遠聞股肱郡元首詠康哉  
奉和聖製早渡蒲關應制 唐徐安貞 初

地部 卷七 五 關

仙掌臨秦甸虹橋關晉關兩都分地險一曲渡河灣  
路得津門要時稱古戍閒城花春正發岸柳曙堪攀  
後乘猶臨水前旌欲換山長安迴望日宸御六龍還  
奉和聖製經函谷關應制 唐張九齡 初

函谷雖云險黃河復已清聖心無所隔空此置關城  
經函谷關 唐韋應物 中

洪河絕山根單軌出其側萬古爲要樞往來何時息  
秦皇既恃險海內被吞食及嗣同覆傾咽嘆莫能塞  
炎靈距西駕婁子非經國徒欲扼諸侯不知慨至德  
聖廟及天寶豺虎起東北下沈戰死竟上無復先色

古今雖共守成敗良可識藩屏無後賢金湯猶何力  
馳車一登眺感慨中自側

過蒲關 唐張說

出得蒲關北儒衣不稱身隴狐一作來試客沙鴨下  
欺人曉戍殘衙火晴原起獵鷹還戎一作是霍  
家親

入武關 陳周弘正

武關設地險遊客好迴迴將軍天上落童子乘繡來  
揮汗成雲雨車馬颺塵埃鷄鳴不可信不聽長元回  
入潼關 唐太宗

地部 卷七 十六

嶺西稱地險襟帶壯兩京霜峰直臨道水河曲繞城  
古木參差影寒後斷續聲冠蓋往來合風塵朝夕驚  
高譚先馬度僞曉預鷄鳴棄繯懷遠志封泥負壯情  
向有真人氣安知名不名

奉和聖製入潼關 唐許敬宗 初

職馭循黃道星陳引翠旗濟潼紆萬乘臨河耀六師  
前旌彌陸海後騎發通伊勢踰迴地輻處虞輿入機  
是節歲窮紀關樹蕩涼颼仙霧含靈堂瑞雲照川湄  
沖襟賞臨睨高詠入京畿

秋入關 唐賀知章

河上微風來關頭樹初濕今朝關城吏又見孤客入  
上國誰與期西來徒自急

出關

唐魏徵

中原初逐鹿投筆事戎軒縱橫計不就慷慨志猶存  
杖策謁天子驅馬出關門請纓係南越憑軾下東藩  
鬱紆陟高岫出沒望平原古木吟寒鳥空山啼夜猿  
旣傷千里目還驚九折冤豈不憚艱險深懷國士恩  
季布無二諾侯嬴重一言人生感意氣功名誰復論

出玉關

唐來濟

斂轡遵龍漢銜懷度玉關今日流沙外垂涕念生還  
地部

卷七

七

出關路

唐白居易

山川由谷路塵土遊子顏蕭條去國意秋風生故關

出關

唐曹鄴

山上黃犢走避人山下女郎歌滿野我獨南征恨此  
身更有無成出關者

望蕭關

唐朱慶餘

漸見風砂暗蕭關欲到時兒童能探火婦女解縫旗  
川絕銜魚鷺林多帶箭麋暫來戎馬地不敢苦吟詩

潼關道中

唐鄭谷

白道曉霜迷籬燈照馬嘶秋風滿關樹殘月隔河鷄

來往非無倦窮通豈易齊何年歸故社披雨翦春畦  
行次潼關題驛後軒

唐許渾

飛閣極層臺終童此路回山形朝關去河勢抱關來  
鴈過秋風急蟬鳴宿霧開平生無限意驅馬任塵埃  
函谷關歌送劉評事使關西

唐岑參

君不見函谷關崩城毀壁至今在樹根艸蔓遮古道  
空谷千年長不改寂寞無人空舊山聖朝無事不須  
關白馬公孫何處去青牛老人更不還蒼苔白骨空  
滿地月與古時長相似野花不省見人行山鳥何曾  
識關吏故人方乘使者車吾知郭丹却不如請君時

地部

卷七

七

憶關外客行到關西多致書

○橋

賦得橋

梁簡文帝

浮梁旣衝嶮通波信可陵乘空寫渭石跨岬擬河水  
斜關隱濁霧布影入清澗方知歌綠水無待榜蒼鷹

賦橋

唐張文宗

造舟浮渭日鞭石表秦初星文遙瀉漢虹勢尚凌虛  
已授文成履空題武騎書別有臨濠上棲偃獨觀魚

詠橋

唐李嶠

烏鵲填應滿黃公去不歸勢疑虹始見形似鴈初飛

妙應七星制高分半月輝秦王空構石仙島遠難依

賦得浮橋

唐太宗

岸曲非千里橋斜異七星暫低逢輦度還高直  
浪驚水搖文鵠動纜轉錦花繁遠近隨輪影輕重應  
人行

石橋

梁簡文帝

惠子臨濠上秦王見海神寫虹便欲飲圖星通似真

石橋

梁庾肩吾

秦王金作柱漢帝玉爲欄仙人飛往易道士出歸難

石橋

梁蕭若蘭

地部

卷十七

十九

橋

連延過絕澗迢遞跨長津已數逢仙客兼曾度鶴人

題石橋

唐韋應物

達學臨海嶠橫此莓苔石郡齋三四峰如有靈仙作

跡方愁暮雲滑始照寒池碧自與幽人期逍遙竟

朝夕

板橋

唐司空曙

橫遶野水石前帶荒村道來往見愁人清風柳陰好

苦竹橋

唐柳宗元

危橋屬幽徑繚繞穿疎林迸籜分苦節輕筠抱虛心

俯瞰涓涓流仰聆蕭蕭吟差池下煙日嘲嘈鳴山禽

諒無要津用棲息有餘音

和李相公留守題漕上新橋六韻

唐白居易

選石鋪新路安橋壓古堤似從銀漢下落傍玉川西  
影定闌干倒標高華表齊煙開虹半見月冷鷗幾棲  
材以夔龍小功嫌元凱低從容濟世後餘力及黔黎

壞橋

梁簡文帝

虹飛巨林際星度斷山隅斜梁懸水跡畫柱脫輕朱

壞橋

梁徐摛

匪欄生暗鮮覆板沒魚衣岼曲斜梁阻何時香步歸

地部

卷十七

二十

橋

皇橋

唐皮日休

皇橋依舊綠楊中間里猶生隱士風唯我到來居上

館不知何道勝梁鴻

奉和皇橋

唐陸龜蒙

橫絕春流架斷虹凭欄猶想五噫風今來未必非梁

孟却是無人繼伯通

忝在司水看治渭橋

北周庾信

大夫參下位司職渭之陽富平移鐵鐮一作甘泉運

后梁跨虹連絕岼浮龍續斷航春洲鸚鵡色流水桃

花香星精逢漢帝釣叟值周王平堤石岼直高堰柳

陰長美言杜元凱河橋獨舉觴

和庾司水修渭橋

北周王褒

東流仰天漢南渡似牽牛長堤通甬道飛梁跨造舟  
使者開金堰太守擁河流廣陵侯濤水荆峽望陽侯  
波生從故舶沙漲湧新洲天星識辯對檢玉應沈鉤  
空悅浮雲賦非復採蓮謳

登渭橋

北周宗騫

仲山朝飲馬還坐渭橋中南瞻臨別館北望盡離宮  
四面衣裾合三條冠蓋通蘭香想和季雲起憶成公  
圯上相知早鷄鳴幸共同

地部

卷十七

三

應灰

渡岍橋

陳陰鏗

畫橋長且曲傍險復憑流寫虹晴尚飲圖星晝不收  
跨波連斷岍接路上危樓欄高荷不及池清影自浮  
何必橫南渡方復似牽牛

登平望橋下作

唐顏真卿

登橋試長望望極與天平際海蒹葭色終朝鳬鴈聲  
近山全髮髯遠水忽微明更覽諸公作知高題柱名  
陪李七司馬阜江上觀造竹橋即日成往來之  
人免冬寒入水聊題短作簡李公

唐杜甫

伐竹爲橋結構同褰裳不涉往來通天寒白鶴歸華

表日落青龍見水中愧我老非題柱客知君才是濟

川功合歡却笑千年事驅石何時到海東

○塵

灰附

飛塵篇

晉傅玄

飛塵穢清流朝雲蔽日光秋蘭豈不芬鮑肆亂其芳  
河決潰金堤一手不能障

梁塵

梁簡文帝

依帷濛重翠帶日聚輕紅定爲歌聲起非關團扇風  
賦得簾塵詩

地部

卷十七

三

應灰

朝逐珠胎卷夜傍玉鉤垂恒交羅袖拂不分秋風吹

詠塵

唐駱賓王

凌波起羅襪含風染素衣別有知音調聞歌應自飛

詠塵

唐張說

仙浦生羅襪神京染素衣裨山期益峻照日幸增輝  
夕伴龍媒合朝隨鳳輦歸獨憐范甌下思繞畫梁飛

塵灰

唐駱賓王

洛川流雅韻秦道擅奇威聽歌梁上動應律管中飛  
光飄神女襪影落羽人衣願言心未翳終冀效輕微

詠灰

隋岑德潤

圖規量不缺氣改律還虛欲然愁獄吏棄道畏刑書  
未得逢疆陣輕舉欲焉如

詩雋類函卷十七

九下

卷十七

三  
灰

詩雋類函卷十八

東吳俞安期彙纂 宣城梅鼎祚增定

構李項德弘訂校

地部三

山總載 嵩山 恒山 泰山 衡山 華山

○山總載

峯附

賦得山

梁庾肩吾

層雲竊峻嶺絕澗倒危峯刻削臨千仞嵯峨起百重  
行曦上杳杳結霧下溶溶仁心畱此屬休奉愧羣龍

詠山三首

陳釋惠標

靈山蘊麗名秀出寫蓬瀛香爐帶煙上紫蓋入霞生  
地部 卷十八 一 山總載

二

峨眉信重險天目本仙居金華抱丹竈玉笥蘊神書  
幽人披薜荔怨妾采薜蘿紫巖無暮雨何時送故夫

三

丹霞拂層閣碧水汎蓬萊鰲岫含煙聳蓮崖照日開  
松門夾細葉石磴深新苔能令平子見淹留未肯回

詠山

隋劉斌

靈山峙千仞蔽日且嵯峨紫蓋雲陰達香爐煙氣多  
石梁高鳥路瀑水近天河欲知聞道里別自有仙歌



詠山

唐李峤

地鎮標神秀，峨峨上翠氛。泉飛一道帶，峰出半天雲。  
古壁丹青色，新花綺繡紋。已開封禪所，希謁聖明君。

詠小山

唐太宗

近谷交縈蓋，遙峰對出蓮。徑細無全磴，松小未含煙。

小山歌

唐萬楚

人說淮南有小山，淮王昔日此登仙。城中雞犬皆飛去，  
山上壇場宛然。世人貴身不貴壽，共笑華陽洞天口。  
不知金石變長年，謾在人間戀携手。君能舉帆至淮南，  
家住盱眙予先諳。桐柏千年平入海，萊莢一

地部

卷十八

二

山部

曲沸成潭憶記來，時魂悄悄想見仙。山衆峰小今日  
長歌思不堪，君行爲報三青鳥。

土山

并序

唐杜甫

天寶初，南曹小司寇舅于我，太夫人堂下累土爲  
山一簣盈尺，以代被朽木。承諸焚香瓷甌，甌甚安  
矣。旁植慈竹，蓋茲數峰，嶽峩婣娟，死有塵外數致  
乃不知典之所至而作是詩。

一簣功盈尺，三峰意出群。望中疑在野，幽處欲生雲。  
慈竹春陰覆，香爐曉勢分。惟南將獻壽，佳氣日氛氲。

和裴僕射相公假山

唐韓愈

當軒乍駢羅，隨勢忽開圻。有洞若神刻，有巖類天  
終朝巖洞間，歌鼓燕賓戚。孰謂衡霍期，近在王侯宅。

達山

唐皇甫冉

少室盡西峯，鳴皇隱南面。柴門縱復開，終日隱中見。

仙山行

唐耿湋

深溪人不到，杖策獨緣源。花落尋無徑，鷄鳴覺近村。  
數翁皆藉草，對奕復傾樽。看畢初爲局，歸逢幾世孫。  
雲迷入洞處，水引出山門。惆悵歸城郭，樵柯迹尚存。

春山行

唐僧貫休

重疊太古色，濛濛花雨時。好山行恐盡，流水語相隨。

地部

卷十八

三

山部

黑壤生紅木，黃猿領白兒。因思石橋畔，曾與道人期。

賦得往往孤山映

陳蕭詮

青山照落暉，映遠望連飛。仙峯看玉笥，關路視金微。  
鼓吹聲疑盡，香爐煙覺稀。共君臨水別，勞此送將歸。

秋山極天淨

唐朱延齡

雨洗高秋淨，天臨大野開。蔥蘢清萬象，縹緲出層山。  
日落千峰上，雲銷萬壑間。綠蘿霜後翠，紅葉雨來殷。  
散彩輝吳甸，分形壓楚關。欲尋霄漢路，延首願登攀。

山路吟

晉夏侯湛

夙駕今待明，陟山路今遐。征冒晨朝今，入大谷道逶。

迺今嵐氣清攬轡今抑馬踟躕今曠野曠野驅今遠  
落崇岳今崑崙丘陵今連離卉木今交錯淥水今長  
流驚濤今拂石

山中

北周庾信

澗暗泉偏冷巖深桂絕香佳中能不去非獨淮南王

天津橋南山中各題一句

唐賈島中

野坐分苔石

李益

山行遶菊叢

韋執中

雲衣惹不破

諸葛亮

秋色望來空

浪仙

石室山詩

宋謝靈運

清旦索幽異放舟越坳郊莓華蘭渚急藐藐苔嶺高

地部

卷十八

四

山總載

石室冠林甌飛泉發山椒虛泛徑千載崢嶸非一朝  
鄉村絕聞見樵蘇限風霄微戎無遠覽終筭羨升喬  
靈域久韜隱如與心賞交合歡不容言摘芳弄寒條

石城山詩

隋史萬歲

石城門峻誰開闢更鼓悞聞風落石界天自嶺勝金

湯鎮壓西南天半壁

南山

唐賀朝清

初

湖北雨初晴湖南山盡見青天石帆影如得海風便  
仙穴茅山峰彩雲時一見邀君共保此異錄殘幾卷

蒙山

唐蕭穎士

盛

東蒙鎮海沂合沓百餘里清秋淨氛雷嵯峨天起  
予役勞往還息徒輒攀倚將窮絕跡處偶得冥心理  
雲氣雜虹霓松聲亂風水微明綠林際杳窅丹洞裏  
仙鳥時可聞羽人邈難視此焉多深邃野遠昔所秘  
尚子捐俗紛季隨躡遐軌蘊真道彌曠懷古情未已  
白鹿凡幾遊黃精復奚似顧予尚牽縈家業重書史  
少學務從師壯年貴趨仕方馳桂林舉未暇桃源美  
歲暮期再尋幽哉羨門子

西山

唐常建

盛

一身為輕舟落日西山際常隨去帆影遠接長天勢

地部

卷十八

五

山總載

物象歸餘清林巒分夕麗亭亭碧流暗日入孤霞繼  
渚日遠陰映湖雲尚明霽林昏楚色來岍達荆門閉  
至夜轉清迴蕭蕭北風厲沙邊鴈鷺泊宿處兼葭蔽  
圓月逗前浦孤琴又搖曳冷然夜遂深白露霑人袂

溫門山

唐王建

中

早入溫門山群峰亂如戟崩崖欲相觸呀豁斷行迹  
脫屣尋淺流定足畏欹石路盡十里溪地多千歲柏  
洞門晝陰黑深處惟石壁似見丹沙光亦聞鍾乳滴  
靈池出山底沸水衝地脉暖氣成濕煙濛濛中白  
隨僧入古寺便是雲外客月出天氣涼夜鐘山寂寂

登半石山

晉宗炳

清晨陟阻巘氣志洞蕭酒解谷崩地幽窮石凌天委  
長松列竦蕭萬樹巉巖詭上施神農蘿下凝堯時髓

登白鳥山詩

晉宗炳

我徂白鳥山因名感昔擬仰升數百仍俯覽眇千里  
杲杲羣木分岌岌衆巒起

登作樂山

宋孝武帝

脩路軫孤懸竦石頓飛轅遂登千尋首表裏望丘原  
屯煙擾風穴積水溺雲根漢涼吐新波楚山帶舊苑  
壤草凌故國拱木秀頽垣目極情無留客思空已繁

地部

卷十八

六

山經載

奉和登景陽山

梁任昉

物色感神遊升高悵有闕南望銅駝街北走長楸埒  
別澗宛滄溟疏山駕瀛碣奔鯨吐華浪司南動輕柅  
日下重門照雲開九華澈觀閣隆舊恩奉圖愧前哲

上蓮山

北周蕭撝

獨邁青蓮嶺超奇紫蓋峰挂流遙似鶴插石近如龍  
沙崩聞韻鼓霜落候鳴鐘飛花滿叢桂輕吹起脩筇  
石蒲今尚有采摘更相逢

登名山篇

隋李巨仁

名山稱地鎮千仞上凌霄雲開金闕迴霧起石梁遙

率微橫鳥路珠澗入星橋風急青溪曉雲霞散赤城朝

寓目幽栖地薦言追綺季避世桃源主忘情漆園吏

抽簪傲九辟脫屣輕千駟沈冥負俗心蕭洒凌雲意

蒼蒼聳極天伏眺盡山川疊峰如積浪分崖若斷煙

深聞度雨輕重聽飛泉采藥逢三鳥尋真值九仙

藏書凡幾代看博已經年逝將追羽客千載一來旋

與崔策登西山

唐柳宗元

鶴鳴楚山靜露白秋江曉連袂度危橋縈迴出林杪  
西岑極遠目毫末皆可了重疊九疑高蒼茫洞庭小  
迴窮兩儀際高出萬象表馳景汎顏波逢風遞寒篠

地部

卷十八

七

山經載

適居安所習稍厭從紛擾生同胥靡遺壽等彭鏗天  
蹇連困顛路愚蒙怯幽眇非今親愛疎誰使心神悄  
偶茲遁山水得以觀魚鳥吾子幸淹留緩我愁腸繞

渡連圻二首

梁何遜

此山多靈異峻岨實非恒伏流自洞糾激瀨視奔騰  
懸崖抱奇嶮絕壁駕峻嶒磳磳上爭險岵嶇下相崩  
百年積歛樹千尺挂寒藤詭怪終不測迴沈意難登  
願欲書聞見聊以寄親朋

連圻連不極極望在雲霞絕壁無走獸窮岸有盤查  
糾紛上龍從穿豁下巖芽魚游若擁劍猿挂似懸瓜

陰岍生駁蘚伏水拂澄沙客子行行倦年光處處華  
石蒲生促節巖樹落高花暮潮還入浦夕鳥飛回家  
寓目皆鄉思何時見狹斜

渡泉嶠出諸山之頂

梁江淹

岑峯蔽日月左右信艱哉萬壑共馳騫百谷爭往來  
鷹隼既厲翼蛟魚亦聯鰓崩壁迭枕卧嶺石凌虛迴  
伏波未能鑿樓船不敢開百年積流水千歲生青苔  
行行詎半景予馬以長懷南方天炎火竟今可歸來

渡西塞望江上諸山

梁江淹

南國多異山雜樹共冬榮潺湲夕澗急嘈嘈一作嘈晨

地部

卷十八

八

山經

鷗名石林上參錯流沫下縱橫松氣鑑青藹霞光鑠  
丹英望古一擬思留滯桂枝情結交愛遠岳采藥好  
長生常畏佳人晚秋蘭傷紫莖海外果可學歲暮誦  
仙經

奉和望山應教

北齊蕭慤

仙遊本多趣復此上秋初巖低石倒險嶺高松更疎  
峰形疑鳥翅塞路似狼居矚望情無已詞殫意有餘

盤屋縣北樓望山

唐白居易

一爲趨走吏塵土不開顏辜負平生眼今朝始見山

遊太平山

齊孔稚珪

石險天貌分林交日容缺陰澗落春榮寒巖留夏雪

遊金華山

梁沈約

遠策追夙心靈山協久要天倪臨紫闕地道通丹竅  
未乘琴高鯉且縱嚴陵釣若蒙羽駕迎得奉金書召  
高馳入閭闔方覩靈妃笑

擬謝臨川靈運遊山

梁江淹

江海經迴迴山嶠備盈缺靈境信淹留賞心非徒設  
平明登雲峰杳與廬霍絕碧障長周流金潭恒澄徹  
洞林帶晨霞石壁映初晰乳竇既滴瀝丹井復寥泝  
崑崙轉奇秀峯峯還相蔽赤玉隱瑤溪雲錦披沙汭

地部

卷十八

九

山經

夜聞猩猩啼朝見鼯鼠逝南中氣候煖朱華凌白雪  
幸遊建德鄉觀奇經禹穴身名竟誰辨圖史終磨滅  
且泛桂林潮映月遊海滋攝生貴處順將爲智者說

贈海法師遊甌山

梁蕭子雲

真心好丘壑偏悅幽棲人忽聞甌山旅萬里自相親  
沈寥晚霖霽重疊晴雲新秋至蟬鳴柳風高露起塵  
動予憶山思惆悵惜荷巾

遊甌山

梁庾肩吾

平子去已久餘風今復追未必遊春草王孫自不歸  
路高村反出林長鳥更稀寒雲間石起秋葉下山飛

西河方閱訓詁得解朝衣

出境遊山二首

唐王勃

源水終無路山阿若有人驅羊先動石走兔欲投巾  
洞晚秋泉冷熾朝古樹新斜峰連鳥翅疊磴上魚鱗  
化鶴千齡早元龜六代春浮雲今可駕滄海自成塵

二

振翮疲霜吹正月佇天尋回鑣凌翠壑飛軫控青岑  
巖深靈竈沒澗毀石渠沈宮闕雲間近江山物外臨  
玉壇棲暮夜珠洞結秋陰瀟瀟離俗影擾擾望鄉心  
誰意山遊好屢傷人事侵

地部

卷十八

十一

山經載

遊西山

唐元稹

時事方擾擾幽賞獨悠悠弄泉朝涉澗采石夜歸州  
揮翰題蒼峭下馬歷嵌丘所愛唯山水到此即淹留

再遊西山

唐元稹

南譙古山郡信是高人居住歎之弘量終朝親簿書  
於時忽命駕秋野正蕭疎積誠待責尋山亦有餘  
測測石泉冷曖曖煙谷虛中有釋門子種果一作藥結  
茅廬出身厭名利遇境即躊躇守直雖多忤視險方  
晏如况將塵埃外襟抱從此舒

和朝回與王鍊師遊南山下

唐白居易

蕭蕭春景餘我我夏雲初踈蹠退朝騎飄飄隨風裾  
晨從四丞相入拜白玉除暮與一道士出尋清溪居  
吏隱本齊致朝野孰云殊道在有中適機忘無外虞  
但愧煙霄上鸞鳳為吾徒又慙雲水間鷗鶴不我疎

陸東海譙山集

梁江淹

杳杳長役思思來使情濃恒忌光氛度藉蕙綠春紅  
青莎被海月朱華冒水松輕風暖長岳雄虹赫遠峯  
日暮崦嵫谷參差彩雲重永願白沙渚遊衍遂相從  
丹山有琴瑟不為憂傷容

宴中山

唐太宗

地部

卷十八

十一

山經載

驅馬出遼陽萬里轉旂常對敵六奇舉臨戎八陣張  
斬鯨澄碧海卷霧掃扶桑昔去蘭縈翠今來桂滌芳  
雲枝浮碎葉水鏡上朝光回首長安道方歡宴柏梁  
奉和宴中山應制

唐許敬宗

入山

隋李德林

登嶺望重關腰佩且鳴環天河臨易飲月桂近將攀  
王母西山至夫人南岳還何必陽臺下要待夢容顏

入南山

唐孟浩然

瘴氣晚氛氲南山復水雲鯢飛今始見鳥墮舊來聞  
地接長沙近江從汨渚分賈生曾弔屈子亦痛斯文

出山吟

唐白居易中

朝詠遊仙詩暮歌采薇曲卧雲坐白石山中十五宿  
行隨出洞水迴別綠巖竹早晚重來遊心期瑤草綠

山行

唐殷達盛

寂歷青山曉山行趣不稀野花成子落江燕引雛飛  
暗草薰苔徑晴楊拂石磯俗人猶語此余亦轉忘歸

山行

唐戴叔倫中

地部

卷十八

十一

山陰藏

山行分曙色一路見人稀野鳥啼還歇林花墮不飛  
雲迷棲鶴寺水澀釣魚磯回首天將暝逢僧話未歸

山行

唐項斯晚

青櫪林深亦有人一渠流水數家分山當日午回峰  
影草帶泥痕過鹿羣蒸茗氣從茅舍出線絲聲隔竹

籬聞行逢賣藥歸來客不惜相隨入鳥雲

山行偶作

唐馬戴晚

綠危路忽窮投宿值樵翁鳥下山含暝蟬鳴露滴空  
石門斜月入雲竇暗泉通寂冥生幽思心疑舊隱同

劉侍讀見和山邸篇什重申此贈

唐李嶠

神嶽瑤池圃仙宮玉樹林垂時警天御清暑滌宸襟  
梁駕陪玄賞淵庭掩翠岑對巖龍岫出分經鳳池深  
簷迴松蘿映陂高石鏡臨落泉奔澗響驚吹助猿吟  
野氣迷涼燠山花雜古今英藩盛賓侶勝境想招尋  
踐徑披蘭葉攀崖引桂陰穆生時泛醴鄒子或調琴  
雉鷖分場合魚鉤同浦沈朝遊極斜景夕宴待橫參  
顧已慙鉛鐸叨名齒璫簪暫依朱邸館還暢白雲心  
丘壑信多美煙霞得所欽寓言攄宿志竊吹簡知音  
獎價踰珍石酬文重振金方從仁智所携手濯清潯

地部

卷十八

十一

山陰藏

登覆釜山遇道人二首

唐錢起中

晨策趣無涯名山深轉秀三休變覆景萬轉迷宇宙  
攀崖到天牕入洞窮玉溜側徑蹲怪石飛蘿擲驚狖  
花間鍊藥人雞犬和乳竇散髮便迎客采芝仍滿袖  
郭璞賦遊仙始願今可就

二

真氣重嶂裏知君嘉遁幽山階歷丹穴藥井迎伏流  
道者帶經出洞中携我遊欲驂白蜺去日爲紫芝留  
忽憶武陵事別家疑數秋

獨往覆釜山寄邱士元

唐錢起中



賞心無遠近芳月好登望勝事引幽人山下復山上  
將尋洞中藥復愛湖外嶂古壁蒼苔入雲陰溪樹穿浪  
誰言世緣絕更惜知音曠鶯啼綠蘿春迴首還惆悵  
茂陵山行招金部韋員外 唐李端  
宿雨朝來歇空山天氣清盤雲雙鶴下隔水一蟬鳴  
古道黃花落平蕪赤燒生茂陵雖有病猶得伴君行  
賦得望遠山送客歸 唐僧無可  
遙山寒雨過正向暮天橫隱隱凌雲出一作蒼蒼與  
共一作水平何時凝厚地幾處映孤城歸客秋風裏迴  
看傷別情

地部

卷十八

十四

山部

陵峯采藥觸興爲詩

晉帛道猷

連峰數千里脩林帶平津雲過遠山窮風至梗荒榛  
茅茨隱不見雞鳴知有人閒步踐其徑處處見遺薪  
始知自代下故有上皇民

第三峰

唐常建

西山第三頂茅宇依雙松杳杳欲至天雲梯昇幾重  
盤魄澄玉虛以求鸞鶴蹤逶迤非天人執節乘赤龍  
旁映白日光縹緲輕霞容孤輝上煙霞餘影明心胸  
願與黃麒麟欲飛而莫從因寂清萬象輕雲自中峰  
山暝學栖鳥月來隨暗螢尋空靜餘響娟娟雲溪鐘

○泰山

泰山

原作驅車篇

魏陳思王

驅車揮一作駕馬東到奉高城神哉彼太山五嶽尊  
其名隆高貫雲霓峩峩出太清周流二六埃間置十  
二亭上有湧醴泉玉石揚華英東北望吳野西眺觀  
日精寃神所繫屬逝者感斯征王者以歸天效厥元  
功成歷代無不遵禮記有品程探策或長短唯德享  
利貞封者七十帝軒皇元獨靈餐霞漱沆瀣毛羽被  
身形發舉蹈虛廓徑庭升竈冥同壽東父年曠代永  
長生

地部

卷十八

十五

泰山

泰山吟

晉陸機

太山一何高迢迢造天庭峻極周已遠曾雲鬱冥冥  
梁甫亦有館蒿里亦有亭幽塗延萬鬼神房集百靈  
長吟太山側慷慨激楚聲

東嶽

原作登山

晉謝道韞

我我東嶽高秀極沖青天巖中間虛宇寂寞幽以玄  
非工復非匠雲構發自然氣象爾何物遂令我屢遷  
逝將宅斯宇可以盡天年

泰山

宋江夏王

大明總神武秉時以御天金牒封梁甫玉簡禪岱山

泰山吟

宋謝靈運

岱宗秀維岳崔嵬刺雲天岸峩旣崕巖觸石輒芊緜  
一作千眠登封瘞瘵崇壇降禪藏肅然石間何曉藹明堂祕  
靈篇

奉和展禮岱宗塗經濮濟

唐蕭穎士

拂漢星旗轉分霄日羽明將追會阜跡更勒岱宗銘  
林戈咽濟岸獸鼓震河庭葉箭凌寒矯烏弓望曉驚  
已降汾水作仍深迎渭情

奉和展禮岱宗塗經濮濟

唐薛克構

龍圖冠胥陸鳳駕指云亭非煙泛濟浦綠宇啟河汀  
地部

卷十八

六 泰山

畫裳晨應月文戟曙分星四田巡揖禮三驅契道經  
行欣奉萬歲竊忤偶千齡

遊泰山六首

唐李白

四月上泰山石屏御道開六龍過萬壑壑澗谷隨縈迴  
馬跡遶碧峰於今滿青苔飛流洒絕巖水急松聲哀  
北眺粵嶂奇傾崖向東摧洞門閉石扇地底與雲雷  
登高望蓬瀛想像金銀臺天門一長嘯萬里清風來  
玉女四五人飄颻下九垓含笑引素手遺我流霞杯  
稽首再拜之自愧非仙才曠然小宇宙棄世何悠哉

二

清曉騎白鹿直上天門山山際逢羽人方瞳好容顏  
捫蘿欲就語却掩青雲關遺我鳥跡書飄然落巖間  
其字乃上古讀之了不閑感此三歎息從師方未還

三

平明登日觀舉手開雲關精神四飛揚如出天地間  
黃河從西來窈窕入遠山憑崖攬八極目盡長空閒  
偶然值青童綠鬢雙雲鬟笑我晚學仙蹉跎凋朱顏  
躊躇忽不見浩蕩難追攀

四

清齋三十日裂素寫道經吟誦有所得衆神衛我形  
地部

卷十八

七 泰山

雲行信長風颯若羽翼生攀崖上日觀伏檻窺東溟  
海色動遠山天鷄已先鳴銀臺出倒景白浪翻長鯨  
安得不歛藥高飛向蓬瀛

五

日觀東北傾兩崖夾雙石海水落眼前天光遙空碧  
千峯爭攢聚萬壑絕凌歷緬彼鶴上仙去無雲中跡  
長松入雲漢遠望不盈尺山花異人間五月雪中白  
終當遇安期於此鍊玉液

六

朝飲王母池暝投天門關獨抱綠綺琴夜行青山間

山明月露白夜靜松風歇仙人遊碧峰處處笙歌發  
寂聽娛清暉玉真連翠微想像鸞鳳舞飄飄龍虎衣  
捫天摘匏瓜恍惚不憶歸舉手弄清淺誤攀織女機  
明晨坐相失但見五雲飛

望嶽

唐杜甫

岱宗夫如何齊魯青未了造化鍾神秀陰陽割昏曉  
盪胸生層雲決背入歸鳥會當凌絕頂一覽衆山小

送范山人歸泰山

唐李白

魯客抱白鶴別予往泰山初行若片雪杳在青崖間  
高高至天門海日近可攀雲生望不見此去何時還

地部

卷十八

泰山

泰山石交州從事所寄

唐李德裕

鷄鳴日觀望遠與扶桑對滄海似鎔金衆山如點黛  
遙知碧峯首猶立煙嵐內此石依五松蒼蒼幾千載

衡山

衡山

晉庾闡

北眺衡山首南眺

一作

五嶺末寂坐恒虛恬運目情

四豁翔虬凌九霄陸鱗困濡沫未

一作

體江湖悠安

至湘州望南嶽

梁吳均

重波淪且直連山糾復紛鳥飛不復見風聲猶可聞

隴隴樹裏月飄飄水上雲長安遠如此無緣得報君

望嶽

唐杜甫

南嶽配朱鳥秩禮自百王歛吸領地靈鴻洞半炎方  
邦家用祀典在德非馨香巡狩何寂寥有虞今則亡  
洎吾隘世網行邁越瀟湘渴日絕壁出漾舟清光旁  
祝融五峯尊峯峯次低昂紫蓋獨不朝爭長喋相望  
恭聞魏夫人群仙夾翔翔有時五峯氣散風如飛霜  
牽迫限脩途未暇杖崇崗歸來覲命駕沐浴休玉堂  
三歎問府主曷以贊我皇牲璧忍衰俗神其思降祥

望衡山

唐劉禹錫

地部

卷十八

衡山

東南已蓋卑維嶽資柱石前當祝融居上拂朱鳥翮  
青冥結精氣磅礴宣地脉還聞膚寸陰能致彌天澤

巖下見一老翁四五少年

盛弘之荆州記初有

四五年少對坐執書劉敬叔異苑曰湘東姚  
祖太元中爲郡吏經衡山望巖下數少年並  
執筆作書祖謂行旅休息乃過之未至百步  
少年相與飛騰遺一紙書在坐處前數句古  
時字自後

宋謝靈運

衡山采藥人路迷糧亦絕過息巖下坐正見相對說  
一老四五少仙隱不可別其書非世教其人必賢哲

與諸公送陳郎將歸衡陽

唐李白

衡山蒼蒼入紫冥下看南極老人星迴颺吹散五峯

雪往往飛花落洞庭氣清嶽秀有如此郎將一索拖  
金紫門前食客亂如雲世人皆比孟嘗君江上送行  
無白壁臨岐惆悵若爲分

江上送女道士褚三清遊南嶽 唐李白

吳江女道士頭戴蓮花巾霓衣不濕雨特異陽臺神  
足下遠遊履凌波生素塵尋仙向南嶽應見魏夫人

○華山

太華

晉郭璞

華岳靈峻削成四方爰有神女是挹玉漿其誰遊之  
龍駕雲裳

地部

卷十八

二十

華山

華嶽

唐王維

西嶽出浮雲積翠在太清連天疑黛色百里遙青冥

白日爲之一一作寒森沈華陰城昔聞乾坤閉一作造

變一作化生巨靈右足踏方止一作左手推削成天地

忽開拆大河注東溟遂爲西峙嶽雄鎮秦京大君

包覆載至德被群生上帝佇昭告金天思奉迎人祇

望幸久何獨禪二亭

華山歌

唐劉禹錫

洪鑪作高山元氣鼓其橐俄然神功就峻拔在寥廓  
靈跡露指爪殺氣見稜角凡木不敢生神仙事來託

天資帝王宅以我爲關鑰

華山

唐鄭谷

峭仞聳巍巍晴嵐染近畿孤高不可狀圖寫盡應非  
絕頂神仙會半空鸞鶴歸雲臺分遠雷樹谷隱斜暉  
雲對蓮花落泉橫露掌飛乳懸危磴滑樵徹上方稀  
行經太華 唐孔德紹

紛吾世網暇靈岳展幽尋寥廓風塵遠杳冥川谷深  
山昏五里霧日落二華陰疎峯起蓮葉危寒隱桃林  
何必東都外此處可抽簪

辛丑歲十月上幸長安時扈從出西嶽

地部

卷十八

三

華山

唐沈佺期

西鎮何穹崇壯哉信靈造諸嶺皆峻秀中峰特美好  
俯見巨掌存勢如石東倒頗聞首陽去開拆此河道  
磅礴壓河源巍峩壯清昊雲泉亂紛瀑天磴屹宏抱  
子先呼其巔宮女世不老下有府君廟歷載傳灑掃  
皇明應天遊十月戒豐鎬微末忝閑從兼得事蘋藻  
宿心愛此山意欲拾靈草陰壑已永閉雲竇絕探討  
芳月期來過廻策思方浩

嶽館

唐沈佺期

洞壑仙人館孤峯玉女臺空濛朝氣合窈窕夕陽開

流澗含輕雨虛巖應薄雷正逢鸞與鶴歌舞出天來

途經華嶽

唐玄宗

飭駕去京邑鳴鑾指洛川循途經太華迴蹕暫周旋  
翠萼留斜影懸巖冒夕煙四方皆石壁五位配金天  
彷彿看高掌依稀聽子先終當銘歲月從此記靈仙

奉和聖製途經華嶽應制

唐張說

西嶽鎮皇京中峯入太清玉鑾重嶺應縱騎薄雲迎  
霽日懸高掌寒空映削成軒遊會神處漢幸望仙情  
舊廟清林古新碑綠字生群臣願封岱還駕勒鴻名

奉和聖製途經華嶽應制

唐張九齡

地部

卷八

三

華山

萬乘華山下千巖雲漢中靈居雖突密層巖忽玄同  
日月臨高掌神仙仰大風擗峯勢岌岌翊輦氣雄雄  
揆物知幽贊銘勳表聖衷會應陪檢玉來此告成功

奉和聖製次瓊嶽韻

唐張九齡

山祇亦望幸雲雨見靈心嶽館逢朝霽關門解宿陰  
咸京天上近清渭日邊臨我武因冬狩何言是即禽

奉和聖製次瓊嶽應制

唐韋濟

陸海披晴雪千旗獵早陽嶽臨秦路險河遶漢垣長  
行漏通鵲離宮接建章都門信宿近歌舞從周王

奉和聖製次瓊嶽應制

唐李林甫

東幸從人望西巡順物回雲收二華出天轉五星來

十月農初罷三驅禮復開更看瓊嶽上佳氣接神臺

行經華陰

唐崔顥

岧峣太華俯咸京天外三峯削不成武帝祠前雲欲  
散仙人掌上雨初晴河山北枕秦關險驛樹西連漢  
時平借問路傍名利客無如此處學長生

觀華嶽

唐祖詠

西入秦關口南瞻驛路連彩雲生闕下松柏到祠邊  
作鎮當官道雄都俯大川危峯徑上處彷彿有神仙

望嶽

唐杜甫

地部

卷八

三

華山

西嶽峻嶒竦處尊諸峯羅立似兒孫安得仙人九節  
杖拄到玉女洗頭盆車箱入谷無歸路箭括通天有  
一門稍待秋風涼冷後高尋白帝問真源

關門望華山

唐劉長卿

客路瞻太華三峯高際天夏雲旦百里合脊遙相連  
雷雨飛半腹太陽在其巔翠微關上近瀑布林梢懸

愛此衆容秀能令西望偏徘徊忘暝色泱泱成陰煙  
曾是朝百靈亦聞會群仙瓊漿豈易挹毛女非空傳  
髣髴仍佇想幽奇如眼前金天有清廟松柏隱蒼然

華陰作貽祖三詠

唐儲光義

朝行敷水上暮出華山東高館宿初靜長夜轉空  
日餘久淪汨重此聞霜風漸瀝入溪樹颼颼驚鴻  
淒然望伊洛如見息陽宮舊識無高位新知盡固窮  
夫君獨輕舉遠近善文雄豈念千里駕崎嶇秦塞中

望太華贈盧司倉

唐陶翰

作吏到西華乃觀三峯壯削成元氣中傑出天漢上  
如有飛動色不知青冥狀巨靈安在哉厥跡猶可望  
方此顧行旅末由飭仙裝慈隴記星壇明滅數雲障  
良友垂真契宿心所微尚敢投歸山吟霞徑一相訪

華山西岡遊贈隱玄叟

唐顧況

地部

卷八

西

華山

群峯鬱初霽潑黛若鬟沐天風鼓吟呀搖撼千灌木  
木葉微墮黃石泉淨停綠危磴蘿薜牽迴步入幽谷  
我心寄青霞世事慙蒼鹿遂令巢許輩於焉謝塵俗  
想是悠悠雲可契去留躡

入華山訪隱者經仙人石壇

唐李益

三考四岳下官曹少休沐久負青山諾今還獲所欲  
常聞玉清洞金簡受玄籙鳳駕昇天行雲遊恣霞宿  
平明矯輕策捫石入空曲仙人古石壇苔蘚青瑤局  
陽桂凌煙紫陰蘿冒水綠隔世聞丹經懸泉注明玉  
前驚羽人會白日天居肅問我將致辭笑之自相目

竦身雲遂起仰見雙白鶴墮其一紙書文字頗足  
視之了不識三返又三復歸來問方士舉世莫解讀

罷秩後入華山采茯苓逢道者

唐李益

委綬來名山觀奇恣所停山中若有聞言此不死庭  
遂逢五老人一謂西嶽靈或聞樵人語飛去入昴星  
授吾出雲路蒼然凌石屏視之有文字乃古黃庭經  
左右長松列動搖風露零上蟠千年枝陰虬青冥  
下結九秋霞流膏爲茯苓取之沙石間異若龜鶴形  
况聞秦宮女華髮變已青有如上帝心與我千萬齡  
始疑有仙骨鍊寬可永寧何事逐豪遊飲啄以羶腥

地部

卷八

三五

華山

神物亦自閼風雷護此局欲傳山中寶回策忽已暝  
乃悲世上人求醒終不醒

馬戴居華山因寄

唐賈島

玉女洗頭盆孤高不可言瀑流蓮嶽頂河注華山根  
絕崔林藏鵲無人境有猿秋蟾纔過雨石上古松門

獻華陰羅承別

唐儲光義

華山薄遊者玄髮當青春道德同仙吏尊卑即丈人  
縣城俯京路獲見官舍裏淹留瓊樹枝謔浪春泉水  
昔予在天目總角奉遊從寒暑遞來往今復蓮花峯  
別情無遠近道別方愁予熟想古人言乃知悲風雨



西嶽雲臺歌送丹丘子

唐李白

西嶽崢嶸何壯哉黃河如絲天際來黃河萬里觸山

動盤渦轂一作轉秦地雷榮光休氣紛五彩千年一

清聖人在巨靈咆哮擘兩山洪波噴流一作射東海

三峯却立如欲摧翠崖丹谷高掌開白帝金精運元

氣石作蓮花雲作臺雲臺閣道連窈窕一作人中有

不死丹丘生明星玉女備洒掃麻姑搔背指爪輕我

皇手把天地戶丹丘談天與天語九重出入生光輝

東求蓬萊復西歸玉漿讎惠故人飲騎二茅龍上天

飛

地部

卷十八

壬

華山

賦得歸雲送李山人歸華山

唐錢起

秀色橫千里歸雲積幾重欲依毛女岫初卷少夷峰

葢影隨征馬衣香拂臥龍祗應函谷上真氣日溶溶

蓮花峯

唐劉得仁

太華萬餘重崑崙只此峯當秋倚寥泬入望似芙蓉

翠拔千尋直青危一朵穠氣分毛女秀靈有羽人蹤

倒影侵關路香風激廟松

嵩山

遊嵩山

唐武后

陪鑾遊柰苑待賞出蘭闈雲掩攢峯葢霞低垂浪旂

日宮疏澗戶月殿啟巖扉金輪轉金地香閣曳香衣

鐸吟輕吹發幡搖薄霧霏昔遇焚芝火山紅迎野飛

花臺無半影蓮塔有全輝寔賴能仁力攸資善世威

慈緣興福緒於此口飯依風枝不可靜泣血竟何追

嵩山石淙侍宴應制

唐沈佺期

金輿旦下綠雲衢彩殿晴臨碧澗隅溪水泠泠逐行

漏山煙片片引香爐仙人六膳調神鼎玉女三漿捧

帝壺自惜汾陽紆道駕無如太室覽真圖

嵩山石淙侍宴應制

唐宋之問

離宮祕苑勝瀛洲别有仙人洞窈幽巖邊樹色含風

地部

卷十八

壬

冷石上泉聲帶雨秋鳥向歌筵來度曲雲依帳殿結

爲樓微臣昔忝方明御今日還陪八駿遊

侍宴襄荷亭應制

唐張說

迴鑾青岳觀帳殿紫煙峯仙路迎三鳥雲衢駐兩龍

園林看化一作塔壇壇識餘封山外聞簫管還如天

上逢三鳥見劉向九辨惜賢篇兩龍出山海經

奉使嵩山途經緱嶺

唐宋之問

侵星發洛城城中歌吹聲畢景至緱嶺嶺上煙霞生

草樹饒野意山川多古情大隱德所薄歸來可退耕

嵩山天門歌

唐宋之問

登天門今坐磐石之磷砌前從從今未半下漠漠今  
無垠紛窈窕今巖倚披以鵬翮洞膠葛今峯稜層以  
龍鱗松移岫轉左變而右易風生雲起出鬼而入神  
吾亦不知其靈怪如此願遊杳冥今見羽人重曰天  
門今穹崇迴合今攢叢松萬接今柱日石千尋今倚  
空晚陰今足風夕陽今施紅試一望今奪鳬况衆妙  
之無窮

下嵩山歌

唐宋之間初

下嵩山今多所思攜佳人今步遲遲松間明月長如  
此君再遊今復何時

地部

卷十八

三八

嵩山

和宋之問下山歌

唐賈曾初

良遊晚晚今月生光紅錦逶迤今山路長王孫不留  
今歲將晏嵩巖仙草今爲誰芳

歸山

唐劉希夷初

歸去嵩山道煙花覆青草綠山無塵山青楊柳春  
日暮松聲合空歌思殺人

歸嵩山作

唐王維盛

清川帶長薄車馬去閑閑流水如有意暮禽相與還  
荒城臨古渡落日滿秋山迢遞嵩高下歸來且閉關

嵩山望幸

唐王邕

峻極位何崇方知造化功降靈逢聖主聖主表維嵩  
隱映連青壁嵯峨向碧空象車因叶瑞龍駕願升中  
萬歲聲長在千巖氣轉雄東都歌盛事西笑佇皇風

題嵩山逸人元丹丘山居

并序

唐李白盛

白久在廬霍元公近遊嵩山故交深情出處無間  
巖信頻及許爲主人欣然適會本意當冀長往不  
返欲便舉家就之兼書共遊因有此贈

家本紫雲山道風未淪落沈懷丹丘志冲賞歸寂寞  
竭來遊闔荒捫涉窮禹鑿黃緣泛湖海偃蹇陟廬霍  
憑雷躡天窓弄景憩霞閣且欣登眺美頗愜隱淪諾

地部

卷十八

三九

嵩山

三山曠幽期四岳聊所託故人契嵩賴高義炳丹牘  
滅跡遺紛躋終言本峯磴自矜林湍好不羨朝市樂  
偶與真意并頓覺世情薄爾能折芳桂我亦采蘭若  
拙妻好乘鸞嬌女愛飛鶴提攜訪神仙從此鍊金藥  
早春題少室東巖

唐白居易中

三十六峯晴雪消嵐翠生月留三夜宿春引四山行  
達草初含色寒禽未變聲東巖最高石唯我有題名

送楊山人歸嵩山

唐李白盛

我有萬古宅嵩陽玉女峯長留一片月挂在東溪松  
爾去掇仙草萑蒲花紫茸歲晚或相訪青天騎白龍

送方尊師歸嵩山

唐王維

仙官欲往

一作住

九龍潭毛

一作施

節朱幡倚石龕山壓

天中半天上洞穿江底出江南瀑布杉松常帶雨夕

陽彩

一作春

翠忽成嵐借問迎來雙白鶴已曾衡嶽送

蘇耽

尋少室張山人聞與偃師周明府同入都

唐岑參

中峰鍊金客昨日遊人間葉縣鳧共去葛陂龍暫還

春雲湊深水秋雨懸空山寂寂青谿上空餘丹竈間

贈柳喜自號嵩山老

唐僧皎然

地部

卷十八

三十一

嵩山

一見嵩山老吾生恨太遲問君年幾許曾出上皇時

○恒山

恒山詩

晉傅咸

奕奕恒山作鎮冀方伊趙建國在岳之陽

詩雋類函卷十九

東吳俞安期彙纂

宣城梅鼎祚增定

稿李項德弘訂校

地部四

秦中諸山

楚中諸山

河南諸山

晉中諸山

○秦中諸山

終南山

三卿山

蜀中諸山

太白山

荆山

商山

仙娥峯

岐山

橋山

灊山

商山

賦終南山用風字韻應詔

唐楊師道

初

睿言懷隱逸輟駕踐幽叢白雲飛夏雨碧嶺橫春虹  
草綠長楊路花疎五柝宮登臨日將晚蘭桂起香風

地部

卷十九

秦中諸山

師道清警有才思貞觀十年拜侍中每與文士宴歌  
詠自適帝見其詩為摘謠嗟賞後賜宴今賦終南山  
詩帝曰聞公每酣賞提筆賦詩如宿成試為朕  
為之師道再拜少選輒成無所策定一坐嗟服

蓬萊三殿侍宴奉敕詠終南山應制

唐杜審言

初

北斗挂城邊南山倚殿前雲標金闕迴樹杪玉堂懸

半嶺通佳氣中峰繞瑞煙小臣持獻壽長此戴堯天

終南山

唐王維

盛

太一近天都連山到海隅白雲迴望合青靄入看無

分野中峰變陰晴衆壑殊欲投人處宿隔水問樵夫

南山詩

唐韓愈

中

吾聞京城南茲維羣山圍東西兩際海巨細難悉究  
嘗昇崇丘望戢戢見相湊晴明出稜角縷脉碎分繡  
蒸嵐相瀕洞表裏忽通透無風自飄簸融液煦柔茂  
橫雲時平凝點點露數岫天空浮脩眉濃綠畫新就  
孤撐有巉絕海浴塞鵬噉春陽潛沮洳濯濯吐深秀  
巖巒雖律率軟弱類含耐夏炎百木盛陰鬱增埋覆  
神靈日歔歔雲氣爭結構秋霜喜刻轢磔卓立癯瘦  
參差相疊重剛耿陵宇宙冬行雖幽黑冰雪工琢鏤  
新曦照危戕億丈恒高袤明昏無停態頃刻異狀候  
行行將遂窮嶺陸煩互忝威容喪肅爽近新迷遠舊

地部

卷十九

泰中諸山

因緣窺其湫凝湛闕陰晷昨來逢清霽宿願欣始副  
嶂嶸躋冢頂條閃雜颺颺或連若相從或蹙若相鬪  
或錯若繪畫或繚若篆籀或羅若星離或翁若雲逗  
或浮若波濤或碎若鋤耨或如帝王尊叢集朝賤幼  
或覆若曝鼈或頽若寢獸或蜿若藏龍或翼若搏鷲  
或儼若戕冠或翻若舞衷或屹若戰陣或圍若蒐狩  
或靡然東注或偃然北首

終南山下作

唐孟郊

見此原野秀始知造化偏山村不假陰流水自雨田  
家家梯碧峰門門鎖青煙因思蛻骨人化作飛挂仙

終南山雙峰艸堂作

唐岑參

斂跡歸山田息心謝時輩晝還草堂卧但與雙峯對  
興來恣佳遊事愜符勝槩著書高牕下日夕見城內  
曩爲世人誤遂負平生愛久與林壑辭及來松杉大  
偶茲精廬近數預名僧會有時逐樵漁盡一作日不  
冠帶唯口上新月石門破蒼靄色向群木深一作光  
搖一潭碎緬懷鄭生谷頗憶嚴子瀨勝事猶可追斯  
人邈千載

終南別業

唐王維

中歲頗好道晚家南山陲興來每獨往勝事空自知  
行到水窮處坐看雲起時偶然值林叟談笑無一作  
還期

地部

卷十九

泰中諸山

陪駕幸終南山

北周宇文昶

堯蓋臨河潁漢蹕踐華嵩日旂一作旌迴北鳳星旂轉  
南鴻青雲過宣曲先驅背射熊金梓拂泉底玉琯吹  
雲中古轍稱難極新途或易窮煙生山欲盡潭淨水  
恒空交松上連霧脩竹下來風仙才道無別靈氣法  
能同東甌羞朝座西桃獻夜宮詔令王子晉出對浮  
丘公

陪駕幸終南山和宇文內史 北周庾信

玉山乘四載瑤池宴八龍  
鼇橋浮少海鵠蓋上中峰  
飛狐橫塞路白馬當河衝  
水奠三川石山封五樹松  
長虹雙瀑布圓闕兩芙蓉  
戍樓鳴夕鼓山寺響晨鐘  
新蒲節轉促短筍籜猶重  
樹宿含櫻鳥花留釀蜜蜂  
迎風下列缺灑酒召昌容  
且欣陪北上欲待東封

登終南山擬古

拾遺作古  
德林者非

隋胡師耽

結廬終南山西北望帝京  
煙霞亂鳥道劣見長安城  
官雉互相映雙闕雲間生  
鐘鼓沸閭闔笳管咽承明  
朱閣臨槐路紫蓋飛縱橫  
望望未極已甕牖秋風驚  
巖岫草木黃飛鴈遺寒聲  
墜葉積幽徑繁露垂荒庭

地部

卷十九

四

秦中諸山

窺中酒新熟澗谷寒蟲鳴  
且對一壺酒安知世間名  
寄言市朝客同君樂太平

奉使登終南山

唐王灣

盛

常愛南山遊因而盡原隰  
數朝至林嶺百仞登鬼爰  
石壯馬徑窮苔色步緣入  
物奇春狀改氣達天香集  
虛洞策杖鳴低雲拂衣濕  
倚巖見廬舍入戶欣拜揖  
問性矜勤勞示心教澄習  
玉英時共飲芝草爲予拾  
境絕人不行潭深鳥空立  
一乘從此受九轉兼是給  
辭處若輕飛翹來唯吐吸  
閑襟超已勝廻路倏而及  
煙色松上深水流山下急  
漸平逢車騎向晚眺城邑

峰在野趣繁塵飄宦情緝  
辛苦久爲吏勞生何妄執  
日暮懷此山悠然賦斯什

遊終南山

唐孟郊

南山塞天地日月石上生  
高峯夜留景大白岑西黃  
昏後見餘日  
深谷晝未明長風驅松柏  
聲拂萬壑清

望終南山

唐太宗

重巒俯渭水碧嶂插遙天  
出紅扶嶺日入翠貯巖煙  
疊松朝若夜複岫闕疑全  
對此恬千慮無勞訪九仙  
奉和吏部崔尚書雨後大明  
朝堂望終南山

唐張九齡

地部

卷十九

五

秦中諸山

迢遞終南頂朝朝閭闔前  
竭來青綺外高在翠微先  
雙鳳褰爲闕群龍儼若仙  
還知到玄圃更是謁甘泉  
夜雨塵初滅秋空月正圓  
詭雲紛入望霽色死成妍  
東極華陰踐西彌嶠冢連  
奔峰出嶺外瀑水落雲邊  
漢帝宮將苑商君陌與阡  
林華鋪近甸煙靄遶晴川  
既庶仁斯及分憂政已宣  
山公休罷官崔尚書雨後大明  
朝堂望終南山  
濟濟金門步洋洋玉樹篇  
徒歌雖有屬清越崔尚書雨後大明  
朝堂望終南山  
同薛司直諸公秋霽曲江  
俯見南山作

唐高適

南山鬱初霽曲江湛不流  
若臨瑤池前想望崑崙丘

迴首見黛色眇然波上秋深沈俯崢嶸清淺延阻脩  
連潭萬木影插岬千巘幽杳靄信難測淵淪無暗投  
片雲對漁父獨鳥隨虛舟我心寄青霞世事慚白鷗  
得意在乘興忘懷非外求良辰自多暇欣與數子遊

南山下舊居閒放

唐張九齡

祇役已云久乘閒返服初塊然屏塵事幽獨坐林間  
清曠前山遠紛喧此地疎喬木凌青靄脩篁媚綠渠  
耳和繡翼鳥目暢錦鱗魚寂寞心還閒一作飄飄體  
自虛興來命旨酒臨罷閱仙書但樂多幽意寧知有  
毀譽尚想爭名者誰云要路居都忘下流歎傾奪竟  
地部

卷十九

六

秦中諸山

歲暮歸南山

唐孟浩然

北闕休上書南山歸敝廬不才明主棄多病故人疎  
白髮催年老青陽逼歲除永懷愁不寐松月夜窓一  
虛本傳云王維私邀浩然入內署俄而玄宗至浩  
然匿牀下維取實對帝喜曰朕聞其人而不見  
也詔使出帝問其詩浩然再拜自誦此詩至不才明  
主棄之句帝曰卿不求仕而朕未嘗棄卿奈何誣我  
還

春歸終南山松龕舊隱

唐李白

我來南山陽事事不異昔却尋谿中水還望巘下石  
薜蘿緣東牕女蘿遶北磴別來能幾日草木長數尺

且復命酒樽獨酌陶永夕

終南幽居獻蘇侍郎三首

時拜太祝未上

唐儲光義

暮春天氣和登嶺望層城朝日懸清景魏我宮殿明  
聖君常臨朝達士復懸衡道近無良足歸來卧山楹  
靈堦曝仙書深室鍊金英春巘松柏秀晨路鵬鷄鳴  
羽化既有言無然悲不成

中歲尚微道始知將谷神抗策還南山水木自相親  
深林開一道青嶂成四鄰平明去采薇日入行刈薪  
雲歸萬壑暗雪罷千巘春始看玄鳥來已望瑤華新  
地部

卷十九

七

秦中諸山

寄言攀芳者無乃後時人

卜築青巘裏雲蘿四垂陰虛室若無人喬木自成林  
時有清風至側聞樵采音鳳皇鳴南岡望望隔層岑  
旣言山路遠復道谿流深倏倏空中遊虬龍水間吟  
何當見輕翼爲我達遠心

贈徐中書望終南山歌

唐王維

晚下兮紫微悵塵事兮多違駐馬兮雙樹望青山兮  
不歸

望終南山寄紫閣隱者

唐李白

出門見南山引領意無限秀色難爲名蒼翠日在眼



有時白雲起天際自舒卷心中與之然託興每不淺  
何當造幽人滅跡絕絕嘯

遊終南山因寄蘇秦禮士尊師前員外

唐李端

半嶺逢仙駕清晨獨采芝壺中開白日霧裏卷朱旗  
倏鳥知歸路松蘿見會時鷄聲傳洞達鶴語報家遲  
童子閑驅石樵夫樂看棋依稀醉後拜恍惚夢中辭  
海上終難接人間益自疑風塵甘獨老山水但相思  
願得燒丹訣流沙永侍師

下終南山過斛斯山人宿置酒

唐李白

地部

卷九

八

秦中諸山

暮從碧山下山月隨人歸却顧所來徑蒼蒼橫翠微  
相携及田家童稚一作開荆扉綠竹入幽軒一作青  
蘿拂行衣歡言得所憩美酒聊共揮長歌吟松風曲  
盡河星稀我醉君復樂陶然共忘機

崔九弟欲往南山馬口號

唐王維

城隅一分手幾日還相見山中有桂花莫待花如霰  
崔九欲往南山馬口號與唐王維

歸山深淺去須盡丘壑美莫學武陵人暫遊桃源裏

太白山

秦民謠

武功太白去天三百孤雲兩角去天一握山水險阻

黃金子午地盤烏櫓勢與天通

登太白峰

唐李白

西上太白峰夕陽窮登攀太白與我語爲我開天關  
願乘冷風去直出浮雲間舉手可近月前行若無山  
一別武功去何時復更還

送清散遊太白山

唐僧無可

卷經歸太白躡躡別蘿龕若履浮雲上須看積翠南  
倚身松入漢瞑目月離潭此境堪長往塵中事可諳

登荆山

晉桓玄

理不孤湛影比有津曾是名岳明秀超鄰器栖荒外

地部

卷九

九

秦中諸山

命契饗神我之懷矣巾駕飛輪

登荆山行

宋鮑照

旦登荆山頭崎嶇道難遊早行犯霜露苔滑不可留  
極眺入雲裏窮目盡帝州方都列萬室層城帶高樓  
奕奕朱軒馳紛紛縞衣流日氛映山浦暄霧逐風收  
花木亂平原桑柘盈一作平疇攀條弄紫莖藉露折  
芳柔遇物雖成趣念者不解憂且共傾春酒長歌登

山丘

荆山

唐李商隱

壓河連華勢屏頗鳥沒雲歸一望間楊僕移關三百

里可能全是爲荆山

商洛山行懷古

唐張九齡

圍綺繡秦末嘉遁此山阿陳迹向千古荒途始一過  
碩人久淪謝喬木自森羅故事昔嘗覽遺蹟今意詎  
必泉空活活樵叟獨瞻瞻是處清暉滿從今興多  
長懷赤松意復憶紫芝歌避世辭軒冕逢時解薜蘿  
盛明今在邇吾道竟如何

奉和聖製早登三卿山

唐張九齡

羽衛森森西向秦山川歷歷在清晨晴雲稍卷寒巖  
樹宿雨能銷御路塵聖德由來合天道靈符即此應

地部

卷九

泰中諸山

時巡遺賢一一皆羈致猶欲高深訪隱淪

蘭峰贈張九皐

唐祖詠

君王旣巡狩輦路入秦京遠戍低蒼壘孤山出草城  
寒疎清禁漏夜警羽林兵誰念迷方客長懷魏闕情

橋山懷古

唐舒元興

軒轅厭代千萬秋淥波浩蕩東南流今來古往無不  
歿獨有天地長悠悠我乘驛騎到中部古聞此地爲  
渠搜橋山突兀在其左荒榛交鎖寒風愁神仙天下  
亦如此況我感役同蜉蝣誰言衣冠葬其下不見弓  
劍何人收哀猿叫笑牧童戲陰天月落狐狸遊口思

皇墳立人極車輪馬跡無不周洞庭張繼

鹿大戰摧蚩尤智勇神天不自大風后力牧輸長壽

襄城迷路問童子帝鄉歸去無人留崆峒求道失遺

跡荆山鑄鼎餘荒丘君不見黃龍飛去山下路斷髯

成州風颶颶

遊灞陵山

唐嚴維

入山未盡意勝跡聊獨尋方士去在昔藥堂留至今  
四隅白雲閒一路清溪深芳秀慙春目高閒宜遠心

潭分化丹水嶺出昇仙林此道人不悟坐鳴松下琴

仙娥峯下作

唐白居易

地部

卷九

十一

泰中諸山

我爲東南行始登商山道商山無數峰最愛仙娥好  
參差樹若插匝雲如抱渴望寒玉泉香聞紫芝草  
青畦屏削碧白石牀鋪縞向無如此物安足留四皓  
感彼私自問歸山何不早可能塵土中還隨衆人老

岐山

唐韓愈

丹穴五色羽其名爲鳳皇昔周有盛德此鳥鳴高岡  
和聲隨祥風宵窈相飄揚聞者亦何事但知時俗康  
自從公旦死千載闕其光吾君亦勤理遲爾一來翔

洛中諸山

龍門 桐柏山

龍門應制

唐宋之間

衙門霽氛埃流雲度城闕河堤柳新翠苑樹花先發  
洛陽花柳此時濃山水樓臺映幾重群公拂霧朝翔  
鳳天子乘春幸鑿龍鑿龍近出王城外羽從淋漓擁  
軒蓋雲蹕纔臨御水橋天衣已入香山會山壁巖巖  
斷復連清流澄澈俯伊川塔影遙遙綠波上星龍奕  
奕翠微邊層巒舊長千尋木達壑初飛萬丈泉綵仗  
紅旌遶香閣下輦登高望河洛東城宮闕擬昭回南  
陌溝塍殊綺錯林下天香七寶臺山中春酒萬年杯  
微風一起祥花落仙樂初鳴瑞鳥來鳥來花落紛無  
已稱觴獻壽香霞裡歌舞淹留景欲斜石間猶駐五

地部

卷十九

十一

洛中諸山

雲車鸞旗翼臨芳草龍騎駸駸映晚花千乘萬騎  
鑾輿出水靜山空嚴警蹕郊外喧喧引看人傾都南  
望屬車塵竇聲引颺聞黃道王氣周回入紫宸先王  
定鼎山河固寶命乘周萬物新吾君不事瑤池樂時  
雨來觀農扈春武后遊龍門命羣臣賦生成者賜以  
錦袍左史東方虬詩成拜賜坐未安  
之問詩後成文理兼美左右  
莫不稱善乃就奪錦袍衣之

奉和遊龍門應制

唐武三思初

鳳駕臨香地龍輿上翠微星宮含雨氣月殿抱春輝  
碧澗長虹下雕梁早燕歸雲疑浮寶蓋石似拂天衣  
露草侵堦長風花繞席飛日斜宸賞洽清吹入重闈

龍門

唐杜甫

龍門橫野斷驛樹出城來氣色皇居近金銀佛寺開  
往來時屢改川陸日悠哉相閱征途上生涯盡幾回

龍門八詠

龍門

唐劉長卿中

秋山日搖落秋水急波瀾獨見魚龍氣長令煙雨寒  
誰窮造化力空向兩崖看

水東渡

山葉傷嗟赤千峰秋色多夜泉發清響寒渚生微波  
稍見沙上月歸人爭渡河

地部

卷十九

十三

洛中諸山

福公塔

寂寞對伊水經行長未還東流自朝暮千載空雲山  
誰見白鷗鳥無心洲渚閒

達公龕

松路向精舍花龕歸老僧閒雲隨錫杖落日低金繩  
入夜翠微裏千峰明一燈

石樓

隱隱見花閣隔河映青林水田秋鴈下山寺夜鐘深  
寂寞群動息風泉清道心

下山

誰識往來意孤雲長自閒風寒未渡水日暮更看山  
木落衆峰出龍宮蒼翠間

水西渡一作西水渡

伊水搖鏡光纖鱗如不隔千龕道傍古一鳥沙上白  
何事還山雲能留向城客

渡水

日暮下山來千山暮鐘發不知波上掉還弄山中月  
伊水連白雲東南遠明滅

過桐柏山

唐錢起中

秋風過楚山山靜秋聲晚賞心無定極仙步亦清遠  
地部

卷十九

古

晉中諸山

返照雲竇空寒流石苔淺羽人昔已去靈跡欣方踐  
投策謝歸途世緣從此遣

晉中諸山

王屋山 射山 條山

寄王屋山人孟大融

唐李白盛

我昔東海上勞山餐紫霞親見安期公食棗大如瓜  
中年謁漢主不憚還歸家朱顏謝春暉白髮見生涯  
所期就金液飛步登雲車願隨夫子天壇上閒與仙人掃落花

早冬遊王屋自靈都抵陽臺上方望天壇偶吟

成章寄溫谷周尊師中書李相公

唐白居易中

霖降山水清王屋十月時石泉碧漾漾巖樹紅離離  
朝爲靈都遊暮有陽臺期飄然世塵外鸞鶴如可追  
忽念公程盡復慙身力衰天壇在天半欲上心遲遲  
嘗聞此遊者隱客與損之各抱貴仙骨俱非泥垢姿  
二人相顧言彼此稱男兒若不爲松喬卽須作臯夔  
今果如其語光彩雙歲裝一人佩金印一人翳玉芝  
我來高其事詠歎偶成詩爲君題石上欲使故山知

天壇上境有序

唐元稹中

貞元二十年五月十四日夜宿天壇石幢側十五

地部

卷十九

五

晉中諸山

日得盤屋馬逢少府書知予達上天壇因以長句  
見贈篇末仍云靈溪試爲訪金丹因於壇上還贈  
野人性僻窮深僻芸署官閒不似官萬里洞中朝玉  
帝上有洞九光霞外宿天壇洪漣浩渺東溟曙白日  
低回上境寒因爲南昌檢仙籍馬君家世奉金丹

宿王屋天壇

唐馬戴晚

星斗半沈蒼翠色紅霞遠照海濤分折松曉拂天壇  
雪投簡寒窺玉洞雲絕頂懸迴人不見深林磬度鳥  
應聞未知誰與傳金籙獨向仙祠拜老君

客有爲予話登天壇遇雨之狀因以賦之

唐劉禹錫中

清晨登天壇平路逢陰晦疾行穿雨過却立視雲背  
白日照其上風雷走於內淝瀆雪海翻槎牙玉山碎  
蛟龍露鬚鬣神鬼含變態萬狀互生滅百音以繁會  
俯觀群動靜始覺天宇大山頂自晶明人間已霽霽  
豁然重昏斂渙若春冰碎反照入松門瀑流飛縞帶  
遙光泛物色餘韻吟天籟洞府撞仙鐘村墟起夕霏  
却見山下侶已如迷世代問我何處來我來雲雨外  
南池夜宿思王屋青蘿舊齋 唐岑參 盛

卷十九

十六

晉中諸山

地部

卷十九

十七

楚中諸山

天晴雲歸盡雨洗月色新公事常不閑道書日生塵  
早年家王屋五別青蘿春安得還舊山東谿垂釣綸  
送家兄歸王屋山隱居二首 唐劉禹錫 中

洛陽天壇上依稀似玉京夜分先見日月淨遠聞笙  
雲路將鷄犬丹臺有姓名古來成道者兄弟一同行

二

春來山事好歸去亦逍遙水淨苔沙色露香芝朮苗  
登臺吸瑞景飛步翼神飈願薦墳塋曲相將學玉簫  
東南射山 阮籍詠懷詩曰東南有射山  
分水出其陽言神仙之事

梁王筠

還丹改容質握髓駐流年口含千里霧掌流五色煙  
瓊漿汎金鼎瑤池溉玉田倏忽整龍駕相遇鳳臺前

條山蒼

唐韓愈 中

條山蒼河水黃浪波云云去松柏在山岡

○楚中諸山

峴山 鹿門山 君山 西塞山  
石鼓山 綠蘿山 九疑山 荆門山  
衡山 荆山 蘇軾山 石廬山

峴山懷古

唐陳子昂 初

秣馬臨荒甸登高覽舊都猶悲墮淚碣尚想卧龍圖  
城邑遙分楚山川半入吳丘陵徒自出賢聖幾凋枯  
野樹蒼煙斷津樓晚氣孤誰知萬里客懷古正踟躕

地部

卷十九

十七

楚中諸山

登襄陽懷峴山

唐張九齡 初

昔年亟攀踐征馬復來過信若山川舊誰如歲月何  
蜀相吟安在羊公碣已磨令圖猶寂寞嘉會亦蹉跎  
宛宛樊城岫悠悠漢水波逶迤春日遠感寄客情多  
地本原林秀朝來煙景和同心不同賞留歎此巖阿

峴山懷古

唐李白 盛

訪古登峴首憑高眺襄中天清遠峰出水落寒沙空  
弄珠見遊女醉酒懷山公感歎發秋興長松鳴夜風  
與諸子登峴山 唐孟浩然 盛

人事有代謝往來成古今江山留勝跡我輩復登臨

水落魚梁淺天寒夢澤深羊公碑尚在讀罷淚沾襟

九日峴山宴

一作廬明府九日峴山宴  
去使君張即中崔員外

唐孟浩然

宇宙誰開闢江山此鬱盤登臨今古用風俗歲時觀  
地理荊州分天涯楚塞寬百城今刺史華省舊郎官  
共美重陽節俱懷洛帽歡酒邀彭澤載琴輟武城彈  
獻壽先浮菊尋幽或藉蘭煙虹鋪藻翰松竹挂衣冠  
叔子神如在山公興欲闌傳聞車馬醉還向習池看

題鹿門山

唐孟浩然

清曉因興來乘流越江峴沙禽近方識浦樹遠莫辨  
漸至鹿門山山明翠微淺巖潭多屈曲舟楫屢迴轉  
地部

卷十九

十八 楚中諸山

昔聞龐德公采藥遂不返金澗養芝朮石牀臥苔蘚  
紛吾感耆舊結纜事攀踐隱迹今尚存高風邈已遠  
白雲何年去丹桂空偃蹇探討意未窮迴艫夕陽晚

和張明府登鹿門山

唐孟浩然

忽示登高作能寬旅寓情絃歌既多暇山水思彌清  
艸得風先動虹因雨後成謬承巴里和非敢應同聲

夜歸鹿門歌

唐孟浩然

山寺鳴鐘晝已昏魚梁渡頭爭渡喧人隨沙岍向江  
村余亦乘舟歸鹿門鹿門月照開煙樹忽到龐公栖  
隱處巖扉松逕長寂寥惟有幽人自來去

夕次鹿門山

唐閻防

龐公嘉遁所浪迹難追攀浮舟暝始至抱杖聊自閒  
雙巖開鹿門百谷集珠灣噴薄湍上水春容漂裡山  
焦原不足險梁壑未成艱我行自春仲夏鳥忽綿蠻  
蕙艸色已晚客心殊倦還

君山懷古

唐劉禹錫

屬車八十一此地阻長風千載威靈盡潁山寒水中

君山

唐程賀

曾遊方外見麻姑說道君山自古無云是崑崙山頂  
石海風飄落洞庭湖

地部

卷十九

十九 楚中諸山

西塞山

唐元稹

勢從千里奔直入江中斷嵐橫秋塞雄地東驚流滿

西塞山下作

唐韋莊

西塞山前水似藍亂雲飛絮滿澄潭孤峰漸映湓城  
北片月斜生夢澤南巖動曉煙烹紫鱖露和香帶摘  
黃柑他年却棹扁舟去終傍蘆花結一菴

西塞山懷古

唐劉禹錫

西晉樓船下益州金陵王氣漠然收千尋鐵鎖沈江  
底一片降幡出石頭人世幾回傷往事山形依舊枕  
寒流從今四海為家日故壘蕭蕭蘆荻秋



觀石鼓 石鼓山名

晉庾闡

命駕觀奇逸徑驚造靈山朝濟清溪听夕想五龍泉  
鳴石含潛響雷駭震九天妙化非不有莫知神自然  
翔霄拂翠嶺綠澗漱巖間手澡春泉潔目翫陽葩鮮

登上戍石鼓山詩

宋謝靈運

旅人心長久憂憂自相接故鄉路遙遠川陸不可涉  
汨汨莫與娛發春託登躡歡願既無並戚慮庶有協  
一作極目睎左澗迴顧眺右狹日末澗增波雲生嶺  
逾疊白芷競新苔綠蘋齊初葉摘芳芳靡諼愉樂樂  
不燮佳期緬無像騁望誰云愜

地部

卷十九

二十

楚中諸山

綠蘿山

新開武陵記曰有綠蘿山側巖並水懸  
葛百里許得明月池碧潭鏡澈百尺見  
底紫巖若雪松如神翠流風叩  
阿有系桐之韻土人為之歌曰

仰茲山兮迢迢層石構兮差我朝日麗兮陽巖落景

梁一作陽兮陰阿障聳兮生音吟賴兮相和敷芳兮綠

林恬淡兮潤波樂茲潭兮安流緩爾權兮詠歌

登楚山

晉庾闡

拂駕升西嶺寓目臨浚波想望七德耀詠此九功歌  
龍駒釋陽林朝服集三河迴首眄宇宙一無濟邦家  
登望楚山最高頂 唐孟浩然

山水觀形勝襄陽美會稽最高唯望楚曾未一攀躋

石壁疑削成衆山比全低晴明試登陟目極無端倪

雲夢掌中小武林花處迷暝還歸騎下蘿月在深溪

登魯山

宋孝武帝

解帆憩通渚息徒憑椒丘粵值風景和升高從速睥  
紀郢窮西路湘夢極南流杳哉漢陰水浩焉江界脩

望荆山

梁江淹

奉義一作至江漢始知楚塞長南關繞桐柏西岳出

魯陽寒郊無留影秋日懸清光悲風撓一作重林雲

霞肅川漲歲晏君如何零淚沾衣裳玉柱空掩露金

樽坐含霜一聞苦寒奏再使艷歌傷

地部

卷十九

三

楚中諸山

荆門山

唐陶雍

晚

兩崖開闢水迴環一葉纔通石鑄間楚客莫嫌山勢  
險世人心更險於山

神龍初廢逐南荒途出榔口北望蘇耽山

唐沈佺期

初

少曾讀仙史知有蘇耽君流望來南國依然會昔聞  
泊舟問耆老遙指孤山雲孤山榔郡北不與衆山羣  
重嶺下縈映嶢嶢上糾紛碧峰泉附落紅壁樹傍分  
選地今方爾升天因可云不才予竄迹羽化于遺芬  
將覽成麟鳳旋驚禦鬼文此中迷出處含思獨氛氲

登九疑第二峰

唐元結

九疑第二峰其上有仙壇杉松映飛泉蒼蒼在雲端  
何人居此處云是魯女冠不知幾百歲晏坐餌金丹  
相傳羽化時雲鶴滿峰巒婦中有高人相望空長歎

望九疑

唐朱慶餘

浮生猶役役未得便尋真白日如無路青山豈有人  
煙收遙岫小雨過晚川新倚杖何凝望中宵夢往頻  
與生公遊石窟山

與生公遊石窟山

唐張九齡

探秘執云遠忘懷復爾同日尋高深意宛是神仙中  
躋險遺靈室詭制非人功潛洞黝無底殊庭忽似夢  
地部

卷十九

王

豈如武安鑿自若茅山通造物良有寄嬉遊迺愜衷

猶希咽玉液從此昇雲空咄咄共携手冷然且馭風

蜀中諸山

龍門 三峽山 峽肩山 文白山  
泥功山 青城山 鹿頭山 丈人山 白鹽山

巫山高

齊劉繪

高唐與巫山參差鬱相望灼爍在雲間氛氲出霞上  
散雨收夕臺行雲卷晨障出没不易期嬋娟以惆悵

巫山高

齊王融

想像一侍巫山高薄暮陽臺曲煙雲乍舒卷衡芳自  
斷續 彼美如可期寤言紛在矚慨然坐相

思 一作秋風下庭綠

巫山高

梁范雲

巫山高不極白日隱光輝雷朝雲去溟溟暮雨歸  
巖懸獸無跡林暗鳥疑驚 飛枕席竟誰薦相望空  
一作 依依

巫山高

梁元帝

巫山高不窮迴出荆門中灘聲下濺石猿鳴上逐風  
樹雜山如畫林暗澗疑空無因謝神女一為出房櫳

巫山高

梁王泰

迢遞巫山疎遠天新霽時樹交涼去遠草合影開遲  
地部

卷十九

王

谷深流響咽峽近猿聲悲只言雲雨狀自有神仙期  
巫山高

梁費昶

巫山光欲晚 陽臺色依依彼美嚴之曲寧知心  
是非朝雲觸石起暮雨潤羅衣願解千金珮請逐大  
王歸

巫山高

陳後主

巫山巫峽深峭壁聳春林風巖朝薜落霧嶺晚猿吟  
雲來足薦枕雨過非感琴仙姬將夜月度影自浮沈

巫山高

陳蕭詮

巫山映巫峽高高殊未窮猿聲不辨處雨色詎分空

懸崖下桂月深澗響松風別有仙雲起時向楚王宮

巫山高

一作唐李元操

隋李孝貞

荆門對巫峽雲夢迴陽臺燎火如奔電墜石似驚雷  
天寒秋水急風靜夜猿哀枕席無由薦朝雲徒去來

巫山高

隋凌敬

巫岫巒岩崑高高入紫霄白雲間危一作抱石玄猿挂

迴條懸巖激巨浪脆葉頽驚飈別有陽臺處風雨共

飄飄

巫山高

唐喬知之

巫山十二峰參差互隱見潯陽幾千里周覽忽已變

地部

卷十九

十四

蜀中詩山

想像神女姿摘芳共珍薦楚雲何逶迤紅樹日葱蒨  
楚雲沒湘源紅樹斷荆門郢路不可見况復夜猿聞

巫山高

唐盧照鄰

巫山望不極望望下朝氛莫辨啼猿樹徒看神女雲

驚濤亂水脉驟雨暗峰文沾裳即此地况復遠思君

巫山高

一作唐李元操

唐沈佺期

巫山高不極合沓狀奇新暗谷疑風雨陰崖若鬼神

月明三峽曉潮滿九江春為問陽臺客應知入夢人

巫山高

唐宋之間

巫山峰十二環合像昭回俯聽琵琶峽平看雲雨臺

古槎天外落瀑水日邊來何忍猿啼夜荆王枕席開

巫山高

唐鄭世翼

巫山凌太清岩崑類削成霏霏暮雨合蕭蕭朝雲生  
危峰入鳥道深谷瀉猿聲別有幽棲客淹留攀桂情

巫山高

唐羅立本

君不見巫山高半天起絕壁千尋盡相似君不見

巫山碣石翠屏開湘江碧水遶山來綠樹春嬌明月

峽紅花朝覆白雪臺上朝雲無定所此中窈窕神

仙女仙女盈盈仙骨飛清容出沒有光輝欲暮高唐

行雨送今宵定入荆王夢荆王夢裏愛穠華枕席初

地部

卷十九

十五

蜀中詩山

開紅帳遮可憐欲曉啼猿處說道巫山是妾家

巫山

唐王無兢

神女向高唐巫山下夕陽徘徊行作雨婉變逐荆王

電影江前落雷聲峽外長霽雲無處所臺館晚蒼蒼

巫山

唐張子容

巫嶺岩崑天際重佳期宿昔願相從朝雲暮雨連天

暗神女知來第幾峰

巫山高

唐劉方平

楚國巫山秀清猿日夜啼萬重春樹合十二碧峰齊

峽出朝雲下江來暮雨西陽臺歸路直不畏向家迷

巫山高和皇甫拾遺

唐李端

巫山十二峰皆在碧虛中迴合雲藏日霏微雨帶風  
猿聲寒度過一作水樹色暮連空愁向高唐望清秋見  
楚宮

巫山曲

唐孟郊

巴江上峽重復重陽臺碧峭十二峰荆王獵時逢暮  
雨夜卧高丘夢神女輕紅流煙濕豔姿行雲飛去明  
星稀目極魂斷望不見猿啼三聲淚沾衣

夜宿巫山

隋崔仲方

荆門秋水急巫峽斷輕苔爲教月夜長短聽猿聲  
地部

卷十九

子六

蜀中諸山

宿巫山

唐李白

昨夜巫山下猿聲夢裏長桃花飛綠水三月下瞿塘  
雨色風吹去南行拂楚王高丘懷宋玉訪古一沾裳

巫山懷古

唐劉希夷

巫山幽陰地神女艷陽年襄王伺容色落日望悠然  
歸來高堂夜金釭焰青煙顏想卧璠席夢魂何翩翩  
搖落殊未已榮華倏徂遷愁思瀟湘浦悲涼雲夢田  
猿啼秋風夜鴈飛明月天巴歌不可聽聽此益潺湲  
巫山之陽香溪之陰明妃神女舊跡存焉

唐蔣冽

神女歸巫峽明妃入漢宮擣衣餘石在薦枕舊臺空  
行雨有時渡溪流何日窮至今詞賦裏悽愴爲遺風

登古陽雲臺

唐張九齡

庭樹日衰颯風霜未云已駕言遣憂思乘興求相似  
楚國茲故都蘭臺有餘址傳聞襄王世仍立巫山祀  
方此全盛時豈無嬋娟子色荒神女至魂蕩宮觀啓  
蔓草今如積朝雲爲誰起

遊三學山

隋釋智炫

秀嶺接重煙嶽峯上半天絕巘低更舉危峰斷復連  
側石傾斜澗回流瀉曲泉野紅知草凍春來鳥自傳  
地部

卷十九

子七

蜀中諸山

樹錦無機織猿鳴詎假絃葉密風難度枝疎影易穿  
抱素依閑沼策杖戲荒田遊心清漢表置想白雲邊  
榮名非吾願息意且蕭然

登峨眉山

唐李白

蜀國多仙山峨眉邈難匹周流試登覽絕怪安可悉  
青冥倚天開彩錯疑畫出冷然紫霞賞果得錦囊術  
雲間吟瓊簫石上弄寶瑟平生有微尚歡笑自此畢  
煙容如在顏塵累忽相失倘逢騎羊子攜手凌白日  
峨眉山

萬仞白雲端經春雪未殘夏消江峽滿晴照蜀樓寒

唐鄭谷

造境知僧熟歸林認鶴難會須朝闕去祇有畫圖看

汶阜山

河圖引  
蜀諺曰

汶阜之山江出其腹帝以會昌神以建福

過蜀龍門

唐沈佺期

初

龍門非禹鑿詭怪乃天功西南出巴峽不與衆山同  
長竇亘五里宛轉復嵌空伏湍煦潛石瀑布生輪風  
流水無晝夜噴薄龍門中潭河勢不測藻葩垂綵虹  
我行當季月煙景共春融江關勤亦甚嚙嚙意難窮  
逝將息機事煉藥此山東

鹿頭山

唐杜甫

盛

地部

卷十九

壬八

蜀中諸山

鹿頭何亭亭是日慰飢渴連山西南斷俯見千里豁  
遊子出京華劍門不可越及茲險阻盡始喜原野闊  
殊方昔三分霸氣曾間發天下今一家雲端失雙闕  
悠然想楊馬繼起名碑兀有文令人傷何處埋爾骨  
紆餘脂膏地慘澹豪俠窟杖鉞非老臣宣風豈專達  
冀公柱石姿論道邦國活斯人亦何幸公鎮踰歲月

丈人山

唐杜甫

盛

自爲青城客不唾青城地爲愛丈人山丹梯近幽意  
丈人祠西佳氣濃綠雲擬住最高峰掃除白髮黃精  
在君看他時冰雪容

白鹽山

唐杜甫

盛

卓立群峰外蟠根積水邊他皆任厚地爾獨近高天  
白榜千家邑清秋萬估船詞人取佳句刻畫竟誰傳

泥功山

唐杜甫

盛

朝行青泥上暮在青泥中泥濘非一時版築勞人功  
不畏道路永反將汨沒同白馬爲鐵驪小兒成老翁  
哀俱透却墜死鹿力所窮寄語北來人後來莫忽忽  
賦得青城山歌送楊杜二郎中赴蜀軍

唐錢起

中

蜀山西南千萬重仙經最說青城峰青城嶽金倚空

地部

卷十九

壬九

蜀中諸山

碧透壓峨眉吞劍壁錦屏雲起易成霞玉洞花明不  
知夕星臺二妙逐王師阮瑀軍書王粲詩日落猿聲  
連玉筍晴來山翠傍旌旗綠蘿春月營門近知君對  
酒遙相思

詩舊類函卷二十

東吳俞安期彙纂 宣城梅鼎祚增定

稿李項鼎鉉訂校

地部五

江南諸山 江北諸山 越中諸山 豫章諸山 閩粵諸山 塞上諸山

○江南諸山

鍾山 茅山 敬亭山 三山 五華山 黃山

虎丘山

靈官山

天門山

秀林山

遊鍾山應西陽王教五章

靈山紀地德地險資岳靈終南表秦觀少室邇王城

翠鳳翔淮海衿帶遶神垓北阜何其峻林薄杳葱青

地部

卷二十

江南諸山

發地多奇嶺千雲非一狀合沓共隱天參差互相望

鬱律構丹巘峻嶒起青嶂勢隨九疑高氣與三山壯

三

卽事既多美臨眺殊復奇南瞻儲胥觀西望昆明池

山中咸可悅賞逐四時移春光發隴首秋風生桂枝

四

多值息心侶結架山之足八解鳴澗流四禪隱空曲

窈冥終不見蕭條無可欲所願從之遊寸心於此足

五

五

君王挺逸趣羽旆臨崇基白雲隨玉趾青霞雜佳旗

淹留訪五藥顧步佇三芝於焉仰鑣駕歲暮以爲期

登鍾山燕集望西靜壇

梁吳均

客思何以緩春郊滿初律高車陸離至駿騎差池出

寶腕汎蓮花珍杯食竹實才勝商山四丈高竹林七

復望子喬壇金繩蘊綠帙風雲生屋宇芝英被仙室

方隨鳳凰去悠然駕白日

登鍾山下峰望

梁虞騫

冠者五六人攜手巖之際散意百仞端極目千里睇

疊岫乍昏明浮雲時卷閉遙看野樹短望樵人細

地部

卷二十

江南諸山

遊覆舟山

宋孝武帝

束髮好怡衍弱冠頗流薄素想終勿傾聿來果丘壑

層峰亘天維曠渚綿地絡逢臯列神苑遭壇樹仙閣

松塏含青暉荷源煜彤爍川界泳游鱗巖庭響鳴鶴

侍宴覆舟山二首勅爲柳元景作

宋鮑照

息雨清上郊開雲照中縣遊軒越丹居暉燭集涼殿

凌高躋飛楹追焱起流宴移苑含靈羣巖庭藏物變

明輝燦神都麗氣冠華甸目遠幽情周禮洽深恩遍

二



驚霜飛玉闌愛其麗皇州河蹕戒一作馳路羽蓋作

宣游神居既崇盛巖嶮信環周禮俗陶德聲昌會溢

民謳慙無勝化質謬從雲雨浮一作遊

登覆舟山望湖北

梁劉孝威

紫川通太液丹岑連少華堂皇更隱映松蘿維交加

荇浦浮新葉漁舟縈落蕊浴童爭淺嘒漂女擇平沙

極望傷春日迴車歸袂

侍遊方山應詔

以方山

齊王融

巡躡望登年帳飲臨秋縣日羽鏡霜薄雲旗落風甸

四瀛良在目八寓婉如見小臣竊自嘉預奉柏梁讌

地部

卷二十

三

江南諸山

侍遊方山應詔

梁沈約

清漢夜昭暫扶桑曉陸離發歌擬陽下一作發吹建

羽朝夕池撻金浮水若聳蹕詔山祇一雷九霄露藜

藟終自知

下方山

梁何遜

寒鳥樹間響落星川際浮繁霜白曉嘒苦霧黑晨流

鱗鱗逆去水瀾瀾急還舟望鄉行復立瞻途近更脩

誰能百里地縈繞千端愁

與諸兄弟方山別詩

晉王彪之

晴車總馳輪汎舟暉飛棹絲染黑悲歎路岐傷感悼

鄰里相送至方山

宋謝靈運

祇役出皇邑相期起甌越解纜及流潮懷舊不能發

析析就衰林皎皎明秋月含情易為盈遇物難可吹

積疴謝生慮寡欲罕所闕資此永幽棲豈伊年歲別

各勉日新志音塵慰寂蔑

劉僕射東山集

以下東山

梁江淹

蕭蕭雲色滋惟愛一作憂起長思喬木嘯山曲征鳥怨

水湄共惜玉樽暮願足光陰遲緬裳視絕雲銜意方

此時誦飾江早駕終從海濱詩

東山吟

晉謝安攜妓之所

唐李白

地部

卷二十

四

江南諸山

攜妓東山去悵然悲謝安我妓今朝如花月他妓古

墳荒草寒白雞夢後三百歲灑酒澆君同所懽酣來

自作青海舞秋風吹落紫綺冠彼亦一時此亦一時

浩浩洪流之詠何必奇

憶東山二首

唐李白

不向東山久薔薇幾度花白雲他自散明月落誰家

二

我今攜謝妓長嘯絕人羣欲報東山客開闢掃白雲

茅山父老歌

以下茅山○茅君內傳茅君曰茅盈成

曲為茅君之山時盈二弟俱貴乘為五官大

于東山後咸得僊道太上命固治丹陽句曲  
山東治良常之山僊爲司命真君東嶽上卿  
於是僊與二弟決別俱去國東嶽治此山漢  
平帝元壽二年也內法既融外教世平隔乃  
風雨以時五禾成熟疾癘  
不起暴害不行父老歌曰

茅山連金陵江湖據下流三神乘白鶴各在一一作一

山頭佳雨濯畦稻陸田亦復周妻子保堂室使我無

百憂白鶴翔青天一作金穴何時復來遊

入茅山尋桓清遠題壁 梁邵陵王

荆門丘壑多瓊牖風雲入自非棲遁情誰堪霜露濕

初入山作元帝在藩送碑入山今猶在朱陽館  
東又有南平王蕭偉所造河遠之館  
卽弘崇弟子桓清遠所居其桓師名法  
闡口口口之師也桓師初入山詩曰

地部 卷三十 五 江南諸山

梁桓法闡

寒谷夜將晨置賞復尋真方壇垂密葉澈水渡朱鱗  
杏林雖伏獸芝田詎俟人丹成方轉石鑪變欲銷銀  
當知勝地遠於此絕巖塵

茅山洞口 唐綦母潛

華陽仙洞口半嶺拂雲看窈窕空苔壁差池對石壇  
方隨地脉轉稍覺水晶寒未果交金骨歸來茲路難

題茅山華陽洞 唐儲光義

華陽洞口片雲飛細雨濛濛欲濕衣玉簫遍滿仙壇  
上應是茅家兄弟歸

遊茅山五首 唐儲光義

十年別鄉縣西去入皇州此意在觀國不言空遠遊  
九衢平若水利往無輕舟北洛反初路東江還故丘  
春山多秀木碧澗盡清流不見三秦處當從方外求

二

世業傳儒行行成非不榮其如懷獨善况以聞長生  
家近華陽洞早年深此情中車雲路入理棹瑤谿行  
天地朝光滿江山春色明王廷有軒冕此日方知輕

三

平生非作者望古懷清芬心以道爲際行將時不羣  
地部 卷三十 六 江南諸山

茲山在人境靈貺久傳聞遠勢一峰出近形千嶂分  
冬春有茂草朝暮多鮮雲此去亦何極但言西日曛

四

昔賢居柱下今我去人間良以直心曠兼之外視閑  
垂綸非釣國好學異希顏落日登高嶼悠然望遠山  
谿流碧水去雲帶清陰還想見中林士巖扉長不關

五

名嶽徵僊事清都訪道書山門入松柏天路涵空虛  
南極見朝采西澗聞夜漁遠心尚雲宿浪跡出林居  
爲已存實際忘形同化初此行良已矣不樂復何如

送陸羽之茅山寄李延陵

唐劉長卿中

延陵衰草遍有路問茅山雞犬驅將去煙霞擬不還  
新家彭澤縣舊國穆陵關處處逃名姓無名亦是閑  
送陸潛夫往茅山賦得華陽洞效離騷體

唐皇甫冉中

遊仙洞今訪真官莫瑤席今禮石壇忽髣髴今雲擾  
香陰深兮夏寒欲迴頭今揮手便辭家今可否有婚  
嫁今嬰纏綿歸來今已久

送鄭二之茅山

唐皇甫冉中

水流絕澗終日草長深山暮春犬吠雞鳴幾處條桑  
地部 卷二十 七 江南諸山

種杏何人

送董少卿遊茅山

唐皮日休晚

名卿風度足杓斜一舸閒尋二許家天影曉通金井  
水山靈深護玉門沙空壇禮後銷香母陰洞綠時觸  
乳花盡待于公作廷尉不須從此便餐霞

奉和送董少卿遊茅山

唐陸龜蒙晚

威輦高縣度世名至今仙裔作公卿將隨羽節朝珠  
闕曾佩魚符管赤城雲凍尚含孤石色雪乾猶墮古  
松聲應知四扇靈方在待取歸時綠髮生

江南道中懷茅山廣文南陽博士三首

唐皮日休晚

寒嵐依約認華陽遙想高人卧草堂半日始齋青飢  
飯移時空印白檀香鶴雛入夜歸雲屋乳管逢春落  
石牀誰道夫君無伴侶不離牕下見羲皇

住在華陽第八天望君唯欲結良緣堂前洞裏千秋

燕廚葢巖根數斗泉壇上古松疑度世觀中幽鳥恐  
成仙不知何事迎新歲烏納裘中一覺眠  
五色香煙惹內文石飴初熟酒初醺將開丹竈那防  
鶴欲算基圖却望雲海氣半生當洞見瀑冰初折隔

山聞如何世外無交者一卧金壇只有君

地部

卷二十

八 江南諸山

奉和次韻懷茅山二首

唐陸龜蒙晚

壺中行坐可攜天何況林間息萬緣組綬任垂三品  
石珮環從落四公泉丹臺已運陰陽火碧簡須雕次  
第仙想得雷平春色動五芝煙甲又芊眠

良常應不動遺文金醴從酸亦自醺桂父舊歌飛絳  
雪桐孫新韻倚玄雲春臨柳谷鶯先覺曙醺燕香鶴

共聞珍重雙雙玉條脫盡憑三島寄羊君

蒜山被始興王命作

以下蒜山 宋鮑照

暮冬霜朔嚴地閉泉不流玄武藏木陰丹鳥一作還  
養羞勞農澤既周役車時亦休高薄符一作好舊藻

駕及時遊鹿苑豈淹睇兔園不足留升嶠眺日軌臨  
迴望滄洲雲生玉堂裏風聲銀臺阪日類星縣嶼  
木似煙浮形勝信天府珍寶麗皇州白日迴清景芳  
豔洽歡柔參差山寒吹颺戾江上謳王德愛文雅飛  
翰灑鳴球美哉物會昌衣道服光猷

侍宴蒜山

宋謝莊

龍旌拂紆景鳳蓋起流雲轉蕙方因委層華正氛氲  
煙竟山郊遠霧罷江天分調石飛延露裁金起承雲  
車駕幸京口侍遊蒜山作集曰元嘉十六年也

宋顏延之

地部

卷二十

九 江南諸山

元天高北列日觀臨東溟入河起陽峽踐華因創成  
巖險去漢宇襟衛徙吳京流池自造化造山關固神營  
固縣極方望邑社總地靈宅道炳星緯誕曜應辰明  
睿思纏故里巡駕市舊荆陟峰騰輦路尋雲抗瑤薨  
春江壯風濤蘭野茂蕙英宣遊弘下濟窮途凝聖情  
嶽濱有和會祥習在上征周南悲昔老南滯感遺氓  
空食疲廊肆反稅事嚴耕

題潤州金山寺

以下金山

唐張祐

宿金山寺微茫水國分一作題然僧歸夜船月籠  
出曉堂雲樹影一作中流見鐘聲兩岸聞因悲在城

市一作朝市終日醉醺醺

題金山

唐孫魴

萬古波心寺金山名日新天多剩得月地少不生塵  
過榜妨僧定驚濤濺佛身誰言張處士題後更無人

題金山

唐韓垂

靈山一峯秀岌然殊衆山盤根大江底影挿浮雲間  
雷霆常間作風雨時往還象外縣清影千載常躋攀

金山

唐李建勳

不嗟白髮曾遊此不歎征帆無了期盡日憑欄誰會  
我只悲不見韓垂詩

地部

卷二十

十 江南諸山

從遊京口北固應詔以下北固山宋謝靈運  
玉璽戒誠信黃屋示崇高事爲名教用道以神理超  
昔聞汾水遊今見塵外鑣鳴笳發春渚稅鑾登山椒  
張組眺倒景列筵矚歸潮達巖映蘭薄白日麗江皋  
原隰萋綠柳墟囿散紅桃皇心美陽澤萬象咸光昭  
顧已枉維繫撫志慙場苗工拙各所宜終以反林巢  
曾是縈舊想覽物奏長謠

次北固山下

南意

唐王灣

客路青山外行舟綠水前一作南國多新潮平兩岸  
開一作風正一帆懸海日生殘夜江春入舊年

鄉書何處達歸鴈洛陽邊一作從來觀氣象雅句此下所稱遊吳中江南意云海日生殘夜江春入舊年詩人以來少聞此句張燕公居相府手題于政事堂每示能文令爲楷式

九日陪潤州邵使君登北固山 唐張子容

五馬向西椒重陽坐麗譙徐州帶綠水楚國在青霄張幕連江樹開筵接海潮凌雲詞客語迴雪舞人嬌一作梅福慙仙吏羊公賞下僚新豐酒舊美况是菊花朝

北固晚眺 唐竇常中

水國芒種後梅天風雨涼露蠶開晚簇江燕遞危檣

地部 卷二十 十一 江南諸山

山趾北來固潮頭西去長年年此登眺人事幾銷亡從永陽王遊虎丘山以下虎丘山 陳張正見

滄波壯鬱島洛邑鎮崇芒未若茲山麗君巽擅水鄉地靈侔少室塗艱像太行重巖標虎據九曲峻羊腸湑深澗無底風幽谷自涼寶沈餘玉氣劍隱絕星光白雲多異影丹桂有藂香遠看銀臺竦洞塔耀山莊瑞草生金地天花照石梁

遊虎丘山精舍 陳江總

縱棹憐迴曲尋山靜見聞每從芳杜性須與俗人分只塔泊流動花臺偏領芬蒙龍出簷櫺一作散漫繞

懸雲情幽豈徇物志遠易驚羣何由狎魚鳥不願屈玄纁

同沈恭子遊虎丘寺有作 唐清遠道士

我本長殷周遭罹歷秦漢四瀆與五嶽名山盡幽竄及此寰區中始有近峰翫近峰何鬱鬱平湖渺瀰漫吟挽川之陰步上山之岸山川共澄澈光彩交凌亂白雲翳欲歸青松忽消半客去川島靜人來山鳥散谷深中見日崖幽曉非旦聞子盛遊遨風流足詞翰嘉茲好松石一言常累歎勿謂余鬼神欣君共幽贊

虎丘山一作刻清遠道士詩因而繼作 唐顏真卿

地部 卷二十 十二 江南諸山

不到東山寺于今五十春竭來從舊賞林壑宛相親吳子多藏日秦皇厭聖辰劍池穿萬仞磐石坐千人金氣騰爲虎琴臺化若神登壇仰生一捨宅歎珣珉中嶺分雙樹迴巒絕四鄰窺臨江海接崇節四時新客有神仙者於茲雅麗陳名高遠達文聚斗牛津跡異心寧閒聲同質豈均悠然千載後知我揖光塵

補沈恭子詩 并序 唐陸龜蒙

按清遠道士詩題中有沈恭子同遊既爲神怪之儒得非姓氏謚爲恭子若趙宣子韓獻子之類耶恭子美謚也而詩中有風流詞翰之稱豈獨唱而

不和者歟疑闕其文以爲恭子之恨乃作一章存於編中亦補亡之義也

靈質貫軒昊遐年越商周自然失達喬安得怨寡儔我亦小國胤易名慙見傷非於曠懷雅奉道遙遊攜手桂枝下屬詞山之幽風雨一以過林麓颯然秋落日倚石壁天寒登古丘荒泉已無夕敗葉翳不流亂翠缺月隱衰紅清露愁覽物性未逸反爲情所囚異才偶絕境佳藻窮冥搜虛傾寂寞音敢作雜珮酬

過歷山湛長史草堂

以下歷山

宋南平王鐔

地部

卷二十

十三

江南諸山

層阿疲且引絕巖暢方禁溜衆夏更寒林交晝常陰伊余久緇涅復得味恬淡願遂安期生於焉愜高枕

歷山草堂應教

宋湛茂之

閉戶守玄漠無復車馬跡衰廢歸丘樊歲寒見松柏身慚睢陽老名忝梁園客習隱非朝市追常在山澤離離挿天樹磊磊間雲石持此怡一生傷哉駒度隙

無錫縣歷山集

梁江淹

愁生白露日思起秋風年竊悲杜蘅暮擘涕弔空山落葉下楚水別鶴噪吳田嵐氣陰不極目色平虧天酒至情蕭瑟憑樽還惘然一聞清琴奏歔泣方留連

况乃客子念直置絲竹間

懷錫山藥名離合二首

唐皮日休

曉

暗竇養泉容決決明園護桂放亭亭歷山居處當天半夏裏松風盡足聽

曉景半和山氣白微香清淨雜纖雲實頭自是眠平石側腦空林看鹿羣

奉和懷錫山

唐陸龜蒙

晚

鶴伴前谿栽白杏人來陰洞寫枯松蘿深境靜日欲落石上未眠聞遠鐘

佳句成來誰不伏神丹偷去亦須防風前莫怪攜詩

地部

卷二十

十四

江南諸山

稿本是吳吟湯藥郎

包山靈寶謠

以下包山○靈寶要略曰昔太上仙封之於鍾山至夏禹巡狩度弱水登鍾山遂得是文後復封之包山祠庭之室吳王闔閭出遊包山見一人自稱姓山名隱居闔閭間扣之乃入洞庭取素書一卷呈闔閭其文不可識今人齋之問孔子曰

可識今人齋之問孔子曰

吳王出遊觀震湖龍威丈人山隱居北上包山入靈

墟乃入洞庭竊禹書天地大文不可舒此文長傳百

六初若強取出喪國廬

包山謠

見楊文吳越春秋○沈懷遠南越志曰秦望又有石簪峇

起立內有金簡玉字



禹得金簡玉字書藏洞庭包山湖

曉次神景宮

唐皮日休

夜半幽夢中扁舟似鳬躍曉來到何許俄倚包山脚  
三百六十丈攢空利如削遐瞻但徙倚欲上先矍鑠  
濃露濕莎裳淺泉漸失音草屨行行未一里即境轉寂  
寞靜徑侵沈寥仙扉傍巖壑松聲正清絕海日方照  
灼歛臨幽虛天萬想皆擺落壇靈有芝菌殿聖無鳥  
雀瓊幃自迴旋錦旌空粲錯鼎氣為龍虎香煙混丹  
腹凝看出次雲默聽語時鶴綠書不可注雲笈應無  
鑰晴來鳥思喜菴裏花光弱天籟如擊琴泉聲似撻  
地部

卷二十

十五

江上諸山

鐸清齋洞前院敢負玄科約空中悉羽章地上皆靈  
藥金醴可酣暢玉豉堪咀嚼存心服燕胎叩齒讀龍  
躋福地七十二茲焉堪永託在獸乏虎羆於蟲不毒  
蟲嘗聞擇骨錄仙誌非可作綠腸既朱髓青肝復紫  
絡伊余乏此相天與形貌惡每嗟原憲瘴常苦齊侯  
瘡終然合委頓剛亦慕寥廓三茅亦嘗任竟與珪組  
薄欲問包山神來賒少巖壑

改九子為九華山聯句

并序○以唐李白盛

青陽縣南有九子山山高數千丈上有九峰如蓮  
花按圖徵名無所依據太史公南遊略而不書事

絕古老之口復闕名賢之紀雖靈異往復而賦詠  
罕聞予乃削其舊號加以九華之目時訪道江漢  
憇於夏侯廻之堂開簷岼幘坐眺松雪因與二三  
子聯句傳之將來

妙有分二氣靈山開九華李白層標遏遲日半壁明朝  
霞高積雪耀陰壑飛流噴陽崖韋權青熒玉樹色縹

縹羽人家李白

九華山并序

唐劉禹錫中

九華山在池州青陽縣西南九峰競秀神采奇異  
昔予仰太華以為此外無奇愛女几荆山以為此  
地部

卷二十

十六

江南諸山

外無秀及今年九華始悼前言之容易也惜其地  
偏且遠不為世所稱故詩以大之

奇峰一見驚巍巍意想洪爐始開闢疑是九龍天矯  
欲攀天忽逢霹靂一聲化為石不然何至今悠悠億  
萬年氣勢不死如騰企音驚輕舉貌雲含幽兮月添冷日

月凝暉兮江漾影結根不得要路津迴秀長在無人  
境軒皇封禪登三亭大禹會計臨東溟乘標不來廣  
樂絕獨與猿鳥愁青熒君不見敬亭之山廣索漠兀  
如斷岸無稜角宣城謝朓一首詩遂使聲名齊五嶽  
九華山九華山自是造化一尤物焉能籍甚乎人間

題九華山

唐譚錫晚

憶矚九華山尚在童稚年浮沈任名路窺仰會無緣  
罷職池陽時復遭迎送恣因茲弊誠願矚望枕席前  
况值春正濃氣色無不全或如碧玉靜或似青靄鮮  
或接白雲堆或映紅霞天呈姿既不一變態何啻千  
巍我本無動崇峻性豈偏外景自隱隱潛虛固幽玄

和王季友題九華山

唐僧神穎

衆嶽雄分野九華鎮南朝彩翠凝空遠崔嵬寄青霄  
龍潭古仙府靈藥今不凋瑩爲滄海鏡煙霞作荒標  
造化心數竒性狀精氣饒玉樹鬱玲瓏天籟韻蕭韶  
地部

卷二十

十七

江南諸山

寂寂尋乳竇兢兢行石橋通泉漱雲母藉草縈香茗  
我住幽且深君賞昏復朝稀逢發清唱片片凌霜颺

望九華山

唐柴夔晚

九華如劒插雲霓青靄連空望欲迷北截吳門疑地  
盡南連楚界覺天低龍池水蘸中秋月石路人攀上  
漢梯

郡樓望九華歌

唐霍總晚

樓上坐見九子峰翠雲赤日光溶溶有時朝昏變疎  
密八峰和煙一峰出有時風卷天雨晴聚立連連如  
弟兄陽鳥生子偶成數丹鳳養雛同此名日日遙看

機已靜未離塵躅思真境子明龍駕騰九垓陵陽和  
對空崔嵬玉漿瑤草不可見自有神仙風馬來

早發靈芝望九華

唐曹沐晚

戴月早歸三秀館平明初辨九華峰峩峩玉劒寒芒  
利裊裊青蓮翠色重怪狀却疑人盡出風光似爲客  
添濃

銅官山醉後

唐李白盛

我愛銅官樂千年未擬還要須剋舞袖拂盡五松山

遊敬亭山

以下敬亭山

齊謝朓

茲山亘百里合沓與雲齊隱淪既已託靈異居然棲

地部

卷二十

十八

江南諸山

上干蔽白日下屬帶迴谿交藤荒且蔓柞枝從復低  
獨鶴方朝唳饑颺此夜啼滯雲已漫漫夕雨亦淒淒  
我行雖紆組兼得尋幽蹊緣源殊未極歸徑宵如迷  
要欲追竒趣卽此凌丹梯皇恩竟已矣茲理庶無睽

獨坐敬亭山

唐李白盛

衆鳥高飛盡孤雲獨去閑相看兩不厭只有敬亭山

登敬亭山南望懷古贈賈主簿

唐李白盛

敬亭一迴首目盡天南端仙者五六人常聞此遊盤  
谿流琴高水石聳麻姑壇白龍降陵陽黃鶴呼子安  
羽化騎日月雲行翼鸞下視宇宙間四溟皆波瀾

決絕目下事從之復何難百歲落半途前期浩漫漫  
強食不成味清晨起長歎願隨子明去鍊火燒金丹

登三山

梁范雲

不逕崩且危叢巖簷復垂石藤多卷節水樹繞蟠枝  
海中昔自重江上今如斯

與南陵常贊府遊五松山

唐李白

安石汎溟渤獨嘯長風還逸韻動海上高情出人間  
靈異可並跡澹然與世閒我來五松下置酒窮躋攀  
微古絕遺老因名五松山五松何清幽勝境美沃洲  
蕭颯鳴洞壑終年風雨秋響入百泉去聽如三峽流

地部

卷二十

十九 江南諸山

翦竹掃天花且從傲吏遊龍堂若可慰吾欲歸精修

送溫處士歸黃山白鵝峰舊居

唐李白

黃山四千仞三十二蓮峰丹崖夾石柱苗裔金芙蓉  
伊昔昇絕頂下窺天目松仙人鍊玉處羽化留餘蹤  
亦聞溫伯雪獨往今相逢採秀辭五嶽攀巖歷萬重  
歸休白鵝嶺渴飲丹砂井鳳吹我時來雲車爾當整  
去去陵陽東行行芳桂叢迴谿十六渡碧嶂盡晴空  
他日還相訪乘橋躡綵虹

望天門山

唐李白

天門中斷楚江開碧水東流至北回兩岬青山相對

出孤帆一片日邊來

登翹頭山題儼公石壁

唐包融

晨登翹頭山山曉黃霧起却瞻迷向背直下失城市  
瞰日銜東郊朝光生邑里掃除諸煙氛照出衆樓雉  
青爲洞庭山白是太湖水蒼茫遠郊樹倏忽不相似  
萬象以區別森然共盈几坐令開心胸漸覺落塵滓  
北巖千餘仞結廬誰家子願陪中峰遊朝暮白雲裏

秀林山

梁簡文帝

神山本名秀林山或稱辰山在華亭西北二十餘  
里列九峰第四僻左一方雖非巨麗未經標品而

地部

卷二十

二十 江南諸山

自古神仙往往託跡實震旦之靈阜也余以機暇  
結駕游衍覽茲佳勝瞻焉有懷

閣號天井山稱地維碧雞金馬越瀆梁池懷靈蘊德  
孕寶含奇此亦仙岫英名遠播昔有鶯登不燒淨土  
邁彼高蹤構茲法宇引葉成帷卽樹爲柱石砌危橫  
崖階斜豎白巘途遠丹源路深長林萬頃偉木千尋  
竹裏看博松間聽琴捐氛蕩累散賞娛襟

歲次庚午春三月十五日題

江北諸山

八公山 定山 天蕭山 松寥山

和王著作融八公山

齊謝朓

二別阻漢坻雙嶺望河澳茲嶺復巘分區黃淮服  
東限瑯琊臺西距孟諸陸阡眠起雜樹檀欒陰脩竹  
日隱澗疑空雲聚岫如複出沒眺樓雉遠近送春目  
戎州昔亂華素景淪伊穀卽危賴宗衮微管寄明牧  
長蛇固能翦奔鯨自此曝道峻芳塵流業逢年運倏  
平生仰令圖吁嗟命不淑浩蕩別親知連集作翮作戒  
征軸再遠館娃宮兩去河陽谷風煙四時犯霜雨朝  
夜沐春秀良已凋秋場庶能築

登壽陽八公山

梁吳均

遠澗自傾曲石漱復參差含珠岸恒翠懷玉浪多圓  
地部

卷二十

王

江北諸山

踈峯時吐月密樹不開天瑤繩盡玄秘金檢上奇篇  
是有琴高者陵波去水仙

早發定山

梁沈約

夙齡愛達壑晚蒞見奇山標峰綵虹外置嶺白雲間  
傾壁忽斜豎絕頂復孤圓歸海流漫漫出浦水濺濺  
野棠開未落山櫻發欲然忘歸屬蘭杜懷祿寄芳荃  
眷言採三秀徘徊望九仙

訓皇甫侍御望天濤山見示之作

唐獨孤及

早歲暮五嶽嘗爲塵機礙孰知天柱峰今與郡齋對

隱嶙抱元氣氤氲含青靄雪崖媚遠空石壁寒古塞  
漢皇南遊日望秩此昭配法駕到谷口禮容振荒外  
焚柴百神趨執玉萬方會天旋物順動德布澤霽霽  
講武威已耀學仙功未艾黃金竟何成洪業遽淪昧  
度世若一瞬昨朝已千載如今封禪壇唯見雲雨晦  
長望哀往古勞生慙大塊清暉幸相娛幽獨知所賴  
寒城春方正初月明可愛萬殊喜陽和余亦荷時泰  
山色日夜綠下有清溪瀨媿作拳僂人沈迷簿書內  
登臨歎拘限出處悲老大况聽郢中曲復識湘南態  
思免物累牽敢令道機退瞞然謂佳句持比秋蘭佩

地部

卷二十

王

江北諸山

江上望皖公山

唐李白

奇峰出奇雲秀木含秀氣青宜皖公山巉絕稱人意  
獨遊滄江上終日淡無味但愛茲嶺高何由討靈異  
默然遙相許欲往心莫遂待吾還丹成投跡歸此地  
焦山望松寥山

唐李白

石壁望松寥宛然在碧霄安得五綵虹架天作長橋  
仙人如愛我舉手來相招

越中諸山

秦望山 天台山 桐柏山  
天目山 綠嶺山 盤嶼山  
石門山 寒石山

龍泉山

龜山

登會稽刻石山

以下秦望山

晉王彪之

隆山差我崇巒若堯傍觀滄洲仰拂玄霄文命達會  
風淳道遼秦皇遐巡適茲英豪宅靈基阿銘跡峻嶠  
青陽曜景時和氣淳脩嶺增鮮長松挺新飛鴻振羽  
騰龍躍鱗

登秦望山

唐薛據盛

南登秦望山極目大海空朝陽半蕩漾見明天水紅  
谿壑爭噴薄江湖遞交通而多漁商客不悟歲月窮  
振緒迎早潮弭棹候長風余本萍泛者乘流任西東  
茫茫天際棲泊何時同將尋會稽跡從此訪任公  
尋天台山以下天台山

唐孟浩然盛

地部

卷二十

三

越中諸山

吾愛太一子凌晨卧赤城欲尋華頂去不憚惡谿名  
歇馬憑雲宿揚帆截海行高高翠微裏遙見石梁橫

天台曉望

唐李白盛

天台鄰四明華頂高百越門標赤城霞樓棲滄島月  
憑高登遠覽直下見溟渤雲垂大鵬翻波動巨鰲沒  
風潮爭淘湧神怪何翕忽觀奇跡無倪好道心不歇  
攀條摘朱實服藥鍊金骨安得生羽毛千春卧蓬闕  
送周判官往台州

唐孫逖初

吾宗長作賦登陸訪天台星使行看入雲仙意轉催  
飲水攀蘿瑩驅傳歷筭昔日暮東郊別直情去不迴

送蘇倩遊天台

唐張子容盛

靈異尋滄海笙歌訪翠微江一作鷗迎近共一作狎雲  
鶴待將飛琪樹攀一作嘗仙果瓊樓試羽衣遙知神女  
問獨怪阮郎歸

送楊山人歸天台

唐李白盛

客有思天台東行路超忽濤落澗江秋沙明浦陽月  
今遊方厭楚昨夢先歸越且盡秉燭歡無辭凌晨發  
我家小阮賢剖竹赤城邊詩人多見重官燭未曾然  
興引登山夜情催泛海船石橋如可度攜手弄雲煙  
送人之天台

唐李洞晚

地部

卷二十

三

越中諸山

行李一枝藤雲邊扣曉水丹經如不謬白髮亦何能  
淺井仙人鏡明珠海客燈乃知真隱者笑就漢廷徵

送孫百篇遊天台

唐方干晚

東南雲路落斜行入樹穿村見赤城遠近時常皆藥  
氣高低無處不泉聲映巖日向牀頭沒濕竹雲從柱  
底生更有仙花與靈鳥恐君多半未知名

送郭秀才遊天台

唐許渾晚

雲埋陰壑雪凝峰半壁天台已萬重人度碧谿疑輟  
棹僧歸蒼嶺似聞鐘暖眠鴻鵠晴灘草高掛獼猴暮  
澗松曾約共遊今獨去赤城西面水溶溶

送邢台州濟

唐僧皎然

海上仙山屬使君石橋琪樹古來聞他時盡出白團扇乞取天台一片雲

登天目山下作

以下天目山

唐張萬頃

去歲離秦望今冬使楚關淚添天目水髮變海頭山別母烏南逝辭兒鴈北還宦遊偏不樂長爲憶慈顏

雨後尋天目山問元駱二公谿路

唐僧靈一

昨夜雲生天目東春山一雨幾迴風林花併逐谿流下欲上龍門一作路不通

登永嘉綠嶂山

宋謝靈運

地部

卷二十

三五

越中諸山

裏糧杖輕策懷遲上幽室行源徑轉遠距陸情未畢澹漱結寒姿團欒潤霜質澗委水屢迷林迴巖逾密眷西謂初月顧東疑落日踐一作夕奄昏曙蔽翳皆周悉壘上貴不事履二美貞吉幽人常坦步高尚邈難匹願阿竟何端寂寂寄抱一恬如既已交繕性自此出

行田登海口盤嶼山

宋謝靈運

羈苦執云慰觀海藉朝風莫辨洪波極誰知大壑東依稀採菱歌彷彿含嘯容遨遊碧沙渚遊行丹山峯

遊嶺門山詩

宋謝靈運

西京誰修政龔汲稱良吏君子豈定所清塵慮不嗣早蒞建德鄉民懷虞芮意海岸常寥寥空館盈清思協以上冬月晨遊肆所喜千圻邈不同萬嶺狀皆異威摧三山峭節汨兩江駛漁舟一作商豈安流樵拾謝西芘人生誰云樂貴不屈所志

盧山亦有石門未知孰是

石門新營所住四面高山迴谿石瀨茂林脩竹

宋謝靈運

地部

卷二十

三五

越中諸山

結念屬霄漢孤景莫與援俯濯石上潭仰看條上猿早聞夕飈急晚見朝日嗽崖傾光難留林深響易奔感往慮有復理來情無存庶持乘日車一作用得以慰營魂匪爲衆人說冀與智者論

登石門最高頂

永嘉志載此詩

宋謝靈運

晨策尋絕壁夕息在山棲疏峰抗高館對嶺臨迴谿長林羅戶穴一作庭積石擁階基連巖覺路塞密竹使徑迷來人忘新術去子惑故蹊活活夕流駛嗽嗽夜猿啼沈冥豈別理守道自不攜心契九秋幹目翫三春萸居常以待終處順故安排惜無同懷客共登青



雲梯

寒石山

唐寒山子

登陟寒山道寒山路不窮谿長石磊磊澗闊草濛濛  
苔滑非關雨松鳴不假風誰能超世界共坐白雲中

龍泉山

唐方干

未明先見海底日良久遠雞方報晨古樹含風常帶  
雨寒巖四月始知春中天氣爽星河近下界時豐雷  
雨均前後登臨思無盡年年改換往來人

龜山

唐方干

邃巖喬木夏藏寒牀下雲谿枕上看臺殿漸多山更  
地部

重却令飛去即應難

○豫章諸山

廬山 香爐峰 石門  
月巖山 望夫山

廬山謠

唐李白

廬山秀出南斗傍屏風九疊雲錦張影落明湖青黛  
光金闕前開二峰長銀河倒挂三石梁香爐瀑布遙  
相望迴崖沓嶂凌蒼蒼翠影紅霞映朝日鳥飛不到  
吳天長登高壯觀天地間大江茫茫去不還黃雲萬  
里動風色白波九道流雪山

廬山

唐李咸用

秀作神仙宅靈爲風雨根餘陰鋪楚甸一柱表吳門

靜得八公侶雄臨九子尊對猶青嶂眼到必冷疑魂

勢受重湖讓形難七澤吞黑巖藏書電紫霧泛朝暾

蓮隨寧唯華玉焚堪小崑崙微發鏘飛瀑遠成痕

覺見雲容襯稜收雪氣昏裁詩曾困謝作賦偶無人

月好虎谿路煙深栗里源醉吟長易醒夢去亦銷煩

登廬山二首

宋鮑照

縣裝亂水區薄旅次山楹千巖盛阻積萬壑勢迴紫

龍從高昔貌紛亂一作襲前名洞澗窺地脉聳一作

樹隱天經松磴上迷密雲竇下縱橫陰水實夏結炎

樹信冬榮嘈囀晨鷗思叫嘯夜猿清深崖伏化迹等

地部

卷二十

子八

豫章諸山

岫閭長靈乘此樂山性重以遠遊情方躋羽人途永  
與煙霞并

訪世失隱淪從山異靈士明發振雲冠升嶠遠棲趾

高岑隔半天長崖斷千里氛一作飛霧承星辰潭壑洞

江汜斬絕類虎牙巉岈象熊耳埋水或百年韜樹必

千祀雞鳴清澗中後嘯白雲裏瑤波逐穴開霞石觸

峰起迴互非一形參差悉相似傾聽鳳管賓綱望釣

龍子松桂盈膝前如何穢城市

遊廬山一作題廬山

晉釋慧遠

崇巖吐清氣幽岫棲神跡希聲奏羣籟響出山澗滴

有客獨冥遊徑然忘所適揮手撫雲門靈關安足關  
留心叩玄扃感至理弗隔孰是騰九霄不奮冲天翻  
妙同趣自均一悟超三益

遊廬山觀道士石室

宋吳邁遠

蒙茸衆山裏往來行迹稀尋嶺達僊居道士披雲歸  
似著周時冠狀披漢時衣安知世代積服古人不衰  
得我宿昔情知我道無爲

登廬山絕頂望諸嶠

宋謝靈運

積峻忽復啟平塗俄已閉巒隴有合沓往來無蹤轍  
晝夜蔽日月冬夏共霜雪

地部

卷二十

壬九

豫章諸山

遊匡山簡寂館

陳張正見

三梁礪本絕千仞路猶通卽此神山內銀榜映仙宮  
鏡似臨峰月流如飲澗虹幽桂無斜影深松有勁風  
惟當達人望知在白雲中

宿廬山絕頂山舍

唐崔塗

晚

一磴出林端千峰次第看長閑如未遂暫到亦應難  
谷樹雲埋老僧牕瀑影寒自嫌心不達向此夢長安

出爲豫章郡途次廬山東巖下

唐張九齡

初  
茲山鎮何所乃在澄湖陰下有蛟螭伏上與虹蜺尋  
靈仙未始曠窟宅何其深雙闕出雲峙三宮入煙沈

攀崖猶昔境種杏非舊林想像中古跡惆悵獨往心  
有趣逢樵客忘懷狎野禽棲閑義未果用拙歡在今  
願言答休命歸事丘中琴

經廬岳迴望江山想洛川有作

唐劉允濟

初

龜山帝始營龍門禹初鑿出入經變化俯仰憑寥廓  
未若茲山功連延並巫霍東北流良象西南距坤絡  
宏阜自鬱盤高標復迴薄勢入柴桑渚陰開彭蠡壑  
九江杳無際七澤紛相錯雲雨散吳會風波騰鄢郢  
跡隨造化久利與乾坤博盼嚮精氣通紛綸潛怪錯  
石渠忽見踐金房安可託地入天子都巖有仙人藥  
地部

卷二十

三十

豫章諸山

湖中望廬山

唐孟浩然

盛

太虛生月輝舟子知天風挂席候明發渺漫平湖中  
中流見匡阜勢壓九江雄黠黠容霽色崢嶸當曉空  
香爐初上日瀑水噴長虹久欲追尚子况茲懷遠公  
我來恨于役未暇息微躬淮海途將半星霜歲欲窮  
寄言巖棲者畢趣當來同

早發若峴驛望廬山

唐獨孤及

雨罷山翠鮮泠泠東風好斷崖雲山處是向峰頂道  
誰謂峰頂遠歧子可瞻討忘緣祛天機脫屣恨不早  
祗恐歲云暮遂與空名老心往跡未并慚愧山上草

望廬山五老峰

唐李白

廬山東南五老峰青天削出金芙蓉九江秀色可攬  
結吾將此地巢雲松

送東林廉上人歸廬山

唐王昌齡

石谿流已亂苦徑人漸微日暮東林下山僧還獨歸  
昔爲廬峰意況與遠公違道性深寂寞世情多是非

會尋名山去豈復望清輝

唐李白

送內尋廬山女道士李騰空

唐李白

君尋騰空子應到碧山家水春雲母碓風掃石楠花  
若戀幽居好相邀弄紫霞  
多君相門女學道愛神仙素手掬青靄羅衣曳紫煙  
一往屏風疊乘鸞著玉鞭

送小李之廬山

唐李賀

洛郊無俎豆敝廐慙老馬小鴈過爐峯影落楚水下  
長船倚雲泊石鏡秋涼夜豈解有鄉情弄月聊鳴咽

廬山歌送至弘法師兼呈薛江州

釋子去兮訪名山禪舟容與今住仍前猿啾啾兮怨  
月江渺渺兮多煙東林西林今入何處上方下方今  
通石路連湘接楚饒桂花事久年深無杏樹使君愛  
人兼愛山時引雙旌萬木間政成人野皆不擾遂令  
法侶性安閒

蜀中送人遊廬山

唐僧隱

君遊正值芳春月蜀道千山皆秀發谿邊十里五里  
花雲上三峰五峰雪君上匡山我舊居松蘿拋擲十  
年餘君行試到山前問山鳥只今相憶無

廬山神仙詩

卷二十

三十一

序曰尋陽有廬山者盤基彭蠡之西其崇標峻極

晉湛方生

辰光隔輝幽澗澄深積清百仞若乃絕阻重險非  
人跡之所遊窈窕冲深常含霞而貯氣真可謂神  
明之區域列真之苑囿矣太元十一年有樵採其  
陽者于時鮮霞寒林傾暉映岫見一沙門披法服  
獨在巖中俄頃振裳揮錫凌崖直上排丹霄而輕  
舉起九折而一指旣白雲之可乘何帝鄉之足遠  
哉窮日蒼蒼翳然滅跡詩曰

吸風玄圃飲露丹霄室宅五岳賓友松喬

經廬山贈山神徐君詩博物志曹著傳其神自

猛經過山神迎猛猛語曰君王此山近六百年符命已盡不宜久居非據又贈詩云

晉吳猛

仰瞻列仙館俯察主神宅曠載暢幽懷傾益付三益

廬山夫人女婉撫琴歌祖台志惟曰建康小吏

命女婉與著相見婉見著欣悅命卿瓊林取琴出婉撫琴歌云云歌畢婉便還去

登廬山今爵差我晞陽風今拂紫霞招若人今濯靈

波欣良運今暢雲柯彈鳴琴今樂莫過雲龍會今樂

太和

從登香爐峰以下香爐峯 宋鮑照

地部 卷三十 三王 豫章諸山

辭宗盛荆夢登歌美鳥繹徒收杞梓饒曾非羽人宅

羅景鵠雲高沾光扈龍策御風親列涂乘山窮禹迹

含嘯對露岑延蘿倚峯壁青冥搖煙樹穹跨負天石

霜崖滅土膏金澗測泉脉旋淵抱星漢乳竇通海碧

谷館駕鴻人巖棲咀丹客殊物藏珍怪奇心隱仙籍

高世伏音華綿古遁精魄蕭瑟生哀聽參差遠驚觀

慙無獻賦才洗汗奉毫帛

從冠軍行建平王登廬山香爐峰 梁江淹

廣成愛神鼎淮南好丹經此山具鸞鶴往來盡仙靈

崑草正翕絕玉樹信葱絳氣下縈薄白雲上香冥

中坐瞰蛇虹倏伏視流星不尋遐怪極則知耳目驚

日落長沙渚曾陰萬里生藉蘭素多意臨風默含情

方學松柏隱羞逐市井名幸承光誦末伏思託後於

晚泊潯陽望香爐峰 唐孟浩然

挂席幾千里名山都未逢泊舟潯陽郭始見香爐峰

嘗讀遠公傳永懷塵外蹤東林精舍近日暮坐聞鐘

分題雪花望香爐峰 唐李咸用

雪霽上庭除爐峰勢轉孤略無煙作帶獨有影沈湖

冷觸歸鴻急明疑落照俱 遊石門詩并序○以下石門 晉廬山諸道人

地部 卷三十 三王 豫章諸山

石門在精舍南十餘里一名障山基連大嶺體絕

衆阜關三泉之會並立而開流傾巖玄映其上蒙

形表於自然故因以爲名此雖廬山之一隅實斯

地之奇觀皆傳之於舊俗而未覩者衆將由懸瀨

險峻人獸迹絕逕迴曲阜路阻行難故罕經焉釋

法師以隆安四年仲春之月因詠山水遂杖錫而

遊于時交徒同趣三十餘人咸拂衣晨征悵然增

興雖林壑幽邃而開途競進雖乘危履石並以所

悅爲安既至則援木尋葛歷險窮崖猿臂相引僅

乃造極於是擁勝倚巖詳觀其下始知七嶺之美

蘊奇於此雙闕對峙其前重巖映帶其後巒阜周迴以爲障崇巖四營而開宇其中則有石臺石池宮館之象觸類之形致可樂也清泉分流而合注淥淵鏡淨於天池文石發彩煥若披面檉松芳草蔚然光目其爲神麗亦已備矣斯日也衆情奔悅矚覽無厭遊觀未久而天氣屢變霄霧塵集則萬象隱形流光迴照則衆山倒影開闔之際狀有靈焉而不可測也乃其將登則翔禽拂翮鳴猿厲響歸雲迴駕想羽人之來儀哀聲相和若玄音之有寄雖髮鬢猶聞而神以之暢雖樂而期歡而欣以地部

卷二十

三五

豫章諸山

永日當其冲豫自得信有味焉而未易言也退而尋之夫崖谷之間會物無主應不以情而開興引人致深若此豈不以虛明朗其照間遂篤其情耶並三復斯談猶昧然未盡俄而太陽告夕所存已往乃悟幽人之玄覽達恒物之大情其爲神趣豈山水而已哉於是徘徊崇嶺流目四矚九江如帶丘阜成垤因此而推形有巨細智亦宜然迺喟然歎宇宙雖遐古今一契靈鷲邈矣荒途日隔不有哲人風跡誰存應深悟達慨焉長懷各欣一遇之同歡感良辰之難再情發於中遂共詠之云爾

超興非有本理感興自生忽聞石門遊奇唱發幽情褰裳思雲駕望崖想曾城馳步乘長巖不覺質有輕矯首登靈闕眇若凌太清端坐運虛論轉彼玄中經神仙同物化未若兩俱冥

度石門山

唐杜審言 初

石門千仞斷迸水落遙空道東縣崖半橋歆絕澗中仰攀入屢息直下騎才通泥擁奔蛇徑雲埋伏獸叢星躔牛斗北地脉象牙東開塞隨行變高深觸望同江聲連驟雨日氣抱殘虹未改朱明律先含白露風堅貞深不憚險澀諒難窮有異登臨賞徒爲造化功地部

卷二十

三六

豫章諸山

經月巖山 并序

唐韓翃 中

信州西三十里山名僊人城下有月巖山其狀秀拔中有山門如滿月之狀余因役過其下聊賦是詩

驅車過閬越路出饒陽西僊山翠如畫簇簇生虹蜺羣峰若侍從衆阜如嬰提巖巒互吞吐嶺岫相追攜中有月輪滿皎潔如圓珪嫦娥曳霞帔引我同攀躋騰騰上天半玉鏡縣飛梯瑤池何悄悄鸞鶴煙中栖回頭望塵世露下寒凄凄

望天山

唐嚴郾

何代提戈去不還獨留形影白雲間肌膚銷盡雪霜色羅綺點成苔蘚斑江燕不能傳達信野花空解妬愁顏近來豈少征人婦笑採蘿蕪上北山

○閩粵諸山

浮山 黃蘗山 泉山 石山 武夷山 壺公山

遊羅浮山詩

以下羅浮山

宋王叔之

菴藹靈岳開景神封綿界盤趾中天舉峰孤樓側挺層岫迴重風雲秀體卉木媚容

寄題羅浮軒轅先生所居

唐皮日休

晚

亂峰四百三十二

羅浮山 峰數

欲問徵君何處尋紅翠

名數聲瑤室響

山有瑤房 至七十有二

真檀一炷石樓深山都

地部

卷三十

三七

閩粵諸山

遺負沽來酒樵客容看化後金從此謁師知不遠求官先有葛洪心

奉和題軒轅先生所居

唐陸龜蒙

晚

鼎成仙馭入崆峒百世猶傳至道風暫應青詞爲穴鳳却思赤微伴冥鴻金公的的生爐際瓊女時時到夢中預恐浮山歸有日載將雲室十洲東

遊黃蘗山

梁江淹

長望竟何極閩雲連越邊南州饒奇怪赤縣多靈仙金峯各巖日銅日共臨天陽岫照鸞采陰谿噴龍泉殘杭千代木唐翠萬古煙禽鳴丹壁上猿嘯青崖間

秦皇慕隱淪漢武願長年皆負雄豪威棄劍爲名山況我葵藿志松木橫眼前所若同遠好臨風載悠然

南隱遊泉山

唐孔德紹

初

名山狎朝隱俗外遠相求還如倒景望忽似閨風遊臨崖俯大壑披霧仰飛流歲古松方偃年深椿欲秋野花開石徑雲葉掩山樓何須問方士此處卽瀛洲

南海亂石山作

唐杜審言

初

漲海積稽天羣山高嶭地相傳稱亂石圖典失其事縣危悉可驚大小都不類乍將雲島極還與星河次上聳忽如飛下臨仍欲墜朝瞰絕丹紫交魄烟青翠

地部

卷三十

三八

閩粵諸山

穹崇霧雨蓄幽隱靈仙閼萬尋挂鶴巢千丈垂猿臂昔去景風涉今來姑洗至觀此得詠歌長時想精異

武夷山

唐李商隱

晚

只得流霞酒一杯空中簫鼓當時迴武夷洞裏生毛竹老盡曾孫更不來

壺公山

相傳古仙姓陳名壺公此山成道因名焉

唐黃滔

晚

山寒徹三伏松偃出千年青草方中藥蒼苔石裏錢瓊津流乳竇春色駐芝田蠲疾零甘露藏珍起瑞煙鶴歸玄圃少鳳下碧梧偏谷語升喬鳥陂開並蒂蓮落楓丹葉舞新蕨紫芽拳翠竹雕羌笛縣藤煮蜀牋



清吟思却隱簪紱奈繁牽

壺公山

唐翁承贊

井邑斜連北蓬瀛直抵東秋高巖溜白日出海波紅

塞上諸山

回樂峰

嶺南附焉支山祁連山統漢峰下博南山

焉支山

祁連山

道志曰焉支祁連二山皆美水草匈奴失之乃作此歌

失我焉支山令我婦女無顏色失我祁連山使我六畜不蕃息

紇其山

郡國志云望之數百里內夏恒積雪故

紇其山頭凍死雀何不飛去生處樂

地部

卷三十

三九

塞上諸山

紇其山頭有神井入地千尺絕骨冷

度峽口山贈喬補闕知之王二無競

唐陳子昂

初

峽口大漠南橫絕界中國聚石何紛紜赤山復燭絕  
遠望多眾容逼之無異色崔嵬半孤斷逶迤屢迴直  
信關胡馬衝亦距漢邊塞豈伊河山險將順休明德  
物壯誠有衰勢雄良易極遷迤忽而盡決滌平不息  
之子黃金軀如何此荒域雲臺盛多士待君丹墀側

經火山

唐岑參

盛

火山今始見突兀蒲昌東赤焰燒虜雲炎氛蒸塞空

不知陰陽炭何獨燃此中我來嚴冬時山下多炎風  
人馬盡汗流孰知造化功

統漢峰下

唐李益

中

統漢峰西降戶營黃河戰國擁長城只今已勒燕然  
石此地無人空月明

暮過回樂峰

唐李益

中

烽火高飛百尺臺黃昏遙自磧西來昔時征戰回應  
樂今日從軍樂未回

通博南歌

後漢書西南夷傳曰永平十二年哀牢王柳貌遣子率種人內屬顯宗以其地置哀牢博南二縣割益州郡西部都尉所領六縣合為永昌郡始通博南山度蘭倉

地部

卷三十

四十

塞上諸山

水行者苦之作歌一作行者歌

漢德廣開不賓度博南越蘭津度蘭倉漢書注為它

人

詩高類函卷二十

詩集類函卷二十一

東吳俞安期彙纂

宣城梅鼎祚增定

橋李項鼎鉉訂校

地部六

嶺 坂 洞 嚴 附 堆 石 谷

峽 嶺 附

附

○嶺

早度分水嶺

唐盧照鄰 初

丁年遊蜀道斑鬢向長安徒費周王粟空彈漢吏冠

馬蹄穿欲盡貂裘敝一作轉寒層水橫九折積石凌

七盤重谿既下漱峻峰亦上千隴頭聞戍鼓嶺外咽

飛湍瑟瑟松風急蒼蒼山月圓傳語後來者斯路誠

地部

卷二十一

嶺

獨難

分水嶺

唐元稹 中

崔嵬分水嶺高下與雲平上有分流水東西隨勢傾

朝同一源出暮隔千里情風雨各自異波瀾相背驚

勢高競奔注勢曲已迴縈偶值當途石感縮又縱橫

有時遭孔穴變作嗚咽聲褊淺無所用奔波奚所營

和分水嶺

唐白居易 中

高嶺峻棱稜細泉流疊疊悠悠草蔓底濺濺石罅裏

分流來幾年晝夜兩如此縈紆用無所奔迫流不已

唯作嗚咽聲夜入行人耳有源殊不竭無坎終難止

過分水嶺

唐孟郊 中

山壯馬力短路行石齒中十步九舉轡迴環失西東

谿水變為雨懸崖陰濛濛客衣飄飄秋葛花零落風

白日捨我沒一作征途忽然窮

早發大庾嶺

唐宋之問 初

晨躋大庾險驛鞍馳復息霧露晝未開浩途不可測

嶠起華夷界信為造化力歇鞍問徒旅鄉關在西北

出門怨別家登嶺恨辭國踟躕戀北顧亭午晞霽色

春暖陰梅花瘴回陽鳥翼含沙緣澗聚吻草依林植

滴靈悲疾首懷輦淚沾臆誠謝鸛鷺朝勤修魑魅職

地部

卷二十一

嶺

生還儻非遠誓擬酬恩德

度大庾嶺

唐宋之問 初

度嶺方辭國停輶一望家魂隨西翥鳥淚盡北枝花

山雨初含霽江雲欲變霞但令歸有日不敢恨長沙

夜宿七盤嶺

唐沈佺期 初

獨遊千里外高卧七盤西山月臨牕近天河入戶低

芳春平仲綠清夜子規啼浮客空留聽懷城聞曙雞

早上五盤嶺

唐岑參 盛

平旦驅駟馬曠然出五盤江迴兩崖闌日隱羣峰攢

峯翠煙景曙森沈雲樹寒松疎露孤驛花密藏迴灘

棧道谿雨滑禽田原草乾此行爲知已不覺蜀道難

五盤

唐杜甫

五盤雖云險山色佳有餘仰凌棧道細俯映江木踈  
地僻無網罟水清反多魚好鳥不妄飛野人半巢居  
喜見淳朴俗坦然心神舒東郊尚格鬪巨滑何時除  
故鄉有弟妹流落隨丘墟成都萬事好豈若歸吾廬

積草嶺

唐杜甫

連峰積長陰白日遞隱見颼颼林響交慘慘石狀變  
山分積草嶺路異明水縣旅泊吾道窮衰年歲時倦  
卜居尚百里休駕投諸彥邑有佳主人情如已會面

地部

卷三十一

三

嶺

來書語絕妙遠客驚深眷食族不願餘茅茨眼中見

木皮嶺

唐杜甫

首路栗亭西尚想鳳凰村李冬攜童稚辛苦赴蜀門  
南登木皮嶺艱險不易論汗流被我體祁寒爲之暄  
遠岫爭輔佐千巖自崩奔始知五嶽外別有他山尊  
仰千塞大明俯入裂厚坤再聞虎豹關屢踞風水昏  
高有廢閣道摧折如短轅下有冬青林石上走長根  
西崖特秀發煥若靈芝繁潤聚金碧氣清無沙土痕  
憶觀崑崙圖目擊玄圃存對此欲何適默傷垂老魂

登秦嶺作

詩譜賦

唐儲光義

賦

朝出猛獸林躩踞登高峰僮僕履雲霧隨我行太空  
羲和舒靈暉倏忽四極通迴首望涇渭隱隱如長虹  
九逵合蒼蕪五陵遙腫膝鹿遊大明殿露濕華清宮  
網羅螻蟻時顧齒熊羆鋒失途走江漢不能有其功  
氣逐招搖星魂隨閭闔風唯言宇宙清復使車書同  
林木被繁霜合沓連山紅雕鶚勵羽翼俯視荆棘叢  
誓將食鵲鴉然後歸崆峒

雲秋嶺

唐劉長卿

山色無定姿如煙復如黛孤峰夕陽後翠積秋天外  
雲起遙蔽虧江回頻向背不知今遠近到處猶相對

地部

卷三十一

四

嶺

度桂嶺歌

唐劉禹錫

桂陽嶺下下復高高人移鳥獸駭地達草木豪寄言  
千金子知余歌者勞

崢嶸嶺

唐孟郊

疏鑿順高下結構紅煙霞坐嘯郡齋肅玩奇石路斜  
古樹浮綠氣高門結朱華始見崢嶸狀仰止逾可嘉

南嶺路

唐朱慶餘

越嶺向南風景異人人傳說到京城經冬來往不踏  
雪盡在刺桐花下行

大散嶺

唐羅鄴

晚

過往長逢日色稀雪花如掌撲行衣嶺頭却望人來處特地身疑是鳥飛

登嶺望

唐許鼎晚

森森三江水悠悠五嶺關鴈飛猶不度人去若爲還

逢同杜員外審言過嶺

唐沈佺期初

天長地闊嶺頭分去國離家見白雲洛浦風光何所似崇山瘴癘不堪聞南浮漲海人何處北望衡陽鴈幾羣兩地江山萬餘里何時重謁聖明君

分水嶺別夜示從弟寂

唐孟郊中

南中少平地山水重疊生別泉萬餘曲迷舟獨難行

地部

卷二十一

五

四際亂峰合一眺千慮并潺湲冬夏冷光彩晝夜明

賞心難久勝離腸忽自驚古木搖霽色高風動秋聲

一作古木解舊茅與風結秋聲

飲爾一樽酒慰我百憂輕嘉期何處

定此晨堪寄情

○洞

嚴附

桃花源詩

并記

晉陶淵明

晉太元中武陵人捕魚爲業緣谿行忘路之遠近忽逢桃花林夾岬數百步中無雜樹芳草鮮美落英繽紛漁人甚異之復前行欲窮其林林盡水源便得一山山有小口髣髴若有光便捨船從口入

地部

卷二十一

六

之及郡下請太守說如此太守卽遣人隨其往尋向所誌遂迷不復得路南陽劉子驥高尚士也聞之欣然親往未果尋病終後遂無問津者

羸氏亂天紀賢者避其世黃綺之商山伊人亦云逝往迹浸復湮來逕遂蕪廢相命肄農耕日入從所憩桑竹垂餘蔭寂穆隨時藝春蠶收長絲秋熟靡王稅荒路暖交通雞犬互鳴吠俎豆猶古法衣裳無新製童孺縱行歌班白歡遊詣草榮識節和木衰知風厲雖無紀曆誌四時自成歲怡然有餘樂于何勞智慧奇蹤隱五百一朝敞神界淳薄旣異源旋復還幽蔽

借問遊方士焉測塵寰外願言躡輕風高舉尋吾契

桃源行

唐王維

漁舟逐水愛山春兩岬桃花夾去津坐看紅樹不知  
遠行盡青谿不見人山口潛行始隈隩山開曠望旋  
平陸遙看一處攢雲樹近入千家散花竹樵客初傳  
漢姓名居人未改秦衣服居人共住武陵源還從物  
外起田園月明松下房櫳靜日出雲中雞犬喧驚聞  
俗客爭來集競引還家問都邑平明閭巷掃花開薄  
暮漁樵乘水入初因避地去人間及至成僊遂不還  
峽裏誰知有人事世中遙望空雲山不疑靈境難聞  
地部

卷二十一

七

桃源行

唐劉禹錫

漁舟何招招浮在武陵水垂綸擲餌信流去誤入桃  
源行數里清源尋盡花綿綿踏花覓徑至洞前洞門  
蒼黑煙霧生暗行數步逢虛明俗人毛骨驚仙子爭  
來致詞何至此須臾皆破冰雪顏笑言委曲問人間  
因嗟隱身來種玉不知人間如風燭庭羞石髓勸客

餐燈蕤松脂留客宿雞聲犬聲遙相聞曉色葱龍開  
五雲依稀振衣起出戶滿庭無路花紛紛翻然恐宿  
鄉縣處一息不肯桃源住桃花滿谿水似鏡塵心如  
垢洗不去仙家一別尋無踪至今水流尚重重

遊桃源

唐劉禹錫

沅江清悠悠連日鬱岑寂回流抱絕巘皎鏡含虛碧  
昏旦遞明媚煙嵐分委積香蔓垂綠潭暴龍照孤磧  
淵明著前志子驥思遠跡寂寂無何鄉密爾天地隔  
金行太元歲漁者偶探陟尋花得幽踪窺洞穿闌隙  
依微聞雞犬豁達直阡陌居人互相迎笑語如平昔

地部

卷二十一

八

廣樂雖交奏海禽心不憚揮手一來歸故谿無處覓  
縣縣五百載市朝幾遷革有路在壺中無人知地脉  
皇家感至道聖祚自天錫金闕傳本枝玉函留寶曆  
禁山開秘宇復戶潔靈宅藥檢香氛氲醺壇煙幕幕  
我來塵外躅瑩若朝星拆崖轉對翠屏水窮留畫鷁  
三休俯喬木千級扳峭壁旭日聞撞鐘綵雲迎躡屐  
遂登最高頂縱目環楚澤平湖見草青遠岬連霞赤  
幽尋如夢想縣思屬空閨賁緣且忘疲耽玩近成癖  
清猿俟朝發瑤草凌寒折祥禽舞葱蘢珠樹搖玃璫  
羽人顧我笑勸我稅歸輶霓裳何飄颻童顏潔白皙

重巖是藩屏馴鹿受羈勒樓居瀾清霄蘿鳥成翠帟  
仙翁遺竹杖王母留桃核姹女飛丹砂青童護金液  
寶氣浮鼎耳神光生劒脊虛無天樂來僊宰鬼兵役  
丹白肅朝禮五禮工紉繹枕中淮南方牀下阜鄉舄  
明鐙坐遙夜幽籟聽淅瀝因話近世仙徘徊心神惕

桃源洞

唐章綬

絕壁相欹是洞門昔人從此入仙源數株花下逢珠  
翠半曲歌中老子孫別後自疑園吏夢歸來誰信釣  
翁言山前空有無情水猶遶當時碧樹村

題武陵洞三首

唐曹唐

地部

卷二十一

九

却恐重來路不通殷勤回首謝春風白雞黃犬不將  
去且寄桃花深洞中

谿口回春日已昏却聽雞犬隔前村殷勤重與秦人  
別莫使桃花閉洞門

渡水傷山尋絕壁白雲飛處洞天開仙人來往行無  
跡石逕春風長綠苔

無爲洞口作

唐元結

無爲洞口春水滿無爲洞傍春雲白愛此踟躕不能  
去令人悔作衣冠客洞傍山僧皆學禪無求無欲亦  
忘年欲問其心不能問我到此中得無悶

張公洞二首

唐皇甫冉

堯心知稼穡精意遶山川風雨神斯應至鑄詔命傳  
沐蘭祇掃地酌桂佇靈仙拂霧陳金策焚香拜玉筵

雲開小有洞日出大羅天三鳥隨王母雙童翊子先  
何時種桃核幾度看桑田倏忽煙霞散穿巖騎吏旋

遊張公洞寄陶校書

唐方干

步步勢穿江底去此中危滑轉身難下蒸陰氣松蘿  
濕外制溫風杖屨寒數里煙雲方覺異前程山水更  
應難由來委曲尋仙路不是先生換骨丹

地部

卷二十一

十一

宿華陽洞寄元卿

一作元陽  
觀寄元卿

唐李端

花洞晚陰陰僊壇隔杏林漱泉春谷冷擣藥夜牕深  
石上開山酒松間對玉琴戴家谿北住雪後去相尋  
和微之春日投簡陽明洞天五十韻

唐白居易

青陽行已半白日坐將徂越國疆仍大稽城高且孤  
利饒鹽煮海名勝水澄湖斗斗天垂象台明地振圖  
環奇填市井佳麗溢園閣勾踐遺風霸西施舊俗殊  
船頭龍夭矯橋脚獸睚眦鄉味珍彭蠡時鮮貴鷓鴣  
語言諸夏異衣服一方殊擣練蛾眉婢鳴榔蛙角奴



江清敵伊洛山翠勝荆巫華表雙棲鶴聯檣幾點烏  
煙波分渡口雲樹接城隅淵達松如畫洲平水似鋪  
綠秧秧早稻紫笋折新蘆暖踏泥中藕香尋石上蒲  
雨來萌盡達雷後蟄全蘇柳眼黃絲類花房絳蠟珠  
林風新竹折野燒老系枯帶彈長枝惠錢穿短貫榆  
暄和生野菜卑濕長街燕女浣紗和伴兒烹鯉一呼  
山魃啼稚子林狖挂山都產業論蠶蟻孳生計鴨雛  
泉巖雪飄灑茗壁錦漫糊腹限舟航路堤通車馬途  
耶谿听回合禹廟徑盤紆洞穴何因鑿星槎誰與剗  
石凹僊藥口峰峭佛香爐去爲投金簡來因擊玉壺

地部

卷二十一

十一

貴仍招客宿健未要人扶問望賢丞相儀形美大夫  
前驅駐旌旆偏坐列笙竿刺史旗翻隼尚書屐曳鳧  
學禪超後有觀妙造虛無髻裏傳僧寶環中得道樞  
登樓詩入詠置硯賦三都捧擁羅將綺趨蹌紫與朱  
廟謀藏稷契兵略貯孫吳令下三軍整風高四海趨  
千家得慈母六郡事嚴姑重士過三哺輕財抵一銖  
送就歌宛轉嘲妓笑盧胡佐飲時炮鼈蠲醒數膾鱸  
醉鄉雖咫尺樂事亦須臾若中賢聖何由外智愚  
伊予一生志俄爾百年軀江上三千里城中十二衢  
出多無伴侶歸只對妻孥白首青山約袖身去得無

秦越人洞中詠

唐于鵠中

扁鵲得僊處傳是西南峰年年山下人長見騎白龍  
洞門黑無底日夜唯雷風石逕陰且寒地響知遠鐘  
低礙更俯身漸遠晝夜同時時白蝙蝠飛入白衣中  
行久路轉窄靜聞水淙淙

題韋少保靜恭宅藏書洞

唐□□□

高意合天制自然狀無窮仙華凝四時玉蘚生數峰  
書秘漆文字匣藏金蛟龍閑爲氣候蕭閑作雲雨濃  
洞隱諒非久巖夢誠必通將綴文士集貫就真珠業  
入林屋洞

唐皮日休

地部

卷二十一

十一

齋心已三日筋骨如煙輕腰下佩金獸手中持火鈴  
幽塘四百里中有日月精連亘三十六各各爲玉京  
遂招放曠侶同作幽憂行其門纔函丈初若盤薄砌  
洞氣黑眈眈苔髮紅髻鬢試足值坎窞低頭避崢嶸  
攀緣不知倦怪異焉敢驚匍匐一百步稍稍策可橫  
忽然白蝙蝠來撲松炬明人語散瀕洞石響高玲瓏  
腳底龍蛇氣頭上波濤聲有時若服匿偈及如見繡  
俄爾造平澹豁然逢光晶金堂似鑄出玉座如磨成  
前有方丈沼凝碧融人情雲漿湛不動瑤露瀉而馨  
漱之恐減算勺之必延齡昔云夏后氏於此藏真經

刻之以紫琳秘之以丹瓊期之以萬祀守之以百靈  
焉得彼丈人竊之不加刑石簣一以出左神俄不局  
禹書既云得吳國由是傾薛縫纔半尺中有怪物腥  
欲去既嘍暗將迴又伶俜却遵舊時道半日出杳冥  
履泥惹石髓衣濕沾雲英玄籙之仙骨青文無絳名  
雖然入陰宮不得朝上清對彼神仙窟自厭濁俗形  
却憎造物者遣我騎文星

以下藏

### 朝陽巖下歌

唐元結盛

朝陽巖下湘水深朝陽洞口寒泉清零陵城郭夾湘  
嘶巖洞幽奇帶郡城荒蕪自古人不見零陵徒有先

地部

卷二十一

十四

賢傳水石爲娛安可美長歌一曲留相勸

### 界圍簾水巖

唐柳宗元中

界圍滙湘曲青壁環澄流懸泉聚成簾羅注無時休  
韻磬叩凝碧鏘鏘徹巖幽丹霞冠其顛想像凌虛遊  
靈境不可狀鬼工諒難求忽如朝玉皇天冕垂前旒  
楚臣昔南逐有意仍丹丘今我始北旋新詔釋縲囚  
采真誠眷戀許國無淹留再來寄幽夢遺貯催行舟

### 黃石巖下作

唐白居易中

久別鷗鷺侶深隨鳥獸羣教他遠親故何處覓知聞  
昔日青雲意今移向白雲

### 安陸白兆山桃花巖寄劉侍御

唐李白盛

雲卧三十年好閑復愛仙蓬壺雖冥絕鷺鶴心悠然  
歸來桃花巖得憩雲牕眠對嶺人共語飲潭猿相連  
時昇翠微上邈若羅浮巔兩岑抱東壑一嶂橫西天  
樹雜日易隱崖傾月難圓芳草換野色飛蘿搖春煙  
入遠構石室選幽開山田獨此林下意杳無區中緣  
永辭霜臺客千載方來旋

○谷

### 入華子岡是麻源第三谷

宋謝靈運

南州實炎德桂樹凌寒山銅陵映碧澗石磴瀉紅泉

地部

卷二十一

十四

旣枉隱淪客亦棲肥遁賢險徑無測度天路非術阡  
遂登羣峰首邈若升一作騰雲煙羽人絕髣髴丹丘徒  
空筌圖牒復磨滅碑版誰聞傳莫辨百代後安知千  
載前且申獨往意乘月弄潺湲恒充俄頃用豈爲古  
今然

### 過東山谷口

唐盧照鄰初

不知名利險辛苦滯皇州始覺風塵倦歸來事綠疇  
桃源迷處所桂樹可淹留跡異人間俗禽同海上鷗  
古苔依井被新乳傍崖流野老堪成鶴山神或化鳩  
泉鳴碧澗底花落紫巖幽日暮餐龜殼天寒御鹿裘

不辨秦將漢寧知春與秋多謝青谿客去去赤松遊

愚公谷三首

唐王維

愚谷與誰去唯將黎子同非須一處住不那兩心空  
寧問春將夏誰論西復東不知吾與子若箇是愚公

二

吾家愚谷裏此谷本來平雖則行無跡還能響應聲  
不隨雲色暗只待日光明緣底名愚谷都由愚所成

三

借問愚公谷與君聊一尋不尋翻到谷此谷不離心  
行處曾無險看時豈有深寄言塵世客何處欲歸臨

地部

卷三十一

十五

宿青牛谷

唐楊衡

隨雲步入青牛谷青牛道士留我宿可憐夜久月明  
中唯有壇邊一枝竹

秋曉行南谷經荒村

唐柳宗元

杪秋霜露重晨起行幽谷黃葉覆谿橋荒村唯古木  
寒花疎寂歷幽泉微斷續機心久已忘何事驚麋鹿

黃神谷紀事

唐馬戴

霹靂振秋岳折松橫洞門雲龍忽變化但覺玉潭昏

○峽

三峽謠

水經注曰峽中有離名曰黃牛灘南岬

牽牛人黑牛黃成就分明既人跡所絕莫得  
究焉此巖既高如江湍紆迴雖途經宿猶  
望見此物故行者蓋云云○古辭  
言水路行深迴望如一矢

朝見黃牛暮見黃牛三朝三暮黃牛如故

水經注云黃牛

巴東三峽歌二首

水經注曰巴東三峽謂廣谿

里中兩岬連山界無間處重巖疊嶂隱蔽天  
日非停午夜分不見日月宜都山川記曰自  
黃牛灘東入西陵界至峽口一百許里山水  
紆曲林木高茂猿鳴至清山谷傳響冷冷不  
絕行者謂之莫不

懷士故漁者歌曰

古辭

巴東三峽巫峽長猿鳴三聲淚沾裳

巴東三峽猿鳴悲猿鳴三聲淚沾衣

地部

卷三十一

十六

巴東三峽歌

見水

古辭

灘頭白勃堅相持倏忽淪沒別無期

巫峽

唐楊炯

三峽七百里唯言巫峽長重巖宵不極疊嶂凌蒼蒼  
絕壁橫天險莓苔爛錦章入夜分明見無風波浪狂  
忠信吾所蹈汎舟亦何傷可以涉砥柱可以浮呂梁  
美人今何在靈芝徒有芳山空夜猿嘯征客淚沾裳

上三峽

唐李白

巫山夾青天巴水流若茲巴水忽可盡青天無到時  
三朝上黃牛三暮行太遲三朝復三暮不覺鬢成絲

峽中

唐盧象盛

高唐幾百里樹色接陽臺晚見江山霽宵聞風雨來  
雲從三峽起天向數峰開靈境信難見輕舟那可回

峽口

唐杜甫盛

峽口大江開西南控百蠻城歛連粉堞听斷更青山  
開關當天險防隅一水關亂離聞鼓角秋氣動衰顏

巫山峽

唐皇甫冉中

巫山見巴東迢迢出半空雲藏神女館雨到楚王宮  
朝暮泉聲落寒暄樹色同清猿不可聽偏在九秋中

道峽似巫山

唐朱使欣初

地部

卷三十一

一七

江如曉天靜石似暮雲張征帆一流覽宛若巫山陽  
楚客思歸路秦人謫異鄉猿鳴孤月夜再使淚沾裳

和朱使欣道峽似巫山

唐張說初

南土多爲寇西方盡畏途山行阻篁竹水宿礙荊蒲  
使越才應有征蠻力豈無空傳人贈劍不見虎銜珠

廣谿峽

唐楊炯初

廣谿三峽首曠望兼川陸山路遶羊腸江城鎮魚腹  
喬林有丈偃飛水千尋瀑驚浪回高天盤渦轉深谷  
漢氏昔云李中原爭逐鹿天下有英雄襄陽有龍伏  
常山集軍旅永安興版築池臺忽已傾邦家遂淪覆

庸才若劉禪忠佐爲心腹設險猶可存當無買生哭

西陵峽

唐楊炯初

絕壁登萬仞長波射千里盤薄荆之門滔滔南國紀  
楚都昔全盛高丘烜望祀秦兵一旦侵夷陵火潛起  
四維不復設關塞良難恃洞庭且忽焉孟門終已矣  
自古天地闢流爲峽中水行旅相贈言風濤無極已  
及余踐斯地環竒信爲美江山若有靈千載伸知已

湓陽峽

唐張九齡初

行舟傍越岑窈窕越谿深水關先秋冷山晴當晝陰  
重林間五色對壁聳千尋惜此生遐遠誰知造化心

地部

卷三十一

一八

鐵堂峽

唐杜甫盛

山風吹遊子縹緲乘險絕硤形藏堂隍壁色立積鐵  
徑摩穹蒼蟠石與厚地裂脩纖無限竹嵌空太始雪  
威遲哀壑底徒旅慘不悅水寒長冰橫我馬骨正折  
生涯抵弧矢盜賊殊未滅飄蓬踰三年迴首肝肺熱

青陽峽

唐杜甫盛

塞外苦厭山南行道彌惡岡巒相經亘雲水氣參錯  
林迴硤角來天窄壁面削硤西五里石奮怒向我落  
仰看日車側俯恐坤軸弱魑魅嘯有風霜霰浩漠漠  
昨憶踰龍坂高秋視吳嶽東笑蓮花卑北知崆峒薄

超然侔壯觀已謂殷寥廓矣兀猶赴人及茲歎冥寞

秋峽

唐杜甫

江濤萬古峽肺氣久衰翁不寐防巴虎全生狎楚童  
衣裳垂素髮門巷落丹楓常怪商山老兼存翊贊功

寒峽

唐杜甫

行邁日悄悄山谷勢多端雲門轉絕岨積阻靈天寒  
寒峽不可度我實衣裳單况當仲冬交泝沕增波瀾  
野人尋煙語行子傍水餐此生免荷爰未敢辭路難

貞女峽

唐韓愈

江盤峽束春湍豪雷風戰鬪魚龍逃懸流轟轟射水  
地部 卷三十一 十九 峽

府一瀉百里翻雲濤漂船擺石萬瓦裂咫尺性命輕  
鴻毛

經琵琶峽

梁簡文帝

由來歷山川此地獨迴還百嶺相紆蔽千崖共隱天  
橫峰時礙水斷岨或通川還瞻已迷向直去復疑前  
夕波照孤月山枝欽夜煙此時愁緒密頓令魂九遷

出峽

唐胡皓

巴東三峽盡曠望九江開楚塞雲中出荆門水上來  
魚龍潛嘯雨鳥鴈動成雷南國秋風晚客思幾悠哉

入峭峽

唐陳子昂

肅徒歌伐木驚穢漾輕舟靡迤隨迴水潺湲汭流  
煙沙分兩岨露島夾雙洲古樹連雲密交峰入浪浮  
巖潭相映媚谿谷屢環周路迥光逾逼山深興轉幽  
麝麝寒思晚猿鳥暮聲秋誓息蘭臺策將從桂樹遊  
因書謝親愛千歲覓蓬丘

早入清遠峽

唐宋之間

傳聞峽山好旭日棹前沂雨色搖丹嶂泉聲聒翠微  
兩巖天作帶萬壑樹披衣秋橘迎霜序春藤礙日輝  
翳潭花似織綠嶺竹成圍寂歷環沙浦蔥蘢轉石圻  
露餘江未熱風落瘴初稀猿飲排虛上禽驚掠水飛

地部

卷三十一

二十 峽

榜童夷唱合樵女越吟歸良候斯為美邊愁自有違  
誰言望鄉國流涕失芳菲

入唐峽

唐嚴維

嘯終萬嶺起吹去當谿雲環嶼或明昧遠峰尚氛氲  
雨新翠葉發夜早玄象分金澗流不盡入山深更聞  
暮上瞿塘峽

自古艱難地孤舟旦暮程獨愁空託命省已是輕生

唐項斯

有樹皆相倚無巖不倒傾蛟螭波數怒鬼怪火潛明  
履道知無負離心要驚何年回骨肉細話苦辛行

赴使龍峽

唐張九齡

谿路日幽深寒空入兩欽霜清百丈水風落萬重林  
夕鳥聯歸翼秋猿斷去心別離多遠思况乃歲方陰

使過彈箏峽

唐儲光義

鳥雀知天雪羣飛復羣鳴原田無遺粟日暮滿空城  
達士憂世務鄙夫念王程晨過彈箏峽馬足凌兢行  
雙壁隱靈曜莫能知晦明皚皚堅冰白漫漫陰雲平  
始信古人言苦節不可貞

過春秋峽

唐劉言史

峭壁蒼蒼苔色新無風晴景自勝春不知何事幽崖  
裏臘月開花似北人

地部

卷二十一

過黃牛峽

唐張蠙

黃牛來勢瀉巴川疊日孤舟逐峽前雷電夜驚猿落  
樹波濤愁恐客離船盤渦逆入嵌空地斷壁高分線  
繞天

峽哀

唐孟郊

峽哀哭幽魂嗷嗷風吹來隨魄抱空月春濤百丈雷  
峽水聲不平碧沱牽清洄沙稜箭箭急波齒斷斷開  
谷號相噴激石怒爭旋廻

二

上天下水出地入地舟石劒相劈斫石波怒蛟蚪

花木疊宿春風颺凝古秋幽怪窟穴語飛聞盼蟹流  
沈哀日已深銜訴將何求

三

三峽一線天三峽萬繩泉上仄碎日月一掣狂漪漣  
破魄一兩點凝幽數百年峽暉不停午峽險多饑涎

四

峽亂鳴清磬產石爲鮮鱗噴爲腥雨涎吹作黑井身  
怪光閃衆異餓劒唯待人老腸未曾飽古齒斬品噴

五

峽嶠老解語百丈潭底聞潛怪何幽幽魄說徒云云

地部

卷二十一

峽聽哀哭泉峽弔鰥寡後峽聲非人聲劒水相劈翻

六

峽稜剗日月日月多摧輝物皆斜仄生鳥亦斜仄飛  
潛石齒相鎖沈魂招莫歸恍惚清泉甲斑爛碧石衣  
峽春不可遊腥草生微微

七

峽景滑易隋峽花怪非春紅光根潛涎碧雨飛沃津  
巴谷蛟螭心巴鄉魍魎親腥語信者誰拘歌歡非真  
仄田無異稼毒水多瘳鱗異類不可友峽哀哀難伸

八



泉鳴作人語蛟虬吸山波駭智蹶衆命蘊惺布深蘿  
仄樹鳥不巢踔踔猿相過峽哀不可聽峽怨其奈何

初入峽有感

唐白居易

上有萬仞山下有千丈水蒼蒼兩崖間潤狹容一葦  
瞿塘呀直瀉灩澦屹中峙未夜黑巖昏無風白浪起  
大石如刀劔小石如牙齒一步不可行况千三百里  
苒弱竹筏惹欹危楫師趾一跌無完舟吾生繫於此  
常聞仗忠信蠻貊可行矣自古漂沈人豈盡非君子  
况吾時與命蹇舛不足恃常恐不才身復作無名死

峽中卽事

唐女郎廉氏

地部

卷二十一

三

峽

清秋三峽此中去鳴鳥孤獨不可聞一道水聲多亂  
石四時天色少晴雲日暮汎舟谿湫口那堪夜永思  
氛氲

十三四時常從巫峽過他日偶然有思

唐沈佺期

小度巫山峽荆南春欲分使君灘上草神女廟前雲  
樹悉江中見猿多天外聞別來如夢裏一想一氛氲  
入東陽峽與李明府船前後不相及

唐陳子昂

東巖初解纜南浦遂離羣出沒同洲島棲泊異汀濱

一作沿洞  
風煙猶可望歌笑浩難聞路轉青山合峰

迴白日曛奔濤上漫漫積水下云云倏忽猶疑及差  
池復兩分離離間遠樹藹藹沒遙氛地入巴陵道星  
連牛斗文孤狄啼寒月哀鴻叫斷雲仙舟不可見逢  
思坐氛氲

入峽寄弟

唐孟浩然

吾昔與爾輩讀書常閉門未曾冒湍險豈顧垂堂言  
自此歷江湖辛勤難具論往來行旅弊開幣禹功存  
壁立千峰峻峻流萬壑奔我來凡幾宿無夕不聞猿  
浦上搖歸戀舟中失夢魂淚沾明月峽心斷鵲鴛原

地部

卷二十一

三

峽

離閭星難聚秋深露已繁因君下南楚書此示鄉園  
○嶼

登江中孤嶼

宋謝靈運

江南倦歷覽江北曠周旋懷新道轉迴尋異景不延  
亂流趨正絕孤嶼媚中川雲日相輝映空水共澄鮮  
表靈物莫賞蘊真誰爲傳想像崑山姿綿邈區中綠  
始信安期術得盡養生年

登江中孤嶼貽王迴

唐孟浩然

悠悠清江水水落沙嶼出迴潭石下深綠篠岸傍密  
鮫人潛不見漁父歌自逸憶與君別時泛舟如昨日

夕陽開返照中坐興非一南望鹿門山歸來恨相失

登翻車峴

宋鮑照

高山絕雲霓深谷斷無光晝夜淪霧雨冬夏結寒霜  
淖坂既馬領磧路又羊腸畏途疑旅人忌轍覆行箱  
昇岑望原陸四眺極川梁遊子思故居離客遲新鄉  
新知有客慰追故遊子傷

○坂

坡附

蒲坂行

齊陸厥

江南風已春河間柳已把鴈返無南書寸心何由寫  
流泊祁連山飄飄高關下

地部

卷二十一

二十五

峴

蒲坂行

梁劉遵

漢使出蒲坂去去往交河間諜敢虧對驂馬脫鳴珂  
乍作渡瀘怨何辭上隴歌

并州羊腸坂

陳江總

三春別帝鄉五月度羊腸本畏車輪折翻嗟馬骨傷  
驚風起朔鴈落照盡胡桑關山定何許徒御慘悲涼

長樂坡

以下坡

唐白居易

行人南北分征路流水東西接御溝終日坡前恨離  
別謾名長樂是長愁

步東坡

唐白居易

朝上東坡步夕上東坡步東坡何所愛愛此新成樹  
種植當歲初滋榮及春暮信意取次栽無行亦無數  
綠陰斜景轉芳氣微風度新葉鳥下來萎花蝶飛去  
閒攜斑竹杖徐曳黃麻屨欲識往來頻青蕪成白路

朱坡

唐杜牧

下杜鄉園古泉聲繞舍啼靜思常慘切薄宦與乖睽  
北闕千門外南山午谷西倚川紅葉嶺連寺綠楊堤  
迴野翹霜鶴澄潭舞錦雞濤驚堆萬岫舸急轉千谿  
眉點萱牙嫩風條柳幄迷岸藤捎虺尾沙渚印鵬蹄  
火燎網挑塢波光碧繡畦日痕緝初翠嶺陂影墮

地部

卷二十一

二十六

坡

晴霓蜩壁爛斑蘚銀延荳蔻泥洞雲生片段苔徑繚  
高低偃蹇松公老森嚴竹陣齊小蓮娃欲語幽笋稚  
相攜漢館留餘趾周臺接故蹊蟠蛟岡隱隱斑雉草  
萋萋樹老蘿紆組巖深石啓閨侵牕紫桂茂拂面翠  
禽棲有計冠終挂無才筆謾提自塵何太甚休笑觸  
藩鉞

朱坡絕句

唐杜牧

故國池塘倚御渠江城三詔換魚書賈生辭賦恨流  
落祇向長安住歲餘

煙深苔巷唱樵兒花落寒輕倦客歸藤岸竹洲相掩

映滿池春雨鵲鵲飛

憶遊朱坡四韻

唐杜牧

秋草樊川路斜陽覆盜門獵逢韓嫣騎樹識館陶園  
帶雨經荷沼盤煙下竹村如今歸不得自戴望天盆

○堆

淫預歌

古今樂錄曰晉宋以後有淫預歌翻通  
元水經注曰白帝山城水門之西江中  
有砥石名淫預石水冬出二十餘丈夏則沒  
亦有砥石出焉江水東逕廣新峽乃三峽之首  
也峽中有淫預塘黃龕二灘夏水回復浚所  
忌國史補曰蜀之三峽最號峻急四月五月  
尤險故行者歌之淫  
或作鸞預或作豫

灩澦大如馬瞿塘不可下

地部

卷二十一

三七

坡堆

灩澦大如牛瞿塘不可流

淫預大如象瞿塘不可上

淫預歌

灩澦大如襍瞿塘不可觸金沙浮轉多桂浦忌經過

升菴詩話曰此舟人商估判水行舟之歌樂府以爲  
梁簡文所作非也蜀江有瞿塘之患桂江有桂浦之  
險故步瞿塘者則華嚴步桂浦者則華嚴步也  
則華金步今樂府桂浦作桂浦非也

灩澦堆

唐杜甫

巨石水中央江寒出水長沈牛峇雲雨如馬戒舟航  
天意存傾覆神功接混茫千戈連解纜行止憶垂堂

灩澦堆

唐杜甫

灩澦既沒孤根深西來水多愁太陰江天漠漠鳥雙

去風雨時時龍一吟舟人漁子歌回首估客胡商淚

滿襟寄語舟航惡年少休翻鹽井橫黃金

望韓公堆

唐崔滌

韓公堆上望秦川渺渺關山西接連孤宦一身千里  
外未知歸日是何年

拂雲堆

唐李益

漢將新從虜地來旌旗半上拂雲堆單于每近沙場  
獵南望陰山哭始回

○石

地部

卷二十一

三八

堆

詠石

陳陰鏗

天漢支機罷仙嶺博基餘零陵舊是燕昆池本學魚  
雲移蓮勢出苔駁錦紋疏還當穀城下別自解兵書

奉和周趙王詠石

隋崔仲方

玉繩隨月落金碑映日鮮入江疑濯錦出峽似開蓮  
文馬河西瑞兵符濟北篇會逐靈槎上還歸天漢邊

賦得石

隋虞茂

蜀門爵遐阻燕碣遠參差獨標千丈峻共起百重危  
鏡峰含月鬼蓋嶺逼雲枝徒然抱貞介填海共誰知

詠石

唐李嶠

宗子維城固將軍飲羽威嚴花鑑裏發雲錦中飛  
入宋星初隕過湘鷺早歸儻因持補極寧復想支機

詠石

唐蘇味道

濟北甄神呪河西濯錦文聲應天池雨影觸岱宗雲  
鴈歸猶可候羊起自成羣何當握靈髓高枕絕羣氛

詠孤石

梁朱超

侵霞去日近鎮永激流分對影疑雙闕孤生若斷雲  
遇風靜華浪騰煙起薄暉雖言近七嶺獨立不成羣

詠孤石

陳釋惠標

中原一孤石地理不知年根含彭澤浪頂入香爐煙

地部

卷三十一

三十九

崖成二鳥翼峰作一芙蓉何時發東武今來鎮蠡川

詠孤石

陳高麗定法師

迴石直生空平湖四望通巖根恒灑浪樹杪鎮搖風  
偃流還漬影侵霞更上紅獨拔羣峰外孤秀白雲中

賦得翠石應令

梁南鄉侯推

依峰形似鏡構嶺勢如蓮映林同綠柳臨池亂百川  
碧苔終不落丹字本難傳有邁東明上來遊皆羽仙

賦得臨階危石

隋岑德潤

常階聳危石殊狀實難名帶山疑似獸侵波或類鯨  
雲峰臨棟起蓮影入簷生楚人終不識徒自蘊連城

賦昆明池一物得支機石

隋虞茂

隔河圖列宿清漢象昭回支機就鯨石拂鏡取池灰  
船疑海槎渡珠似客星來所恨雙蛾歛逢秋遂不開

省試昆明池織女石

唐童漢卿

一片昆明石千秋織女名向風長脉脉臨水更盈盈  
有臉蓮同笑無心鳥不驚岸雲連鬢濕沙月對眉生

苦作輕裙色波爲促杼聲還如明鏡裏形影自分明

戲題磐石

唐王維

可憐磐石臨泉水復有垂楊拂酒杯若道春風不解  
意何因吹送落花來

地部

卷三十一

三十

題曲阿三昧王佛殿前孤石

唐劉長卿

孤石自何處對之疑舊遊氛氲峴首夕蒼翠剡中秋  
迴出羣峰當殿前雪山靈鷲慙貞堅一片孤雲長不  
去莓苔古色空蒼然

題祖山人池上怪石

唐張碧

寒姿數片奇突兀曾作秋江秋水骨我來池上傾酒  
尊半酣畫破青煙痕參差翠縷擺不落筆頭驚怪粘  
秋雲

奉和思黯相公以李蘇州所寄太湖石奇狀絕

倫因題

唐白居易

峰駢僊掌出鐔坊劍門開峭頂高危矣根盤下壯哉  
廉稜露鋒刃清越叩瓊瑰岌業形將動巍我勢欲摧  
奇應潛鬼怪靈合蓄雲雷黛潤霑新雨斑明點古苔  
海神移碣石盡幘簇天台

雙石

唐白居易中

蒼然兩片石厥狀怪且醜結從胚渾始得自洞庭口  
萬古遺水濱一朝入吾手孔黑煙痕深罅青苔色厚  
老蛟蟠作足古劍插爲首忽疑天上落不似人間有  
一可支吾琴一可貯吾酒峭絕高數尺均泓容一斗  
五絃倚其左一杯置其右窪樽酌未空玉山頽已久  
地部

卷二十一

三十一

疊石

此石韓給  
中

唐李德裕中

潺湲桂水端漱石奇出狀鱗次冠煙霞蟬聯疊波浪  
今來碧梧下迥出秋潭上歲晚苦蘚滋懷賢益悵悵

西施石

唐樓穎盛

西施昔日浣紗津石上青苔思殺人一去姑蘇不復  
返岸傍桃李爲誰春

泊舟苧蘿山下題西施石

唐王軒

嶺上千峰秀江邊細草春今逢浣紗石不見浣紗人

太湖石

唐白居易中

達望老嵯峨近觀怪嶽峯纔高八九尺勢若千丈尋

嵌空華陽洞重疊屏山岑邈矣僊掌迥呀然劍門深  
形質冠今古氣色通晴陰未秋已瑟瑟欲雨先沈沈

太湖石

唐白居易中

煙翠三秋色波濤萬古痕削成青玉片截斷碧雲根  
風氣通巖穴苔文護洞門三峰具體小應是華山孫  
漱流石

漱流石

唐費冠卿中

不爲幽岫隱古色涵空出願以清泚流鑒此堅貞質  
傍臨玉光潤時瀉苔花密往往驚游鱗尚疑垂釣日

望夫石

唐王建中

望夫處江悠悠化爲石不迴頭山頭日日風復雨行  
地部

卷二十一

三十一

人歸來石應語

望夫石

唐孟郊中

望夫石夫不來今江水碧行人悠悠朝與暮千年萬  
年色如故

爛柯石

唐孟郊中

樵客返歸路斧柯爛從風唯餘石橋在猶自凌丹虹

海上石筍

唐李德裕中

常愛僊都山奇峰千仞懸迢迢一何迴不與衆山連  
忽逢海嶠石稍慰生意何以慰我作我心亭亭孤

且直

石版

唐李咸用晚

高人好自然移得他山碧不磨如版平大巧非因力  
古蘚小青錢塵中看野色冷倚砌花春靜伴踈篁直  
山僧若轉頭如逢舊相識

雞公嶺

去褒城縣二十里

唐韋莊晚

石狀雖如嶺山形可類雞向風疑欲闌帶雨似聞啼  
蔓織青籠合松長翠羽低不鳴非有意為怕客奔齊

望孤石

宋鮑照

江南多暖谷雜樹茂寒峰朱華抱白雪陽條熙朔風  
蚌節流綺藻輝石亂煙虹泄雲去無極馳波往不窮

地部

卷二十一

三十一

嘯歌清漏畢徘徊朝景終浮生會當幾歡酌每盈衷

臨碣石

梁沈約

碣石送返潮登翠禮朝日溟漲無端倪山島玄崇翠  
驢老心未窮酬恩豈終畢

興平縣野中得落星石移置縣齋

唐韓琬晚

的的隨芊芊蒼茫不記年幾逢疑虎將應逐犯牛僊  
擇地依蘭畹題詩間錦箋何時成五色却上女媧天

送祝八之江東賦得浣紗石

唐李白

西施越谿女明艷光雲海未入吳王宮殿時浣紗古

石今猶在桃李新開映古查菖蒲猶短出平沙昔時

紅粉照流水今日青苔覆落花君去西秦適東越碧

山清江幾超忽若到天涯思故人浣紗石上窺明月

送李卿賦得孤島石

唐岑參

一片他山石巉巖映小池綠窠攢刺蘚尖碩坐鸕鷀

水底看常倒花邊勢欲欹君心能不轉鄉月豈相離

寄宋之問

并序

唐田遊巖

弘農清巖曲有磐石可坐宋十一每拂拭待余寄

詩贈之

信彼稱靈石居然狎遁棲徘徊承翠巘斌駁帶深谿

地部

卷二十一

三十一

夕陰起層岫清景半虹蜺風來應嘯阮波動可琴嵇

荅田遊巖

唐宋之問

家臨清谿水谿水繞磐石綠蘿四面垂裊裊百餘尺

風泉度絲管苔蘚鋪茵席何當遂遠遊物外候逋客

乞寬禪師瘿山罍呈宣供奉

唐李益

石色疑秋蘚峰形若夏雲誰留秦苑地好贈杏谿君

詩問類函卷二十



詩雋類函卷二十二

東吳俞安期纂

宣城梅鼎祚增定

橋李沈豫昌訂校

地部七

水總裁

洪水

觀漲並附

海江

○水總裁

洪水 觀漲並附

詠水

陳祖孫登

驪泉紫闕映

一作龍川 紫闕映

珠浦碧沙沈 岬闊蓮香遠流

清雲影深風潭如拂鏡 山潛似調琴請君看皎潔知

有淡然心

詠水

陳釋惠標

地部

卷三

曾漆疎勒井經湧貳師營玉津花色亮銀溪錦磧明

舟如空裏汎人似鏡中行持將符上善利得動高情

詠水

唐駱賓王

列名通地紀疏派合天津波隨月色淨態逐桃花春

照霞如隱石映柳若沈鱗終當挹上善屬意淡交人

詠水

唐張文宗

探名資上善流派表靈長地圖羅四瀆天文載五潢

方流涵玉潤圓折動珠光獨有漆園吏棲偃玩淥染

淥水曲

古江吳

塘上蒲欲齊汀洲杜將歇春心既易蕩春流豈難越

桂棹及晚風菱江映初月芳香若可贈為君步羅襪

淥水曲

梁吳均

杳暖金堤滿湛淡春塘溢已送行臺花復倒高樓日

和巴陵王淥水曲二首

梁江洪

潺湲復皎潔輕鮮自可悅橫使有情禽照影遂孤絕

二

塵容不忍飾臨池思客歸誰能別淥水全取浣羅衣

王臺云誰能取淥水無趣浣羅衣

淥水

唐馬戴

蕩漾空沙際虛明入遠天秋光照不極鳥影去無邊

地部

卷三

勢引長雲斷波輕片雪連汀洲杳難到萬古覆蒼煙

春水

唐杜甫

三月桃花浪江流復舊痕朝來沒沙尾碧色動柴門

接縷垂芳餌連筒灌小園已添無數鳥爭浴故相喧

秋水

唐駱賓王

貝闕寒流徹玉輪秋浪清圖雲錦色淨寫月練花明

汎曲鶻絃動隨軒鳳輅驚唯當御溝上悵斷送歸情

流水

唐羅邨

龍躍虬蟠旋作潭繞紅濺綠下東南春風散入侯家

去漱齒花前酒半酣

分流水

唐□□□

古時愁別淚滴作分流水日夜東西流分流水幾千里  
通塞兩不見波瀾各自起與君相背飛去去心如此

賦得臨水

梁沈君攸

開筵臨桂水攜手望桃源花落聞文出風急細流翻  
光浮動岸影浪息累沙痕滄波自可悅濯纓何用論

賦得方塘含白水

劉公幹雜詩云方塘含白水中自有是與焉

隋李巨仁

白水溢方塘森森素波揚疊浪輕颺影連漪寫鴈行  
長堤柳色翠夾岸行花黃觀魚自有樂何必在濠梁

地部

卷三

三

賦得澄水如鑑

唐崔顥

聖賢將立喻上善貯情深潔白依全德澄清有片心  
澆浮知不撓濫濁固難侵方寸懸高鑑生涯詎陸沈  
對泉能自誠如鏡靜相臨廉慎傳家政流芳合古今

賦得春水綠波

唐朱林一作盛林

芳時淑氣和春水澹煙波混漾滋蘭杜淪漣長菱荷  
晚光扶翠瀲潭影瀉清莎歸鴈追飛盡纖鱗游泳多  
朝宗終到海潤下每盈科願假中流便從茲發棹歌

賦得玉水記方流

唐杜元凱

重泉生美玉積水與長流如見清堪賞因知寶可求

斗迴虹氣見盤折紫光浮中矩謂明德同方也至柔  
月生偏共映風暖佇將遊異寶雖無脛逢時願俯收

賦得玉水記方流

唐陳昌言

明媚如懷玉奇姿寄託幽白虹深不見綠水折空流  
方珏清沙遍絕橫氣色浮類玉才有角寫月讓成鉤  
久處深潛貴希當特達收滔滔在何許揭騰願從游

賦得玉水記方流

唐吳丹

玉泉何處比四折水文浮潤下寧踰矩居方在上流  
映空虛碌碌涵白淨悠悠影碎疑衝斗光清耐掩舟  
珪璋分辨狀沙礫共懷柔願赴朝宗日縈迴入御溝

地部

卷三

四

賦得玉水記方流

唐鄭俞

積水綦文動因知玉產幽如天涵素色倅地引方流  
潛潤蒸雲起英華射浪浮魚龍泉不夜艸木忻無秋  
璧沼寧堪比瑤池詎可儔若非懸可測誰復寄冥搜

賦得玉水記方流

唐白居易

良璞含章久寒泉徹底幽矩浮光汎汎一作方折浪  
悠悠凌亂波紋異縈迴水性柔似風搖淺瀨如月落  
清流潛賴應旁達藏貞豈上浮玉人如不記淪棄即  
千秋

賦得四水合流

唐李沛

禹鑿山川地因通四水流繁迴過鳳闕會合山皇州  
天影長波裏寒聲古渡頭入河無晝夜歸海有謀柔  
順物宜投石逢時可載舟羨魚猶未已臨水欲垂鉤

賦得空水共澄鮮

唐□□□

悠然四望通渺渺水無窮海鶴飛天際煙林出鏡中  
雲消澄澈碧霞起澹微紅落日浮光滿遙山翠色同  
樵聲喧竹嶼棹唱入蓮蓬遠客舟中興塵襟暫一空

渡易水歌

史記曰燕太子丹使荆軻刺秦王太  
至易之上既祖取道高漸離擊筑荆軻和而  
歌爲變徵之聲士皆垂淚泣又前而爲歌  
曰云云復爲羽聲慷慨士皆目擊而去  
髮盡上指冠於是荆軻就車而去

地部

卷三

五

風蕭蕭兮易水寒壯士一去不復還

音旋

渡易水

一作荆軻歌

梁吳均

雜虜客來齊時余在角抵揚鞭渡易水直至龍城西  
日昏笳亂動天曙馬爭嘶不能通瀚海無面見三齊

和人渡水

梁簡文帝

婉婉新上頭前裾出樂遊帶前結香艸髮邊插石榴

酌脩仁水賦詩

謝靈運曰曲江縣脩仁水北  
有三楓亭五渡水齊范雲爲始  
興至作仁水酌  
而飲之賦詩云

梁范雲

三楓何習習五渡何悠悠且飲脩仁水不挹背邪流

照水聯句

梁何遜

插花行理鬢遷延去復歸離憐水上影復恐濕羅衣  
臨橋看黛色映渚媚鉛輝不顧春荷動彌畏小禽  
飛綺

引水

唐杜甫

月峽墮壘雲作頂亂石崢嶸谷無井雲安沽水奴僕  
悲魚復移居心力省白帝城西萬竹蟠接筒引水喚  
不乾人生留滯生理難斗水何值百憂寬

和人與人分惠賜水

唐楊巨源

天水藏來玉墮空先頒密署幾人同映盤皎潔非關  
露當扇清涼不在風瑩質方從綸閣內凝輝更備錦

地部

卷五

六

帷中麗詞珍艷難雙有迢遞乘輿殿角東

亭西墻下伊渠水中置石激流潺湲成韻頗有  
幽趣以詩記之

幽趣以詩記之

唐白居易

嵌巖崑石峭皎潔伊流清立爲遠峰勢激作寒玉聲  
夾岍羅密樹面灘開小亭忽疑嚴子瀨流入洛陽城  
是時羣動息風靜微月明高枕夜悄悄滿耳秋泠泠

終日臨大道何人知此情

望水

以下洪本

宋鮑照

刷髮垂秋日登高觀水長千澗無別源萬壑共一廣  
流駛巨石轉湍迴急沫上蒼蒼嶺岍高照照寒洲爽

東歸難計測日逝誰與賞臨川憶古事目擊千載想  
河伯自矜大海若沈渺莽

登堤望水

梁元帝

驅馬河堤上非謂城隅遊懷山殊未已徒然勞九愁  
旅泊依村樹江槎擁戍樓高岍翻成浦曲港及通舟  
聚野良知歎瓠河今可儔願假宣尼道泗水却  
橫流

夏潦省宅

梁任豫

風棹出天街星言指沈室頓楫俄毀垣惻然悼窮陌  
春爲發大道夏爲激潮折貴者陋懷居鄙人安朝夕  
地部 卷三 七  
生長數十載幸祐見衰白堂遺孤孩育庭餘并此迹  
入似聚族慰出爲里仁惜

王澤嶺遭洪水

隋孔德紹

地籟風聲急天津雲色愁悠然萬頃滿俄爾百川浮  
還似金堤溢翻如碧海流驚濤遙起鷺迴听不分牛  
木梗誠無託蘆灰豈暇求徒知懷趙景終是倦陽侯  
思得乘槎便蕭然河漢遊

正

諸本徒知懷趙景一句在木梗二句前今從唐詩品

東平路中遇大水

唐高適

天災自古昔昏墊彌今秋霖淫溢川原瀕洞洞田疇

指塗適汶陽挂席經蘆洲永望齊魯郊白雲何悠悠  
傍沿鉅野澤大水縱橫流蟲蛇擁獨樹麋鹿奔行舟  
稼穡隨波瀾西成不可求室居相枕藉鼃鼃聲啾啾  
仍憐穴蟻漂益羨雲禽浮農夫無倚著野老生殷憂  
聖主當深仁廟堂運良籌倉廩終爾給田租應罷收  
我心胡鬱陶征旅亦悲愁縱懷濟時策誰肯論吾謀

大水

唐白居易

潯陽郊郭間大水歲一至閭閻半漂蕩城堞多傾墜  
蒼茫生海色渺漫連空翠風卷白波翻日煎紅浪沸  
工商徹屋去牛馬登山避况當率稅時頗害農桑事  
地部 卷三 八

卷三

八

獨有傭舟子鼓棹生意氣不知萬人災自覓錐刀利  
吾無奈爾何爾非久得志九月降霜後水涸爲平地

三川觀水漲

以下張

唐杜甫

我經華原來不復見平陸北上惟土山連天走窮谷  
火雲無時出飛電常在目自多窮岫雨行潦相逐蹙  
蒼旬口咎川氣黃羣流會空曲清晨望高浪忽謂陰  
崕踣恐泥窺蛟龍登危聚麋鹿枯查卷拔樹硯礪共  
充塞聲吹鬼神下勢閱人代速不有萬穴歸何以尊  
四瀆及觀泉源漲反懼江海覆漂沙折岍去漱壑松  
柏禿乘陵破山門迴幹裂地軸交洛赴洪河及關豈

信宿應沈數州沒如聽萬室哭穢濁殊未清風濤怒  
猶蓄何時通舟車陰氣不黥黷浮生有湯汨吾道正  
羈束人寰難容身石壁滑側足雲雷屯不已艱險路  
更踰普天無川梁欲濟願水縮因悲中林士未脫衆  
魚腹舉頭向蒼天安得騎鴻鶴

江漲

唐杜甫

江發蠻夷漲山添雨雪流大聲吹地轉高浪蹴天浮  
魚鼈爲人得蛟龍不自謀輕帆好去便吾道付滄洲  
巴西驛亭觀江漲呈竇使君二首

唐杜甫

地部

卷三

九

宿雨南江漲波濤亂遠峰孤亭凌噴薄萬井逼春容  
霄漢愁高鳥泥沙困老龍天邊同舍客攜我豁心胸

二

轉驚波作怒即恐岸隨流賴有杯中物還同海上鷗  
關心小剡縣傍眼見揚州爲接情人飲朝來減片愁  
臨邑舍弟書至苦雨黃河泛溢隄防之患簿領  
所憂因寄此詩用寬其意 唐杜甫

盛

二儀積風雨百谷漏波濤聞道洪河圻遙連滄海高  
職司憂悄悄郡國訴嗷嗷舍弟卑棲邑防川領簿曹  
尺書前日至版築不時操難假龍鼉力空瞻烏鵲毛

燕南吹飮畝濟上沒蓬蒿螺蚌滿近郭蛟螭乘九臯  
徐關深水府碣石小秋毫白屋留孤樹青天失萬艘  
吾衰同泛梗利涉想蟠桃倚賴天涯釣猶能掣巨鰲

觀澧水漲

韋應物

夏雨萬壑湊澧漲一作流暮渾渾艸木盈川谷澶漫一  
平吞槎梗方瀾泛濤沫亦洪翻北來注涇渭所過無  
安源雲嶺同昏黑觀望悸心魂舟人空歛棹風波正  
自奔

漢水傷稼

唐許渾

西北樓開四望通煙霞成綺月懸弓江村夜漲浮天  
地部

卷三

十一

水澤國秋生動地風高下綠苗千頃盡新陳紅粟萬  
廩一作教空才微分薄憂何益却欲回心學釣翁

○海

詠海

唐李嶠

習坎疏丹壑朝宗合紫微三山巨鰲湧萬里大鵬飛  
樓寫春雲色珠含明月輝會因添霧露方逐衆川歸  
賦得海水不揚波 唐

唐

明朝崇大道寰海免波揚既合千年聖能安百谷王  
天心隨澤廣水德共靈長不撓魚鰾樂無瀾葦可杭  
化流霜率土恩浸及殊方豈只朝宗國唯聞有越裳

觀滄海

魏武帝

東臨碣石以觀滄海水河澹澹山島竦峙樹木叢生  
百草豐茂秋風蕭瑟洪波一作濤涌起日月之行若出  
其中星漢燦爛若出其裏

郡東山望海

宋謝靈運

開春發歲日日出悠悠蕩志將愉樂暇庶忘憂  
策馬步隨羣得控息椒丘采蕙遵大薄攀若履長洲  
白花臨陽林紫籬一作曄春流非徒不弭忘覽物情  
彌適營蘇始無慰寂寞終可求

和劉西曹望海

齊謝朓

地部

卷三

十一

海

滄波不可望望極與天平往往孤山映處處春雲生  
差池遠鴈沒颯沓羣鳥驚蹕塵及簿領棄捨出重城  
臨川徒可羨結網庶時營

望海

梁沈約

分空臨解霧披遠望滄流八桂曉如畫三桑眇若浮  
煙極希丹水月遠望青丘

登郁州山望海

梁劉峻

滄溟臨霄岫層巒鬱巖岫下盤鹽海底上轉靈島翼  
溟渤非可辨鴻濛信難測輕塵久弭飛驚浪終不息  
雲錦曜心軌羅綾文水色

望海

北齊祖珽

登高臨巨壑不知千萬里雲島相接連風潮無極已  
時看連鴻度乍見驚鷗起無待一作不候送將歸自然傷  
客子

觀海

隋煬帝

孟軻敘遊聖枚乘說滄疾述聽乃前聞臨深驗茲日  
浮天迴無所含靈固非一委輸百谷歸朝宗萬川溢  
分城一作空碧霧晴連洲彩雲密欣同夫子觀深愧玄  
虛筆

望海

隋煬帝

地部

卷三

十二

海

碧海雖欣矚金臺空有聞達水翻如岬遙山倒似雲  
斷濤還共合連浪或時分馴鷗舊可狎丹木足爲群  
方知小姑射誰復語臨汾

奉和望海

隋虞炎

清蹕臨溟漲巨海望滔滔十洲雲霧達三山波浪高  
長瀾疑浴日連島類奔濤神遊藐姑射睿藻冠風騷  
徒然離觀海何以効消毫

春日望海

唐太宗

披襟眺滄海憑軾翫春芳積流橫地紀疏派引天潢  
仙氣凝三嶺和風扇八荒拂潮雲布色穿浪日舒光



照岍花分采迷雲鴈斷行懷卑運深廚持守靈長  
有形非易測無源詎可量洪濤經變野翠島屢成桑  
之杲思漢帝碣石想秦皇霓裳非本意端拱且圖王

奉和聖製春日望海

唐許敬宗

韓夷慙奉養憑險亂天常乃神弘廟略橫海翦吞航  
雷野清玄菟騰船振白狼連雲飛巨艦編石架浮梁  
周遊臨大壑降望極遐荒桃門通山井蓬渚降霓裳  
驚濤含蜃闕駭浪掩晨光青丘絢春組丹谷耀華桑  
長驅七萃卒成功百戰場俄且旋戎路飲至肅嚴廊  
奉和聖製春日望海

唐楊師道

地部

卷三

十三

春山臨渤海征旅輟晨裝迴瞰盧龍塞斜瞻肅慎鄉  
洪波迴地軸孤嶼映雲光落日驚濤上浮天駭浪長  
仙臺隱嵎駕水府泛龜梁碣石朝煙滅之杲歸鴈翔  
北巡非漢后東幸異秦皇羣旗羽林客跋距少年場  
雷擊驅遼水鵬飛出帶方將舉青丘繳安訪白霓裳

西陵口觀海

唐薛據

浙江漫湯湯近海勢彌廣在昔坏凝融爲百川決  
地形失端倪天色潛滉漾東南際萬里極目遠無象  
山影乍浮沈潮波忽來往孤帆或不見棹歌猶想像  
日暮長風起客心空振蕩浦口霞未收潭心月初上

林嶼幾迴亭皇時偃仰歲晏訪蓬瀛真遊去外樊  
觀海

唐獨孤及

北登渤澥島迴首秦東門誰尸造物功鑿此天地源  
瀕洞吞百谷周流無四垠廓然混茫際望見天地根  
白日自中吐扶桑如可捫超遙蓬萊峰想像金臺存  
秦帝昔經此登臨冀飛翻揚旌百神會望日羣山奔  
徐福竟何成羨門徒空言唯見石橋足千年潮水痕  
和賀蘭判官望北海作

唐高適

地部

卷三

十四

湛湛朝百谷茫茫連九垓挹流納廣大觀異增遲迴  
日出見魚目月圓知蚌胎跡非想像到心以精靈猜  
遠色帶孤嶼虛聲涵殷雷風行越裳貢水過天吳災  
攬轡隼將擊忘機鷗復來緣情韻騷雅獨立遺塵埃  
吏道竟殊用翰林仍忝陪長鳴謝知己所媿非龍媒  
登高丘而望遠海

唐李白

登高丘望遠海六鼇背已霜三山流安在扶桑半摧  
折白日沈光彩銀臺金闕如夢中秦皇漢武空相待  
精衛費木石鼃鼃無所遇君不見驪山茂陵盡灰滅  
牧羊之子來攀登盜賊劫寶玉精靈竟何能窮兵黷

武今如此鼎湖飛龍安可乘

登東海龍興寺高頂望海簡演公

唐劉長卿

胸山壓海石永望開禪宮元氣遠相合太陽生其中  
豁然萬里餘獨爲百川雄白波走雷電黑霧藏魚龍  
變化非一狀晴明分衆容煙開秦帝橋隱隱橫殘虹  
蓬島如在眼羽人那可逢偶聞真僧言甚與靜者同  
幽意頗相愜賞心殊未窮花間午時梵雲外春山鐘  
誰念遽成別自憐歸所從他時相憶處惆悵西南峰

望海

唐周繇

地部

卷三

五

海

滄茫空泛日四顧絕人煙半浸中華岍笏通異域船  
島間應有國波外恐無天欲作乘槎客惟愁去隔年

登天壇夜見海

唐李益

朝遊碧峰三十六夜上天壇月邊宿仙人攜我攀玉  
英壇上夜半東方明仙鐘撞撞近海日海中離離三  
山出霞梯赤城遙可分霓旌絳節倚彤雲八鸞五鳳  
紛在御王母欲上朝元君群仙指此爲我說幾見塵  
飛滄海竭竦身別我期丹宮空山處處遺清風九州  
下視蒼未且一半浮生皆夢中始知武皇求不死去  
逐瀛洲羨門子

遊赤石進帆海

宋謝靈運

首夏猶清和芳艸亦未歇水宿淹晨暮陰霞屢興沒  
周覽倦瀛壖况乃凌窮髮川后時安流天吳靜不發  
揚帆採石華挂席拾海月溟漲無端倪虛舟有超越  
仲連輕齊組子牟眷魏闕矜名道不足適已物可忽  
請附任公言終然謝天伐

小臨海

梁劉孝威

碣石望山海留連降尊極秦帝任鉤陳漢家增禮秩  
石橋終不成桑田竟難測蜃氣遠生樓蛟人近潛織  
空勞帝女填詎動波神色

地部

卷三

六

入海二首

唐張說

乘桴入南海海曠不可臨茫茫失方面混沌如凝陰  
雲山相出沒天地互浮沈萬里無涯際云何測廣深  
潮波自盈縮安得會虛心

海上三神山逍遙集衆仙靈心豈不同變化無常全  
龍伯如人類一釣兩鰲懸金臺此淪沒玉真時播遷  
問子勞何事江上經幾年隰中生紅草所美非美然

海上作

唐宋務光

曠哉潮汐池大矣乾坤力浩浩去無際云云深不測  
崩騰欽衆流泱泱環中國鱗介錯殊品氛霞澆詭色

天波混莫分島樹遙難識漢主探靈怪秦皇恣遊陟  
搜奇大壑東竦望成山北方術徒相誤蓬萊安可得  
吾君略仙道至化孚淳默驚浪按窮冥飛航通絕域  
馬韓底厥貢龍伯修其職粵我遊休明匪躬期正直  
敢輸鷹隼驚以見豺狼忒海路行已殫輶軒未遑息  
勞歌玄月暮旅睇滄浪極魏闕眇雲端馳心負歸翼

歲暮海上作

唐孟浩然

仲尼既已沒予亦浮於海昏見斗柄回方知歲星改  
虛舟任所適垂釣非有待爲問乘槎人滄洲復何在

海人謠

唐王建

地部

卷三

十七

海人無家海裏住採珠役象爲歲賦惡波橫天山塞  
路未央宮中常滿庫

景龍四年春祠海

唐宋之問

肅事祠春溟宵齋洗蒙慮鷄鳴見日出驚下驚濤驚  
地闊八荒近天迴百川注筵端接空曲目外唯零霧  
暖氣物象來周遊晦明互致牲匪玄享禋祿期靈煦  
的的波際禽云云島間樹安期今何在方丈蔑尋路  
仙事與世隔冥搜徒已屢四明背羣山遺老莫辨處  
撫中良自慨弱齡忝恩遇三入文史林兩拜神仙署  
雖歎出關遠始知臨海趣賞來空自多理勝孰能喻

留楫竟何待徙倚忽云暮

○江

詠江

唐李嶠

日夕三江望靈潮萬里迴霞津錦浪動月浦綉花開  
湍似黃牛去濤如白馬來英靈已傑出誰識卿雲才

長江二首

唐杜甫

衆水會涪萬壘塘爭一門朝宗人共挹盜賊爾誰尊  
孤石隱如馬高羅垂飲猿歸心異波浪何事即飛翻

二

浩浩終不息乃知東極臨衆流歸海意萬國奉君心

地部

卷三

大

色借瀟湘濶聲驅灩澦深未辭添霧雨接上過衣襟

春江曲二首

唐張仲素

揜漾越江春相將采白蘋歸時不覺夜出浦月隨人

二

家寄征河岍征人幾歲遊不如潮水信每日到沙頭

越江秋曙

唐蕭穎士

扁舟東路達曉月下江濱欸欒信潮上蒼茫孤嶼分  
林聲寒動葉水氣曙連雲瞰日浪中出榜歌天際聞  
伯鸞常去國安道惜離群延首剡溪近詠言懷數君

曉江

唐權德輿

曉風搖五兩殘月映石壁稍稍曙光開片帆在空碧

奉和晚日楊子江應教

隋柳詵

大江都會所長洲有舊名西流控岷蜀東汎邇蓬瀛  
未覩纖羅動先聽濤聲空濛雲色晦映疊浪華生  
欲知暮雨歇當觀飛旆輕

奉和晚日楊子江應制

隋柳詵

詰旦金鏡發駟駕出城闌鮮雲臨葆蓋細艸藉斑輪  
千里煙霞色四望江山春梅風吹落蕊雨雨滅輕塵  
日斜歌未畢睿想良非一風生疊浪起霧捲孤帆出  
揆藻麗繁星高論光朝日空美鄒枚侶終謝淵雲筆

地部

卷三

九

江上吟

唐李白

木蘭之枻沙棠舟玉簫金管坐兩頭美酒樽中置千  
斛載妓隨波任去流仙人有待乘黃鶴海客無心隨  
白鷗屈平辭賦懸日月楚王臺榭空山丘興酣落筆  
搖五嶽詩成嘯傲凌滄洲功名富貴若長在漢水亦  
應西北流

江上曲

唐李嘉祐

江心澹澹芙蓉花江口蛾眉獨浣沙可憐應是陽臺  
女坐對鸕鷀嬌不語掩面羞看北地人迴身忽作巫  
山雨蒼梧秋色不堪論千載依依帝子魂君看峰上

斑斑竹盡是湘妃泣淚痕

九江口作

唐王昌齡

湓湓江勢濶雨開潯陽秋驛門是高岨望盡黃蘆洲  
水與五溪合心期萬里遊

江干

唐戴叔倫

江干望不極樓閣影繽紛水氣多爲雨人煙遠是雲  
予生何漢落客路轉辛勤楊柳牽愁思和春上翠裙

濟浙江

梁任昉

昧旦乘輕風江湖忽來往或與歸波送乍逐翻流上  
近岨無暇目遠峰更興想綠樹懸宿根丹崖頽久壤

地部

卷三

三

還渡浙江

梁劉孝綽

季秋弦望後輕寒朝夕殊商人泣紈扇客子夢羅襦  
憂來自難遣况復阻川隅日暮愁陰合繞樹噪寒鳥  
濛濛江煙上蒼茫沙嶼蕪解纜辭東越接輿驚西徂  
懸帆似馳驥飛棹若驚鳧言歸游俠窟方從冠蓋衢

初渡江

隋虞世基

夜渡江

唐姚元崇

夜渚帶浮煙蒼茫晦遠天舟輕不覺動纜急始知牽  
聽草逢尋岸聞香暗識蓮唯看孤帆影常恐客心懸

九江口南濟北接斬春南與潯陽岸

唐蘇味道

江路一悠哉，滔滔九派來。  
遠潭昏似霧，前浦沸成雷。  
鱗介多潛育，漁商幾汙洄。  
風搖蜀柁，日照楚萍開。  
近湫溢城曲，斜吹蕭澤隈。  
錫龜猶入貢，浮獸罷爲災。  
津吏挹撻疾，郵童整傳催。  
歸心詎可問，爲視落潮迴。

渡江

唐杜甫

春江不可渡，二月已風濤。  
舟楫欹斜疾，魚龍偃臥高。  
渚花張素錦，江艸亂青袍。  
戲問垂綸客，悠悠見汝曹。

橫江詞五首

唐李白

地部

卷十二

王

海潮南去過潯陽，牛渚由來險馬當。  
橫江欲渡風波惡，一水牽愁萬里長。

橫江西望阻西秦，漢水東連楊子津。  
白浪如山那可渡，狂風愁殺峭帆人。

海神來過惡風迴，浪打天門石壁開。  
溯江八月何如，此濤似南山噴雪來。

橫江館前津吏迎，向予東指海雲生。  
郎今欲渡緣何事，如此風波不可行。

月暈天風霧不開，海鯨東感百川迴。  
驚波一起三山動，公無渡河歸去來。

橫江館前津吏迎，向予東指海雲生。  
郎今欲渡緣何事，如此風波不可行。

月暈天風霧不開，海鯨東感百川迴。  
驚波一起三山動，公無渡河歸去來。

橫江館前津吏迎，向予東指海雲生。  
郎今欲渡緣何事，如此風波不可行。

月暈天風霧不開，海鯨東感百川迴。  
驚波一起三山動，公無渡河歸去來。

渡楊子江

唐孟浩然

桂楫中流望空波，兩畔明林開楊子。  
驛山山潤州城，海盡邊陰靜江寒。  
朔吹生更聞楓葉下，浙溼度秋聲。

渡浙江

唐盧綸

前船後船未相及，五兩頭平北風急。  
飛沙捲地日色昏，一半征帆浪花濕。

汎永康江

梁沈約

長枝萌紫葉，清源汎綠苔。  
山光浮水至，春色犯寒來。  
臨睨信永矣，望美暖悠哉。  
寄言幽閨妾，羅袖勿空裁。

奉和泛江

梁王臺卿

地部

卷十二

王

春江下白帝，畫舸回黃牛。  
錦纜回沙磧，蘭橈避荻洲。  
濕花隨水泛，空巢逐樹流。  
建平船楫下，荆門戰艦浮。

岷社多喬木，山城足迴樓。  
日落江風靜，龍吟迴上游。

和樂記室憶江水

隋庾抱

遙想觀濤處，猶憶採蓮歌。  
無因關塞棄，共下洞庭波。

江行

梁江洪

日沒風光靜，遠山清無雲。  
潮落晚洲出，浪罷沙成文。  
挾琴上高岵，望月彈明君。  
去家未千里，斷絕怨離群。

江行

唐戴叔倫

濠舟晴川裏，挂席候風生。  
臨泛何容與，愛此江水平。

蘆洲隱遙嶂露日孤城自願疎野性屢忘歸鳥情  
聊復於時顧暫欲解塵纓驅馳非吾願虛懷浩已盈

江行

唐柳中庸

繁陰乍隱洲落葉初飛浦蕭蕭客舟帆暮入寒江雨

江行夜詠

唐權德輿

援聲到枕上愁夢紛難理寂寂深夜寒清霜落秋水

新安江行

唐章八元

江源南去永野渡暫維梢古戍懸魚網空林露鳥巢  
雪晴山脊見沙淺浪痕交自笑無媒者逢人即解嘲

入郴江

隋薛道衡

地部

卷三

三

仗節遵嚴會揚舲汴急流征塗非白馬水勢類黃牛

跳波鳴石磧濺沫擁沙洲岍迴槎倒轉灘長船却浮

綠甍頻斷挽桂壁屢移鈎還憶青絲騎東方來上頭

入龍州江

唐宋之問

孤舟泛盈盈江流日縱橫夜雜蛟螭寢晨披瘴癘行

潭蒸水沫起山熱火雲生猿攖時能嘯爲飛莫敢鳴

海窮南徼盡鄉遠北魂驚泣向文身國悲看鑿齒氓

地偏多育蠱風惡好相鯨余本巖棲客悠哉慕玉京

厚恩常顧答薄宦不祈成違隱乖求志披荒爲近名

鏡愁玄髮改心負紫芝榮運啓中興曆時逢外域清

祗應保忠信延促付神明

歲暮自廣江新興往復中題峽山寺四首

唐許渾

夜醉晨方醒孤吟恐失群海鱗潮上見江鵠霧中聞

未臘梅先實經冬草自薰樹隨山崦合泉到石稜分

虎跡空林雨援聲絕嶺雲蕭蕭異鄉鬢明日共絲焚

二

薄暮緣西峽停橈一訪僧鷺巢橫臥柳援飲倒垂藤

水曲巖千疊雲重樹百層山風寒殿磬溪雨夜船燈

灘漲危槎沒泉衝怪石崩中臺一襟淚歲杪別良朋

地部

卷三

三

三

密樹分蒼壁長溪抱碧岑山風聞鶴遠潭日見魚深

松蓋環清韻榕根架綠陰洞丁多斲石蠻女半陶金

瑞州新石塗泥  
縣金爲業

南浦驚春至西樓送月沈江流不過

嶺何處寄歸音

四

月在行人起千峰復萬峰海虛爭翡翠溪邏關芙蓉

古水高生榭陰池滿種松火探深洞燕香送遠潭龍

藍塢寒先燒禾堂晚併春更投何處宿西峽隔雲鐘

荆門浮舟望蜀江

唐李白



春水月峽來浮舟望安極正見桃花流依然錦江色  
江色綠且明蒹葭與天平遙迤巴山盡搖曳楚雲行  
雪照聚沙鴈花飛出谷鸛芳洲却已轉碧樹森森迎  
流目浦煙夕揚帆海月生江陵識遠火應到渚宮城  
晴江秋望  
唐崔季卿

宿建德江

唐孟浩然

移舟泊滄渚日暮客愁新野曠天低樹江清月近人  
泊楊子岾  
唐祖詠

地部

卷三

五

晚次荊江

唐戎昱

纔入維揚郡鄉關此路遙林藏初過雨風退欲歸潮  
江火明沙岾雲帆礙浦橋客衣今日薄寒氣近來饒  
孤舟大江水水涉無昏曙雨暗迷津時雲生望鄉處  
漁翁閒自樂樵客紛多慮秋色湖上山歸心日邊樹  
徒稱竹箭美未得楓林趣向夕垂釣還吾從落潮去

自豫章南還江上作

唐張九齡

歸去南江水磷磷見底清轉逢空濶處聊洗滯留情  
浦樹遙如待江鷗近若迎津塗別有趣况乃濯吾纓

廣州江中作

唐張說

去國歲方晏愁心轉不堪離人與江水終日向西南  
夜渡吳松江懷古  
唐宋之問

江行有懷

唐孫逖

秋水明川路輕舟轉石圻霜多山橘熟寒至浦禽稀  
飛席乘風勢迴流蕩日暉晝行疑海若夕夢識江妃  
野霽看吳盡天長望洛非不知何歲月一似暮潮歸  
新安江至清淺深見底貽京邑遊好

地部

卷三

五

梁沈約

眷言訪丹客茲川信可珍洞徹隨清淺皎鏡無冬春  
千仞寫喬樹百丈見游鱗滄浪有時濁清濟涸無津  
豈若乘斯去俯映石磷磷紛吾隔踰滓寧假濯衣巾  
願以潺湲水霑君纓上塵

暮秋楊子江寄孟浩然

唐劉昫

木葉紛紛下東南日雨霜林山相晚暮天海空蒼蒼  
暝色况復久秋聲亦何長孤舟兼微月獨夜仍越鄉  
寒笛對京口故人在襄陽詠思勞今夕江漢遙相望

宿永嘉江寄崔少府

唐孟浩然

我行窮水國君使入秦華相去日千里孤帆天一涯  
臥聞海潮至起視江月斜借問同舟客何時到永嘉  
晚渡楊子江卻寄江南親故 唐權德輿中  
返照滿寒流輕舟任搖蕩支願見千里煙景非一狀  
遠岫有無中片帆風水上天清去鳥滅浦迥寒沙漲  
樹晚疊秋嵐江空翻宿浪胸中千萬慮對此一清曠  
迴首碧雲深佳人不可望

渡吳江別王長史

唐宋之間中

倚棹望茲川銷翫獨黯然鄉連江北樹雲斷日南天  
劍別龍初沒書成鴈不傳離舟意無限催渡復催年  
地部 卷三十一

送杜越江佐觀省往新安江

唐劉長卿中

去帆楚天外望遠愁復積想見新安江扁舟一行客  
清流數千丈底下看白石色混元氣深波連洞庭碧  
鳴榔去未已前路行可覲猿鳥悲啾啾杉松雨聲夕  
送君東赴歸寧期新安江水遠相隨見說江中孤嶼  
在此行應賦謝公詩

送康判官往新安賦得江路西南水

唐皇甫冉中

不向新安去那知江路長猿聲比廬岳水色勝瀟湘  
驛樹收殘雨漁家帶夕陽何須愁旅泊使君有輝光

○曲江

曲江二首

唐杜甫盛

一片花飛減却春風飄萬點正愁人且看欲盡花經  
眼莫厭傷多酒入脣江上小堂巢翡翠苑邊高塚臥  
麒麟細推物理須行樂何用浮名絆此身  
朝回日日典春衣每日江頭盡醉歸酒債尋常行處  
有人生七十古來稀穿花蛺蝶深深見點水蜻蜓款  
款飛傳語風光共流轉暫時相賞莫相違

曲江

唐鄭谷晚

細草弄西東酒旗搖水風樓臺在煙杪鷗鷺下沙中  
地部 卷三十一

翠幄晴相接芳洲夜暫空何人賞秋景興與此時同

奉和聖製賜史供奉曲江宴應制

唐王維盛

侍從有鄒枚瓊筵就水開言陪柏梁宴新下建章來  
對酒山河滿移舟草樹迴天文同麗日駐景惜行杯  
曲江對酒 唐杜甫盛

苑外江頭坐不歸水精春殿轉霏微桃花細逐楊花  
落黃鳥時兼白鳥飛縱飲久判人共棄懶朝真與世  
相違吏情更覺滄洲遠老大傷悲未拂衣

曲江值雨

唐杜甫盛

城上春雲覆苑牆江亭晚色靜年芳林花著雨燕支  
落水荇牽風翠帶長龍武新軍深駐輦芙蓉別殿謾  
焚香何時詔此金錢會暫醉佳人錦瑟傍

曲江春望

唐羅鄴

故國東歸澤國遙曲江晴望憶漁樵都緣北闕春先  
到不是南山雪易消瑞景玉樓開組繡歡聲丹禁奏  
雲韶雖然未得陪鴛鴦亦將金觴祝帝堯

早春獨遊曲江

唐白居易

散職無羈束羸驂少送迎朝從直城出春傍曲江行  
風起池東暖雲開山北晴冰銷泉脉動雪盡草芽生

地部

卷五

无

曲江

露杏紅初拆煙楊綠未成影遲新度鴈聲澀欲啼鶯  
閑地心俱靜韶光眼共明酒狂憐性逸藥効喜身輕  
慵慢疎人事幽棲遂野情迴看雲閣笑不似有浮名

曲江獨行招張十八

唐白居易

曲江新歲後水與水相和南畔復殘雪東風未有波  
偶遊身獨自相憶意如何莫待春深去花時鞍馬多

詩集類函卷二十二

詩集類函卷二十三

東吳俞安期彙纂 宣城梅鼎祚增定

橋李沈豫昌訂校

地部八

河水 淮水 濟水 伊水 龍門 漢水 渭水 洛水 並附 隴水 川

○河

詠河

唐李嶠

源出崑崙中長波接漢空桃花來馬頰竹箭入龍宮  
德水千年變榮光五色通若披蘭葉檢

黃河

唐羅隱

地部

卷五

一

河

解通銀漢應須曲纔出崑崙便不清高祖誓功衣帶  
小仙人占斗客槎輕

渡黃河

梁范雲

河流迅且濁湯湯不可凌檜楫難為楫松舟纔自勝  
空庭偃舊木荒疇餘故塋不覩人行跡但見狐兔興  
寄言河上老此水何當澄

濟黃河應教

梁謝微

積陰晦平陸淒風結暮序朝辭金谷戍

一作夕迴黃

河渚赤兔徒聯翩青鳬詎容與淚甚聲難發悲多神  
未舉虛薄謬君恩方嗟別宛許

濟黃河

陳江總

慈山淪外域鹽澤隱遐方兩源分際遠九道派流長  
未殫所聞見無待驗詞章留連嗟太史惆悵踐黎陽  
導波繁地節一作脉疏氣耿天潢憫周沈用寶嘉晉肇  
爲梁

奉和濟黃河應教

北齊蕭慤

大蕃連帝室驂駕奉皇猷未明驅羽騎凌晨方謁舟  
津城度維錦岍柳夾緹油鐘一作鏡聲颺別島旗影照  
滄流早先生劍服朝風起節樓滔滔細波動裔裔輕  
舳浮迴橈避近磧放舳下前洲全疑上天漢不異謁  
地部

卷三

上

河

蓬丘望知雲氣合聽識水聲秋從君何等樂喜從神  
仙遊

渡河北

北周王褒

秋風吹木葉還似洞庭波常山臨代郡亭障繞黃河  
心悲異方樂腸斷隴頭歌薄暮臨征馬失道北山阿

渡河北

隋薛道衡

連旌映激浦疊鼓拂沙一作河洲桃花長新浪竹箭下  
奔流塞雲臨遠艦胡風入陣樓劍拔蛟將出駭驚龍  
欲浮鴈書終立效燕相果封侯勿恨關河遠且寬邊  
地愁

晚渡黃河

唐駱賓王

千里尋歸路一葦亂平源遙波連馬頰迸水急龍門  
照日榮光轉驚風瑞浪翻棹唱臨風斷樵謳入聽喧  
岍迴秋霞落潭秋夕霧繁誰堪近川上日暮他鄉冤

夜入黃河

唐儲光義

中宵大川靜解纜逐歸流浦漱既清曠公涸非阻脩  
登艫望落月擊汰悲新秋倘遇乘槎客永言星漢遊

渡河到清河作

唐王維

泛舟大河裏積水窮天涯天波忽開圻郡邑千萬家  
行復見城市宛然有桑麻迴瞻舊鄉國綠漫連雲霞

地部

卷三

三

河

公無渡河

梁劉孝威

請公無渡河河廣風威厲檣偃落金烏舟傾沒犀棹  
紆蓋空嚴祠白馬徒生祭街石傷寡心崩城掩嫺袂  
劍飛猶共水冤沈理俱逝君爲川后臣妾作江妃娣

公無渡河

陳張正見

金堤分錦纜白馬渡蓮舟風嚴歌響絕浪湧一作榜  
入愁權折桃花水颿橫竹箭流何言沈璧處千載偶  
陽侯

早發成皇望河

唐劉孝孫

清晨發嚴邑車馬走轅轅迴瞰黃河上惆悵屢飛冤

鴻流導積石驚浪下龍門仙槎不辨處沈壁想猶存  
遠近洲渚出颯杳鳬鴈喧懷古空延佇歎逝將何言

清河作

魏文帝

方舟戲長水湛澹一作澹自浮沈絃歌發中流悲響有

餘音一作悲風音聲入君懷悽愴傷人心心傷安所

念但願恩情深願爲晨風鳥雙飛翔北林

泛黃河

唐孟郊

誰開崑崙源流出混沌河積雨一作羽飛作風驚龍噴

爲波湘瑟颼颼絃越賓一作客嗚咽歌雙眼不可洗虛

此來經過

地部

卷三

四

河

題瓜洲新河

唐李白

齊公鑿新河萬古流不絕兩橋對雙閣芳樹有行列

吳關倚此固天險自茲設海水落斗門平湖見沙汭

叶音女

送襄陽盧判官奏開河事

唐錢起

千里趨魏闕一言簡聖聰河流引關外國用瞻秦中

有詔許其策隨山興此功連雲積石阻計日安波通

飛棹轉年穀利人勝歲豐言歸漢陽路拜首逢萊宮

紫殿賜衣出青門酣酌同晚陽過微雨秋水見新鴻

坐惜去車遠愁看離館空因思郢川守南楚滿清風

瓠子歌二首漢書武帝紀曰元封二年四月作

卒數萬人塞瓠子決河還自臨祭湛白馬王

壁令羣臣從官皆負薪塞決河時東郡燒

以故薪少乃下淇園之竹以爲棧上既臨河

決悼其功之不就爲作歌詩二章於是卒塞

瓠子築宮

瓠子決今將奈何浩浩洋洋一作皓皓今慮殫爲河殫

爲河今地不得寧功無已時今吾山平吾山平今鉅

野溢魚弗鬱今柏冬日正道弛今離常流蛟龍騁今

放一作方遠遊歸舊川今神哉沛不封禪今安知外爲

我謂河伯今何不仁一作公今何不仁泛濫不止今愁吾

人鬻桑浮今淮泗滿久不返今水維緩吾山之吾音

地部

卷三

五

河

河湯湯兮激潏潏北渡回今迅流難攀長笺兮湛美

玉湛讀河伯一作公許今薪不屬薪不屬今衛人罪燒

蕭條今噫乎何以禦水噴林竹今捷石其宣防

塞兮萬福來

河銘附

洋洋河水赴宗于海經自中州龍圖所在昔周武諸

侯會于孟津魚入王舟乃往冠殿大漢承緒懷附遐

鄰邦事來濟各貢厥珍

渾渾洪河家國之濱襟帶晉衛領袖齊秦龍門誕溜  
積石傳津乘運能有經啟天人化流上帝時表初星  
飛書曝瑞龍圖照神協靈既偉通氣載榮

○淮

齊附

早渡淮

隋煬帝

平淮旣森森曉霧復霏霏淮甸未分色決滌共晨暉  
晴霞轉孤嶼錦帆出長圻潮魚時躍浪沙禽鳴欲飛  
會待高秋晚愁因逝水歸

奉和出穎至淮應令

隋諸葛穎

步賴倦紆迴浮淮欣迴直遙村含水氣達浦澄天色

地部

卷三十三

六

靈濤稍欲近仙巖行可識玄覽屬睿辭風雲有餘力

奉和出穎至淮應令

隋蔡允恭

久倦川涂曲忽此望淮圻波長泛森森眺迴情依依  
稍覺金鳥轉漸見錦帆稀欲知仁化洽謳歌滿路歸

奉和出穎至淮應令

隋弘執恭

睿情欣逸賞臨泛入淮肥棹聲喧岸度颿影出雲飛  
清流含日彩犇浪蕩霞暉還如漳水曲鳴笳啟路歸

奉和出穎至淮應令

隋虞世南

良晨喜利涉解纜入淮潯寒流泛鷁首霜吹響哀吟  
潛鱗波裏躍水鳥浪前沈邦溝非復遠悵望悅宸襟

早發淮口望盱眙

唐駱賓王

養蒙分四瀆習坎奠三荆徙帝留餘地封王表舊城  
岍昏涵蜃氣潮滿應雞聲洲迴連沙靜川虛積溜明  
一朝從捧檄千里倦懸旌背流桐柏遠逗浦水蘭輕  
小山迷隱路大塊切勞生唯有貞心在獨映寒潭清

早過臨淮

唐陶翰

夜來三渚風晨過臨淮島潮中海氣白城上楚雲早  
鱗鱗漁浦帆濟濟蘆洲艸川路日浩蕩怒焉心如擣  
且言任倚伏何暇念枯槁范子名屢移遽公志常保  
古人去已久此理今難道

地部

卷三十三

七

夜渡淮

唐閻丘曉

舟人自相報落日下芳潭夜火連河市春風滿客帆  
水窮滄海畔路盡小山南且喜鄉園近能令意味甘

渡淮

唐白居易

淮水東南闊無風渡亦難孤煙生乍直遠樹望多圓  
春浪棹聲急夕陽帆影殘清流宜映月今夜重吟看

與諸公遊濟瀆泛舟

唐李頎

濟水出王屋其源來不窮汎泉數眼沸平地清流通  
皇帝崇祀典詔書視三公分官禱靈廟莫壁沈河宮  
神應每如答松篁氣葱龍蒼螭送飛雨赤鯉噴回風



酒酒布瑤席吹簫下  
重玄冥掌陰事祝史告年豐  
百谷趨潭底三光懸鏡中  
淺深露沙石蘋藻生虛空  
晚景臨泛美亭臯輕雷紅晴山  
傍舟楫白鷺驚絲桐  
我本家穎北出門見維嵩  
焉知松峰外猶有天壇東  
左手正接離浩歌  
青霄吏猶傲清吏偃仰漁翁  
對此川上聞非君誰與同  
霜凝遠村渚月淨兼葭叢  
茲境信難與爲歡殊未終  
淹留悵言別煙雨夕微蒙

○漢水

玩漢水

梁簡文帝

維色崑崙水泓澄龍首渠  
豈若茲川麗清流疾且徐

地部

卷三十三

入

漢水

離離細磧淨藹藹樹陰疎  
石衣隨溜卷水芝扶浪舒  
連翩瀉去楫鏡澈倒蓬墟  
聊持點纓上於是察川魚

觀漢水

唐梁洽

盛

發源自嶓冢東注經襄陽  
一道入溟渤別流爲滄浪  
求思詠遊女投弔悲昭王  
水濱不可問日暮空湯湯

渡漢江

唐李百藥

初

東流既瀾瀾南紀信滔滔  
水急沈碑岬波駭弄珠臯  
含星映殘石浮蓋下奔濤  
溜澗霞光近川長曉氣高  
檣烏轉輕翼戲鳥落風毛  
客心既多緒長歌且代勞

王師渡漢水經襄陽

唐李百藥

初

導漾疏源遠歸海會流長  
延波接荆夢通望邇沮漳  
高岬沈碑影曲激麗珠光  
雲昏翠島沒水廣素濤揚  
閩川已多歎遐睎幾增傷  
臨溪猶駐馬望峴欲沾裳  
喬木下寒葉亭林落曉霜  
山公不可過誰與訪高陽

與鮮于庶子泛漢江

唐岑參

盛

急管更須吹杯行莫遣遲  
酒光紅琥珀江色碧瑠瑯  
日影浮歸棹蘆花罨釣絲  
山公醉不醉問取葛疆知

漢江臨汎

唐王維

盛

楚塞三湘接荆門九派通  
江流天地外山色有無中  
郡邑浮前浦波瀾動遠空  
襄陽好風日留醉與山翁

地部

卷三十三

九

漢水

金陵望漢水

唐李白

盛

漢江迴萬里派作九龍盤  
橫潰豁中國崔嵬飛迅湍  
六帝淪亡後三吳不足觀  
我君混區宇垂拱衆流安  
今日任公子滄浪罷釣竿

漢江宴別

唐宋之問

初

漢廣不分天舟移杳若仙  
秋虹映晚日江鶴弄晴煙  
積水浮冠蓋遙風逐管絃  
嬉遊不可極留恨此山川  
渡漢江去年春奉使東川  
經嶓冢山下

渡漢江去年春奉使東川經嶓冢山下

唐元稹

中

嶓冢去年尋漢水襄陽今日渡江濱  
山遙遠樹纔成

點浦靜沈碑欲辨文萬里朝宗誠可羨百川流入渺  
難分鯢鯨歸穴東溟溢又作波濤隨伍員

○湘水

和傅郎歲暮還湘洲

陳陰鏗

蒼蒨歲欲晚辛苦客方行大江靜猶浪扁舟獨且征  
棠枯絳葉盡蘆凍白花輕戍人寒不望沙禽迴未驚  
湘波各深淺空軫念歸情

渡湘江

唐杜審言  
初

遲日園林悲昔遊今春花鳥作邊愁獨憐京國人南  
窺不似湘江水北流

地部

卷三三

十一 湘水

晚泊湘江

唐宋之問  
初

五嶺悽惶客三湘顚顚顏况復秋雨霽裏見衡山  
路逐鵬南轉心依鴈北還唯餘望鄉淚更染竹成斑  
使還湘水

唐張九齡  
初

歸舟宛何處正值楚江平夕逗煙村宿朝緣浦樹行  
于役已彌歲言旋今愜情鄉郊尚千里流目夏雲生

自湘水南行

唐張九齡  
初

落日催行舫逶迤洲渚間誰云有物役乘此更休閒  
暝色生前浦清暉發近山中流澹容餘唯愛鳥飛還

湘中作

唐張九齡  
初

湘流繞南岳絕目轉青青懷祿未能已瞻途屢所經  
煙嶼宜春望林猿莫夜聽永路日多緒孤舟天復冥  
浮沒從此去嗟嗟勞我形

夜渡湘水

唐孟浩然  
盛

客行貪利涉夜裏渡湘川露氣聞芳杜歌聲識采蓮  
榜人投斫火漁子宿潭煙行侶時相問潯陽何處邊

瀟湘遊

唐劉言史  
中

夷女采山蕉緝紗浸江水野花滿髻妝花新開歌歎  
乃深峽裏歎乃知從何處生當時泣舜斷腸聲翠華  
寂寞嬋娟沒野條空餘紅淚情青煙冥冥覆杉桂崖

地部

卷三三

十一

湘水

壁參天風雨細昔人幽恨此地遺綠芳紅豔含怨姿  
清猿未盡麗鼠切汨水流到湘妃祠北人莫作瀟湘  
遊九疑雲入蒼梧愁

湘南卽事

唐戴叔倫  
中

盧橘花開楓葉衰出門何處望京師沅湘日夜東流  
去不爲愁人住少時

○洛水

詠洛

唐李嶠  
初

九洛韶光媚三川物候新花明丹鳳浦日映玉鷄津  
元禮期仙客陳王觀麗人神龜方錫瑞綠字佇來臻

渡洛水

唐太宗

春蒐馳駿骨總轡俯長河霞處流縈錦風前漾卷羅  
水花翻照樹堤蘭創插波豈必汾陰曲秋雲發棹歌

奉和進船洛水應制

唐薛稷

禁園紆睂覽仙棹叶宸遊洛北風花樹江南彩畫舟  
榮生蘭蕙艸春入鳳凰樓興盡誰言暮煙光起夕流

奉和受圖溫洛應制

垂拱四年五月庚申同三

日聖母臨人永昌帝業使人獻之曰瑞石文  
水太后喜命曰寶圖詔當拜洛受圖史宗祇並  
郊御明堂朝羣臣命諸州都督刺史宗祇並  
會神都先加尊號乙亥加尊號為聖母神皇  
七月丁巳大赦改寶圖為天授聖圖洛水為  
永昌洛水封其神為顯聖侯加特進禁漁釣

地部

卷三

洛水

十二月巳酉太后拜洛受圖皇太子皆  
從內外百官蠻夷酋長各依方敘立文物  
薄之盛唐典以

唐李嶠

七萃鸞輿動千年瑞檢開文如龜負出圖似鳳銜來  
殷薦三神享明禋萬國陪周旗黃鳥集漢幄紫雲迴

日暮鉤陳轉清歌上帝臺

奉和受圖溫洛應制

唐蘇味道

綠綺膺河檢青壇俯洛濱天旋俄制蹕孝享屬嚴禋  
陟配光三祖懷柔洽百神霧開中道日雪斂屬車塵  
預奉咸英奏長歌億萬春

奉和受圖溫洛應制

唐牛鳳及

八神承玉輦六羽警瑤溪戒道伊川北通津澗水西  
御圖開洛置刻石與天齊瑞日波中上仙禽霧裏低  
微臣矯弱翮抃舞接鸞鷖

涉洛川

唐李商隱

通谷陽林不見人我來遺恨古時春宓妃漫結無窮  
恨不為君王殺灌均灌均陳王之典籤

祠洛水歌

一作秦始皇歌古今樂府曰秦始皇  
祠洛水有黑頭公從河中出呼始皇

乃與羣臣作歌

洛陽之水其色蒼蒼祠祭大澤倏忽南臨一作征  
洛濱醊禱色連三光

地部

卷三

洛水

洛水銘

漢李尤

洛出熊耳東流會集夏禹導疏經於洛邑玄龜赤字  
漢符是立帝都通路建國南鄉萬乘終濟造舟為梁  
三都五府貢篚萬方廣視遠聽審任賢良元首昭明  
庶類是康

伊水

龍門北溪附

晚渡伊水

唐韋述

悠悠涉伊水伊水清見石是時春向深兩岬艸如積  
迢遞望洲嶼逶迤亘津陌新樹落疎紅遙原上新碧  
回首瞻洛陽遠有長山隔煙霧猶辨家風塵已為客

登陟多異趣往來見行役雲起早已昏鳥飛日將夕  
光陰逝不借超然慕疇昔遠遊亦何爲歸來存竹帛

伊水門

唐樓穎

朝陟伊水門伊水入門流愜心乃成興澹然泛孤舟  
霏微傍青靄容與隨白鷗竹陰交前浦柳花媚中洲  
日落陰雲生彌覺茲路幽聊以恣所適此外知何求  
偶遊龍門北溪忽懷驪山別業呈諸留守

唐韋嗣立

幽谷杜陵邊風煙別幾年偶來伊水曲溪嶂各依然  
俯浦憐芳樹尋崖愛綠泉嶺雲隨馬足山鳥向人前

地部

卷三

十四

伊水

地合心俱靜言因理自玄短才叨重寄尸祿愧妨賢  
每揖挂冠侶思從初服旋稻梁仍欲報歲月坐空捐  
助嶽無纖塊輸溟謝末涓還悟北轅失方求南澗田

奉詔龍門北溪作

唐張說

石澗泉虛落松崖路曲迴聞君北溪下想像南山隈  
近念鼎湖別遙思雲障陪不同奇觀往空觀斯文來  
歲候寒初變春前芳未開黃蕤裊柳紫萼折春梅  
盡室茲遊翫盈門幾樂哉嗟遊洛陽陌夢詣建章臺  
野失巢由性朝非元凱才布懷欽遠迹幽意日塵埃

奉詔龍門北溪作

唐崔泰之

關塞臨伊水驪山枕灞川俱臨隱路側同在帝城邊  
謝公兼出處攜妓翫林泉鳴騶噴梅雪飛蓋曳松煙  
聞琴幽谷裏看奕古巖前落月低幃帳歸雲繞管絃  
叨榮歸北闕微尚愛東田寂寞灰心盡蕭條塵事捐  
朝思登覽絕夜夢弄潺湲宿懷南澗意况睹北巖篇

奉詔龍門北溪作

唐崔日知

夙齡秉微尚中年忽有隣以茲山水癖遂得狎通人  
迨我南京道聞君北業新巖前窺石鏡河畔踏芳茵  
既憐伊浦渌復憶灞池春連詞謝家子同歡蕝野賓  
趣聞魚共樂情洽鳥來馴誰念昔遊者祇命獨留秦

地部

卷三

十五

龍門北溪

蕭條賴陽戀沖漠漢陰真無由陪勝躅空此託詩筠  
有美朝爲貴幽尋地自偏踐臨伊水洊想望灞池邊

奉詔龍門北溪作

唐魏知古

是遇皆新賞茲遊若舊年藤蘿隱路接楊柳御溝聯  
道愜神王機忘俗理捐遂初誠已重兼濟實爲賢  
跡是東山戀心唯北闕懸顧慚經拾紫多謝賦思玄  
未躡中林步空承上藻傳陽春和已寡扣寂意徒然  
自湯還都經龍門北溪贈張左丞崔禮部崔光

祿有序

唐韋嗣立

僕自湯還都經龍門北溪莊張左丞崔禮部崔光

祿並枉垂顧數公宿敦道義雅尚林壑謂急於幽  
尋故此命駕遂不知別有勝賞偶然相過寒暄未  
周神意已往雲霞之致茂而不存逸轡放驅清塵  
徒企耿耿不已而贈是詩

樓間有愚谷好事枉前軒樹接前驅擁巖傳後騎喧  
寨簾出野院植杖候柴門既拂林下席仍攜池上樽  
深期契幽賞實爲展歡言未終誠未易佳時遊更敦  
俄看肅儔侶各已共飛騫延睇盡朝日長懷通夜覓  
空聞岍竹動徒見浦花繁多愧春鶯曲相求意獨存  
訓章祭酒自湯還都經龍門北溪見贈

地部

卷三

六

龍門北溪

唐張說初

聞君湯井至瀟灑憩郊林拂曙攜清賞披雲觀綠岑  
歡言遊覽意欸曲望歸心是日期嘉客同山忽異尋  
桃源花路轉楊柳澗門深泛舟伊水漲繫馬香樹陰  
繁絃弄水族嬌吹狎沙禽春滿河色媚景斜嵐氣侵  
懷仁殊未達重德匪專臨來藻敷幽思連詞報所欽

○渭水

涇水 漣水並附

至渭源

北周滕王道

渭源奔禹穴輕瀾起客亭淺淺平聲滿澗響蕩蕩平聲竟川  
鳴潘生稱運石馮子聽波聲斜去臨天半橫來對始

平合流應不雜方知性本清

望渭水

北周庾信

樹似新亭岍沙如龍尾灣猶言吟暝浦應有落帆還

奉和春日臨渭水應令

隋柳詵

飲馬投錢岍解釣剖黃津風絲曳香餌覆杯懷昔人

臨渭源

隋楊帝

西征乃屆此山路亦悠悠地幹紀靈異同穴吐洪流  
濫觴何足擬浮槎難可儔驚波鳴澗石澄岍瀉巖樓  
滔滔下秋縣森森肆神州長林嘯白獸雲徑想青牛  
風歸花葉散日舉煙霧收直爲求人隱非窮轍迹遊

地部

卷三

七

渭水

奉和臨渭源應詔

隋薛道衡

玄功復禹迹至德去湯羅玉關亭障遠金方水石多  
八川茲一態萬里導長波驚流注陸海激浪象天河  
三輔黃圖云渭水貫都象天河鸞旗歷巖谷龍穴暫經過西老陪遊  
宴南風起詠歌庶品蒙仁澤生靈穆太和微臣惜暮  
景願駐魯陽戈

西過渭州見渭水思秦州

唐岑參

渭水東流去何時到雍州憑添兩行淚寄向故園流

涇水

韋挺

決渠濁流屬渭清津流亦毒晉靈嘗崇秦

日暮望涇水

唐徐玟初

導源經隴阪屬內貫羸都下瀨波常急迴圻漚亦紆  
毒流秦卒斃泥糞漢田腴獨有迷津客懷歸漸暮途

侍宴涇水賦得濃字

關中入水有涇水出藍田谷合金谷水非至瀨城入

瀨出入上林苑

唐張說初

千行發御柳一葉下仙筇青浦宸遊至朱城紫氣濃

雲霞交暮色草樹喜春容藹藹天旗轉清笳入九重

侍宴涇水賦得長字

唐宗楚客初

御輦出明光乘流泛羽觴珠胎隨月減玉漏與年長

寒盡梅猶白風遲柳未黃日斜旌騎轉休氣展林塘

地部

卷三十三

十八

涇水

安州道中經涇水有懷

唐劉長卿中

征途逢涇水忽似到秦川借問朝天處猶看落日邊

映沙晴漾漾出澗夜濺濺欲寄西歸恨微波不可傳

○隴頭水

隴頭歌一首

秦川記曰隴西郡隴山其上懸巖吐溜於中嶺泉源因名萬石泉泉溢漫散而下溝澮皆注故北人升此而歌云

云按漢橫吹曲有隴頭而亡其詞此或遺也梁鼓角橫吹亦載此

古辭

隴頭流水流離四下念我行役飄然曠野登高望遠

涕零雙墮

隴頭流水鳴聲幽咽遙望秦川肝腸斷絕

隴頭水二首

陳後主

塞外飛蓬征隴頭流水鳴漢處揚沙暗波中燥葉輕  
地風水易厚寒深流轉清登山一回顧幽咽動邊情

二

高隴多悲風寒聲起夜叢禽飛暗識路鳥轉逐征蓬

落葉時驚沫移沙屢擁空回頭不見望流水玉門東

隴頭水

陳江總

隴頭萬里外天涯四面絕人將蓬共轉水與啼俱咽

驚湍自涌沸古樹多摧折傳聞博望侯苦辛提漢節

隴頭水

陳謝燮

地部

卷三十三

九

隴頭水

隴阪望咸陽征人慘思腸咽流喧斷岍游沫聚飛梁

晁分斂水彩虹飲照旗光試聽饒歌曲唯吟君馬黃

隴頭水

陳張正見

隴頭鳴四注征人逐貳師羌笛含流咽胡笳雜水悲

湍高飛轉駛澗淺蕩還遲前旌去不見上路杳無期

隴頭水

通典曰天水郡有大阪名曰隴坻亦曰隴山即漢隴關也三秦記曰其阪九回上者七日乃越上有清水

四注下所謂隴頭水也

唐楊師道初

隴頭秋月明隴水帶關城笳添離別曲風送斷腸聲

映雪峰猶暗乘水馬屢驚霧中寒鴈至沙上轉蓬輕

天山傳羽檄漢地急徵兵陣開都護道劍聚伏波營



於茲覺無度方共濯胡纓

隴頭水

唐沈佺期  
初

隴山飛落葉隴鴈度寒天愁見三秋水分爲兩地泉  
西流入羌郡東下向秦川征客重回首肝腸空自憐

隴頭水

唐王建  
中

隴水何年隴頭別不在山中亦鳴咽征人塞耳馬不  
行未到隴頭聞水聲謂是西流入蒲海還聞北去繞  
龍城隴東隴西多屈曲野麋飲水長簇簇胡兵夜回  
水傍住憶著來時磨劍處向前無井復無泉放馬迴  
看隴頭樹

地部

卷三三

千

隴頭水

隴頭水

唐僧皎然

隴頭心欲絕隴水不堪聞碎影搖槍壘寒聲咽幔軍  
素從鹽海積綠帶柳城分日落天邊望逶迤入塞雲

隴頭水

唐羅隱  
晚

借問隴頭水年年恨何事全疑鳴咽聲中有征人淚  
自古無長策况我非深智何計謝潺湲一宵空不寐

經隴頭分水

唐岑參  
盛

隴水何年有潺潺通路傍東西流不歇曾斷幾人腸

○川

遊斜川

晉陶淵明

辛丑歲正月五日天氣澄和風物閒美與二三隣  
曲同遊斜川臨長流望曾城魴鯉躍鱗於將夕水  
鷗乘和以翻飛彼南阜者名實舊矣不復乃爲嗟  
嘆若夫曾城俯無依接獨秀中臯遙望靈山有愛  
嘉名欣對不足率爾賦詩悲日月之遂往悼吾年  
之不留各疏年紀鄉里以記其時日

開歲倏五日吾生行歸休念之動中懷及辰爲茲遊  
氣和天維澄班坐依遠流弱湍馳文魴閒谷矯鳴鷗  
迴澤散游目緬然睇曾丘雖微九重秀顧瞻無匹儔  
提壺接賓侶引滿更獻酬未知從今去當復如此不

地部

卷三三

千

川

中川長望

梁王僧孺

中觴縱遙情忘彼千載憂且極今朝樂明日非所求  
長川杳難即四望四無極安流寧可值憤風方未息  
危帆渡中懸孤光巖下晃岍際樹難辨雲中鳥易識  
莫恨東復西誰知迂且直故鄉相思者當春愛顏色  
獨寫千行淚誰同萬里憶

輞川

唐元稹  
中

世累爲身累閒忙不自由殷勤輞川水何事出山流

暖川

唐李益  
中

胡風凍合鴈鵲泉牧馬千羣逐暖川塞外征行無盡

日年年移帳雪中天

聞所知遊樊川

唐鄭谷

誰無泉石趣朝下少同過貪勝覺程遠愛閒經宿多  
片沙留白鳥高木引青蘿醉把魚竿去殷勤精砦莎

詩集類函卷二十三

卷二十三

三川

詩集類函卷二十四

東吳俞安期彙纂 宣城梅鼎祚增定

橋李沈師昌訂校

地部九

湖總載 太湖 洞庭湖 滬湖 湖州 杭州 西湖 附 溪 湖

○湖總載

濟曲阿後湖

宋孝武帝

宵登毘陵路旦過雲陽郭平湖曠津濟菰渚迭明蕪  
和風翼歸采夕氛晦山岵驚瀾翻魚藻頽霞照桑榆

遊鼉湖詩

宋臨川王

地部

卷二十四

暄景轉諧淑艸木日滋長梅花覆樹白桃李發榮光

石壁精舍還湖中作

宋謝靈運

昏旦變氣候山水含清暉清暉能娛人游子澹忘歸  
出谷日尚早入舟陽已微林壑斂暝色雲霞收夕霏  
芰荷迭映蔚蒲稗相因依披拂趨南逕愉悅偃東扉  
慮澹物自輕意愜理無違寄言攝生客試用此道推

望三湖

齊謝朓

積水照頰霞南臺望歸翼平原周遠近連汀見紆直  
葳蕤向春秀芸黃共秋色薄暮傷哉人嬋媛復何極

泛蕪湖

梁元帝

桂潭連菊岬桃李映成蹊石文如濯錦雲飛似散珪  
撓度菱根反船去行枝低颿隨迎雨燕鼓逐伺潮鷄

題戲湖上

唐常建

湖上老人坐磯頭湖裏桃花水却流竹竿嫋嫋波無  
際不知何者吞吾鉤

湖南曲

唐崔國輔

湖南送君去湖北送君歸湖裏鶯鶯鳥雙雙他自飛

同金壇令武平一遊湖三首 唐儲光義

朝來仙閣聽絃歌喚入花亭見綺羅池邊命酒憐風  
月浦口回船惜菱荷

地部

卷三

湖

朦朧竹影較巖屏淡蕩荷風飄舞衣舟尋綠水宵將  
半月隱青林人未歸

花潭竹嶼傍幽蹊盡檝浮空入夜谿菱荷覆水船難  
進歌舞留人月易低

泛沔州城南郎官湖

并序

唐李白

乾元歲秋八月白遷於夜郎遇故人尚書郎張謂  
出使夏口沔州牧杜公漢陽宰王公觴於江城之  
南湖樂天下之再平也方夜水月如練清光可掇  
張公殊有勝槩四望超然乃顧白曰此湖古來賢  
豪遊者非一而枉踐佳景寂寥無聞夫子可爲我

標之嘉名以傳不朽白因舉酒酹水號之曰郎官

湖亦猶鄭圃之有僕射陂也席上文士輔翼岑靜  
以爲知言乃命賦詩紀事刻石湖側將與大別山

共相磨滅焉

張公多遠興共泛沔城隅當時秋月好不減武昌都  
四座醉清光爲歡古來無郎官愛此水因號郎官湖  
風流若未減名與此山俱

陪從祖濟南太守泛鵲山湖三首

唐李白

初謂鵲山近寧知湖水遙此行殊訪戴自可緩歸橈

地部

卷三

三

湖濶數千里湖光搖碧山湖西正有月獨送李膺還

三

水入北湖去舟從南浦回遙看鵲山轉却似送人來

石魚湖上作

并序

唐元結

漣泉南上有獨石在水中狀如游魚魚凹處修之  
可以踞焉酒水涯四匝多畝石相連石上堪人  
坐水能浮小舫載酒又能繞石魚洄流乃命湖曰  
石魚湖鐫銘於湖上顯示來者又作詩以歌之  
吾愛石魚湖石魚在湖裏魚背有酒樽繞魚是湖水

兒童作小舫載酒勝一杯座中令酒舫空去復滿來  
湖岸多欹石石下流寒泉醉中一盥漱快意無比焉  
金玉吾不須軒冕吾不愛且欲坐湖畔石魚長相對

夜讌石魚湖作

唐元結

風霜雖慘然出遊熙天晴登臨日暮歸置酒湖上亭  
高燭照泉深光華溢軒楹如見海底日曠曠始欲生  
夜寒閉窗戶石溜何清冷若在深洞中半幄聞水聲  
醉人疑舫影呼指遞相驚何故有雙魚隨吾酒舫行  
醉昏能誕語勸醉能忘情坐無拘忌人勿限醉與醒  
亦沙湖

唐劉長卿

地部

卷三

四

湖

茫茫葭菼外一望一沾衣秋水連天濶潯陽何處歸  
沙鷗積暝雪川日動寒暉楚客來相問孤舟泊釣磯

泛曲阿後湖

唐劉長卿

元氣浮積水沈沈深不流春風萬頃綠映帶至徐州  
簾綠白蘋際日暮滄浪舟渡口微月進林西殘雨收  
水雲去仍濕沙鶴鳴相留且習子陵隱能忘生事憂  
此中深有意非爲釣魚鉤

石梁湖別陸兼

唐劉長卿

蕭蕭清秋暮嫋嫋涼風發湖色淡不流沙鷗逐還滅  
煙波日已遠音問日已絕歲晏空含情江皋綠芳歇

永福湖和楊鄭州

唐賈島

積水還平岍春來引鄭溪舊渠通郭下新堰絕湖西  
嵩少分明對瀟湘瀾秋狹齊客遊隨庶子孤嶼艸萋萋

江西題東湖

唐曹松

繫出江湖思涼多問無風觸微浪半日秋山  
客袖沙光滿船愈荻影閑時人見黃綬應笑狎鷗還

申湖

唐薛能

昔年依峽寺每日見申湖下淚重來此知心一已無  
雨霖舟色暗嗟拔木形枯舊境深相惱新春死不殊  
方來尋熟侶起去恨驚鳥

地部

卷三

五

湖

太湖

涉湖

晉李願

旋經義興境弭一作棹石蘭渚震澤爲何在惟太  
湖浦圓徑繁五百眇目緬無覩高天森若岍長津雜  
如縷窈窕尋灣漪迢遞望巒嶼驚飆揚飛湍浮霄薄  
懸岨輕禽翔雲漢游鱗避中許黯藹天時陰羣岩舟  
航舞憑河安可列靜觀戒征旅

太湖秋夕

唐王昌齡

水宿煙雨寒洞庭霜落微月明移舟去夜靜觀夢歸  
暗覺海風度蕭蕭聞鳴飛

初入太湖從胥口入去

唐皮日休

聞有太湖名十年未曾識一舍行胥塘盡日到震澤  
三萬六千頃頃頃玻璃色連空淡無類照野平絕陳  
好放青翰舟堪弄白玉簫疎岑七十二雙雙露矛戟  
悠然嘯傲去天上搖蕩鷁樹動爲蜃尾山浮似鰲脊  
雲輕似可浴霞爛如堪摘

洞庭湖

滬湖 古時湖並前

洞庭湖

唐宋之問

地盡天水合朝及洞庭湖初日當中涌莫辨東西隅  
晶耀日何在澄熒心欲無靈光晏海若游氣耿天吳

地部

卷五

六

洞庭湖

張樂軒皇至征苗夏禹徂楚臣悲落葉堯女泣蒼梧  
野積九江潤山通五岳圖風恬魚自躍雲夕鴈相呼  
獨此臨泛漾浩將人代殊永言洗氛濁卒歲爲清娛  
要使功成退徒勞越大夫

洞庭湖

唐元稹

人生除泛海便到洞庭波駕浪沈西日吞空接曙河  
虞巡竟安在軒樂詎曾過惟有君山下狂風萬古多

賦洞庭

唐僧可朋

周極八百里凝眸望則勞水涵天影濶山拔地形高  
臨洞庭

唐孟浩然

八月湖水平涵虛混太清氣蒸雲夢澤波撼岳陽城  
欲濟無舟楫端居耻聖明坐觀垂釣者徒有羨魚情

過洞庭湖

唐杜甫

皎室圍青艸龍堆隱白沙護堤盤古木迎棹舞神瑤  
破浪南風正回櫓畏日斜湖光與天遠直欲犯仙槎

過南岳入洞庭湖

唐杜甫

洪波忽爭道岨轉異江湖鄂渚分雲樹衡山引舳艫  
翠芽穿裏蔣碧節吐寒蒲病渴身何去春生力更無  
壤童犁雨雪漁屋架泥塗欹側風帆滿微冥水驛孤  
悠悠迴赤壁浩浩略蒼梧帝子留遺恨曹公屈壯圖

地部

卷五

七

洞庭湖

聖朝光御極殘孽謂吐蕃也駐艱虞才淑隨廝養名賢隱  
鍛鑪邵平元入漢張翰復歸吳莫怪啼痕數危檣逐  
夜鳥

秋登巴陵望洞庭

唐李白

清晨登巴陵周覽無不極明湖映天光徹底見秋色  
秋色何蒼然際海俱澄鮮山青滅遠樹水綠無寒煙  
來帆出江中去鳥向日邊風清長沙浦霜空雲夢田  
瞻光惜頽髮閱水悲徂年北渚既蕩漾東流自潺湲  
鄙人唱白雪越女歌採蓮聽此更腸斷憑崖淚如泉  
陪族叔刑部侍郎曄及中書賈舍人至遊洞庭

五首

唐李白 盛

洞庭西望楚江分  
水盡南天不見雲  
日落長沙秋色遠  
不知何處弔湘君

南湖秋水夜無煙  
耐可乘流直上天  
且就洞庭賒月色  
將船買酒白雲邊

洛陽才子謫湘川  
元禮同舟月下仙  
記得長安還欲笑  
不知何處是西天

洞庭湖西秋月輝  
蕭湘江北早鴻飛  
醉客滿船歌白苧  
不知霜露入秋衣

帝子瀟湘去不還  
空餘秋艸洞庭間  
淡掃明湖開玉鏡  
丹青畫出是君山

陪侍郎叔遊洞庭醉後二首  
唐李白 盛

船上齊桡樂湖心  
泛月歸白鷗閒不  
去爭拂酒筵飛

刻却君山好平鋪  
湘水流巴陵無限  
酒醉殺洞庭秋

初至巴陵與李十二白同泛洞庭湖二首  
唐賈至 盛

江上相逢皆舊遊  
湘山永望不堪愁  
明月秋風洞庭水  
孤鴻落葉一扁舟

楓軒紛紛落葉多  
洞庭秋水晚來波  
乘興輕舟無近

遠白雲明月弔湘娥

岳陽館中望洞庭湖

唐劉長卿 中

萬古巴丘戍平湖  
此望長問人何處  
森森愁暮更蒼蒼  
疊浪浮元氣中流  
沒太陽孤舟有歸  
客早晚達瀟湘

過洞庭

唐朱慶餘 中

帆挂狂風起茫茫  
既往時波濤如未  
息舟楫亦堪疑  
旅鴈投孤島長天  
下四維前程有平  
處誰敢與心期

送梁六歸洞庭山作

唐張說 初

巴陵一望洞庭秋  
日見孤峰水上浮  
聞道神仙不可接  
心隨湖水共悠悠

地部

卷五

九

澠湖作 并序

唐趙冬曦 初

巴丘南澠湖者蓋  
沅湘澧汨之餘波  
焉茲水也淪  
澠洞庭澹澹千里  
夏潦奔注則洑為  
此湖冬霜既

零則涸為平野按  
爾雅云水返入為  
澠斯名之作  
有由焉爾而此鄉  
炎暑子月艸生彌  
望青青相與

遊藉豈盈虛之可  
嘆亦風景之多傷  
感物增懷因

書其事

三湖返入兩山間  
畜作澠湖灣復灣  
暑雨奔流潭正  
滿微霜及淅水初  
還水還波捲溪潭  
涸綠艸芊芊岸

嶄岸適來飛棹共  
回旋已復揚鞭恣  
行樂道傍耆老



步踰蹢楚言茲事不知年試就湖邊披艸徑莫疑東  
海變桑田君訝今時盡陵陸我看明歲更淪連來今  
自昔無終始人事迴環恒若懸應思闕下聲華日誰  
謂江潭旅泊年初貞正喜固當然往寒來譽宜可傳  
盈虛用舍輪輿旋勿學靈均遠問天

同趙侍御澠湖作

唐張說

江南湖水嚙山川春江溢入共湖連氣色紛綸橫罩  
海波濤鼓怒上漫天鱗宗嚴族嬉爲府弋叟風師利  
焉聚欵帆側柂弄風口赴險臨深繞灣浦一灣一浦  
悵迴迴千曲千澹恍迷哉乍見靈妃含笑往復聞遊

地部

卷三

十一

女怨歌來暑來寒往運迴沃潭生水落移陵谷雲間  
墜翮散泥沙波上浮查棲樹木昨暮飛霜下北津今  
朝行鴈度南濱處處溝洫清源竭年年舊草白頭新  
天地盈虛尚難保人間倚伏何須道秋月晶晶泛澄  
瀾冬景青青步纖艸念君宿昔觀物變安得踟躕不  
衰老

秋夜遊澠湖二首

并序

唐尹愔

燕公以蓋一作司馬初到趙侍御客馬車豐方舟  
嬉遊澠壑覽山川之異採泉石之奇騁望崇朝留  
樽待月一時之樂豈不盛與賦詩者列之於左

能軾巴陵地鷁舟湘水潯江山與勢達泉石自幽深  
杳靄入天壑冥茫見道心超然無俗事清宴有空林

二

江上饒奇山巘羅雲水間風秋樹色雜苔古石文斑  
巴俗將千澹澠湖凡幾灣嬉遊竟不盡乘月泛舟還

秋夜遊澠湖一首

唐張說

澠湖佳可遊既近復能幽林裏棲精舍山間轉去舟  
鴈飛江月冷猿嘯野風秋不是迷鄉客尋奇處處留

二

共嘯人事閒佳遊野情發山門送落照湖口望升月

地部

卷五

十一

林尋猿狖居水戲黿鼉穴朔風吹飛鴈江艸亦云歇

秋夜遊澠湖二首

唐趙冬曦

政理常多暇方舟此泝洄吹笙虛洞答舉楫便風催  
山暗雲猶辨潭幽月稍來清溪無數曲未盡莫先迴

二

煙藹夕微蒙幽灣賞未窮艤舟待初月褰幌招遠風

鶴聲聒幽浦漁火明暗叢東山雲壑意不謂爾來同

秋夜遊澠湖二首

唐張均

遠水沈西日寒沙聚夜鷗平湖乘月滿飛棹接星流  
黃葉鳴淒吹蒼葭掃暗洲願移澄浦賞歸待賴川遊

二

灣潭幽意深杳靄湧寒岑石痕秋水落嵐氣夕陽沈  
澄徹天爲底淵玄月作心青溪非大隱歸弄白雲潺

別澧湖

唐張說

念別澧湖去浮舟更一臨千峰出浪險萬木抱煙深  
南郡延恩渥東山戀宿心露花香欲醉時鳥嚙餘音  
涉趣皆留賞無奇不遍尋莫言山水間幽意在鳴琴

奉和別澧湖

唐趙冬曦

南湖美泉石君子玩幽奇灣澳陪臨泛巖崕共踐窺  
秋風賴桂棟春景綠楊垂郢路委分竹湘濱擁去麾

地部

卷五

十一

十四

枉帆懷勝賞留景惜差池水木且不棄情遊良可知

渡青艸湖

陳陰鏗

洞庭春溜滿平湖錦帆張沅水桃花色湘流杜若香  
穴去茅山近江連巫峽長帶天澄迴碧映日動浮光  
行舟逗遛樹度鳥息危檣滔滔不可測一葦詎能航

宿青艸湖

青艸湖與洞庭湖相連在岳州

唐杜甫

洞庭猶在目青艸續爲名宿業依農事郵籤報水程  
寒氷爭倚薄雲月遞微明湖鴈雙雙起人來故北征

湖中

唐顧況

青艸湖邊日色低黃茅嶂裏鷓鴣啼丈夫飄泊今如

此一曲長歌楚水西

彭蠡湖

宮亭湖附

帆入南湖

記扶切

晉湛方生

彭蠡紀三江廬岳王衆阜白沙淨川路青松蔚巖首  
此水何時流此山何時有人運互推遷茲器獨長久  
悠悠宇宙中古今迭先後

入彭蠡湖口

宋謝靈運

客遊倦水宿風潮難具論洲島驟迴台圻岸屢崩奔  
乘月聽哀狔浥露馥芳蓀春晚綠野秀巖高白雲屯  
千念集日夜萬感盈朝昏攀崖照石鏡牽葉入松門

地部

卷五

十一

彭蠡湖

三江事多往九派理空存靈物吝珍怪異人秘精竄  
金膏滅明光水碧綴一一作流溫徒作千里曲絃絕念  
彌敦

彭蠡湖上

唐張九齡

沿涉經大湖湖流多泱泱凌晨趨北渚逗浦已西日  
所適雖淹曠中流且閑逸瑰詭良復多感見乃非一  
廬山直陽潯孤石當陰術一水雲際飛數峰湖心出  
象類何交紕形言豈深悉且知皆自然高下無相恤

過彭蠡湖

唐李白

謝公入彭蠡因此遊松門予方覩石鏡兼得窮江源

前賞迹可見後來道空存而欲繼風雅豈唯清心竟  
雲海方助興波濤何足論青嶂憶遙月綠蘿鳴愁猿  
水碧或可採金膏秘莫言予將振衣去羽化出鸞煩

彭蠡湖春望

唐項斯

湖亭東極望遠棹不須迴遍艸新湖落連天衆鴈來  
蘆州殘照盡雲障積煙開更想鷗夷子扁舟安在哉

下潯陽城泛彭蠡寄黃判官

唐李白

浪動灌嬰井潯陽江上風開帆入天鏡直向彭湖東  
落景轉疎雨晴雲散遠空名山發佳興清賞亦何窮  
石鏡挂遙月香鑪滅彩虹相思俱對此舉目與君同

地部

卷五

十四

宮亭湖

泛宮亭湖

荆州記云宮亭湖神能  
使湖中分風而帆南北

陳劉刪

迴艫乘派水舉帆

聲去

逐分風滉漾疑無際飄颻似度

空檣烏排鳥路船影沒河宮孤石滄波裏匡山苦霧

中寄謝千金子安知萬里蓬

○西湖

杭州西湖附

題漢州西湖

唐房琯

高流纏峻隅城下緬丘墟決渠信浩蕩潭島成江湖

結宇依迴渚水中信可居三伏氣不蒸四達暑自徂

同人千里駕鄰國五馬車月出共登舟風生隨所如

舉麾指極浦欲極更盤紆綵繞各殊致夜盡情有餘  
遭亂意不開即理還暫袪安得長晤語使我憂更除

題漢州西湖

唐嚴公貺

西湖創置自房公心匠縱橫造化同見說鳳池推獨  
步高名何事滯川中

題房公琯漢州西湖

唐嚴公貺

鳳池才未盡餘思鑿西湖珍木羅脩岍水光映坐隅  
琴臺今寂寞竹島尚縈紆猶蘊濟川志芳名終不渝

陪王漢州留杜縣州泛房公西湖

唐杜甫

地部

卷五

十五

漢州西湖

舊相恩迫後春池賞不稀闕庭分未到舟楫有光輝

鼓化尊絲熟刀鳴鱸縷飛使君雙阜蓋灘淺正相依

和李德裕遊漢州房公湖

唐鄭澣

太尉留琴聽時移重可尋微絃一掩抑風月助登臨

榮駐青油騎高張白雪音祗言酬唱美良史記王箴

二

靜對煙波夕猶思棟宇精臥龍空有處馴鳥獨忘情

顧步襟期遠參差物象橫自宜雕樂石爽氣際青城

治西湖

以下杭州西湖

梁范雲

史氏導漳水西門漑河潮圖始未能悅克終良可要

擁鍾勸年首提爵勞春朝平臯艸色嫩通林鳥聲嬌  
已集故池驚行時新田苗何吁畚築苦方懼魚稻饒

早春西湖閒遊

唐白居易中

立換登山屐行攜漉酒巾逢花看富妓遇艸坐爲茵  
西日籠黃柳東風蕩白蘋小橋裝鴈齒輕浪蹙魚鱗  
畫舫牽徐轉銀船酌慢巡野情遺世累醉態任天真

西湖留別

唐白居易中

征途行色慘風煙祖帳離聲咽管絃翠黛不須留五  
馬皇恩只許住三年綠藤陰下鋪歌席紅藕花中泊  
妓船處處回頭盡堪戀就中難別是湖邊

地部

卷五

六

西湖 鏡湖

侯郎中新置西湖

唐方干晚

激灩清暉吞半郭縈紆別派入遙村沙泉遶石通山  
脉岍木粘萍是浪痕已見澄來連鏡底兼知極處浸  
雲根波濤不起時方泰舟楫徐行日易昏煙霧未應  
藏島嶼鷺鷥亦解避旌旛雖云桃葉歌還醉却被荷  
花笑不言孤鶴必應思鳳沼凡魚豈合在龍門

○鏡湖

泛鏡湖南溪

唐宋之間

乘輿入幽棲舟行日向低巖花候冬發谷鳥作春啼  
杳嶂開天小叢篁夾路迷猶聞可憐處更在若耶溪

遊鏡湖

唐孟浩然盛

試覽鏡湖水中流見底清不知鱸魚味但識鷗鳥情  
帆得樵風送春逢穀雨晴將探夏禹穴稍背越王城  
鏡湖西島言事寄陶校書

唐方干晚

樵獵兩三戶凋疎是近鄰風雷前壑雨花木後巖春  
文字不得力桑麻難救貧山禽欺穉子夜犬吠漁人  
未必聖明代長將雲水親知音不赴薦何路出塵泥

○溪

武溪深行

崔豹古今注云武溪深馬援爲南征之所作援門生表寄生善吹笛援作和之

漢馬援

地部

卷五

十七

溪

滔滔武溪一何深鳥飛不度獸不敢古今注臨嗟哉  
武溪古今注多毒淫

武溪深行

梁劉孝勝

武溪深不測水安舟復輕暫侶一作莊生釣還滯鄂  
君行櫂歌爭後發諫鼓逐前征秦上山川險黔中木  
石并一作水林壑秋籟急猿哀夜月明澄源本千仞  
回峰忽萬縈昭潭讓無底太華推削成日落野通氣  
目極悵餘情下流曾不濁長邁寂無聲羞學滄浪水  
濯足復濯一作纓

泥谿

唐王勃初

弭棹凌奔壑，低鞭躡峻岐。江濤出岵險，峰磴入雲危。  
溜急船文亂，巖斜騎影移。水煙籠翠渚，山照落丹崖。  
風生蘋浦葉，露泣竹潭枝。汎水雖云美，勞歌誰復知。

宣城青溪

唐李白盛

青溪勝桐廬，水木有佳色。山貌日高古，石容天傾側。  
綵鳥昔未名，白猿初相識。不見同懷人，對之空歎息。

清溪行

唐李白盛

清溪清我心，水色異諸水。借問新安江，見底何如此。  
人行明鏡中，鳥度屏風裏。向晚猩猩啼，空悲遠遊子。

清溪

唐王維盛

地部

卷三

十八

言入黃花川，每逐清溪水。隨山將萬轉，迴途無百里。  
聲喧亂石中，色淨深松裏。漾漾泛菱荇，澄澄映葭葦。  
我心素已閒，清川澹如此。請留盤石上，垂釣將已矣。

皇甫嶽雲溪雜題五首

唐王維盛

鳥鳴澗

人間桂花落，夜靜春山空。月出驚山鳥，時鳴春澗中。

蓮花塢

日日採蓮去，洲長多暮歸。弄篙莫濺水，畏濕紅蓮衣。

鷓鴣塢

乍向紅蓮沒，復出清浦颺。獨立何離離，銜魚古查上。

上平田

朝耕上平田，暮耕下平田。借問問津者，寧知沮溺賢。

萍池

春池深且廣，會待輕舟迴。靡綠萍合垂楊掃，復開

藍田溪雜詠二十二首

唐錢起中

望山登春臺，目盡趣難極。晚景下平阡，花際霞峰色。

右登臺

靜宜樵隱度，遠與車馬隔。有時行樂來，喜遇歸山客。

右板橋

片霞照仙井，泉底桃花紅。那知幽石下，不與武陵通。

地部

卷三

十九

右石井

引蔓出雲樹，垂綸覆巢鶴。幽人對酒時，苔上閒花落。

右古藤

池上靜難厭，雲間欲去晚。忽背夕陽飛，乘興清風遠。

右晚歸鷺

幾轉到青山，數重渡流水。秦人入雲去，知向桃源裏。

右洞仙謠

春畦生百藥，花葉香初霽。好客似風光，偏來入叢蕙。

右藥圃

靜與溪色連，幽宜松雨滴。誰知古石上，不染世人跡。

右石上苔

遠岫見如近千里一牕裏坐來石上雲乍謂壺中起

右牕裏山

暗歸艸堂靜半入花園去有時載酒來不與清風遇

右竹間路

幽鳥清漣上興來看不足新篁壓水低昨夜鴛鴦宿

右竹嶼

穿雲來自遠激砌流偏駛能資庭戶幽更引海禽至

右砌下泉

乍依菱蔓聚盡向蘆花滅更喜好風來數片翻晴雪

地部

卷五

三

溪

右戲鷗

風送出山鐘雲霞度水淺欲知聲盡處鳥滅寥天遠

右達山鐘

永日興難忘撥芳春陂曲新晴花枝下愛此苔水綠

右東陂

一作憶  
呈于陂

臨池構杏梁待客歸煙塘水上褰簾好蓮開杜若香

右池上亭

有意蓮葉間瞥然下高樹擘波得潛魚一點翠光去

右銜魚翠鳥

幽石生芙蓉百花慚美色遠笑越溪女聞芳不可識

右石蓮花

亂石跳素波寒聲聞幾處颼颼風引散出空林去

右潺湲聲

雖因朔風至不向瑤臺側唯助苦寒松偏明後周色

右松下雪

田鶴望碧霄無風亦自舉單飛後片雲早晚及前侶

右田鶴

家住鳳城南門臨古陂曲時憐上林鴈半入池塘宿

右題南陂

白雲溪

唐吳華中

地部

卷五

三

溪

山逕入脩篁深林蔽日光夏雲生嶂遠瀑水引溪長

秀跡逢昔勝清氛坐轉涼回看玉鐔夕歸路賞前忘

蘭溪棹歌

唐戴叔倫中

涼月如簾挂柳灣越中山色鏡中看蘭溪三日桃花

雨半夜鯉魚來上灘

和處州韋使君新開南溪

唐朱慶餘中

地里光圖識樵人共說深悠然想高躅坐使變荒岑

疏鑿因殊舊亭臺亦自今靜客猿暫下閒與鶴同尋

轉旆馴禽起褰帷瀑溜侵石稀潭見底嵐暗樹無陰

躋險難通屐攀棲稱抱琴雲風開物意潭水識人心



攜樽羣花通移舟惜景沈世嫌山水僻誰伴謝公吟

處州洞溪

唐方干晚

衆山寒疊翠兩派綠分聲坐月何曾夜聽松不似晴

蘭溪

唐杜牧晚

蘭溪春盡碧泱泱映水蘭花雨發香楚國大夫憔悴日應尋此路去瀟湘

西蜀淨衆寺松溪

唐鄭谷晚

松因溪得名溪吹答松聲綠繞能穿寺幽奇不在城  
寒煙齋後散春雨夜中平染岼蒼苔古翹沙白鳥明  
澄分僧影瘦光徹客身清帶梵侵雲響和鐘鑿石鳴

地部

卷三

三

西溪

唐李商隱晚

近郭青溪好誰堪共酒壺苦吟防柳惺多淚怯楊朱  
野鶴隨君子寒松揖大夫天涯長病意岑寂勝歡娛

溪上

唐杜甫盛

峽內淹留客溪邊四五家古苔生迤地秋竹隱疎花  
塞俗人無井山田飯有沙西江使船至時復問京華

終南東溪中作

唐岑參盛

溪水碧於艸潺潺花底流沙平堪濯足石淺不勝舟  
洗藥朝與暮釣魚春復秋興來從所適還欲回滄洲

溪上

唐顧况中

援蓮溪上女舟小怯搖風驚起鴛鴦宿水雲撩亂紅

泛長溪

梁任昉

徇祿聚歸糧依隱謝綺勒絕物甘離羣長懷思去國  
長溪永東舍震區窮水域道遇垂綸叟聊訪問津惑  
彈機申九言無爲累牽纏長泛滄浪水平明至暝黑

落日泛舟東溪

梁任昉

黝黝桑柘繁芄芄麻麥盛交柯溪易陰反景澄餘映  
吾生雖有待樂天庶知命不學梁甫吟唯識滄浪詠  
田荒我有役秋滿予謝病

汎溪

唐杜甫盛

地部

卷三

三

落景下高堂進舟汎迴溪誰謂築居小未盡喬木西  
遠郊信荒僻秋色有餘淒淒練練峰上雪纖纖雲表霓  
童臧左右岼芻弋畢提攜翻倒荷菱亂指揮逕路迷  
得魚已割鱗採藕不洗泥人情逐鮮美物賤事已睽  
吾村雷冥麥異舍鷄亦棲蕭條欲何適出處庶可齊  
衣上見新月霜中登故畦濁醪自初熟東城多鼓鼙

汎若耶溪

唐丘爲盛

結廬若耶裏左右若耶水無日不釣魚有時向城市  
溪中水流急渡口水流寬每得樵風便往來殊不難  
一川艸長綠四時那得辨短褐衣妻兒餘糧及鷄犬

日暮鳥雀稀稚子呼牛歸住處無鄰里柴門獨掩扉

### 汎溪

唐朱慶餘中

曲渚迴花舫生衣臥向風鳥飛溪色裏人語棹聲中  
餘并纔分影新蒲白作叢前灣更幽絕雖淺去猶通

### 汎溪

唐許渾

疑與武陵通青谿碧嶂中水寒深見石松晚靜聞風  
遞迹驅鷄更冥心失馬翁纔應畢婚嫁還此息微躬

### 發歸瀨三瀑布望兩溪

宋謝靈運

我行乘日垂放舟候月圓沫江免風濤涉清弄漪漣  
積石竦兩溪飛泉倒三山亦既窮登陟荒藹橫目前

### 地部

### 卷五

五

窺巖不覩景披林豈見天陽鳥尚傾翰幽篁未爲遭  
還尋平常時安知巢穴難風雨非攸恠擁志誰與宣  
倘有同枝條此日即千年

### 將遊湘水尋句溪

齊謝朓

既從陵陽釣挂鱗鱗赤螭方尋注水源謁帝蒼山垂  
辰哉且未會乘景弄清漪瑟汨瀉長旋潺湲赴兩岐  
輕蘋上靡靡雜石下離離寒艸分花映戲鮪乘空移  
興以暮秋月清霜落素枝魚鳥予方翫纓綏君自縻  
及茲暢懷抱山川長若斯

### 入若耶溪

梁王籍

餘艖何汎汎空水共悠悠陰霞生遠岫陽景逐迴流

蟬噪林逾靜鳥鳴山更幽此地動歸念長年悲倦遊

梁書曰籍除輕車湘東王諮議參軍隨府會稽郡境  
有雲門天柱山籍嘗游之或累月不返至若耶溪賦  
詩云蟬噪林逾靜鳥鳴山更幽當時以爲文外獨絕  
顏氏家訓曰王籍入若耶溪詩江南以爲文外獨絕  
物無異議籍文辭不能忘之孝元獨以爲不可  
復得詩云蕭蕭馬鳴悠悠旌旌毛傳曰言不喧譁也  
吾每歎此解有情致  
籍詩生於此意耳

### 初發曲江谿中

唐張九齡初

溪流清且深松石復陰臨正爾可嘉處胡爲無賞心  
我由不忍別物亦有緣侵自匪嘗行邁誰能知此音  
入少密溪

### 入少密溪

唐沈佺期初

### 地部

### 卷五

五

雲峰苔壁繞溪斜江路香風夾岸花木密不言通鳥  
道鷄鳴始覺有人家人家更在深巖口澗水周流宅  
前後游魚督督雙釣童伐木丁丁衆樵叟自言避喧  
非避秦薛衣耕鑿帝堯人相留且待鷄黍熟夕臥深  
山蘿月春

### 洲萬八賀九雲門歸溪中作

唐孫逖初

晚從靈境出林壑曙雲飛稍覺清溪盡迴瞻畫剎微  
獨圍餘興在孤棹宿心違更憶登攀處天香盈袖歸  
尋東溪還湖中作

### 尋東溪還湖中作

唐劉昫盛

出山更回首日暮清溪深東嶺新別處數猿叫空林

昔遊初有跡此路還獨尋幽興方在往歸懷復爲今  
雲峰勞前意湖水成遠心望望已超越坐鳴舟中琴

入若耶溪

唐崔顥

輕舟去何疾已到雲林境起坐魚鳥間動搖山水影  
巖中響自答溪裏言彌靜事事令人幽停橈向餘景

夏初雨後尋愚溪

唐柳宗元

悠悠雨初霽獨繞清溪曲引杖試荒泉解帶圍新竹  
沈吟亦何事寂寞固所欲幸此息營營嘯歌靜炎燠

綏氏尉沈興宗置酒南溪

唐王昌齡

林色與溪古深篁引幽翠山樽在漁舟棹月情已醉

地部

卷五

三

始窮清源口壑絕入境異春泉滴空壑明艸坼陰地  
久之風榛寂遠聞樵聲至海鴈時獨飛永然滄洲意

遊越溪

唐鄭紹

溪水碧悠悠猿聲斷客愁漁潭逢釣舫月浦值孤舟  
訪泊隨煙火迷途指斗牛今宵越鄉意還取醉忘憂

月溪與幼遐君貺同遊

唐韋應物

昨條覆迴溪迴溪曲如月沈沈水容綠寂寂流鶯歇  
淺石方凌亂游禽時出沒半雨夕陽霏綠源

雜花發明晨重來此同心應已闕

和皇甫判官遊琅琊溪

唐孟郊

山中琉璃境物外琅琊溪房廊遂巖壑道路隨高低  
碧瀨漱白石翠煙含青蜺上客暫遊踐意欲忘簪珥  
樹杪燈火夕雲端鐘磬齊時同雖可仰跡異難相攜  
唯當清宵夢髮髯願攀躋

奉陪侍中遊石笋溪十二韻

唐盧綸

朝日照靈山山溪浩紛錯圖秦無舊記紀禹應新鑿  
巖壁瀉天河一峰吐蓮萼潭心亂雪卷巖腹繁珠落  
彩蛤攢錦囊芳蘿燭花索後羣曝陽樹龍穴腥陰壑  
靜得漁者言聞聞洞仙博欵松倚朱憶廣石屯油幕  
國泰事留侯山春縱康樂間關殊狀鳥爛熳無名藥

地部

卷五

三

欲驗少君方還吟大隱作旌幢不可駐古塞新沙漠

谿行寄王震

唐張九齡

山氣朝來爽谿流日向清遠心何處愜閒棹此中行  
叢桂林間待羣鷗水上迎徒然適我願幽獨爲誰情

溪行寄京師故人道侶

唐張祐

白日長多事清溪偶獨尋雲歸秋水濶月出夜山深  
坐想天涯去行悲澤畔吟東郊故人在應笑未抽簪

若溪洲梁耿別後見寄

唐劉長卿

清川永路何極落日孤舟解構鳥向平蕪遠近人隨  
流水東西白雲千里萬里明月前溪後溪惆悵長沙

謫去江潭芳艸萋萋

說洄溪招退者

唐元結

長松亭亭滿四山山間乳竇流清泉洄溪正在此山  
裏乳水松膏常灌田松膏乳水田肥良稻苗如蒲米  
粒長糜色如珈玉液酒酒熟猶聞松節香溪邊老翁  
年幾許長男頭白孫嫁女問言只食松田米無藥無  
方向人語潯溪石下多泉源盛暑大寒冬大溫層蘇  
宜在水中石洄溪一曲自當門吾今欲作洄溪翁誰  
能住我舍西東勿憚山深與地僻羅浮尚有葛仙翁  
宿五渡谿仙人得道處

唐常建

地部

卷五

五

溪

五渡谿上花生根依兩崖二月尋片雪願宿秦人家  
上見懸崖崩下見白水湍仙人彈碁處石上青蘿盤  
無處求玉童翳翳惟林巒前溪遇新月聊取玉琴彈

浦

之宣城郡出新林浦向板橋 齊謝朓

江路西南永歸流東北驚天際識歸舟雲中辨江樹  
旅思倦搖搖孤遊昔已屢既歡懷祿情復協滄洲趣  
驚塵自茲隔賞心於此遇雖無玄豹姿終隱南山霧

發新林浦贈同省

梁劉顯

回首望歸途山川遶離異落日懸秋浦歸鳥飛相次

感物傷我情惆悵懷親懿

新林浦阻風寄友人

唐李白

潮水定可信天風難與期清晨西北轉薄暮東南吹  
以此難挂席佳期益相思海月破圓影荻蔣生綠池  
昨日北湖梅開花已滿枝今朝東門柳夾道垂青絲  
歲物忽如此我來定幾時紛紛江上雪艸艸客中悲  
明發新林浦空吟謝朓詩

入潯浦

梁簡文帝

汎水入迴塘空枝度日光竹垂懸掃浪疑疑遠避檣

日夕出富陽浦口和朗公 梁何遜

地部

卷五

五

浦

客心愁日暮徙倚空望歸山煙涵樹色江水映霞暉  
獨鶴凌空 一作 逝雙鳬出浪飛故鄉千餘里茲夕寒  
無衣

發劉郎浦

唐杜甫

挂帆早發劉郎浦疾風颯颯昏亭午舟中無日不沙  
塵岸上空村盡豺虎十日北風風未迴客行歲晚猶  
相催白頭厭伴漁人宿黃帽青鞋歸去來

秋浦歌十首

唐李白

千千石楠樹萬萬文貞林山山白鷺滿澗澗白猿吟

秋浦猿夜愁黃山堪白頭青溪非隴水翻作斷腸流

三

秋浦錦駒鳥人間天上稀山鷄羞綠水不敢照毛衣

四

兩鬢入秋浦一朝颯已衰猿聲催白髮長短盡成絲

五

秋浦多白猿超騰若冰雪牽引條上兒飲弄水中月

六

愁作秋浦客強看秋浦花山川如剡縣風日似長沙

七

地部

卷三

三

吳

秋浦千重嶺水車嶺最奇天傾欲墮石水拂寄生枝

八

邏人橫鳥道江祖出魚梁水急客舟疾山花拂面香

九

綠水淨素月月明白鷺飛郎聽採菱女一道夜歌歸

十

秋浦田舍翁採魚水中宿妻子張白鵬結廬映深竹

蓮浦謠

唐溫庭鈞

晚

鳴撓軋軋溪溶溶廢綠平煙吳苑東水清蓮娟兩相  
向鏡裏見愁愁更紅白馬金鞍大堤上西江日夕多

風浪荷心有露似驪珠不是真圓亦搖蕩

晚投江澤浦即事呈柳兵曹泥 唐耿漳

中

落日過重霞輕煙上遠沙移舟衝荇蔓轉浦入蘆花  
斷岸迂來客連波漾去槎故鄉何處在更道向天涯

詩集類函卷二十四

地部

卷二十四

三

浦

詩集類函卷二十五

東吳俞安期彙纂

宣城梅鼎祚增定

攜李沈師昌訂校

地部十

池總載 昆明池

○池總載

初春賦得池應教

陳張正見

遙天收密雨高閣映奔曦雪盡青山路水銷綠水池  
春光落雲葉花影發晴枝琴樽奉終宴風月豈云疲

詠池

唐李嶠初

綵棹浮太液清觴醉習家詩情對明月雲曲拂流霞

地部

卷三十五

煙散龍形淨波含鳳影斜安仁動秋興魚鳥思空賒

曲池歌

古無名氏

曲池何淡澹芙蓉蔽清源榮華盛壯時見者誰不歡  
一朝光采落見者不迴顏

曲池之水

齊謝朓

緩步遵莓渚披襟待蕙風芙蓉舞輕帶苞筍出芳叢  
浮雲自西北江海思無窮鳥去能傳響見我綠琴中

賦得曲池繁寒流

唐崔立之

閒尋欹岸步因向曲池看透底何澄澈迴流乍屈盤  
稍隨高樹古迴與遠天寬月入鏡華轉星臨珠影寒

纖鱗時蔽石轉吹或生瀾願假涓微效來濡拙筆端

同會河陽公新造山池聊得寓目

北周庾信

橫階仍鑿澗對戶即連峰暗石疑藏虎盤根似臥龍  
沙洲聚亂荻洞口礙橫松引泉恒數派開巖即十重  
北閣聞吹管南鄰聽擊鐘寒花正含杯香酒絕濃  
由來魏公子今日始相逢

和令公新開龍泉晉水二池

唐白居易中

舊有潢汙汨今爲白水塘笙歌聞四面樓閣在中央  
春變煙波色晴添樹木光龍泉信爲美莫忘午橋莊

地部

卷三十五

官舍內新開小池

唐白居易中

簾下開小池盈盈水方積中底鋪白沙四隅甃青石  
勿言不深廣但取幽人適汎灑微雨朝泓澄明月夕  
豈無大江水波浪連天白未若牀席前方丈深盈尺  
清淺可狎弄昏煩聊漱滌最愛曉暝時一片秋天碧  
艸堂前新開一池養魚種荷 唐白居易中  
淙淙三峽水浩浩萬頃陂未如新塘上微風動漣漪  
小萍加泛泛初蒲正離離連水欲成徑護堤方插籬  
已被山中客呼作白家池

南池

唐杜甫盛



崢嶸巴閬間所向盡山谷安知有蒼池萬頃浸坤軸  
呀然闔城南枕帶巴江噴菱荷入異縣杭稻共比屋  
清源多衆魚遠岸富喬木獨歎楓香林春時好顏色

南池

唐賈島中

蕭條微雨絕荒岬抱清源入舫山偏塞分泉稻接村  
秋聲依樹色月影在蒲根淹泊方難遂他宵關夢魂

小池

唐白居易中

有意不在大湛湛方丈餘荷側瀉清露萍開見游魚  
每一臨此坐憶歸清溪居

盆池

唐張蠙晚

地部

卷五

三

內圓陶化功外絕衆流通選處離松影穿時滅藥叢  
別疑天在地長對月當空每使登門客煙波入夢中

秋池二首

唐白居易中

岸闌鳥棲後橋明月出時菱風香散漫桂露光參差  
靜境多獨得幽懷竟誰知悠然心中語自問來何遲

二

朝衣薄且健晚簾清仍滑社近燕影稀雨餘蟬聲歇  
露荷珠自傾風竹玉相戛暑退早涼歸池邊好時節

山池

梁簡文帝

日暮芙蓉水聊登鳴鶴舟飛鱸飾羽艸長幔覆緹油

停輿依柳息佳蓋影空留古樹橫臨沼新藤上挂樓  
游魚向闌集戲鳥逗楂流

山池應令

梁庾肩吾

閬苑秋光暮金塘收潦清荷低芝蓋出浪湧燕舟輕  
逆湍流棹唱帶谷聚笳聲野竹交臨浦山桐迴出城  
水逐雲峰闌寒隨殿影生

山池應令

梁鮑至

望園光景暮林觀歇氛埃荷疎不礙檝石淺好縈苔  
風花逐榜轉山望向橋開樹交樓影沒岸暗水光來

山池應令

梁王臺卿

地部

卷五

四

歷覽周仁智登臨歡豫多穿渠引金谷關道出銅駝  
長橋時跨水曲閣乍臨波巖風生竹樹池香出菱荷  
石幽銜細艸林木渡橫柯

山池應令

陳徐陵

畫舸圖仙獸飛艸挂采旂榜人事金藥釣人節銀鉤  
細萍時帶檝低荷乍入舟猿啼知谷晚蟬咽覺山秋

奉和山池

陳徐陵

羅浮無定所鬱島屢遷移不覺因風雨何時入後池  
樓臺非一勢臨翫自多奇雲生對戶石猿挂入欄枝

奉和山池

北周庾信

樂宮多暇豫望苑暫迴輿鳴笳陵絕限飛蓋歷通渠  
桂亭花未落桐門葉半疎荷風驚浴鳥橋影聚行魚  
日落含山氣雲歸帶雨餘

城南山池

唐張九齡

城南隅山池春仲田表二公盛稱其美夏首獲賞  
果會夙言故有此詠

憶昨聞佳境駕言尋昔蹊非唯初物變亦與舊遊睽  
幽渚爲君說清晨卽我攜逢深獨睥睨歷險共攀躋  
林筍包青籜津楊委綠萼荷香初出浦艸色復綠堤  
樂處將鷗狎譚端用馬齊且言臨海郡兼話武陵溪

地部

卷三十五

五池

異壤風煙絕空山巖徑迷如何際朝野從此待金閨

唐都尉山池

唐崔湜

曲渚颺輕舟前溪釣晚鴈翻蒲葉起魚撥荇花游  
金子懸湘柚珠房拆海榴幽尋惜未已清月半西樓

姚開府山池

唐孟浩然

主人新邸第相國舊池臺館是招賢閣樓因教舞開  
軒車人已散簫管鳳初來今日龍山下誰知文舉才

蘇著作山池

唐賈彥璋

水樹子雲家蓬瀛宛不賒芥浮舟是葉蓮發岫爲花  
酌蟻開春甕觀魚憑海槎遊蘇多石友題贈滿瑤華

題沈東美員外山池

唐蔡毋潛

仙郎偏好道鑿沼象瀛洲魚樂隨情性舟行任去留  
秦人辨雞犬堯日識巢由歸客衡門外仍憐返景幽

至西號官舍南池

唐岑參

素多江湖意偶佐山水鄉滿院池月靜卷簾溪雨涼  
軒牕竹翠濕繁牘荷花香白鳥上衣桁青苔生筆牀

慈恩精舍南池作

唐韋應物

清境豈云遠炎氛忽如遺重門布綠陰茵蔯滿廣池  
石髮散清淺林花動漣漪綠畦摘紫房扣檻集靈龜  
浥浥餘露氣馥馥幽襟披積喧欣物曠耽玩覺景馳

地部

卷三十五

六池

明晨復趨府幽賞當反思

題蕭丞相小池

唐錢起

鶯鳴蕙艸綠朝與人情期林沼忘言處鴛鴦養翻時  
春泉滋藥暖晴日度花遲此會無辭醉良辰難再追

滕校書使院小池

唐賈島

小池誰見鑿時初走水南來十里餘樓上日斜吹暮  
角院中人出鑠游魚

晚題東林寺雙池

唐白居易

向晚雙池好初晴百物新裊枝翻翠羽澱水躍紅鱗  
萍汎同遊子蓮開當麗人臨流一惆悵還憶曲江春

主人故池

唐王建中

高池高閣上連起荷葉團團蓋秋水主人已遠涼風生舊客不來芙蓉死

池上酬劉記室

梁江淹

感成夢可結結憂視春暮紫荷漸曲池皇蘭覆徑路  
落葉華堂蓋蓋雜綺樹為此久佇立容易光陰度  
水館次文羽山葉上暝露懷賞入舊襟悅物覽新賦  
惜我無雕文報章慙復素

池上

唐白居易中

媚媚涼風動淒淒寒露零蘭衰花始白荷破葉猶青

池部

卷十五

七池

獨立棲沙鶴雙飛照水螢若為寥落境仍值酒初醒

池上

唐白居易中

小娃撐小艇偷採白蓮迴不解藏踪跡浮萍一道開

池畔二首

唐白居易中

結構池西廊疏理池東樹此意人不知欲為待月處

二

持刀開密竹竹少風來多此意人不曾欲令池有波

官池上

唐僧無可

迴疏城闕內寒瀉出雲波岸廣山魚到汀閒海鷺過  
汎溝侵道急流葉入官多移舸浮中沚清宵徹曉河

京兆公池上作

唐溫庭筠晚

稻香山色疊平野接荒陂蓮折舟行遠萍多釣下遲  
壞堤泉落處涼簟雨來時京口兵堪用何因入夢思

芙蓉池作

魏文帝

乘輦夜行遊逍遙步西園雙渠相溉灌嘉禾繞通川  
甲枝拂羽蓋脩條摩蒼天驚風扶輪轂飛鳥翔我前  
丹霞夾明月華星出雲間上天垂光彩五色一何鮮  
壽命非松喬誰能得神仙遨遊快心意保已終百年

芙蓉池

魏陳思王

逍遙芙蓉池翩翩戲輕舟南楊柳雙鵲北柳有鳴鳩

池部

卷十五

八池

洗藥池

在潁州與國縣洪過境見山靈水秀遂  
結廬築壇鑿池洗藥留四言詩一首

晉葛洪

洞陰冷冷風珮清清仙居永却花木長榮

經豐城劍池

陳陰鏗

清池自湛澹神劍久遷移無復連星氣空餘似月池  
夾篠澄深渌含風結細漪唯有蓮花萼還想匣中雌

奉和聖製龍池篇

唐張九齡初

天啓神龍生碧泉泉水靈源浸迤延飛龍已向珠潭  
出積水仍將銀漢連岸傍花柳看勝畫浦上樓臺問  
是仙我后元符從此得方為萬歲受圖川

奉和聖製龍池篇

唐姚崇初

恭聞帝里生靈祉應報明君勗業新既協翠泉光寶命還符白水出真人當時舜海潛龍躍此日堯池帶馬巡獨有前河一小鴈叨承舊惠入天津

奉和聖製龍池篇

唐蔡孚初

帝宅王家大道邊天為潯龍湧聖泉昔日昔時經此地看來看去漸成川歌臺舞榭宜正月柳岸梅洲勝往年莫疑波上春雲少祇為龍飛直上天

奉和聖製龍池篇

唐沈佺期初

龍池躍龍龍已飛龍德先天天不違池開天漢分黃地部

卷三五

九池

道龍向天門入紫微邸第樓臺多氣色君王鳬鴈有光輝為報寰中百川水來朝此地莫東歸

奉和聖製龍池篇

唐盧懷慎初

代邸東南龍或躍清泉碧浪遠浮天樓臺影就波中出日月光疑鏡裏懸鴈沼回流成舜海龜書靈祉應堯年大川既濟慙為楫報德空思奉細涓

奉和聖製龍池篇

唐姜皎初

龍池初此出龍山常經此地謁龍顏日日芙蓉生夏水年年楊柳變春灣堯壇寶匣餘煙霧舜海漁舟尚往還願以飄飄五色影從來從去九天間

奉和聖製龍池篇

唐崔日用初

龍興白水漢興聖主時乘運斗樞呀上丰茸五花樹波中的鑠千金珠操環昔聞迎夏啓發匣先來瑞有虞風色雲光隨隱見赤雲神化象江湖

奉和聖製龍池篇

唐蘇頌初

西京鳳邸躍龍泉佳氣休光鍾在天軒后霧圖今已得秦皇水劍昔當傳恩魚不似昆明釣瑞鶴常如太液仙願侍巡遊同舊里更聞蕭鼓濟樓船

奉和聖製龍池篇

唐李乂初

星分邑里固宸居水洊源流萬頃餘魏國君王秤象地部

卷三五

十池

處晉家蕃邸化龍初青蒲似騁遊梁馬綠藻凝游宴鎬魚自有神靈滋液地年年雲物史官書

奉和聖製龍池篇

唐裴瓘初

乾坤啓聖吐龍泉水年年勝一年始看魚躍方成海即觀龍飛利在天洲渚遙將銀漢接樓臺直與紫微連休氣榮光恒不散懸知此地是神仙

奉和聖製龍池篇

唐姜晦初

靈沼縈廻邸第前浴日涵春寫曙天始見龍臺昇鳳闕應知霄漢起神泉石匱渚傍還啓聖桃李初生更有仙欲化帝圖從此受正同河變一千年

遊長寧公主流杯池十七首

長寧公主韋庶人  
所生下煚煬時交

因造第於東都府跡與魏王所生西京高州士  
第左金吾衛廢營合爲宅作三重樓築山後  
池帝及后數臨幸令  
昭容賦詩羣臣屬和

唐上官昭容

逐仙賞展幽情踰崑閬訪蓬瀛

二

遊魯館步秦臺汚山壁愧瓊瑤

三

檀欒竹影颿颿松聲不煩歌吹自足怡情

四

仰循茅宇俯盼喬枝煙霞問訊風月相知

池部

卷二十五

十一 池

五

枝條鬱鬱文質彬彬山林作伴松桂爲鄰

六

莫論圖嶠休說方壺何如魯館即是仙都

七

攀藤招逸客偃桂叶幽情水中看樹影風裏聽松聲

八

攜琴待叔夜負局訪安期不應題石壁爲記賞山時

九

泉石多仙趣巖壑寫奇形欲知堪悅耳惟聽水泠泠

十

瀑溜晴疑雨叢篁晝似昏山中真可玩暫請報王孫

十一

橫銷豹皮褥側戴鹿胎巾借問何爲者山中有逸人

十二

沁水田園先自多齊梁樓觀更無過倩語張鸞莫辛

苦人今從此識天河

十三

參差碧岫聳蓮花潏潏綠水瑩金沙何須遠訪三山

路人今已到九仙家

池部

卷二十五

十二

池

十四

憑高瞰險足怡心菌閣桃源不暇尋餘雪依林成玉

樹殘雲點岫即瑤岑

十五

玉環騰遠創金埒荷殊榮弗玩珠璣飾仍留仁智情

鑿山便作室憑樹即爲楹公輸與班爾從此遂韜聲

十六

暫爾遊山第淹留惜未歸水一作霞窻明月滿澗戶白

雲飛書引藤爲架人將薜作衣此真攀玩所臨睨賞

光輝

十七

放曠山煙雲蕭條事不羣  
漱流清意府隱几避器氛  
石畫裝苔色風梭織水文  
山室何爲貴唯餘蘭桂薰

題灞池二首

唐王昌齡

腰鎌欲何之東園刈秋非  
世事不復論悲歌和樵叟

二

開門望長川薄暮見漁者  
借問白頭翁垂綸幾年也

天池

唐杜甫

天池馬不到嵐壁鳥纔通  
百頃青雲秒層波白石中  
鬱紆騰秀氣蕭瑟浸寒空  
直對巫山出兼疑夏禹功

池部

卷三五

池

魚龍開闢有菱茨古今同  
聞道奔雷黑初看浴日紅  
飄零神女雨斷續楚王風  
欲問支機石如臨獻寶宮  
九秋驚鴈序萬里狎漁翁  
更是無人處誅茅任薄躬

題黃帝謁池

黃帝上界之所謁湖蓋黃帝鑄鼎處也有池在山頂

唐徐凝

黃帝旌旗去不迴空餘片石碧  
崔嵬有時風捲鬣湖浪散作晴天雨  
點來

瑤池

唐李商隱

瑤池阿母綺窻開黃竹歌聲動地哀  
八駿日行三萬里穆王何事不重來

汎觴池

唐薛能

通咽遠華樽汎觴名自君  
靜看籌見影輕動酒生紋  
細滴隨杯落來聲就浦分  
便應半醉後清冷漱寒雲

太液池歌

唐溫庭筠

腥鮮龍氣連清防花風漾漾吹細光  
疊澗不定照天井倒影蕩搖晴翠長  
平碧淺春生綠塘雲容雨態連  
青蒼夜深銀漢通柏梁二十八宿朝玉堂

觀表侍郎

一作崔

漲新池

唐盧綸

引水香山近穿雲復繞林  
纔聞離外響已覺石邊深  
滿處侵苔色澄來見柳陰  
微風月明夜知有五湖心

池部

卷三五

古

乾符丙申歲春奉詔漲曲江池

唐鄭谷

王澤尚通津恩波此日新  
深疑一夜雨宛似五湖春  
汎灩翹振鷺澄清躍紫鱗  
翠低孤嶼柳香失半汀蘋  
鳳輦尋佳境龍舟命近臣  
桂華如入手願作從游人

省試奉詔漲曲江池

唐黃滔

池脉寒來淺恩波住後新  
引將諸派水別貯大都春  
幽咽疏通處清冷迸入辰  
漸平連杏岸旋濶映梅津  
沙沒迷行徑洲寬恣躍鱗  
願當舟楫便一附濟川人

遊西池

晉謝混

悟彼蟋蟀唱信此勞者歌  
有來豈不疾良遊常蹉跎



逍遙越城肆願言屢經過迴阡被陵闕高臺眺飛霞  
惠風蕩繁囿白雲屯曾阿景具鳴禽集水木湛清華  
褰裳順蘭沚徙倚引芳柯美人愆歲月遲暮獨如何  
無爲牽所思南榮戒其多

遊池原作雜詩

晉張華

逍遙遊春官容與綠池阿白蘋開素蕪朱草茂丹華  
微風搖芭若增波動菱荷榮彩曜中林流聲入綺羅  
王孫遊不歸脩路邈以遐誰與翫遺芳佇立獨咨嗟

遊池

原作奉和六月王午應令

梁劉孝威

玄圃棲金碧靈澗挹琨瑤築山圖碣岫穿池控海潮

地部

卷五

五池

雷奔石鯨動水濶牽牛遙乘黿猶却渡鞭石詎成橋  
一作崩下生窟壁峭上干霄噪蛙常獨沸游魚或  
自跳荒徑橫臨浦空舟斜插橈愁鴟集古樹白鷺隱  
青苗初心重丘壑散步懷漁樵石累元卿徑枝挂許  
由瓢伊臣本寂寞由來畏市朝爲貪止山水所競唯  
逍遙寄言周伯况一作勞君擅穀納

春日臨池

北魏溫子昇

光風動春樹丹霞起暮陰嵯峨映連壁飄颻下散金  
徒自臨濠渚空復撫鳴琴莫知流水曲誰辨游魚心

玄圃濬池臨泛奉和

北周王褒

長洲春水滿臨泛廣川中石壁如明鏡飛橋類飲虹  
垂楊夾浦綠新桃綠徑紅對樓還泊岸迎波覽守風  
漁舟釣欲滿蓮房採半空於茲臨北闕非復坐墻東  
和韋承慶過義陽公主山池五首

唐杜審言

野興城中發朝英物外求情懸朱紱望契動赤泉遊  
海燕巢書閣山雞舞畫樓雨餘清晚夏共坐北岵幽

二

逕轉危峰逼橋迴缺岨妨玉泉移酒味石髓換梗香  
綰霧青絲弱牽風紫蔓長猶言宴樂少別向後池塘

地部

卷五

六池

攜琴繞碧沙搖筆弄青霞杜若幽庭艸芙蓉曲沼花  
宴遊成野客形勝得山家往往留仙步登攀日易斜

四

攢石當軒倚懸泉度牖飛鹿麕銜妓席鶴子曳童衣  
園果嘗難遍池蓮摘未稀卷簾唯待月應在醉中歸

五

賞翫奇他日高深愛此時池分八水背峰作九山疑  
地靜魚偏逸人閑鳥欲欺青溪留別興更與白雲期  
奉和中宗皇帝幸興慶池戲競渡應制

唐李適

拂露金輿丹旆轉凌晨舖帳碧池開南山倒影從雲  
落北澗遙光寫浪迴急舸爭標排行度輕帆截浦觸  
荷來橫汾燕鍋歡無極歌舞年年聖壽杯

奉和中宗皇帝幸興慶池戲競渡應制

唐徐彦伯

夾道傳呼翊翠虬天迴地轉御芳洲青潭曉靄籠仙  
蹕紅嶼晴花隔綵旒香溢金杯盈廣坐聲傳妓舸匝  
中流群分相慶嘉魚樂共哂橫汾歌吹秋

疑碧池侍宴看競渡應制 唐李懷遠

地部

卷十五

七

池

上苑清鑾路高居重豫遊前對芙蓉沼傍臨杜若洲  
地如玄扈望波似洞庭秋列筵飛翠傘分曹戲鸕舟  
湍高棹影沒岸近柳歌迴舞曲依鸞殿簫聲下鳳樓  
忽逢天上樂疑逐海槎流

過崔駙馬山池

唐王維

畫樓吹笛妓金梳酒家胡錦石稱貞女青松學大夫  
脫貂貴桂醕射鴈與山厨聞道高陽會愚公谷正愚

陪竇侍御汎靈雲池

唐高適

白露時先降清川思不窮江湖仍塞上舟楫在軍中  
舞換臨津樹歌饒向晚風夕陽連積水邊色滿秋空

乘興宜投轄邀歡莫避驄誰憐持弱羽猶欲伴鷗鴻

陪鄭公秋晚北池臨眺

唐杜甫

北池雲水閣華館關秋風獨鶴元依渚衰荷且映空  
采菱寒刺上踏藕野泥中素機分曹往金盤小徑通  
萋萋露艸碧片片晚旗紅杯酒沾津吏衣裳與釣翁  
異方初豔菊故里亦高桐搖落關山思淹留戰伐功  
嚴城殊未掩清宴已知終何補參軍乏歡娛到薄躬  
與任城許主簿遊南池 唐杜甫

地部

卷十五

八

池

早春遊慈恩南池

唐司空曙

山寺臨池水春愁望遠生踏橋逢鶴起尋竹值泉橫  
新柳絲猶短輕蘋葉未成還如虎溪上日暮伴僧行  
泛春池 唐白居易

白蘋湘渚曲綠篠剡溪口各在天一涯信美非吾有  
何如此庭內水竹交左右霜竹百千竿煙波六七畝  
泓澄動瑤砌澹沱映戶牖蛇皮細有文鏡面清無垢  
波上一葉舟舟中一樽酒或繞蒲浦前或泊桃島後  
未撥落杯花低衝拂面柳半酣迷所在倚榜兀迴首  
不知此何處復是人寰否

同韓侍郎遊鄭家池

唐白居易中

野艇容三人晚池流浼浼悠然倚棹坐水勢如江海  
宿雨洗沙塵晴風蕩煙靄殘陽上竹樹枝葉生光彩  
白鷗驚不起綠荇行堪採

陪中書李紆舍人夜泛東池

唐盧綸中

看月復聽琴移舟出樹陰夜村機杼急秋水菱荷深  
石靜龜潛上萍開果暗沈何言奉杯酒得見五湖心

臨池閒臥

唐白居易中

小竹圍庭匝平池與砌連閒多臨水坐老愛向陽眠  
營役拋身外幽奇送枕前誰家臥牀腳解繫釣魚船

地部

卷三五

九池

臨池曲

唐孟郊中

池中春蒲葉如帶紫菱成角蓮子大羅裙蟬鬢寄迎  
風雙雙伯勞飛向東

和沈參軍招友觀芙蓉池

唐溫庭筠晚

桂棟坐清曉瑤瑟商鳳絲况聞楚澤香適與秋風期  
北渚水雲葉南塘煙霧枝珠墜魚迸淺影多鳬汎遲  
落英不可攀返照昏澄波

安德山池宴集

唐李百藥初

朝宰論思暇高宴臨方塘雲飛鳳臺管風動令君香  
細草開金埒流霞泛羽觴虹橋分水態鏡石引菱光

上才同振藻小伎謬連章懷音自蘭室徐步返山莊

安德山池宴集

唐劉洎初

平陽擅歌舞金谷盛招攜何如兼往烈命賞叶幽棲  
已均朝野致還欣物我齊春晚花方落蘭深逕漸迷  
蒲新節尚短荷小蓋猶低無勞拂長袖直待夜烏啼

安德山池宴集

唐岑文本初

甲第多清賞芳辰命羽扈書帷通竹逕琴臺枕橫籬  
池疑夜壑徙山似鬱洲移雕楹網羅薜荔激瀨合埧篁  
鳥戲翻新葉魚躍動清漪自得淹留趣寧勞攀桂枝

安德山池宴集

唐楊績初

地部

卷三五

十池

狹斜通鳳闕上路抵青樓簪綬啓賓館軒蓋臨御溝  
西城多妙舞主第出名謳列峯疑宿霧疏寮擬藏舟  
花蝶亂風影萍藻含春流酒闌高宴畢自返山之幽

安德山池宴集

唐上官儀初

上路抵平津後堂羅薦陳締交開狎賞麗則展芳辰  
密樹風煙積迴塘荷芰新雨霽虹橋晚花落鳳臺春  
翠釵低舞席文杏散歌塵方惜流觴滿夕鳥已城闌

安德山池宴集

唐許敬宗初

咸里歡娛地園林矚望新山亭帶芳杜歌吹叶陽春  
臺榭疑平峽荷渠似洛濱風花縈少女虹梁聚美人

宴遊窮至樂譚笑畢良辰獨歎高陽晚歸路不知津

安德山池宴集

唐褚遂良

伏檻丹霞外  
遮圍煥景舒  
行雲沆層阜  
蔽月下清渠  
庭中奏趙瑟  
席上舞燕裾  
花落春鶯晚  
風光夏葉初  
良朋比蘭蕙  
雕藻適瓊瑤  
獨有狂歌客  
來承歡宴餘

奉和宴小山池得谿字應制

唐武三思

年光開碧沼  
雲色斂青谿  
解魚方戲風  
喧鳥欲啼  
巖泉飛野鶴  
石鏡舞山鷄  
柳發龍鱗上  
松新麋尾齊  
九韶從此驗  
三月定應迷

興慶池侍宴應制

唐蘇頌

地部

卷三五

三池

降鶴池前迴步輦  
棲鸞樹杪出行宮  
山光積翠遙疑  
通水態含清  
近若空直視  
天河垂象外  
俯窺京室畫  
圖中皇情未使恩  
波極日暮樓船更起風

興慶池侍宴應制

唐劉憲

蒼龍闕下天泉池  
軒駕來遊簫管吹  
綠堤夏篠榮不  
散日水新荷卷  
復披帳殿疑從  
畫裏出樓船直在  
鏡中移自然東海  
神仙處何用西崑  
轍迹疲

興慶池侍宴應制

唐李义

神池汎濫水盈科  
仙蹕紆徐步輦過  
縱棹回沿萍溜  
合開軒眺賞  
麥風和潭魚在藻  
欣游泳谷鳥含櫻  
入

賦歌寄謝乘槎濱海客詎須來此問天河

興慶池侍宴應制

唐沈佺期

碧水澄潭映遠空  
紫雲香駕御微風  
漢家宮闕疑天上  
秦地山川似鏡中  
向浦迴舟萍已綠  
分林蔽殿檣初紅  
古來徒羨橫汾賞  
今日宸遊聖藻雄

興慶池侍宴應制

唐武平一

鑾輿羽駕直城隈  
帳殿金門此地開  
皎潔靈潭圖日月  
參差畫舸結樓臺  
波搖岼影隨橈轉  
風送荷香入酒來  
願奉聖情歡不極  
長遊雲漢幾昭回

興慶池侍宴應制

唐蘇瓌

地部

卷三五

三池

金闕平明宿霧收  
瑤池式燕俯清流  
瑞鳳飛來隨帝  
幄祥魚出戲躍  
王舟帷齊綠樹  
當筵密蓋轉細荷  
接岸浮如臨竊比  
微臣懼若濟叨陪  
聖主遊

興慶池侍宴應制

唐馬懷素

積水逶迤繞貝城  
含虛皎鏡有餘清  
清圖雲曲榭連緹  
幕映日中塘間  
綠旌賞洽猶聞  
簫管沸歡留更睹  
水蘭輕無勞海上  
尋仙客即有蓬萊  
在帝京

興慶池侍宴應制

唐韋元旦

滄池潏沔帝城邊  
殊勝昆明鑿漢年  
夾岸旌旂疎輦  
道中流簫鼓振  
樓船雲峰四起迎  
宸幄水樹千重入

御筵宴樂已深魚藻詠承恩更欲奏甘泉

興慶池侍宴應制

唐張說

靈池月滿直城隈  
繡帳天臨御路開  
東沼初陽疑吐  
出南山曉翠若浮來  
魚龍百戲分容與  
鳬鷁雙舟較  
泝洄願似金堤青艸馥長承瑞水白雲杯

同李舍人冬日宴安樂公主山池

唐沈佺期

嘗聞天女貴家郎  
帝居連亭插宜春  
果山銜太液泉  
橋低烏鵲夜臺起  
鳳凰年故事猶如此  
新圖更可憐  
紫巖妝閣透青嶂  
妓樓懸峰奪香爐  
巧池偷明鏡圓  
梅花寒待雪桂葉曉留煙  
興盡方投轄金聲還復傳  
地部

卷三

三池

從岐王夜讌衛家山池應教

唐王維

坐客香貂滿宮娃綺幔張  
澗花輕粉色山月少燈光  
積翠紗窓暗飛泉繡戶涼  
還將歌舞出歸路莫愁長

蕭文學山池宴

唐獨孤及

檀欒千畝綠知是碎疆園  
遠岫當庭戶諸花覆水源  
主人邀盡醉林鳥助狂言  
莫問愁多少今皆付酒罇

李卿東池夜宴得池字

唐獨孤及

政成機不擾心愜宴忘疲  
去燭延高月傾壘就小池  
舞盤迴雪動絃奏躍魚隨  
自是山公興誰令下士知

晦日益州北池陪宴

唐司空曙

臨泛從公日仙舟翠幕帳  
七橋通碧沼雙樹接花塘  
玉燭收寒氣金波隱夕光  
野聞歌管思水靜綺羅香  
遊騎繁林遠飛旆截岸長  
郊源懷瀾淖陂漾寫江潢  
當侍傳花詔偏裨問羽觴  
豈令南峴首千載播餘芳

偶宴西蜀摩訶池

唐楊當

珍木鬱清池風荷左右披  
淺觴寧及醉慢舸不知移  
蔭竹簾光冷照流簪影散  
胡爲獨騎者雪涕向流漪

滁州園池宴元氏親屬

唐韋應物

日暮遊清池疎林羅一作高  
天餘綠飄飄霜露夕氣變  
風煙水門架危閣竹亭列  
廣筵一展私姻禮屢歎芳

地部

卷三

三池

罇前感往在茲會傷離屬  
顏年明晨復云去且願此  
留連

宿興善寺後池

唐李端

艸堂高樹下月向後池生  
野客同僧靜一作新荷共  
水平錦鱗沈不食繡羽亂  
相鳴即事思江海誰能萬  
里行

憶春日太液池東亭候對

唐李紳

宮鶯曉報瑞煙開三島靈禽拂水迴  
橋轉綠虹當綺殿檻浮花鳥近蓬萊  
艸承步輦王孫長桃艷仙顏阿母裁  
簪筆此時方侍從却思金馬笑鄒枚

雨後曉行獨至惠溪北池

唐柳宗元

宿雲散洲渚曉日明村塢高樹臨清池風驚夜來雨  
予心適無事偶此成賓主

相州前池別許鄭二判官景先神力

唐張說

數步圓塘水雙鴻戢羽儀一飛喬木上一返故林垂  
淡泊含秋景虛明抱夜規無因留絕翰雲海意差池

和范郎中宿直中書曉玩清池贈南省同僚兩

垣遺補

唐錢起

青瑣留才子春池靜禁林自矜仙島勝宛在掖垣深

地部

卷五

五

引派彤庭裏含虛玉砌陰漲來知聖澤清處見天心

蘭氣飄紅岸文星動碧潯鳳棲長近日虬臥欲爲霖

席寵雖高位流謙乃素襟焚香春一作殘漏盡假寐曉

鶯吟丹地宜清泚一作切朝陽復照臨司言兼逸趣鼓

興接一作屬知音六義驚一作先摘藻三臺響擲金爲憐

風水外落羽此漂沈一作鱗羽失飛沈

○昆明池

和足法師遊昆明池二首

北周庾信

遊客重相憶連鑣出上蘭值泉傾蓋飲逢花駐馬看  
平湖泛玉舳高堰歌金鞍半道聞荷氣中流覺水寒

二

秋光麗晚天鷁舸泛中川密菱障浴鳥高荷沒釣船  
碎珠縈斷菊殘絲繞折蓮落花催斗酒樓鳥送一絃

和人日晚景宴昆明池

北周庾信

春餘足光景趙李舊經過上林柳腰細新豐酒徑

多小船行釣鯉新盤待摘荷蘭皇徒稅駕何處有

凌波

秋日遊昆明池

陳江總

靈一作玄沼蕭條望遊人意緒多終南雲影落渭北雨

聲過蟬噪金隄柳驚飲石鯨波珠來照似月織處寫

地部

卷五

五

昆明池

成河此時一作詩臨水歎非復採蓮歌

秋日遊昆明池

隋元行恭

旅客傷羈遠樽酒慰登臨池鯨隱舊石岸菊聚新金

障低雲色近行高鴈影深欹荷瀉圓露臥柳橫清陰

衣共秋風冷心學古灰沈還似無人處幽蘭入雅琴

秋日遊昆明池

隋薛道衡

霸陵因靜退靈沼暫徘徊新船木蘭檝舊宇豫章材

荷心宜露泣竹徑重風來魚潛疑刻石沙暗似沈灰

琴逢鶴欲舞酒遇菊開斲心與秋興陶然寄一杯

冬日臨昆明池

昆明池在唐林苑周廻十里漢武帝元狩四年欲伐昆明穿此



池以習水戰中有豫章臺刻石為鯨魚每至雷雨常鳴吼鯨尾皆動有石人立牽牛織女于池之東西以象天河武帝初穿池得黑土帝問東方朔朔曰西域胡人知後問胡人胡人曰劫燒之餘灰也

唐太宗

石鯨分玉溜劫燼隱平沙柳影水無葉梅心凍有花寒朝凝野霧霜天散夕霞懽情猶未極落景遽西斜

昆明池宴坐王兵部珣見示三韻因而有答

唐蘇頌初

畫舸疾如飛遙遙泛夕暉石鯨吹浪隱王女步塵歸獨有銜恩處明珠在釣磯

和許侍郎遊昆明池

唐李百藥初

地部

卷三五

主

昆明池

神池望不極滄波接遠天儀星似河漢落景類虞淵年深平館宇道泰偃戈船差池下鳬鴈掩映生雲煙浪花開已合風文直且連稅馬金堤外橫舟石岸前羽觴傾綠蟻飛日落紅鮮積水浮深智明珠耀雅篇大鯨方遠擊沈灰獨未然知君嘯儔侶短翮徒聯翩

昆明池侍宴應制

唐沈佺期初

武帝伐昆明穿池習五兵水同河漢在館有豫章名我后光天德垂衣文教成黷兵非帝念勞物豈皇情春仗過鯨沼雲旗出鳳城靈魚銜寶躍仙女廢機迎柳拂旌門暗蘭依帳殿生還如流水曲日晚棹歌聲

恩勅尚書省寮宴昆明池應制同用堯字

唐張嘉貞初

雲沼初開漢神池舊浴堯昔人徒習武明代此聞韶地脉山川勝天恩雨露饒時光牽利舸舫春淑覆柔條芳醞醒千日華牋落九霄幸承歡賓重不覺醉歸遙恩勅尚書省寮宴昆明池應制同用堯字

唐蘇頌初

露瀝灑雲霄天官次斗杓昆明四十里空水極晴朝鴈似銜紅葉鯨疑噴海潮翠山來徹底白日去迴標泳廣漁槎溢浮深妓舫搖飽恩皆醉止合舞共歌堯

地部

卷三五

主

昆明池

奉和晦日幸昆明池應制景龍三年正月晦日賦詩羣臣應制百餘篇中宗皇帝幸昆明池容選一首為新翻御製曲從臣悉集其下須史紙落如飛各認其名而懷之既還唯沈宋二詩不下又移時一紙飛墜競取而觀乃沈宋詩也及聞其評曰二詩工力悉敵沈詩落句云微臣彫朽質羞觀豫章材蓋詞氣已竭宋詩云不愁明月盡自有夜珠來猶勝健舉沈乃服不敢復爭

唐宋之間初

春豫靈池會滄波帳殿開丹凌石鯨度槎拂斗牛迴節晦真全落春遲柳暗催象溟看浴景燒却辨沈灰鎬飲周文樂汾歌漢武才不愁明月盡自有夜珠來奉和晦日幸昆明池應制唐沈佺期初

法駕乘春轉神池象漢回雙星遺舊石孤月隱殘灰  
戰鷁逢時去恩魚望幸來山花綈騎遠堤柳慢城開  
思逸橫汾唱歡流宴鎬杯微臣彫朽質羞覩豫章才

奉和晦日幸昆明池應制 唐蘇頌初

炎曆事邊陲昆明始鑿池豫遊光後聖征戰罷前規  
霽色清珍宇年芳入錦陂御杯蘭薦葉仙仗柳交枝  
二石分河瀉雙珠代月移微臣比翔泳恩廣自無涯

奉和晦日幸昆明池應制 唐李義初

玉輅尋春賞金堤重晦遊川通黑水漫地脉紫泉流  
晃朗扶桑出綿聯樹杞周烏疑填海處人似隔河秋

地部 卷三十五 昆明池

劫盡灰猶識年移石故留汀洲歸棹晚簫鼓雜汾謳  
省試晦日與同志昆明池汎舟 唐朱慶餘中

故人同汎處遠色望中明靜見沙痕露微思月鳬生  
周回餘雪在浩渺暮雲平戲鳥隨蘭棹空波盪石鯨  
劫灰難問理高樹偶知名自省曾追賞無如此日情

同諸公秋日遊昆明池思古 唐儲光義盛

僕人理車騎西出金光遠蒼蒼白帝郊我將遊靈池  
太陰連晦朔雨與天根違淒風披田原橫汚益山陂  
農畯盡顛沛顧望稼穡悲皇靈惻群阡神政張天維  
坤紀戮屏翳元綱扶逶迤迴塘清滄流大曜懸金暉

秋色浮渾沌清光隨漣漪豫章盡莓苔柳杞成枯枝  
驟聞漢天子征彼西南夷伐棘開洪淵秉旄訓我師

震雲靈鼉鼓照水蛟龍旂銳士千萬人猛氣如熊羆  
刑罰一以正干戈自有儀坐作河漢傾進退樓船飛  
羽發鴻鴈落旂動芙蓉披峨峨三雲宮肅肅振旅歸  
惡德忽小醜器用窮地貲上兵貴伐謀此道不能爲  
吁哉蒸民苦始曰征伐非穆穆軒轅朝耀德守方垂  
君臣日安閒遠近無怨思石鯨已蹭蹬女牛亦流離  
獫狁遊渚隅葭蘆生派湄坎壈四十里填淤今已微  
江伯方翱翔天吳收往來桑榆口無色佇立暮霏霏

地部 卷三十五 昆明池

老幼樵木還賔從迴戰騎帝夢鮮魚索明月當報時

詩集類函卷二十五

詩集類目卷二十六

東吳俞安期彙纂

宣城梅鼎祚增定

地部十一

潭靈泚附 泉水簾附 溫泉玉女湯

附井

○潭 靈泚附

葛山潭

唐孫逖初

圓潭瀉流月 晴明潤萬象 僊翁何時還 綠水空蕩漾  
涼哉草木腓 白露沾人衣 猶醉空山裏 時聞笙鶴飛

萬丈潭

唐杜甫盛

地部

卷二十六

青谿合冥冥 神物有顯晦 龍依積水蟠 窟壓萬丈內  
跼步凌垠堦 側身下煙靄 前臨洪濤寬 却立蒼石大  
山危一徑盡 岸絕兩壁對 削成根虛無 倒影垂澹瀨  
黑知灣環底 清見光爛碎 孤雲倒來深 飛鳥不在外  
高蘿成帷幄 寒水疊旌旆 遠川曲通流 嵌竇潛洩瀨

落星潭

唐李白盛

涇谿南藍山下有落星潭可以卜筮余泊舟石上  
藍岑竦天壁 突兀如鯨額 奔厓橫澄潭 勢吞落星石  
沙帶秋月明 水逢寒山鳴 危崖旋繞鏡 險岨能留客

題玉潭

唐獨孤及盛

碧玉徒強名 冰壺難比德 唯當寂照心 可立齋淪色

萬山潭

唐孟浩然盛

垂釣坐磐石 水清心亦閒 魚行潭樹下 猿卧島藤間  
遊女昔解佩 傳聞于此山 求之不可得 淅月掉歌還

龍潭

唐韋應物中

石漱懸流雪 滿灣五龍潛 處野雲開暫 收雷電九峰  
下且飲谿潭 一水間浪引浮槎 依北岸波分曉日浸  
東山回瞻四面如看盡 須信遊人不欲還

旦發漁浦潭

梁丘遲

漁潭霧未開 赤亭風已颺 擢歌發中流 鳴鞀響香嶂

地部

卷二十六

村童忽相聚 野老時一望 詭怪石異象 嶄絕峰殊狀  
森森荒樹齊 析析寒沙漲 藤垂島易陟 崖傾嶼難傍  
信是永幽棲 豈徒暫清曠 坐嘯昔有姿 臥治今可尚

發漁浦潭

唐孟浩然中

東旭早光芒 渚禽已驚聒 臥聞漁浦口 曉聲暗相撥  
日出氣象分 始知江路濶 美人常晏起 照影弄流沫  
飲水畏驚猿 祭魚時見獺 舟行自無悶 况值晴景豁

同太平公主遊九龍潭

唐武后初

山牕遊玉女 澗戶對瓊峰 巖頂翔雙鳳 潭心倒九龍  
酒中浮竹葉 杯上寫芙蓉 欲驗山家實 唯有入松風

春日遊羅敷潭

唐李白

行歌入谷口路盡無人躋攀崖度絕壑弄水尋迴谿  
雪從石上起客到花間迷淹留未盡興日落羣峰西

沈碑潭

晉書云杜預南征紀功勒爲二碑一立萬山上一流萬山下

唐鮑溶

襄陽太守沈碑意身後身前幾年事漢江千古未爲  
陵水底魚龍應識字

與幼退君貺兄弟同遊白家竹潭

唐韋應物

清賞非素期偶遊方自得前登絕嶺險下視深潭黑

地部

卷二十六

三

潭

密竹已成暮歸雲殊未極春鳥依谷暄紫蘭含幽色  
已將芳景遇復欸平生憶終念一歡別臨風還默然

春遊東潭

唐盧綸

移舟試望家漾漾似天涯日暮滿潭雪白鷗和柳花

汝州南潭陪陸中丞公謙

唐孟郊

一雨百泉漲南潭夜來深分明碧沙底寫出青天心  
高岍立旗戟潛蛟失浮沈威稜護斯浸魍魎逃所侵  
山態變初霽水聲流新音耳目極眺聽潺湲與欬吟

對小潭寄遠上人

唐白居易

小潭登見底閒客坐開襟借問不流水何如無念心

彼惟清且淺此乃寂而深是義誰能答明朝開道

奉同郭給事湯東靈湫作

唐杜甫

東山氣鴻濛宮殿居上頭君來必十月樹羽臨九州  
陰火煮玉泉噴薄漲巖幽有時浴赤日光抱空中樓  
闔風入轍跡曠原延冥搜沸天萬乘動觀水百丈湫  
幽靈斯可怪王命官屬休初聞龍用壯壁石摧林丘  
中夜窟宅改移因風雨秋倒懸瑤池影屈注滄江流  
味如甘露漿揮弄滑且柔翠旗淡偃蹇雲車紛少留  
簫鼓蕩四溟異香泱泱浮鮫人獻微綃曾祝沈豪牛  
百祥奔盛明古先莫能儔坡陀金蝦蟆出見蓋有由

地部

卷二十六

四

五洲

○洲

還渡五洲

梁何遜

我行朔已晦泝水復沿流戎傷初不辨動默自相求  
睠言還九派迴艫出五洲蕭散煙霧晚淒清江漢秋  
沙汀暮寂寂蘆岸晚脩脩以此南浦夜重此北門愁  
方圓既齟齬貧賤豈怨尤

五洲夜發

陳陰鏗

夜江霧裏閣新月迴中明酒醒惟識火驚危但聽聲

勞者時歌榜愁人數問更

晚泊五洲

陳陰鏗

客行逢日暮結纜晚洲中戍樓因堪險村路入江窮  
水隨雲度黑山帶日歸紅逢憐一柱觀欲輕千里風

帆度吉陽洲

梁劉孝儀

揚帆乘浪華搯鼓要風力近樹儵而遐逢山俄已逼  
欲比驚龍掣將頓陽鳥翼客行悲道遠唯須前路極

帆渡吉陽洲

梁劉孝威

江風一作凌曉急鉦鼓候晨催幸息榜人唱聊望高  
帆開聯村倏忽盡循汀俄頃回疑似傍洲退似覺前

地部

卷二十六

五洲

山來將與圖南競誰云勞汭洄

三洲歌

陳後主

春江聊一望細草遍長洲沙汀時起伏畫舸屢淹留

鸚鵡洲

唐李白盛

鸚鵡來過吳江水江上洲傳鸚鵡名鸚鵡西飛隴山  
去芳洲之樹何青青煙開蘭葉香風暖岸夾桃花錦

浪生遷客此時徒極目長洲孤月向誰明

次晚洲

唐杜甫盛

參錯雲石稠陂陀風濤壯晚洲適知名秀色固異狀  
棹經垂猿把身在度鳥上

西洲詞

唐溫庭筠晚

南樓登且望西江廣復平艇子搖兩槳催過石頭城  
門前烏臼樹慘澹天將曙鷓鴣飛復還郎隨早帆去  
迴頭語同伴定復負情儂去帆不安幅作抵使西風  
他日相尋索莫作西洲客西洲人不歸春草年年碧

春洲曲

唐溫庭筠晚

韶光染色如蛾翠綠濕紅鮮水容媚蘇小慵多蘭渚  
閑融融浦日鷓鴣寐紫騮蹀躞金銜嘶堤上揚鞭煙  
草迷門外平橋連柳堤歸來晚樹黃鸝啼

題白蘋洲

州在吳興柳惲江南春云汀  
州采白蘋日暖江南春故名

地部

卷二十六

六洲

唐杜牧晚

山鳥飛紅帶亭微拆紫花谿光初透徹秋色正清華  
無多珪組累終不負煙霞

廬山桑落洲

唐胡玠

莫問桑田事但看桑落洲數家新住處昔日大江流  
古岸崩欲盡平沙長未休想應百年後人世更悠悠

鸚鵡洲送王九遊江左

唐孟浩然盛

昔登江上黃鶴樓遙愛江中鸚鵡洲勢逐迤邐繞碧  
流鴛鴦鸚鵡滿沙頭灘頭月落沙磧長金沙耀耀動  
颼光舟人牽錦纜浣女結衣裳月明全見蘆花白風

起逢聞杜若香君行采采莫相忘

月洲歌送趙列還襄陽

唐皇甫冉

漢之廣矣中有洲洲如月兮水環流流聒聒今湍與  
瀨草青青今春更秋苦竹林香楓樹樵子民師幾家  
住萬山飛雨一川來巴客歸船傍洲去歸人不可遲  
芳杜滿洲時無限風煙皆自悲莫辭貧賤阻心期家  
住洲頭定近遠朝泛輕橈暮當返不能隨爾臥芳洲  
自念天機一何淺

○渚

灣附

富春渚

宋謝靈運

地部

卷三十六

七 洲渚

宵濟漁浦潭旦及富春郭定山緬雲霧赤亭無淹薄  
迴流觸驚急臨圻阻參錯亮乏伯昏分險過呂梁壑  
存至宜便習兼山貴止託平生協幽期淪躋困微弱  
久露千祿請始果遠遊諾宿心漸申寫萬事俱零落  
懷抱既昭曠外物徒龍蠖

發後渚

宋鮑照

江上氣早寒仲秋始霜雪從軍乏衣糧方冬與家別  
蕭條背鄉心悽愴清渚發涼埃晦平早飛潮隱脩樾  
孤光獨徘徊空煙視升滅塗隨前峰遠意逐後雲結  
華志分馳年韶顏慘驚節推琴三起歎聲爲君斷絕

從臨海王上荆初發新渚

宋鮑照

客行有苦樂但問客何行板龍不待翼附驥絕塵冥  
梁珪分楚牧羽鷁指全荆雲艫淹江汜千里被連旌  
戾戾旦風道嘈嘈晨鼓鳴收纜辭帝郊揚棹發皇京  
狐兔懷窟志犬馬戀主情撫襟同太息相顧俱涕零  
奉役塗未啓思歸恩已盈

和徐都曹出新亭渚

齊謝朓

宛洛佳遊遊春色滿皇州結軫青郊路迴瞰蒼江流  
日華川上動風光草際浮桃李成蹊徑桑榆陰道周  
東都已倣載言歸望綠疇

地部

卷三十六

八 渚

赤亭渚

梁江淹

吳江泛丘墟饒桂復多楓水夕潮波黑日暮精氣紅  
路長寒光盡鳥鳴秋草窮瑤水雖未合珠霜竊過中  
坐識物序晏卧視歲陰空一傷千里極獨望淮海風  
遠心何所類雲邊有征鴻

昧旦出新亭渚

梁徐勉

驅車凌早術山華映初日攬轡且徘徊復值清江謐  
杳靄楓樹林參差黃鳥匹氣物宛如斯重以心期逸  
春堤一遊衍終朝意殊悉

入蜀秋夜宿江渚

隋陳子良



我行逢日暮，彈棹獨維舟。  
水霧一邊起，風林兩岫秋。  
山陰黑斷磧，月影素寒流。  
故鄉千萬里，外何以慰羈愁。

後渚置酒

唐陳叔達

大渚初驚夜，中流沸鼓聲。  
寒沙滿曲浦，夕霧上耶谿。  
岫廣鳥飛急，雲深鴈度低。  
嚴關猶未遂，此夕待晨雞。

曉入宜都渚

唐閻寬

問俗周楚甸，川行渺江潯。  
興隨曉光發，道會春言深。  
回眺佳氣象，遠懷得山林。  
佇應舟楫用，曷務歸閑心。

新亭渚別范零陵雲

齊謝朓

地部

卷二十六

九

洞庭張樂地，瀟湘帝子遊。  
雲去蒼梧野，水還江漢流。  
停驂我悵望，輟棹子夷猶。  
廣平聽方籍，茂陵將見求。  
心事俱已矣，江上徒離憂。

壬午渚憶魏少英

梁王僧孺

楓林暖似畫，沙岫淨如掃。  
空籠望懸石，回斜見危島。  
綠草閑遊蜂，青葭集輕鵠。  
徘徊洞初月，浸淫瀆春潦。  
非願歲物華，徒用風光好。

釣魚灣

唐儲光義

垂釣綠灣春，深本花亂潭。  
清疑水淺荷動，知魚散。  
日暮待情人，維舟綠楊岸。

茱萸灣北苔崔戴華問

唐劉長卿

荒涼野店絕迢迢，人煙達蒼蒼。  
古木中多是隋家苑，  
○澗 溝附

賦得曲澗

梁劉孝威

澗流急易轉，谿竹暗難開。  
近樓俄已失，前洲忽復迴。  
石岸生寒蘚，沈根漬水苔。  
菱舟失道去，歸鳥迷徑來。

從斤竹澗越嶺谿行

宋謝靈運

猿鳴誠知曙，谷幽光未顯。  
巖下雲方合，花上露猶泫。  
逶迤傷隈隩，迢遞陟崦岵。  
過澗既厲急，登棧亦陵紆。  
川渚屢徑復，乘流翫迴轉。  
蘋萍泛沈深，菰蒲冒清淺。

地部

卷二十六

十一

金石挹飛泉，攀林摘葉卷。  
想見山阿人，薜蘿若在眼。  
握蘭勤徒結，折麻心莫展。  
情用賞爲美，事昧竟誰辨。  
觀此遺物處，一悟得所遣。

華林北澗

宋徐謨

總長潭兮括遠源，下沈瀄兮起輕泉。  
迴谿浚兮曲沼阻，衝波激兮瀨淺。  
淺貫九谷兮積靈芝，飛清澗兮潔澄蓮。  
一作

赤松澗

梁沈約

松子排煙去，英靈眇難測。  
惟有清澗流，潺湲終不息。  
神丹在茲化，雲輅於此陟。  
願受金液方，片言生羽翼。

渴就華池飲饑向朝霞食何時當來還延佇青巖側

經慈恩澗

唐鄭繇

岸與恩同廣波將慈共深涓涓勞日夜長似下流心

南澗

唐皇甫冉

上路各乘軒高明盡鳴玉寧知澗下人自愛輕波淥

南澗

唐王建

野桂香滿谿石莎寒覆水愛此南澗頭終日潺湲裏

南澗中題

唐柳宗元

秋風集南澗獨遊亭午時迴風一蕭瑟林影久參差

始至若有得稍深遂忘疲羈禽響幽谷寒藻舞淪漪

地部

卷二十六

十一

去國竟已遊懷人淚空垂孤生易為感失路少所宜

索寞竟何事徘徊祇自知誰為後來者當與此心期

遊石門澗

唐白居易

石門無舊徑披榛訪遺跡時逢山水秋清輝如古昔

常聞慧遠輩題詩此巖壁雲覆莓苔封蒼然無處覓

蕭疎野生竹崩剝多年石自從東晉後無復人遊歷

獨有秋澗聲潺湲空旦夕

滁州西澗

唐韋應物

獨憐幽草澗邊生一作草澗邊生上有黃鸝深樹鳴春潮

帶雨晚來急野渡無人舟自橫

西澗卽事示盧陟

唐韋應物

寢扉臨碧澗晨起澹忘情空林細雨至圓文遍水生

永日無餘事山中伐木聲知子塵喧久暫可散煩纓

御溝

唐王貞白

一派御溝水綠槐相蔭清此波涵帝澤無處濯塵纓

鳥道來雖險龍池到自平朝宗心本切願向急流傾

○泉

水簾附

詠山泉

唐儲光羲

山中有流水借問不知名映地爲天色飛空作雨聲

轉來深澗滿分出小池平恬澹無人見年年長自清

地部

卷二十六

十二

和崔會稽詠王貞曹廳前湧泉勢成中字

唐包融

茂德來徵應流泉入詠歌含靈符上善作字表中和

有草恒垂露無風欲偃波爲看人共水清白定誰多

玉漿泉

唐書曰豆盧革周武帝時爲涪州刺史

呼爲高武驪其山絕壁千尋山來乏水諸羌

皆之訪焉足所踐忽飛泉湧出有白鳥翔止

我有丹陽山出玉漿濟我人夷神鳥來翔

山下泉

唐權德輿

漾漾帶山光澄澄倒林影那知石上喧却憶山中靜

山下泉

唐李端

碧水映丹霞濺濺度一作露淺沙暗通山下草流出洞  
中花素色和雲落喧聲遶石斜明朝更尋去應到阮  
郎家

新泉

唐僧靈一

泉源新湧出洞微映纖雲稍落芙蓉沼初淹苔蘚文  
了將空性靜素與衆流分若對青霄月冷然夢裏聞  
和靈一上人新泉

唐劉長卿

東林一泉出復與遠公期石淺寒流處山空夜落時  
一作淺澗春流處空山夜月時夢閑聞細響慮澹對清漪動靜皆無  
地部

卷二十六

十三

意如一作唯應達一作者知

一公新泉

唐嚴維

山下新泉出冷冷此發源落池纔有響噴石未成痕  
獨映孤松色殊分衆鳥喧唯當清夜月觀此啓禪門

甘泉詩

并序

唐耿漳

甘泉美良牧也覃懷舊水鹹鹵人多祲患天愍遺  
甿是生王公惠和既敷妙用潛應頃修壘虞冠鑿  
井便既忽遇醴泉香美若飴遂命水工浚濞餘泥  
葺欄備緱惟人所欲萬甌繼挈道路紛紛既蠲諸  
邪亦愈羣瘵豈止夫亢鹽漱之用增烹飪之味客

乃率然遂賦茲什

異井甘如醴深仁遠未涯氣寒堪破暑源淨自蠲邪  
脩綆懸冰甃新桐蔭玉沙帶星疑曉拂霧湧秋華  
綠溢涵千仞清冷飲萬家何能葛洪宅終日閉煙霞

題青蘿龕雙泉

唐耿漳

側弁向清漪門中夕照移異源生暗石疊響落秋池  
葉擁沙痕沒流回草蔓隨泠泠無限意不獨遠公知  
無錫惠山寺流泉歌

唐皇甫冉

寺有泉今泉在山鏘金鳴玉今長潺湲作潭鏡今澄  
寺內泛巖花今到人間土膏脉動知春早隈隩陰深  
地部

卷二十六

十四

途中題山泉

唐白居易

長苔草處處繁迴石磴喧朝朝盟漱山僧老僧自老  
松自新清流活活無冬春任疏鑿今與汲引若有意  
今山中人偏依佛界通仙境明滅玲瓏媚林嶺宛如  
太室臨九潭詎減天台望三井我來結綬未經秋已  
厭微官憶舊遊且復遲迴猶未去此心祇爲靈泉留  
決決涌巖穴賤賤出洞門向東應入海從此不歸源  
似葉飄辭樹如雲斷別根吾身亦如此何日返鄉園  
題噴玉泉

唐白居易

唐白居易

唐白居易

泉噴聲如玉潭澄色似空練垂青嶂上珠寫綠盆中

涵滴三秋雨寒生六月風何時此巖下來作濯纓翁

達奚中丞東齋壁畫山水各賦一物得樹杪懸

泉

唐盧綸中

素壁畫飛泉從雲落樹巔練垂疑葉響雲迸覺枝偏

華陰東泉

唐李益中

蒼崖抱寒泉淪照洞金碧潛鱗孕明晦山靈閟幽蹟  
前峰何其詭萬變窮日夕松老風易悲山秋雲更白

方山寺松下泉

唐章孝標晚

石脉繞寒光松根噴曉霜注瓶雲母滑漱齒茯苓香

石門山泉

唐鄭谷晚

地部

卷二十六

十五泉

雲邊野客窮來處石上寒猿見落時聚沫繞槎殘雪  
在迸流穿樹隨花隨

泉

唐崔塗晚

達辭巖竇瀉潺湲靜拂雲根別故山可惜寒聲留不  
得旋添波浪向人間

野泉

唐張蟾晚

遠出白雲中長年聽不同一作窮清聲繁石亂寒色入

潭空挂壁聊成雨穿林別起風溫泉非爾類源發在  
深宮

信州開通寺題僧砌下泉

唐曹松晚

細聲從嶠落幽淡浸香堦此境未開日何人初見時  
耗痕延黑薛靜罅吐微漸應有松梢鶴下來當飲之

酌貪泉賦詩

晉書曰隆安中以隱之為龍驤將軍廣州刺史未至州二十里地名泉所酌而飲之因賦此詩及在州清操喻厲

晉吳隱之

古人云此水一飲懷千金一作石門有貪泉一飲重千金試使夷齊

飲終當不易心

引東泉作

唐元結盛

東泉人未知在我左山東引之傍山來乘流落庭中  
宿霧含朝光掩映如殘虹有時散成雨飄灑隨清風

地部

卷二十六

十六泉

眾源發淵竇殊怪旨不同此流又高懸幡幡在長空  
山林何處無茲地不可逢吾欲解纓佩便為泉上翁

引泉

唐白居易中

邛罷不因事陶歸非待年歸來嵩洛下閉戶何翛然

靜掃林下地閑疏池畔泉伊流狹似帶洛石大如拳

誰教明月下為我聲濺濺竟夕舟中坐有時橋上眠

何用施屏障水竹繞牀前

宿深上人房聽遠泉

唐李端中

泉聲宜遠聽入夜對支公斷續來方盡潄淩咽又通  
何年出石下幾里在山中君問源窮處禪心與此同

聽夜泉

唐張籍中

細泉深處落夜久漸聞聲獨起出門聽欲尋常澗行  
還疑隔林遠復畏有風生月下長來此無人亦到明

聽泉

唐僧貫休晚

落石幾萬仞遠聲飄冷空高秋初雨後半夜亂山中  
只有照壁月更無吹葉風省曾廬嶽聽到曉與僧同

酬從叔聽夜泉見寄

唐項斯晚

夢罷更開戶寒泉聲隔雲共誰尋最遠獨自坐偏聞  
巖際和風滴路中泛月分豈知當此夜流念到江濱

聞泉

唐李咸用晚

地部

卷二十六

十七

浙浙夢初驚幽牕枕簟清更無人共聽祇有月空明  
急想穿巖曲低應過石平欲將琴強寫不是自然聲

商山夜聞泉

唐曹松晚

瀉月聲不斷坐來心益閑無人知落處萬水冷空山  
遠憶雲容外幽疑石縫間那辭通曙曉明日度藍關

遊龍門香山泉

唐韋應物中

山水本自佳遊人已忘慮碧泉更幽絕賞愛未一作  
能去潏潏寫幽磴縹緲帶一作嘉樹激轉忽殊流歸

泓又同注羽觴自成一作詵永日亦延趣靈草有時

香仙源不知處

鹽州過胡兒飲馬泉

唐李益中

綠楊著水草如煙舊是胡兒飲馬泉幾處吹笳明月  
夜何人倚劒白雲天從來東合關山路今日分流漢  
使前莫使行人照容鬢恐驚憔悴入新年

軍次陽城烽舍北流泉

唐李益中

何地可潛然陽城烽樹邊今朝望鄉客不飲北流泉  
懷圭峰影林泉

吾家舊物賈生傳入內遙分錫杖泉鶴去帝移宮女  
散更堪鳴咽過樓前

賦得山泉送房造

唐李端中

地部

卷二十六

十八

泉水山邊去高人月下看潤松秋色淨落石夜聲寒  
委曲穿深竹潏潏過淺灘聖朝無隱者早晚罷漁竿

水簾

唐羅鄴晚

萬點飛泉下白雲似簾懸處望疑真若將此水爲霖  
雨更勝長垂隔路塵

水簾

唐羅鄴晚

亂泉飛下翠屏中似共眞珠巧綴同一片長垂今與  
古半山遙聽水兼風雖無舒卷隨人意自有潏潏濟

物功每向暑天來往見疑將仙子隔房櫳

溫泉

王文昂附

溫泉

宋江夏王

秦都壯溫谷漢京麗湯泉炎德潛遠液暄波起茲源

奉和聖製溫泉歌

唐張九齡

初

有時神物待聖人去後湯還冷來時樹亦春今茲十月自東歸羽旆逶迤上翠微溫谷葱蔥佳氣色離宮交奕叶光輝臨渭川近天邑浴日溫泉復在茲羣僊洞府那相及吾君利物心玄澤浸蒼黔漸漬神湯無疾苦薰歌一曲感人深

溫泉行

唐韋應物

中

北風慘慘投溫泉忽憶先皇遊幸年身騎駝馬引天

地部

卷三十六

九

溫泉

仗直入華清列御前玉林瑤雪滿寒山上昇玄閣遊絳煙平明羽衛朝萬國車馬合沓溢四鄣蒙恩每浴華池水扈獵不蹂渭北田朝廷無事共歡燕美人綵管從九天一朝鑄鼎降龍馭小臣髯絕不得去今來蕭瑟一作索萬井空唯見蒼山起煙霧

題昭應溫泉

唐孫叔向

中

一道溫泉遶御樓先皇曾向此中遊雖然水是無情物也到宮前咽不流

浴溫泉

北齊劉逖

驪岫猶懷土新豐尚有家神井堪消疹溫泉足蕩邪

紫苔生石斫黃沫擁金沙振衣殊未已翻能停使車

過溫泉

唐高宗

溫渚停僊蹕豐郊駐曉旌路曲迴輪影巖虛傳漏聲暖涵驚湍駛寒空碧霧輕林黃疎葉下野白曙霜明眺聽良無已煙霞斷續生

奉和聖製過溫泉

唐越王貞

初

鳳輦騰宸駕驪跸次乾遊坎德疏溫液山隈派暖流寒氛空外擁蒸氣沼中浮林凋帷影散雲歛蓋陰收霜郊暢玄覽參差落景遒

奉和聖製過溫泉

唐王德貞

初

地部

卷三十六

二十一

溫泉

握圖開萬寓屬聖啓千年驪阜疏緹騎驚鴻映綵旂玉霜明鳳野金陣藻龍川祥煙聚危岫德水溢飛泉停輿興廢覽還舉大風篇

奉和聖製過溫泉

唐楊思玄

初

豐城觀漢迹溫谷幸秦餘地接幽王壘塗分鄭國渠風威肅文衛日彩鏡雕輿遠岫凝氛重寒叢對影疎迴瞻漢章闕佳氣滿宸居

奉和聖製過溫泉

唐鄭義貞

初

洛川方駐蹕豐野暫停轡湯泉恒獨涌溫谷豈知寒霜枝依巖畔霜風出樹端嶺煙遙聚草山月迴臨鞍



日用誠多幸天文遂仰觀

從駕遊溫泉宮

唐徐安貞初

神女調溫液年年待聖人試開臨水殿來洗屬車塵  
暖氣隨明主恩波浹近臣靈威自無極從此獻千春

幸鳳湯泉

唐玄宗

西狩觀周俗南山歷漢宮薦鮮知路近省歛覺年豐  
陰谷含神藥湯泉養聖躬益齡仙井合愈疾體源通  
不重鳴岐鳳誰誇陳寶雄願將無限澤沾沐衆心同

奉和聖製幸鳳湯泉應制

唐張說初

周狩聞岐禮秦都辨雍名獻禽天子孝存老聖皇情

地部

卷三十六

溫泉

溫潤宜冬幸游畋樂歲成湯雲出水殿暖氣入山營  
坎意無私結乾心稱物平帝歌流樂府谿谷也增榮

溫泉言志

唐玄宗

惟此溫泉是稱愈疾豈余獨受其福思與兆人共  
之乘暇巡遊乃言其志

桂殿與山連蘭湯湧自然陰崖含秀色溫谷吐潺湲  
績爲蠲邪著功因養正宣願言將億兆同此共昌延

奉和聖製溫泉言志應制

唐張說

溫泉媚新豐驪山橫半空湯池薰水殿翠木暖煙宮  
起疾迎僊藻無私合聖功始知堯舜德心與萬人同

同崔員外溫泉卽事

唐郭訥

輦輅移雙闕宸遊整六師天迴紫微坐口轉羽林旗  
霜氣寒戈戟軍容壯虎貔弓鳴射鴈處泉暖躍龍時  
惠化成觀俗謳謠入賦詩同歡王道盛相與詠雍熙

溫泉卽事

唐皇甫冉

天仗星辰轉霜冬景氣和樹含溫液潤山入繚垣多  
丞相金錢賜平陽主輦過魯儒求一謁無路獨如何

安州應城玉女湯作

唐李白

神女歿幽境湯池流大川陰陽結炭炭造化開靈泉  
地底燦朱火沙傍歆素煙沸珠躍晴月皎鏡涵空天

地部

卷三十六

溫泉

氣浮蘭芳滿色漲桃李然精管萬殊入潛行七澤連  
愈疾功莫尚變盈道乃全濯纓掬清泚晞髮弄潺湲  
散下楚王國分澆宋玉田可以奉巡幸奈何隔窮偏  
獨隨朝宗水赴海輪微涓

○井

詠井

梁范雲

乃鑿長林曲有浚廣庭前卽源已爲浪因方自成圓  
兼冬積溫水疊暑泌寒泉不甘未應竭既涸斷來翔

詠井

唐蘇味道

玲瓏映玉檻澄澈瀉銀牀流聲集孔雀帶影出羶羊

桐落秋蛙散桃舒春錦芳帝力終何有機心庶此忘  
詠井 唐李嶠 初

玉甃談仙客銅臺賞魏君蜀都宵映火杞國旦生雲  
向日蓮花淨含風李樹薰已開千里國還聚五星文

麟趾殿詠新井

北周宗懌

當為醴泉山先令浪井開銅新九龍殿石勝凌雲臺

瑞應圖曰王者清淨則浪井出魚豢魏畧曰明帝九龍殿前為玉井綺欄朱超與兄書曰凌雲臺有奇井望之幽然以一石于焉久方聞

長壽寺祭公院新甃井

唐李頎 盛

僧房來往久露井每同觀白石抱新甃蒼苔依舊欄

地部

卷三十六

三十三 井

空瓶宛轉下長綆轆轤盤境界因心淨泉源見底寒  
鐘鳴時灌頂對此日閑安

和崔校書新穿井

唐章孝標 晚

霜鋪破桐陰青絲試淺深月輪開地脉鏡面寫天心  
碧甃花千片香泉乳百尋欲知爭汲引聽取轆轤音

同朱五題盧使君義井

唐高適 盛

高義唯良牧深仁自下車寧知鑿井處還是飲水餘  
地即泉源久人當汲引初體清能鑒物色洞每含虛  
上善滋來往中和淡里間濟時應未竭懷惠復何如

奉試冷井

唐孫欣

僊闌井初鑿靈液忽成泉色湛青苔裏寒凝紫綆邊  
銅瓶向影落玉甃抱虛圓永願調神鼎堯時泰萬年

曉井

唐李郢 晚

桐陰覆井月斜明百尺寒泉古甃清越女攜鉶下金  
索曉天初放轆轤聲

金井怨

唐曹鄴 晚

西風吹急景美人照金井不見面上花却恨井中影

悲廢井

梁范雲

因舊未嘗改綠井故先竭歷稔久無禽一朝見開溝  
泌泉既斯涌短綆將安設已獲丁氏利方見管公綵

地部

卷三十六

三十四 井

舊井

唐劉長卿 中

舊井依舊城寒水深洞澈下看百餘尺一鏡光不滅  
素綆久未垂清涼尚含潔豈能無汲引長訝君恩絕

南州桓公九井作

晉殷仲文

四運雖鱗次理化各有準獨有清秋日能使高興盡  
景氣多明遠風物自凄緊爽籟驚幽律哀壑叩虛牝  
歲寒無早秀浮榮甘夙隕何以標貞脆薄言寄松菌  
哲匠感蕭晨肅此塵外軫廣庭散泛愛逸爵紆勝引  
伊余樂好仁感祛吝亦泯猥首阿衡朝將貽匈奴晒

遊豫章西觀洪崖井

宋謝莊

幽願平生積野好歲月彌捨簪神區外整褐靈鄉垂  
林逮炎天隔山深白日虧遊陰騰鵠嶺飛清起鳳池  
隱暖松霞被容與澗煙移將遂丘中性結駕終在斯

過嚴君平古井

唐鄭世翼

嚴平本高尚逮蹈古人風賣卜成都市流名大漢中  
舊井改人世寒泉久不通年多既罷汲無禽乃遂空  
如何屬秋氣唯見落雙桐

舜井

唐朱慶餘

碧甃磷磷不記年青蘿鎖在小山顛向來下視千山  
水疑是蒼梧萬里天

地部

卷二十六

三五

奉和彭祖井

唐皇甫冉

上公旌節在徐方舊井莓苔近寢堂訪古因知彭祖  
宅得仙何必寫洪鄉清虛不共春池競盥漱偏宜夏  
日長聞道延年如玉液欲將調鼎獻明光

漢宮井

唐邵謁

轆轤聲絕離宮靜班姬幾度照金井梧桐老去殘花  
開猶似當時美人影

吳王古宮井二首

唐羅邺

古宮荒井曾平後見說耕人又鑿開拾得玉釵鐫粉  
字當時恩澤賜誰來

含青薜荔隨金甃碧砌磷磷生綠苔莫言數尺無波  
水曾與如花並照來

天竺寺題寫洪井

唐許渾

羽客鍊丹井井留人已無舊泉清石下餘甃碧山隅  
雲朗鏡開匣月寒冰在壺仍聞釀仙一作春酒此水過  
屠蘇

景陽井

唐李商隱

景陽宮井剩堪悲不盡龍鸞誓死期腸斷吳王宮外  
水濁泥猶得葬西施

石井

唐司空曙

地部

卷二十六

二六

僧院小泉井

唐方干

苔色遍春石桐陰入寒井幽人獨汲時先樂殘陽影  
亦恐淺深同禹穴兼云制度象汗樽窺尋未見泉來  
路緬想應穿石裂痕

詩雋類函卷二十七

東吳俞安期彙纂 宣城梅鼎祚增定

樵李黃承吳訂校

地部十二

灘瀨

湍附

渡

瀑布

水

○灘瀨

七里瀨

宋謝靈運

羈心積秋晨積展遊眺孤客傷逝湍徒旅苦奔峭  
石淺水潺湲日落山照耀荒林紛沃若哀禽相叫嘯  
遭物悼遷斥存期得要妙既秉上皇心一作情豈屑未  
代諒目觀嚴子瀨想屬任公釣誰謂古今殊吳代可

地部

卷二十七

灘瀨

六十五

同調

嚴陵瀨

梁任昉

羣峰此峻極參差百重嶂清淺既漣漪激石復奔壯

神物徒有造終然莫能狀

石頭瀨作

唐崔國輔

悵矣秋風時余臨石頭瀨日高見迢遠望盡北州內  
羽山數點青海岬雜光碎離離樹木少潄潄波潮大  
日暮千里帆南飛落天外須臾遂入夜楚色有微霞  
尋遠跡已窮遺榮事多昧一身猶未理安得濟當代  
且泛朝夕潮荷衣惠爲帶

下桂江龍目灘

唐宋之問

停午出灘險輕舟容易前峰攢入雲樹崖噴落江泉  
巨石潛山怪深篁隱洞仙鳥遊溪寂寂猿嘯嶺娟娟  
揮袂日凡幾我行途已千暝投蒼梧郡愁枕白雲眠  
經七里灘

予奉垂堂誠千金非所輕爲多山水樂頻作泛舟行

五岳追尚子三湘弔屈平湖經洞庭濶江入新安清

復聞嚴陵瀨乃在此川路疊嶂數百里沿洄非一趣

彩翠相氛氲別流亂奔注釣磯平可坐苦磴滑難步

援飲石下潭鳥還日邊樹觀奇恨來晚倚棹惜將暮

地部

卷二十七

二

灘瀨

三十五

揮手弄潺湲從茲洗塵慮

下涇縣陵陽溪至涇灘

唐李白

涇灘鳴嘈嘈兩山足猿猱白波若捲雪側石不容舸

下陵陽公高溪三門六刺灘

唐李白

三門橫峻灘六刺走波瀾石驚虎伏起水狀龍縈盤

何慙七里瀨使我欲垂竿

却歸睦州至七里灘下作

唐劉長卿

南歸猶謫官獨上子陵灘江樹臨洲晚沙禽對水寒

山開斜照在石淺亂流難惆悵梅花發年年此地看

暮發七里灘夜泊嚴光臺下

唐方干

一瞬即七里箭馳猶是難  
橋邊走嵐翠枕底失風湍  
但訝猿鳥定不知霜月寒  
前賢竟何益此地誤垂竿

晚泊七里灘

唐許渾

天晚日沈沈歸舟繫柳陰  
江村平見寺山郭遠聞砧  
樹密猿聲響波澄鴈影深  
榮華暫時事誰識子陵心

新小灘

唐白居易

石淺沙平流水寒水邊斜插一漁竿  
江南客見生鄉思道似嚴陵七里灘

題牛相公歸仁里宅新成小灘

唐白居易

地部

卷二十七

三

灘

一

平生見流水見此轉留連  
況此朱門內君家新引泉  
與君三伏身滿耳作潺湲  
深處碧磷磷淺處清濺濺  
碕岸束鳴咽沙汀散淪漣  
翻浪雪不盡澄波空共鮮

東陽還經嚴陵瀨贈蕭大夫梁王筠

子陵狗高尚超然獨長往  
釣石宛如新故態依可想

嚴子瀨東送馬處直歸蘇

唐劉長卿

望君舟已遠落日潮未退  
目送滄海帆人行白雲外  
江中遠回首波上生微靄  
秋色姑蘇臺寒流子陵瀨  
相送苦易散動別知難會  
從此日相思空令減衣帶

尋龍湫

唐孫逖

仙穴尋遺跡輕舟愛水鄉  
溪流一曲盡山路九峰長  
魚父歌金洞江妃舞翠房  
遙憐葛仙宅真氣共微茫

同邢判官尋龍湫觀歸湖中

唐孫逖

星使下天京雲湖喜晝晴  
更從探穴處還作棹歌行  
絲管荷風入簾帷竹氣清  
莫愁歸路遠水月夜虛明  
賦得荆溪夜湫送蔣逸人歸義興

唐皇甫冉

驚湍流不極夜度識雲岑  
長帶溪沙淺時因山雨深  
方同七里路更遂五湖心  
揭厲朝將夕潺湲古至今  
花源若可許雖遠亦相尋

地部

卷二十七

四

湫

一

白沙渡

唐杜甫

畏途隨長江渡口下絕岸  
差池上舟楫杳窅入雲漢  
天寒荒野外日暮中流半  
我馬向北嘶山猿飲相喚  
水清石礧礧沙白灘漫漫  
高壁抵嶽崑洪濤越凌亂

水會渡

唐杜甫

山行有常程中夜尚未安  
微月沒已久崖傾路何難  
大江動我前洄若溟渤寬  
篙師暗理楫歌笑輕波瀾  
霜濃木石滑風急手足寒  
入舟已千憂陟嶽仍萬盤  
迴眺積水外始知衆星乾  
遠遊令人瘦衰疾漸加餐

枯柏渡

唐杜甫

青冥寒江渡駕竹爲長橋竿濕煙漠漠江水風蕭蕭  
連竿動嫋娜征衣颯颯颯急流鴉鵲散絕岸鼉鼉驕  
西轅自茲異東逝不可要高通荆門路闊會滄海潮  
孤光隱顧眄遊子悵寂寥無以洗心胸前登但山椒

沙苑南渡頭

唐王昌齡

秋霧連雲白歸心浦澈懸津人空寺纜村館復臨川  
蓬隔蒼茫雨波通演漾田孤舟未得濟入夢在何年

橫龍渡

唐劉長卿

空傳古岸下曾見蛟龍去秋水晚沈沈獨疑在何處

地部

卷三七

五

亂聲沙上石倒影雲中樹獨見一扁舟樵人往來渡

沐陽古渡作

唐錢起

日落問津處雲霞殘碧空牧牛避田燒退鷁隨潮風  
迴首故鄉遠臨流此路窮翩翩青冥去羨彼高飛鴻

南浦渡口

唐李嘉祐

寂寞橫塘路新篁覆水低東風潮信滿時雨稍沉齊  
寡婦供租稅漁人逐鼓鼙慙無卓魯術解印謝黔黎

利州南渡

唐溫庭筠

澹然空水對斜暉曲島蒼茫接翠微波上馬嘶看棹  
去柳邊人歇待船歸數叢沙艸羣鷗散萬頃江田一

鷺飛誰解乘舟尋范蠡五湖煙水獨忘機

初至崖口五渡

唐宋之問

崖口衆山斷嶺崕聳天壁氣衝落日紅影入春潭碧  
錦繡織苔蘚丹青畫松石水禽泛容與巖花飛的皪  
微路從此深我來恨千役惆悵情未已羣峰闇將夕

早過漆林渡

唐李白

西經大藍山南來漆林渡水色倒空青林煙橫積素  
漏流昔吞翁沓浪競奔注潭落天上星龍開水中霧  
曉巖注公柵突兀陳焦墓嶺峭紛上干川明屢迴顧

再遊西郊渡

唐韋應物

水曲一追遊遊人重懷戀嬋娟昨夜月還向波中見  
驚禽棲不定流芳寒未徧攜手更何時佇看花似霰

乘月過西郊渡

唐韋應物

遠山含紫氛春野藹云暮值此歸時月留連西澗渡  
賞逐亂流翻心將清景悟行車儼未轉芳艸空盈步

雨晴至江渡

唐柳宗元

已舉埃亭火猶愛村原樹還當守故局悵悵平幽素

江雨初晴思遠步

唐許渾

江雨初晴思遠步日西獨向愚溪渡渡頭水落村迥  
成撩亂浮槎在高樹

早發壽安次永壽渡

唐許渾



東西車馬塵華洛與咸秦山月夜行客水煙朝渡人  
樹涼風浩浩灘淺石磷磷會待功名就扁舟寄此身

入崖口五渡寄李適徐彥伯 唐宋之間

抱琴登絕壑伐木泝清川路極意謂盡勢迴轉綿綿  
人遠艸木秀山深雲景鮮余負海嶠情自昔微尚然  
彌曠十餘載今來宛仍前未窺仙源極獨進野人船  
時攀乳竇憩屢薄天聰眠夜絃響松月朝梅弄苔泉  
因冥象外理永謝區中緣碧潭可遺老丹砂堪學仙  
莫使馳光暮空令歸鶴憐

答宋十一入崖口五渡見贈 唐李適

地部 卷二十七

七

聞君訪遼山躋險造幽絕眇然青雲境觀奇彌年月  
登嶺亦泝溪孤舟事沿越嶂傳彩翠崖磴互欹缺  
石林上攢叢金澗下明滅捫壁窺丹井梯苔瞰乳穴  
忽枉巖中贈對玩未嘗輟殷勤徃事委曲煉藥說  
邀余名山期從爾泛海渤歲晏秉宿心斯言匪張設

答宋十一入崖口五渡見贈 唐徐彥伯

聞有獨往客拂衣捐世心結欣薄枉渚撰念營舊林  
經亘去崖合冥綿歸壑深琪樹環碧彩金潭生翠陰  
洄沿弄沙榆危仄眺明岑夕聞桂裏猿曉翫松上禽  
雜珮蘊孤袖瓊敷綴雙衿我懷滄洲想懿爾白雲吟

乘願理方叶存期跡易尋茲言庶不負爲報嚴中琴  
送李鏡之宣州謁表中丞賦得江渡

唐張衆甫

古渡大江濱西南押要津自當舟楫路應濟往來人  
飛浪驚口鳥回風起綠鱗一作君看波上客歲晚獨  
垂綸

九龍津集 以下津

唐盧照隣

落落樹陰紫澄澄水華碧復有翻飛禽徘徊疑曳鳥  
春日江津遊望

唐杜審言

旅客搖邊思春江弄晚晴煙銷垂柳弱霧捲落花輕

地部

卷二十七

八

飛棹乘空下回流向日平鳥啼移幾處蝶舞亂相迎  
忽嘆人皆濁隄防水至清谷王常不讓深戒日中盈

楊子津望京口

唐孟浩然

北固臨京口夷山近海濱江風白浪起愁殺渡頭人

過津口

唐杜甫

南岳自茲近湘流東逝深和風引桂楫春日漲雲岑  
回道過津口而多楓樹林白魚困密網黃鳥喧嘉音  
物微限通塞惻隱仁者心甕餘不盡酒膝有無聲琴  
聖賢兩寂寞眇眇獨開襟

○塘

和盧侍御通塘曲

唐李白

君誇通塘好通塘勝耶溪通塘在何處宛在潯陽西  
青蘿娟娟拂煙樹白鵬處處聚沙堤石門中斷平湖  
出百丈金潭照雲日何處滄浪垂釣翁鼓棹漁歌趣  
非一相逢不相識出沒繞通塘浦邊清水明素足別  
有浣紗吳女郎行盡淥潭潭轉幽疑是武陵春碧流  
秦人鷄犬桃花裏將比通塘渠見羞通塘不忍別十  
去九遲迴偶逢佳境心已醉忽有一鳥從天來月出  
青山送行子四邊苦竹秋聲起長吟白雪望星河雙  
垂兩足揚素波淩鴻德耀會稽日寧知此中樂事多

地部

卷二十七

九

橫塘行

唐韋應物

妾家住橫塘夫婿家郎玉盤的歷雙魚白寶簾玲  
瓏透象牀象牀可寢魚可食不知郎意何南北岸上  
種蓮豈得生池中種蓮豈得成丈夫一去花落樹妾  
獨長夜心未平

寒塘曲

唐張籍

寒塘沈沈柳葉疎水暗人語驚棲鳥舟中少年醉不  
起持燭照水射游魚

蘭塘詞

唐溫庭筠

塘水汪汪鳬唼憶上江南木蘭檝繡頸金鬚蕩倒

光團團嫩綠雞頭葉露凝荷卷珠淨圓紫菱刺短浮  
根纏小姑歸晚紅妝淺鏡裏芙蓉照水鮮東溝繡網  
勞迴首欲寄一杯瓊液酒知道無媒却有情長教月  
照相思柳

漁塘十六韻

在朱陽縣石巖下古老  
云洛水一派流出此山

唐韋莊

洛水分餘脉穿巖出石稜碧經嵐氣重清帶露華澄  
瑩徹通三島巖崿積萬層巢由應共到劉阮想同登  
壁峻苔如畫山昏霧似蒸撼松衣有雪題石硯生水  
路熟雲中客名畱域外僧飢猿尋落橡鼠墮高藤

地部

卷三十一

十

嶮樹臨溪亞殘莎帶岸崩持竿聊藉艸待月好垂簾  
對景思任父開圖想不與晚風輕浪疊暮雨濕煙凝  
似泛靈槎出如迎羽客昇仙源終不測勝槩自相仍  
欲別誠堪戀長歸又未能他時操史筆為爾著良稱

塘上行

唐李賀

藕花涼露濕花缺藕根澀飛下雌鴛鴦塘水聲淅淅

塘上行

唐李咸用

橫塘日澹秋風隔浪纖輕颺羅幕紅綃撒水蕩舟  
人畫橈慘慘素萸白鯉魚虛擲無消息花老蓮疎愁  
未摘却把金釵打綠荷懊恨露珠穿不得

塘下行

唐孟郊

塘邊日欲斜年少早還家徒將白羽扇調妾木蘭花  
不是城頭樹那樓來去鴉

瞿塘兩崖

唐杜甫

三峽傳何處雙崖壯此門入天猶石色穿水忽雲根  
猱猱鬚髯古蛟龍窟宅尊羲和冬馭近愁畏日車昏

初入瞿塘

唐白居易

瞿塘天下險夜上信難哉岸似雙屏合天如匹帛開  
逆風驚浪起拔柁聞船來欲識愁多少高於灤瀆堆

林塘懷友

唐王勃

芳屏請春艸仙杼織朝霞何如山水路對面即飛花

瞿塘懷古

唐杜甫

西南萬壑注劔敵兩崖開地與山根裂江從月窟來  
削成當白帝空曲隱陽臺疏鑿功雖美陶鈞力大哉

○陂

於玄武陂作

魏文帝

兄弟共行遊驅車出西城野田廣開闢川渠互相經  
黍稷何鬱鬱流波激悲聲菱芡覆綠水芙蓉發丹榮  
柳垂重蔭綠向我池邊生乘渚望長洲羣鳥謹譁鳴  
萍藻泛濫浮澹澹隨風傾忘憂共容與暢此千秋情

漢陂行

唐杜甫

岑參兄弟皆好奇攜我遠來遊漢陂天地黯慘忽異  
色波濤萬頃堆琉璃琉璃漫汗泛舟入事殊興極憂  
思集鵲作鯨吞不復知惡風白浪何嗟及主人錦帆  
相爲開舟子喜甚無氛埃鷺鷥散亂棹謳發絲管咽  
啾空翠來沈竿續蔓深莫測菱葉荷花靜如拭宛在  
中流渤澥清下歸無極終南黑半陂已南純浸山影  
動梟窕冲融間船舷暝侵雲陰寺水面月出藍田關  
此時驪龍亦吐珠馮夷擊鼓群龍趨湘妃漢女出歌  
舞金支翠旗光有無咫尺但愁雷雨至蒼茫不曉神

地部

卷三

十一

靈意少壯幾時奈老何向來哀樂何其多

漢陂西南臺

唐杜甫

高臺回蒼陂六月風日冷蒹葭離披去天水相與永  
懷新日似擊接要心已領彷彿識鮫人空蒙辨魚艇  
錯磨終南翠顛側白閣影齒翠增光輝乘凌惜俄頃  
勞生愧嚴鄭外物慕張邴世復輕驪驕吾甘雜鼃龜  
知歸俗可忽取適事莫竝身還豈待官老來苦便靜  
況資菱芡足庶結茅茨迴從此具扁舟彌年逐清景

仲夏入園東陂

唐儲光義

方塘深且廣伊昔俯吾廬環岍垂綠柳盈潭發紅蕖

上延北源秀近屬幽人居暑雨若混沌清明如空虛  
此鄉多隱逸水陸見樵漁廢賞亦何貴為歡良易據  
且言重觀國當此賦歸歟

遊秋浦白筍陂二首

唐李白盛

白筍夜長嘯爽然溪谷寒魚龍動陂水處處生波瀾  
天借一明月飛來碧雲端故鄉不可見腸斷正西看

何處夜行好月明白筍陂山光搖積雪猿影挂寒枝  
但恐佳景晚不令歸棹移人來有清興及此正相思

皇子陂

唐司空曙中

地部

卷三

主

岸芳春色曉水影夕陽微寂寂深煙裏漁舟夜不歸

扈亭西陂燕賞

唐韋應物中

杲杲朝陽時悠悠清陂望嘉樹始氣氤春遊方浩蕩  
况逢文翰侶愛此孤舟漾綠野際遙波橫雲分疊嶂

公堂日為倦幽襟自茲曠有酒今滿盈願君盡弘量

任鄆令漢陂遊眺

唐韋應物中

野水澹長塘煙花亂晴日氛氤綠樹多蒼翠千山出

游魚時可見新荷尚未密屢往心獨閒恨無理人術

鴻隙陂

漢書曰汝南舊有鴻隙陂大陂稱以為饒  
成帝時關東水陂溢為害程方進為  
陂水其地肥美省費防費而無水憂遂奏罷

之及翟氏咸鄉里歸惡言方進謂陂下良田  
不得而奏罷陂云王莽時常枯旱郡中追怨  
有童謠

壞陂誰翟子威飯我豆食羹芋魁反乎覆陂當復誰

云者兩黃鵠子威翟方進字

磯

登黃鶴磯

宋鮑照

木落江渡寒鴈還風送秋臨流斷商弦瞰川悲棹謳  
適郢無東轅還一作夏有西浮三崖隱舟磴九派引

滄流淚竹感湘別弄珠懷漢遊豈伊藥餌泰得奪旅  
人憂

地部

卷三

古

慈母磯

梁何遜

暮煙起遙岸斜日照安流一同心賞夕暫解去鄉憂  
野岸平沙合連山遠霧浮客悲不自已江上望歸舟

上湘渡琵琶磯

齊劉琨

茲山挺異嶠孤起秀雲中陵池激楚浪紛紜絕宛風  
煙峯晦如畫寒水清若空頤頤鷗舞白流亂葉飛紅

入琵琶峽望積布磯呈玄暉 梁劉綰

江山信多美此地最為神以茲峯石麗重在芳樹春

照爛虹蜺雜交錯錦繡陳差池若燕羽削方似龍鱗

却瞻了非向前觀已復新翠微上虧景清莎下拂津

巉巖如刻削可望不可親昔途首遐路未獲究清塵  
誓將及初服歲暮請爲隣

和劉中書

齊謝朓

昔予侍君子歷此遊荆漢山川隔舊賞朋僚多雨散  
圖南矯風翮曾非息短翰移疾覲新篇披衣起淵翫  
惆悵懷昔踐彷彿得殊觀頽紫共彬駸雲錦相凌亂  
奔星上未窮驚雷下將半迴潮漬崩樹輪囷軋傾岸  
巖篠或傍翻石菌蕪脩幹澄澄明浦媚衍衍清風爛  
江潭良在目懷賢興累歎歲暮不我期淹留絕巖畔  
至鳴欄驛上白馬磯贈裴侍御唐李白

地部

卷三

五

側疊萬古石橫爲白馬磯亂流若電轉舉棹揚朱輝  
臨驛卷提幕升堂接繡衣情親不避馬爲我解霜威  
登蒲洲石磯望橫江口潭島深迴斜對香零山

唐柳宗元

隱憂倦永夜凌霧臨江津徠鳴稍已疎登石娛清淪  
日出洲渚淨澄明晶無垠浮暉翻高禽沈景照文鱗  
雙江匯西奔詭怪潛坤珍孤山乃北峙森爽棲靈神  
洄潭或動容島嶼疑搖振陶埴茲擇土蒲魚相與隣  
信美非所安羈心屢逡巡糾結良可解紆轡亦已伸  
高歌返故室自綢非所欣

○濤

波附

西陵觀濤

晉蘇彥

洪一作濤奔逸勢駭浪駕丘山旬隱振宇宙淵磕津  
雲連

賦得觀濤

梁徐防

雲容雜浪起楚水漫吳流漸看遙樹沒稍見遠天浮  
漁人迷舊浦海鳥失前洲不測滄溟曠輕鱗幸自游

樟亭觀濤

唐朱昱

濤來勢轉雄獵獵駕長風雷震雲霓裏山飛霜雪中  
激流起平地吹滌上侵空翕關乾坤異盈虛日月同

地部

卷三

十六

餘艤從陸起州浦隔阡通跳沫噴巖翠翻波帶景紅  
怒湍初抵北却浪復歸東寂聽堪增勇晴看自發蒙  
伍生傳或謬枚叟說難窮來信應無已申威亦匪窮  
衝騰如決勝迴合似相攻委質任平視誰能見始終  
看濤

唐朱慶餘

不知來遠近但見白峨峨風雨驅飛玉魚龍道上波  
聲長勢未盡曉去夕還過要路橫天塹其如造化何

踏潮歌

唐劉禹錫

元和十年夏五月終風駕濤南海羨溢南人曰踏  
潮也率三更歲一有之予爲連州客或爲予言其

狀因歌之附于南越志

屯門積日無回颶滄波不歸成踏潮轟如鞭石矻且  
搖亘空欲駕鼉鼉橋驚湍感縮悍而騎大陵高岸失  
岩晃四邊無阻音響調背負元氣掀重霄介鯨得性  
方逍遙仰鼻嘘吸揚朱翹海人狂顧迭相招剡衣壁  
首聲曉曉征南將軍登麗譙赤旗指麾不敢踰翌日  
風回冷氣消歸濤納納景昭昭鳥沈白沙復滿海海  
色不動如青瑤

乘潮至漁浦

唐陶翰盛

艤棹乘早潮潮來如風雨嶂高忽已界峰暗莫及觀  
地部

卷三

七

崩騰心爲失浩蕩目無主風停浪始開漾漾入漁浦  
雲景共澄霽江山相含吐倬然造化工此事從終古  
流沫誠足誠高歌調易苦頗因忠信全客念猶栩栩

臨滄波

梁王臺卿

高軒臨不測清江窮廣深天邊生岸影水上結雲陰  
風來白華起潮滿黃沙沈

○瀑布水

入廬山仰望瀑布水

唐張九齡初

絕頂有懸泉喧喧出煙杪不知幾時歲但見無昏曉  
閃閃青崖落鮮鮮白日皎灑流濕行雲濺沫驚飛鳥

雷吼何噴薄箭馳入窈窕昔聞山下蒙今乃林巒表  
物情有詭激坤元曷茲矯默然置此去變化誰能了

湖口望廬山瀑布水

唐張九齡初

萬丈紅泉落迢迢半紫氛奔飛流雜樹一作奔流灑  
落出重雲日照虹霓似天清風雨聞靈山多秀色空  
水共氤氲

望廬山瀑布水

唐李白盛

昔登香爐峰南見瀑布水挂流三百丈噴壑數十里  
欸如飛電來隱若白虹起初驚河漢落半灑雲天裏  
仰觀勢轉雄壯哉造化功海風吹不斷江月照還空  
地部

卷三

大

瀑布水

空中亂深射左右洗青壁飛珠散輕霧流沫沸穹石  
而我遊名山對之心益閒無論漱瓊液且得洗塵顏  
仍詣宿所好永願辭人間

遊廬山瀑布水

唐李白盛

日照香爐生紫煙遙看瀑布挂長川飛流直下三千  
尺疑是銀河落九天

簡寂觀西澗瀑布下作

唐韋應物中

淙一作流絕壁散虛煙翠澗深叢際松風起飄來灑  
塵襟窺蘿翫猿鳥解組傲雲林曠歲懷茲賞行春始  
重尋聊將橫吹曲一寫山水音



秋霽望廬山瀑布

唐夏侯楚中

常思瀑布幽晴眺喜逢秋一帶連青嶂千尋倒碧流  
濕雲應誤鶴翻浪定驚鷗星浦虹初下爐峯煙未收  
巖高時裏裏天淨起悠悠儻見朝宗日還須濟巨舟

瀑布

唐章孝標晚

秋河溢長空天灑萬丈布深雷隱雲壑孤電挂巖樹  
滄溟曉噴寒碧落晴盪素非越下流急勢使不得住

廬山瀑布

唐裴說晚

靜景憑高望光分翠嶂開嶮飛千尺雪寒撲一聲雷  
過去雲衝斷旁來繞障迴何當住峰下終歲絕塵埃

地部

卷三

九

瀑布水

石門瀑布

唐方干晚

長片挂巖輕似練遠聲離洞咽於雷氣侵松樹千枝  
潤勢畫雲霞一道開

白龍湫

唐王維盛

南山之瀑布今激石湍瀑似雷驚人相對今不聞語  
聲翻渦跳沫今蒼苔濕蘚老且厚春艸爲之不生獸  
不敢驚動鳥不敢飛鳴白龍湫濤戲漱今委身以縱  
橫主人之仁今不網不釣得遂性以生成

○冰

詠冰應教

梁沈君攸

日華照冰彩灼爍自相明陰潭欲半解隄岸已全輕  
未釋苔文隱將銷草氣生稍得觀魚上非獨見孤驚  
儻逢魏后術當驗可爲城

明冰篇

唐富嘉謨初

北陸蒼茫河海凝南山闌干晝夜冰素彩峨峨明月  
升深山窮谷不自見安知採斲備嘉薦陰房涸沍掩  
寒扇陽春二月朝始暎春光潭沲度千門明冰時出  
御至尊彤庭赫赫九儀備腰玉煌煌千官事明冰畢  
賦周在位憶昔沙漠寒風漲崑崙長河水始壯漫汗  
峻嶒積亭障噫噫鳴鴈江上來禁苑池臺冰復開搖

地部

卷三

十

青涵綠映樓臺幽歌七月王風始鑿冰藏用昭物軌  
四時不忒千萬祀

夏冰歌

唐韋應物中

出自玄泉杳杳之深井汲在朱明赫赫之炎辰九天  
含露未銷鑠闔闔初開賜貴人碎如墜瓊方截璐粉  
壁生寒象筵布玉壺紈扇亦玲瓏座有麗人色俱素  
咫尺炎涼變四時出門焦灼君詎知肥羊甘醴心悶  
悶飲此瑩然何所思當念闌干鑿者苦臘月深井汗  
如雨

賦得清如玉壺冰

唐王維盛

藏冰玉壺裏冰水類方諸未共銷丹日還同照綺疏  
抱明中不隱含渾外疑虛氣似庭霜積光言砌月餘  
曉凌飛鵲鏡宵映聚螢書若向夫君比清心尚不如

清如玉壺冰

唐王季友

玉壺知素結止水復中澄堅白能虛受清寒得自凝  
分形同曉鏡照物掩宵燈壁映圓光出入驚爽氣陵  
金蟾何足貴瑤席幾迴升正值求珪瓊提攜共飲冰

清如玉壺冰

唐□□□

冬律初陰結寒冰貯玉壺霜姿雖異氣亦相符  
對月光宜竝臨池影不孤貞堅方共濟同處豈殊途

清如玉壺冰

唐□□□

色瑩連城壁形分照乘珠提攜今在此抱素節寧渝

清如玉壺冰

唐□□□

玄律陰風勁堅冰在玉壺暗中光更出曉後色全無  
涸涸誰能泮淒清詎可渝任圓空似璧照物不成珠  
素質情方契孤明道豈殊幽人若相比還得詠生芻

府試水始冰

唐馬戴

南池寒色動北陸歲陰生薄薄流漸聚離離翠漸平  
暗霜霜稍厚迴照日還輕乳竇懸殘滴湘流減恨聲  
卽堪金井貯會映玉壺清潔白心誰識空欺飲此明

履春冰

唐張蕭遠

一步一愁新輕輕空陷人薄光全透日殘色半消春  
蟬想行時翼魚驚踏處鱗底虛難動足岸澗怯迴身  
豈暇躊躇久寧容顧盼頻願將矜慎意從此越通津

履春冰

唐舒元興

投跡青冰上凝光動早春兢兢愁陷履步步怯移身  
烏照微生水狐聽惑過人細遷形外影輕躡鏡中輪  
咫尺憂偏遠危疑懼已頻願堅容足分莫使獨驚神

薦冰

唐鮑溶

西陸宜先啓春寒寢廟清歷官分氣候天子薦精誠  
已辨瑤池色如和王珣鳴禮餘神轉蕭曙後月殘明

薦冰

唐趙蕃

雅合霜容潔非同雪體輕空憐一掬水珍重此時情

薦冰

唐趙蕃

仲月開凌室齋心感聖情寒姿分玉座皓質發丹楹  
積素因風虛空向日明遙涵牕戶冷近映晃旒清  
在掌光逾澈當軒質自輕良辰方可致由此表精誠

薦冰

唐盧鈞

薦冰朝日後闌廟曉光清不改晶瑩質能彰雨露情  
且無霜共潔豈與水均明在捧搖寒色當呈表素誠  
凝姿陳俎豆浮彩映牕楹皎皎盤盂側稜稜嚴氣生

薦冰

唐范傳質

乘春方啓閉羞獻有常程潔朗寒光徹輝華素彩明  
色凝霜雪淨影照冕旒清肅肅將崇禮兢兢示捧盈  
方圓陳玉座小大表精誠朝覲當西陸桃弧每共行

觀藏冰

唐張彙征晚

寒氣方窮律陰精正結冰體堅風帶壯影素月臨凝  
冬賦凌人掌春期命婦昇鑿來壺色徹納處鏡光澄  
魯史曾留問幽詩舊見稱同觀里射享王道頌還興

聞瀑布水折

唐馬戴晚

萬仞冰峭折寒聲投白雲光搖山月墮我向石林聞

訓韓質舟行阻凍

唐韋應物中

地部

卷三

三十一

晨坐枉嘉藻持此慰寢興中獲辛苦奏長河結陰冰  
皓曜羣玉發淒清孤景凝一作澄至柔反成堅造化安

可恒方舟未得行鑿飲空兢兢苦寒彌時節待泮豈  
所能何必涉廣川荒衢且升騰殷勤宣中意庶用達

吾朋

陳翊郎中北亭送侯釗侍御賦得帶水流歌

唐盧綸中

溪中鳥鳴春景旦一派寒水忽開散壁方鏡圓流不  
斷白雲鱗鱗滿河漢疊處淺旋處深撒振寒魚上復  
沈羣鵝鼓舞揚清音主人有客簪白筆玉壺貯水光

如一持此贈君君飲之聖君識君冰玉姿

詩集類函卷二十七

地部

卷三

三十一

詩集類函卷二十八

東吳俞安期彙纂 宣城梅鼎祚增定

新都汪宗孝訂校

京都部

京都 懷京

○京都

京洛篇

玉臺作煌煌京洛行

宋鮑照

鳳樓十二重四戶八綺窓繡栢金蓮花桂柱玉盤龍

珠簾無隔露羅幌不勝風寶帳三千所爲爾一朝客

揚芬紫煙上垂綵綠雲中春吹回白日霜歌落塞鴻

但懼秋塵起盛愛逐衰蓬坐視青苔滿臥對錦筵空

京都

卷二十八

京都

琴瑟縱橫散舞衣不復縫古來共歇薄君意豈獨濃

惟見雙黃鵠千里一相從

京洛篇

梁簡文帝

南遊偃師縣斜上霸陵東回瞻龍首堞遙望德陽宮

重門遠照耀天閣復穿窺城旁疑復道樹裏識松風

黃河

一作沙

入洛水丹泉繞射熊夜輪懸素魄朝光蕩

碧空秋霜曉驅鴈春雨暮成虹曲陽造甲第

曲陽後漢外戚

高安還禁中劉蒼歸作相寶憲出臨戎此時車

馬合茲晨冠蓋通誰知兩京盛歡宴遂無窮

煌煌京洛行

梁戴嵩

欲知佳麗地爲君陳帝京由來稱俠窟爭利復爭名

鑄銅門外馬刻石水中鯨黑龍過飲渭丹鳳俯臨城

群公邀郭解天子問黃瓊詔幸平陽第騎指伏波營

五侯同拜爵七貴各垂纓衣風飄飄起車塵暗浪生

舞見淮南法歌聞齊后聲揮金留客坐饌玉待鐘鳴

獨有文園客偏嗟武騎輕

帝王所居篇

陳張正見

峭函惟帝宅宛維壯皇居紫微臨複道丹水亘通渠

沈沈飛雨殿藹藹承明廬兩宮分榮日雙闕竝凌虛

休氣充青瑣榮光入綺疏霞明仁壽鏡日照凌雲書

京都

卷二十八

京都

鳴鸞背鵲鵲詔蹕幸儲胥長楊飛玉輦御宿徒金輿

柳葉飄緹騎槐花影屬車薄暮歸平樂歌鐘滿玉除

煌煌京洛行

陳張正見

千門儼西漢萬戶擅東京凌雲霞上起鵲月中生

風塵暮不息蕭笳夜恒鳴唯當賣藥處不入長安城

賦得名都一何綺

陸士衡擬古詩云名都一何綺城闕鬱盤桓

陳沈炯

名都一何綺春日吐光輝高樓雲母扇複殿珊瑚扉

昭儀同輦出高安連騎歸欲知天子貴千門應紫微

賦得名都一何綺

東孔奐

京洛信名都佳麗擬蓬壺九華彫玳瑁百福上椒塗  
黃金絡驤裏蓮花裝鹿盧咸言儀服盛無勝執金吾

賦得名都一何綺

陳周弘正

名都宮觀綺金壁藻華璫吹臺望鵲舞殿接披香  
繡轂遊丹水彫輦出平陽陸離徒照眼何解憂人傷

京洛篇

隋李巨仁

京洛類神仙藹藹却雲煙漸臺臨太液玉樹並甘泉  
車喧平樂外騎擁濯龍前競結蕭朱綬爭攀李郭船  
獨悲韓長孺歎灰猶未然

京洛行

隋越王侗

京都

卷三

三

京都

青春上陽月結伴戲京華龍媒玉珂馬鳳軫繡香車  
水映臨橋樹風吹夾路花日昏歡宴罷相將歸狹斜

帝京篇十首

并序

唐太宗

余以萬機之暇遊息文藝觀列代之皇王考當時  
之行事軒昊舜禹之上信無間然矣至于秦皇周  
穆漢武魏明峻宇雕牆窮侈極麗征稅殫于宇宙  
轍迹遍于天下九域一作無以稱其求江海不能  
瞻其欲覆亡顛沛不亦宜乎余追蹤百王之末馳  
心千載之下慷慨懷古想彼哲人庶以堯舜之風  
蕩秦漢之弊用咸英之曲變爛漫之音求之人情

不爲難矣故觀文教于六經閱武功于七德臺榭

取其避燥濕金石尚其諸神人皆節之于中和不

係之于淫放故溝洫可悅何必江海之濱乎麟閣

可玩何必羽一作山陵之間乎忠良可接何必海上

神仙乎豐鎬可遊何必瑤池之上乎釋實求華以

人從欲亂于大道君子耻之故述帝京篇以明雅

志云爾

秦川雄帝宅函谷壯皇居綺殿千尋起離宮百雉餘  
連薨遙接漢飛觀迴凌虛雲日隱層闕風煙出綺疏

二

京都

卷三

四

京都

嚴廊罷機務崇文聊駐輦玉匣啓龍圖金繩披鳥篆  
韋編斷方續縹帙舒還卷對此乃忘憂歎案觀墳典

三

移步出詞林停輿欣武宴瑀弓寫明月駿馬疑流電  
驚鴈落虛絃啼猿悲急箭閱賞誠多美于茲乃忘倦

四

鳴笳臨樂館眺聽歡芳節急管韻朱絃清歌凝白雪  
彩鳳肅來儀玄鶴紛成列去茲鄭衛聲雅音方可悅

五

芳辰追逸趣禁苑信多奇綺形通漢上峰勢接雲危

煙霞交隱映花鳥自參差何如肆轍迹萬里賞瑤池

六

飛蓋去芳園蘭橈遊翠渚萍間日影亂荷處香風舉  
桂楫滿中川絃歌振長嶼豈獨汾河曲方爲歡宴所

七

落日雙闕昏迴輿九重暮長煙散初碧皎月澄輕素  
舉幌玩琴書開軒引雲霧斜漢耿層閣清風搖玉樹

八

歡樂難再逢芳辰良可惜玉酒汎雲疊蘭肴陳綺席  
千鍾合堯禹百獸諧金石得志惜寸陰忘懷輕尺璧

京都

卷三

五

京都

九

建章歡賞夕二八盡妖妍羅綺昭陽殿芬芳璫瑁筵  
珮移星正動扇掩月初圓無勞上玄圃即此對神仙

十

以茲遊觀極悠然獨長想披卷覽前踪撫躬尋既往  
望古茅茨約瞻今蘭殿廣人道惡高危虛心戒盈蕩  
奉天竭誠敬臨民思惠養納善察忠諫明科慎刑賞  
六五誠難繼四三非易仰庶待淳化敷方嗣云亭響

帝京篇

唐駱賓王初

山河千里國城闕九重門不覩皇居壯安知天子尊

皇居帝里嶠函谷鶉野龍山侯甸服五緯連影集星

躔八水分流橫地軸秦地重關一百二漢家離宮三

十六桂殿陰岑對玉樓椒房窈窕連金屋三條九陌

麗城隈萬戶千門平旦開複道橫通鳩鵲觀交衢直

指鳳凰臺劍履南宮入簪纓北闕來聲名冠寰宇文

物象昭回鉤陳肅蘭祀璧沼浮槐市銅羽應風迴金

莖承露起校文天祿閣習戰昆明水朱邸抗平臺黃

扉通咸里平臺戚里帶崇墉炊金饌玉待鳴鐘小堂

綺帳三千戶大道青樓十二重寶蓋雕鞍金絡馬蘭

窓繡柱玉盤龍繡柱璇題粉壁映鏤金鳴玉王侯盛

京都

卷三

六

京都

王侯貴人多近臣朝遊北里暮南鄰陸賈分金將燕

喜陳遵投轄正留賓趙李經過密蕭朱交結親丹鳳

朱城白日暮青牛紺轡紅塵度俠客朱彈垂楊道娼

婦銀鈎採桑路娼家桃李自芳菲京華游俠事輕肥

延年女弟雙飛入羅敷使君千騎歸同心結縷帶連

理織成衣春朝桂尊尊百味秋夜蘭燈燈九微翠幌

珠簾不獨映清歌寶瑟自相依且論三萬六千是寧

知四十九年非古來名利若浮雲人生倚伏信難分

始見田實相移一作奪俄聞衛霍有功勳未厭金陵

氣先開石櫺文朱門無復張公子灞亭誰畏李將軍



相顧百齡皆有待居然萬化咸應改桂枝芳氣已銷  
三柏梁高宴今何在春去春來苦自馳爭名爭利徒  
爾爲久留郎署終難遇空掃相門誰見知當時一旦  
擅豪華自言千載長騎奢倏忽搏風生羽翼須臾失  
浪委泥沙黃雀徒巢桂青門遂種瓜黃金銷鑠素絲  
變一貴一賤交情見紅顏宿昔白頭新脫粟布衣輕  
故人故人有湮淪新知無意氣灰灰韓安國羅傷程  
延尉已矣哉歸去來馬卿辭蜀多文藻揚雄仕漢乏  
良媒三冬自矜誠足用十平不調幾還迴汲黯新逾  
積孫弘閣未開誰惜長沙傳獨負洛陽才

京都

卷三

七

京都

長安古意

唐盧照隣

初

長安大道連狹斜青牛白馬七香車玉輦縱橫過主  
第金鞭絡繹向侯家龍銜寶蓋承朝日鳳吐流蘇帶  
晚霞百丈游絲爭繞樹一羣嬌鳥共啼花啼花戲蝶  
千門側碧樹銀臺萬種色複道交牕作合歡雙闕連  
薨垂鳳翼梁家畫閣天中起漢帝金莖雲外直樓前  
相望不相知陌上相逢詎相識借問吹簫向紫煙曾  
經學舞度芳年得成比目何辭歟願作鴛鴦不羨仙  
比目鴛鴦真可羨雙去雙來君不見生憎帳額繡孤  
鸞好取門簾帖雙燕雙燕飛繞畫梁羅幃翠被鬱

金香片片行雲著蟬鬢纖纖初月上鴉黃粉白  
車中出含嬌含態情非一妖童寶馬鐵連錢娼婦  
龍金屈膝御史府中烏夜啼廷尉門前雀欲栖隱  
朱城臨玉道遙遙翠幃沒金堤挾彈飛鷹杜陵北探  
丸借客渭橋西俱邀俠客芙蓉劍共宿娼家桃李蹊  
娼家日暮紫羅裙清歌一嘯口氣盈北堂夜夜人如  
月南陌朝朝騎似雲南陌北堂連北里五劇三條控  
三市弱柳青槐拂地垂佳氣紅塵暗天起漢代金吾  
千騎來翡翠屠蘇鸚鵡杯羅襦寶帶爲君解燕歌趙  
舞爲君開別有豪華將相轉日回天不相讓意氣

京都

卷三

八

京都

由來排灌夫專權判不容蕭相專權意氣本豪雄青  
虬紫燕坐生風自言歌舞長千載自謂騎奢凌五公  
節物風光不相待桑田碧海須臾改昔時金埒白玉  
堂即今惟見青松在寂寂寥寥揚子居年年歲歲一  
牀書獨有南山桂花發飛來飛去襲人裾

皇州

原作

唐李白

盛

天津三月時千門桃與李朝爲斷腸花暮逐東流水  
前水復後水古今相續流新人非舊人年年橋上遊  
鷄鳴海色動謁帝羅公侯月落西上陽餘暉半城樓  
衣冠照雲日朝下散皇州鞍馬如飛龍黃金絡馬頭

行人皆辟易志氣橫高丘入門上高堂列鼎錯珍羞  
香風引趙舞清管隨齊謳七十紫鴛鴦雙戲庭幽  
行樂爭晝夜自言度千秋功成身不返自古多愆尤  
黃犬空歎息綠珠成纍離何如鴟夷子散髮棹扁舟

煌煌京洛行

唐李咸用

長安近甸巡遊遍洛陽尋有黃龍見千乘萬騎如雷  
轉差差清蹕祥煙卷百司舊分當玉殿太平官屬無  
遺彥歌鐘沸激香塵散晨旗隱隱羅軒冕

長安雜題

唐杜牧

觚稜金碧照山高萬國珪璋捧赭袍紙筆和鉛欺買  
京都

卷三八

九

馬讚功論道鄙蕭曹東南樓日珠簾卷西北天宛玉  
厄豪四海一家無一事將軍攜鏡泣霜毫

雨晴九陌鋪江練嵐嫩千峯疊海濤南苑草芳眠錦  
雉夾城雲暖下霓旌少年羈絡青紋玉遊女花簪紫

帶桃江碧柳深人盡醉一瓢顏巷日空高

洪河清渭天池濬太白終南地軸橫祥雲輝映漢宮

紫春光繡畫秦川明草妬佳人鈿色風迴公子玉

銜聲六飛南幸芙蓉苑十里飄香入夾城

賦得魏都

唐李百藥

炎運精華歇清都寶命開帝里三方盛王庭萬國來

玄武疏逢磬金鳳上層臺乍進仙童藥時傾避暑杯  
南館招奇士西園引上才還有劉公幹疲病清漳隈

賦得蜀都

唐褚亮

列宿光參井分芒跨梁岷沈犀對江浦駟馬入城闔  
英圖多霸迹歷選有名臣連騎簪纓滿含章辭賦新  
得上仙槎路無待訪嚴遵

賦得吳都

唐虞世南

畫野通淮泗星躔應斗牛玉牒宏圖表黃旗美氣浮  
三分開霸業萬里宅神州高臺臨茂苑飛閣跨澄流  
江濤如素蓋海氣似珠樓吳趨自有樂還似鏡中遊

京都

卷三八

十

鄴都引

唐張說

君不見魏武草創爭天祿群雄睚眦皆相馳逐書携壯  
士破堅陣夜接詞人賦華屋都邑繞繞西山陽桑榆  
漫漫漳河曲城郭爲墟人代改但見西園明月在鄴  
苑高冢多貴臣蛾眉曼睂共灰塵試上銅臺歌舞處  
惟有秋風愁殺人

南都行

唐李白

南都信佳麗武關橫西關白水真人居萬商羅鄴閭  
高樓對紫陌甲第連青山此地多英豪邈然不可攀  
陶朱與五穀名播天壤間麗華秀玉色漢女嬌朱顏

清哥週流雲艷舞有餘閒遊盛苑洛冠蓋隨風還  
走馬紅陽城呼鷹白河灣誰識臥龍客長吟愁鬢斑

金陵帝王州

原作人  
朝曲

齊謝朓

江南佳麗地金陵帝王州逶迤帶綠水迢遞起朱樓  
飛甍夾馳道垂楊蔭御溝凝笳翼高蓋豐鼓送華輶  
獻納雲臺表功名良可收

長安道

梁元帝

西接長楸道南望小平津飛甍臨綺翼輕軒影畫輪  
雕鞍承赭汗槐路起紅塵燕姬雜趙女淹留重上春

長安道

梁簡文帝

京都

卷三

十一

京都

神皇開隴右陸海實西秦金槌一作推輪抵長樂複道向  
宜春落花依度幃垂柳拂行輪一作人金張及許史夜  
夜尚留賓

長安道

梁庾肩吾

桂宮連複道黃山開廣路遠聽平陵鐘遙識新豐樹  
合殿生光彩離宮起煙霧日落歌吹還一作塵飛車  
馬度

長安道

陳後主

建章通未央長樂屬明光大道移甲第甲第玉爲堂  
遊蕩新豐裏戲馬渭橋傍當壚晚留客夜夜苦紅妝

長安道

陳陳暄

長安開繡陌三條向綺門張敞車馬韓嫣乘副軒  
寵深來借殿功多競置園將軍夜夜返絃歌著曙喧

長安道

陳江總

翠蓋乘輕霧金羈照落暉五侯新拜罷七貴早朝歸  
轟轟紫陌上藹藹紅塵飛日暮延平客風花拂舞衣

長安道

陳徐陵

輦道乘雙闕豪雄被五都橫橋象天漢法駕應坤圖  
韓康賣良藥董偃嚮明珠喧喧擁車騎非但執金吾

長安道

陳蕭賁

京都

卷三

十二

京都

前登灞陵道還瞻渭水流城形類北斗橋勢似牽牛  
飛軒駕良駒寶劍雜輕裘經過狹斜里一作裏日暮與  
淹留

長安道

陳顧野王

鳳樓臨廣路仙掌入煙霞章臺北馬逸陌富平車  
東門疎廣餞北闕董賢家渭橋縱觀罷安能訪狹斜

長安道

陳阮卓

長安馳道上鐘鳴宮寺開殘雲銷鳳閣宿霧斂章臺  
騎轉金吾度車鳴丞相來藹藹東都晚羣公駟御回

長安道

北周王褒

槐衢回北第馳道度西宮樹陰連袖色塵影雜衣風  
采桑逢五馬停車對兩童喧喧許史座鐘鳴賓未窮

長安道

隋何妥

長安狹斜路縱橫四達分車輪鳴鳳轄箭服耀魚文  
五陵多任俠輕騎自連羣少年皆重氣誰識故將軍

長安路

唐宋之問  
初

秦地平如掌層城出雲漢樓閣九衢春車馬千門旦  
綠柳開復合紅塵聚還散日晚鬪雞場經過狹邪看

長安  
原作  
古興

唐沈微  
盛

京都

卷二十八

十一  
京都

長安富豪右信是天下樞戚里笙歌發禁門冠蓋趨  
攀雲無醜士唾地盡明珠日晏下雙闕煙花亂九衢  
恩榮在片言零落亦須臾何意還自及曲池今已蕪

長安道二首

唐儲光義  
盛

西行一千里暝色生寒樹暗聞歌吹聲知是長安路

二

鳴鞭過酒肆袷服遊倡門百萬一時盡含情無片言

長安路

唐皇甫冉  
中

長安九城路戚里五侯家結東趨平樂聯翩抵狹斜  
高樓臨遠水複道出繁花唯見相如宅蓬門度歲華

長安道

唐元稹  
中

漢家宮殿含雲煙兩宮十里相連延晨霞出沒弄丹  
闕春雨依微自甘泉春雨依微春尚早長安貴遊愛  
芳草寶馬橫來下建章香車却轉避馳道貴遊誰最  
貴衛霍世難比何能蒙主恩幸遇邊塵起歸來甲第  
拱皇居朱門我我臨九衢中有流蘇合歡之寶帳一  
百二十鳳凰羅列含明珠下有錦鋪翠被之燦爛博  
山吐香五雲散麗人綺閣情飄飄頭上鴛釵雙翠翹  
低鬟曳袖迴春雪聚黛一聲愁碧霄山珍海錯棄藩  
籬烹犢烹羔如折葵既請列侯封部曲還將金印授

京都

卷二十八

十四  
京都

廬兒歡樂若此何所苦但苦白日西南馳

長安道

唐薛能  
晚

汲汲復營營東西連兩京關繡古若在山岳累應成  
各自有身事不相知姓名交馳兼衆類分散入重城  
此去應無盡萬方人旋始一作生空餘片言苦來往覓  
劉楨

洛陽道

梁元帝

洛陽開大道城北達城西青槐隨幔拂綠柳逐風低  
玉珂鳴戰馬金爪闐場鷄桑萎日行暮多逢秦氏妻

洛陽道

梁簡文帝

洛陽佳麗所大道滿春光遊童初挾彈蠶妾始提筐  
金鞍照龍馬羅袂拂春桑玉車爭晚入潘果溢高箱

洛陽道

梁沈約

洛陽大道中佳麗實無比燕裙傷日開趙帶隨風靡  
領上蒲萄繡腰中合歡綺佳人殊未來薄暮空徒倚

洛陽道

梁庾肩吾

微道臨河曲層城傍洛川金門纔出柳桐井半含泉  
日起翠恩外車迴雙闕前潘生時未返遙心徒眷然

洛陽道

梁車敫

洛陽道八達洛陽城九重重關如隱起雙闕似芙蓉

京都

卷三

五

京都

王孫重行樂公子好遊從別有傾人處佳麗夜相逢

輦洛

原作車馬行

梁戴嵩

輦洛風塵處冠蓋相填咽多稱魏其冷競隨田蚡熱  
輪迴白虎第珂聚黃金穴獻酒悉葡萄訓言盡飛鐵  
東都虵已鑄西山綬應結期集類蒸煙晚至如吹雪  
子雲爾何事門巷無車轍

洛陽道五首

陳後主

諠譁照邑里遨遊出洛京霜枝嫩柳發水蘆薄苔生  
停鞭回去影駐輞前夢臺上經相識城下屢逢迎  
踟躕還借問只重未知名

二

日光朝杲杲照耀東京道霧帶城樓開啼侵曙色早  
佳麗嬌南陌香氣含風好自憐釵上纓不歎河邊草

三

建都開洛汭中地乃城陽縱橫肆八達左右闢康莊  
銅溝飛柳絮金谷落花光忘情伊水側稅駕河橋傍

四

百尺瞰金埒九衢通玉堂柳花塵裏暗槐色露中光  
游俠幽并客當壚京兆妝向夕風煙晚金鑰滿洛陽

五

京都

卷三

六

京都

青槐夾馳道御水映銅溝遠望凌霄闕遙看井幹樓  
黃金彈俠少朱輪盛徵侯桃花雜渡馬紛披聚陌頭

洛陽道

陳張正見

曾城啟旦扉上洛滿春暉柳影綠溝合槐花夾岸飛  
蘇合彈珠罷黃間負翳歸紅塵暮不息相看連騎稀

洛陽道

陳岑之敬

喧喧洛水濱鬱鬱小平津路傍桃李節陌上采桑春  
聚車看衛玠連手望安仁復有能留客莫愁嬌態新

洛陽道

陳王瑳

洛陽夜漏盡九重平旦開日照金龍闕煙遠鳳凰臺

浮雲翻似益流水倒成雷曹王鬪鷄返潘仁載泉來

洛陽道

陳陳暄

洛陽九達

一作

上羅綺四時春路傍避驄馬車中看

玉人鎮西歌艷曲臨淄逢麗神欲知雙壁價潘夏正連茵

洛陽道二首

陳徐陵

綠柳三春暗紅塵百戲多東門向金馬南陌接銅駝  
華軒翼葆吹飛蓋響鳴珂潘郎車欲滿無奈擲花何

二

洛陽馳道上春日起塵埃濯龍望如霧河橋渡似雷

京都

卷三

七

京都

聞珂知馬蹀傍憊見薨開相看不得語密意眼中來

洛陽道二首

陳江總

德陽穿洛水伊闕邈河橋仙舟李膺棹小馬王戎鑣

杏堂歌吹合槐路風塵饒綠珠含淚舞孫秀強相邀

二

小平臨

一作

四達長楸聽五鐘玉節迎司隸錦車歸

濯龍弦歌聲不息環珮響相從花障蕩舟笑日映下

山逢

洛陽道

唐沈佺期

初

九門開洛邑雙闕對河橋白日青春道軒裳半下潮

乘羊稚子看拾翠美人嬌行樂歸恒晚香塵撲地遙

洛陽

原作放歌行

唐王昌齡

盛

南渡洛陽津西望十二樓明堂坐天子月朔朝諸侯

清樂動千門皇風被九州慶雲從東來決滌抱日流

昇平貴論道文墨將何求有詔徵章澤微誠獻謀猷

冠冕如星羅拜揖曹與周望塵非君事入賦且遲留

幸蒙國士識因脫負薪裘今日放歌行以慰梁甫愁

但營數斗祿奉養每豐羞若得金膏遂飛雲亦可求

洛陽道五首

唐儲光義

盛

洛水春冰開洛城春樹綠朝看大道上落花亂馬足

京都

卷三

六

京都

二

大道直如髮春日佳氣多五陵貴公子雙雙鳴玉珂

三

春風二月時道傍柳堪把上枝覆官閣下枝拂車馬

四

洛水照千門千門碧空裏少年不得志走馬遊新市

五

劇孟不知名千金買寶劍出入平津邸自言嬌且艷

同儲十二洛陽道中

唐孟浩然

盛

珠彈繁華子金韜游俠人酒酣白日暮走馬入紅塵



洛陽陌

唐李白盛

白玉誰家郎回車渡天津看花東陌上驚動洛陽人

洛陽作

唐張繼中

洛陽天子縣金谷石崇鄉草色侵官道花枝出苑墻  
書成休逐客賦罷遂爲郎貧賤非吾事西遊思自強

洛陽

原作擬  
古風

唐于濶晚

洛陽大道傍甲第何深邃南邙無一廬東園有餘地

春蹊化桃李秋沼生荷芰草木本無情此時如有爲

西遊咸陽中

阮籍詠懷詩曰西遊  
咸陽中趙李相經過

陳陰鏗

上林春色滿咸陽游俠多城斗疑連漢橋星象跨河

京都

卷二十八

九

京都

影裏看飛轂塵前聽達珂還家何意晚無處不經過

奉和趙王西京路春日

北周庾信

直城龍首抗橫橋天漢分風烏疑近日露掌定高雲

新渠還入渭舊鼎更開汾漢獵熊攀檻秦田雉失羣

宜年動春律御宿斂寒氛弄玉迎蕭史東方覓細君

楊柳成歌曲蒲桃學繡文鳥鳴還獨解花開先自薰

誰知灞陵下猶有故將軍

望雙闕

原作  
古興

唐薛據盛

日中望雙闕軒蓋揚飛塵鳴珂初罷朝自言皆近臣

光華滿道路意氣安可親歸來宴高堂廣庭羅八珍

僕妾盡純綺歌舞夜達晨四時固相代誰能久要津

已看覆前車未見易後輪丈夫須兼濟豈能樂一身

君今皆得志肯顧憔悴人

都中閒居

唐王美門盛

君王巡海內北闕下明臺雲物天中少煙花歲後來

河從御苑出山向國門開寂寞東京裏空留賈誼才

長安春望

唐盧綸中

東風吹雨過青山却望千門草色閒家在夢中何日到

春生江上幾人還川原繚繞浮雲外宮闕參差落

照間誰念爲儒逢世難獨將衰鬢客秦關

京都

卷二十八

二十

京都

憶長安曲寄雁雁二首

唐岑參盛

東望望長安正值日初出長安不可見喜見長安日

二

長安何處在只在馬蹄下明日歸長安爲君急走馬

長安曉望寄崔補闕

唐包何中

迢遞山河擁帝京參差宮殿接雲平風吹曉漏經長

樂柳帶晴煙出禁城天淨笙歌臨路發日高車馬隔

塵行自憐久住諸生列未得金閨籍姓名

○懷京

晚度天山有懷京邑

唐駱賓王初

忽上天山路依然想物華  
雪疑上苑葉雪似御溝花  
行歎戎麾遠坐令衣帶賒  
交河浮絕塞弱水浸流沙  
旅思徒漂梗歸期未及瓜  
寧知心斷絕夜夜泣胡笳

江樓有懷

唐崔湜初

子牟懷魏闕元凱滯襄城  
冠蓋仍爲客池臺尚識名  
山光晴後綠江色晚來清  
爲問東流水何時到玉京

安西館中思長安

唐岑參盛

家在日出處朝來起東風  
風從帝鄉來不異家信通  
絕域地欲盡孤城天遂窮  
彌年但走馬終日隨飄蓬  
寂寞不得意辛勤方在公  
胡塵淨古塞兵氣屯邊空

京都

卷二十八

三樓京

鄉路眇天外歸期如夢中  
遙憑長房術爲縮天山東

詩雋類函卷二十九

東吳俞安期彙纂

宣城梅鼎祚曾定

新都汪宗姬訂校

州郡部

○州郡

秦中 河南 齊魯 楚中 吳中 越中

蜀中 豫章 閩 粵 幽州

晉肇虞

雍州詩以下秦中

晉肇虞

於皇先王經啟九有有州惟雍居京之右土載輿區

山包

一作苞

神敷嘉生惟繁庶類伊臯悠悠州域有華

有戎外接皮服內含岐豐周餘既沒夷德未終莫不

慕義易俗移風

州郡

卷二十九

秦中

左馮翊歌

齊陸厥

上林滴紫泉離宮赫千戶飛鳴亂鳬鴈參差雜蘭杜

比翼獨未羣連葉誰爲伍一物或難致無云泣易觀

秦州雜詩

唐杜甫盛

滿目悲生事因人作遠遊遲迴度隴怯浩蕩及關愁

水落魚龍夜山空鳥鼠秋西征問烽火心折此淹留

二

秦州城

一作山

北寺傳是

一作勝跡

鳳閣宮昔薛山門古丹

青野殿空月明垂葉露雲逐度溪風清渭無情極愁

時獨向東

三

州圖領同谷驛道出流沙降虜兼千帳居人有萬家  
馬驕朱汗落胡舞白題斜年少臨洮子西來亦自誇

四

鼓角緣邊郡州原欲夜時秋聽殷上聲猶地發風散  
入雲悲抱葉寒蟬靜歸山獨鳥遲萬方聲一槩吾道  
竟何之

五

城上胡笳奏山邊漢節歸防河赴滄海奉詔發金微  
士苦形骸黑林疎鳥獸稀那堪往來戍恨解鄴城圍

州郡

卷三九

二

秦中

六

莽莽萬重山孤城山谷間無風雲出塞不夜月臨關  
屬國歸何晚樓蘭斬未還煙塵一長望衰颯正摧顏

七

山頭南郭寺水號北流泉老樹空庭得清渠一邑傳  
秋花危石底瞻景臥鐘邊俛仰悲身世溪風爲颯然

八

聞道尋源使從天此路回牽牛去幾許宛馬至今來  
一望幽燕隔何時郡國開東征健兒盡羌笛暮吹哀

九

雲氣接崑崙涖涖塞雨繁羌童看渭水使客向河源  
煙火軍中幕牛羊嶺上村所居秋草靜正閉小蓬門

十

傳道東柯谷深藏數十家對門藤蓋瓦映竹水穿沙  
瘦地翻宜粟陽坡可種瓜船人近相報但恐失桃花

十一

萬古仇池穴潛通小有天神魚人不見福地語真傳  
近接西南境長懷十九泉何時一茅屋送老白雲邊

十三

未暇泛滄海悠悠兵馬間塞門風落木客舍雨連山

州郡

卷三九

三

秦中

阮籍行多興龐公隱不還東柯遂疎懶休鑷鬚毛斑

十三

地僻秋將盡山高客未歸塞雲多斷續邊日少光輝  
警急烽常報傳聞檄屢飛西戎外甥國何得近天威

十四

鳳林戈未息魚海路常難候火雲峰峻懸軍幕井乾  
風連西極動月過北庭寒故老思飛將何時議築壇

汧陽間

唐韋莊

汧水悠悠去似絳遠山如畫翠眉橫僧尋野渡歸吳  
嶽鴈帶斜陽入渭城邊靜不收蕃帳馬地貧唯賣隴

山鷄牧童何處吹羌笛一曲梅花出塞聲

送殷侍御赴同州

唐賈島中

馮翊連蒲一作蒲西郡沙岡擁地形中條全離岳清渭半

和涇夜暮眠明月秋深至洞庭猶來交辟士事別偃

林局

送成州牧

唐張蟾晚

清時爲塞郡自古有儒流素望知難愜新恩且用酬

犬牙連蜀國兵額貫秦州祗作三年別誰能聽邑留

送李太守赴上洛

以下河南

唐王維盛

商山包楚鄧積翠藹沈沈驛路飛泉洒關門落照深

州郡

卷三九

四

河南

野花開古戍行客響空林板屋春多雨山城晝欲陰

丹泉通繞路白羽抵荆岑若見西山爽應知黃綺心

潁陽縣

唐韋莊晚

琴堂連少室故事即仙蹤樹老風聲壯山高臘候濃

雪多庭有鹿縣僻寺無鐘何處留詩客茅簷倚後峯

送田使君牧蔡州

唐馬戴晚

主意思政一作共理牧人官不輕樹多淮右地山遠汝

南城望稼周田隔登樓楚月生懸知蔣亭下渚鶴伴

閒行

齊謳行

以下齊魯

晉陸機

營丘負海曲沃野爽且平洪川控河濟崇山入高冥

東被姑尤側南界聊攝城海物錯萬類陸產尚千名

孟諸吞楚夢百二倖秦京惟師恢東表桓后定周傾

天道有迭代人道無久盈鄙哉牛山歎未及至人情

爽鳩苟已徂吾子安得停行行將復去長存非所營

齊歌行

齊陸厥

黃金徒滿籬不如守章句雪宮紛多士稷下岌成覆

一作露同載雙連珠一作璧合席懸河注垂帷五行下操

筆百金賦華屋大車方高門四馬驅玄豹空不食南

山隱雲霧

州郡

卷三九

五

齊魯

齊謳行

梁沈約

東秦稱右地川隰固夷景層峯駕蒼雲濁河流素壤

青丘良杳鬱雪宮信疎敞王佐改殷一作商命霸功繆

周網

魯郡

唐高適盛

誰謂嵩嶺客遂經鄒魯鄉前臨少昊墟始覺東蒙長

獨行豈吾心懷古激中腸聖人久已矣游夏遙相望

徘徊野澤間左右多悲傷日出見關里川乎知汶陽

弱冠負高節十年思自強終然不得意去去任行藏

楚朝曲

以下楚中

宋吳邁遠

白雲縈蕩荆山阿洞庭縱橫日生一作波幽芳遠客  
悲如何繡被掩口越人歌壯年流瞻襄成和清貞空  
情感電過初同未異憂愁多窮巷惻愴沈汨羅延思  
萬里挂長河翻驚漢陰動湘娥

雍州曲三首

梁簡文帝

南湖

南湖荇葉浮復有佳期遊銀綸翡翠鈎玉軸芙蓉舟  
荷香亂衣麝橈聲隨急流

北渚

岸陰垂柳葉平江含粉堞好值城傍人多逢蕩舟妾

州郡

卷二十九

六

楚中

綠水澱長袖浮苔淅輕櫂

大堤

宜城斷中道行旅亟留連出妻工織素妖姬慣數錢  
炊彫留上客貴酒逐神仙

荊州樂三首

迢遞樓雉懸參差臺觀雜城闕自相望雲霞紛颺杳

二

童華遊獵去紀郢從禽歸溶溶紫煙合鬱鬱紅塵飛

三

朝發江津路暮宿靈溪道平衢廣且直長楊鬱裊裊

荊州歌二首

唐劉禹錫中

二

渚宮楊柳暗麥城朝雉飛可憐踏青伴乘暖著輕衣

紀南歌

唐劉禹錫中

今日好南風商旅相催發沙頭檣竿上始見春江濶

荆門路

唐王建中

風煙紀南城塵土荆門路天寒獵獸者走上樊姬墓  
江邊行人暮悠悠山頭殊未見荆州峴亭西南路多  
曲櫟林深深石鏃鏃看炊紅米煮白魚夜向雞鳴店  
家宿南中三月蚊蚋生黃昏不聞人語聲生紗帷棘

州郡

卷二十九

七

楚中

薄如霧隔衣臂膚耳邊鳴欲明不待燈火起喚得官  
船過蠻水女兒停客茅屋新開門掃地桐花裏犬聲  
撲撲寒溪煙人家燒竹種山田巴雲欲雨薰石熱麋  
鹿過江蟲出穴大蛇過處一山腥野牛驚跳雙角折  
斜分漢水橫千山山青水綠荆門關向前問箇長沙  
路舊是屈原沈溺處誰家丹旆已南來逢著流人從  
此去月明山鳥多不栖下枝飛上高枝啼主人念達  
心不憚羅衫臥對章臺夕紅燭交橫各自歸酒醒還  
是他鄉客壯年留滯尚思家况復白頭在天涯

江陵望幸

唐杜甫盛

雄都元壯麗望幸欽威神地利西通蜀天文北照秦  
風煙含越鳥舟楫控吳人未枉周王駕終期漢武巡  
甲兵分聖旨居守付宗臣早發雲臺仗恩波起涸鱗

南楚

唐杜甫 盛

南楚青春異暄寒早分無名江上草隨意嶺頭雲

正月蜂相見非時鳥共聞杖藜妨躍馬不是故離羣

襄陽歌

世說新語曰山季倫爲荊州時出酣暢  
愛將并州人也○襄陽記曰漢侍中習郁於  
硯山南依范蠡養魚法作魚池池邊有高腰  
種竹及長楓芙蓉菱芡覆水是遊燕名處也  
山簡每臨此池未嘗不大醉而還曰此是我  
高陽池也襄陽小兒歌之

州郡

卷三九

八 楚中

山公時一醉徑造高陽池日暮倒載歸茗芋無所知  
復能騎駿馬倒著白接羅舉手問葛疆何如并州兒

襄陽蹋銅蹄歌三首

銅鞮歌

梁沈約

分手桃林岸送別峴山頭若欲寄音信漢水向東流

二

生長宛水上從事襄陽城一朝遇神武奮翼起先鳴

三

蹀躞飛塵起左右自生光男兒得富貴何必在歸鄉

襄陽作

唐崔湜 初

廟堂初解印郡邸忽腰章按節巡河右鳴騶入漢陽

城臨南峴出樹繞北津長好學風猶扇誇才俗未亡  
江山距七澤煙雨接三湘蛟浦荷菱淨漁舟橋柳香  
醉中求習氏夢裏憶襄王宅毀仍思鳳碑存更憶羊  
下車勲政美閉閣幸時康多謝征南術于今尚不忘

襄城即事

唐崔湜 初

子牟懷魏闕元凱滯襄城冠蓋仍爲里池臺尚識名  
山光晴後綠江色晚來清借問東流水何時到玉京

襄陽曲二首

唐崔國輔 盛

蕙草嬌紅萼時光舞碧雞城中美年少相見白銅鞮

州郡

卷三九

九 楚中

少年襄陽地來往襄陽城城中輕薄子知妾解秦箏

襄陽歌

唐李白 盛

落日欲沒峴山西倒著接離花下迷襄陽小兒齊拍

手欄街爭唱白銅鞮傷人借問笑何事笑殺山翁醉

似泥鷓鴣杓鸚鵡杯百年三萬六千日一日須傾三

百杯遙看漢水鴨頭綠恰似蒲萄初醱醅此江若變

作春酒壘麴便築糟丘臺千金駿馬換少妾笑坐雕

鞍歌落梅車傍側挂一壺酒鳳笙龍管行相催咸陽

市中歎黃犬何如月下傾金壘君不見晉朝羊公一

片石龜頭剝落生莓苔淚亦不能爲之墮心亦不能



爲之哀清風明月不用一錢買玉山白倒非人推舒  
州杓力士鎗李白與爾同歿生襄王雲雨今安在江  
水東流猿夜聲

襄陽曲四首

唐李白 盛

襄陽行樂處歌舞白銅鞮江城迴綠水花月使人迷

二

山翁醉酒時酩酊襄陽下頭上白接離倒著還騎馬

三

峴山臨漢江水綠沙如雪上有墮淚碑青苔久磨滅

四

州郡 卷二九

十 建中

且醉習家池莫看墮淚碑山公欲上馬笑殺襄陽兒

大堤曲

唐張東之 初

南國多佳人莫若大堤女玉牀翠羽帳寶祿蓮花距  
覓處自目成色授開心許迢迢不可見日暮空愁予

大堤行寄萬七

唐孟浩然 盛

大堤行樂處車馬相馳突歲歲春草生踏青二三月  
王孫挾珠彈遊女矜羅襪携子今莫同江花爲誰發

襄陽曲

唐釋子蘭

爲憶南移人移家大堤住千帆萬帆來過盡門前去

贈別鄭鍊赴襄陽

唐杜甫 盛

戎馬交馳際柴門老病身把君詩過日念此別驚神  
地澗峨眉晚天高峴首春爲於耆舊內試覓姓龐人

餞王荃判官赴襄陽道

唐岑參 盛

故人漢陽使走馬向南荆不厭楚山路祇憐襄水清  
津頭習氏宅江上夫人城夜入橘花宿朝穿楓葉行

送襄陽李尚書

唐李益 中

天寒發梅柳憶昔到襄州樹暖燃紅燭江清展碧油  
風煙臨峴首雲水接昭丘俗尚春秋學詞稱文選樓  
都門送旌節符竹領諸侯漢沔分戎寄黎元減聖憂  
時追山簡輿本自習家流莫廢思康樂詩情滿沃州

州郡 卷二九

十一 建中

送儲邕之武昌

唐李白 盛

黃鶴西樓月長江萬里情湖連張樂地山逐泛舟行  
諾謂楚人重詩傳謝朓清滄浪吾有曲寄入棹歌聲

送韋整尉長沙

唐張祐 中

遠達長沙去憐君利一官風帆彭蠡疾雲水洞庭寬  
木客提蔬東江鳥接飯九莫言卑濕地未必乏新歡

送張秀才之長沙

唐戎昱 中

君向長沙去長沙僕舊諳雖之桂嶺北終是關庭南  
山靄生朝雨江煙作夕嵐松醪能醉客慎勿滯湘潭

送樊兵曹之潭州謁韋大夫

唐李嘉祐 中

塞鴻歸欲盡北客始辭秦  
零桂雖逢竹湘川少見人  
江花鋪淺水山木暗殘春  
修刺轅門裏多憐爾爲親

送李中丞赴辰州

唐韓翃中

白羽逐青絲翩翩南下時  
巴人迎道路蠻師引旌旗  
暮雨山開少秋江葉落遲  
功成益地日應見竹郎祠

龍陽縣歌

唐劉禹錫中

縣門白日無塵土百姓縣前挽漁罟  
主人引客登大隄小兒縱觀黃犬怒  
鷓鴣驚鳴繞籬落橘柚垂芬照  
窻戶沙平草綠見吏稀寂寥斜陽照縣鼓

吳趨行

以下吳中  
晉陸機

州郡

卷三九

十三

吳中

楚妃且勿歎齊娥且莫謳  
四坐竝清聽聽我歌吳趨  
吳趨自有始一作紀請從閭門起  
閭門何我我一作集嗟峨飛  
閣跨通波重巒承游極  
回軒啓曲阿藹藹慶雲被  
泠泠祥風過山澤多藏育  
土風清且嘉泰伯導仁風  
仲雍揚其波穆穆延陵子  
灼灼光諸華王迹隕陽九  
帝功興四遐大皇自富春  
矯手一作首頓世羅邦彥應運  
興繁若春林葩屬城咸有  
士吳邑最爲多八族未足  
修四姓實名家文德熙淳  
懿武功侔山河禮讓何濟  
濟流化自滂沱淑美難窮  
紀商權爲此歌

吳中好風景

唐白居易中

吳中好風景風景無朝暮  
曉色萬家煙秋聲八月樹  
舟移絃管動轎擁旌旗  
駐改號齊雲樓重開虎丘路  
况當豐熟歲好是歡遊處  
州民勸使君且莫拋官去

送從弟戴玄往蘇州

唐張籍中

楊柳閭門路悠悠水岸斜  
乘舟向山寺著屐到漁家  
夜月紅柑樹秋風白藕花

送友人遊江南

唐耿漳中

逴別悠悠白髮新江潭何處是通津  
潮聲偏懼初來客海味唯甘久住人  
漠漠煙光前浦晚青青草色定山春  
汀洲更有南迴鴈亂起聯翩北向秦

州郡

卷三九

十三

吳中

登宣城郡

宋袁淑

悵焉訊舊老茲前乃楚居  
十代一作世闕州記百祀絕方書

鄂渚送池州程使君

唐劉長卿中

蕭蕭五馬動欲別謝臨川  
落日蕪湖色空山梅冶煙  
江潮通解舍楚老拜戈船  
風化東南滿行舟來去傳

贈別韋兵曹歸池州

唐韓翃中

南陵八月暮天色遠峯前楚竹青  
陽路吳江赤馬船  
簾金諸客貴佩玉主人賢  
終日應相逐歸期定幾年

金陵三首

唐李白盛

晉家南渡日此地舊長安地即帝王宅山爲龍虎盤  
金陵空壯觀天塹淨波瀾醉客迴棹去吳歌且自歡

二

地擁金陵勢城迴江水流當時百萬戶夾道起朱樓  
亡國生春草王宮沒古丘空餘後湖月波上對江洲

三

六代興亡國三杯爲爾歌苑方秦地少山似洛陽多  
古殿吳花草深宮晉綺羅併隨人世滅東逝與滄波

金陵歌送別范宣

唐李白盛

石頭巉巖如虎踞凌波欲過滄江去鍾山龍盤走勢

州郡

卷三九

十四

吳中

來秀色橫分歷陽樹四十餘帝三百秋功名事蹟隨  
東流白馬小兒誰家子泰清之歲來關囚金陵昔時  
何壯哉席卷英豪天下來冠蓋散爲煙霧盡金輿王  
座成寒灰扣劍悲吟空咄嗟梁陳白骨亂如麻天子  
龍沈景陽井誰歌玉樹後庭花此地傷心不能道日  
下離離長春草送爾長江萬里心他年來訪南山皓

江南行

唐張籍中

江南人家多橘樹吳姬舟上織白苧土地卑濕饒蟲  
蛇連木爲牌入江住江村亥日長爲市落帆度橋來  
浦裏青莎覆城竹爲屋無井家家飲潮水長于午日

沽春酒高高酒旗懸江口娼樓兩岸懸水柵夜唱竹  
枝留北客江南風土歡樂多悠悠處處盡經過

廣陵行

唐元稹中

雄藩鎮楚郊地勢巒岷雙旌擁萬戟中有霍嫖姚  
海雲助兵氣寶貨益軍饒嚴城動寒角晚騎踏霜橋  
翕習英豪集振奮士卒驍列郡何足數趨拜等卑僚  
日晏方云罷人逸馬蕭蕭忽如京洛間遊子風塵飄  
歸來視寶劍功名豈一朝

廣陵行

唐權德輿中

廣陵實佳麗隋季此爲京八方稱輻輳五達如砥平

州郡

卷三九

十五

吳中

大旆映空色笳簫發連營層臺出重霄金碧摩瀛清  
交馳流水轂迴接浮雲靄青樓旭日映綠野春風晴  
噴玉光照地嘯蛾價傾城燈前頻巧笑陌上相逢迎  
飄飄翠羽薄掩映紅襦明蘭麝遠不散管絃聞自清  
曲士守文墨達人隨性情茫茫竟同盡冉冉將何營  
且申今日歡莫務身後名肯學諸儒輩書牕誤一生

廣陵曲

唐馬戴晚

葱蘢桂樹枝高繁黃金羈葉隱青蛾翠花飄白玉墀  
上鳴間關鳥下醉游俠兒

寄楊州韓綽判官

唐杜牧晚

青山隱隱水遙遙秋盡江南草未凋二十四橋明月夜玉人何處教吹簫

會吟行

以下越中

宋謝靈運

六引緩清唱三調伶繁音列筵皆靜寂咸共聆會吟會吟自有初請從文命敷敷績靈業始刊木至江汜列宿炳天文負海橫地理連峯競千仞背流各百里滌池溉稂稻輕雲睨松柏兩京愧佳麗三都豈能似層臺指中天高墉積崇雉飛燕躍廣途鶴首戲清沚肆呈窈窕容一作客路耀嫵媚子自來彌世代賢達不可紀句踐善廢興越叟識行止范蠡出江湖梅福入州郡

卷三九

六

越中

未已

城市東方就旅逸梁鴻去桑梓牽綴書土風辭殫意

杭州春望

唐白居易

望海樓明照曙霞護江隄白踏晴沙濤聲夜入伍胥廟柳色春藏蘇小家紅袖纖綾誇柿蒂青旗沽酒趁梨花誰開湖寺西南路草綠裙腰一道斜

送盧郎中除杭州赴任

唐岑參

罷起郎官草初分刺史符海雲迎過楚江月引歸吳城底濤聲震樓端屨氣孤千家窺驛舫五馬飲春湖柳色供詩用鶯聲送酒須知君望鄉處在道上姑蘇

送王少府歸杭州

唐韓翃

歸州一路轉青蘋更欲隨潮向富春吳郡陸機稱地主錢塘蘇小是鄉親

寄獻湖州從叔員外

唐鄭谷

顧渚山邊郡溪將罨畫通遠看城郭裏全在水雲中西閣歸何晚東吳興未窮茶香紫笋露洲迴白蘋風歌緩眉低翠杯明蠟翦紅政成尋往事輟棹問漁翁

送人入金華

唐嚴維

明月雙溪水清風八詠樓昔年爲客處今日送君遊

州郡

卷三九

七

越中

銅梁指斜谷

一作絕國

劍道望

一作臨

中區通星上分野

作固下爲都雅歌因良守妙舞自巴渝陽城嬉樂所劍騎聲相趨五婦行難至百兩好遊娛牲祈望帝祀酒醉蜀侯姝江妃納重聘卓女愛將雛停弦時繫爪息吹更治朱脫衫前錦浪迴扇避陽鳥聞君握節返賤妾下城隅

蜀國弦

隋盧思道

西蜀稱天府由來擅沃饒雲浮玉壘夕日映錦城朝南尋九折路東上七星橋琴心若易解令客豈難要

成都曲

唐張籍

錦江近西煙水綠新雨山頭荔枝熟萬里橋邊多酒  
家遊人愛向誰家宿

蜀中

唐鄭谷 晚

渚遠江清碧簾文小桃花遶薛濤墳朱橋直指金門  
路粉堞高連玉壘雲牕下斷琴翹鳳足波中濯錦散  
鷗群子規夜啼巴蜀不並吳鄉楚國聞

劍門作

唐岑參 盛

不知造化初此山誰開拆雙崖倚天立萬仞從地劈  
雲飛不到頂鳥去難過壁速駕畏巖傾單行愁路窄  
平明地仍黑停午日暫赤凜凜三伏寒巉巖五丁迹

州郡

卷三十九

大 蜀中

與時忽開閉作固或順逆磅礴跨岷峨巍嶠限蠻貊  
星當崑崙分地處西南僻陡覺煙景殊香將華夏隔  
劉氏昔顛覆公孫曾敗績始知德不修恃此險何益  
聖朝無外戶寰宇被德澤四海今一家徒然劍門石

夔州歌

唐杜甫 盛

中巴之東巴東山江水開闢流其間白帝高爲三峽

鎮夔州險過百牢關

赤甲白鹽俱刺天閭閻繚繞接山巔楓林橘樹丹青

合複道重樓錦繡懸

瀼東瀼西一萬家江北江南春冬花背飛鴛鴦子遺璣

蒞相赴鳧雛入蔣茅

東屯稻畦一百頃北有澗水通青苗晴浴狎鷗分處

處雨隨神女下朝朝

蜀麻吳鹽自古通萬斛之舟行若風長年三老長歌

裏白晝攤錢高浪中

憶昔咸陽都市合山水之圖張寶時巫峽曾經寶屏

見楚宮猶對碧峯疑

閨風玄圃與蓬壺中有高堂天下無借問夔州壓何

處峽門江腹擁城隅

武侯祠堂不可忘中有松柏參天長干戈滿地客愁

州郡

卷三十九

十九 蜀中

破雲日如火炎天涼

送別鄭司倉入蜀

唐盧照隣 初

離人丹水北遊客錦城東別意還無已離憂自不窮

隴雲朝結陣江月夜臨空關塞疲征馬霜氛落早鴻

潘年三十外蜀道五千中送君秋水曲酌酒對秋風

劍州送別劉右史

唐盧照隣 初

金碧禺山遠關梁蜀道難相逢屬晚歲相送動征鞍

地險綿川咽雲凝劍閣寒倘遇忠孝所爲道憶長安

送楊長史赴果州

唐王維 盛

褒斜不容憶之子去何之鳥道一千里猿啼十二時

官橋祭酒客山木女郎祠別後同明月君應聽子規

公安送李二十九弟晉肅入蜀予下沔鄂

唐杜甫

正解柴桑纜仍看蜀道行檣烏相背發塞鴈一行鳴  
南紀連銅柱西江接錦城憑將百錢卜飄泊問君平

送友人入蜀

唐李白

見說蠶叢路崎嶇不易行山從人面起雲傍馬頭生  
芳樹籠秦棧春流遶蜀城升沈應已定不必訪君平

送友人入蜀

唐李端

嘉陵天氣好百里見雙流帆影綠巴字鐘聲出漢州

卷三九

子

綠原春艸晚青木暮猿愁正一作是風流地遊人易  
白頭

送長史李少府入蜀

唐韓翃

行行獨出故關遲南望千山無盡期見舞巴童應暫  
笑聞歌蜀道又堪悲

送夏侯審遊蜀

唐耿漳

暮峰和玉壘回望不通秦更問蜀城路但逢巴語人  
石林鶯囀曉板屋月明春若訪嚴夫子無嫌上肆貧

送楊秀才遊蜀

唐張祐

鄂渚逢遊客瞿塘上去船峽深明月夜江靜碧雲天

舊俗巴渝舞新聲蜀國弦不堪揮慘恨一涕自潛然

送李長史歸涪州

唐張祐

涪江江上客歲晚却還鄉暮過高唐雨秋經巫峽霜  
急灘船失次疊嶂樹無行

送雍陶入蜀

唐賈島

江山事若諳那肯滯雲南草色分危磴杉陰近古潭  
日斜褒谷鳥夏淺鶴州蠶吾自疑雙鬢相逢更不堪

送穆少府知眉州

唐賈島

劍門倚青漢君昔未曾過日暮行人少山深異鳥多  
猿啼和峽雨棧盡到江波一路白雲裏飛泉洒薛蘿

州郡

卷三九

子

送馬向遊蜀

唐徐凝

遊子去咸京巴山萬里程白雲連鳥道青壁遞猿聲  
雨露經泥坂煙花望錦城工文人共許應記蜀中行

送何石落第歸蜀

唐盧綸

褒斜行遠客棧道響危空路濕雲初上山明日正中  
水程通海貨地利雜吳風一別金門遠何人復薦雄

送李校書赴東川幕

唐盧綸

泥坂望青城浮雲與棧平字形知國號眉勢識山名  
編簡塵封閣戈鋌雪照營

送許棠下第遊蜀

唐張喬



天下猿多處西南是蜀關馬登青壁瘦人宿翠微聞  
帶雨逢殘日一作火因江見斷山行歌風月好莫老錦  
城間

送姚舒下第遊蜀

唐方干晚

蜀路何迢遞憐君獨去遊風煙接北虜山水勝東甌  
九折盤荒坂重江遶漢州臨邛一壺酒能浣長卿愁

送人遊蜀

唐馬戴晚

別離楊柳陌迢遞蜀門行若聽清猿夜應多白髮生  
虹蜺侵棧道風雨雜江聲過盡愁人處煙花是錦城

送人入蜀

唐李遠晚

州郡

卷三九

三  
蜀中

蜀客本多愁君今是勝遊碧藏雲外樹紅露驛邊樓  
杜魄呼名語巴江作一作學字流不知煙雨夜何處夢  
刀州

送杜司馬再遊蜀中

唐僧無可

劍水啼猿在關林轉棧遲日光低峽口雨勢出峨眉  
山迴逢殘角雲開識遠夷勿令雙鬢髮併向錦城衰

送張舍人佐江州

以下豫章  
唐王維盛

東帶趨承明守官唯謁者清晨聽銀虬薄暮辭金馬  
忽佐江上州當自潯陽下逆旅到三湘長途應百舍  
香爐遠峰出石鏡澄湖瀉重奉杏成林陶潛菊盈把

范蠡常好之廬山我心也

送王侍御赴江西兼寄李

表  
唐韓翃中

中朝理章服南國隨旌旆臘酒湘城隅春衣楚江水  
垂簾白角簾下飭鱸魚鱸雄筆佐名公虛舟應時輩  
按俗承流幾路清平明山靄春江雲溢城詩贈魚司  
馬汝水人逢王右軍綠蘋白芷遙相引孤興幽尋知  
不近井上銅人行見無湖中石燕飛應盡建禮門前  
直事郎腰垂金綬領宜陽花間五馬迎君日雨霖煙  
開玉女岡

表州作

唐韋莊晚

州郡

卷三九

三  
蜀中

家家生計只琴書一郡清風似魯儒山色東南連紫  
府水聲西北屬洪都煙霞盡入新詩卷郭邑間開古  
畫圖正是江村春酒熟更聞春鳥勸提壺

送喬判官赴福州

以下閩中

唐劉長卿中

揚帆何處插羽逐征東夷落人煙迴王程鳥路通  
江流回澗底山色聚閩中君去彫殘後應憐百越空

送沈秀才之閩中

唐僧皎然中

楚客未成歌春風起綠波嶺重寒不到海近瘴偏多  
野戍桄榔發人家翡翠過翻疑此中好君問定如何  
送韋判官赴閩中

唐□□□

孤棹聞中客雙旌海上軍  
路人從北少嶺水向南分  
野鶴傷秋別林猿忌夜聞  
漢家崇亞相知子遠邀勳

送沈光赴福幕

唐李洞

泉齊嶺鳥飛雨熱荔枝肥  
南斗看應近北人來恐稀  
潮浮廉吏宴珠照島僧歸  
幕下逢遷拜何官著茜衣

經梧州

以下學中

唐宋之間

南國無霜霰連年見物華  
青林暗換葉紅藥續開花  
春去聞山鳥秋來見海槎  
流芳雖可悅會自泣長沙

渡安海入龍編

唐沈佺期

我來交趾郡南與賈胸連  
四氣分寒少三光置日偏

州郡

卷三十九

五

唐中

尉佗曾馭國翁仲久遊泉  
邑屋遺氓在魚鹽舊產傳  
越人逢捧程漢將下看爲  
北斗崇山挂南風漲海牽  
別離頻破月容鬢驟催年  
昆弟推由命妻孥割付緣  
夢來魂尚擾愁委疾空纏  
虛道崩城淚明心不應天

旅寓安南

唐杜審言

交趾殊風候寒遲暖復催  
仲冬山果熟正月野花開  
積雨生昏霧輕霜下震雷  
故鄉踰萬里客思倍從來

南中

唐王建

天南多鳥聲州縣半無城  
野市依蠻姓山村逐水名  
瘴煙沙上起陰火雨中生  
獨有求珠客年年海上行

柳州峒氓

唐柳宗元

郡城南下接通津異服殊  
音不可親青箬裹鹽歸洞  
客綠荷包飯趁墟人鵝毛  
禦臘縫山麝雞骨占年拜  
水神愁向公庭問重譯欲  
投章甫作文身

連州吟

唐孟郊

羽翼不自有相追力難任  
唯憑舌寸靈獨夜萬里尋  
方尋魂飄飄南望山嶠嶸  
髣髴驚魍魎悉罕聞楓林  
孤懷吐明月衆毀鑠黃金  
願君保玄曜壯志無自沈

二

朝亦連州吟暮亦連州吟  
連州果有信一紙萬里心

州郡

卷三十九

五

唐中

開緘白雲斷明月墮衣襟  
南風嘶舜瑄苦竹動猿音  
萬里愁一色瀟湘雨淫淫  
兩劍忽相觸雙蛟恣浮沈  
鬪水正迴幹倒流安可禁  
空愁江海信驚浪隔相尋

昭郡

唐李商隱

桂水春猶早昭川日正西  
虎當官路鬬猿上驛樓啼  
繩爛金沙井松乾乳洞梯  
鄉音吁可駭仍有醉如泥

桂林

唐李商隱

城窄山將壓江寬地共浮  
東南通絕域西北有高樓  
神護青楓岸龍移白石湫  
殊鄉竟何禱蕭鼓不曾休

桂林

原作

唐李商隱

桂林聞舊說曾不異炎方宋考功有小山響匡牀語長安之句也花飄度臘香幾時逢鴈足著處斷猿腸獨撫青青桂臨城憶雪霜

送廣州周判官

唐張九齡初

海郡雄蠻落津亭壯越臺城隅百雉映水曲萬家開里樹枕榔出時禽翳翠來觀風猶未盡早晚使車廻

錢宋八充彭中丞判官之嶺外

唐高適盛

舉鞭趨嶺嶠屈指冒炎蒸北鴈送馳驛南人思飲水彼邦本倔強習俗多驕矜翠羽干平法黃金撓直繩若將除害馬慎勿信蒼蠅魑魅寧無患忠貞適有憑

州郡

卷三九

三六

中

猿啼山不斷爲路難登海岸出交趾江城連始興繡衣當節制幕府盛威稜勿憚九疑險須令百越澄立談多感激行李即嚴凝離別胡爲者雲霄遲爾升

送客遊嶺南因敘南中物

唐白居易中

迢遞天南面蒼茫海北垠訶陵國分界交趾郡爲鄰蒼鬱三光晦溫暾四氣勻陰晴變寒暑昏曉錯星辰瘴地難爲老蠻阻不易馴土民稀白首洞主盡黃巾戰艦猶驚浪戎車未息塵紅旗圍卉服紫綬裹文身麴苦枕椰棗漿酸橄欖新牙檣迎海舶銅鼓賽江神不凍貪泉暖無霜毒草春雲煙蛛蛇氣刀劍鱗魚鱗

路足羈栖客官多謫逐臣天黃生颶母雨黑長極人廻使先傳語征軒早返輪須防杯裏蠱莫愛囊中珍北與南殊俗身將貨孰親

送徐大夫赴廣州

唐劉長卿中

上將壇場拜南荒羽檄招達人來百越元老事三朝霧繞龍川暗山連象郡逢路分江森森軍動馬蕭蕭畫角知秋氣樓船逐暮潮當令輸貢賦不使外夷驕

送鄭尚書赴廣州

唐張籍中

聖朝選將持符節內制宣時百辟聽海北蠻夷來舞蹈嶺南封管送圖經白鵬飛遶迎官舫紅槿開當讌

州郡

卷三九

三七

中

客亭此處莫言多瘴癘天邊看取老人星

送鄭尚書赴南海

唐韓愈中

番禺軍府盛欲說暫停杯益海旂幢出連天觀閣開衙時龍戶集上日馬人來風靜鷄鵠去官廉蚌蛤廻貨通師子國樂奏武王臺事事皆殊異無嫌屈大才

送嚴大夫之桂州

唐張籍中

旌旆過湘潭幽奇得徧探莎城百越北竹路九疑南有地多生桂無時不養蠶聽詩難辨曲風俗自相諳

送黃隱居歸南海

唐許渾中

瘴霧南邊久寄家海中來往信流槎林藏鷓鴣多殘

笋樹過猩猩少落花深洞有雲龍蛻骨半巖無神象  
生牙知君愛宿層峰頂坐到三更見日華

送李祕書往儋州

唐儲嗣宗 晚

魘魅曾爲伍蓬萊近拜郎臣心瞻北闕家事在南荒  
莎艸山城小毛洲海驛長玄成知必大寧是泛滄浪

送幽州陳參軍赴任寄鄉曲父老

以下幽州

唐盧照隣 初

薊北三千里關西二十年馮唐猶在漢樂毅不歸燕  
人同黃鶴達鄉共白雲連郭隗池臺處昭王樽酒前  
故人當已老舊髮幾成田紅顏如昨日衰髮似秋天

州郡

卷三十九

三

唐中

西蜀橋應毀東周石尚金霸池水猶綠榆關月早圓  
塞雲初上鴈庭樹欲鎖蟬送君之舊國揮涕獨潸然

幽州賦詩見意時佐劉幕

唐李益 中

旌戌在桑乾年年薊水寒殷勤驛西路北去向長安

詩集類 卷二十九

詩集類 卷三十

東吳俞安期彙纂

宣城梅鼎祚增定

雲間俞汝楫訂校

邊塞部一

邊塞總載

巡邊

○邊塞總載

塞垣行

唐崔湜 初

疾風卷溟海萬里揚沙礫仰望不見天昏昏竟朝夕  
是時軍兩進東拒復西敵蔽山張旗鼓間道潛鋒鏑  
精騎突曉圍奇兵襲暗壁十月邊塞寒四山互陰積  
雨雪鴈南飛風塵景西迫昔我事討論未嘗忘經籍  
邊塞

卷三十九

邊塞

一朝棄筆硯十年操矛戟豈要黃河誓須勒燕然石  
可嗟牧羊臣海上久爲客

大漠行

唐胡皓 初

單于犯薊壘驃騎畧蕭邊南山木葉飛下地北海蓬  
根亂上天科斗連營太原道魚麗合陣武威川三軍  
遙倚伏萬里相馳逐旌旆悠悠靜瀚源鼙鼓喧喧動  
盧谷窮微出幽陵吁嗟倦寢興馬蹄凍溜石胡毳暖  
生氷雲沙決渰天光閉河塞陰沈海色凝崕峒異國  
誰能託蕭索邊心常不樂近見行人畏白龍遙聞公  
主愁黃鶴陽春半岐路間瑤臺苑玉門關百花芳樹

紅將歇二月蘭皋綠未還陣雲不散魚龍水雨雪猶  
飛鴻鴈山山障連綿不可極路遠辛勤夢顏色北堂  
萱草不寄來東園桃李長相憶漢將紛紛攻戰盈胡  
寇蕭條幽朔并韓君拜節偏知遠鄭吉驅旌坐見迎  
火絕煙沈右西極谷靜山空左北平但使將軍能百  
戰不須天子築長城

邊詞

唐張敬忠 初

五原春色舊來遲二月垂楊未挂絲即今河畔水開  
日正是長安花落時

燕歌行

并序

唐高適 盛

邊塞

卷三十

二

邊塞

開元三十六年客有從元戎出塞而還者作燕歌  
行以示適感征戍之事因而和焉

漢家煙塵在東北漢將辭家破殘賊男兒本自重橫  
行天子非常賜顏色撥金伐鼓下榆關旌旆逶迤碣  
石間校尉羽書飛瀚海單于獵火照狼山山川蕭條  
極邊土胡騎憑陵雜風雨戰士軍前半死生美人帳  
下猶歌舞大漠窮秋塞草腓孤城落日關兵稀身當  
恩遇常輕敵力盡關山未解圍鐵衣遠戍辛勤久玉  
筋應啼別離後少婦城南欲斷腸征人薊北空回首  
邊庭飄颻那可度絕域蒼茫無所有殺氣三時作陣

雲寒聲一夜傳刁斗相看白刃血紛紛死節從來豈  
顧勳君不見沙場征戰苦至今猶憶李將軍

燕歌行

唐屈同仙 盛

君不見漁陽八月塞草腓征人相對併思歸雲和朔  
氣連天黑蓬雜驚沙散野飛是時天地陰埃遍瀚海  
龍城皆習戰兩軍鼓角暗相聞四面旌旗看不見昭  
君遠嫁年已多戎狄無厭不復和漢兵候月秋防塞  
胡騎乘冰夜渡河河塞東西萬餘里地與京華不相  
似燕支山下少春輝黃沙磧裏無流水

部落曲

唐高適 盛

邊塞

卷三十

三

邊塞

將軍傍塞遊代馬噴風秋老將垂金甲關支著錦裘  
調弓蒙豹尾紅旆插狼頭日暮天山下鳴笳漢使愁  
邊城曲

唐戴叔倫 中

人生莫作遠行客遠行莫戍黃沙磧黃沙磧下八月  
時霜風裂膚百草衰塵沙晴天迷道路河水悠悠向  
東去胡笳聽徹淚雙流浮雲慘慘生邊愁原頭獵火  
夜相向馬蹄蹴蹋層冰上不似京華俠少年清歌妙  
舞落花前

塞上傲古

梁范雲

塞少四面平飛雪千里驚風斷陰山樹落失交河城

朝驅左賢陣夜薄休屠營昔事前軍幕今逐嫖姚兵  
失道刑既重遲留法未輕所賴今天子漢道日休明

塞上曲

唐郭元振初

塞外虜塵飛頻年出武威死生隨玉劍辛苦向金徽  
久戍人偏老長征馬不肥仍聞酒泉郡已合數重圍

塞外三首

唐鄭愔初

塞外蕭條望征人此路賒邊聲亂朔馬秋引動胡笳  
遙障侵歸日長城帶晚霞斷蓬飛古戍連鴈聚寒沙

卷三十

四

海暗雲無葉山春雪作花丈夫期報主萬里獨辭家

二

荒壘三秋夕窮郊萬里平海陰凝獨樹日氣下連營  
戎旆霜疑重邊裘夜更輕將軍猶轉戰都尉不成名  
折柳悲春曲吹笳斷夜聲明年塞使返須築受降城

三

陽鳥南飛夜陰山北地寒漢家征戍客年歲在樓蘭  
玉塞朔風起金河秋月團邊聲入鼓吹霜氣下旌竿  
海外歸書斷天涯旅鬢殘子卿猶奉使恒向節旄看

塞北

唐沈佺期初

胡騎犯邊埃風從丑上來五原烽火急六郡羽書催  
水壯飛狐冷霜濃候鴈哀將軍朝受鉞戰士夜銜枚  
紫塞金河裏慈山鐵勒隈蓮花秋劍發桂葉曉旗開  
秘畧三軍動妖氛百戰摧何言投筆去終作勒銘回

塞上原風

唐李白盛

胡關饒風沙蕭索竟終古木落秋草黃登高望戎虜  
荒城空大漠邊邑無遺堵白骨橫千霜嵯峨蔽榛莽  
借問誰凌虐天驕毒威武赫怒我聖皇勞師事聳鼓  
陽和變殺氣發卒騷中土三十六萬人哀哀淚如雨  
且悲就行役安得營農圃不見征戍兒豈知關山苦

卷三十

五

邊塞李牧今不在邊人飼豺虎

塞上曲

唐李白盛

大漠無中策匈奴犯渭橋五原秋草綠胡馬一何驕  
命將征西極橫行陰山側燕支落漢家婦女無花色  
轉戰渡黃河休兵樂事多蕭條清萬里瀚海寂無波

塞上曲

唐王維盛

天驕遠塞行鞘裏寶刀鳴定是酬恩日今朝覺命輕

塞下曲四首

唐李益盛

天兵下北荒胡馬欲南飲橫戈從百戰直搗衛恩基  
握雪海上餐拂沙隴頭寒何當破月氏然後方高枕



二

五月天山雪無花祗有寒笛中聞折柳春色未曾看  
曉戰隨金鼓宵眠抱玉鞍願將腰下劍直爲斬樓蘭

三

駿馬似風颺鳴鞭出渭橋彎弓辭漢月插羽破天驕  
陣解星芒盡營空海霧消功成畫麟閣獨爲霍嫖姚

四

塞虜乘秋下天兵出漢家將軍分虎竹戰士臥龍沙  
邊月隨弓影胡霜拂劍花玉關殊未入少婦莫長嗟

古塞下曲

唐陶翰盛

邊塞

卷三十

六

邊塞

進軍飛狐北窮寇勢將變日落塵沙昏背河更一戰  
駢馬黃金勒彫弓白羽箭射殺左賢王歸奏未央殿  
欲言塞下事天子不召見東出咸陽門哀哀淚如霰

古塞下曲

唐李頎盛

行人朝走馬直指蘇城旁蘇城通漠北萬里別吾鄉  
海上千烽火沙中百戰場軍書發上郡春色渡河陽  
夢裏漢宮柳青青胡地桑琵琶出塞曲橫笛斷君腸

塞下曲

唐李頎盛

少年學騎射勇冠并州兒直愛出身早邊功沙漠垂  
戎輦腰下插羌笛雪中吹齊力今應盡將軍猶未知

塞下曲三首

唐王昌齡盛

蟬鳴桑樹間八月蕭關道出塞復入塞處處黃蘆草  
從來幽并客皆共塵沙老莫作游俠兒矜誇紫騮好

二

飲馬度秋水寒風似刀平沙日未沒黯黯見臨洮  
昔日長城戰威言意氣高黃塵足今古白骨亂蓬蒿

三

秋風夜渡河吹却鴈門桑逢見胡地獵備馬宿嚴霜  
五道分兵去孤軍百戰場功多翻下獄士卒但心傷

塞下曲

唐高適盛

邊塞

卷三十

七

邊塞

結束浮雲駿翩翩出從戎且憑天子怒復倚將軍雄  
萬鼓雷殷地千旗火生風日輪駐霜戈月魄懸琬弓  
青海陣雲匝黑山兵氣衝戰酣太白高戰罷旄頭空  
萬里不惜死一朝得成功畫圖麒麟閣入朝明光宮  
大笑向文士一經何足窮古人昧此道往往成老翁

塞下曲五首

唐常建盛

鐵馬胡裘出漢營分麾百道救龍城左賢未斬旌竿  
折過在將軍不在兵

玉帛朝回望帝鄉烏孫歸去不稱王天涯靜處無征  
戰兵氣銷爲日月光

北海陰風動地來明君祠上望龍堆觸體皆是長城  
卒日暮沙場飛作灰

龍關雄勢已分山崩鬼哭恨將軍黃河直北千餘  
里冤氣蒼茫成黑雲

因嫁單于怨在邊蛾眉萬古葬胡天漢家此去三千  
里青冢常無草木煙

塞下曲

唐薛奇童盛

騎虜初南下煙塵暗國中獨召李將軍夜開甘泉宮

一身許明主萬里總元戎霜甲臥不煖夜半聞邊風

胡天早飛雪荒微多轉蓬寒雲覆水重秋氣連海空

邊塞

卷三十

八

邊塞

金鞍誰家子上馬鳴肉弓自是幽并客非論愛立功

塞上曲二首

唐戎昱中

慘慘寒日沒北風捲蓬根將軍領疲兵却入古塞門

迴首指陰山殺氣成黃雲

樓上畫角哀即知兵心苦試問左右人無言淚如雨

何意休明時終年事鼙鼓

塞上曲

唐戎昱中

胡風略地燒連山碎葉孤城未下關山頭烽火聲聲

叫知是將軍夜獵還

塞下曲

唐戎昱中

漢將歸來虜塞空旌旗初下玉關東高蹄戰馬三千  
匹落日平原秋草中

塞下曲

唐朱慶餘中

萬里去長征連年慣野營入羣來擇馬拋伴去擒生  
箭撚鵞翎闊弓盤鵠角輕問看行近遠西過受降城

塞下曲五首

唐張仲素中

三戍漁陽再渡遼驛弓在臂劍橫腰匈奴似欲知名  
姓休徬陰山更射鵞

獵馬千羣鴈幾雙燕然山下碧油幢傳聲漠北單于

破火照旌旗夜受降

邊塞

卷三十

九

邊塞

朔雪飄飄開鴈門平沙歷亂卷蓬根功名耻計擒生

數直斬樓蘭報國恩

隴水潺湲隴樹秋征人從此淚雙流鄉關萬里無因

見西戍河源早晚休

陰磧荒茫塞草腓桔槔烽上暮煙飛交河北望天連

海蘇武曾將漢節歸

塞上曲二首

唐戴叔倫中

軍門頻納受降書一劍橫行萬里餘漢祖謾誇裴敬

策却將公主嫁單于

漢家旌幟滿陰山不遣胡兒匹馬還願得此身常報

國何須生入玉門關

塞上曲

唐耿漳中

慣習干戈事鞍馬初從小在邊城身微久屬千夫  
長家遠多親五郡兵懶說疆場曾大獲且悲年鬢老  
長征塞鴻過盡殘陽裏樓上悽悽暮角聲

塞下曲二首

唐李益中

蕃州部落能結束朝暮馳獵黃河曲燕歌未斷塞鴻  
飛牧馬羣嘶邊草綠

秦築長城城已摧漢武北上單于臺古來征戰虜不  
盡今日還復天兵來

邊塞

卷三十

十

和張僕射塞下曲四首

唐盧綸中

鷲翎金僕姑燕尾繡螭弧獨立揚新令千營共一呼

二

林暗草驚風將軍夜引弓平明尋白羽沒在石稜中

三

月黑鴈飛高單于夜遁逃欲將輕騎逐大雪滿弓刀

四

亭上七葉貴蕩蕩一隅清他日題麟閣唯應備不名

塞下曲

唐李賀中

引北風薊門白於水天含青海道城頭月千里

塞下曲

唐僧皎然中

寒塞無因見落梅胡人吹入笛聲來勞勞亭上春應  
度夜夜城南戰未回

塞下曲

唐馬戴晚

廣漠雲凝慘日斜飛霰生燒山搜猛獸伏道擊迴兵  
風折旗竿曲沙埋樹杪平黃雲飛旦夕偏奏苦寒聲

塞下

唐許渾晚

夜戰桑乾北秦兵半不回朝來有鄉信猶自寄征衣

塞上

唐曹松晚

邊寒來所闊今日復明朝河凌聲堅通馬胡雲缺見

邊塞

卷三十

十一

鵬

塞上行

唐曹松晚

上將擁黃鬚安西逐指呼離鄉俱少壯到磧滅肌膚  
風雪夜防塞腥羶朝繫胡爲君樂戰死誰喜作征夫

塞上

唐黃滔晚

掘地破重城燒山搜伏兵長河涉有路曠野宿無程  
馬歸秦苑牧人在虜雲耕落日牛羊聚秋風鼓角鳴

塞上

唐黃滔晚

塞門關外日光微角怨單于鴈駐飛衝水路從冰解  
斷跡城入到月明歸燕山臘雪銷金甲秦苑秋風脆

錦衣欲弔昭君倍惆悵漢家甥舅竟相違

邊上作二首

唐僧貫休

山無綠兮水無清風既毒兮沙亦腥胡兒走馬疾飛  
鳥聯翩射落雲中聲

陣雲忽向沙中起探得胡兵過遼水堪嗟護塞征戍  
兒未戰已疑身是鬼

塞客吟

齊書曰高帝在淮上取蘇儼為冠軍錄  
事參軍是時新失淮北遣帝北伐每歲  
秋冬問邊淮驛動帝廣遣偵候安集荒餘又  
管總城府帝在兵中久見疑于時乃作塞客  
吟以喻志俟達此旨更自齊高帝

寶緯素宗神經越序德晦河晉力宜江楚雲雷兆壯

邊塞

卷三十

三

天山繇武直髮指河

一作秦

關凝精越漢渚秋風起寒

草衰鵬鴻思邊馬悲平原千里顧但見轉蓬飛星嚴  
海淨月徹河明清輝映幕素液凝庭金笳夜厲羽轉  
晨征幹晴潭而悵泗柵松洲而悼情蘭涵風而瀉艷  
菊籠泉而散英曲繞首燕之歎吹軫絕越之聲欬圍  
琴之孤弄想庭藿之餘聲青關望斷白日西斜恬源  
靚霧重首暉霞戒旋鷁躍還波情綿綿而方遠思疊  
疊而遂多興擊秦中之筑因為塞上之歌歌曰朝發  
今江泉日夕今陵山驚飈今澗汨淮流今潺湲胡埃  
今雲聚楚旆今星懸愁壙今思宇惻愴今何言定寢

中之逸鑒審雕陵之迷泉悟樊籠之或累悵遐心以  
栖玄

邊戍

梁武帝

秋月出中天遠近無偏異共照一光輝各懷離別思

胡無人

梁吳均

劍頭利如芒恒持照眼光鐵騎追馳虜金羈討黠羌  
高秋八九月胡地早風霜男兒不惜死破膽與君嘗

胡無人

梁徐彥伯

十月繁霜下征人遠鑿空雲搖錦車節海照角端弓  
暗雪埋沙樹衝飈卷塞蓬方隨膜拜入歌舞玉門中

邊塞

卷三十

三

胡無人

梁李白

嚴風吹霜海草凋筋鋒精堅胡馬驕漢家戰士三十  
萬將軍兼領霍嫖姚流星白羽腰間插劍花秋蓮光  
出匣天兵照雪下玉關虜箭如沙射金甲雲龍風虎  
盡交回太白入月敵可摧敵可摧旄頭滅履胡之腸  
漂胡血懸胡青天上埋胡紫寒傍胡無人漢道昌  
執戟靖三邊持衡臨萬姓玉彩輝關燭金華流日鏡  
無為宇宙清有美璇璣正皎珮星連景飄衣雲垂慶  
戢武耀七德昇文輝九功燧波澄舊壘火息前紅

執戟靖三邊

唐太宗

霜野蕭蕭劍關城罷月弓錢綴榆天合城新柳塞空  
花銷蕊嶺雪穀盡流沙霧秋駕轉婉懷春冰彌軫處  
書絕龍庭羽烽休鳳穴戌衣宵寢三難食肝餐三懼  
翦暴興先廢除兇存昔亡圓蓋歸天壤方輿入地荒  
乳海池京邑雙河沼帝鄉循躬思勵已撫俗愧時康  
元首竹鹽梅股肱唯輔弼羽賢商嶺四翼聖義城七  
澆俗庶反淳替文聊就質已知隆至道共歡區宇一

奉和執契靖三邊應詔

唐許敬宗

玄塞隔陰戎朱光分昧谷地游窮北際雲崕盡西陸  
星次絕軒臺風衢乖禹服褰區無所外天覆今咸育

邊塞

卷三十

古

邊塞

窠苗猶有孽戮負自貽辜疎網妖魎漏盤數怪禽通  
髯飛尚假息乳視慙精誅乾靈振玉弩神畧運璇樞  
日羽廓游氣天陣清華野昇暉光西夜馳恩溢東瀉  
揮袂靜崑炎開關納流精錦軒凌右地華纓羈大厦  
清臺映羅葉玄汭控瑤池駛鹿輪珍貺樹羽餐來儀  
輟餽觀化宇栖籙萃條枝薰風交闐闕就日泛濛濛  
充庭延飲至絢簡敷春藻迎姜已創圖命力方論道  
昔託遊河叟再備商山皓欣逢德化流思效登封草

邊城落日

唐駱賓王

紫塞流沙北黃圖灞水東一朝辭俎豆萬里逐沙蓬

候月恒持滿尋源屢鑿空野昏邊氣合峯迴戍煙通  
膂力風塵捲疆場歲月窮河流空積石山路遠崕峴  
壯志凌蒼兕精誠貫白虹君恩如可報龍劍有雌雄

軍城早秋

唐嚴武

昨夜秋風入漢關朔雲邊月滿西山更催飛將追驕  
虜莫遣沙場匹馬還

奉和嚴武軍城早秋

唐杜甫

秋風嫋嫋動高旌玉帳分弓射虜營已收滴博雲間  
戍欲奪蓬婆雪外城

邊城思

梁何遜

邊塞

卷三十

五

邊塞

柳黃未吐葉水綠半含苔春色邊城動客思故鄉來

邊夜有懷

唐駱賓王

漢地行逾遠燕山去不窮城荒猶築怨碣毀尚銘功  
古戍煙塵滿邊庭人事空夜闌明隴月秋寒急胡風  
倚伏良難定榮枯豈易通旅魂勞泛梗離恨斷征蓬  
蘇武封猶薄崔駰宦不工惟餘北叟意欲寄南飛鴻

早春邊城懷歸

唐崔湜

大漠羽書飛長城未解圍山川陵玉障旌節下金徽  
路向南庭遠書因北鴈稀鄉關搖別思風雪散戎衣  
歲盡仍爲客春還尚未歸明年征騎返歌舞及芳菲

邊思

唐楊衡初

蘇武節旌盡李陵音信稀  
花當隴上發人向隴頭歸

邊愁

唐崔湜初

九月蓬根斷二邊草葉腓  
風塵馬變色霜雪劍生衣  
客思秋陰晚邊師驛騎歸  
殷勤鳳樓上還袂及春暉

邊情

唐張蠙晚

窮荒始得靜天驕又說天兵擬渡遼  
聖主尚嫌蕃界近將軍莫恨漢廷遙  
草枯朔野春難發冰結河源夏半銷  
惆悵臨戎皆効國豈無人似霍嫖姚

書邊事

唐李昌符晚

邊塞

卷三十

六

朔野煙塵起天軍又舉戈  
陰風向晚急殺氣入秋多  
樹盡禽栖草冰堅路在河汾陽  
無繼者羌虜肯先和

書邊事

唐張喬晚

調角斷清秋征人倚戍樓  
春風對青冢白日落梁州  
大漠無兵阻窮邊有客遊  
蕃情似此水長願向南流

邊遊錄戍卒言

唐于漬晚

二十屬盧龍三十防沙漠  
平生愛功業不覺從軍惡  
今來容鬢改知學彎弓錯  
赤肉痛金瘡他人戍衛霍  
目斷望君門君門苦寥廓

答韓使同在邊

唐陳子昂初

漢家失中策胡馬屢南驅  
聞詔安邊使曾是故人謨

廢書悵懷古負劍許良圖  
出關歲方晏乘障日多虞

虜入白登道烽交紫塞途  
連兵屯北地清野備東胡

邊城方晏閉斥埃始昭蘇  
復聞韓長孺辛苦事匈奴

雨雪顏容改縱橫才位孤  
空懷老臣策未獲趙軍租

但蒙魏侯重不受謫書誣  
當取金人祭還歌凱入都

答邊信

唐長孫佐輔中

征人去年戍遼水夜得邊書字  
盈紙揮刀就燭裁紅綺  
結作同心答千里君寄邊書書  
莫絕妾答同心心自結同心再  
解心不離書字頻看字愁滅結  
成一夜

邊塞

卷三十

十七

和淚封貯書只在懷袖中  
莫如書字圖難久願學同心  
長可同

使至塞上

唐王維盛

單車欲問邊屬國過居延  
征蓬出漢塞歸鴈入胡天  
大漠孤煙直長河落日圓  
蕭關逢候吏都護在燕然

邊遊

唐項斯晚

古鎮門前去長安路在東天  
寒明埃火日晚裂旗風  
寒館皆無事儒裝亦有弓  
防秋故鄉卒暫喜語音同

遊邊

唐杜牧晚

黃沙連海路無塵邊草常枯  
不見春日暮拂雲堆下



過馬前途著射鵬人

贈友人邊遊回

唐馬戴

遊子新從絕塞回自言曾上李陵臺  
尊前語盡北風起秋色蕭條胡馬來

早秋出塞寄東臺詳政學士

唐駱賓王

促駕逾三水長驅望五原  
天街分斗極地理接樓煩  
漢月明關隴胡雲聚塞垣  
山川殊物候風壤異涼溫  
戍古秋塵冷沙寒宿霧繁  
昔余迷學步投迹忝詞源  
蘭渚浮延閣蓬山欵禁園  
影纓綬綬載筆偶瑣璣  
汲塚寧詳蠹秦牢詎辨冤  
一朝從匪服千里驚輕軒

卷三

十六

邊塞

鄉夢隨魂斷邊聲入聽喧  
南圖終斂翮北上遽摧轅  
弔影慙連茹浮生倦觸藩  
數奇何以託桃李自無言

罰赴邊有懷上韋相公

唐妓薛濤

聞道邊城苦而今到始知却將門下曲  
唱與隴頭兒

塞上還答友人

唐林寬

無端遊絕塞歸鬢已蒼然  
戎羯圍中過風沙馬上眠  
草衰頻遇燒樹冷不聞蟬  
從此甘貧坐休言更到邊

送李侍郎迴秀薛長史季景同賦水字

唐張說

濮邵接朝廷幽并對烽壘  
旌旗按部曲文武惟卿士

薛公善籌畫率相威都鄙中冀分兩河  
長城各萬里藉馬黃金塞蒐兵白狼水  
勝敵在安人為君汗青史

送人遊塞

唐釋卿雲

去去玉關路省君曾未行  
塞深多伏虜時靜欲屯兵  
雪每先秋降花常近夏生  
閒陪射鵬伴應到受降城

童謠

乾符六年

八月無霜塞草青將軍騎馬步空城  
漢家天子西巡狩猶向江東更索兵

○巡邊

護邊附

送張說巡邊

開元十年夏四月己亥朔方軍節度使領單于都護府夏陽等六

邊塞

卷三

十九

邊塞

州二軍三受降城以宰相張說兼領之開五  
月王申張說巡邊後九月康待賓餘黨願  
子反自稱可汗張說發兵追討擒康願于  
木盤山其黨悉平詔從殘胡五萬餘口于  
汝唐鄧仙豫等州空河南朔方千里之地  
是緣邊戍兵常六十餘萬人說以時無強寇  
不必多戍元稹奏罷二十餘萬人使還農  
賈至奉敕送張說巡邊序云王者大司馬制  
軍詰禁封國正朔惠綏蠻貊刑齊霜夏其儀  
尚矣天子道穆三象功清六合載海來威  
荒族教將以靜流服度薛繼制揮凌暴  
寡弱乃命元宰兵部尚書燕公專節朔方  
律羣帥涉河之外距關之唐玄宗  
西公昔統之重分關也

端拱復垂裳長懷御遠方股肱申教義戈劍靖要荒

命將綏邊服雄圖出廟堂三台入武帳八座起文昌

寶胄匡韓主華宗輔漢王茂先慙博物平子謝文章

盡節恢時佐輸誠禦寇場三軍臨朔野駟馬即戎行  
鼓吹威夷狄旌軒溢洛陽雲臺先著美今日更貽芳

巡邊應制

唐張說初

禮樂逢明主韜鈴用老臣恭憑神武策遠禦鬼方人  
供帳榮恩餞山川喜詔巡天文日月送朝賦管絃新  
幼志傳三畧衰材謝六鈞膽猶忠作伴心故道爲隣  
漢保河南地胡清塞北塵連年大軍後不日小康辰  
劍舞輕離別歌酣忘苦辛從來思博望許國不謀身

奉和聖製送張說巡邊

唐徐堅初

至德撫遐荒神兵赴朔方帝思元帥重爰擇股肱良

邊塞

卷三

三

巡邊

累相承安世深籌協子房寄崇專斧鉞禮備設壇場  
鼙鼓喧雷電戈劍凜風霜四駢將戒道十乘敢先行  
聖錫加常錫天光耀寵光出郊開帳飲寅餞盛離章  
由濯梅林潤風吹麥野涼燕山應勒頌麟閣佇名揚

奉和聖製送張說巡邊

唐席豫初

聖帝重兵權分飛屬大賢中軍從執政丞相復巡邊  
翕習戎裝動張皇廟畧宣朝榮承膺札野餞轉行旌  
亭障東緣海沙場北際天春冬見嚴雪朝夕候風煙  
已勒燕山頌猶聞遣戍篇五營將月合八陣與雲連  
經畧圖方遠懷柔道更全歸來盡麟閣萬武功傳

奉和聖製送張說巡邊

唐崔岳錫初

供帳何煌煌公其撫朔方羣寮咸餞酌明主降離章  
關塞重門下郊岐禁苑傍練兵宜雨洗臥鼓候風涼  
炎景寧云憚神謀肅所將旌搖天月迴騎入塞雲長  
赫赫皇威振油油聖澤湧非惟按車甲兼以正封疆  
叱咤陰山道澄清瀚海陽虜垣行決勝台座佇爲光

奉和聖製送張說巡邊

唐蘇晉初

方漢比周年與王合在宣詠聞降虜拜復睹出師篇  
祈父萬邦式英猷三畧傳策車申夏政爰舍啟戎田  
嚴問盟胡苑軍容濟洛川皇情懷關旆詔餞列郊筵

邊塞

卷三

三

巡邊

路接禁園草池分御井蓮離聲軫去角居念斷歸蟬  
三捷豈云爾七擒良信然具寮誠寄望秦凱秋風前

奉和聖製送張說巡邊

唐王翰初

紫綬尚書印朱轡丞相車登朝身許國出壺將辭家  
不憚炎蒸苦親嘗委集賒選徒軍有令誓卒爾無譁  
帝樂風初起王城日半斜龍行流聖作黃餞照台華  
騎歷河南樹旌搖天北沙柔懷應盡服嚴殺已先加  
業峻靈祇保功成道路嗟寧如鑿空使遠致石榴花

奉和聖製送張說巡邊

唐許景先初

文武承邦式風雲感國禎王師親賦政廟畧久論兵

漢主知三傑周官統六卿四方分闡受千里坐謀成  
介冑辭前殿壺觴宿左營賞延頒賜重宸贈出車榮  
龍武三軍氣魚鈴五校名郊雲駐旌羽邊吹引金鉦  
訓旅方稱德安人更克貞佇看銘石罷同聽凱歌聲

奉和聖製送張說巡邊

唐韓休

一德光台象三軍掌夏卿來威伸廟畧出總叶師貞  
受鉞辭金殿憑軒出鼎城曙光搖組甲疎吹繞雲旌  
左律方先凱中鼙即訓兵定功彰武事陳頌紀天聲  
祖宴初留賞宸章更寵行車徒零雨送林野夕雲生  
路極河流遠川長朔氣平南轅遲返旆歸奏謁承明

遷塞

卷三十一

三

奉和聖製送張說巡邊

唐袁暉

出師宣九命分闡用三台始應幕中畫言從天上來  
丹青不獨任韜畧遂雙該坐見威稜洽彌彰事業恢  
旌旗曉雲送鼙鼓朔風催虜氣銷殘月邊聲韻落梅  
羽書雄北地龍漢寢南垓寵戰黃金盡輸誠白日迴  
離章宸翰發祖謙國門開欲識恩華盛平生文武材

奉和聖製送張說巡邊

唐宋璟

帝道薄存兵王師尚有征是關司馬法爰命總戎行  
畫圖崇威信分麾盛寵榮聚觀方結轍出祖遂傾城  
聖酒江河潤天詞象緯明德風邊地勝氣朔雲平

宰國推良器爲軍挹壯聲至和常得體不戰即忘精  
以智泉寧竭其徐海自清遲還廟堂坐贈別故人情

奉和聖製送張說巡邊

唐張嘉貞

天錫我宗盟元戎付夏卿多才兼將相必勇獨橫行  
經緯稱人傑文章作代英山川看似陣草木想爲兵  
不待河水合猶防塞月明有謀當繫醜無戰且綏氓  
闡外專三畧雲中冀一平感恩同義激悵別屢驚驚  
直視前旌掣遙聞後騎鳴還期方定日復此出郊迎

奉和聖製送張說巡邊

唐盧從願

上將發文昌中軍靖朔方占星引旌節擇日拜壇場

遷塞

卷三十一

三

禮樂臨軒送威聲出塞揚安邊俟帷幄制勝在嚴廊  
作鼓將軍氣投醪壯士觴戒途遵六月離贈動三光  
槐路清梅暑蘅臯起來涼時文仰雄伯耀武鎮遐方  
祗席知無戰兵戈示不忘佇聞歌秋杜凱入繁名王

奉和聖製送張說巡邊

唐徐知仁

聖德膺三統皇威被八埏大明均照物小醜未寧邊  
國相台衡重元戎廟畧宣紫泥方受命黃石乃推賢  
問罪陰山下安人屬國前度關行照月乘障坐消煙  
北關紆宸藻南橋列祖筵耀威當夏日殺氣指秋天  
鼙鼓鼉鼉振旌旗鳥獸懸由來詞翰手今見勒燕然

奉和聖製送張說巡邊

唐王光庭

賢相德符充朝推文武雄海波先若鏡關草預從風  
鉞助將軍勇威成天子功瓊章九霄發錫宴五衛通  
王輶龍盤帶金裝鳳勒驄虎貌紛儼儼河洛震熊羆  
戈劍千霜白旌旗萬火紅示刑夷夏變流惠鬼神同  
寇息軍容偃塵銷朔野空用師敷禮樂非是爲德戎

奉和聖製送張說巡邊

唐張九齡

宗臣事有征廟筭在休兵天與三台座人當萬里城  
朔南方偃革河右甕揚旌寵錫從仙禁光華出漢京  
山川勤遠畧原隰軫皇情爲動薰琴唱仍題寶劍名

邊塞

卷三

五

威風六郡勇計日五戎平山甫歸應疾留侯功復成  
歌鐘旋可望枕席豈難行四牡何時入吾君憶履聲

奉和聖製送張說巡邊

唐崔日用

軒相推風后周官重夏卿廟謀能允迪輶畧又縱橫  
吉日四黃馬宣王六月兵擬清鷄鹿塞先指朔方城  
列將懷威撫匈奴畏盛名去當推轂送來佇出郊迎  
絕漠逢將斷華筵謹正榮壯心看舞劍別緒應懸旌  
睿錫承優旨乾文復寵行暫勞期永逸赫矣振天聲

奉和聖製送張說巡邊

唐賀知章

荒憊盡懷忠梯航已自通九功雖不戰五月尚持戎

遣戍徵周牒恢邊重漢功選車命元宰授律取文雄

曹出天弧上謀成帝幄中詔旂分夏物專土錫唐弓  
帳宿伊川右鉦傳晉苑東養人藉賁實樂正理絲桐  
岐陌涵餘雨離川照晚虹恭聞詠方叔千載舞皇風

送王峻巡邊

唐玄宗

振武威荒服楊文肅遠墟金壇申將禮玉節授軍符  
免曹三方外衙刀萬里餘昔時吳會靜今日虜庭虛  
分閭仍推轂援桴且訓車風揚旌旆遠雨洗甲兵初  
坐見台階謚行聞被袂除檄來雖插羽箭去亦飛書  
舟楫功須著鹽梅望匪疎不應陳七德欲使化先敷

邊塞

卷三

五

奉和聖製送王峻巡邊應制

唐張說

六月歌周雅三邊諗夏卿欲施攻戰法先作簡稍行  
禮樂和謀帥春秋識用兵一勞堪定國萬里即長城  
策有知戎利威傳破虜名軍前雨洒道樓上月臨營  
別藻瑤華降同衣錦褰榮關山由義近戈甲爲恩輕  
絲竹路傍散風雲馬上生朝廷謂吉甫邦國望君平

奉和聖製送王峻巡邊應制

唐張九齡

漢相推人傑殷宗伐鬼方還聞出將軍坐見即戎良  
上策應爲豫中權且用光令申兵氣倍威懾虜魂亡  
樹比公孫大城知道濟長夏雲登龍首秋露滋遼陽

武德舒宸睠文思饒樂章感恩身既許激節膽猶嘗  
祖帳傾朝列軍麾駐道傍詩人何所詠尚父欲鷹揚

巡邊河北作二首

唐張說初

撫劍空餘勇彎弧遂無力老去事何如據鞍長歎息  
故交索將盡後進稀相識獨憐半死心尚有寒松直

二

去年六月西河西今年六月北河北沙場磧路何爲  
爾重氣輕生知許國人生在世能幾時壯年征戰髮  
如絲會待安邊報明主作頌封山也未遲

兵後巡邊三首

唐李山甫曉

邊塞

卷三十

三

邊

千里煙沙盡日昏戰餘燒罷閉重門新成劍戟皆農  
器舊著衣裳盡血痕卷地朔風吹白骨挂天青氣泣  
幽魂自憐長策無人問羞戴儒冠傍塞垣

旗頭指處見黃埃萬馬橫馳鶻翅迴劍戟遠腥凝血  
在山河先暗陣雲來角聲惡殺悲於哭鼓勢爭強怒  
若雷日暮却登塞望飽鴟鵂清嘯伏屍堆

風怒邊沙迸鐵衣胡兒胡馬正驕肥將軍對陣誰教  
入戰士辭營不道歸新血濺紅粘蔓草舊骸堆白映  
寒暉胸中縱有銷兵術欲向何門說是非

錢薛大夫護邊

唐李嶠初

荒隅時未通副相下臨戎受律星芒動分兵月暈空  
犀皮擁青橐象齒飾彫弓決勝三河勇長驅六郡雄  
登山窺代北屈指計遼東佇見燕然上抽毫頌武功

送趙大夫護邊

護見一作送趙都

唐孫逖初

外域分都護中臺命職方欲傳清廟畧先取劇曹郎  
已佩登壇印猶懷伏奏章白帝開祖錢四牡誠戎裝  
青海連西掖黃河帶北涼關山瞻漢月戈劍宿胡霜  
體國才先著論兵策復長果持文武術還繼杜當陽

詩集類函卷三十一

東吳俞安期彙纂 宣城梅鼎祚增定

雲間俞廷諤訂校

邊塞部二 出塞 (入塞附) 長城 諸塞

○出塞 入塞附

出塞效古

宋表淑

此倦遊士本家自遼東管隸李將軍十載事

西戎結車高闕下極望見雲中四面各千里從

起嚴風寒燠豈如節霜雨多異同夕寐北河陰夢還

甘泉官勤役未云已壯年徒爲空乃知古時人所以

邊塞 卷三十一 出塞

悲轉蓬

梁何遜

昔隨張博望辭帝長楊宮獨好西山勇思爲北地雄

十年事河外雲鬢別關中季月邊秋重嚴野散寒蓬

日隱龍城霧塵起玉關風全孤君已復半菽我猶空

欲因上林鴈一見平陵祠

出塞

梁劉峻

薊門秋氣清飛將出長城絕漠衝風急交河夜月明

陷敵從金鼓摧鋒揚旆去去無終極日暮動邊聲

出塞 一作差 下曲

北周王褒

飛蓬似征客千里自長驅塞禽唯有鴈關樹但生榆

背山看故壘繫馬識餘蒲還因麾下騎來送月支圖

三齊畧記秦始皇至東海諸蒲繫馬至今其地蒲生皆糾結

出塞二首

隋楊素

漠南胡未空漢將復臨戎飛狐出塞北碣石指遼東

冠軍臨瀚海長平翼大風雲橫虎落陣氣抱龍城虹

橫行萬里外胡運百年窮兵寢星芒落戰解月輪空

嚴鐃息夜斗駢角罷鳴弓北風嘶朔馬胡霜切塞鴻

休明大道暨幽荒日用同方就長安邸來謁建章官

二 邊塞 卷三十一 出塞

漢虜未和親憂國不憂身握手河梁上窮涯北海濱

據鞍獨懷古忼慨感良臣歷覽多舊迹風口慘愁人

荒塞空千里孤城絕四鄰樹寒偏易古草衰恒不春

交河明月夜陰山苦霧辰鴈飛南入漢水流西咽秦

風霜久行役河朔備艱辛薄暮邊聲起空飛胡騎塵

出塞二首

隋虞世基

窮秋塞草腓塞外胡塵飛徵兵廣武至候騎陰山歸

廟堂千里策將軍百戰威轅門臨玉帳大旆指金微

摧朽無効敵應變有先機銜枚壓曉陣卷甲解朝圍

瀚海波瀾靜王庭氛霧晞鼓鼙嚴朔氣原野噓寒暄



勛庸震邊服歌吹入京畿待拜長平坂鳴騶入禮闈

二

上將三畧達元戎九命尊  
緬懷古人節思酬明主恩  
山西多勇氣塞北有游魂  
揚桴度一作隴坂勒騎上  
策驚戎軒慄慄邊風急  
蕭蕭征馬煩雪暗天山道水  
塞交河源霧烽黯無色  
霜旗凍不翻耿介倚長劒日  
落風塵昏

出塞二首

隋薛道衡

高秋白露圓上將出長安  
塵沙塞下暗風月隴頭寒

邊塞

卷三十一

三

出塞

轉蓬隨馬足飛霜落劒端  
凝雲迷代郡流水凍桑乾  
烽微枯棹遠橋峻轡難從  
軍多惡少召募盡材官  
伏堤時時鼓疑兵乍解鞍  
柳一作城榆冒頓長坂納  
呼韓受降今更築燕然已  
重刊還嗤傅介子辛苦刺  
樓蘭

邊庭烽火驚插羽夜徵兵  
少具騰金氣文昌動將星  
長驅鞬汗北直指夫人城  
絕漠三秋暮窮陰萬里生  
寒夜哀笛曲霜天斷鴈聲  
連旗下鹿塞疊鼓向龍庭  
妖雲墜虜陣暈月遶胡營  
左賢皆頓顙單于已繫纆  
綫馬登玄闕釣鯢臨北溟  
當知霍驃騎高第起西京

出塞

古無名氏

候騎出甘泉奔命入居延  
旗作浮雲影陣如明月弦

出塞

唐楊炯初

塞外欲紛紜雌雄猶未分  
明堂占氣色華蓋辨星文  
二月河魁將三千太乙軍  
丈夫皆有志會是立功勳

出塞

唐沈佺期初

十年通大漠萬里出長平  
寒日生戈劒陰雲拂旆旌  
飢鳥啼舊壘疲馬戀空城  
辛苦臯蘭北胡塵掩漢兵

出塞

唐竇威初

匈奴屢不平漢將復縱橫  
看雲方結陣却月始連營

卷三十一

四

出塞

出塞

唐張柬之初

俠客重恩光驟馬飾金裝  
臂聞傳羽檄馳突救邊荒  
轉戰磨笄地橫行戴斗鄉  
將軍占太白小婦怨流黃  
腰裏青絲騎娉婷紅粉妝  
一春鸞度曲八月鴈成行  
誰堪坐愁思羅袖拂空牀

前出塞九首

唐杜甫盛

戚戚去故里悠悠赴交河  
公家有程期亡命嬰禍羅  
君已富土境開邊一何多  
棄絕父母恩吞聲行負戈

二

出門日已遠不受徒旅欺骨肉恩豈斷男兒必無時  
走馬脫轡頭手中挑青絲捷下萬仞岡俯身試塞旗

三

磨刀鳴咽水水赤刃傷手欲輕腸斷聲心緒亂已久  
丈夫誓許國憤惋復何有功名圖麒麟戰骨當速朽

四

送徒既有長遠戍亦有身生死向前去不勞吏怒嗔  
路逢相識人附書與六親哀哉兩決絕不復問苦辛

五

迢迢萬餘里領我赴三軍軍中異苦樂主將寧盡聞  
邊塞

卷三十一

五

出塞

隔河見胡騎倏忽數百羣我始爲奴僕幾時樹功勛

六

挽弓當挽強用箭當用長射人先射馬擒賊必擒王  
殺人亦有限立國自有疆苟能制侵陵豈在多殺傷

七

驅馬天雨雪軍行入高山徑危抱寒石指落層冰間  
已去漢月遠何時築城還浮雲暮南征可望不可攀

八

單于寇我壘百里風塵昏雄劍四五動彼軍爲我奔  
虜其名王歸繫頸授轅門潛身備行列一勝何足論

九

從軍十年餘能無分寸功衆人貴苟得欲語羞雷同  
中原有鬪爭況在狄與戎丈夫四方志安可辭固窮

後出塞五首

唐杜甫

男兒生世間及壯當封侯戰伐有功業焉能守舊丘  
召募赴薊門軍動不可留千金買馬鞍百金裝刀頭  
閭里送我行親戚擁道周班白居上列酒酣進庶羞  
少年別有贈含笑看吳鉤

二

朝進東門營暮上河陽橋落日照大旗馬鳴風蕭蕭  
邊塞

卷三十一

六

出塞

平沙列萬幕部伍各見招中天懸明月令嚴夜寂寥  
悲笳數聲動壯士慘不驕借問大將誰恐是霍嫖姚

三

古人重守邊今人重高勛豈知英雄主出師亘長雲  
六合已一家四夷且孤軍遂使貔虎士奮身勇所聞  
拔劍擊大荒日收胡馬羣誓開玄溟北持以奉吾君

四

獻凱日繼踵兩蕃靜無虞漁陽豪俠地擊鼓吹笙竿  
雲帆轉遼海稊稻來東吳越羅與楚練照耀臺榭  
王將位益崇氣驕凌上都邊人不敢議議者必通衢

五

我本良家子出師亦多門將驕益愁思身貴不足論  
躍馬二十年恐辜明主恩坐見幽州騎長驅河洛昏  
中夜聞道歸故里但空村惡名幸脫免窮老無兒孫

出塞作

唐王維盛

居延城外獵天驕白草連天野火燒暮雲空磧時驅  
馬秋日平原好射鵬護羌校尉朝乘障破虜將軍夜  
渡遼玉靶角弓珠勒馬漢家將賜霍嫖姚

出塞曲

唐賈至盛

萬里平沙一聚塵南飛羽檄北來人傳道五原烽火  
邊塞

卷三十一

七

出塞

急單于昨夜寇新秦

出塞二首

唐王昌齡盛

白花原上望京師黃河水流無盡時窮秋曠野行人  
絕馬首東來知是誰

秦時明月漢時關萬里長征人未還但使龍城飛將  
在不教胡馬度陰山

出塞三首

唐于鵠中

葱嶺秋塵起全軍取月支山川引行陣蕃漢列旌旗  
轉戰疲兵少孤城外救遲邊人逢聖代不見偃戈時

二

微雪軍將出吹笳天未明觀兵登古戍斬將對雙旌  
分陣瞻山勢潛兵制馬鳴如今青一作新史上已有滅  
胡名

三

單于驕愛獵放火到軍城乘月調新馬防秋置遠營  
空山朱戟影寒磧鐵衣聲渡水逢胡說沙陰有伏兵

出塞

唐張籍中

秋塞雪初下將軍遠出師分營長記火放馬不收旗  
月冷邊帷濕沙昏夜探遲征人皆白首誰見滅胡時

古出塞

唐劉駕晚

邊塞

卷三十一

八

出塞

胡塞不開花四氣多作雪北人尚凍死况我本南越  
古來大羊地巡狩無遺轍九土耕不盡武皇猶戰伐  
中天有高閣圖畫何時歇坐恐塞上山低於沙上骨

送別出塞

唐陳子昂初

平生聞高義書劍百夫雄言登青雲去非此白頭翁  
胡兵屯塞下朝騎屬雲中君爲白馬將腰佩辟角弓  
單于不敢射天子佇深功蜀山子方隱良會何時同

和陸明府贈將軍重出塞

唐陳子昂初

忽聞天上將關塞重橫行始返樓蘭國還向朔方城  
黃金裝戰馬白羽集神兵星月開天陣山川列地營

晚風吹盡角春色耀飛旌寧知班定遠獨是一書生

送渾將軍出塞

唐高適

將軍族貴兵且強漢家已是渾邪王子孫相承在朝  
野至今部曲燕支下控弦盡用陰山兒登陣常騎大  
宛馬銀鞍玉勒繡螭弧每逐嫖姚破骨都李廣從來  
先將士衛青未嘗學孫吳傳有沙場千萬騎昨日邊  
庭羽書至城頭盡角三四聲匣裏寶刀晝夜鳴意氣  
能甘萬里去辛勤動作一年行黃雲白草無前後朝  
建旌旗夕刁斗塞下應多俠少年關西不見春楊柳  
從軍借問所從誰擊劍酬歌當此時遠別無輕統朝  
邊塞

策平戎早寄仲宣詩

送王將軍出塞

唐耿漳

漢家邊事重竇憲出臨戎絕漠秋山在陽關舊路通  
列營依茂草吹角向高風更就燕然石行看秦虜功  
送人出塞

唐李昌符

入塞

北周王褒

北風吹雨雪舉目已悽悽戰鬼秋頻哭征鴻夜不栖  
沙平關路直積廣郡樓低此去非東魯人多事鼓鼙  
戍久風塵色動多意氣豪建章樓閣迴長安陵樹高  
度水傷馬骨經寒墜節旄行當見天子無假用錢刀

入塞

隋何妥

桃林千里險候騎亂紛紛問此將何事嫖姚封冠軍  
回旌引流電歸蓋轉行雲待任蒼龍傑方當論次勲

入塞

唐劉希夷

將軍陷虜圍邊務息戎機霜雪交河盡旌旗入塞飛  
曉光隨馬度春色伴人歸課績朝明主臨軒拜武威  
入塞

唐耿漳

將軍帶十圍重錦製戎衣後臂銷弓力虬鬚長劍威  
首登平樂宴新破大宛歸樓上姝姬笑門前問客稀  
暮烽玄兔急秋草紫駟肥未奉君王詔高槐晝掩扉  
邊塞

送友人入塞

唐曹鄴

亂蓬無根日送子入青塞蒼茫萬里秋如見原野大  
鳥雀寒不下山川迴相對一馬沒黃雲登高望猶在  
驚風忽然起白日黯已晦如何怨路長出門天子外  
○長城

飲馬長城窟

魏陳琳

飲馬長城窟水寒傷馬骨往謂長城吏慎莫稽留太  
原卒官作自有程舉築詣汝聲男兒寧當格鬪歟何  
能拂鬱築長城長城何連連連連三千里邊城多健  
少一作內舍多寡婦作書與內舍便嫁莫留住善侍

新姑嫜時時念我故夫子報青衿一作與邊地君今出  
語一何鄙身在禍難中何爲稽留他家子生男慎莫  
舉生女哺用脯君獨不見長城下死人骸骨相撐拄  
結髮行事君慊慊心意關一作問明知邊地苦賤妾何  
能久自全

飲馬長城窟

晉陸機

驅馬陟陰山山高馬不前往問陰山候勁虜在燕然  
戎車無停軌旌旆屢徂遷仰憑積雪巖俯涉堅冰川  
冬來秋未返去家邈以絲獵狻亮未夷征人豈徒旋  
末德爭先鳴凶器無兩全師克薄賞行軍沒微軀捐

邊塞

卷三十一

長城

將遵甘陳迹收功單于旃振旅勞歸士受爵葦街傳

飲馬長城窟

梁沈約

介馬度龍堆塗縈馬屢迴前訪昌海驛雜種寇輪臺  
旌幕卷煙雨徒御犯冰埃

飲馬長城窟

北周王褒

北走長安道征騎每經過戰垣臨八陣旌門對兩和  
屯兵戍隴北飲馬傍城阿雪深無復道冰合不生波  
塵飛連陣聚沙平騎跡多昏昏隴坻月耿耿霧中河  
羽林猶角觝將軍尚雅歌臨戎常拔劍蒙險屢提戈  
秋風鳴馬首薄暮欲如何

飲馬長城窟示從征羣臣 隋煬帝

肅肅秋風起悠悠行萬里萬里何所行橫漠築長城  
豈台小子智先聖之所營樹茲萬世策安此億兆生  
詎敢憚焦思高枕於上京北河秉一作河武節千里  
捲戎旌山川互出沒原野窮超忽擬金止行陣鳴鼓  
興士卒千乘萬騎動飲馬長城窟秋昏塞外雲霧暗  
關山月綠巖驛馬上乘空烽火發借問長城候單于  
入朝謁濁氣靜天山晨光照高關釋兵仍振旅要荒  
事方舉飲至告言旋功歸清廟前

飲馬長城窟

隋虞世南

邊塞

卷三十一

長城

馳馬渡河干流深馬渡難相逢錦車使都護在樓蘭  
輕騎猶衙勒疑兵尚解鞍溫池下絕澗棧道接危巒  
拓地勲未賞亡城律詎寬有月關猶暗經春隴尚寒  
雲昏無復影冰合不聞湍懷君不可遇聊持報一餐

飲馬長城窟

隋袁朗

朔風動秋草清暉長安道長城連不窮所以隔華戎  
規模唯聖作荷負曉成功鳥庭已向內龍荒更鑿空  
玉關塵卷靜金微路已通湯征隨北怨舜詠起南風  
畫野功初立綏邊事云集朝服踐狼居凱歌旋馬邑  
山響傳鳳吹霜華藻瓊釵屬國擁節歸單于款關入

日落寒雲起驚河被原隰零落葉已寒河流清且急  
四時徃役盡千載干戈戢太平今若斯汗馬竟無施  
唯當事筆視歸去草封禪

飲馬長城窟

唐太宗

塞外悲風切交河水已結瀚海百重波陰山千里雪  
迴戍危烽火層巒引高節悠悠捲旆飲馬出長城  
寒沙連騎跡朔吹斷邊聲胡塵清玉塞羌笛韻金鉦  
絕漠干戈戢車徒振原隰都尉返龍堆將軍旋馬邑  
揚麾氛霧靜紀功銘玄石荒裔一戎衣靈臺凱歌入

飲馬長城窟

一作古長城吟

唐王翰

邊塞

卷三十一

三

長城

長安少年無遠圖一生唯羨執金吾麒麟殿前拜天  
子走馬爲君西擊胡胡沙獵獵吹人面漢虜相逢不  
相見逢聞鼙鼓動地來傳道單于夜猶戰此時顧恩  
寧顧身爲君一呼摧萬人壯士揮戈迴白日單于濺  
血汚朱輪歸來飲馬長城窟長城道傍多白骨問之  
耆老何代人云是秦皇築城卒黃昏塞北無人煙鬼  
哭啾啾聲沸天無罪見誅功不賞孤魂流落此城邊  
當昔秦王按劍起諸侯膝行不敢視富國強兵二十  
年築怨聲冤九千里秦王築城何太愚天實亡秦非  
北胡一朝禍起蕭牆內渭水咸陽不復都

古築城曲

唐元稹

年年塞下丁長作出塞兵自從冒頓強官築遮虜城

因茲請休和虜騎往來過半疑兼半信築城猶差我

三

築城安敢煩願聽丁一言請築鴻臚寺兼愁虜出關

長城下

唐曹鄴

遠水猶歸壑征人合憶鄉泣多盈袖血吟苦滿頭霜  
楚國連天浪衡門到海荒何當生燕羽時得近雕梁

長城

唐于濬

邊塞

卷三十一

四

諸塞

秦皇豈無德蒙氏非不武豈將版築功萬里遮胡虜  
團沙世所難作壘明知苦外者倍堪傷僵屍猶抱杵  
十年居上郡四海誰爲主縱使骨爲塵冤名不入土  
○諸塞 蠻夷附

輪臺即事

諸塞西自輪臺迤至遼東

唐岑參

輪臺風物異地是古單于三月無青草千家盡白榆  
蕃書文字別胡俗語音殊愁見流沙北天西海一隅

首秋輪臺

唐岑參

異域陰山外孤城雪海邊秋來唯有鴈夏盡不聞蟬  
雨拂瓊牆濕風搖羣幕懸輪臺萬里地無事歷三年



北庭作

唐岑參

鴈塞通鹽澤龍堆接醋溝孤城天北畔絕域海西頭  
秋雪春仍下朝風夜不休可知年四十猶自未封侯

登單于臺

唐張蠙

邊兵春盡迴獨上單于臺白日地中出黃河天外來  
沙翻浪似浪風急響疑雷欲向陰關度陰關曉不開

發臨洮將赴北庭留別

唐岑參

聞說輪臺路連年見雪飛春風不曾到漢使亦應稀  
白草通疎勒青山過武威勤王敢道遠私向夢中歸

送李侍御赴安西

唐高適

邊塞

卷三十一

七

諸塞

行子對飛蓬金鞭指鐵驄功名萬里外心事一杯中  
虜障燕支北秦城太白東離魂莫惆悵看取寶刀雄

送從弟亞赴安西判官

唐杜甫

孤峯石戴驛快馬金纏轡黃羊飫不羶蘆酒多還醉  
踴躍常人情慘澹苦士志安邊敵何有反正計始遂

吾聞駕鼓車不合用騏驎

武威送劉單判官赴安西行營便呈高開府

唐岑參

熱海亘鐵門火山赫金方白草磨天涯胡沙莽茫茫  
夫子佐戎幕其鋒利如霜中歲學兵符不能守文章

功業須及時立身有行藏男兒感忠義萬里忘越鄉

孟夏邊候遲胡國草木長馬疾過飛鳥天窮超夕陽  
都護新出師五月發軍裝甲兵二百萬錯落黃金光

揚旗拂崑崙伐鼓震蒲昌太白引官軍天威臨大荒  
西望雲似蛇戎夷知喪亡渾驅大宛馬繫取樓蘭王

曾到交河城風土斷人腸塞驛遠如點邊烽互相望  
赤亭多飄風鼓怒不可當有時無人行沙石亂飄揚

夜靜天蕭條鬼哭夾道傍地上多髑髏皆是古戰場  
置酒高館夕邊城月蒼蒼軍中宰肥牛堂上羅羽觴

紅淚金燭盤嬌歌艷新妝望君仰青冥短翮難可翔

邊塞

卷三十一

十六

諸塞

蒼然西郊道握手何慷慨

送劉司直赴安西

唐王維

絕域陽關道胡沙與塞塵三春時有鴈萬里少行人  
首領隨天馬蒲萄逐漢臣當令外國懼不敢覓和親

陸州

唐□□□

西去輪臺萬里餘故鄉音耗日應疎隴山鸚鵡能言  
語爲報閨人數寄書

銀山磧西館

唐岑參

銀山峽口風似箭鐵門關西月如練雙雙愁淚沾馬  
毛颯颯胡沙迸人面丈夫三十未富貴安能終日守

筆硯

磧中作

唐岑參

走馬西來欲到天辭家見月兩迴圓今夜不知何處宿平沙萬里絕人煙

過磧

唐岑參

黃沙磧裏客行迷四望雲天直下低爲言地盡天還盡行到安西更向西

歲暮磧外寄元撫

唐岑參

西風傳戍鼓南望見前軍沙磧入愁月山城大吠雲別家逢逼歲出塞獨離羣髮到陽關白書今遠報君

邊塞

卷三十一

七

諸塞

磧西頭送李判官入京

唐岑參

一身從遠使萬里向安西漢月垂鄉淚胡沙費一作

馬蹄尋河愁地盡過磧覺天低送子軍中飲家書醉裏題

燕支行

唐王維

漢家天將才且雄來時謁帝明光宮萬乘親推雙闕下千官出錢五陵東誓辭甲第金門裏身作長城玉塞中衛霍才堪一騎將朝廷不數貳師功趙魏燕韓多勁卒關西俠少何咆勃報讐只是聞嘗膽飲酒不曾妨刮骨畫戟雕戈白日寒連旗大旆黃塵沒疊鼓

遙翻瀚海波鳴笳亂動天山月麒麟錦帶佩吳鉤

踏青驪躍紫駟拔劍已斷天驕臂歸鞍共飲月支頭

漢兵大呼一當百虜騎相看哭且愁教戰雖令赴湯

火終知上將先伐謀

伊州歌二首

唐

秋風明月獨離居蕩子從戎十載餘征人去日殷勤囑歸鴈來時數寄書

二

聞道黃花戍頻年不解兵可憐閨裏月偏照漢家營

涼州樂歌二首

北魏溫子昇

邊塞

卷三十一

六

諸塞

遠遊武威郡遙望姑臧城車馬相交錯歌吹日縱橫

二

路出玉門關城接龍城坂但事絃歌樂誰道山川遠

涼州詞二首

唐王翰

蒲萄美酒夜光杯欲飲琵琶馬上催醉臥沙場君莫

笑古來征戰幾人回

秦中花鳥已應闌塞外風沙猶自寒夜聽胡笳折楊

柳教人意氣憶長安

涼州詞

唐孟浩然

揮成紫檀金屑文作得琵琶聲入雲胡地迢迢三萬

里那堪馬上送明君

涼州詞二首

唐王之渙

黃河遠上白雲間一片孤城萬仞山羌笛何須怨楊柳春光不度玉門關

單于北望拂雲堆殺馬登壇祭幾回漢家天子今神武不肯和親歸去來

涼州詞

唐耿漳

國使翻翻隨旆旌隴西岐路足荒城瓊裘牧馬胡雛小日暮蕃歌三兩聲

涼州詞三首

唐張籍

邊塞

卷三十一

九

諸塞

邊城暮雨鴈飛低蘆笋初生漸欲齊無數鈴聲遙過磧應馱白練到安西

鳳林關裏水東流白草黃榆六十秋邊將皆承主恩澤無人解道取涼州

古鎮城門石磧開胡兵往往傷沙堆巡邊使客行應早欲問平安無使來

涼州行

唐王建

涼州四邊沙皓皓漢家無人開舊道邊頭州縣盡胡兵將軍別一作當築防秋城萬里人家皆已沒年年旌節發西京多來中國收婦女一半生男爲漢語蕃人

舊日不耕犁相學如今種禾黍驅羊亦著錦爲衣爲惜瓊裘防樹時養蠶繅繭成匹帛那將繞帳作旌旗城頭山雞鳴角角洛陽家家學胡樂

涼州歌

唐口口口

朔風吹葉鴈門秋萬里塵煙昏戍樓征馬長思青海北胡笳夜聽隴山頭

夜上西城聽梁州曲

唐李益

鴻鴈新從北地來聞聲一半却飛回金河戍客腸應斷更在秋風百尺臺

入關

梁吳均

邊塞

卷三十一

十

諸塞

羽檄起邊庭烽火亂如螢是時張博望夜赴交河城馬頭要落日劍尾掣流星君恩未得報何論身命傾

度關山

梁簡文帝

關山遠可度遠度復難思直指遮歸道都護總前期力農爭地利轉戰逐天時材官蹶張皆命中弘農越騎盡拳旗拳旗遠不息驅虜何窮極狼居一封難再覩關氏永去無容色銳氣且橫行朱旗亂日精先屠光祿塞却破夫人城凱歌還舊里非是銜功名

度關山

梁戴嵩

昔聽隴頭吟平居已流涕今上關山望長安樹如薺

千里非鄉邑四海皆兄弟軍中大體自相裒其間得意各分曹博陵輕俠皆無位幽州重氣本多豪馬銜首着葉劍瑩鸛鵲膏初征心未習復值鴈飛入山頭看月近草上知風急笛曲難成旂繁響還澀武帝初承平東伐復西征薊門海作塹榆塞冰為城催令四校出倚望三邊平箭服朝來動刀環臨陣鳴將軍一百戰都護五千兵且決雌雄眼前利誰道功名身後事丈夫意氣本自然來時辭第已聞天但令此身與命在不持烽火照甘泉

度關山

梁王訓

邊塞

卷三十一

王

諸塞

邊庭多警急羽檄未曾閑從軍出隴坂驅馬度關山關山恒晦靄高峯白雲外遙望秦川水千里長如帶好勇自秦中意氣本豪雄少年便習戰十四已從戎昔年經上郡今歲出雲中遼水深難度榆關斷未通折衝凌絕域流蓬警未息胡風朝夜起平沙不相識兵法貴先聲軍中自有程逗遛皆一作難贖罪先登盡一城都護疲詔吏將軍擅發兵平盧疑縱火飛鴟畏犯營輕重一為虜金刀何用盟誰知出塞外獨有漢飛名

度關山

唐李端中

鴈塞月初晴孤關覆雪平危樓一作綠廣漢古寶傍長城拂劍金星出翻弓玉羽鳴一作誰知係虜首賈誼是書生

關山曲二首

唐馬戴晚

金甲耀兜鍪黃金拂紫騮叛羌旗幟下戮陷壁夜中收霜霰戎衣故關河積氣秋箭瘡殊未合更遣在蘭州

二

火發龍山北中宵易左賢勒兵臨漢水驚鴈散胡天水落防河急軍孤受敵偏猶聞漢皇怒按劍待開邊

隴西行

梁簡文帝

邊塞

卷三十一

王

諸塞

邊秋胡馬肥雲中驚寇入勇氣特一作無侶輕兵救邊急沙平不見虜嶂嶮一作還相及出塞豈成歌經川未遑汲烏孫塗更阻康居路猶澁月暈抱龍城星流照馬邑長安路遠書不還寧知征人獨佇立

隴西謠

古無名氏

郎樞女樞十馬九駒安陽大角十牛九犢四地名皆在隴西言牧也

隴西行

唐王維盛

十里一走馬五里一揚鞭都護軍書至匈奴圍酒泉關山正飛雪烽戍斷無煙

隴上行

唐王維

負羽到邊州鳴笳度隴頭雲黃知塞近草白見邊秋

隴頭水

梁劉孝威

從軍戍隴頭隴水帶沙流時觀胡騎飲常爲漢國羞  
繫妻成兩劍殺子祀雙鉤頻取樓蘭頸就解卸支裘  
勿令如李廣功多遂不酬一作功遂不封侯

西州

唐張籍

羌胡據西州近甸無邊城山東收稅租養我防塞兵  
胡騎來無時居人常震驚嗟我五陵間農者罷耘耕  
邊頭多殺傷士卒難全形郡縣發丁役丈夫各征行

邊塞

卷三十一

唐張籍

生男不能養懼身有姓名良馬不念秣烈士不苟營  
所願除國難再見天下平

涇州塞

唐張籍

行道涇州塞唯聞羌戍聲道邊古雙埃猶記向安西  
奉使築朔方六州城率爾而唐李嶠

子來多悅豫王事寧急遑三旬無愆期百雉巒相望

雄視沙漠垂有截北海陽二廷已頓顙五嶺盡來王

驅車登崇墉顧盼凌大荒千里何蕭條草木自悲涼  
憑軾訊古今慨焉感興亡漢障緣河遠秦城入海長

顧無廟堂策貽此中夏殃道隱前業衰運開今化昌

制爲百王式舉合千載防馬牛被路隅鋒鏑銷戰場

豈不懷始勞所圖在永康王事何爲者稱代陳頌章

送朔方何侍郎

唐宋之問

聞道雲中使乘驄往復還河兵守陽月寒虜失陰山  
拜職嘗隨驃銘功不讓班旋聞受降日歌舞入蕭關

奉送范司寇赴朔方得游字

唐呂溫

築壇登上將膝席委前籌虜滅南侵跡朝分北顧憂  
抗旌迴廣漠撫劍動旄頭坐見黃雲暮行看白草秋  
山橫舊秦塞河繞古靈州善守兵家事惟應獵騎游

邊塞

卷三十一

唐楊凝

送客往夏州

唐楊凝

憐君此去過居延古塞黃雲共渺然沙濶獨尋邊馬  
跡路迷遙指戍人煙夜投孤店愁吟笛朝望行塵喜  
控弦聞有故交今從騎何須著論更言錢

登夏州城觀送行人賦得六州胡兒歌

唐李益

六州胡兒六蕃語十歲騎羊逐沙鼠沙頭牧馬孤鷹  
飛漢軍遊騎貂錦衣雲中征戍三千里今日征行何  
歲歸無定河邊數枝柳共送行人一杯酒胡兒起作  
和蕃歌齊唱鳴鳴盡垂手心知舊國西州遠西向胡

天望鄉久回頭忽作異方聲一聲同盡征人首  
音虜曲一難分似說邊情向塞雲故國關山無限路風沙滿眼堪斷魂不見天邊青作塚古來愁殺漢昭君  
今皇帝陛下詔徵兵不日功集河湟諸郡次第歸降臣獲觀聖功輒獻歌詠

唐杜牧晚

捷書皆應運謀期十萬曾無一鏃遺漢武慙誇朔方地  
宣王休道太原師威加塞外寒來早恩入河源凍合遲聽取滿城歌舞曲涼州聲韻喜參差

送盧潘尚書之靈武

唐韋蟾晚

邊塞

卷三十一

五

諸塞

賀蘭山下果園成塞北江南舊有名水木萬家朱戶暗  
弓刀千隊鐵衣鳴心源落落堪爲將膽氣堂堂合用兵  
却使六番諸子弟馬前不信是書生

送盧尚書赴靈武

唐張蟾晚

西北正傳烽候急靈州共喜信臣居從軍盡是清才去  
屬郡無非大將除新地進圖移漢界古城遺硯見蕃書  
山川不異江湖景賓館常聞食有魚

送靈武李侍御

唐僧無可晚

靈州天一涯幕客似還家地得江南壤程分磧裏妙  
禁鹽調上味麥穗結秋花前席因籌畫清吟塞日斜

勅勒歌梁簡文帝撰北齊神武攻周王瑒土平曰高歡果于親犯王瑒一發元兇自斃神武聞之勉坐以安土衆悉引諸貴使解甲語易爲齊言故其句長短不齊  
勅勒川陰山下天似穹廬籠蓋四野天蒼蒼野茫茫  
風吹草低見牛羊

勅勒歌塞北

唐溫庭筠晚

勅勒金幘壁陰山無歲華帳外風飄雪營前月照沙  
羌兒吹玉管胡姬踏錦花却笑江南客梅落不歸家

榆林郡歌

唐王維盛

邊塞

卷三十一

五

諸塞

山頭松柏林山下泉聲傷客心千里萬里春草色黃  
河凍流流不息黃龍戍上游俠兒愁逢漢使不相識

送客往鄜州

唐楊凝中

新參將畧事西營一作平錦帶駢弓結束輕曉上關城  
吹夜角暗驅羌馬發支兵回中地遠風常急鄜時年多  
草自生近喜扶陽係戎相從來衛霍笑長纓

饒王將軍赴雲中

唐孟匡明

貳師憑廟畧分閫佐元戎勢亞彫弓寵詩推金印雄  
關山橫代北旌節壯雲東日轉前茅影春生細柳風  
飲水君一作傳令肅揮涕餞一作筵空佇聽陰山靜誰爭萬里功



鴈門太守行二首

梁簡文帝

輕霜中夜下黃葉  
遠辭枝寒苦春難覺  
邊城秋易知風急  
旂旗斷塗長鎧馬疲少解  
孫吳法家本幽并兒  
非關買鴈肉徒勞皇甫規

隴暮風恒急關寒霜自濃  
極馬夜方思邊衣秋未重  
潛師夜接戰畧地曉摧鋒  
悲笳動胡塞高旗出漢壙  
勤勞謝功業清白報迎逢  
非須主人賞寧期定遠封  
單于如未繫終夜慕前蹤

鴈門太守行

梁褚翔

三月楊花合四月麥秋初  
幽州寒食罷鄴國采桑疎  
邊塞

卷三十一

三七

詩集

便聞鴈門戍結束事戎車去  
歲無霜雪今年有閨餘  
月如弦上弩星類水中魚  
戎車攻日逐燕騎蕩康居  
大宛歸善馬小月送降書  
寄語閨中妾勿怨寒牀虛

鴈門太守行

唐李賀

黑雲壓城城欲摧  
甲光射日金鱗開  
角聲滿天秋色裏  
塞上燕脂凝夜紫  
半捲紅旗臨易水  
霜重鼓寒聲不起  
報君黃金臺上意  
提攜玉龍爲君死

鴈門胡人歌

唐崔顥

高山代郡東接燕  
鴈門胡人家近邊  
解放胡鷹逐塞鳥  
能將代馬獵秋田  
山頭野火寒多燒  
霧雨裏孤

峯濕作煙聞道遼關一作西無關戰時時醉向酒家眠

并州路作

唐李宣遠

秋日并州路黃榆落照前  
孤城吹角罷數騎射鵬還  
帳幕遙臨水牛羊自下山  
征人正垂淚烽火起雲間

營州歌

唐高適

營州少年厭原野皮裘蒙茸獵城下  
虜酒千鍾不醉人胡兒十歲能騎馬

平城下

唐李賀

飢寒平城下夜夜守明月別劍無玉花  
海風斷髮髮塞長連白空遙見漢旗紅  
青帳吹短笛煙霧濕畫龍

邊塞

卷三十一

三八

詩集

日晚在城上依稀望城下  
風吹枯蓬起城中嘶瘦馬  
借問築城吏去關幾千里  
惟愁裏戍歸不惜倒戈戈

出自薊北門行

北周庾信

薊門還北望役役盡傷情  
關山連漢月隴水向秦城  
笳寒蘆葉脆弓凍紆絃鳴  
梅林能止渴復姓可妨兵  
將軍朝挑戰都護夜巡營  
燕山猶有石須勒幾人名

出自薊北門行

陳徐陵

薊北聊長望黃昏心獨愁  
燕山一作然對古剎代郡隱  
一作城樓屢戰橋恒斷長水  
塹不流天雲如地陣漢

月帶胡秋漬土泥面谷接繩  
縛涼州平生燕領相會

自得封侯

出自薊北門行

唐李白

虜陣橫北荒胡星耀精芒羽書速驚電烽火晝連光  
虎竹救邊急戎車森幾行明主不安席按劍心飛揚  
推轂出猛將連旗登戰場兵威衝絕幕殺氣凌穹蒼  
列卒赤山下開營紫塞傍孟冬風沙紫旌旗颯彫傷  
畫角悲海月征衣捲天霜揮刃斬樓蘭彎弓射賢王  
單于一平蕩種落自奔亡收功報天子行歌歸咸陽

薊門行五首

唐高適

薊門逢古老獨立思氛氲一身既零丁頭鬢白紛紛

卷三十一

五

諸塞

勲庸今已矣不識漢將軍

漢家能用武開拓窮異域戍卒厭糟糠降胡飽衣食  
關亭試一望吾欲涕沾臆

邊城十一月雨雪亂霏霏元戎號令嚴人馬亦輕肥  
羌胡無盡日征戰幾時歸

幽州多騎射結髮重橫行一朝事將軍出入有聲名  
紛紛獵秋草相向角弓鳴

黯黯長城外日沒更煙塵胡騎雖憑陵漢兵不顧身  
古樹滿空寒黃雲愁殺人

薊北門行

唐曹鄴

長河凍如石征人夜中戍但恐筋力盡敢憚將軍過  
古來歟未歇白骨凝官路親戚牽衣泣悲號自相顧  
歟者雖無言那堪生者悟

薊北行

唐

旄頭有精芒胡騎獵秋草羽檄南渡河邊庭用兵早  
漢家愛征戰宿將今已老辛苦羽林兒從戎榆關道  
一身救邊速烽火通薊門前軍飛鳥斷格鬪塵沙昏  
寒日鼓聲急單于夜將奔當須徇忠義身歟報國恩

薊中作

唐高適

策馬自沙漠長驅登塞垣邊城何蕭條白日黃雲昏

卷三十一

五

諸塞

一到征戰處每愁胡虜翻豈無安邊書諸將已承恩

自薊北歸

唐高適

驅馬薊門北北風邊馬哀蒼茫遠山口豁達胡天開  
五將已深入前軍止半迴誰憐不得意長劍獨歸來

望薊門

唐祖詠

燕臺一去客心驚笙鼓喧喧漢將營萬里寒光生積  
雪三邊曙色動行旌沙場烽火侵胡月海畔雲山擁  
薊城少小雖非投筆吏論功還欲請長纓

送韋判官歸薊門

唐于鵠

系乾歸路遠聞說亦愁人有雪常經夏無花空到春

下營雲外火收馬月中塵白首從戎客青衫未離身

薊北書事

唐張蠟

度磧如經海茫然但見空戍樓承落日沙塞礙驚蓬  
暑過燕僧出時平虜客通達人皆上將誰有定邊功

紀遼東二首

雜言○隋書曰大業八年楊帝伐高麗渡遼水大戰於東岸擊賊破

之進圍

隋煬帝

遼東海北翦長鯨風雲萬里清方當銷鋒散馬牛旋  
師宴鎬京前歌後舞振軍威飲至解戎衣判不徒行  
萬里去空道五原歸

秉旄仗節定遼東倖賊變夷風清歌凱捷九都水歸

邊塞

卷三十一

王

諸塞

宴雒陽宮策功行賞不淹留全軍藉智謀詎似南宮  
複道上先封雍齒侯

紀遼東二首

隋王胄

遼東涓水事龔行俯拾信神兵欲知振旅旋歸樂爲  
聽凱歌聲十乘元戎纔渡遼扶滅已水消詎似百萬  
臨江水按轡空迴鑣

天威電邁舉朝鮮信次即言旋還笑魏家司馬懿迢  
迢用一年鳴鑾詔蹕發滄潼合爵及疇庸何必豐沛  
多相識比屋降堯封

遼水

原作白馬篇

隋煬帝

白馬金貝裝橫行遼水傍問是誰家子宿衛羽林郎

文犀六屬鎧寶劍七星光山虛弓響徹地迴角聲長

宛河推勇氣隴蜀擅威強輪臺受降虜高闕翦名王

射熊入飛觀校獵下長楊英名欺衛霍智策蔑平良

島夷時失禮并服犯邊疆徵兵集薊北輕騎出漁陽

進軍隨日暈挑戰逐星芒陣移龍勢動營開虎翼張

衝冠入歾地攘臂越金湯塵飛戰鼓急風交征旆揚

轉關平華地追奔掃大方本持身許國况復武功彰

會今千載後流譽滿旂常

鄭少府入遼

唐駱賓王

初

邊塞

卷三十一

王

諸塞

邊烽警榆塞俠客度桑乾柳葉開銀鏑桃花照玉鞍  
滿月臨弓影連星入劍端不學燕臺客空歌易水寒

遼西作

唐崔顥

燕郊芳歲晚殘雪凍邊城四月青草合遼陽春水生

胡人正牧馬漢將日徵兵露重寶刀濕沙虛金鼓鳴

寒衣著已盡春服與誰成寄語洛陽使爲傳邊塞情

渡遼水

唐王建

渡遼水此去咸陽五千里來時父母知隔生裏著衣  
裳如送死亦有白骨歸咸陽營家各與題本鄉身在

應無迴渡日駐馬相看遼水傍

遼東行

唐王建

遼東萬里遼水曲古戍無城復無屋黃雲蓋地雪作  
山不惜黃金貴衣服戰迴各自收弓箭正西迴回家  
鄉遼年年郡縣送征人將與遼東作丘坂寧爲草木  
鄉中生有身不向遼東行

送耿十三緯復往遼海

唐耿叔倫

仗劍萬里去孤城遼海東旌旗愁落日鼓角壯悲風  
野迴邊塵息鋒消戍壘空轅門正休暇投策拜元戎  
送遼陽使還軍

唐李益

征人歌且行北上遼陽城二月戎馬息悠悠邊草生  
邊塞

卷三十一

三十一

青山出塞斷代地入雲平昔者匈奴戰多聞殺漢兵  
平生報國憤日夜角弓鳴勉君萬里去勿使虜塵驚  
遼陽行

唐于濟

遼陽在何處妾欲隨君去義合齊歟生本不誇機杼  
誰能守空閨虛問遼陽路

蠻中

以下蠻夷

唐張籍

桐樹一作銅柱南邊毒艸春行人幾日到金麟玉環穿耳  
誰家女自抱琵琶迎海神

蠻州

唐張籍

瘴水蠻中入洞流人家多住竹棚頭一山海上無城

郭唯見松牌記象州

蠻子歌

唐劉禹錫

鉤輞語音蠻身衣斑斕布熏程掘以口此時祠盤瓠  
忽逢乘馬客恍若驚麕顧腰斧上高山竟行無舊路

蠻家

唐項斯

領得賣珠錢還歸銅柱邊看見調小象打鼓試新船  
醉後眠神樹耕時語瘴煙不逢寒便老相問莫知年

莫徭歌

唐劉禹錫

莫徭自生長名字無符籍市易雜蛟人婚姻通木客  
星居占泉眼火種開山脊夜渡千仞谿含沙不能射  
邊塞

卷三十一

三十一

黃家洞

唐李賀

雀步蹙沙聲促促四尺角弓青石鏃黑幡三點銅鼓  
鳴高作猿啼搖箭服綵巾纏蜂幅半斜溪頭簇隊映  
葛花山潭晚霧吟白鼉竹虵飛蠹射金沙閒驅竹馬  
緩歸家官軍自殺容州槎

南越謠

唐于濟

迢迢東南天巨浸無津壖雄風見昏霧干戈滿樓船  
此時尉佗心兒童待幽燕三寸陸賈舌萬里漢山川  
苦令交趾貨盡生虞芮田天意苟如此退人誰肯憐

西戎即叙

唐李季昶

懸首藁街中天兵破犬戎營收低隴月旗偃渡湟風

肅殺三邊勁蕭條萬里空元戎咸伏罪餘孽盡輸忠

聖理符軒化仁私契禹功降逾洞庭陰梟擬卸支窮

已散丰容捷還資妙筭通今朝觀即叙非與獻葵同

蕃中荅退渾詞

并序

唐呂溫中

退渾種落盡在而為吐蕃所鞭撻有譯者訴情于  
予故以此荅之

退渾兒退渾兒朔風長在氣何衰萬群鐵馬從奴虜  
強弱由人彼一時

退渾兒退渾兒冰消青海艸如絲明堂天子朝萬國  
邊塞

卷三十一

三十五

續夷

神馬龍駒將與誰

崑崙兒

唐張籍中

崑崙家住海中州蠻客將來漢地遊言語解教秦吉  
了波濤初過鬱林洲金環欲落曾穿耳螺髻長卷不  
裏頭自愛肌膚黑如漆行時半脫木綿裘

衙命使本國

唐胡衡盛

衙命將辭國非才忝侍臣天中戀明主海外憶慈親  
伏奏違金闕飛驂去玉津蓬萊鄉路遠若木故園鄰

同崔載華贈東夷聘使

唐劉長卿中

憐君異域朝周遠積水連天門處通遙指來從初日

下始知更有扶桑東

海上詩送薛文學歸海東

唐劉昫盛

何處歸且遠送君東悠悠滄溟千萬里日夜一孤舟  
曠望絕國所微茫天際愁有時近仙境不定若夢遊  
或見青色古孤山百里秋前心方杳渺後路勞夷猶  
離別惜吾道風波敬皇休春浮花氣遠思逐海水流  
日暮驪歌後永懷空滄洲

送秘書晁監還日本國

唐王維盛

積水不可極安知滄海東九州何一作處遠萬里若  
乘空向國唯看日歸帆但信風驚身映天黑魚眼射  
邊塞

卷三十一

三十六

續夷

波紅鄉樹扶桑外主人孤島中別離方異域音信若  
為通

送晁補闕歸日本國

唐趙驊盛

西掖承休瀚東隅返故林來稱剡子學歸是越人吟  
馬上秋郊遠舟中曙海陰知君懷魏闕萬里獨搖心

送日本國聘賀使晁巨卿

唐包佶中

上才生下國東海是西鄰九譯蕃君使千年聖主臣  
野情偏得禮木性本含真錦帆乘風轉金裝照地新  
孤城開蜃閣曉日上朱輪早識來朝歲塗山玉帛均

送褚山人歸日東

唐賈島中

懸帆待秋水去入杳冥關東海幾年別中華此日還  
岸遙生白髮波盡露青山隔水相思在無書也是閑

送人遊日本國

唐方干

蒼茫大荒外風教即難知連夜揚帆去經年到岸遲  
波濤含左界星斗定東維或有歸風便當爲相見期

送人歸日東

唐林寬

滄溟西畔望一望一心摧地即同正朔天教阻往來  
波翻夜作電鯨吼書爲雷門外人參徑到時花幾開

送朴山人歸日本

唐釋無可

海霧晚帆開應無鄉信催水從荒外積人指日邊迴  
邊塞

卷三十一

三七

望國乘風久浮天絕島來倘因華夏使書札轉悠哉

送圓載上人歸日本國

唐皮日休

講殿談餘著賜衣柳帆却返舊禪扉日多紙上經文  
動如意餅中佛爪飛颶母影邊持戒宿波神宮裏受  
齋歸家山到日將何入白象新秋十二園

重送圓載上人歸日本國

唐皮日休

雲濤萬里最東頭射馬臺身玉署秋無限屬城爲鯨  
國幾多分界是甯州取經海底開龍藏誦咒空中散  
蜃樓不奈此時貧且病乘桴直欲伴師遊

奉賀圓載上人歸日本國

唐陸龜蒙

晚

老思東極舊巖扉却待秋風泛舶歸晚梵陽烏當石  
磬夜禪陰火照田衣見翻經論多盈篋親植杉松大  
幾圓遙想到時思魏闕祗應遙拜望斜暉

送日本僧敬龍歸

唐韋莊

扶桑已在渺茫中家在扶桑東更東此去與師誰共  
到一船明月一帆風

送金卿歸新羅

唐陶翰

奉義朝中國殊恩及遠臣鄉心遙渡海客路再經春  
落日誰同望孤舟獨可親拂衣銜木鳥偶宿泣珠人  
禮樂夷風變衣冠漢制新青雲已干呂知汝重來賓

邊塞

卷三十一

三八

送新羅使

唐張籍

萬里爲朝使離家今幾年應知舊行路却上遠歸船  
夜泊避蛟窟朝炊求島泉悠悠到鄉國還望海西天

送朴山人歸新羅

一作海東

唐馬戴

浩渺行無極揚帆但信風雲山過海半鄉樹入舟中  
波定遙天出沙平遠岸窮離心寄何處目斷曙霞東

送禪師歸新羅

唐釋法照

萬里歸鄉路隨緣不第程登山百衲敝過海一杯輕  
夜宿依雲色晨齋就水聲何年持貝葉却到漢家城

送僧歸新羅

唐姚鵠

晚



淼淼萬餘里扁舟發落暉滄溟何歲別白首此時歸  
寒暑途中變人煙嶺外稀驚天巨鰲闢蔽日大鵬飛  
雪入行砂屨雲生坐石衣漢風深得習休恨本心違

送金可紀歸新羅

唐章孝標

登唐科第語唐音望日初生憶故林鮫室夜眠陰火  
冷蜃樓朝泊曉霞深風高一葉飛魚背潮淨三山出  
海心想把文章合夷樂蟠桃花裏醉人參

送婆羅門歸本國

唐劉言史

剎利王孫字迦攝竹錐橫寫吒羅遙知漢地未有  
經手牽白馬遶天行龜茲磧西胡雪黑大師凍死來  
邊塞

卷三十一

三十九

不得地盡年深始到船海裏行三十國行多耳斷  
金環落冉冉悠悠不停脚馬死經留却去時往來應  
盡一生期出漢獨行人絕處磧西天漏雨絲絲

詔放雲南子弟還國

唐鄭洪業

德被陪臣子仁垂聖主恩雕題辭鳳闕丹服出金門  
有澤沾殊俗無征及犍犍銅梁分漢土玉壘駕鸞軒  
瘴嶺鸞叢盛巴江越雋垠萬方同感化豈獨日南蕃

送賓貢金夷吾奉使歸本國

唐張喬

渡海登仙籍還家備漢儀孤舟無岸泊萬里有星隨  
積水浮魂夢流年半別離

卷終

詩集類函卷三十二

東吳俞安期纂

宣城梅鼎祚增定

雲間俞廷謬訂校

帝王部

帝王 后妃 皇太子

○帝王

由庚

晉束皙

由庚萬物由其道也

蕩蕩夷庚物則由之蠢蠢庶類王亦柔之道之既由

化之既柔木以秋零草以春抽獸在于一作草魚躍

順流四時遞謝八風代扇纖阿案晷星變其躔五緯

帝王

卷三十一

帝王

不愆一作六氣無易情愔我王紹文之跡

崇丘

晉束皙

崇丘萬物得極其高大也

瞻彼崇丘其林藹藹音植物斯高動類斯大周風既

洽王猷允泰漫漫方輿迴迴洪覆何類不繁何生不

茂物極其性人氏一作永其壽恢恢大圃茫茫九壤資

生仰化于何不養人無道天物極則長

由儀

晉束皙

由儀萬物之生各得其儀也

肅肅君子由儀率性明明后辟仁以為政魚游清沼

林濯鱗鼓翼振振其音賓寫爾誠主竭

其心時之和矣何思何修文化內輯武功外悠

雜歌

晉傅玄

鳳有翼龍有鱗君不獨與必須良臣

中興歌十首

宋鮑照

千冬逢一春萬夜視朝日生平值中興歡起百憂畢

二

中興太平運化清四海樂祥景照玉臺紫煙遊鳳閣

三

碧樓含夜月紫殿爭朝光綵池散蘭麝風起自生芳

帝王

卷三十一

帝王

四

白日照前牕玲瓏綺羅中美人掩輕扇含思歌春風

五

三五容色滿四五妙華歇已輸春日歡分隨秋光沒

六

北出湖邊戲前還苑中遊飛綬繞長松馳管逐波流

七

九月初水清三月春花滋千金逐良日皆競中興時

八

窮泰已有分壽夭復屬天既見中興樂莫持憂自煎

九

襄陽是小地壽陽非帝城今日中興樂逢冶在上京

十

梅花一時豔竹葉千年色願君松柏心採照無窮極

聖君曲

齊王融

聖君應昌歷景祚啟休期龍樓神睿道免園仁義基

海蕩萬川集山崕百草滋盤苗成萃止淪秣異來思

清明動離軫威惠一作懷被殊辭大哉君為后何羨唐虞時

虞時

明王曲

齊王融

帝王

卷三十一

三

帝王

明王日月照至樂天地和辛息雲門吹復歇咸地歌

桂序一作房金匏轉瑤軒絲石羅朱騏步躑躅玄鶴舞

蹉跎露凝嘉草秀煙渡醴泉波皇基方萬祀齊民樂

如何

聖主曲辭

齊舞歌

聖主受天命應期則虞唐升旒綜萬機端展馭八方

盈虛自然數揖讓歸聖明北化陵河塞南威越滄溟

廣德齊七政敷教騰三辰萬寓必承慶百福咸來臻

聖皇應福始昌德洞祐先

明君辭

齊舞歌

明君御四海總鑒盡人靈仰成恩已洽竭忠身必榮  
聖澤洞三靈德教被八鄉草木變柯葉川岳洞嘉祥  
愉樂盛明運舞蹈升太時微霜永昌命軌心長歡怡  
永明樂十首 齊王融

玄符昭景歷茂實偶英聲長爲南山固永與朝日明

二 靈丘比翼洒芳林合條起兩代分憲章一朝會書軌

三

二離金玉相三袞蘭蕙芳重儀文世子再奉東平王

四

帝王 卷三十一 四 帝王

空谷返逸驂陰山響鳴鶴振玉躡丹墀懷芳步青閣

五

崇文晦已明膠庠雜復整弱臺留折巾沂川詠芳穎

六

定林去喧俗鹿野出埃霞香風流梵瑄澤雨散雲花

七

楚望傾澗滌日館仰鑾鈴已晞五雲發方照兩河清

八

幸哉明盛世壯矣帝王居高門夜不析飲帳曉長舒

九

總棹金陵渚方駕玉山阿輕露炫珠翠初風搖綺羅

十

西園抽蕙草北沼掇芳蓮生逢永明樂死日生之年

永明樂十首

齊書樂志曰永明樂歌者竟陵王子良與諸文士造奏之人爲什

曲

齊謝朓

帝圖開九有皇風浮四溟永明一爲樂咸池無復靈

二

民和禮樂富世清歌頌微鴻名軼卷領稱首邁垂衣

三

朱臺鬱相望青槐紛馳道秋雲湛甘露春風散芝草

帝王

卷三十一

五

帝王

四

龍樓日月照涵館風雲清儲光溫似玉蔭度式如瓊

五

化洽鯁海君恩變龍庭長西北鸞環聚東南靈龜象

六

出車長洲苑選旅朝夕川絡絡結雲騎奕奕泛戈船

七

燕駟遊京洛趙服麗有輝清歌留上客妙舞送將歸

八

實相薄五禮妙花開六塵明祥已玉燭寶瑞亦金輪

九

生薦苴蘿性身與佳惠隆飛纓入華殿屣步出重宮

十

彩鳳鳴朝陽玄鶴舞清商瑞此永明曲千載為金皇

長歌引

齊王融

周雅聽休明齊德觀升平紫煙四時合黃河萬里清

翠柳蔭通街朱闕臨高城方轂雷塵起接神風雲生

酣笑爭日夕絲管互逢迎徂年無促慮長歌有餘聲

散曲

齊王融

金枝湛明燦繡幕裂芳然層閣橫綠綺曠席絢朱纓

帝王

卷三十一

帝王

楚調廣陵散瑟柱秋風絃輕裾中山麗長袖邯鄲妍

徐歌駐行景迅節淪浮煙言願聖明主永永萬斯年

明君

隋書樂志曰梁三朝樂第十七設鼓舞唐書樂志曰明君本漢舞曲梁武帝時改其辭以歌君德

梁沈約

大梁七百始天監三元初聖功澄宇縣帝德總車書

熙熙億兆臣其志皆懽愉

刑措甫自今隆平亦肇茲神武超楚漢安用道邠岐

百拜奄來宅執玉咸在斯象天則地體無為

禮緝民用擾樂諧風自移舜琴中已絕亮衣今復垂

象天則地體無為

治兵戰六獸為邦命九官靈虵及瑞羽分素復銜丹

望就踰軒頊鏗鏘掩咸漢九尾擾成羣八象鳴相顧

象天則地化雲布

有為臣所執司契君之道運行乃四時無言信蒼昊

宸居體冲寂忘懷定天保

至德同自然裁成侔玄造珍祥委天貺靈物開地寶

窈窕降青琴參差秀朱草

明之君

梁周捨

赫矣明之君我皇邁前古機靈通日月聖敬締區宇

淮海無橫波文軌同一土樂哉太平世當歌復當舞

帝王

卷三十一

帝王

明主

梁周捨

聖主應圖錄天下咸所歸端展臨赤縣宸居法紫微

遐方奉正朔外戶闢重扉我君延萬壽福祚長巍巍

明君

梁周捨

明君班五瑞就日朝百王充庭植鸞羽鈞天奏清商

本支同中嶽良臣安四方盛明普日月兆民樂未央

君道曲

唐李白

大君若天覆廣運無不至軒后爪牙常先太山稽如

心之使臂小白鴻翼于夷吾劉葛魚水本無二土扶

一作可成牆積德為厚地

元和聖德詩 并序

唐韓愈 中

臣愈頓首再拜言臣伏見皇帝陛下即位已來誅流姦臣朝廷清明無有欺蔽外斬楊惠琳劉闢以取夏蜀東定青徐積年之叛海內怖駭不敢違越郊天告廟神靈歡喜風雨晦明無不從順太平之期適當今日臣蒙被恩澤日與羣臣序立紫宸殿陛下親望穆穆之光而其職業又在以經籍教導國子誠宜率先作歌詩以稱道盛德不可以辭語淺薄不足以自效爲解輒依古作四言元和聖德詩一篇凡千有二十四字指事實錄具載明天子

帝王

卷三

八

帝王

文武神聖以警動百姓耳目傳示無極其詩曰

皇帝即昨物無違拒曰暘而暘曰雨而雨維是元年有盜在夏欲覆其州以踵近武皇帝曰嘻豈不在我負鄙爲艱縱則不可出師征之其衆十旅軍其城下告以福禍腹敗枝披不敢保聚擲首陣外降幡夜暨疆外之險莫過蜀土韋臯去鎮劉闢守後血人于牙不肖吐口開庫啗士曰隨所取汝張汝弓汝鼓汝鼓汝爲表書求我帥汝事始上聞在列咸怒皇帝曰然嗟達士女苟附而安則且付與讀命於庭出節少府朝發京師夕至其部關喜謂黨汝振而伍蜀可全有

此不當受萬牛鬻炙萬甕行酒以錦纏股以紅帕首有恒其兇有餌其誘其出穰穰隊以萬數遂劫東川遂據城阻皇帝曰嗟其又可許爰命崇文分卒禁禦有安其驅無蒸我野日行三十徐壁其右關黨聚謀鹿頭是守崇文奉詔進退規矩戰不貪殺擒不濫數四方節度整兵頓馬上章請討俟命起坐皇帝曰嘻無汝煩苦荆并洎梁在國門戶出師三千各選爾醜四軍齊作殷其如臯或拔其角或脫其距長驅洋洋無有齟齬八月壬午闢棄城走載妻與妾包裹稚乳是日崇文入處其宇分散逐捕搜原剔藪闕窮見窘

帝王

卷三

九

帝王

無地自處俯視大江不見洲渚遂自顛倒若杵投曰取之江中枷脰械手婦女纍纍啼哭拜叩來獻闕下以告廟社周示城市咸使觀覩解脫攀索夾以砧斧婉婉弱子赤立偃僂牽頭曳足先斷腰脊次及其徒體骸撐拄末乃取闕駭汗如寫揮刀紛紜爭刈膾脯優賞將吏扶珪綴組帛堆其家粟塞其庾哀憐陣歿稟給孤寡贈官封墓周匝宏溥經戰伐地寬免租簿施令酬功急疾如火天地中間莫不順序幽恒清魏東盡海浦南至徐蔡區外雜虜怛威赦德踧踖蹈舞掉棄兵革私習簞簞來請來覲十百其軻皇帝曰吁

伯父叔舅各安爾位訓厥正元月初見宗祖  
躬執百禮登降拜俯薦于新宮視瞻梁棟感見容色  
淚落入俎侍祠之臣助我惻楚乃以上幸於郊用牡  
除于國南鱗笄毛簋廬幕周施開揭岳祠獸肩騰犁  
圓壇帖妥天兵四羅旂常婀娜駕龍十二魚雅雅  
宵昇于丘奠璧獻掌衆樂驚作轟融冶紫焰嘘呵  
高靈下墮羣星從坐錯落侈侈日君月妃煥赫嫋嫋  
瀆鬼濛鴻嶽祇業義飲沃醴薌產祥降椒鳳皇應奏  
舒翼自拊赤麟黃龍逶陀結糾卿士庶人黃童白叟  
踊躍歡呀失喜噫歐乾清坤夷境落塞舉帝車迴來

帝王

卷三十一

十

帝王

日正當年幸丹鳳門大赦天下滌濯剋磔磨滅瑕垢  
續功臣嗣拔賢任耆孩養無告仁湧施厚皇帝神聖  
通達今古聽聰視明一似堯禹生知法式動得理所  
天錫皇帝爲天下主并包畜養無異細鉅億載萬年  
敢有違者皇帝儉勤鹽濯陶瓦斥遣浮華好此締紵  
敕戒四方侈則有咎天錫皇帝多麥與黍無召水旱  
耗于雀鼠億載萬年有富無窶皇帝正直別白善否  
擅命而狂既翦既去盡逐羣姦靡有遺侶天錫皇帝  
麗臣碩輔博問遐觀以置左右億載萬年無敢予侮  
皇帝大孝慈祥悌友怡怡愉愉奉太皇后浹于族親

濡及九有天錫皇帝與天齊壽登茲太平無怠永久  
億載萬年爲父爲母博士臣愈職是訓詁作爲歌詩  
以配吉甫

皇帝感詞四首

唐盧綸中

提劍雲雷動垂衣日月明禁花呈瑞色國老見星精  
發棹魚先躍窺巢鳥不驚山呼一萬歲直入九重城

二

天香五鳳彩御馬六龍文雨露清馳道風雷翊上軍  
高旌花外轉行漏樂前聞時見金鞭舉空中指瑞雲

三

帝王

卷三十一

十一

帝王

妙算干戈止神謀宇宙清兩堦文物盛七德武功成  
校獵長楊苑屯軍細柳營歸來獻明主歌舞溢春城

四

天樂下天中雲屏儼在空鉛黃豔河漢語笑合笙鏞  
已見長隨鳳仍聞不避熊君恩親試舞閭闔靜無風  
奉和白相公聖德和平致茲休運歲終功就合  
詠盛明呈上三相公長句四韻

唐杜牧晚

行看獵破好年光萬壽南山對未央點戛可汗修職  
貢文思天子復河湟應須日御西巡狩不假星弧北



射狼吉甫裁詩歌盛業一篇江漢美宣王

太平詞二首

唐王維

風俗今和厚君王在穆清行看探花曲盡是泰階平

二

聖德超千古皇威靜四方蒼生今息戰無事覺時康

太平樂詞二首

唐白居易

歲豐仍節儉時泰更銷兵聖念長如此何憂不太平

二

湛露浮堯酒熏風起舜歌願同堯舜意所樂在人和

織錦作太平詩

新羅王德真即新羅王金真平女也平卒無子女乃嗣立爲王

帝王

卷三十一

十一

帝王

大破百濟之衆遣其弟法敏以聞德真乃織錦作五言太平詩以獻之帝喜之拜法敏爲

太府卿

唐新羅王德真

大唐開洪業巍巍皇猷昌止戈戎衣定修文繼百王

統天崇雨施理物體含章深仁諧日月撫運邁時康

幡旗何赫赫鉦鼓何鏗鏘外夷違命者翦覆被天殃

和風凝宇宙遐邇競呈祥四時調玉燭七曜巡萬方

維嶽降宰輔維帝任忠良五三成一德照我唐家光

聖明樂三首

唐張仲素

玉帛殊方至歌鐘比屋聞華夷今一貫同賀聖明君

二

海浪恬丹微邊城靖黑山從今萬里外不復鎮蕭關

三

九陌祥煙合千春瑞月明官華將苑柳先發鳳皇城

春日獻聖壽無疆

唐楊巨源

代是文明晝春當燕喜時爐煙添柳重宮漏出花遲

漢典方寬律周官正採詩碧霄傳鳳吹紅日在龍旗

造化膺神契陽和沃聖慈每因隨百獸率舞奉丹墀

玄元皇帝應見賀聖祚無疆

唐殷寅

應曆生周日修祠表漢年復茲秦嶺上更似霍山前

昔贊神功啓今符聖祚延已題金簡字仍訪玉堂仙

帝王

卷三十二

十二

帝王

睿祖光元始曾孫體又玄言因六夢接慶叶九齡傳

北闕心超矣南山壽固然無由同拜慶竊并賀陶甄

玄元皇帝應見賀聖祚無疆

唐李岑

皇綱歸有道帝系祖玄元運表南山祚神通北極尊

大同齊日月興發應乾坤聖后趨庭禮宗臣稽首言

千官欣肆覲萬國賀深恩錫宴雲天接飛聲雷地喧

祥光浮紫閣喜氣繞皇軒未預承天命空勤望帝門

玄元皇帝應見賀聖祚無疆

唐趙驊

聖主今司契神功格上玄豈唯求傳野更有叶鈞天

審夢南山下焚香北闕前道光尊聖日福應集靈年

咫尺真容近魏義大象懸觴從百寮獻形爲萬方傳  
聲教唯皇矣英威固邈然慚無美周頌徒上祝堯篇

奉和皇帝丘禮撫事述懷應制 唐李嶠初

配極輝光遠承天顧託隆資圖濟多難脫屣歸成功  
聖道昭永錫邕言尚在躬還推萬方重咸仰四門聰  
恭已忘自逸因人體至公垂旒蒼海晏解網法星空  
雲散天五色春來日再中稱觴合纓弁率舞應絲桐  
凱樂深居鎬傳歌盛飲豐小臣濫簪筆無以頌唐風  
奉和皇帝丘禮撫事述懷應制 唐陳子昂初

大君忘自我膺運居紫宸揖讓期明辟謳歌且順人

帝王 卷三十一 十四 帝王

軒宮帝圖盛皇極禮容申南面朝萬國東堂會百神  
雲陛旂裳滿天廷玉帛陳鍾石和睿思雷雨被深仁  
承平信娛樂王業本艱辛願罷瑤池宴來觀農扈春  
卑官昭夏德尊老睦堯親微臣敢拜手歌舞頌維新

古歌行 唐高適盛

君不見漢家三葉從代至高皇舊臣多富貴天子垂  
衣方晏如廟堂拱手無餘議蒼生偃臥休征戰露臺  
百金以爲費田舍老翁不出門洛陽少年莫論事

太和 唐無名氏

國門卿相舊山莊聖主移來宴綠芳簾外帳爲車馬

路花間踏出舞人場

谷鳥尚含天樂囀寒風猶帶御衣香爲報碧潭明月  
夜會須留賞待君王

庭前鵲遠相思樹井上鸚歌爭刺桐含情少婦悲春  
草多是良人學轉蓬

塞北江南共一家何須淚落怨黃沙春酒半酣千日  
醉庭前還有落梅花

我皇應運大平年四海朝宗會百川自古幾多明聖  
主不如今帝勝堯天

謝往桂林至彤庭竊詠 唐李商隱晚

中宮 卷三十一 十五 中宮

辰象森羅正鉤陳翊衛寬魚龍排百戲劍佩儼千官  
城禁將開晚宮深欲曙難月輪移口口仙路下闌干  
共賀高祺應將陳壽酒歡金星壓芒角銀漢轉波瀾  
王母來空闕義和上屈盤鳳皇傳詔旨獬豸冠朝端  
造化中台座威風大將壇甘泉猶望幸早晚尅呼韓

中宮部 后妃

○后妃 中宮詩 晉成公綏

天地不獨立造化由陰陽乾坤垂覆載日月耀重光  
治國先家道立教起閨房二妃濟有虞三母隆周王

塗山興大禹有莘佐成湯齊晉霸諸侯皆賴姬與姜  
關雎思賢妃此言安可忘

中宮歌詩

晉張華

先王統大業元化漸八維儀刑乎萬邦內訓崇宮闈  
皇英垂帝則大雅詠三妃含章體柔順率禮蹈謙祗  
龜斯弘慈惠樛木逮幽微微音穆清風高義邈不追  
貴榮參日月舉世仰餘輝

聞奉迎皇太后使沈判官至因有此作

唐劉長卿

長樂宮人掃落花君王正候五雲車萬方臣妾同瞻

中宮

卷三十一

六

中宮

望疑在曾城阿母家

陪幸昭容院獻詩四首

景龍四年三月十一日

唐鄭愔

地軸樓居遠天台闕路賒何如遊帝宅即此對仙家  
座拂金壺電池搖玉灑霞無云秦漢隔別訪武陵花

二

堯次姑射近漢苑建章連十五  
堯知月三千桃紀年  
鸞歌隨鳳吹鶴舞向鵲絃更覓瓊妃伴來過玉女泉

三

宮掖賢才重山林高尚難不言辭輦地更有結廬歡

四

池棟清溫燠巖懸起沍寒幽亭有仙桂聖主萬春看

槎流天上轉茅宇禁中開河鵠填橋至山熊避檻來  
庭花採棗薦巖石步薜苔願奉輿圖泰長聞錦翰裁

李夫人

唐李賀

紫皇宮殿重重開夫人飛入瓊瑤臺綠香繡帳何時  
歇青雲無光宮水咽翩聯桂花墜秋月孤鸞驚啼商  
絲發紅壁蘭珊懸珮璫歌臺小妓遙相望玉蟾滴水  
鷄人唱露華蘭葉參差光

儲官部

皇太子

儲官

卷三十一

十七

皇太子

○皇太子

重光詩

梁劉孝威

重光儲后宣制義也

赫赫重光明明二聖帝作儲述禮和樂正中衢置酒  
高堂懸鏡其酌不窮其明愈盛德音孔昭民胥攸詠  
明明二聖赫赫重光風神灑落容止汪洋瞻彼談扇  
載仰載揚何斯天辯如圭如璋顏閔由席游夏升堂  
以卿以士惟公惟王思媚儲后顧哉樂康芄芃黍苗  
陰雨膏之詵詵纓冕儲王導之道之以禮齊之以仁  
禮則探聖言則窮神訓于四國覃于萬民

奉和簡文帝太子

梁劉孝威

太子天下本元良萬國貞周朝推上嗣漢代紀重明  
前星涵瑞彩海雷揚遠聲三善傳樂正百行紀司成  
九流遍已辨七經咸所精博聞強子政高才陵長卿  
禮尊逾屈已德盛益卑情仙氣貽鍾相儒道推桓榮  
延賢博望苑視膳長安城園綺隨金輅浮丘侍玉笙  
智囊前斂笏端士後垂纓九仙良所重四海更誰傾  
班輸同策乘甲館齊蓬瀛

觀賀皇太子册命

唐殷文珪

嗣册儲皇帝命行萬方臣妾躍歡聲鸞旆再立星辰

儲官

卷三十一

十八

皇太子

正雉扇雙開日月明自有漢元爭翌戴不勞商皓定  
欽傾春宮保傅皆周召致主何憂不太平

上幸皇太子新院應制

貞觀十七年太宗立子

子遊觀習射太子辭以非所好願得奉至尊  
居膝下太宗大喜乃營寢殿側為別院使太  
子居之太宗每視朝皇  
太子常侍觀決庶政  
唐盧僊

佳氣曉葱葱乾行入震宮前星迎北極少海被南風

視膳銅樓下吹笙玉座中訓深家以正義舉俗為公

父子成釗合君臣禹啓同仰天歌聖道猶愧乏雕蟲

奉和同太子監守違戀

永淳元年四月高宗以

幸東都留太子監國  
使劉仁軌詩元起輔之

唐韓王元嘉

乾象開層構離明啓少陽上征從獻吉一作守器屬  
元良邈矣凌周誦遙哉掩漢莊好士傾南洛多才盛  
北場地分丹鷲嶺途間白雲鄉儲誠虔曉夕宸愛積  
炎涼珠壁連霄漢萬物仰重光

奉和同太子監守違戀

唐薛元超

儲禁銅扉啓宸行玉輅遙空懷壽街吏尚隔寢門朝  
地首瞻龍戟空中想鳳鑣飛文映仙榜瀝思叶神飀  
帝念紆蒼陸乾文煥紫霄歸塘橫筆海平圃振詞條  
欲應重輪曲鏘洋韻九韶

侍宴華光殿曲水奉敕為皇太子作

儲官

卷三十一

十九

皇太子

齊謝朓

旁求遠古逖聽鴻名太寶曰位得一為貞朱綈叶祉  
綠宇摘英升配同貫進讓殊聲

大橫將屬會昌已命國步中徂震居膺慶璽劍先傳

龜玉增映宗堯有緒復禹無競

嘉樂舊矣芳宴在斯載留神囑有睟天儀龍精已映

威仰未移葉依黃鳥花落春池

登賢博望獻賦清漳漢貳稱敏魏兩垂芳監撫有則

匕鬯無方瞻言守器永愧元良

侍太子宴玄圃詩

齊王儉

明明儲后沖默其量徘徊禮樂優游風尚微言外融  
樂神內王就日齊暉儀雲等望本茂條榮源澄流潔  
漢稱閭平周云魯衛咨我藩華方軼前軌草木搖落  
幽蘭獨芳眷言淄苑尚想濠梁既暢旨酒亦飽徽猷  
有來斯悅無遠不柔

侍皇太子樂遊苑

梁簡文帝

離光麗景神英春裕副極儀天金鏘玉度監撫昭明  
善物宣布惠潤現瓊澤熙垂露秋晨精曜駕動宮闈  
庭迴鶴蓋水照犀衣

宴樂脩堂應令

陳江總

儲宮

卷三十一

二十

皇太子

肅城通甲觀承華啟畫堂北營降恩賞西園度羽觴  
殊私奉玉裕終宴在金房庭暉連樹彩簷影接雲光  
仙如伊水駕樂似洞庭張彈絲命琴瑟吹竹動笙簧  
庸疎濫應阮衰朽忝連章

侍宴東宮應令

隋于仲文

銅樓充震位銀榜集嘉賓青宮列紉纓紫陌結朱輪  
絃調寶瑟曲歌動畫梁塵金卮傾斗酒瓊筵列八珍  
花驚度翠羽萍散躍頰鱗承恩叨竝作扣一作和寂繞  
陽春

侍皇太子宴應令

隋沈君道

副君監撫暇禁苑暫停車水落金沙淺雲高玉葉疎  
隨厨白羽駕逐釣紫鱗魚飽德良無已榮陪終宴餘

同江詹事登宮城南樓

陳徐陵

元良屬上德率土被中孚漢幄朝無怠周門夕復趨  
恒經既受業賀拜且尊儒壯志諧風雅高文會斗樞  
鏗鏘叶舞蹈炤爛等琨瑜清水慚雄伯潭川仰大巫  
鮑魚寧入俎釣鰲匪克厨叔譽恒詞屈防年豈濫誅  
追從戀輿夕頻戲下

隋虞世南

重輪依紫極前曜奉丹霄天經總宸宸帝命扈仙鑣  
乘星開鶴禁帶月下虹橋銀書含曉色金輅轉晨飈

儲宮

卷三十一

二十一

皇太子

霧徹軒營近塵暗斗城遙蓮花分秀萼竹箭下驚潮  
撫已慚熊幹承恩集鳳條瑤山盛風樂抽簡薦徒謠  
奉和禁苑餞別應令

唐褚亮

大蕃初錫瑞出牧邇皇京暫以綠車重言承朱傳榮  
舒桃臨遠騎垂柳映軍營惠化宣千里威風動百城  
禁籞芳嘉節神襟餞送情金輅催別景玉管切離聲  
野花開更落山鳥啼還驚微臣夙多幸薄宦奉儲明  
鈞臺慙作賦伊水濫聞笙懷德良知久酬恩識命輕

詩雋類函卷三十一

詩集類函卷三十三

東吳俞安期彙纂 宣城梅鼎祚增定

雲間楊忠裕訂校

帝戚部 諸王 公主 駙馬

○諸王

奉和隨王殿下十一首 齊謝朓

高秋夜方靜神居肅且深閒階塗廣露涼宇澄月陰  
嬋娟影池竹疎蕪散風林淵情叶爽節詠言興德音  
闇道空已積千直愧蓬心

二

帝戚 卷三十三

諸王

星回夜未艾洞房凝達情雲陰滿池榭中月懸高城  
喬木含風霧行鴈飛且鳴平臺盛文雅西園富羣英  
芳慶良永矣君王嗣德聲眷此伊洛詠載懷汾水情  
顧已非麗則恭惠奉仁明觀淄詠已失慨然愧簪纓

三

神心遺魏闕中想顧汾陽肅景懷辰豫拍袂翦山楊  
池光草合亭皋遠霞生川路長端坐聞鶴引靜悲愴  
復傷懷哉泉石思歌詠鬱瓊相春塘多迭駕言從伊  
與商交職眷英覽獨善伊何忘願輟東都達弘道侍

云梁

四

睿心重離析岐路清江隈四面寒威舉千里白雲來  
川長別管思地迴翻旗回還顧昭陽闕超遠章華臺  
置酒巫山日爲君停玉杯

五

念深冲照廣業闡清化玄端儀穆金殿敷教藻瓊筵  
船湛輕帷藹磬轉芳風旋卷轡栖道樹方津棹法舫  
歸興憑大造昭塗良易筌

六

帝戚 卷三十三

諸王

愴愴緒風興與祁祁族雲布嚴氣集高軒稠陰結寒樹  
日月謬論思朝夕承清豫徒藉小山文空揖章臺賦

七

肅景遊清都脩簪待蘭室累榭疎遠風廣庭麗朝日  
穆穆神儀靜惜惜道言密一餐繫靈表無吝科年曆

八

清房洞已靜閒風伊夜來雲生樹陰遶軒廣月容開  
宴私移燭飲遊賞藉琴臺風猷冠溜鄴衽烏愧唐枚

九

方池含積水明月流皎鏡規荷承日滋影鱗與風泳



上善叶淵心止川測動性幸是方春來側點游濠盛

十

炎光缺風雅宗霸拯時淪龍德待雲霧令圖方再展  
歲遠荒城思霜華宿草陳英威遽如是徘徊岐路人

十一

年華豫已滌夜艾賞方融新萍時合水弱草未勝風  
閨幽琴易響臺迴月難中春物廣餘照蘭萱佩未窮

出蕃曲

齊謝朓

雲枝紫微內分組承明阿飛艤迴極浦旌節去關河  
眇眇蒼山色沈沈寒水波鏡音已淪曲簫鼓盛唐歌

帝戚

卷三十三

三

夫君邁惟德江漢仰清和

答譙王

隋于仲文

梧臺開廣宴竹苑列英賢景差方入楚樂毅始遊燕  
折角揮談柄重席吐言泉武騎初擒翰文學正題鞭  
玉微調綠綺壁散沈沈青田晚霞澹遠岫落景藻長川  
未陪東閣賞獨詠西園篇

贈溫駙馬汝陽王

後見駙馬

唐徐鼎初

疇昔承餘論文章幸濫推夜陪銀漢賞朝奉桂山詞  
梁郎調歌日秦樓按舞時登高頻作賦體物屢爲詩  
連騎長秋下浮觴曲水湄北堂留上客南陌送佳期

憶昨陪臨泛于今阻宴私再看冬雪滿三見夏花滋  
都尉朝青閣淮王侍紫墀寧知倦遊者華髮老京師

贈特進汝陽王

唐杜甫

特進羣公表天人夙德升霜蹄千里駿風翻九霄鵬  
服禮求毫髮推忠忘寢興聖情常有眷朝退若無憑  
仙醴來浮蟻奇毛或賜鷹清關塵不雜中使日相乘  
晚節嬉遊簡平居孝義稱自多親棣萼誰敢問山陵  
學業醇儒富辭華哲匠能筆飛鸞聳立章罷鳳鸞騰  
精理通談笑忘形向友朋寸腸堪繼緒一諾豈驕矜  
已忝歸曹植何如對李膺招要恩屢至崇重力難勝

帝戚

卷三十三

四

諸王

披霧初歡夕高秋爽氣澄樽罍臨極浦鳬鴈宿張燈  
花月窮遊宴炎天避鬱蒸硯寒金井水簷動玉壺冰  
瓢飲唯三巡巖栖異一勝謬持蠡測海況挹酒如瀉  
鴻寶寧全秘丹梯庶可陵淮王門有客終不愧孫登

戲作寄上漢中王

唐杜甫

謝安舟楫風還起梁苑池臺雪欲飛杳杳東山攜妓  
去冷冷脩竹待王歸

戲題寄上漢中王

唐杜甫

羣盜無歸路衰顏會遠方尚憐詩警策猶憶酒顛狂  
魯衛彌尊重徐陳畧喪亡空餘枚叟在應念早升堂

奉漢中王手札

唐杜甫

國有乾坤大王今叔父尊剖符來蜀道歸蓋取荆門  
峽險通舟過江長注海奔主人留上客避暑得名園  
前後緘書報分明饌玉恩天雲浮絕壁風竹在華軒  
已覺良宵永何看駭浪翻入期朱邸雪朝笏紫微垣  
枚乘文章老河間禮樂存悲秋宋玉宅失路武陵源  
淹薄俱唯口東西異石根夷音迷咫尺鬼物傷黃昏  
犬馬誠爲戀狐狸不足論從容草奏罷宿昔奉清樽

寄上吳王二首

唐李白

淮王愛八公攜手綠雲中小子忝枝葉亦攀丹桂叢  
帝戚

卷三十三

五

諸王

謬以詞賦重而將枚馬同何日背淮水東之觀土風

二

英明廬江守聲譽廣平籍灑掃黃金臺招邀青雲客  
客曾與天通出入清禁中義王憐宋玉願入蘭臺宮

永王東巡歌十一首

唐李白

永王正月東出師天子遙分龍虎旗樓船一舉風波  
靜江漢翻爲鴈鷺池

三川北虜亂如麻四海南奔似永嘉但用東山謝安

石爲君談笑靜胡沙

雷鼓嘈嘈喧武昌雲旗獵獵過潯陽秋毫不犯三吳

悅春日遙看五色光

龍蟠虎踞帝王州帝子金陵訪古丘春風試暖昭陽  
殿明月還過鳩鵲樓

二帝巡遊俱未回五陵松柏使人哀諸侯不救河南  
地更喜賢王遠道來

丹陽北固是吳關畫出樓臺雲水間千巖烽火連滄  
海兩岫旌旗遠碧山

王出三江按五湖樓船跨海次陪都戰艦森森羅虎  
士征帆一一引龍駒

長風挂席勢難回海動山傾古月摧君看帝子浮江  
帝戚

卷三十三

六

諸王

日何似龍驤出峽來

祖龍浮海不成橋漢武潯陽空射蛟我王樓艦輕秦  
漢却似文皇欲渡遼

帝寵賢王入楚關掃清江漢始應還初從雲夢開朱  
邱更取金陵作小山

試借君王玉馬鞭指麾戎虜坐瓊筵南風一掃胡塵  
靜西入長安到日邊

巢王座韻得餘詩

隋薛昉

平臺愛賓友縫掖齒簪裾藉丹懷春暮開襟近夏初  
嫩枝猶露鳥細藻欲藏魚舞袖臨飛閣歌聲出綺疏

莫慮歸衡晚馳輪待興餘

修書院學士奉敕宴梁王宅賦得門字

唐魏元忠初

大君敷宴賞萬乘下梁園酒助閒平樂人霜雨露恩榮光開帳殿佳氣滿旌門願陪南嶽壽長奉北宸尊

修書院學士奉敕宴梁王宅賦得樹字

唐張說初

虎殿成鴻業猿巖題鳳賦既荷大君恩還蒙小山遇秋吹迎管絃涼雲生竹樹共惜朱邸歡無辭洛城暮

岐王山亭

唐張諤初

帝戚

卷三十三

七

諸王

王家旁綠池春色正相宜豈有樓臺好兼看草樹奇石榴天上葉椰子日南枝出入門裏年年樂未移

過大哥宅

唐玄宗

魯衛情先重親賢愛轉多冕旒豐暇日乘景暫經過戚里申高宴平臺奏雅歌復尋為善樂方驗保山河

奉和聖製過寧王宅應制

唐張說初

進酒忘憂觀簫韶喜降尋帝堯敦族禮王季友兄心竹苑龍鳴笛梧宮鳳繞林大風將小雅一字盡千金

過大哥山池

唐玄宗

澄潭皎鏡石崔嵬萬壑千巖暗綠苔林臺自有幽真

趣况復秋深爽氣來

奉和聖製遊寧王山池

唐張說初

池如明鏡月華開山學香爐雲氣來神藻飛為鶴鵠賦仙聲騰出鳳凰臺

同王真公主過大哥山池題石壁

唐玄宗

地有招賢處人傳樂善名鵞池尋九達龍岫對層城桂葉先秋冷蘋風向晚清鳳樓遙可見彷彿玉簫聲奉和聖製同王真公主過寧王山池題石壁應

制

唐張說初

帝戚

卷三十三

八

諸王

綠竹初成苑丹砂欲化金乘龍與驂鳳歌吹滿山林爽氣凝情迴寒光映浦深忘憂題此觀為樂賞同心

敕賜寧王山池宴

開元二年春上幸寧王第叙家

專皆令稟于寧王上曰大哥唐張九齡初

賢王有池館明主賜春遊淑氣林間發恩光水上浮徒參和鼎地終謝巨川舟皇澤空如此經生莫可酬

寧王山池

唐范朝盛

水勢臨階轉峯形對路開槎從天上得石是海邊來瑞草分叢種祥花間色裁舊傳詞賦客唯見有鄒枚

宴吳王宅

唐祖詠盛

吳王承國寵列第禁城東連夜徵詞客當春試舞童  
砌分池水岸窓度竹林風更待西園月金樽樂未終

宴吳王宅

唐薛稷

玉管簫聲合金盆酒色殷聽歌吳季札縱飲漢中山  
稱壽爭離席留歡輒上關莫言辭客醉猶得曳裾還

宴曹王宅

唐錢起

賢王駟馬還朝初小苑三春帶雨餘林沼葱龍多貴  
氣樓臺隱映接天居仙雞引敵穿紅藥宮燕銜泥落  
綺疏自歎平生相識願何如今日廁應徐

奉和別越王

唐李敬玄

帝戚 卷三十一

九 諸王

飛蓋迴蘭坂宸襟佇柏梁別館分涇渭歸路指衡漳  
關山通曙色林籩徧春光帝念紆千里詞波照五潢

奉和別越王

唐張大安

盛藩資右戚連萼重皇情離襟愴睢苑分途指鄴城  
麗日開芳甸佳氣積神京何時驂駕入還見謁承明

奉和別越王

唐劉禕

周屏辭金殿梁驂整玉珂管聲依折柳琴韻動流波  
鶴蓋分陰促龍軒別念多延襟小山路還起大風歌

奉和別魯王

唐楊思玄

元王詩傳博文后寵靈優鶴蓋動宸眷龍章送遠遊

函關疏別道灞岸引行舟北林分苑樹東流溢御溝  
鳥聲含羽碎騎影曳花浮聖澤九垓普天文七曜周  
方圖獻雅樂簪帶奉鳴球

奉和別魯王

唐李敬玄

綠車旋楚服丹蹕佇秦川珠臯轉歸騎金岸引行旂  
一朝限原隔千里間風煙鶯喧上林谷鳬響御溝前  
斷雲移魯蓋離歌動舜絃別念凝神宸崇恩洽玳筵  
顧惟慚叩寂徒自仰鈞天

行過康王故第詩

梁劉孝儀

入梁逢故苑度薛見餘宮尚識招賢閣猶懷愛士風

帝戚

卷三十一

十一 公主

光靈一超遠衡館亦蒙龍洞門餘舊色甘棠留故叢  
送禽悲不去過客慕難窮池竹徒如在林臺暖已空  
遠橋隔樹出迴澗隱嵯通芳流小山桂塵起大王風  
具物咸如此是地感余衷空想陵前劍徒悲壘上童  
○公主

安樂公主移入新宅

唐趙彥昭

雲物中京曉天人外館開飛橋像河漢懸觴學蓬萊  
北闕臨仙檻南山送壽杯一窺輪奐畢慙慙棟梁材

安樂公主移入新宅

唐李適

星橋他日創仙榜此時開馬向鋪錢埽簫聞奏玉臺

人疑衛叔美客似長卿才借問遊天漢誰能取石廻

安樂公主移入新宅

唐沈佺期 初

初聞衡漢來移住斗城隈錦帳迎風轉瓊筵拂霧開  
馬香遺舊埒鳳吹繞新臺爲問沈冥子仙槎何處廻

侍宴安樂公主移入新宅

唐武平一 初

紫漢秦樓敞黃山魯館開簪裾分上席歌舞列平臺  
馬旣如龍至人疑學鳳來幸欣聯棣萼何以接鄒枚

宴安樂公主宅得空字

唐宋之問 初

英藩築外館愛主出王宮賓至星槎落仙來月宇空  
玳梁翻賀燕金埒倚晴虹簫去秦臺裏書開魯壁中

帝戚

卷三十三

十一 公主

短歌能駐日艷舞欲嬌風聞有淹留處山阿滿桂叢

夜宴安樂公主宅

中宗與修文館學士宴樂賦詩每命彥伯爲之序文彩華

緝夜宴安樂公主新第彥伯序云言容有典  
鳴璫節珮登繡軸之珣軒花綬香  
纓帶澤壺之青瑣言言駟馬也

唐徐彥伯 初

鳳樓開闔映明光花酌連添醉益香欲知帝女薰天

貴金歌玉柱夜成行

夜宴安樂公主宅

唐李適 初

銀河半倚鳳皇臺玉酒相傳鸚鵡杯右見君平須借

問仙槎一去幾時

夜宴安樂公主宅

唐盧藏用 初

侯家主第一時新上席華年不惜春珠光綴月那知  
夜玉竿流霞畏抵晨

夜宴安樂公主宅

唐薛稷 初

秦樓宴喜月徘徊妓筵銀燭滿庭開坐中春氣排花  
出扇後歌聲逐酒來

夜宴安樂公主宅

唐韋元旦 初

主第新成銀作牋賓筵廣宴玉爲樓壺觴旣卜仙人  
夜歌舞疑停織女秋

夜宴安樂公主宅

唐李迥秀 初

帝戚

卷三十三

十二 公主

金牋岩崑雲裏開玉簫參差天際廻莫驚側弁還歸  
路祇爲平陽歌舞催

夜宴安樂公主宅

唐李乂 初

牽牛南渡象昭回學鳳樓成帝女來平日鷓鴣歌舞  
席方宵鸚鵡獻酬杯

夜宴安樂公主宅

唐蘇頌 初

車如流水馬如龍仙史高臺十二重天上初移衡漢  
匹可憐歌舞夜相從

夜宴安樂公主宅

唐武平一 初

王孫帝女下仙臺金牋珠簾入夜開遽惜瓊筵歡正

洽惟愁銀箭曉相催

侍從過公主南宅侍宴探得風字應制

唐張易之初

逐賞平陽第鳴笳上苑東鳥啼千戶竹蝶舞萬花叢  
時攀小山桂共挹大王風坐客無勞起秦蕭曲未終

奉和幸安樂公主山莊應制

安樂公主中宗最

主生解天以祿之名曰寒兒妹秀辨敏而愛  
之嫁武崇訓景龍二年十一月巳卯以安樂  
公主出降假皇后仗出於禁中以感其儀帝  
及后御安福樓以觀之禮畢大赦天下賜酺  
三日帝復位光艷動天下嘗幸臨川長公主  
宅以爲第第微民慮怨聲喧然第成禁藏空  
殫假萬騎仗內音樂送主還第景龍三年八  
月三日天子親幸山莊宴近臣學士趙彥昭

帝戚

卷三十三

十三公主

等因令賦詩  
賜繒帛有差

唐趙彥昭初

六龍齊軫御朝曦雙鷁維舟下綠池飛觀仰看雲外  
聳浮橋直見海中移靈泉巧鑿天孫渚孝節能抽帝  
女枝幸得一生同草樹年年歲歲樂於斯

奉和安樂公主山莊應制

唐蕭至忠初

西郊窈窕鳳皇臺北渚平明法駕來匝地金聲初度  
曲周堂玉溜且傳杯灣路分游畫舟轉巖門相向碧  
亭開微臣此時承宴樂髣髴疑從星漢迴

奉和幸安樂公主山莊應制

唐李迥秀初

詰旦重門開警蹕傳言太主奉山林是日迴輿羅萬

駟此時歡喜賜千金鷺羽鳳簫參樂曲拔園竹徑接  
帷陰手舞足蹈方無已萬年千歲奏薰琴

奉和幸安樂公主山莊應制

唐劉憲初

主家別墅帝城隈無勞海上覓蓬萊香石懸流平地  
起危樓曲閣半天開庭莎作薦舞行出浦樹相將歌  
棹迴此日風光與形勝祇言併伴聖詞來

奉和幸安樂公主山莊應制

唐岑羲初

銀榜重樓出霧開金輿步輦向天來泉聲迴入吹簫  
曲山勢遙臨獻壽杯帝女含笑流飛電乾文動色象  
昭回誠願北極拱堯日微臣行舞詠康哉

帝戚

卷三十三

十四公主

奉和幸安樂公主山莊應制

唐薛稷初

主家園囿極新規帝郊遊豫奉天儀歡宴瑤臺鑄京  
集賞賜銅山蜀道移曲閣交映金精板飛花亂下珊  
瑚枝借問今朝八龍駕何如昔日望仙池

奉和幸安樂公主山莊應制

唐蘇頲初

駸駸羽騎歷城池帝女樓臺向晚披露酒旌旗雲外  
出風迴巖岫雨中移當軒半落天河水遶逕全低月  
樹枝簫鼓宸遊陪宴日和鳴雙鳳喜來儀

奉和幸安樂公主山莊應制

唐沈佺期初

皇家貴主好神仙別業初開雲漢邊山出盡如鳴鳳



嶺池成不讓飲龍川妝臺翠幌教春住舞閣金鋪借  
日懸敬從乘輿來此地稱觴獻壽樂鈞天

奉和幸安樂公主山莊應制 唐李適 初

平陽金勝鳳皇樓泌水銀河鸚鵡洲綵仗遙尋丹轂  
裏仙輿蹙幸綠亭幽前池錦石蓮花艷後嶺香鑪桂  
蕊秋貴主稱觴萬年壽還輕漢武濟汾遊

奉和幸安樂公主山莊應制 唐李乂 初

金輿玉輦背三條水閣山樓望九霄野外初迷七聖  
道河邊忽覩二靈橋懸冰滴滴依亂箭清吹冷冷雜  
鳳簫向晚平陽歌舞合前溪更轉木蘭橈

帝戚 卷三十三 五十一 公主

奉和幸安樂公主山莊應制 唐韋元旦 初

銀河南渚帝城隅帝輦平明出九衢刻鳳蟠螭凌桂  
邸穿池疊石寫蓬壺簫暫下鈞天樂綺綴長懸明  
月珠仙榜承恩爭既醉方知朝野更歡娛

奉和幸安樂公主山莊應制 唐盧藏用 初

皇女瓊臺天漢潯星橋月宇創山林飛蘿半拂銀題  
影瀑布環流玉砌陰菊浦香隨鸚鵡泛簫樓韻逐鳳  
皇吟瑤池駐蹕恩方久璧月無文興轉深

奉和幸安樂公主山莊應制 唐馬懷素 初

主家臺沼勝平陽帝幸歡娛樂未央掩映明窓交極

浦參差繡戶繞迴塘泉聲百處傳歌曲樹影千重對  
舞行聖酒一霑何以報唯欣聖德奉時康

奉和幸安樂公主山莊應制 唐宗楚客 初

玉樓銀榜枕嚴城翠蓋紅旂列禁庭日映層巖圖畫  
色風搖雜樹管絃聲水邊重閣含飛動雲裏孤峰類  
削成幸覩八龍遊閭苑無勞萬里訪蓬瀛

奉和初春幸太平公主南莊應制

唐趙彥昭 初

主第巖局架鵲橋天門閭闔降鸞鑣歷亂旌旂轉雲  
樹參差臺榭入煙霄林間花雜平陽舞谷裏鶯和弄

帝戚 卷三十三 十六 公主

玉簫已陪沁水追歡日行奉茅山訪道朝

奉和初春幸太平公主南莊應制

唐蘇頌 初

主第山門起灞川宸遊風景入初年鳳皇樓下交天  
仗烏鵲橋邊敞御筵往往花間逢綵石時時竹裏見  
紅泉今朝扈蹕平陽館不羨乘槎雲漢邊

奉和初春幸太平公主南莊應制

唐宋之問 初

青門路接鳳皇臺素湓宸遊龍騎來澗草自迎香輦  
合巖花應侍御筵開文移北斗成天象酒近南山作

壽杯此日侍臣將石去共歡明主賜金迴是日中宗皇帝命上官昭容品第羣臣所賦詩以之問此詩爲冠

奉和初春幸太平公主南莊應制

唐沈佺期初

主家山第早春歸御輦春遊繞翠微買地鋪金曾作  
埽尋河取石舊支機雲間樹色千花滿竹裏泉聲百  
道飛自有神仙鳴鳳曲併將歌舞報恩暉

奉和初春幸太平公主南莊應制

唐李嶠初

主家山第接雲開天子春遊動地來羽騎參差花外  
帝戚卷三十三 十七公主

轉電旌搖曳日邊迴還將石溜調琴曲更取峯霞入  
酒杯鸞輅已辭烏鵲渚簫聲猶遶鳳皇臺

奉和初春幸太平公主南莊應制

唐邵升初

沁園佳麗奪蓬瀛翠壁紅泉繞上京二聖忽從鸞殿  
幸雙仙正下鳳樓迎花含步輦空聞出樹雜惟宮畫  
裏成無路乘槎窺漢渚徒知訪卜就君平

幸太平公主南莊應制

唐李邕初

傳聞銀漢支機石復見金輿出紫微織女橋邊烏鵲  
起仙人樓上鳳皇飛流風入座飄歌扇濕水當階滅

舞衣今日還同犯斗牛乘槎共泛海潮歸

侍宴長寧公主東莊

唐劉憲初

公主林亭地清晨降玉輿畫橋飛渡水仙閣涌臨虛  
晴新看蛺蝶夏早摘芙蓉文酒娛遊盛欣叨侍從餘

侍宴長寧公主東莊

唐鄭愔初

公門襲漢環主第稱秦玉池架祥鱣宇山吹鳴鳳曲  
拂席薜蘿垂迴舟芰荷觸平陽妙舞處日暮清歌續

侍宴長寧公主東莊應制

唐李乂初

紫禁乘雷動青門訪水嬉上台鱣席慶仙女鳳樓期  
合宴簪紳滿承恩雨露滋北宸還捧日東館幸逢時

帝戚

卷三十三

十八公主

侍宴長寧公主東莊應制

唐崔湜初

芳園東郭外鸞駕一遊盤水榭宜時陟山樓尚晚看  
席臨天女貴林接近臣歡聖藻懸辰象微臣竊仰觀

侍宴長寧公主東莊應制

唐李嶠初

別業臨青甸鳴鸞降紫霄長筵駕鸞集仙管鳳皇調  
樹接南山近煙含北渚遙承恩咸已醉戀賞未還鑣

侍宴長寧公主東莊應制

唐李適初

鳳樓紆睿幸龍舸暢宸襟歌舞平陽第園亭沁水林  
山花添聖酒澗竹繞薰琴願奉瑤池駕千春侍德音

奉和幸長寧公主莊應制

唐李乂初

平陽館外有仙家沁水園中好物華地出東郊迴日  
駭城臨南斗度雲車風泉韻繞幽林竹雨霞光搖雜  
樹花已慶時來千億壽還言日暮九重賒

玉真公主歌

因其入道  
故爲此歌

唐高適

常言龍德本天仙誰謂仙人每學仙更道玄元指李  
日多於王母種桃年

仙宮仙府有真仙天寶天仙祕莫傳爲問軒皇三百  
歲何如大道一千年

玉真公主山居

唐儲光義

山北天泉苑山西鳳女家不言沁園好獨隱武陵花

帝戚

卷三

十九

公主

奉和聖製幸玉真公主山莊因題石壁十韻之  
作應制

唐王維

碧落風煙外瑤池道路賒如何連帝苑別自有仙家  
此地迴鸞駕緣溪轉翠華洞中開日月牕裏發雲霞  
庭養沖天鶴溪留上漢槎種田生白玉泥竈化丹砂  
谷靜泉逾響山深日易斜御羹和石髓香飯進胡麻  
大道今無外長生詎有涯還瞻九霄上來往五雲車

題玉真觀公主山池院

唐司空曙

香殿留遺影春朝玉戶開羽衣重素几珠網儼輕埃  
石自蓬山得泉經太液來柳絲遮綠浪花粉落青苔

鏡掩鸞空在霞消鳳不迴唯餘古桃樹傳是上仙栽

九日蔡國公主樓

唐劉長卿

主第人何在重陽客暫尋水餘龍鏡色雲罷鳳簫音  
暗牖藏昏曉蒼苔換古今晴山卷幔出秋草閉門深  
籬菊仍新吐庭槐尚舊陰年年畫梁燕來去豈無心  
經東都安國觀九仙公主舊院作

唐劉禹錫

仙院御溝東今來事不同門開青草日樓閉綠楊風  
將犬昇天路披雲赴月宮武皇曾駐蹕親問主人翁

○駙馬

帝戚

卷三

二十

駙馬

贈溫駙馬汝陽王

前見諸王

唐徐晶

疇昔承餘論文章幸濫推夜陪銀漢賞朝奉桂山詞  
梁邱調歌日秦樓按舞時登高頻作賦體物屢爲詩  
連騎長秋下浮觴曲水湄北堂留上客南陌送佳期  
憶時陪臨泛于今阻宴私再看冬雪滿三見夏花滋  
都尉朝青閣淮王侍紫墀寧知倦遊者華髮老京師

走筆贈獨孤駙馬

唐李白

都尉朝天躍馬歸香風吹人花亂飛銀鞍紫鞵照雲  
日左顧右盼生光輝是時僕在金門裏侍詔公車謁  
天子長揖蒙垂國士恩壯心剖出酬知己一別蹉跎

朝市間青雲之交不可攀儻其公子重回顧何必侯  
羸長抱關

贈崔禮駙馬

唐王建中

鳳皇樓閣連宮樹天子崔郎自愛貧金埒減添栽藥  
地玉鞭平與賣書人家中絃管聽常少分外詩篇看  
即新一月一迴陪內宴馬蹄猶厭踏香塵

酬于駙馬二首

唐楊巨源中

綺陌塵香曙色分碧山如畫又逢君蛟藏秋月一片  
水驥鑣晴空千尺雲戚里舊知何駙馬詩家今得鮑  
參軍陽和本是煙霄曲願向花間次第聞

帝戚

卷三十三

三

駙馬

芳時碧落心應斷今日清詞事不同瑤草秋殘仙圃  
在綵雲天遠鳳樓空晴花曾送金羈影涼葉還生玉  
簾風長得聞詩歡自足會看春露濕蘭叢

奉和楊駙馬六郎秋夜即事

唐王維盛

高樓月似霜秋夜鬱金堂對坐彈盧女同看舞鳳凰  
少兒多送酒小玉更焚香結束平陽騎明朝入建章

鄭駙馬潛曜宅宴洞中

唐杜甫盛

主家陰洞細煙霧留客夏簾青琅玕春酒杯濃琥珀  
薄冰漿碗碧碼碯寒誤疑茅堂過江麓已入風磴靈  
雲端自是秦樓壓鄭谷時聞雅珮聲珊珊

過楊駙馬亭子

唐錢起中

衣冠在漢庭臺榭接天成彩鳳翻簫曲祥鱣入館名  
歌鐘芳月曙林嶂碧雲生亂水歸潭淨高花映竹明  
還朝追宴樂開閣一作醉醉簪纓長袖留嘉客栖鳥下  
禁城

宴崔駙馬玉山別業

唐錢起中

金觴開青鎖驕奢半隱淪玉簫惟送酒羅袖愛留賓  
竹館煙催暝梅園雪誤春滿朝辭賦客盡是入林人

宴楊駙馬山池

唐韓翃中

垂楊拂岸草茸茸繡戶簾前花影重鱸下玉盤金縷

帝戚

卷三十三

三

駙馬

細酒開金甕綠醅濃中朝駙馬何平叔南國詞人陸  
士龍落日泛舟同醉處回潭百丈映千峯

劉駙馬水亭避暑

唐劉禹錫中

千竿竹翠數蓮紅水閣虛涼玉簟空琥珀瓊紅疑瀉  
酒水晶簾密更通風賜冰滿盃沈朱實法饌盈盤覆  
碧籠盡日逍遙避煩暑再三珍重主人翁

宴駙馬宅

唐張蠙晚

牙香禁樂鎮相携日日君恩降紫泥紅藥院深入半  
醉綠楊門掩馬頻嘶座中古物多仙意壁上新詩有  
御題別向庭蕪置吟石不教宮妓踏成蹊

和虞部韋郎中尋楊駙馬不遇

唐獨孤及盛

金屋瓊臺蕭史家暮春三月渭州花到君仙洞不相見謂已吹簫乘早霞

崔駙馬山池重送宇文明府 唐岑參盛

竹裏過紅橋花間藉綠茵池涼醒別酒山翠拂行鑣鳳去妝樓閉鳬飛葉縣遙不逢秦女在何處聽吹簫

帝威

卷三十三

三十三

聖

詩雋類函卷三十四

東吳俞安期彙纂 宣城梅鼎祚增定

設官部一

宰相司空 太尉 天尉 同馬 附 僕射  
省郎司空 諸尚書 左右丞 侍郎  
官外併入 吏部郎 官外併入

○宰相

左丞相張說右丞相宋璟太子少傅源乾曜同日上官命宴都堂賜詩 唐玄宗

赤帝收三傑黃軒舉二臣由來丞相重分掌國之均有我握中璧雙飛席上珍子房推道要仲子訝風神

設官

卷三十四

一宰相

復輟台衡老將為調護人鵷鸞同拜日車騎擁行塵樂聚南宮宴觴連北斗醇俾予成百揆垂拱問彝倫奉和御製說與宋璟源乾曜同日上官命宴都

堂賜詩

唐張說

大塊鎔羣品經生偶聖時猥承三仕命虛忝百寮師右揆謀華碩前星傳重資連鸞求舊禮濫照樂賢詩賜金同榮拜撝金宴宰司菊花吹御酒蘭葉捧天詞寶曆休明盛頽年貶漏衰少留青史筆未敢赤松期奉和御製璟與張說源乾曜同日上官命宴都

堂賜詩

唐宋璟

丞相之重非賢諒不居老臣庸且憊何德以當諸  
厚秩先爲忝崇班復此除太常陳禮樂中掖降簪裾  
聖酒江河潤仙文象緯舒恩懷寵錫陳力省空虛  
郭隗慙無駿馮驩愧有魚不知周勃若榮幸定何如  
奉和御製乾曜與張說宋璟同日上官命宴都

堂賜詩

唐源乾曜

睿作超千古湛恩育萬人遞遷俱荷澤同拜忽爲鄰  
道合綴音暢芳馳景命新鼓鐘崇享禮鷁鷩集朝倫  
竊位思官謫涸容謝水春慙多無以叙拙備實難陳  
進綬懷三少承光盡百身自當歸第日何幸列宮臣  
設官

卷三十四

二

奉和御製左丞相張說右丞相宋璟太子少傅  
源乾曜同日上官命宴都堂賜詩

唐宇文融

申甫生周日宣慈舉舜年何如偶昌運比德邁前賢  
寵護元良密榮瞻端揆遷職優三事老位極百寮先  
北極迴宸渥南宮飾御筵飛文瑤札降賜酒玉杯傳  
謬列台衡重俱承雨露偏誓將同竭力求與効塵涓  
奉和御製左丞相張說右丞相宋璟太子少傅  
源乾曜同日上官命宴都堂賜詩

唐蕭嵩

宰官思共理多士屬惟唐歷選台庭舊來熙帝業  
入朝師百辟論道協三光垂拱資元老親賢輔少陽  
登庸崇禮送寵德耀宸章御酒飛觴洽仙闈雅樂長  
荷恩思有報陳力愧無良願罄公忠節同心奉我皇  
奉和御製左丞相張說右丞相宋璟太子少傅  
源乾曜同日上官命宴都堂賜詩

唐裴光庭

樂賢聞往誥褒德偶茲辰端揆升元老師謀擇累仁  
紫庭崇讓畢粉署禮容陳旣荷恩榮舊俱承寵命新  
天文懸瑞色聖酒汎華茵維還陳簫鼓歡娛洽縉紳  
設官

卷三十四

三

掖垣招近侍虛薄廁清塵共保堅貞節當期雨露均  
古樂府飛龍曲留上陳左相 唐高適

德以精靈降時膺夢寐求蒼生謝安石天子富平侯  
樽俎資高論嚴廊挹大猷相門連戶牖卿族嗣弓裘  
豁達雲開霽清明月映秋能爲吉甫頌善用子房籌  
階砌思攀陟門闥尚阻脩高山不易仰大匠本難投  
跡與松喬合心緣啓沃留公才山吏部書癖杜荊州  
幸沐千年聖何辭一尉休折腰知寵辱迴首見沈浮  
天地莊生馬江湖范蠡舟逍遙堪自樂浩蕩信無憂  
去此從黃綬歸歟任白頭風塵與霄漢瞻望日悠悠



留上李右相

唐高適盛

屈俗登淳古君臣挹大庭深沈謀九德密勿契千齡  
獨立調元氣清心豁宵宜本枝連帝系長策冠生靈  
傳說明殷道蕭何律漢刑鈞衡持國柄柱石總賢經  
隱軫江山藻氛氲鼎彝銘典中皆白雪身外即丹青  
江海呼窮鳥詩書問聚螢吹噓成羽翼提握動芳聲  
倚伏悲還笑棲遲醉復醒恩榮初就列含育忝宵形  
有竊丘山惠無時枕席寧壯心瞻落景生事感流萍  
莫以才難用終期善易聽未為門下客徒謝少微星  
上韋左相二十韻

唐杜甫盛

設官

卷三十四

四

宰相

三首

鳳曆軒轅紀龍飛四十春八荒開壽域一氣轉洪鈞  
霖雨思賢佐丹青憶老臣應圖求駿馬驚代得麒麟  
沙汰江河濁調和鼎彝新韋賢初相漢范叔已歸秦  
盛業今如此傳經固絕倫豫章深出地滄海潤無津  
北斗司喉舌東方領縉紳持衡留藻鑒聽履上星辰  
獨步才超古餘波德照鄰聰明過管輅尺牘倒陳遵  
豈是池中物由來席上珍廟堂知至理風俗盡還淳  
才傑俱登用愚蒙但隱淪長卿多病久子夏索居貧  
回首驅流俗生涯似衆人巫咸不可問鄒魯莫容身  
感激時將晚蒼莽興有神爲公歌此曲涕淚在衣巾

贈張相鎬

唐李白盛

神器難竊弄天狼窺紫宸六龍遷白日四海暗胡塵  
昊穹降元宰君子方經綸澹然養浩氣歛起持大鈞  
秀骨象山嶽英謀合鬼神佐漢解鴻門生唐爲後身  
擁旄秉金鉞伐鼓乘朱輪虎將如雷霆總戎向東巡  
諸侯拜馬首猛士騎鯨鱗澤被魚鳥悅令行草木春  
聖智不失時建功及良辰醜虜安足紀可貽輜與巾  
倒瀉溟海珠盡爲入幕珍馮異獻赤伏鄧生脩來臻  
庶同昆陽舉再覩漢儀新昔爲管將鮑中奔吳隔秦  
一生欲報主百代期榮親其事竟不就哀哉難重陳

設官

卷三十四

五

宰相

臥病宿松山蒼茫空四鄰風雲激壯志枯槁驚常倫  
聞君自天來目張氣益振亞夫得劇孟敵國空無人  
捫蝨對桓公願得論悲辛大塊方噫氣何辭鼓青蘋  
斯言儻不合歸老漢江濱

荆門上張丞相

唐孟浩然盛

共理分荆國招賢魏楚材召南風更闡永和閣還開  
觀止欣眉睫沈淪拔草萊坐登徐孺榻頻接李膺杯  
始慰蟬鳴稻俄看雪間梅四時年箭盡千里客程催  
日下瞻歸翼沙邊厭曝鰓佇聞宣室召星象復中台

上崔相公

唐王建中

枯桂衰蘭一遍春准將道德定君臣施行聖澤山川  
潤圖書天文彩色新開閣覆看祥瑞曆封名直進薛  
羅人應憐老病無知已自別谿中滿鬢塵

上李吉甫相公

唐王建中

聖朝齊賀說逢殷霄漢無雲日月真金鼎調和天膳  
美瑤池沐浴賜衣新兩河開地山川正四海休兵造  
化仁曾向山東為散吏當今寶意是賢臣

上杜元穎相公

唐王建中

學士金鑾殿後居天中行坐侍龍輿承恩不許離牀  
謝密詔長教倚案書馬上喚遮紅嘴鴨船頭看釣赤

設官

卷三十四

六 宰州

鱗魚閑曹散吏無相識猶記荊州拜謁初

上張弘靖相公

唐王建中

傳封三世盡河東家占中條第一峰早歲天教作霖  
雨明時帝用補山龍草開舊路沙痕在日照新池鳳  
跡重早散自知霄漢隔若為門下賜從容

上武元衡相公

唐王建中

旌旗坐鎮蜀江雄帝命重開舊閣崇褒貶唐書天曆  
上捧持堯日慶雲中孤情迴出鸞皇遠健思潛搜海  
嶽空長得蕭何為國相自西流水盡朝宗

門下相公榮加冊命天下同歡忝沐眷私輒敢

申賀

唐劉禹錫中

冊命出宸衷官儀自古崇特膺平土拜光贊格天功  
再佩扶陽印常乘鮑氏驄七賢遺老在猶得詠清風  
聞李尚書拜相因以長句寄賀微之

唐白居易中

憐君不久在通川知已新提造化權夔契定求才濟  
世張雷應辨氣衝天那知淪落天涯日正是陶鈞海  
內年肯向泥中拋折劍不收重鑄作龍泉

述懷寄衡州令狐相公

唐李益中

調元方翼聖軒益忽言東道以中樞密心將外理同

設官

卷三十四

七 宰州

白頭生遠浪丹葉下高楓江上蕭疎雨何人對謝公

奉和柳相公中書言懷

唐包佶中

運籌時所貴前席禮偏深羸駕歸貧宅歌冠出禁林  
鳳巢方得地牛喘最關心雅望期三入東山未可尋

卿時李相公

唐黃滔晚

秦城擇日發征轅齋戒來投節制尊分虎名高初命  
相攀龍迹下愧登門夜聽謳詠銷塵夢曉拜旌幢戰  
旅覓華舍天開寧有礙絲毫雖之敢無言生兼文武  
為人傑出聽乾坤靜帝閣計吐六奇誰敢敵學窮三  
略不須論功高馬卸黃金甲臺迥賓歡白玉樽九穗

嘉禾垂綺陌四時甘雨帶雕軒推恩每覺東溟淺吹  
律能令北陸暄青草連沙無血濺黃榆鑲塞有鸞翻  
笙歌合沓春風郭雞犬連延碧岫村遊子不緣貪獻  
賦永依棠樹託蓬根

奉和李右相賞會昌林亭

唐孫逖

賢相初陪蹕靈山本降神作京雄近縣開閣寵平津  
地勝林亭好時清宴賞頻百泉縈草木萬井布郊畛  
德與春和盛功將造化鄰還憐渭濱叟歲晚獨垂綸

左僕射相國冀公東齋幽居

唐岑參

丞相百寮長兩朝居此官成功雲雷際翊聖天地安

設官

卷三十四

宰相

三

不矜南宮貴祗向東山看宅占鳳城勝牕中雪積寬  
午時松軒夕六月藤齋寒玉珮胥女羅金印耀牡丹  
山蟬上衣桁野鼠緣藥盤有時披道書竟日不著冠  
幸得趨省闈常欣在門闌何當復持衡短翮期風搏

錢王相公出牧括州

唐劉長卿

縉雲詎比長沙遠出牧猶承明主恩城對寒山開盡  
戟路飛秋葉轉朱轡江潮淼淼連天望旌旆悠悠上  
嶺翻蕭索庭槐空閑閣舊人誰到翟公門

送王相公赴范陽

唐錢起

翊聖銜恩重頻年按節行安危皆報國文武不緣名

受脤仍調鼎為霖更洗兵幕開丞相閣旗總二師營  
料敵知無戰安邊自一作示有征代雲橫馬首燕鴈拂  
笳聲去鎮關河靜歸看日月明欲知瞻戀一作切遲  
暮一書生

送裴相公赴鎮太原

唐張籍

盛德雄名遠近知功高先乞守藩維銜恩暫遣分龍  
節署勅還同在鳳池天子親臨臺上送朝官齊出道  
邊辭明年塞北清蕃落應建生祠請立碑

送裴相公上太原

唐王建

還攜堂印向并州將相兼權是武侯時難獨當天下

設官

卷三十四

九

宰相

事功成却進手中籌再三陳乞爐煙裏前後封章玉  
案頭朱架早朝排劒戟綠槐殘雨一作花裏看張油遙知  
寒鴈從今好直得漁陽已北愁邊鋪驚巡旗盡換山  
城候館壁重修千羣白刃兵迎節十對紅妝妓打毬  
聖主分明交臂去不須高起見京樓

送魏州李相公

唐王建

百代功勳一日成三年五度換雙旌開來不對人論  
戰難處長先自請行旗下可聞誅敗將陣頭多是用  
降兵當朝面受新恩去算料妖星不敢生

和裴相公道中贈別張相公

唐王建

雲間雙鳳鳴一去一歸城鞍馬朝天色封章戀闕情  
日臨宮樹迴煙蓋沙草平會當戎事息聯影遶池行

○太尉

太尉司馬附

太尉王公以九錫命大將軍讓 晉陸雲

列文辟公時惟哲王闡縱絕期平顯幽光內實慎徽  
緝熙有臧出紂方慝間督不揚高山峻極天造茫茫

二

天子言功大典光備肅肅王命宰臣蒞事穆矣淵讓  
遺功遂志思我遠猷德音孰嗣

題永崇西平王宅太尉愬院六韻

設官

卷三十四

十

太尉

唐杜牧 晚

天下無雙將關西第一雄授符黃石老學劍白猿翁  
矯矯雲長勇恂恂郗縠風家呼小太尉國號大梁公

太尉季弟司徒德亦封梁國公

今屬翔李尚書太尉長子

萬嗣子握琯弓

晉傅咸

帝崇元淑妙選其屬命子是佐增袞之縟

○僕射

和左僕射燕公春日端居述懷 唐任希古 初  
豐野光三傑鳩庭贊五臣綈綈歌美譽絲竹詠芳塵

聖歷開環象昌年降甫申高門非捨築華構豈垂綸  
鳳邸搏霄翰龍池躍海鱗玉鼎昇黃閣金章謁紫宸  
禮闈通政本文昌總國鈞調風振薄俗清教正彝倫  
星迴應綬管日御警寅賓葉上曾槐變花發小堂春  
思挂東都冕言訪北山中赫赫容臺上千祀耀平津

贈李愬僕射二首

唐王建 中

和雪翻營一夜行神旗凍定馬無聲遙看火號連營  
赤知是先鋒已上城

旗旛四面下營稠手詔頻來老將憂每日城南空挑  
戰不知生縛入唐州

設官

卷三十四

十一

僕射

贈李愬僕射

唐王建 中

唐州將士死生同盡逐雙旌舊鎮空獨破淮西功業  
大新除隴右世家雄知時每笑論兵法識勢還輕立  
戰功次第各分茅土貴殊勲併在一門中

寄哥舒僕射

唐韓翃 中

萬里長城家一生唯報國腰垂紫文綬手控黃金勒  
高視黑頭翁逢吞白騎賊光摩牙門將轉鬪黃河北  
帳下親兵皆少年錦衣承日繡行纏轡寶劍初出  
鞘宛轉角弓初上絃步入抽箭大如笛前把兩矛後  
雙戟左盤右射紅塵中鵠入鴉羣有誰敵殺將破軍

白日餘回船舞旆北風初羣公盾鼻好磨墨走馬爲君飛羽書

寄上田僕射

唐韓翃中

家封薛縣異諸田報主榮親義兩全僕射臨戎謝安石大夫持憲杜延年金裝畫出羅千騎玉案晨餐直萬錢應念一身留闕下闔門遙寄魯西偏

山中寄樊僕射

唐于鵠中

却憶東谿日同年事魯儒僧居閑共宿酒肆醉相扶天畔雙旌貴山中病客孤無謀還有計春谷種桑榆奉酬天平馬十二僕射假日言懷見寄之作

設官

卷三十四

十三 僕射

唐韓愈中

天平篇什外政事亦無雙威令加徐士儒風被魯邦清爲公論重寬得士心降歲晏偏相憶長謠坐北牕賀清源僕射新命

唐黃滔晚

雖言嵩嶽秀崔嵬少降連枝命世才南史兩榮唯百揆東閩雙拜有三台南史袁憲兄弟同爲僕射當時榮之殊未若今清源與府城並并僕射兼帶台席之尊二天在頂家家詠丹鳳銜書歲歲來虛說古賢龍虎盛誰攀荆樹上金臺

東川高僕射

唐李洞晚

油幢影裏拜清風十里貔貅一片雄三印鎖開霜滿

地四門關定月當空泉浮山葉人家過詔惹爐煙鳥道通新起畫樓攜客上絃歌筵內海榴紅

寄廣南劉僕射

唐殷文珪晚

戰國從今却尚文品流才子作將軍畫船清宴蠻谿雨粉閣閑吟瘴嶠雲慕客卸戈歸惠政史官調筆待儒勳漢儀一化南人後牧馬無因更夜聞

司空

和裴司空酬蒲城楊少尹

唐張籍中

聖朝偏重大司空人詠元和第一功擁節高臨漢水上題詩遠入舜城中共驚向老多年別更憶登科舊

設官

卷三十四

十三 司空

日同誰不望歸丞相府江邊楊柳又秋風

寄太原盧司空三十韻

唐李商隱晚

隋艦臨淮甸唐旗出井陘斷鼉櫓四柱卓馬濟三靈祖業隆盤古孫謀復大庭從來師傑俊可以煥丹青舊族開東岳雄圖奮北溟邪同獬豸觸樂伴鳳凰聽酣戰仍揮日降妖亦闢震將軍功不伐叔舅德惟馨雞塞誰生事狼煙不暫停擬填滄海鳥敢競太陽螢內草纔傳詔前茅已勒銘那勞出師表盡入大荒經德水縈長帶陰山繚畫屏只憂非繫肯未覺有膾腥保佐資冲漠扶持在查冥乃心防暗室華髮稱明廷

按甲神初靜揮戈思欲醒義之當妙選小弟義與早蒙眷以嘉姻

孝若近歸寧三十五丈名府高料來歸膝下月色來侵幌詩成有轉

櫺羅含黃菊宅柳憚白蘋汀神物龜酬孔仙才鶴姓

丁西山童子藥南極老人星自頃徒窺管于今愧挈

瓶何由叨末席還得叩玄扃莊叟虛悲薦終童漫識

懸幕中雖策畫劔外且伶俜俟候行忘上鰥鰥臥不

瞋身應瘠於魯淚欲溢為榮禹貢思金鼎堯圖憶土

鉶公乎來入相王欲駕三亭

○諸尚書

和戶部岑尚書參迹樞揆 唐沈佺期 初

設官 卷三十四 十四 尚書

大君制六合良佐參萬機大業永開泰臣道日光輝

鐘鳴和鼎食家聲眾所歸漢章題楚劔鄭武襲緇衣

理識當朝遠文華振古稀風雲神契合舟楫道心微

廟堂喜容與時物遞芳菲御柳垂仙掖公槐覆禮闈

昔陪鸞鷟後今望鵬飛徒御清風頌巴歌聊自揮

令狐相公拜尚書後有喜從鎮歸朝之作劉郎

中先和因以繼之 唐白居易 中

車騎從新梁苑迴履聲颯颯入中臺鳳池望在終重

去龍節功成且約來金勒最宜乘雪出玉觴何必待

花開尚書首唱郎中和不計官資只計才

初除尚書即脫刺史紉 唐白居易 中

親賓相賀問何如服色恩光盡反初頭白喜拋黃草

峽眼明驚拆紫泥書便留朱紱還鈴閣却著青袍侍

玉除無奈嬌癡三歲女繞腰啼哭覓銀魚

過梁州奉贈張尚書大夫公 唐岑參 盛

漢中二良將今昔各一時韓信此登壇尚書復來斯

手把銅虎符身總丈人師錯落北斗星照耀黑水湄

英雄若神授大材濟時危頃歲遇雷雲精神感靈祇

勲業振青史恩德繼鴻私羌虜昔未平華陽積僵屍

人煙絕墟落鬼火依城池巴漢空水流褒斜唯鳥飛

設官 卷三十四 十五 尚書

自公布德政此地生光輝百堵創里閭千家恤惻嫠

層城重鼓角甲士如熊羆坐嘯風自調行春雨仍隨

芄芄麥苗長藹藹桑葉肥浮客相與來羣盜不敢窺

何幸承嘉惠小年即相知富貴情易疎相逢心不移

置酒宴高館嬌歌雜青絲錦席繡拂廬玉盤金屈卮

春景透高戟江雲簪長麾馬嘶柳陰美人映花枝

門傳大夫印世擁上將旗承家令名揚許國苦節施

戎幕寧久駐台階不應遲別有彈冠士希君無見遺

贈孔尚書 唐張籍 中

能將直道歷榮班事著元和實錄間三表自陳辭北



關一家相送入南山買來侍女教人嫁賜得朝衣在  
篋閑宅近青山高靜處時歸林下暫開關

觀冬設上東川楊尚書

唐賈島中

輶車奏冬非獨樂軍城未曉啓重門何時去入三台  
貴此日空知八座尊羅綺舞時收雨點貌貅門外卷  
雲根逐遷屬吏隨賓列去棹扁舟不忘恩

絳州鄭尚書

唐黃滔晚

旌旗日日展東風雲稼連山雪刃空剖竹已知垂鳳  
食摘珠何必到龍宮諫垣虛位期飛步翰苑含毫待  
紀功誰謂唐城諸父老今時得見蜀文翁

設官

卷三十四

十六

尚書

上鄂州韋尚書

唐羅隱晚

往歲先皇馭九州侍臣才業最風流文窮典故雖餘  
力俗致雍熙盡密謀蘭省換班青作綬柏臺前引絳  
爲韞忍作都緣未負江山興開濟生靈校一秋

秋日荆南送石首薛明府辭滿告別奉寄薛尚

書頌德叙懷斐然之作三十韻

唐杜甫盛

南征爲客久西候別君初歲滿歸鳥寫秋來把鴈書  
荆門留美化姜被就離居聞道和親入垂名報國餘  
連枝不自並八座幾時除往者胡星孛恭惟漢網疎

風塵相瀕洞天地一丘墟殿瓦鴛鴦圻宮簾翡翠虛  
鉤陳摧微道槍槩失儲胥文物陪巡狩親賢病拮据  
公時呵僕偷首唱却鯨魚勢極宗蕭相材非一范睢  
屍填太行道血走浚儀渠溢口師仍會函關憤已攄  
紫微臨大角皇極正乘輿賞從頻我見殊恩再直廬  
豈惟高衛霍曾是接應徐降集翻翔鳳追攀絕衆狙  
侍臣雙宋玉戰策兩穰苴鑒澈勞懸鏡荒無已荷鋤  
嚮來披述作重此憶吹噓白髮甘凋喪青雲亦卷舒  
經綸功不朽跋涉體何如應訝耽湖榭常餐占野蔬  
十年嬰藥餌萬里狎樵漁楊子淹投閣鄒生惜曳裾

設官

卷三十四

十七

尚書

寄滄洲李尚書

唐賈島中

滄溟深絕瀾西岼郭東門弋者羅夷鳥杼人思嶠猿  
威稜高臘列煦育極春溫陂淀封疆內兼葭壁壘根  
搖輶邊地脉愁箭虎狼魂水縣賣沙市鹽田煮海村  
枝條分御葉家世食唐恩武可縱橫講功從戰伐論  
天涯生月片嶼頂湧泉源非是泥池物方因雷雨尊  
沈謀藏未露鄰境帖無喧青塚驕回鶻蕭關陷吐蕃  
何時霖歲旱早晚雪邦冤迢遞瞻旌纛浮陽寄詠言

寄南海黃尚書

唐黃滔

五羊城下駐行車，此事如今八載餘。  
燕領已知飛食肉，龍門猶自退爲魚。  
紅樓入夜笙歌合，白社鶯花草木疎。  
西望清光寄消息，萬重煙水一封書。

寄劉尚書

唐女冠魚玄機

八座鎮雄軍，謠謠滿路新。  
汾川三月雨，晉水百花春。  
圉圍長空鎖，千戈久覆塵。  
儒僧觀子夜，羈客醉紅茵。  
筆硯行隨手，詩書坐遶身。  
小才多顧盼，得作食魚人。

錢田尚書還兗州

唐張謂

忠義三朝許，威名四海聞。  
更乘歸魯詔，猶憶破胡勦。

設官

卷三十四

十八

別路逢霜雨，行營對雪雲。  
明朝郭門外，長揖大將軍。

送李尚書赴襄陽

唐韓愈

帝憂南國切，改命付忠良。  
壤畫星搖動，旗分獸簸揚。  
五營兵轉肅，千里地還方。  
控帶荆門遠，飄浮漢水長。  
賜書親屬郡，戰馬隔鄰疆。

送振武張尚書

唐王建

迴天轉地是將軍，扶助春宮上五雲。  
撫背恩雖同骨肉，擁旄名未敵功勲。  
盡收壯勇填兵數，不向瀋渾奪馬羣。  
閑即單于臺下獵，威聲直到海西聞。

送薛尚書入蜀

唐嚴維

卑情不敢論，拜手立轅門。  
列郡諸侯長，登朝八座尊。  
凝笳臨水發，行旆向風翻。  
幾許遺黎泣，同懷父母恩。

○左右丞

崔左丞歌

崔洪字伯良，博陵安平人，以清厲顯名。武帝世爲御史治書，朝廷憚之，尋入爲之詔曰。

叢生棘刺來自博陵，在南爲鷄，在北爲鷹。

贈韋左丞文濟

唐杜甫

左轄頻虛位，今年得舊儒。  
相門韋氏在，經術漢臣須。  
時議歸前列，天倫恨莫俱。  
鵠原荒宿草，鳳沼接亨衢。  
有客雖安命，衰容豈壯夫。  
家人憂几杖，甲子混泥途。

設官

卷三十四

十九

左右丞

不謂矜餘力，還來謁大巫。  
歲寒仍顧遇，日暮且踟蹰。  
老驥思千里，饑鷹待一呼。  
君能微感激，亦足慰榛蕪。

投寄韋右丞

唐羅隱

赤壁徵文聘，中臺拜郅詵。  
班資參令僕，曹署轄星辰。  
幘被從誰起，持綱自此新。  
舉朝明典教，封納詔書頻。  
禁樹曾摘藻，臺烏舊避塵。  
便應酬倚柱，何處話窮鱗。

送李右丞分司

唐羅隱

分曹得洛川，議議更昭然。  
左省曾批勅，中臺肯避權。  
所悲時漸薄，共賀道由全。

○侍郎

贈刑部馬侍郎

唐韓愈

紅旗照海壓南荒徵入中臺作侍郎暫從相公平小  
寇便歸天闕致時康

寄令狐侍郎

唐韋應物

西掖方掌誥南宮復司春夕燕華池月朝奉玉階塵  
衆寶歸和氏吹噓多後人羣公共然諾聲問邁時倫

酬兵部李侍郎晚過東廳之作

唐包佶

酒禮慙先祭刑書已曠官詔馳黃紙速身在絳紗安  
聖位登堂靜生徒跪席寒庭槐暫搖落幸爲入春看

酬于侍郎湖南見寄十四韻

唐包佶

設官

卷三十四

十一

桂嶺千崖斷湘流一派通長沙今賈傅東海舊于公

章甫經殊俗離騷繼雅風金閨文作字玉匣氣成虹

翰墨時無侶丹青夙在公主恩留左掖人望積南宮

巧拙循名異浮沈顧位同九遷歸上畧三已契愚衷

責謝庭中吏悲寬塞上翁楚材欣有適燕石愧無工

山曉重嵐外林春苦霧中雪花翻海鶴波影倒江楓

去札頻逢信回帆早挂空避賢方有日非敢愛微躬

投翰長趙侍郎

唐黃滔

禹門西面逐飄蓬忽喜仙都得入蹤賈氏許頻趨李  
虎荀家因敢謁頭龍手扶日月重輪起數是乾坤正

氣鍾五色筆驅神出沒八花塼接帝從容詩酬御製

風騷古論自人情鼎鼐濃豈有地能先鳳掖別無山

更勝鼇峯攀鴻日淺覓飛越爲鯉年深勢險噉澤國

雨荒三逕草秦關雪折一枝筇吹成暖景猶葭律引

上纖蘿在嶽松願向明朝薦幽滯免教號泣觸登庸

寄獻梓潼山侯侍郎

唐黃滔

漢宮行廟畧簪笏落民間直道三湘水高情四皓山

賜衣僧脫去奏表主批還地得松蘿塢泉通雨雪灣

東門添故事南省缺新班有新命片石秋從露幽牕

夜不關夢餘蟾隱映吟次鳥綿蠻可惜相如作當時

設官

卷三十四

十一

事悉閑

送夏侯侍郎

唐韓翃

元戎車右早飛聲御史府中新正名翰墨已齊鍾大

理風流好繼謝宣城從軍曉別龍驤幕六騎先驅嘶

近郭前路應留白玉臺行人輒美黃金絡使君下馬

愛瀛洲簡貴將求物外遊聽訟不聞烏布帳迎賓暫

著紫綈裘公庭日夕羅山翠功遂心閑無一事移書

或問島邊人立仗時呼鈴下吏事業初傳小夏侯中

年劒笏在西州浮雲飛鳥兩相忘他日依依城上樓

奉和李戶部侍郎自河南尹再除本官歸闕

唐劉禹錫

昔年內署振雄詞今日東都結去思  
官女猶傳洞簫賦國人先詠衮衣詩  
華星却復文昌位引鶴重歸太乙池  
想到金閨待通籍一時驚喜見風儀

送從弟侍郎赴浙西

唐劉禹錫

銜命出尚書新恩喚使車  
漢庭無右者梁苑重歸歎  
又食建業水曾依京口居  
共經何限事賓主兩如初

○省郎總載

員外併入

在廣州聞崔馬二御史拜臺郎

唐蘇味道

振鷺齊飛日遷駕遠聽聞明光共待漏  
清覽各披雲

卷三十四

三

付郎  
省郎總載

喜得廊廟舉嗟爲臺閣分  
故林懷柏悅新幄阻蘭薰  
冠去神羊影車迎瑞雉羣  
遠從南斗外遙仰列星文  
承沈八丈東美除膳部員外阻雨未遂馳賀奉

寄此詩

唐杜甫

今日西京掾多除南省郎  
通家唯沈氏謁帝似馮唐  
詩律羣公問儒門舊史長  
清秋便寓直列宿頓輝光  
未暇申安慰合情空激揚  
司存何所比膳部默悽傷  
貧賤人事略經過霖潦妨  
禮同諸父長恩豈布衣忘  
天路牽騏驥雲臺引棟梁  
徒懷貢公喜颯颯鬚毛蒼  
喜李侍御拜郎官入省

唐錢起

粉署花驄入丹霄紫誥垂直廬  
驚漏近賜被覺霜移  
漢主前瑤席稷侯許鳳池  
應憐後行鴈空羨上林枝

賀楊巨源博士拜虞部員外

唐王建

合歸蘭署已多時上得金梯亦未遲  
兩省郎官開道路九州山澤屬曹司  
諸生拜別收書卷舊客看來讀  
制詞殘著幾九仙藥在分張還遣病夫知

聞楊十二新拜省郎遙以詩賀

唐白居易

文昌新入有光輝紫界宮牆白粉闌  
曉日雞人傳漏箭春風侍女護朝衣  
雪飄歌句高難和鶴拂煙霄老  
慣飛官職聲名俱入手近來詩客似君稀

設官

卷三十四

三

員外

賀邢州盧員外

唐李山甫

紫泥飛詔下金鑾列象分明世仰觀  
北省諫書藏舊草南宮郎署握新蘭  
春歸鳳沼恩波暖曉入鵷行瑞氣寒  
偏是此生棲息者滿衣零淚一時乾

新除水曹郎荅白舍人

唐張籍

年過五十到南宮章句無名荷至公  
黃紙開呈相府後朱衣引入謝班中  
諸曹縱許爲仙侶羣吏多嫌是老翁  
最幸紫微郎見愛獨稱官與古人同

蒙恩轉儀曹郎依前充集賢學士舉韓湖州自

代因寄七言

唐劉禹錫

翔鸞闕下謝恩初通籍由來在石渠暫入南宮判祥  
瑞還歸內殿閱圖書故人由在三江外同病凡經二  
紀餘今日薦君嗟久滯不唯文體似相如

贈李郎中

唐楊俊盛

仙郎早朝退直省臥南軒院竹自成賞階庭寂不喧  
焚香開後閣起草閉前門禮樂風流美光華星位尊  
榮兼朱紱貴交乃布衣存是日登龍客無忘君子恩

貽王客呂郎中

即皇太  
贊論

唐儲光義盛

上士既開天中朝爲得賢青雲方羽翼盡省比神仙  
委珮雲霄裏含香日月邊君王儻借問客有上林篇  
設官

卷三十四

三十四郎中

贈比部蕭郎中十兄

唐杜甫盛

有美生人傑由來積德門漢朝丞相系梁日帝王孫  
蘊藉爲郎久魁梧秉哲尊詞華傾後輩風雅謁孤鶯  
宅相榮姻戚兒童惠討論見知真自幼謀拙愧諸昆  
漂蕩雲天濶沈埋日月奔致君時已晚懷古意空存  
中散山陽鍛愚公野谷村寧紆長者轍歸老任乾坤  
晚春詣薊州贈武員外

唐王灣盛

蘇臺憶李常飛棹歷江鄉持此功曹掾初離華省郎  
貴門生禮樂明代東文章嘉璧位先進鴻儒名重揚  
迴遷翊元聖入拜竹惟良別業對南浦羣書滿北堂

意深投轄盛才重接筵光

贈萬年陸郎中

唐孟郊

天子憂劇縣寄深華省郎紛紛風響珮蟄蟄劍開霜  
舊事笑堆案新聲唯雅章誰言百里才終作橫天梁  
江鴻恥承眷雲津未能翔徘徊塵俗中短絚無輝光  
寄贈庫部王郎中

時充折  
羅使

唐盧綸中

謬謬漢名臣從天令若春敘辭皆詔旨稱宦卽星辰  
草木承風偃雲雷施澤均威懲治粟尉恩洽讓田人  
泉貨方將散京坻自此陳五營俱益竈千里不停輪  
未逮金門籍旋清玉塞塵碩儒推慶重良友頌公頻  
設官

卷三十四

三十五郎中

鶴髮逢新境龍門躍舊鱗荷君偏有問深感浩難申

贈王客劉郎中

唐張籍中

憶昔君登南省日老夫猶是褐衣身誰知二十餘年  
後來作學曹相替人

同蔣韋二少監贈李郎中

唐張籍中

舊年同過水曹郎各罷魚符自楚鄉重著青衫承詔  
命齊趨紫殿異班行別來同說經過事老去相傳補  
養方憶得當時亦連步如今獨有讀書堂

贈祠部令狐郎中

唐馬戴晚

官初執憲稱雄才省轉爲郎雅望催待制松陰移玉

殿分宵露氣靜天臺

貽曹郎中

唐張蠟

所作高前古封章自曲臺細看明主意終用出人才  
省印尋僧鎖書樓領鶴開南山有舊友時向白雲來

投刑部裴郎中

唐黃滔

兩勝驅牽別海洛宅門不合竟知音瞻恩雖隔雲雷  
賜向主終知犬馬心禮闈後人窺作鏡廟堂前席待  
爲霖已齊日月懸千古肯誤風塵使陸沈緇化衣空  
難拉雪黑銷頭盡不勝簪數行淚裏依投志直比滄  
溟未是深

設官

卷三十四

唐吳融

關東獻劉員外

唐吳融

昨夜星辰動仙郎近漢關玳筵吟雪罷錦帳插春還  
已到青雲上應棲絳圃間臨印有詞賦一爲奏天顏

遇羅員外衮

唐黃滔

灞陵橋外駐征鞍此一分飛十六年多角戴時垂素  
髮雞香含處隔青天綺園難貯林棲意班馬須持筆  
削權可忘自初相識地秋風明月客郵延

郡中端居有懷袁州王員外使君

唐羊士諤

憶作同門友承明奉直廬禁闈人自異休辭跡非疎

珥筆金華殿三朝玉璽書恩光榮侍從文彩輝應徐

王自貞元至青眼真知我玄談愧起予蘭扈招促

滕松砌引長裾王尤精太玄白爲深知時在憲司休

集麗日流鶯早涼天墜露初前山臨紫閣曲水眺紅

渠誰爲音塵曠俄驚歲月除風波移故轍符守忽離

居濟物陰功在分憂盛業餘弱翁方大用延首遲雙

魚

寄職方劉郎中

唐韋應物

相聞二十載不得展平生一夕一作南官遇聊用寫

中情端服光朝次羣列慕器一作英聲歸來坐粉闥揮

設官

卷三十四

唐韋應物

筆乃縱橫始陪文翰遊歡燕難久并予因謬忝出君

爲沈疾嬰別離寒暑過荏苒春草生故園茲日隔新

禽池上鳴郡中永無事歸思徒自盈

寄苗員外

唐韋應物

舊宅平津邸槐陰接漢宮鳴騶馳道上見月直廬中

白雪吹偏麗青雲官早通悠悠天一縫千里恨清風

酬劉員外長卿見寄

唐嚴維

蘇耽佐郡時近出白雲司藥補清羸疾牕吟絕妙詞

柳塘春水漫花塢夕陽遲欲識懷君意明朝訪檄師

奉詔路五郎中新除工部員外見贈



唐李嘉祐

一門同秘省萬里作長城問絹蓮花府揚旌細柳營  
詞鋒偏却敵草奏直論兵何幸新詩贈甘輪小謝名

寄同年禮部趙郎中

唐鄭谷

仙步徐徐整羽衣小儀澄澹轉中儀花飄紅燼趨朝  
路蘭縱清香宿省時彩筆煙霞供不足綸闈鸞鳳訝  
來遲

寄前水部賈員外嵩

唐鄭谷

謝病別文昌仙舟向越鄉貴爲金馬客雅稱水曹郎  
白鷺同孤潔清波共渺茫相如辭賦外騷雅趣何長

設官

卷三十四

二六

寄徵士魏員外

唐羅隱

嘉遁蘇門節清貧粉署官不矜朝命重只恨路行難  
應曉難談倦庭秋蝶夢蘭羨君歸未得還有釣魚竿

酬寄右司李員外

唐羅隱

當年憶見桂枝春自此情途未四旬左省望高推健  
筆右曹官重得名人閑攜麗藻嫌秋興靜獵遺編笑  
過秦猶把隋和向泥滓應憐疎散任天真

寄禮部鄭員外

唐羅隱

樂郊門風大裴王禮樂優班資冠雞舌人品歷龍頭  
夜直爐香細晴編疏草稠曾聞潘散騎三十二悲秋

送趙願真郎中赴安西

唐張說

絕鎮功難立懸軍命匪輕復承遷相後珍重任賢情  
將起神仙地才稱禮樂英長心堪繫虜短語足論兵  
日授休門法星教置陣名龍泉恩已署燕領相終成  
月宿窮天遠河源入塞清老夫操別翰承旨領昇平

送陸郎中

唐錢起

事邊仍戀主舉酒復悲歌粉署含香別轅門載筆過  
鶯聲出漢苑柳色過漳河相憶情難盡離居春草多

送鄭員外

唐韓翃

風流不減杜陵時五十爲郎未是遲孺子亦知名下

設官

卷三十四

三五

士樂人爭唱卷中詩身齊吏部還多醉心顧尚書自  
有期要路眼看知已在不應窮巷久低眉

送翁員外承贊

唐黃滔

誰言吾黨命多奇榮美如君歷數稀衣錦還鄉翻是  
客迴車謁帝卻爲歸鳳旋北闕虛丹穴星復南宮逼  
紫微已分十旬無急詔天涯相送只沾衣

○吏部郎

員外併入

贈吏部孫員外濟

唐張謩

天子愛賢才星郎入拜來明光朝半下建禮直初回  
名帶含香發文隨綺幕開披雲自有鏡從此照僊臺

上張吏部

唐孟浩然

公門世緒昌才子冠裴王出自平津邸還爲吏部郎  
神仙餘氣色列宿動輝光夜直南宮靜朝遊北禁長  
時人窺水鏡明主賜衣裳翰苑飛鸚鵡天池待鳳凰

贈司勳蕭郎中

唐張子容

作相開黃閣爲郎奏赤墀君臣合道體父子貴同時  
國以推賢答家無內舉疑鳳池真水鏡蘭省得華滋  
未覩風流日先聞所賦詩江山清謝眺花木媚丘遲  
吏部來何暮王言念在茲丹青無不可霖雨亦相期  
昔我投荒處孤煙望島夷羣鷗終日狎落葉數年悲

設官

卷三十四

三十一

吏部郎

漁父畱歌詠江妃入興詞今將獻知己相感勿吾欺

寄司勳盧員外

唐李頎

流澌臘月下河陽草色新年發建章秦地立春傳太  
史漢宮題柱憶仙郎歸鴻欲度千門雪侍女新添五  
夜香早晚薦雄文似者故人今已賦長楊

詩雋類

詩雋類函卷三十五

東吳俞安期彙纂

宣城梅鼎祚增定

設官部二

中書

侍中

常侍

給事中

起居

○中書

赴中書

初學作中書郎詩

齊卞伯玉

大方信苞容優渥遂不已躍鱗龍鳳池揮翰紫宸裏

同程九早入中書

唐錢起

漢家賢相重英奇蟠木何材也見知不意雲霄能自

設官

卷三十五

中書

致空驚鷁鷺忽相隨臘雪初明柏子殿春光欲上萬  
年枝獨慚皇鑒明如日未厭春光向玉墀

喜侯舍人蜀中新命三首

唐黃滔

入都詞客漫喧然誰解飛揚誥誓間五色綵毫裁鳳  
詔九重天子謔龍顏巴山月在趨朝去錦水煙生入  
閣還謀及中興多少事莫愁明月不收關

却搜文學起吾唐暫失都城亦未妨錦里幸爲丹鳳  
關幕賓徵出紫微郎來時走馬隨中使到日援毫定  
外方若以掌言看諫獵相如從此病輝光

賈誼纔承宣室召左思唯豫秘書流賦家達者無過

此翰苑今朝是獨遊立被御爐煙氣逼吟經棧閣雨  
聲秋內人未識江淹筆竟問當時不早求

古意贈王中書融

梁范雲

攝官青瑣闥遙望鳳凰池誰云相去遠脉脉阻光儀  
岱山饒靈異沂水富英奇逸翮凌北海搏飛出南皮  
遭逢聖明后來棲桐樹枝竹花何莫莫桐葉何離離  
可栖復可食此外亦何爲豈知鷦鷯者一粒有餘貲

贈劉舍人古意

唐徐彦伯

深林閔靈鳥文章世所希巢君碧梧樹舞君青瑣闥  
或言鳳池樂撫翼更西飛鳳池環禁林仙閣霧沈沈

設官

卷三十五

中書

璇題激流日珠綴綿清陰郁穆絲言重熒煌台座深  
風張丹朧翻月弄素琴音雙彩結不散孤英歧莫尋  
浩歌在西省經傳恣潛心一作浩歌向蘭渚婉戀故傷心

贈闕下裴舍人

唐錢起

二月黃鸝飛上林春城紫禁曉陰陰長樂鐘聲花外  
盡龍池柳色雨中深陽和不散窮途恨霄漢長懸捧  
日心獻賦十年猶未遇羞將白髮對華簪

奉和趙給事使君留贈李婺州舍人兼謝舍人

別駕之作

唐劉長卿

便道訪情親東方千騎塵禁深分直夜地遠獨行春

絳闕辭明主滄洲識近臣雲山隨候吏雞犬逐歸人  
庭顧婆娑老邦傳蔽芾新玄暉翻佐理聞到郡齋頻

奉上徐中書

唐褚朝陽

中禁仙池越鳳凰池邊詞客紫微郎既能作頌雄風  
起何不時吹蘭蕙香

上裴度舍人

唐王建

少松雙對鳳池開履跡衣香逼上台天意皆從彩毫  
出宸心盡向紫煙來非時玉案呈宣旨每日金階謝  
賜廻

獻制誥楊舍人

唐鄭谷

設官

卷三十五

中書

爲郡東吳祗飲水瑣闥須降鳳書徵隨行已有朱衣  
吏伴直多招紫閣僧

鄭州獻盧舍人

唐羅隱

海槎閒暇聞風輕不是安流不肯行難省露濃湯餅  
熟鳳池煙暖詔書成

寄中書劉舍人

唐韋應物

雲霄路竟別中年跡暫同比翼趨丹陛連騎下南宮  
佳詠邀清月幽賞滯芳叢迨予一出守與子限西東  
晨露方愴愴一作離抱更忡忡忽睹九天詔秉綸歸  
國工玉座浮香氣秋禁散涼風應向橫門度一作環

珮香玲瓏光輝恨未曠歸思坐難通蒼蒼松桂姿想  
在掖垣中

奉寄中書王舍人

唐皇甫曾中

腰金載筆謁承明至道安禪得此生西掖幾年綸綍  
貴東山逢夜薜蘿情風傳漏刻星河曙月上梧桐雨  
露清聖主好文誰為薦閉門空賦子虛成

寄制誥李舍人

唐羅隱晚

梁王握豹韜雪裏見枚臯上客趨丹陛遊人歎二毛  
門間知待詔星動想濡毫

鄂渚送白舍人赴杭州

唐朱慶餘中

設官

卷三十五

四

中書侍中

豈知鸚鵡洲邊路得見鳳凰池上人從此不同諸客  
禮故鄉西與郡城鄰

韓翃舍人即事

唐李商隱晚

萱草含丹粉荷花抱綠房鳥應悲蜀帝蟬是怨齊王  
通內藏珠府應官解玉坊橋南荀令過十里送衣香

○侍中

贈何劭王濟詩并序

晉傅咸

朗陵公何敬祖咸之從內兄國子祭酒王武子咸  
從姑外孫也並以明德見重於世咸親之重之  
情猶同生義則師友何公既登侍中武子俄而亦

拜二賢相得甚歡咸亦慶之然自恨闇劣雖願其  
繾綣而從之末由歷試無効且有家艱心存日替  
賦詩申懷以貽之云爾

日月光太清列宿曜紫微赫赫大晉朝明明闕皇闈  
吾兄既鳳翔王子亦龍飛雙鸞遊蘭渚二雞揚清暉  
攜手升玉階並坐侍丹帷金璫綴惠文煌煌發令姿  
斯榮世所欽繾綣情所希豈不企高蹤麟趾邈難追  
臨川靡芳餌何為空守坻枯槁待風飄逝將與君違  
但願隆弘美王度日清夷

述舊紀勳寄太原李光顏侍中二首

設官

卷三十五

五

侍中

唐楊巨源中

玉舍含悽見鴈行北垣新詔拜龍驤弟兄間世真飛  
將獵虎歸時似故鄉鼓角因風飄朔氣旌旆映水發  
秋光河源收地心猶壯笑向天西萬里霜  
倚天孤劒截雲孤報國縱橫見丈夫五載登壇真宰  
相六重分閫正司徒曾聞轉戰平堅寇共說題詩厭  
腐儒料敵知機在方寸不勞心力講陰符

○常侍

奉寄高常侍

唐杜甫盛

汶上相逢年頗多飛騰無奈故人何總戎楚蜀應全

木方駕曹劉不啻過今日朝廷須汲黯中原將帥憶  
廉頗天涯春色催遲暮別淚遙添錦水波

再投李益常侍

唐賈島

何處初投刺當時赴尹京淹留花木變然諾肺腸傾  
避暑蟬移樹登高鴈過城人家嵩岳色公府洛河聲

寄賀鄭常侍

唐李洞

山亦懷恩地高禽盡下飛吏穿霞片望僧掃月稜歸  
省拜墀煙近林居玉漏微曾令駐錫話聊用慰攀依

寄靈武胡常侍

唐方干

青雲直上路皆通已在明君倚注中欲遣爲霖安九  
設官

卷三十五

六

常侍

有先令作相贊東宮自從忠諫承天聰更用文篇續  
國風最是何人感恩德謝敷星下釣魚翁

夏州何常侍

唐羅隱

百尺高臺勃州大刀長戟漢諸侯征鴻過盡邊雲  
濶戰馬閒來塞草秋國計已推肝膽許家財不爲子  
孫謀仍聞隴蜀猶多事深喜將軍未白頭

○給事中

自考功員外授給事中

唐沈佺期

初

南省推丹地東曹貴瑣闥惠移雙管筆恩降五時衣  
出入宜真選遭逢每濫飛器慚公理拙才謝子雲微

案牘遺常禮朋僚隔等威上台行揖讓中禁動光輝  
旭日千門起春初入舍歸贈蘭闥宿昔譚樹隱芳菲  
何幸鹽梅處惟憂對問機省躬知任重寧止冒榮非

訓楊給事廉見贈省中詩

唐沈佺期

初

子雲推辯博公理擅詞雄始自尚書有旋聞給事中  
言從溫室秘籍向瑣闥通顧我叨郎署慙無草奏工  
分曹八舍斷解袂五時空宿昔叨餘論平生賴擊蒙  
神仙應東掖雲霧限南宮忽枉瓊瑤贈長歌蘭渚風

訓郭給事

唐王維

盛

洞門高閣霽餘輝桃李陰陰柳絮飛禁裏疎鐘官舍  
設官

卷三十五

七

給事中

晚省中啼鳥吏人稀晨搖玉珮趨金殿夕捧天書拜  
瑣闥強欲從君無那老將因卧病解朝衣

贈趙給事

唐錢起

中

久飛鴛掖出時髦恥負平生稽古勞玉樹滿庭家轉  
貴雲衢獨步位初高能迂騶馭尋螭舍不惜瑤華報  
木桃應念潛郎守貧病常悲休沐對蓬蒿

暮春自南臺丞再除給事中仍是本廳几榻杖

履宛然如舊

唐薛存誠

中

再入青瑣闥忝官誠自非拂塵驚物在開戶似僧歸  
積草漸無逕殘花猶灑衣禁垣偏日近行坐是恩輝

○起居

冬末送魏起居赴京

唐孫逖初

大名將起魏良史更逢遷驛騎朝丹闕關亭望紫煙  
西京春色近東觀物華偏赴王正月揮毫記百年

贈獻納起居田舍人澄

唐杜甫盛

獻納司存雨露邊地分清切任才賢舍人退食收封  
事宮女開函近御筵曉漏追趨青瑣闥晴牕檢點白  
雲篇楊雄更有河東賦唯待吹噓送上天

訪王起居不遇留贈

唐韓翃中

雙龍闕下拜恩初天子令君注起居載筆已齊周右  
設官

卷三十五

八起居

史論詩更事謝中書行聞漏滴隨金仗入對爐煙侍  
玉除賀客自知來獨晚青驪不見意何如

寄右省李起居

唐韋莊晚

已向鵷行接鴈行便應雙拜紫微郎纔聞闕下徵書  
急已覺回朝草詔忙白馬似憐朱紱貴綠衣逢惹御  
爐香多慚十載遊梁客得換可矜侍素王

寄左省張起居

唐鄭谷晚

含香復記言清秩稱當年點筆還簪筆朝天最近天  
家聲三相後公事一人前詩句江郎伏書蹤甯氏傳  
起居今太師盧公風標欺鷺鶴才力湧沙泉居僻貧  
宅相傳授書法

無慮名高退更堅漁舟思靜汎僧榻寄閒眠消息常  
彌入絲綸的粲然依棲常接跡屬和舊盈編開口人  
皆信淒涼是謝墮

谷在舉場時與起居有恩也

寄左省韋起居

唐鄭谷晚

風神何蘊藉張緒正當年端簡鑑香裏清毫洞案邊  
飾裝無雨備著述減春眠旦夕應彌入銀臺曉候宣  
○諫議

敬贈鄭諫議十韻

唐杜甫盛

諫官非不達詩義早知名破的由來事先鋒孰敢爭  
思飄雲物外律中鬼神驚毫髮無遺恨波瀾獨老成  
設官

卷三十五

九諫議

野人寧得所天意薄浮生多病休儒服冥搜信客旌  
築居仙縹緲旅食歲嶢嶢使者求顏闔諸公厭襁衡  
將期一諾重欵使寸心傾君見途窮哭宜憂阮步兵  
贈盧汀諫議

唐王建中

青娥不得在牀前空室焚香獨自眠功證詩篇雜景  
象藥成官位屬神仙閑過寺觀常衝夜立送封章直  
上天近見蘭臺諸吏說御詩新集未教傳

寄姚諫議

唐僧無可中

鳴鞭靜路塵籍籍諫垣臣函疏辭專密一作封爐香  
立獨親篋多臨水作牕宿卧雲人危坐開寒紙燈前



起草頻

李賈二大諫拜命後寄楊八壽州

唐劉禹錫

諫省新登三直臣萬方驚喜捧絲綸共知天子明如日肯放淮南高卧人

宋公宅送甯諫議

唐宋之間

宋公爰創宅庾氏更誅茅間出人三秀平臨楚四郊

漢臣來絳節荆牧動金鐃罇溢宜城酒笙裁曲沃匏露荷秋變節風柳夕鳴梢一散陽臺雨方隨越鳥巢

送王諫議

唐李嘉祐

設官

卷三十五

十一 諫議 補闕

時稱謝康樂別事漢平津衰柳寒關道高車左掖臣

送李諫議歸荊州

唐錢起

歸舟同不繫纖草刺忘憂禁掖曾通籍江城舊列侯暮帆依夏口春雨夢荊州何日朝雲陞隨君拜冕旒

○補闕

贈陳二補闕

唐杜甫

世儒多汨沒夫子獨聲名獻納開東觀君王問長卿皂鵬寒始急天馬老能行自到青雲裏休看白髮生

奉荅岑參補闕見贈

唐杜甫

窈窕清禁闕罷朝歸不同君隨丞相後我往日華東

冉冉柳枝碧娟娟花藥紅故人得佳句獨贈白頭翁

詔許昌崔明府拜補闕

唐錢起

儒者久營道詔書方問賢至精一耀世高步誰同年何樹可棲鳳高梧枝拂天脫身鳬鳥裏載筆虎闌前日月傳軒后衣冠真列仙則知驪龍珠不秘清冷泉水子貴難見郢歌空復傳惜哉效顰客心想勞嬋娟

訓李補闕

唐皇甫冉

十年歸客但心傷三徑無人已自荒夕宿靈臺伴煙月晨趨建禮逐衣裳偶因麋鹿隨風草謬荷鸛鷺借末行縱有諫書猶未獻春風拂地日空長

設官

卷三十五

十二 補闕

劉補闕自九華山拜官因以寄獻

唐張喬

冥鴻久不羣微拜動天文地主迎過郡山僧送出雲登車殘月在宿館亂流分若更思林下還須共致君

上李補闕

唐黃滔

十洲非暫別龍尾肯慵登諫草封山藥朝衣賜衲僧月留江客待句歷釣船徵終恐林棲去餐霞業上昇

送李補闕歸朝

唐徐凝

駟馬歸咸秦雙鳥去海門還從清切禁再沐聖明恩禮樂中朝貴文章大雅存江湖多放逸獻替欲誰論

送惠補闕

唐林寬晚

詔下搜巖野高人入竹林長因抗疏日便作去官心  
清俸供僧盡滄洲寄跡深東門有歸路徒自棄華簪  
○拾遺

初授拾遺

唐白居易中

奉詔登左掖束帶參朝議何言初命卑且脫風塵吏  
況予寒薄者寵至不自意驚近白日光慙非青雲器  
天子方從諫朝廷無忌諱豈不思匪躬適遇時無事  
受命已旬月飽食隨班次諫紙忽盈箱對之終自愧  
行簡初授拾遺同早朝入閣因示十二韻

設官

卷三十五

十三 拾遺

唐白居易中

夜色尚蒼蒼槐陰夾路長聽鐘出長樂傳鼓到新昌  
宿雨沙堤潤秋風樺燭香馬驕欺地軟人健得天涼  
待漏排闥闔停珂擁建章爾隨黃閣老吾次紫微郎  
並入連稱籍齊趨對折方闌班花接萼綽立鴈分行  
近職誠爲美微才豈合當綸言難下筆諫紙易盈箱  
老去何僥倖時來不料量唯求殺身地相誓答恩光  
初除拾遺酬丘二十二見寄一作初拜命  
酬丘丹見贈

唐崔峒中

江海久垂綸朝衣忽挂身丹墀初謁帝白髮免羞人

才愧文章士名當諫諍臣空餘薦賢力不敢負交親

賀左省新除韋拾遺

唐鄭谷晚

初升諫署是真仙浪透桃花洽五年垂白郎官居座  
末著緋人吏立階前百僚班列趨丹陛兩掖風清上  
碧天從此追飛何處去金鑾殿與玉堂連

寄左省杜拾遺

唐岑參盛

聯步趨丹陛分曹限紫微曉隨天仗入暮惹御香歸  
白髮悲花落青雲羨鳥飛聖朝無闕事自覺諫書稀  
送許拾遺還京

唐劉長卿中

萬里辭三殿金陵到舊居文星出西掖卿月在南徐

設官

卷三十五

十三 拾遺

故里驚朝服高堂捧詔書暫容乘駟馬誰許戀鱸魚

送獨孤拾遺先輩赴上都

唐李嘉祐中

行春秋已晚桂楫逐寒煙轉曲逢峰出看濤極浦連  
入京當獻歲封事更聞天日日趨黃閣應忘雲海邊  
送崔郊拾遺

唐盧綸中

皎潔無瑕清玉壺晚乘華轡向天衢石建每聞宗孝  
謹劉歆不敢衙師儒諫修郊廟開宸慮議按休徵淺  
瑞圖今日攀轅復何者轅門垂白一愚夫

送翁拾遺

唐黃滔晚

還家還赴闕別思首淒淒山坐輶車看詩持諫筆題

天開中國大地設四維低拜無等君後青雲更有梯  
○御史中丞

贈任中丞

梁劉孝綽

步出金華省遙望承明廬壯哉宛洛地佳麗實皇居  
虹蜺拖飛閣蘭芷覆清渠白雪夏峰盡青槐秋葉疎  
但願長閑暇酌醴焚枯魚

贈孔中丞奐

陳江總

我行五嶺表辭鄉二十年聞鸞欲動詠披霧即依然  
疇昔同寮案今隨年代改借問藏書處唯君故人在  
故人名宦高霜簡肅權豪誰知懷九歎徒然泣二毛  
設官

卷三十五

十四

御史中丞

贈宇文中丞

唐李商隱

欲構中天正急材自緣煙水戀平臺人間只有稽延  
祖最望山公啓事來公盛歎亡友張君故有此句

叙德書情四十韻上宣歙崔中丞

唐白居易

元聖生乘運忠賢出應期達將稽古力助立太平基  
土控吳兼越州連歙與池山河地襟帶軍鎮國藩維  
廉察安江甸澄清肅海夷股肱分外守耳目付中司  
楚老歌來暮秦人詠去思望如時雨至福似歲星移  
政靜民無訟刑行吏不欺撫謙驚主寵陰德畏人知

白玉慙溫色朱繩讓直辭行爲時領袖言作世耆龜  
盛慕招賢士連營訓銳師光華下鷁鷺氣色動熊羆  
出入麾幢引登臨劔戟隨好風迎解榻美景待褰帷  
晴野霞飛綺春郊柳宛絲城烏驚畫角江鴈避紅旗  
籍草朱輪駐攀花紫綬垂山宜謝公夜洲稱柳家詩  
酒氣和芳杜絃聲亂子規分毡齊馬首列舞匝蛾眉  
醉惜年光曉歡憐日影遲迴塘排玉棹歸路擁金羈  
自顧龍鍾者膏蒙咻噢之仰山塵不讓涉海水難爲  
身忝鄉人薦名因國士推提攜增善價拂拭長妍姿  
射策端心術遷喬整羽儀幸穿楊遠葉謬折桂高枝

設官

卷三十五

十五

御史中丞

佩德潛書帶銘仁聞勒肌飭躬趨館舍拜手挹階墀  
霄漢程雖在風塵迹尚卑弊衣羞布素敗屋厭茅茨  
養乏晨昏膳居無伏臘資盛時貧可耻壯歲病堪嗤  
擢第名方立耽書力未疲磨鉛重剗削策蹇再奔馳  
相馬須憐瘦呼鷹正及饑扶搖重卽事會有荅恩時

上裴中丞

唐楊巨源

六年西掖弘湯誥三捷東堂總漢科政引風霜成物  
色語回天地到陽和清威更助朗端重聖澤曾隨筆  
下多應笑白鬚揚執戟可憐春日老如何

上杭州杜中丞

唐方干

昔日雄才登上第今將重德荅明君苦心多爲安民術援筆皆成出世文寒角細吹孤嶠月秋濤橫捲半江雲掠天逸勢應非久一鶚那棲衆鳥羣

寄黔府寶中丞

唐羊士諤中

漢臣旌節貴萬里護牂牁夏日天無暑秋風水不波朝衣蟠文綬戎幕偃雕戈滿歲歸龍闕良哉佇作歌

寄陝州姚中丞

時分司東都

唐劉禹錫中

八月天地肅二陵風雨收旌旗闕下來雲日關東秋禹跡想前事漢臺餘故丘徘徊襟帶地左右帝王州留滯悲昔老恩光榮微侯相思望棠樹一寄商聲謳

設官

卷三十五

十六

中丞

奉和武中丞秋日臺中寄懷簡諸僚友

命進和

唐呂溫中

聖朝思紀律憲府得忠賢指顧風行地儀形月麗天不仁恒自逮爲政復何先虛室唯生白閑情却草玄迎霜紅葉早過雨碧苔鮮魚樂翻秋水鳥聲隔暮煙舊遊多絕席感物遂成篇更許窮荒谷追歌白雪前

送張中丞赴桂州

唐錢起中

出守求人瘼推賢動聖情紫臺初下詔皂蓋始專城寵借飛霜簡威加却月營雲衢降五馬林木引雙旌夙仰敦詩禮嘗聞偃甲兵戍樓雲外靜訟閣竹間清

化佇還珠美心將片玉貞冠恂朝望重計日謁承明

送李中丞之襄州

唐劉長卿中

流落征南將曾驅十萬師罷歸無舊業老去戀明時獨立三邊靜輕生一劍知茫茫漢江上日暮復何之

送李中丞之楚州

唐劉禹錫中

緹騎朱旗入楚城士林皆賀振家聲兒童但喜迎賓守故吏猶應記姓名萬頃水田連郭秀四時煙月應淮清憶君初得崑山玉同向揚州攜手行

送李中丞赴商州

唐韓翃中

五馬渭橋東連嘶逐曉風當年紫髯將他日黑頭公

設官

卷三十五

十七

中丞

不與金吾寵兼齊玉帳雄關營春雪下吹角暮山空香麝松陰裏寒猿黛色中郡齋多賞事好與故人同

送李中丞歸本道

唐皇甫曾中

上將宜分閫雙旌復去秦關河三晉路賓從五原人碣石山通海滹沱雪度春酬恩看玉劍何處有煙塵

送商州杜中丞赴任

唐皇甫曾中

安康地理接商於帝命專城總賦輿夕拜忽辭青瑣闥晨裝獨捧紫泥書深山古驛分騶騎芳草雲間逐隼旗綺皓清風千古在因君一爲謝巖居

送鮑中丞赴太原

唐盧綸中

分路引鳴騶喧喧似隴頭暫移西掖望全解北門憂  
專幕臨都護分曹制督郵積冰營不下盛雪獵方休  
白草連胡帳黃金擁戍樓今朝送旌旆一減魯儒羞  
送薛重中丞充太原副使 唐僧無可  
中司出華省副相 陽行書 台偏州啓籌參上將營  
踏沙夜馬細吹雨曉笳清正報胡塵滅桃花汾水生  
○侍御史

贈侍御史王元貺

晉潘尼

崑山積瓊玉廣廈構衆材游鱗萃靈沼撫翼希天階  
膏蘭孰爲消濟治由賢能王侯厭崇禮迴迹清憲臺  
設官 卷三十五 十八 侍御史

螭屈固小往龍翔迺大來協心毗聖世畢力讚康哉

贈封御史入臺

唐蘇味道 初

故事推三獨茲辰對兩闈夕鴉共鳴舞屈草接芳菲  
盛府題清彙殊章動繡衣風連臺閣起霜就簡書飛  
凜凜當朝色行行滿路威唯當擊隼去復覩落鵬歸

贈皇甫侍御赴都八首

唐元希聲 初

東南之美生于會稽斗牛之氣蓄于昆谿有瑤者玉  
連城是齊有威者鳳非梧不棲

倚嗟衆珍以况君子公侯之胄必復其始利器長材  
溫儀峻峙

道心惟微厥用允塞德暉不泯而映邦國靜以有神  
動而作則九臯千里其聲不忒

粵在古昔分官厥初刺邪矯枉非賢勿居稜稜直指  
烈烈方書蒼玉鳴珮繡衣登車

綽綽夫君是膺柱下平繩有望名器無假寵蓋伯山  
氣雄公雅立朝正色俟我能者

載懷朋情嘗接閑宴好洽昆弟官聯州縣如彼松竹  
春榮冬喬柯葉藹然不渝霜霰

會合非我關山坐違離鴻曉引別業秋飛駢駢徐動  
樽饌相依遠情超忽岐路光輝

設官

卷三十五

十九

侍御史

金石其心芝蘭其室言語方間音徽自溢肅子風威  
嚴子霜質贈言歲暮以保貞吉

酬趙二侍御使西軍贈兩省舊寮

唐張九齡 初

石室先鳴者金門待制同操刀嘗願割持斧竟稱雄  
應敵兵初起緣邊虜欲空使車經隴月征旆繞河風  
忽枉兼金訊非徒秣馬功氣清蒲海內聲滿柏臺中  
顧已塵華省欣君震遠戎明時獨匪報嘗欲退微躬

入奏行贈西山檢察使竇侍御 唐杜甫 盛

竇侍御驥之子鳳之雛年未三十忠義俱骨鯁絕代

無燭如一段清水出萬壑置在迎風寒露之玉壺燕  
漿歸厨金盃凍洗滌煩熱足以寧君軀政用疎通合  
典則戚聯豪貴賦文儒甲兵一作兵革未息人未蘇天子  
亦念西南隅吐蕃憑陵氣頗麤竇氏校察應待須運  
糧繩橋壯士喜斬木火井寒一作窮猿呼八州刺史思  
一戰三城守邊却可圖此行入秦計未小密奉聖主  
一作恩應殊繡衣春當霄漢立綵服日向庭闈趨省  
郎京尹必俯拾江花未落還成都肯訪浣花老翁無  
爲君酤酒滿眼配與奴白飯馬青芻

贈潘侍御論錢少陽

唐李白

設官

卷三十五

二十一 侍御史

繡衣柱史何昂藏鐵冠白筆橫秋霜三軍論事多引  
納堦前虎士羅千將雖無二十五老者且有一翁錢  
少陽眉如松雪齊四皓調笑可以安儲皇君能禮此  
最下士九州拭目瞻清光

落第贈楊侍御兼拜員外仍充安大夫判官赴

范陽

唐劉長卿

識副旌旄重才兼識量通使車遙肅物邊策遠和戎  
擲地金聲著從軍寶劔雄官成稽古力名達濟時功  
肅穆烏臺上雍容粉署中含香初待漏持簡舊生風  
點吏偏驚筆食夫輒避驄且知榮已隔誰謂道仍同

念舊追連茹謀生任轉蓬泣憐三獻玉瘡懼再傷  
戀土百關外瞻塵灞水東他時書一札猶冀問途窮  
津梁寺尋李侍御  
唐錢起

贈王侍御

唐張籍

心同野鶴與塵遠詩似冰壺見底清府縣同趨昨日  
事升沈不改故人情上陽春晚蕭蕭雨洛水寒來夜  
夜聲自歎獨爲折腰吏可憐驄馬路傍行

設官

卷三十五

二十一 侍御史

剡中贈張侍御

唐嚴維

辟疆年正少公子貴初還早列公卿位新參柱史班  
千夫馳驛道駟馬入家山深巷烏衣盛高門畫戟閑  
逶迤天樂下照耀剡谿間自賤遊章句空爲衰草顏  
贈趙崇侍御  
唐方干

貴達合逢明聖日風流又及少年時才因出衆人皆  
嫉勢欲摩霄自不知正直早年聞苦節從容此日見  
清規却教鸚鵡呼桃葉便遣嬋娟唱竹枝閒話篇章  
停燭久醉迷歌舞出花遲雲鴻別有迴翔便應笑嘲  
啾燕雀卑



奉寄章十侍御時初罷梓州刺史東川留後將

復赴朝廷

唐杜甫

淮海維揚一俊人金章紫綬照青春指揮能事迴天  
地訓練強兵動鬼神湘西不得歸關羽河內尤宜借  
寇恂朝觀從容問幽側勿云江上有垂綸

寄洪州幕府盧二十一侍御

自南昌令月頃同官洛陽

唐韋應物

忽報南昌令乘驄入郡城同時趨府客此日望塵迎  
文苑臺中妙水壺幕下清洛陽相去遠猶使故林榮

寄察院李侍御

唐鄭谷

設官

卷三十五

三十一 侍御

古柏間松篁清陰在印牀宿郊虔點饌秋寺靜監香  
參集行多揖風儀見即莊佇聞橫壁去惟集諫書囊

寄殿院薛侍御

唐僧無可

名高意本

一作開浮俗

自難攀佐蜀連錢出朝天獬

豸還迴翔歷清院彈奏迴離班休滌通玄旨留僧書

掩關

一作僧到休彈輪開軒復解顏

和李侍御渡松滋江

唐孟浩然

南紀西江潤華御史雄截流寧假楫挂席自生風  
寮案爭攀鱗魚龍亦避聰坐聽白雪唱翻入棹歌中

送靳十五侍御

唐孫逖

天使出霜臺行人擇吏才傳車春色送離興夕陽催  
驛遶巴江轉關迎劍道開西南一何幸前後二龍來

送崔侍御赴京

唐李頎

綠槐蔭長路駿馬垂青絲柱史謁承明翩翩將有期  
千官大朝日奏事臨赤墀肅肅儀仗裏風生鷹隼姿  
一從登甲科三拜皆憲司按俗又如此爲郎何太遲  
送君暮秋月花落城南陞惜別醉芳草前山勞夢思

送裴侍御赴歲入京

唐岑參

羨他驄馬郎元日謁明光立處聞天語朝回惹御香  
臺寒柏樹綠江暖柳條黃惜別津亭暮揮戈憶魯陽

設官

卷三十五

三十一 侍御

送趙侍御歸上都

唐岑參

驄馬五花毛青雲歸處高霜隨驅夏暑風逐振江濤  
執簡皆推直勤王豈告勞帝城雖不戀回望動離騷

送韋侍御先歸京

唐岑參

聞欲朝龍闕應須拂豸冠風霜隨馬去炎暑爲君寒  
客淚題書落鄉愁對酒寬先憑報親友後月客長安

南亭送鄭侍御歸東臺

唐岑參

紅亭酒甕香白面繡衣郎砌冷蟲喧座簾疎雨到牀  
鐘催離興急絃逐醉歌長關樹應先落隨君滿路霜

送韋侍御赴上都

唐張謂

天朝辟書下風憲取才難更謁麒麟殿重簪獬豸冠  
月明柏水夜霜重桂林寒別後頭堪白時時鏡裏看  
道林寺送莫侍御  
唐張謂盛  
何處堪畱客香林隔翠微薛蘿通驛騎松竹挂朝衣  
霜引臺烏集風驚塔鴈飛

送侯侍御赴黔中充判官

唐劉長卿中

不識黔中路今看遣使臣猿啼萬里客鳥似五湖人  
地遠官無法山深俗豈淳須令荒徼外亦解懼埋輪

瓜洲驛奉錢張侍御公拜膳部郎中却復憲臺

唐劉長卿中

設官

卷三十五

王西

侍御

太華高標峻青陽淑氣盤  
辭傾渤澥稱價掩琅玕  
楊葉頻推中芸香早拜官  
風生趨府步草偃觸邪冠  
骨鯁知難屈鋒鏦豈易干  
佇將調玉鉉翻自落金丸  
異議那容直專權本畏彈  
寸心寧有負三黜竟無端  
適喜鴻私降旋驚羽檄攢  
隨川歸少海就日背長安  
副相榮分寄輸忠義不刊  
繫胡馳汗馬遷蜀皂鳴鑾  
月罷名卿署星懸上將壇  
三軍搖旆出百越畫圖觀  
茅茹能相引泥沙肯再蟠  
兼榮知任重交辟許才難  
勁直隨臺柏芳香動省蘭  
壁從全趙去鵬自北溟搏  
星象銜新寵風霜帶舊寒  
是非生倚伏榮辱繫悲歡

清泥驛迎獻王侍御

唐錢起中

候館掃清晝使車出明光  
森森入郭樹一道引飛霜  
仰視驄花白多慚綬色黃  
鵠無羽翼願假憲烏翔

送裴頤侍御使蜀

唐錢起中

杜史纔年四十強鬚髯  
玄髮美清揚朝天繡服乘恩  
貴出使星輶滿路光  
錦水繁華添麗藻蛾眉明月引  
飛觴多才自有雲霄望  
計日應追鵠鷺行

送上官侍御

唐錢起中

執簡朝方下乘輅去不賒  
感恩輕遠道入幕比還家  
碣石春雲色邯鄲古樹花  
飛書報明主烽火靜天涯

設官

卷三十五

王五

侍御

送崔侍御往容州宣慰

唐郎士元中

秦原獨立望湘川擊隼南飛向楚天  
奉詔不言空慰俗清時應得訪遺賢  
荆門曉色兼梅雨桂水春風過客船  
嚮昔常聞陸賈說故人今日豈徒然

贈別王侍御赴上都

唐韓翃中

翩翩馬上郎執簡佩銀章西向洛陽歸  
郭杜回頭結念蓮花府朝辭芳草萬歲街  
暮宿春山一泉塢青樹色傍行衣乳燕流鶯相間飛  
遠過三峰臨八水幽尋佳賞偏如此殘花片片細  
柳風落日疎鐘小槐雨相思掩泣復何如  
公子門前人漸疎幸有心期當小

暑葛衣紗帽望回車

送劉侍御赴陝州

唐韓翃中

金羈映驕驪後騎佩干將把酒春城晚鳴鞭曉路長  
帶水新溜澁間雪早梅香明日懷賢處依依御史牀

浙西送杜晦侍御入關

唐章碣晚

紫詔徵賢發帝聰繡衣行處撲香風鸚鵡歸秦樹幽禽  
散星出吳天列舍空捧日思馳仙掌外朝宗勢動海  
門中鞭鞘所拂三千里多少諸侯合避驄

淮南送盧端公歸臺

唐羅隱晚

鸞鳳勢逸九霄寬北去南來任羽翰朱紱兩驂王儉

設官

卷三十五

三木 侍御

府繡衣三領杜林官道崇意國曾匡濟才句牢盆始  
重難應笑張綱謾生事埋輪不得在長安

詩得類函卷三十六

東吳俞安期彙纂

宣城梅鼎祚增定

設官部三

諸卿 秘書 廣文 博士 翰林  
官 集賢學士 附 諸將軍 附 諸將

○諸卿

太僕座上詩

晉孫楚

朝欽厥庸出尹京畿廻授太僕四牡駢駢綠耳盈箱  
翠華歲蕤敷齊庭實增國之暉

鴻臚歌

魏峇曰韓宣字景然為大鴻臚始南陽  
曲阜韓璽以宿德在宣前為大鴻臚及

設官

卷三十六

三木 諸卿

宣在官亦稱歌故  
鴻臚中為之語曰

大鴻臚小鴻臚前後治行相易如

泛舟送鄭卿入京

唐杜審言初

帝坐蓬萊殿恩追社稷臣長安遙向日宗伯正乘春  
相宅開基地傾都送別人行舟紫淥水列戟滿紅塵  
酒助歡娛洽風催景氣新此時光乃命誰為惜無津  
奉和崔尚書贈大理陸卿鴻臚劉卿見示之作

唐蘇頌初

戲藻嘉魚樂棲梧高鳳飛類從皆有召聲應乃無違  
美價逢時出奇才選眾稀避堂貽後政掃地發前幾

出曳仙人履還薰侍女衣省中何赫奕庭際滿方非  
吏部端清鑒丞郎肅紫機會心歌詠是迴迹宴言非  
北寺鄰玄闕南城寫翠微參差交隱見髣髴接光輝  
賓序賞柔德刑孚已霽威巨源林下契不速自同歸  
送光祿姚卿還都 唐蘇頌

漢室有英台荀家多寵才九卿朝已入三子暮同來  
不授綸爲草還司鼎用梅兩京王者宅駟馬日應迴  
奉贈太常張卿均二十韻 唐杜甫

方丈三韓外崑崙萬國西建標天地濶請絕古今迷  
氣得神仙迴恩承雨露低相門清議衆儒術大名齊

卷三十六 二 詩

軒冕羅天闕琳琅識介珪伶官詩必誦藥典典猶稽  
健筆凌鸚鵡銛鋒鑒鵲鴉友于皆挺拔公望各端倪  
通籍踰青瑣章衢照紫泥靈虬傳夕箭歸馬散霜蹄  
能事聞重譯嘉謨及遠黎而諸方一展班序更何躋  
適越空顛躋浮梁竟慘悽謬知將盡虎微分是醯雞  
浮泛無休日桃陰想舊蹊吹噓人所羨騰躍事仍睽  
碧海真難涉青雲不可梯顧深漸鍛鍊才小辱提携  
檻束哀猿叫枝驚夜鵲棲幾時陪羽獵應指釣璫谿  
暮春江陵送馬大卿公恩命追赴闕下

唐杜甫

自古求忠孝名家信有之吾賢富才術此道不殊緇  
玉府標孤映霜蹄去不疑激揚音韻徹籍甚衆多推  
潘陸應同調孫吳亦異時北辰徵事業南紀赴恩私  
卿月昇金掌王春度玉墀薰風行應律湛露即歌詩  
天意高難問人情老易悲樽前江漢清波會且深期  
送李回司農 唐李頎

知君官屬大司農詔應驪山職事雄歲發金錢供御  
府畫看仙液注離宮千巖曙雪旌門上十日寒花輦  
路中不覩聲名與文物自傷留滯去關東

裴庶子除太僕卿因賀 唐羅隱

設官 卷三十六 三 詩

楚珪班序未爲輕莫惜良途副聖君省省舊臺高  
謚寺曹今得夏侯嬰秩隨科第臨時貴官逐簪裾到  
處清應笑馬安虛巧宦四迴遷轉始爲卿

送光祿崔卿赴闕 唐羅隱

十年目斷望西轅此日殷勤聖主恩上國已齊虞舜  
命中朝應聽范汪言官從府幕歸卿寺路向干戈見  
禁門鵷侶寂寥曹署冷更堪嗚咽問田園

○秘書 校書 正字附

韋七自太子賓客再除秘書監以長句賀而餞  
之往年嘗與予同爲秘監 唐白居易

離筵莫惜且同歡共荷新恩拜舊官屈就商山伴麋  
鹿好歸芸閣狎鷓鴣落星石上蒼苔古畫鶴廳前白  
露寒老監姓名應在壁相思試為拂塵看

送秘書虞校書赴虞鄉丞 唐岑參 盛

花綬傍腰新關東縣欲春殘書厭蟬蛩舊閣別麒麟  
虞坂臨官舍條山映吏人看君有知己坦腹向平津

張建封奏系為校書郎因寄 唐秦系 中

久是煙霞客潭潭釣得魚不知芸閣上遺校幾多書

贈柳璟馮陶二校書 唐許渾 晚

霄漢兩飛鳴喧喧動禁城桂堂同日盛芸閣同年榮

散官 卷三十六 四 三

香掩蕙蘭氣韻高鸞鶴聲應憐茂陵客未有子虛名

贈弘文杜校書 唐李達 晚

高倚霞梯萬丈餘共看移步入宸居曉隨鸞鶴排金

鎖靜對鉛黃校玉書漠漠禁煙籠遠樹冷冷宮漏響

前除還聞漢帝親詞賦好為從容奏子虛

代秘書贈弘文館諸校書 唐李商隱 晚

清切曹司近玉除比來秋興復何如崇文館裏丹霜

後無限紅梨憶校書

送王十三校書分司 唐李商隱 晚

多少分曹掌秘文洛陽花雪夢隨君定知何處綠聯

句每到城東憶范雲

寄趙正字 唐孟浩然 盛

正字芸香閣幽人竹葉窗經過宛如昨歸卧寂無喧  
高鳥能擇木羝羊謾觸藩物情今已見從此願忘言

送王伯倫應制授正字歸 唐岑參 盛

當年最稱意數子不如君戰勝時偏許名高人共聞  
半天城北雨斜日灞西雲蚪蚪皆成字無令錯古文

○翰林官屬

贈翰林張四學士 唐王維 盛

翰林通華蓋諒力破滄冥天上張公子官中漢客星

散官 卷三十六 五 三

賦詩拾翠殿佐酒望雲亭紫詔仍兼綰黃麻似六經  
內分金帶赤恩與荔枝青無復隨高鳳空餘泣聚螢  
此生任春草垂老獨漂萍憶憶山陽會悲歌在一聽

逢王十二學士入翰林因以詩贈 唐劉禹錫 中

廐馬翩翩禁外逢星槎上漢香難從定知欲報淮南

詔促召王褒入九重

寄白學士 唐張籍 中

自掌天書見客稀縱因休沐鎖雙扉幾回因病欲相

訪知向禁中歸未歸

寄令狐學士

唐李商隱

秘殿崔嵬拂彩霓曹司今在殿東西  
賡歌太液翻黃鵠從獵陳倉獲寶雞  
曉飲豈知金掌迴夜吟應訝玉繩低  
鈞天雖許人間聽閨闔門多夢自迷

寄楊贊圖學士

學士與元昆俱以龍圖登選

唐書浩

東堂第一領春風時怪關西小驥慵  
華表柱頭還有鶴華歆名下別無龍  
君恩鳳閣含毫數詩景珠宮列肆供  
今日江南駐舟處莫言歸計爲雪峰

和高諫議兼賔客時入翰苑

唐姚合

兼秩恩歸第一流時尋仙路向瀛洲  
鐘聲追遞銀河設官

卷三十六

翰林官

在秋色葱龍玉露秋紫殿講筵鄰御  
座青宮賔榻入龍樓從來共結歸山侶  
今日多應獨自休

送康洗馬歸滑州

唐韓翃

腰佩雕弓漢射聲東歸銜命見雙旌  
青絲玉勒康侯馬孟水金堤滑伯城  
臘雪夜看宜縱飲寒蕪誰獵不妨行  
懷君又隔千山遠別後春風百草生

贈韋七贊善

唐杜甫

鄉里衣冠不乏賢杜陵韋諷未央前  
爾家最近魁三象時論同歸尺五天  
北走關山開雨雲南遊花柳塞雲煙  
洞庭春色悲公子寂寥忘歸范蠡老

喜皇甫郎中拜諭德兼集賢學士

唐李端

爲郎三載後寵命一時新望苑遷詞  
客儒林拜丈人鶯飛綺閣曙柳拂畫  
堂春幾日調金鼎諸君欲望塵

上翰林蔣防舍人

唐朱慶餘

清重可過知內制從前禮絕外庭人  
看花在處多隨駕召宴無時不及旬

上翰林蕭舍人

唐溫庭筠

人間鴛鴦香難從獨恨金屏直九重  
舊象晚歸仁壽鏡百花春隔景陽鐘  
紫薇花動詞初白紅燭香殘語未封  
每過朱門愛庭樹一枝何日許相容

卷三十六

翰林官

○集賢學士

集賢書院成送張說上集賢學士賜宴得珍字

唐玄宗

廣學開書院崇儒引席珍集賢招袞  
職論道命台臣禮樂沿今古文章韋  
舊新獻酬尊俎列賓主位班陳節變  
雲初夏時移氣尚春所希光史記千  
載仰茲辰奉和聖製送張說上集賢  
學士賜宴得華字

唐韋述

修文中禁起改字令名加台座徵人  
傑書坊應國華



賦詩開廣宴賜酒酌流霞雲散明金闕池開照玉沙  
掖垣留宿鳥溫樹落餘花謬此天光及銜恩醉日斜  
奉和聖製送張說上集賢學士賜宴得迎字

唐源乾曜初

盛業光書府徵人盡國英司綸賢得相羣俊學爲名  
龍命垂天錫崇恩發睿情薰風清禁籙文殿述皇明  
日霽庭陰出池煦水氣生歡娛此無限詩酒自相迎  
奉和聖製送張說上集賢學士賜宴得迎字

唐韋抗初

廣庭臨壁沼多士會金闕文儒叶明言日月齊  
設官 卷三十六

集賢光首拜改殿發新題早夏初移律餘花尚拂蹊  
壺觴接雲上經術引關西聖德鴻名遠將陪玉檢泥  
奉和聖製送張說上集賢學士賜宴得昇字

唐裴漼初

問道圖書盛尊儒禮教興石渠因學廣金殿爲賢昇  
日月恩光照風雲龍命膺謀謨言可範舟楫事斯憑  
宴喜明時洽光輝湛露凝大哉堯作主天下頌歌稱  
奉和聖製送張說上集賢學士賜宴得催字

唐李昂初

偃武堯風接崇文漢道恢集賢更內殿清選自中台

佐命留侯業詞華博物才天厨千品降御酒百壺催  
鵷鷺方成列神仙喜暫陪復欣同拜首叨此頌良哉  
奉和聖製送張說上集賢學士賜宴得賓字

唐劉昇初

圖書應明主策府宴嘉賓台耀臨東壁乾光自北辰  
網羅窮象繫述作究天人聖酒千鍾洽仙厨百味陳  
成山徒可仰涉海詎知津幸逢文教盛還睹頌聲新  
奉和聖製送張說上集賢學士賜宴得謨字

唐賀知章初

西學垂玄覽東堂發聖謨天光燭虎殿時宰集鴻都  
設官 卷三十六

枯朽雷皇澤翺飛舞帝梧跡同遊汗漫榮是拔泥塗  
三聘承湯鼎千歡接舜壺微軀不可吝空欲詠依蒲  
奉和聖製送張說上集賢學士賜宴得筵字

唐王翰初

東堂起集賢貴得從神仙首命台階老將崇御府員  
送人鏘玉珮中使拂瓊筵和樂薰風解湛恩時雨連  
長材成磊落短翮強翻躔徒仰蓬萊地何階不讓緣  
奉和聖製送張說上集賢學士賜宴得蓮字

唐趙冬曦初

淺術方觀海深恩忽見天學開丹殿籍名與石渠賢

良輔膺休命微生謬採甄春餘仍弄墨夏近未舒蓮  
賡札來宸禁衣冠集詔筵史臣知醉德欲記升中年  
奉和聖製送張說上集賢學士賜宴得私字

唐李元紘初

碩儒延鳳詔金馬被鴻私饌玉趨丹禁賡花降紫墀  
銜恩傾旨酒鼓舞詠康時暫觀羣書輯逾昭盛業不  
接筵欣有命擢管愧無詞自驚一何幸太陽還及葵  
奉和聖製送張說上集賢學士賜宴得廻字

唐程行誥初

聖主崇文化鏘鏘得盛才相因歸夢立殿以集賢開  
設官

卷三十六

集賢學士

象繫微言聞詩書至道該堯樽承帝澤禹膳自天來  
禮洽歡逾長風恬暑更廻國朝將舜頌同是一康哉  
奉和聖製送張說上集賢學士賜宴得今字

唐陸堅初

聖主崇文教層霄降德音尊賢澤既厚式宴寵逾深  
復有夔龍相良哉簡帝心得人惟邁昔多士諒推今  
書殿榮光滿儒門喜氣臨顧惟成濫吹徒此接衣簪  
奉和聖製送張說上集賢學士賜宴得登字

唐高初

帝曰簡才能旌賢在股肱文章體一變禮樂道逾弘

芸閣英華入賓門鵷鷺登恩筵過所望聖澤實超恒  
夏葉開紅藥餘花發紫藤微臣亦何幸叨此預文明  
奉和聖製送張說上集賢學士賜宴得風字

唐褚秀初

講習延東觀趨陪盛北宮推師恢帝則敷教叶天工  
宣室思常異金華體更崇洞門清永日華綬接徽風  
蓮降堯厨翠榴看舜酒紅文思光萬宇高議待升中  
奉和聖製送張說上集賢學士賜宴得茲字

唐蘇頲初

肅肅金殿裏招賢固在茲鏘鏘石渠內序拜亦同時  
設官

卷三十六

集賢學士

燕賜歡譚道文成貴說詩用儒今作相敦學舊爲師  
下濟天光近中來帝渥滋國朝良史載能事日論思  
奉和聖製送張說上集賢學士賜宴得虛字

唐徐堅初

崇文德化洽新殿集賢初庸非參嘉選首濫承明廬  
殊私光輔弼榮送列簪裾座引中厨饌杯錫上樽餘  
翠葉濃丹苑晴空卷碧虛忝同文史地願草登封書  
奉和聖製送張說上集賢院賜宴得輝字

唐張說初

侍帝金華講千齡道固稀位將賢士設書共學徒歸

首命深燕隗通經淺漢章列筵榮賜食送客愧儒衣  
賀燕窺簷下遷鶯入殿飛欲知朝野慶文教日光輝

奉留贈集賢院崔于二學士 唐杜甫 盛

昭代將垂白窮途乃叫閤氣衝星象表詞感帝王尊  
天老書題目春官驗討論倚風遺鴈路隨水到龍門  
竟與蛟螭雜寧無燕雀喧青雲猶契濶陵厲不飛翻  
儒術誠難起家聲庶已存故山多藥物勝槩憶桃源  
欲整還鄉旆長懷禁掖垣謬稱三賦在難述二公恩  
○廣文

醉時歌贈廣文館學士鄭虔 唐杜甫 盛

卷三十六

十一 廣文

諸公衮衮登臺省廣文先生官獨冷甲第紛紛厭梁  
肉廣文先生飯不足先生有道出羲皇先生有文過  
屈宋德尊一代常坎軻名垂萬古知何用杜陵野客  
人更嗤被褐短窄鬢如絲日糴太倉五升米時赴鄭  
老同襟期得錢即相覓沽酒不復疑忘形到爾汝痛  
飲真吾師清夜沈沈動春酌簷前細雨燈花落但覺  
高歌有鬼神焉知餓死填谿壑相如有才親滌器子  
雲識字終投閣先生早賦歸去來石田茅屋荒蒼苔  
儒術於我何有哉孔丘盜跖俱塵埃不須聞此意慘  
澹生前相遇且銜杯

戲簡鄭廣文虔兼呈蘇司業源明

唐杜甫 盛

廣文到官舍繫馬堂階下醉即騎馬歸頗遭官長罵  
才名三十年坐客寒無氈近有蘇司業時時與酒錢

寄廣文張博士

唐王建 中

春明門外作卑官病友經年不得看莫道長安近於  
日升天却易到城難

寄潤卿博士

唐皮日休 晚

高眠可爲要玄纁鵲尾金爐一世焚塵外鄉人爲許  
橡山中地主是茅君將收芝菌唯防雪欲曬圖書不

設官

卷三十六

十一 廣文

柰雲若便華陽終卧去漢家封禪用誰文

酬襲美先輩見寄倒來韻

唐張賁 晚

尋疑天意送斯文故選茅峰寄白雲酒後只留滄海  
客香前唯見紫陽君近年已絕詩書癖今日兼將筆  
硯焚爲有此身猶苦患不知何者是玄纁

奉和襲美寄廣文先生

唐陸龜蒙 晚

忽辭明主事真君直取姜巴路入雲龍象拜時輕諾  
命霓襟披後小玄纁峰前北帝三元會石上東卿九  
錫文應笑世間名利火等閒靈府剩先焚

○博士

贈令狐博士

唐張籍中

頭白新年六十餘近聞生計轉空虛久爲博士誰能識自到長安賃舍居騎馬出隨尋寺客呼兒散紙乞錢書古來賢哲皆如此應是才高與衆疎

贈別太常李博士兼寄兩省舊遊

唐韓翃中

兩年戴武弁趨侍明光殿一朝眷惠文客事信陵君簡異當朝執香非寓直薰差肩何記室攜手李將軍玉鐙初回酸棗館金鈿正舞石榴裙忽驚萬事隨流水不見雙旌逐塞雲感舊撫心多寂寂與君相遇頭

設官

卷三十六

十四

初白暫誇五首軍中詩還憶萬年枝下客昨日留歡今送歸空披秋水映斜暉閒吟佳句對孤鶴惆悵寒霜落葉稀

國子柳博士兼領太常博士輒申賀贈

唐皇甫曾中

博士本秦官求才帖職難臨風曲臺淨對月碧池寒講學分陰重齋祠曉漏殘朝衣辨色處雙綬更宜看

寄侯博士

唐羅隱晚

規諫揚雄賦還賈誼官久貧還往少孤立轉還難清鏡流年急高槐旅舍寒侏儒亦何有飽食向長安

○執金吾

中護軍 羽林附

贈胡正將軍

唐王建中

書生難得是金吾近日登科記總無半夜進儺當玉殿未明排仗到銅壺朱牌面上分官契黃紙頭邊押勅符恐要蕃中新道路指揮重畫五城圖

寄金吾李孫常侍

唐羅隱晚

西班牙禁兵蘭鐙最分明曉色嚴天仗春寒避火城安危雖已任韜畧節嘉聲請問何功德關寇始平從事中郎張彥明爲中護軍六章

晉陸雲

設官

卷三十六

十五

思文有聖叔哲配天功濟生黎道合上玄休命發揮有集惟賢哲彼寤宿澄此在淵濟濟多士實播令聞玉曰欽哉余嘉乃勳徽音孔碩惠爾風雲穆此芳烈肇揚清芬

肅肅庶僚衮服寵暉聲彼桃蟲假翼翻飛出撫邦家入翔紫微有命既集願言永違

思樂華堂雲構崇基公王有酒薄言饗之景曜徽芒芳風詠時宴爾賓儗具樂于茲

聲聲我王豐恩允臧我客戾止飲酒公堂自彼下僚聿來有光悲矣永言指途逝將形違殿園景附

開國承家勿用小人今我聖宰實審斯仁凌淵龍躍  
披林鳳振正直既好嘉禮式陳振我遠德歸于時民

贈王威古

唐崔顥 盛

三十羽林將出身常事邊春風吹殘草獵騎何翩翩  
挿羽兩相顧鳴弓新上弦射麋入深谷飲而投荒泉  
馬上共傾酒野中聊割鮮相看未及飲維虜寇幽燕  
烽火去不息胡山高際天長驅救東北轉戰解城全  
報國行赴難古來皆共然

送羽林陶將軍

唐李白 盛

將軍出使擁樓船江上旌旗拂紫煙萬里橫戈探虎

設官

卷三十六

一六 沈金吾

穴三杯拔劍舞龍泉莫道詞人無膽氣臨行相贈繞  
朝鞭

羽林郎

唐朱慶餘 中

紫髯年少奉恩初直閣將軍盡不如酒後引兵圍百  
草風前駐旆領邊書宅將公主同時賜官與中郎共  
日除大笑魯儒年四十腰間猶未識金魚

羽林行

唐孟郊 中

朔雪寒斷指朔風勁裂冰胡中射鵬者此日猶不能  
翩翩羽林兒錦臂飛蒼鷹揮鞭快白馬走出黃河凌

贈羽林將軍

唐李郢 晚

虬髯憔悴羽林郎會入甘泉侍玉皇鵬沒夜雲知御  
苑馬隨仙仗識天香五湖歸去孤舟月 來兩  
鬢霜唯有桓伊江上笛卧吹三弄送殘陽

羽林賈中丞

唐曹唐 晚

四十年前百戰身曾驅虎隊掃邊塵風悲鼓角榆關  
暮日落旌旗隴草春鐵馬慣牽邀上客金魚多解乞  
佳人

寄羽林盧大夫

唐僧無可 晚

將軍直禁闥繡服耀金羈羽衛九天靜英豪四塞知  
望雲回朔鴈隔水射宮麋舊國無歸思秋堂夢戰時

設官

卷三十六

一七 將軍

門風荀氏敵劒藝霍家推計日旌旄下蕭蕭萬馬隨  
將軍 邊將 老將 少將並附

將軍行

唐劉希夷 初

將軍關轅門耿介當風立諸將欲言事遂巡不敢入  
劒氣射雲天鼓聲振原隰黃塵塞路起走馬追兵急  
彎弓從此去飛箭如雨集截圍一百重斬首五千級  
代馬流血死胡人抱鞍泣古來養甲兵有事常討襲  
乘我廟堂運坐使干戈戢獻凱歸京師軍容何翕習  
玉門關蓋將軍歌

唐岑參 盛

蓋將軍真丈夫行年三十執金吾身長七尺頗有鬚

玉門關城迴且孤黃沙萬里白草枯南隣犬戎北接  
胡將軍到來備不虞五千甲兵膽氣驕軍中無事但  
歡娛暖屋繡簾紅地爐織成壁衣花氍毹燈前侍婢  
瀉玉壺金錯亂點野酖酥紫綬金章左右趨問著卽  
是蒼頭奴美人一雙閑且都朱唇翠眉映明眸清歌  
一曲世所無今日喜聞鳳將雛可憐絕勝秦羅敷使  
君五馬謾踟躕野草繡窠紫羅襦紅牙鏤金對樽蒲  
玉盤纖手撒作盧人誇道不曾輪握上昂昂皆駿  
駒桃花叱撥價最殊騎將獵回城南隅臘日射殺千  
年狐我來塞外按邊儲爲君取醉酒剩沽醉爭酒盞

設官

卷三十六

十八  
將軍

相喧呼忽憶咸陽舊酒徒

趙將軍歌

唐岑參

九月天山風似刀城南獵馬縮寒毛將軍縱博場場  
勝賭得單于貂鼠袍

司馬將軍歌

唐李白

狂風吹古月竊弄章華臺北落明星動光彩南征猛  
將如雲雷手中電曳倚天劍直斬長鯨海水開我見  
樓船壯心目頗似龍驤下三蜀揚兵習戰張虎旗江  
中白浪如銀屋身居玉帳臨河魁紫髯若戟冠崔嵬  
細柳開營揖天子始知灞上爲嬰敵羌笛橫吹阿彈

迴向月樓中吹落梅將軍自起舞長劍壯士呼聲動  
九垓功成獻凱報明主丹青畫像麒麟臺

歷陽壯士勤將軍名思齊歌

唐李白

歷陽壯士勤將軍神力出於百夫則天太后召見  
奇之授游擊將軍賜錦袍玉帶朝野榮之後拜橫  
南將軍大臣慕義結十友卽燕公張說館陶公郭  
元振爲首余壯之遂作詩

太古歷陽郡化爲洪川在江山猶鬱盤龍虎秘光彩  
蓄洩數千載風雲何霍霍特生勤將軍神力百夫倍  
魏將軍歌

唐杜甫

設官

卷三十六

十九  
將軍

將軍昔著從事衫鐵馬馳突重兩銜被堅執銳略西  
極崑崙月窟東嶄巖君門羽林萬猛士惡若哮虎子  
所監五年起家列霜戟一日過海收風帆平生流輩  
徒蠢蠢長安少年氣欲盡魏侯骨聳精爽緊華嶽峰  
尖見秋隼星纏寶校金盤陀夜騎天駟超天河機槍  
熒惑不敢動翠裘雲旂相蕩摩吾爲子起歌都護酒  
闌挿劍肝膽露鉤陳蒼蒼玄武暮萬歲千秋奉明主  
臨江節士安足數

戲作花卿歌

唐杜甫

成都猛將有花卿學語小兒知姓名用如快鷁風火



生見賊唯多身始輕  
綿州副使者柘黃我卿掃除即  
日平子璋髑髏血模糊  
手提擲還崔大夫李侯重有  
此節度人道我卿絕世無  
既稱絕世無天子何不喚  
取守京都時有病瘡者子美曰吾詩可以療之病者謂之瘡猶是也杜曰更謂子璋獨相對如夢寐其人模糊手提擲還崔大夫其人謂之果愈

將軍行

唐張籍中

彈箏峽東有胡塵  
天子擇日拜將軍蓬萊殿前賜六  
纛還領禁兵爲部曲當朝受詔不辭家  
夜向咸陽原上宿戰車彭彭旌旗動  
三十六軍齊上隴隴頭戰勝夜亦行  
分兵處處收舊城胡兒殺盡陰磧暮  
擾擾唯設官  
卷三十六  
二十  
將軍  
有牛羊聲邊人親戚曾戰沒  
今逐官軍收舊骨磧西行見萬里空  
幕府獨奏將軍功

上將行

唐耿漳中

蕭關掃定犬羊羣  
閉閣層城白日曛  
櫓上驂驕嘶鼓角門前老將識  
風雲旌旗四面寒山映絲管千家  
靜夜聞誰道古來多簡冊功臣唯  
有衛將軍

呂將軍歌

唐李賀中

呂將軍騎赤兔獨攜大膽出秦門  
金粟堆邊哭陵樹北方逆氣汗青  
天劍龍夜叫將軍間將軍振袖揮  
劍鏑玉闕朱城有門閣檻檻銀龜  
搖白馬傳粉女即大

旗下恒山鍊騎請金槍  
遙聞箛中花箭香西郊寒蓬  
葉如刺皇天親一作新裁養神驥  
廐中高桁排蹇蹄飽食青芻飲  
白水圓蒼低迷蓋張地九州人  
事皆如此赤山秀鋌禦時英綠  
眼將軍會天意

贈裴旻將軍

唐王維盛

腰間寶劍七星文  
臂上瑠弓百戰勲見說雲中擒  
黑虜始知天上有將軍

贈裴將軍

唐顏真卿盛

大君制六合猛將清九垓  
戰馬若龍虎騰凌何壯哉將軍  
臨八荒烜赫耀英材劍舞若游  
電隨風紫日迴

設官

卷三十六

三二  
將軍

登高望天山白雲正崔嵬  
入陣破驕虜威名雄震雷一射  
百馬倒再射萬夫開匈奴不敢  
敵相呼歸去來功成報天子可  
以盡麟臺

贈郭將軍

唐李白盛

將軍豪蕩有英威  
入掌銀臺護紫微平明拂劍朝天  
去薄暮垂鞭醉酒歸  
愛子臨風吹玉笛美人騰月舞  
羅衣嘯昔雄豪如夢裏相逢且  
欲醉春輝

贈郭將軍

唐王建中

承恩新拜上將軍  
當直巡更近五雲  
天下表章經院過宮中語笑隔  
牆聞密封計策非時奏別賜衣  
裳到

處薰向晚臨堦看號簿眼前風景任支分

贈張將軍

唐楊巨源中

關西諸將揖容光獨立營門劍有霜知愛魯連歸海上肯令王翦在平陽天晴紅幟當山滿日暮清笳入塞長年少高功人最羨漢壇煙樹日蒼蒼

贈張將軍

唐耿漳中

寥落軍城暮重門反照間鼓鼙經雨暗士馬過秋閑慣守臨邊郡曾營近海山關西舊業在夜夜夢中還

贈趙將軍

唐張籍中

當年膽略已縱橫每見妖星氣未平身貴早登龍尾

設官

卷三十六

三

將軍

道功高自破鹿頭城尋常得對論邊事委曲承恩掌

內兵會取安西將報國凌煙閣上大書名

贈王將軍

唐賈島中

宿衛爐煙近除書墨未乾馬曾金鏃中身有寶刀瘢父子同時捷君王盡陣看何當為外帥白日出長安

贈王將軍

唐僧無可晚

勲高絕少年分衛玉階前劍彩浮龍影衣香襲御煙  
晒書秋霽閣走馬夕陽田急免投深草噴鷹下半年  
野人盈邸第朝客醉盤筵位在將軍列官隨憲府遷  
刻心思報國吁氣欲開邊選帥如公議須知少比肩

寄贈王十將軍承俊

唐杜甫盛

將軍膽氣雄臂懸兩角弓纏結青驄馬出入錦城中  
時危未受鉞勢屈難為功賓客滿堂上何人高義同  
送蔡希魯都尉還隴右寄高三十五書記

唐杜甫盛

蔡子勇成癖彎弓西射胡健兒寧關壯士恥為儒  
官是先鋒得材緣挑戰須身輕一鳥過槍急萬人呼  
雲幕隨開府春城赴上都馬頭金匝馳背錦模糊  
咫尺雪山路歸飛西海隅上公猶寵錫突將且前驅  
漢使黃河遠涼州白麥枯因君問消息好在阮元瑜

設官

卷三十六

三

將軍

送張都尉東歸

唐岑參盛

白羽綠弓絃年年只在邊還家劍鋒盡出塞馬蹄穿  
逐虜西踰海平胡北到天封侯應不遠燕領豈徒然

送李將軍

唐劉長卿中

西征諸將一如君報德誰能不顧勲身逐寒鴻來萬  
里手披荒草看孤墳擒生絕漠經胡雪懷舊長沙哭

楚雲歸去蕭條灞陵上幾人看葬李將軍

送李將軍赴定州

唐郎士元中

雙旌漢飛將萬里授橫戈春色臨邊盡黃雲出塞多  
鼓鼙悲絕漠烽戍隔長河莫斷陰山路天驕已請和

送韓將軍還邊

唐李益

白馬羽林兒，揚鞭薄暮時。獨將輕騎出，暗與伏兵期。  
雨雪移軍遠，旌旗上隴遲。聖心戎寄重，未許讓恩私。

送千牛李將軍赴闕五十韻

唐李商隱

照席瓊枝秀，當年紫綬榮。班資古直閣，勳伐舊西京。  
在昔王綱紊，因誰國步清。如無一戰霸，安有大橫庚。  
內豎依憑切，凶門責望輕。中台終惡直，上將更要盟。  
丹陛祥煙滅，皇闈煞氣橫。喧闐衆狙怒，容易八蠻驚。  
檣杪寬之久，防風戮不行。素來矜異類，此去豈親征。  
捨魯真非策，居邠未有名。曾無力牧御，寧待雨師迎。

設官

卷三十六

三

將軍

火箭侵乘石，雲梯逼禁營。何時絕刁斗，不夜見欃槍。  
屢亦聞投鼠，誰其敢射鯨。世情休念亂，物議笑輕生。  
大鹵思龍躍，蒼梧失象耕。靈衣沾妮汗，儀馬困陰兵。  
別館薰蕕酷，深宮蠟燭明。黃山遮舞態，黑水斷歌聲。  
縱未移周鼎，何辭免趙坑。空拳轉鬪地，數板不沈城。  
且欲憑神算，無因計力爭。幽囚武節棄，巾袖由纓。  
下殿言終驗，增埤事早萌。天威蒸難殊，滅膳。  
肩麴異和羹。否極時還泰，屯餘景亨。流離幾南度，  
倉卒得西平。神鬼收昏黑，姦兇百戰。滿盈官非替，護  
貴師以丈人貞。覆載還高下，寒暄改更。前烹茶。

卓壇上把韓彭，扈蹕三才正。迴軍六合晴，此時唯短  
劍。仍世盡雙旌，顧我由羣從。逢君歎老成，慶流歸嫡  
長。貽厥在名卿，隼擊須當要。鵬搏莫問程，趨朝排玉  
座。出位泣金莖，幸藉梁園賦。叨蒙許氏評，中郎推貴  
胥。定遠重時英，政已標三尚。人今佇一鳴，長刀懸月  
鬼。快馬駭星精，披豁慙深春。睽離動素誠，惠留春晚  
晚。松待歲嶢嶢，異縣期迴鴈。登時已飢鯖，去程風刺  
刺。別後漏丁丁，庾信生多感。楊朱死有情，絃危中婦  
瑟。甲冷想夫箏，會與秦樓鳳。俱聽漢苑鶯，洛川迷曲  
沼。煙月兩心傾。

設官

卷三十六

三

將軍

送武陵王將軍

唐馬戴

河外今無事，將軍有戰名。艱難長劒缺，功業少年成。  
曉仗親雲陛，寒宵直禁城。朱旗身外色，玉漏耳邊聲。  
開閣談賓至，調弓過鴈驚。爲儒多不達，見學請長纓。  
哭虞將軍

唐許渾

白首從軍未有名，近將孤劒到江城。巴童戍久能番  
語，胡馬調多解漢行。對雪夜窮黃石略，望雲秋計黑  
山程。可憐身死家猶遠，汴水東流無哭聲。

邊城將四首

梁吳均

塞外何紛紛，胡騎欲成羣。爾時始應募，來投霍冠軍。

刀含四尺影劍抱七星文袖間血灑地車中旌拂雲  
輕軀如未殞終當厚報君

僕本邊城將馳射靈關下箭銜鴈門石氣振武安瓦  
勲輕賞廢立名高拜橫野留書應鑿鑿傳功須勒社  
徒傾七尺命酬恩終自寡

聞君報一餐遠送出平野玉標丹霞劍金絡豔光馬  
高旗入漢飛長鞭歷地寫曙星海中出曉月山頭下  
歲晏坐論功自有思臣者

臨淄重蹴鞠曲城好擊刺不要身後名專騁眼前智  
君看班定遠立功不負義掣拽二丈旗躑躅雙鳬騎

設官

卷三十六

王

將軍

但問相知否死生無險易

漁陽將

唐張籍中

塞深沙草白都護領燕兵放火燒奚帳分旗築漢城  
下營看嶺勢尋雪覺人行更向系乾北擒生問磧名

贈邊將

唐施肩吾中

輕生奉國不爲難戰苦身多舊箭藏玉匣銷龍鱗甲  
冷金鈴觀鵲羽毛寒皂貂擁出花常背白馬騎來月  
在鞍猶恐犬戎臨虜塞柳營時把陣圖看

邊將

唐馬戴晚

玉榼酒頻傾論功笑李陵紅韁跑駿馬金鍬掣秋鷹

塞迴連天雪河深徹底水誰言提一劍勤苦事中興

贈淮南將

唐馬戴晚

何事淮南將功高業未成風濤辭海郡雷雨鎮山營  
度磧黃雲起防秋白髮生密機曾制敵憂國更論兵  
塞色侵旗動寒光鎖甲明自憐心有作獨立望專征

贈邊將

唐韋莊晚

昔因征遠向金微馬出榆關一鳥飛萬里只攜孤劍  
去十年空逐塞鴻歸手招都護新降虜身著文皇舊  
賜衣只待煙塵報天子壯心無事別無機

贈邊將

唐姚鵠晚

設官

卷三十六

王

將軍

三邊近日往來通盡是將軍鎮撫功兵統萬人爲上  
將威加千里懾西戎清笳遶塞吹寒月紅旆當山肅  
曉風却恨北荒霜雨露無因掃盡虜庭空

贈功成將

唐方干晚

建難在明略何曾勞戰爭飛書諭強寇計日下重城  
深雪移營夜寒沙出塞情苦心殊易老新髮早年生

宴邊將

唐張喬晚

一曲梁州金石清邊風肅颯動江城座中有老沙場  
客橫笛休吹塞上聲

送防秋將

唐張籍中

白首征西將猶能射戟支元戎選部曲軍吏換旌旗  
逐虜招降遠開邊舊壘移重收隴外地應似漢家時

送邊將

唐僧脩睦

人盡有離別而君獨無嗟言將身報國敢望祿榮家

戰思風吹野鄉心月滿沙歸期定何日塞北樹無花

送劉郎將歸河東

唐岑參

借問虎賁將從軍凡幾年殺人寶刀缺走馬貂裘穿

山雨醒別酒關雲迎渡船謝君賢主將豈忘輪臺邊

送裴別將之安西

唐高適

絕域眇難躋悠然信馬蹄風塵驚跋涉搖落怨睽攜

設官

卷三十六

將軍

地出流沙外天長甲子西少年無不可行矣莫悽悽

老將行

唐王維

少年十五二十時步行奪取胡馬騎射殺山中白額

虎肯數鄴下黃鬚兒一身轉戰三千里一劍曾當百

萬師漢兵奮迅如霹靂虜騎崩騰畏蒺藜衛青不敗

由天幸李廣無功緣數奇自從棄置便衰朽世事蹉

跎成白首昔時飛箭無全目今日垂楊生左肘路傍

時賣故侯瓜門前學種先生柳茫茫古木連窮巷遼

落寒山對虛牖誓令疎勒出飛泉不似潁川空使酒

賀蘭山下陣如雲羽檄交馳日夕聞節使三河募年

少詔書五道出將軍試拂鐵衣如雪色聊持寶劍勦  
星文願得燕弓射天將恥令越甲鳴吾耳一作君莫嫌

舊日雲中守猶堪一戰立功勲

贈老將

唐皇甫曾

白草黃雲塞上秋曾隨驃騎出并州輓轡劒折虬髯

白轉戰功多獨不侯

贈鄰家老將

唐楊巨源

白首羽林郎丁年戍朔方陰天瞻磧路秋日渡遼陽

大漠寒山黑孤城夜月黃十年依幕食萬里帶金瘡

拂雪陳師祭衝風立教場箭飛瓊羽合旌動火雲張

設官

卷三十六

將軍

虎翼分營勢魚鱗擁陣行誓心清塞色鬪血雜沙光

戰地晴輝薄軍門曉氣長寇深爭暗襲關迴勒春防

身賤竟何訴天高徒自傷功成封寵將力盡到貧鄉

雀老方悲海鷹衰却念霜空餘孤劒在開匣一霜寒

贈故將軍

唐李端

平生在邊日鞍馬若星流獨出關千里相知滿九州

恃功凌主將作氣見王侯誰道廉頗老猶能報遠讎

古詞

唐衛象

鷓鴣血凋弓濕未乾鷓鴣龍劒夜光寒遼東老將鬢如

雪猶向旄頭夜夜看

老將

唐羅鄴

百戰辛勤歸帝鄉南班班裏最南行  
力劒泣虬髯曉有霜千古恥非書竹帛  
河湟年年宿衛天顏近曾把功勳奏建章

舊將軍

唐李商隱

雲臺高議正紛紛誰定當時蕩寇勳  
獵李將軍是舊將軍日暮潮陵原上

少將

唐李商隱

族亞齊安陸風高漢武威煙波別墅醉花月  
青海聞傳箭天山報合圍一朝攜劒起上馬即如飛

設官

卷三十六

三十

將軍

詩雋類函卷三十七

東吳俞安期彙纂 宣城梅鼎祚增定

雲間姜雲龍訂校

設官部四

總管 都督 副使 都護 都使 附 節度使 副使 留守 京兆尹 少尹 刺史 御史 司馬 判官 參軍 書記 從事 押衙

採訪使 附 朝集使 附 司馬 判官 參軍 書記 從事 押衙

○總管

奉和幸望春宮送朔方大總管張仁亶

唐李乂

邊郊草地腴河塞有兵機上宰調梅寄元戎細柳威

設官

卷三十七

一

虎貔東道出鷹隼北庭飛玉匣謀中野金輿下太微  
投醪銜餞酌緝衮事征衣勿謂公孫老行聞秦凱歸

奉和幸望春宮送朔方大總管張仁亶

唐李嶠

玉塞征驕子金符命世臣三軍張武旆萬乘餞行輪

猛氣凌玄朔崇恩降紫宸投醪還結士辭第本忘身

露下鴈初擊風高鴈欲賓方銷塞北校還靜漢南塵

奉和聖製幸望春宮送朔方大總管張仁亶

唐劉憲

命將擇耆年圖功勝必全光輝萬乘餞威武二庭宣



中衢橫鼓角曠野蔽旌旃推食天廚至投醪御酒傳  
涼風過鳳苑殺氣下雞田分闡恩何極臨岐動眷篇

奉和聖製幸望春宮送朔方大總管張仁亶

唐蘇頌初

北風吹早鴈日夕渡河飛氣冷葭應折霜明草正腓  
老臣帷幄算元宰廟堂機餞飲迴仙蹕臨戎解御衣  
軍裝乘曉發師律候春歸方佇勲庸盛天辭降紫微  
奉和幸望春宮送朔方大總管張仁亶

唐鄭愔初

御蹕下都門軍麾出塞垣長楊跨虜騎細柳按戎軒

卷三十七

設官

層曲風雲動邊威鼓吹喧坐帷將闔外俱是報明恩

奉和幸望春宮送張仁亶

唐李適初

地限驕南牧天臨餞北征解衣延寵命橫劔總威名  
豹略恭宸旨雄文動睿情坐觀膜拜入朝夕受降城

○都督 開府附

贈梁州張都督

唐崔顥盛

聞君爲漢將虜騎不南侵出磧清沙漠還家拜羽林  
風霜臣節苦歲月主恩深爲語西河使知余報國心

贈兗州孟都督

唐韓翃中

少年親事冠軍侯中歲仍遷北兗州露冕寧誇漢車

服下帷常計魯春秋

同餞楊將軍兼源州都督御史中丞

唐蘇頌初

右地接龍沙中朝任虎牙然明方改俗去病不爲家  
將禮登壇盛軍容出院華朔風搖漢鼓邊月思胡笳  
旗舍無邀正冠危有觸邪當看勞旋日及此御溝花  
送趙都督赴代州

唐王維盛

天官動將星漢上柳條青萬里鳴刁斗三軍出井陘  
忘身辭鳳闕報國取龍庭豈學書生輩臆聞老一經  
留別孟都督

唐韓翃中

設官 卷三十七

三 設官

平蕪霽色寒城下美酒百壺爭勸把連呼寶劔銳頭  
兒少駐金羈大頭馬一飲留歡分有餘寸心懷思復  
何如他時相憶如相問青瑣門前開素書

夏州崔常侍白少常亞列出領麾幢十韻

唐杜牧晚

帝命詩書將登壇禮樂卿三邊要高枕萬里得長城  
對客猶褒博填門已旆旌別風嘶玉勒殘日望金莖  
榆塞孤煙媚銀川綠草明戈矛號虎士弓箭落鵬兵  
魏絳言堪採陳湯事偶成若須垂竹帛靜勝是功名  
送彭開府往靈中觀使君兄

唐盧綸中

一門三代貴非是主恩偏破虜山名在承家劍藝全  
奪旌貂帳側射虎雪林前鴈塞逢兄弟雲州發管絃  
凍河光帶日枯草淨無煙儒者曾修武因貽上將篇

奉送嚴大夫再領容府

唐曹唐

海風捲樹凍嵐消憂國寧辭嶺外遙自顧勤勞甘百  
戰不將功業負三朝劍澄黑水曾芟虎箭劈黃雲慣  
射鵬代北天南盡成事肯將心許霍嫖姚

○都護

都使附

送趙都護赴安西

唐張九齡

將相有更踐簡心良獨難遠圖管畫地超拜乃登壇  
設官 卷三十一 都護

戎即崑山叙車同渤海單義無中國費情必達人安  
他日文兼武而今粟且寬自然來月窟何用刺樓蘭  
南至三冬晚西馳萬里寒封侯自有處征馬去啾啾

送趙都護赴安西

唐孫逖

外城分都護中臺命職方欲傳清廟略為取劇曹郎  
已佩登壇印猶懷伏奏章百壺開祖餞四牡結戎裝  
青海連西夏黃河帶北涼關山瞻漢月戈劍宿胡霜  
體國才先著論兵策復長果持文武術還繼杜當陽  
奉和聖製送不蒙都護兼鴻臚卿歸安西應制

唐王維

上卿增命服都護揚歸旆維虜盡朝周諸胡皆自郤  
鳴笳瀚海曲按節陽關外落日下河源寒山靜秋塞  
萬方氛侵息六合乾坤大無戰是天天心天心同覆載

趙都護燕別

唐盧象

上客候旌麾元戎復在斯門開都護府兵動羽林兒  
點虜多翻覆謀臣有別離智同天所授恩共日相隨  
漢使開賓幙胡笳送酒卮風霜迎馬首雨雪事魚麗  
上策應無戰深情屬載馳不應行萬里明主寄安危

送單于裴都護赴西河

唐崔顥

征馬出翩翩城秋月正圓單于莫近塞都護欲臨邊  
設官 卷三十一 都護

送李大都護

唐常建

單于雖不戰都護事邊深君執幕中秘能為高士心  
海頭近初月磧裏多愁陰西望郭猶子將分淚滿襟

送韓都護還邊

唐盧綸

好勇知名早爭雄上將間戰多入塞獵慣夜登山  
陣合龍蛇動軍移草木閑今來部曲盡白首過蕭關  
○節度使 副使附

酬河南節度使賀蘭大夫見贈之作

唐高適

秉鉞知恩重臨戎覺命輕  
股肱瞻列嶽長城  
直道寧殊智先鞭忽抗衡  
楚雲隨去馬淮月尚連營  
撫劍堪投分悲歌益不平  
從來重然諾況值欲橫行  
奉送郭中丞兼太僕卿充隴右節度使三十韻

唐杜甫

詔發西山將秋屯隴右  
兵淒涼餘部  
鷗鷺乘時去驪驕顧主  
鳴艱難須上策容易即前程  
斜日當軒蓋高風卷旆旌  
松悲天水冷沙亂雪山清  
和虜猶懷惠防邊不敢驚  
古來於異域錢靜示專征  
燕薊奔封豕周秦觸駭鯨  
中原何慘黷餘孽尚縱橫

設官

卷三十七

六

唐錢起

箭入昭陽殿笳吟細柳營  
內人紅袖泣王子白衣行  
宸極妖星動園陵殺氣平  
空餘金柅出無復總帷輕  
毀廟天飛雨焚宮火徹明  
杳恩朝共落榆栢夜同傾  
三月師逾整羣胡勢就烹  
瘡痍親接戰勇決冠垂成  
妙譽期元宰殊恩具列卿  
幾時回節鉞戮力掃欃槍  
圭竇三千士雲梯七十城  
恥非齊說客甘似魯諸生  
通籍微班忝周行獨坐榮  
隨肩趨漏刻短髮寄髹纓  
徑欲依劉表還疑厭禰衡  
漸衰那此別忍淚獨含情  
廢邑狐狸語空村虎豹爭  
人頻墜塗炭公豈忘精誠  
元帥調新律前軍壓舊京  
安邊仍履從莫作後功名

奉送李太保兼御史大夫充渭北節度使即太尉光弼弟

唐岑參

詔出未央宮登壇近總戎  
上公周太保副相漢司空  
弓抱關西月旗翻渭北風  
弟兄皆許國天地荷成功

送郭僕射節制劍南

唐岑參

鐵馬擐紅纓幡旗出禁城  
明王親授鉞丞相欲專征  
玉饌天厨送金杯御酒傾  
劍門乘嶮過閣道踏空行  
山鳥驚吹笛江猿看洗兵  
曉雲隨去陣夜月逐行營  
南仲今時往西戎計日平  
將心感知已萬里寄懸旌  
奉送戶部李郎中充晉國副節度出塞

設官

卷三十七

七

唐錢起

德佐調梅用忠輸擊虜  
年子房推廟略漢主託兵權  
受命榮中禁分麾鎮左賢  
風生黑山道星下紫微天  
始願文經國俄看武定邊  
鬼方堯日遠幕府代雲連  
汗馬將行矣盧龍已肅然  
關防驅使節花月春離筵  
自忝知音遇而今感義偏  
淚聞橫吹落心逐去旌懸  
帝念憂能政時須說濟川  
勞還應卽爾朝暮玉墀前  
送王節度副使赴太原  
唐司空曙  
新從劉太尉結束向并州  
絡繹青絲騎盤囊錦帶鉤  
出關逢將校下嶺擁戈矛  
匣閉寒雲冷山傳畫角秋

劍鋒將破虜遠道罷登樓豈作書生老當封萬戶侯

宣城送劉副使入秦

唐李白

君即劉越石雄豪冠當時淒清橫吹曲慷慨扶風詞  
虎嘯俟騰躍雞鳴遭亂離千金市駿馬萬里逐王師  
結交樓煩將侍從羽林兒統兵捍吳越豺虎不敢窺  
大勲竟莫叙已過秋風吹東鉞有季公凜然負英姿  
寄深且戎幕望重必台司感激一然諾縱橫兩無疑  
伏奏歸北闕鳴騶忽西馳列將成出祖英僚惜分離  
昔贈紫騮駒今傾白玉卮同歡萬斛酒未足解相思  
送張獻心充副使歸河西 唐岑參

設官

卷三十七

八

前漢使

將門子弟君獨賢一從受命常在邊末年三十已高  
位腰間金印色赭然前日承恩白虎殿歸來見者誰  
不羨篋中賜衣十重餘案上軍書十二卷看君謀智  
若有神愛君詞句皆清新澄湖萬頃深見底清冰一  
片光照人雲中昨夜使星動西門驛樓出相送玉瓶  
素蟻臘酒香金鞍白馬紫遊韁花門南燕支北張掖  
城頭積雲黑送君一去天外憶

○轉運使

送元中丞轉運江淮

唐王維

薄稅歸天府輕徭賴使臣歡沾賜帛老恩及卷綸人

去問珠官俗來經石劫春東南卸亭上莫使有風塵

奉送劉相公江淮催轉運

唐錢起

國用資戎事臣勞爲主憂將徵任土貢更發濟川舟  
擁傳星還去過池鳳下留唯高飲水節稍淺別家愁  
落葉淮邊雨孤山海上秋遙知謝公興微月在江樓  
贈轉運陸中丞 唐孟郊

掌運職既大摧邪名更雄鵬飛簸曲雲鸚鵡怒生直風

唐孟郊

投彼霜雪令翦除荆棘叢楚倉傾向西吳米發自東  
帆影咽河口車聲聾關中堯知才策高人喜道路通  
皆驚內史力繼得鄧侯功萊子真爲少相如未免窮

設官

卷三十七

九

前漢使

衣花野苗昔書葉山梧桐不是宗匠心誰憐久棲蓬  
○採訪使 朝集使附

送丹陽採訪

唐徐安貞

郡縣分南國皇華出聖朝爲憐鄉棹近不道使車遙  
舊俗吳三讓遺風漢六條願言除疾苦天子聽謳謠  
奉和韋判官獻侍郎叔除河東採訪使

唐儲光義

天卿小冢宰道大名亦大醜正在權臣建旗千里外  
楚山俯江漢汴水連譙沛兩持方伯珪再轉諸侯蓋  
恬憺輕黜陟優游邈千載乾象變台衡羣賢盡交泰

聿來股肱郡河嶽卽襟帶盛德滋冀方仁風清汾滄  
四封盡高足相府輶車最超超青雲器婉婉竹林會  
賤士敢知言成頌文明代燕雀依大夏期之保貞悔  
奉饒元侍郎加豫章採訪兼賜章服

唐劉長卿中

任重兼烏府時平偃豹韜澄清水變分別楚山高  
花對彤檐發霜和白雪操黃金裝舊馬青草換新袍  
嶺暗猿啼月江寒鷺吹濤豫章生字下無使發蓬蒿  
奉和聖製送十道採訪使及朝集使

唐張九齡初

設官

卷三十七

十一

三年一上計萬國趨河洛課最力已陳賞延恩復博  
垂衣深共理改瑟其咸若首路廻竹符分鑣揚木鐸  
戒程有攸往詔餞無淹泊昭晰動天文殷勤在民瘼  
持久望茲念克終期所託行矣當自強春耕庶秋穫  
奉和聖製暮春送朝集使歸郡應制

唐王維盛

萬國仰宗周衣冠拜冕旒玉乘迎大客金節送諸侯  
祖席傾三省塞帷向九州楊花飛上路槐色陰通溝  
來預鈞天樂歸分漢主憂宸章類河漢垂象滿中州  
○留守

送蔣尚書居守東都

唐錢起

鳳輦幸秦久周人後帝情若非君敏德誰鎮洛陽城  
前席命才彥舉朝推令名綸言動北斗職事守東京  
鄭履下天去遽輪滿路聲出關秋樹直對闕達山明  
政肅保釐處水流宮苑清長安日西笑朝夕衮衣迎

送王諫議任東都居守

唐錢起中

車徒鳳掖東去去洛陽宮暫以青蒲隔還看紫禁同  
經過乘雨露瀟灑出鵷鴻官署名臺下雲山舊苑中  
暮天雙闕靜秋月九重空且喜成周地詩人播國風  
奉送蔣尚書兼御史大夫東都留守

設官

卷三十七

十二

留守

唐耿漳中

副相威名重春卿禮樂崇錫珪仍拜下分命遂居東  
高旆翻秋日清鏡引細風蟬稀金谷樹草遍德陽宮  
教用儒門儉兵依武庫雄誰云千載後周召獨爲公  
送令狐尚書赴東都留守

唐張籍中

朝廷重寄在關東共說來從選上公勲業新成大梁  
鎮恩榮更守洛陽宮行香暫出天橋上巡禮常過禁  
殿中每領羣臣拜章慶半開門仗日曛曛

送東都留守令狐尚書赴任

唐白居易中

翠華黃屋未東巡碧落青嵩付大臣地稱高情多水

竹山宜閑望少風塵龍門卽擬爲遊客金谷先憑作  
主人歌酒家家花處處莫空管領上陽春

奉寄東都留守令狐相公 唐姚合

除書東守洛陽宮恩比藩方任更雄拜表出時傳七  
刻排班衙日有三公旌旗嚴重臨關外寺府一作庭宇清  
深接禁中三十六峰詩酒思朝朝閑望與誰同

○京兆 少尹 內史附

奉贈鮮于京兆 唐杜甫

始見張京兆宜居漢近臣驕驕開道路鵬鸞離風塵  
侯伯知何算文章實致身奮飛超等級容易失沈淪

設官 卷三十七 十三

脫略蟠谿釣操持郢匠斤雲霄今已逼台衮更誰親  
鳳穴雛皆好龍門客又新義聲紛感激敗績自逡巡  
途遠欲何向天高難重陳學詩猶孺子鄉賦念嘉賓  
不得同晁錯吁嗟後郊詵計疎疑翰墨時過憶松筠  
獻納紆皇眷中間謁紫宸且隨諸彥集方覲薄才伸  
破膽遭前政陰謀獨秉鈞微生霜忌刻萬事益酸辛  
交合丹青地恩傾雨露辰有儒愁餓死早晚報平津

六十拜河南尹 唐白居易

六十河南尹前途足可知老應無處避病不與人期  
幸遇芳菲日猶當強健時萬金何假藉一盞莫推辭

酬成少尹駱谷行見呈 唐岑參

憶昨蓬萊宮新授刺史符明主仍賜衣價直千萬餘  
何幸承命日得與夫子俱攜手出華省連鑣赴長途  
五馬當路嘶按節投蜀都千崖信縈折一徑何盤紆  
層冰滑征輪密竹礙隼旟深林迷昏旦棧道凌空虛  
飛雪縮馬毛裂風壁我膚峰攢望天小亭午見日初  
夜宿月近人朝行雲滿車泉澆石鐸圻火入松心枯  
亞尹同心者風流賢大夫榮祿上及親之官隨板輿  
高價振臺閣清詞出應徐

章梓州橋亭餞成都寶少尹得涼字

設官 卷三十七 十三

唐杜甫

秋日野亭千橘香玉杯錦席高雲涼主人送客何所  
作行酒賦詩殊未央衰老應爲難離別賢聲此去有  
輝光預傳藉藉新京兆青史無勞數趙張漢書曰成  
帝時王吉  
子駿爲京兆尹試以政事先是京兆有趙廣漢張敞  
王尊王章至駿皆有能名故京兆稱曰前有趙張後  
有三王

冬日寄洛中楊少尹 唐馬戴

黃河岍柳衰城下渡流澌年長從公嬾天寒入府遲  
家山望幾遍魏闕赴何時懷古心誰識應多謁舜祠  
駕部鄭郎中三十八大尹貳河東聞榮加金紫



谷以未派之外思舊事深因賀送

唐鄭谷

香浮玉陛曉辭天袍拂蒲茸稱少年郎署轉曹雖久  
次京河亞尹是優賢縱遊雲水無公事貴買琴書有  
俸錢今日龍門看松雪探春明日向平泉

○刺史

賈父歌

後漢書曰中平元年交趾之兵刺史  
及合浦太守靈帝勃三府精選能吏有  
司舉賈為交趾刺史到部其反狀殊  
即修書告示各使安其資業招撫荒  
後試守諸縣百姓以安巷路為之歌

賈父來晚使我先反今見清平更不敢飯

設官

卷三十七

十四

郭喬卿歌

後漢書曰郭賀字喬卿建武中為尚  
書令在職六年拜荊州刺史到官有  
姓歌之

厥德仁明郭喬卿中正朝廷上下一作平

豫州歌

晉書曰祖逖元帝時為豫州刺史百姓  
感悅嘗置酒大會耆老中坐流涕曰吾  
等老矣更得父母  
死將何恨乃歌曰

幸哉遺黎免俘虜三辰既朗遇慈父玄酒忘勞甘瓠

脯何以詠思歌且舞

恩歌且舞

贈陰梁州

梁州刺史陰子春左遷濟作大詩贈  
雖有才亂俗好反不可用齊以不得志  
常懷恨快二十餘載後因論佛法奔魏

梁荷濟

副尉西域返伏波南海還坎壈多構難鬱悒少勝選  
孰云功未立寧是契不全直為逢迎寡良因聽受偏  
若人本高絕芬馥邁蘭荃驅車趨折坂匡坐酌食泉  
洗憤豈虛唱席皮良信然羣醉嫉孤醒眾媿恐獨妍  
龍旗翻委鬱鷁軸更迴遘鵬勢終橫海鵬方會冲天  
昔余遇知己一面深千祀紆人重結襪辱德逾過市  
詩酒悅風雲琴歌賞桃李淹留漢水曲契濶渝川涘  
結綬惟貢公推名實鮑子徒然懷伏劍終無報國士  
高懷不可忘劍意何能已已作金蘭契何言雲雨別

設官

卷三十七

十五

咄嗟改容鬢俄頃彌年歲叶蘇海曲窮地表江源渺  
天際叶雲泥已殊路暄涼詎同節柳絮亟如絲梅  
花屢成雪月落桂陰遠風起萱條結鶴舞想低昂鵬  
絃夢清切聞君戍靈關瓜時猶未還數汎明月沼頻  
遊向一作日灣金碧應髣髴輪鏡幾登攀復承西歸  
後將兵出湖口經過道路長往來日月久玉體何容  
歇金漿故應有陽臺可譙私章華堪置酒既彈趙人  
瑟復擊秦人缶缶瑟多奇調秦趙饒姝妙得意在雙  
眸傾城猶一笑伯喈思一作實早十社一作天終少  
歿等盛姬傷存同魏車照君子篤久要宿昔盛衰儼

卷三十七

十六

新史

開元十六年帝自擇廷臣爲諸州刺史吏部特

郎許昇先治虢州大理卿源光裕鄭州兵部  
侍郎履泚宋州禮部侍郎鄭溫瑋邠州大理  
少卿袁仁恭杭州鴻臚少卿崖志襄襄州衛  
尉司業蔣昇昇州左衛將軍裴觀滑州衛  
子少業蔣挺湖州太僕少卿鄭茂定州國  
崔誠遂州凡十一治行詒軍相諸王御史以  
上祖道恭賓盛供具奏太常樂帛舫水嬉命  
高力士賜詩令題座右帝親書日給紙筆令  
自賦資絹三千遺之

唐玄宗

眷言思共理鑑古想維良猗歎此推擇評績著周行  
賢能既俟進黎獻實佇康視人當如子愛人亦如傷

奉和聖製賜諸州刺史以題座右

唐張說初

文明遍禹迹。鰥寡達堯心。正在親人守。能令王澤深。  
朝廷多秀士。鎔鍊比精金。犀簡同分命。熊軒各外臨。  
聖主賦新詩。穆若聽薰琴。先言教爲本。次言則是欽。  
三時農不奪。午夜犬無侵。願使天宇內。品物遂浮沈。  
寄情羣飛鶴。千里一揚音。共躡華胥夢。蘄黃安足尋。

卷三十七

十

刺史

奉和聖製賜諸州刺史以題座右

唐張九齡初

聖人合天德洪覆在元元每勞蒼生念不以黃屋尊  
興化俟羣辟擇賢守列藩得人此爲盛咨嶽今復存  
降鑒引君道慙啓政門容光無不照有象必爲言  
成憲知所奉政理歸其根肅肅稟玄猷煌煌戒朱軒  
豈徒任遇重兼爾宴錫繁載聞勵臣節持荅明主恩

賜崔日知往潞州

唐玄宗

賜崔日知往潞州

唐玄宗

潞國開新府壺關籠舊林妙旌循吏德特悅庶氓心  
禮樂中朝貴神明列郡欽揚風非贈扇易俗是張琴

潘鎮謠滿行宮雨露深會書丞相策先賜潁川金

奉和聖製賜崔日知往潞州應制

唐張說初

聖情留重鎮佳氣翊興王增戟雄都府高車轉太常  
川橫八練澗山帶五龍長連帥初恩命天人舊紀綱  
餞塗飛御藻闔境自生光明主徵循吏何年下鳳凰

洛橋北亭詔餞諸刺史

唐張說初

離亭拂御溝岸曲舞船樓詔餞朝廷牧符分海縣憂  
敗肱還入郡父母更臨州易逐仁風轉車隨霖雨流  
恩光水上溢榮色柳間浮預待羣方最三公不遠求

設官

卷三十七

十一

初

奉制漕橋東送新除岳牧

唐蘇頌初

寶賢不遺俊臺閣盡驚鸞未若安人切其如簡帝難  
上才膺出典中旨念分官特以專城貴深惟列郡安  
政行思務本風靡屬勝殘有令田知急無分獄在寬  
至言題睿札殊渥麗仙翰詔餞三台降朝榮萬國歡  
舉杯臨水發張樂擁橋觀式佇東封會鏘鏘瑜玉壇  
自江州司馬授忠州刺史仰荷聖澤聊書鄙誠

唐白居易中

雷電頒時令陽和變歲寒遺簪仍舊念詞竹授新官  
鄉覺前程近心隨外事寬生還應有分西笑問長安

○司州屬官

書記 判官 參軍 從事 主簿

東平留贈狄司馬

以下司馬

唐高適盛

馬蹄經月窟劍術指樓蘭地出北庭盡城臨西海寒  
森然瞻武庫則是弄儒翰入幕綰銀綬乘輅兼鐵冠  
練兵日精銳殺敵無遺殘獻捷見天子論功俘可汗  
激昂丹墀下顧眄青雲端

贈豐州高大夫司馬霞寓

唐劉禹錫中

前年收錦城馬踏血泥行千里追戎首三軍許勇名  
殘兵疑鶴唳空壘辨烏聲一誤雲中級南游湘水清

贈王司馬

唐張籍中

設官

卷三十七

九

司馬

白芻朱衫年少時久登班列會朝衣貯財不省關身  
用行義唯愁被衆知藏用寶刀求主帶調成駿馬乞  
人騎未曾相識多聞說遙望長如玉樹枝

錢許州宋司馬

唐李義初

展驥旌時傑談雞美代賢暫離仙掖務迫送近郊延  
地慘金商節人康璧假田從來昆友事咸以佩刀傳

錢許州宋司馬

唐馬懷素初

潁川開郡邑角宿分躔野君非仲舉才誰應題輿者  
憫憫琴上鶴蕭蕭路傍馬嚴程若可移別袂希再把

錢許州宋司馬

唐李適盛

昔吾遊箕山竭來涉潁水復有許由廟迢迢白雲裏  
聞君佐繁昌臨風悵懷此儻到平輿泉寄謝于將里

餞荊州崔司馬

唐蘇頌初

茂禮雕龍昔香名展驥初水連南海漲星拱北辰居  
稍發仙人履將題別駕輿明年徵拜入荆玉不藏諸

餞王司馬入計同用洲字

唐張九齡初

元察行上計舉餞出林丘忽望題輿遠空思解榻遊  
別筵鋪柳岍征棹倚蘆洲獨歎湘江水朝宗向北流

送蜀州趙司馬

唐宋之問初

餞子西南望煙綿劍道微橋寒金鴈落林曙碧雞飛

設官

卷三十七

三王司馬判官

職拜輿方遠仙成履會歸定知和氏璧遙掩玉輪輝

送郭司馬赴伊吾郡請示李明府

唐岑參盛

安西美少年脫劍御弓弦不傍將軍勢皆稱司馬賢

秋山城北面古治郡東邊江上舟中月遙思李郭仙

送宇文三河西充行司馬

唐王維盛

橫吹維繁筵邊風卷塞沙還聞田司馬更逐李輕車

蒲壘成秦地莎居屬漢家當令犬戎國朝聘學昆耶

送司馬入京

唐杜甫盛

羣盜至今日先朝恭從臣款門能懸主久客奏歸秦

黃閣長司諫丹墀有故人向來論社稷爲話涕霑巾

贈田九判官梁丘

以下判官

唐杜甫盛

崆峒使節下青霄河隴降王欵聖朝宛馬總肥春首

藉將軍只數霍嫖姚陳留阮瑀誰爭長京兆田郎早

見招麾下賴君才並入獨能無意向漁樵

贈李判官

唐韋應物中

良玉定爲寶長材時所稀佐幕方巡郡奏命布恩威

食蔬程獨守飲冰節靡違決獄興邦頌高文稟天機

賓館在林表望山啓西扉下有千畝田決滌吳土肥

始耕已見穫珍絺今授衣政拙勞許省淹留未得歸

設官

卷三十七

三王判官

雖慙且欣願日夕覩光輝

號中酬陝西甄判官贈

唐岑參盛

胡塵暗東洛亞相方出師分陝振鼓鼙二嶠滿旌旗

夫子廊廟器迴然青冥姿閭外佐戎律幕中吐兵奇

前者驛使來忽枉行軍詩晝吟庭花落夜諷山月移

寄江東李判官

唐皇甫冉中

澄清佐八使綱紀案諸侯地識吳平久才當晉用求

時賢幾徂謝擣藻繼風流更有西陵作還成北固遊

歸程限尺牘王事在扁舟山色臨湖盡猿聲入夢愁

睢陽酬別楊大判官

唐高適盛

吾友遇知己策名逢聖朝高才擅白雪逸翰懷青霄  
承詔選嘉兵慨然即馳軺清晝下公館尺書忽相邀  
留歡惜別離畢景駐行鑣言及沙漠事益令胡馬驕  
丈夫拔東蕃聲冠霍嫖姚光鑿衝矢石鐵甲生風颯  
諸將出井陘連營濟石橋酋豪盡俘馘子弟輸征徭  
邊庭絕刁斗戰地成漁樵榆關夜不扃塞口長蕭蕭  
降胡滿薊門一一能射鵰軍中多宴樂馬上何輕趨  
戎狄本無厭羈縻非一朝饑附誠足用飽飛安可招  
李牧制僭監遺風豈寂寥君還謝幕府慎勿輕芻蕘

別馮判官

唐高適

設官

卷三十七

判官

碣石遼西地漁陽薊北天關山唯一道雨雪盡三邊  
才子方為客將軍正渴賢遙知幕府下書記日翩翩

送董判官

唐高適

逢君說行邁倚劒別交親幕府為才子將軍作主人  
近關多雨雪出塞有風塵長策須當用男兒莫顧身

送柴司戶充劉判官之

唐高適

嶺外資雄鎮朝端寵節旌月卿臨幕府星使出詞曹  
海對羊城關山連象郡高風霜驅瘴癘忠信涉波濤  
別恨隨流水交情脫寶刀有才無不適行矣莫徒勞

送平淡然判官

唐王維

不識陽關路新從定遠侯黃雲斷春色盡角起邊愁  
瀚海經年到交河出塞流須令外國使知飲月支頭

送李判官赴江東

唐王維

聞道皇華使方隨皂蓋臣封童通左語冠冕化文身  
樹色分楊子潮聲滿富春遙知辨璧吏恩到泣珠人

送張判官赴河西

唐王維

單車曾出塞報國敢邀勲見逐張征虜今思霍冠軍  
沙平連白雪蓬卷入黃雲慷慨倚長劒高歌一送君

送靈州李判官

唐杜甫

羯胡腥四海回首一茫茫血戰乾坤赤氛迷日月黃

設官

卷三十七

判官

將軍專策略幕府盛才良近賀中興主神兵動朔方

送鄭判官

唐王昌齡

東楚吳山驛樹微輶車銜命奉恩輝英寮攜出新豐  
酒半道遙看驄馬歸

陪使君西庭送淮西魏判官

唐劉長卿

羽檄催歸恨春風醉別顏能邀五馬送自逐一星還  
破竹從軍樂看花聽訟閑遙知用兵處多在八公山

送河南元判官赴河南

唐劉長卿

春草長河曲離心共渺然方收漢家俸獨向汶陽田

鳥雀空城在榛蕪舊路還山東征戰苦幾處有人煙

送青苗鄭判官歸江西

唐劉長卿中

三苗餘古地五稼滿秋田來問周公稅歸輸漢俸錢  
江城寒背日溢水暮連天南楚彫殘後疲民賴爾憐

送鄒判官赴河南

唐皇甫冉中

看君發原隰四牡去皇皇始罷滄江吏還隨粉署郎  
海沂軍未息河畔歲仍荒征稅人全少榛蕪處近亡  
所行知宋遠相隔歎淮長早晚裁書寄銀鉤佇八行

送龐判官赴黔中

唐司空曙中

天遠風煙異西南見一方亂山來蜀道諸水出辰陽

設官

卷三十七

堆案青油暮看暮盡角長論文誰可制記室有何郎

送劉判官赴豐州

唐盧綸中

銜杯吹急管滿眼起風沙大漠山沈雪長城草發花  
策行須恥戰虜在莫言家余亦祈勲者如何別左車

送鹽鐵裴判官入蜀

唐盧綸中

傳詔收方貢登車著賜衣權商蠻客富稅地芋田肥  
雲白風雷歇林清洞穴稀炎涼君莫問見即在忘歸

送柳判官赴振武

唐李益中

邊庭漢儀重旌甲似雲中虜地山川壯單于鼓角雄  
關塞塞榆落月白胡天風若逐嫖姚將麒麟有戰功

送鄒紹充河南租庸判官

唐張繼中

齊魯傷心地頻年此用兵女停襄邑杼農廢汶陽耕  
使者乘輅去諸侯擁節迎深仁佐君子薄賦卹黎甿  
火燎原猶熱波搖海未平應將否泰理一問魯諸生

邨王歌

以下參軍○世說曰邨超王珣並以俊  
室參軍超爲人參贊珣形  
狀短小時人爲之歌曰

髯參軍短主簿能令公喜能令公怒

送韋諷上閬州錄事參軍

唐杜甫盛

韋生富春秋洞徹有清識操持紀綱地喜見朱絲直  
當令豪奪吏自此無顏色必若救瘡痍先應去蝥賊

設官

卷三十七

三五參軍

送絳州郭參軍

唐耿漳中

遠事諸侯出青山古晉城連行魏水閣獨入議中兵  
夜雨新田濕春風曙角鳴人傳府公政記室有參卿

送郭參軍赴絳州

唐李端中

登車君莫望故絳柳條春蒲澤逢胡鴈桃源見晉人  
佐軍髯尚短擲地思還新小謝常攜手因之醉路塵

送絳州郭參軍

唐盧綸中

炎天過絳路千里麥花香薰澤雷聲發汾橋水氣涼  
府趨隨宓賤野宴接王祥送客今何幸經宵醉玉堂

送狄參軍赴杭州

唐馬戴晚



新官非次受聖主寵前勳關雪發車晚風濤挂席聞  
海門山疊翠湖岬郡藏雲執簡從公後髯參豈勝君

贈蘇管記

以下書記

唐杜審言

初

北地寒應苦南庭戍不歸邊聲亂羌笛朔氣卷戎衣  
雨雪關山暗風霜草木稀胡兵戰欲盡虜騎獵猶肥  
鴈塞何時入龍城幾度圍據鞍雄劒動搖筆羽書飛  
輿駕還京邑朋遊滿帝畿方期來獻凱歌舞共春輝

送崔融書記

唐杜審言

初

君王行出將書記遠從征祖帳連河關軍麾動洛城  
旌旆朝朔氣笳吹夜邊聲坐覺煙塵掃秋風古北平  
設官

卷三十七

三六

書記

贈別王七十管記

唐高適

盛

飄飄戎幕下出入關山際轉戰輕壯心立談有邊計  
雲沙自迴合天海空迢遞星高漢將驕月盛胡兵銳  
沙深井陘斷雪暗遼陽閉亦謂掃櫓旋驚陷蜂蠆  
歸旌告東捷鬪騎傳西敗遙飛絕漠書已築長安第  
畫龍俱在葉龍鶴先歸衛勿辭部曲勳不藉將軍勢

送屈突司馬充安西書記

唐錢起

中

制勝三軍勁澄清萬里餘星飛麗統曉前發魯連書  
海月低雲施江霞入錦直遙知太阿劍計日斬鯨魚  
送鄭書記

唐錢起

中

決勝無遺策辭天便請纓出身唯殉死報國且能兵  
受命麒麟殿參謀驃騎營短簫催別酒斜日駐前旌  
旗勇千夫敵風沙萬里行幾年丹闕下侯印錫書生

盧龍塞行送韋掌記

唐錢起

中

雨雪紛紛黑山外行人共指盧龍塞萬里飛沙咽鼓  
鼙三軍殺氣凝旌旆陳琳書記本翩翩料敵張兵奪  
酒泉聖主好文兼好武封侯莫比漢皇年

送李敖湖南書記

唐郎士元

中

憐君本與阮家同掌記能資亞相雄入楚豈忘看淚  
竹泊舟應自愛江楓誠知客夢煙霞裏肯厭猿鳴夜  
設官

卷三十七

三七

書記

雨中莫信衡湘書不到年年秋鴈過巴東

送并州郭書記

唐溫庭筠

曉

賓筵得佳客侯印有光輝候騎不傳箭迴文空上機  
塞塵牧馬去烽火射鵬歸惟有嚴家瀨回環逕草微  
朱伯厚

車如雞栖馬如狗疾惡如風朱伯厚

寄渭北徐從事

唐羅隱

曉

暖雲慵隨柳垂條驄馬徐郎過渭橋官秩舊參荀祕  
監鐔壘今伴霍嫖姚料隨鵲箭頻曾中禮向侯才以  
重招莫恨東風促行李不多時節却歸朝

寄邊上從事

唐黃滔 晚

斜口下孤城長吟出點兵羽書和客卷邊思雜詩情  
朔雪定鴻翼西風嚴角聲吟餘多獨坐沙月對樓生

所知從事近藩偶有懷寄

唐鄭谷 晚

官舍種莎僧對榻生涯如在舊山貧酒醒草檄聞殘  
漏花落移厨送晚春

送皇甫協律淮南從事

唐馬戴 晚

辟書丞相草招作廣陵行隋柳疎淮听汀洲接海城  
楚檣經雨泊煙月隔潮生誰與同樽俎雞鶩集虎營

送左協律京西從事

唐曹松 晚

設官

卷三十七

三六 從事 押寄

辟書來幾日遂喜就嘉招猶向風沙濤并干甸服遙  
時平無探騎秋靜見盤鵠若遣關中使煩君問寂寥

吳門送振武李從事

唐許渾 晚

晚促離筵醉玉缸伊州一曲淚雙雙欲攜刀筆從新  
幕更宿煙霞別舊廳胡馬近秋侵紫塞吳帆乘月下

清江嫖姚若許傳書檄坐築三城看受降

送王郎中之官吉水

唐李建勳 晚

南望廬陵郡山連五嶺長吾君憐達俗從事輟名郎  
移戶多無土春蠶不滿筐惟應勞費盡松峒况疆梁

贈河東虞押衙

永興公孫亦許渾 晚

長劍高歌換素衣君恩未報不言歸舊精一作鳥篆  
諳書體新授龍韜識戰機萬里往來流馬瘦十年離  
別故人稀平生志氣何人見空上危樓望落暉

送崔押衙相州

項任內 黃令

唐韋應物 中

禮樂儒家子英豪燕趙風驅雞嘗理邑走馬却從戎  
白刃千夫關黃金四海同嫖姚恩顧下諸將指揮中  
別路怜芳草歸心伴塞鴻鄴城新騎滿魏帝舊臺空  
望關應懷戀遭時貴立功萬方如已靜何處欲輸忠

設官

卷三十七

三五 押寄

詩雋類函卷三十八

東吳俞安期彙纂 宣城梅鼎祚增定

雲間姜雲龍訂校

設官部五

太守 長史 別駕 功曹 司錄 掾

○太守

使君併入

上郡歌

漢書曰成帝時馮野王為上郡太守其  
居職公廉治行畧與野王相似而多智有恩  
賞好為條教吏民嘉美野王立相代為太守  
歌之

大馮君小馮君兄弟繼踵相因循聰明賢知惠吏民

政如魯衛德化鈞周公康叔猶二君

設官

卷三十八

太守

廉范歌

後漢書曰廉范字叔度建初中為蜀郡  
太守成都民物阜盛邑宇偏側舊制禁  
民夜作以防火災而更相隱蔽燒者日屬范  
乃毀削前令但嚴使儲水而已百姓為便乃  
歌之

廉叔度來何暮不禁火民安作護反平生無襦今五

袴一作昔無襦今五袴

陳臨歌

謝承後漢書曰陳臨字子然為蒼梧太  
守人遺書子報父怨捕得繫獄傷其無  
子令其妻入獄送

蒼梧陳君恩廣大令死罪囚有後代德參古賢天報

施

又

蒼梧府君惠及死能令死人不絕嗣

張君歌

後漢書曰張堪光武時為漁陽太守捕  
狐奴開稻田八千餘頃勸民  
耕種以致殷富百姓歌之

桑無附枝麥穗兩岐張君為政樂不可支

吳人歌

晉書曰鄧攸元帝時為吳郡太守刑政  
留牽攸船不得進攸乃少  
停夜中發去吳人歌之

統如打五鼓雞鳴天欲曙鄧侯挽不留謝令推不去

魏郡輿人歌

岑熙為魏郡太守招聘隱逸與參  
政事無為而化視事二年輿人歌  
之

我有枳棘岑君伐之我有蝨賊岑君遏之狗吠不驚

設官

卷三十八

太守

足下生羗含脯鼓腹焉知凶災我喜我生獨了斯時

美矣岑君於戲休茲

裴公歌

北史曰裴俠大統中為河北郡守躬履  
以俱郡守使曰以口腹役人吾所不為也悉  
罷之又有丁三十人供郡守役俠亦不私並  
收庸為市官馬歲時既積馬遂成  
羣去職之日一無所取歌之云

肥鮮不食丁庸不取裴公貞惠為世規矩

被褐守山東

梁沈約

守山東山東萬嶺一作鬱青葱兩谿共一瀉水潔望

如空岸側青莎被巖間丹桂叢上瞻既隱軫下睇亦

溟濛遠林響咆獸近樹聒鳴蟲路出一作若谿右澗

泉吐金華東萬仞倒危石百丈注懸流一作掣曳  
瀉流電奔飛似白虹洞井含清氣漏穴吐飛風玉寶  
膏滴瀝石乳室空籠峭崿塗彌險巖岵步纔通余拾  
平生之所愛歛暮年之此逢欲一去而不還悵鄒一作根  
衣之未褫揖林壑之清曠事氓俗之紛詭幸帝德  
之方升值天綱之未毀既除舊而就新故化民而俗  
徙播趙俗以南徂扇齊風以東靡乳雉方可馴流蝗  
庶能弭清心矯世濁儉政救民侈秩滿撫白雲淹留  
事芝髓

燉煌太守後庭歌

唐岑參

設官 卷三十八

燉煌太守才且賢郡中無事高枕眠太守到來山出  
泉黃沙磧裏人種田燉煌者舊鬢皓然願留太守更  
五年城頭月出星滿天曲房置酒張錦筵美人紅妝  
色正鮮側垂高髻挿金鈿醉坐藏鉤紅燭前不知鉤  
在若箇邊爲君手把珊瑚鞭射得半段黃金錢此中  
樂事亦已偏

白太守行

唐劉禹錫

聞有白太守拋官歸舊谿蘇州十萬戶盡作嬰兒啼  
太守駐行舟開門草萋萋揮袂謝啼者依然兩眉低  
朱戶非不崇我心如重莖草池非不清意在寥廓栖

夸者竊所怪賢者默思齊我爲太守行題在隱起珪  
贈榮陽太守吳子仲詩 晉潘尼

大晉盛得人儲宮畜髦士吳侯降高質剖符授千里  
垂覆豈他鄉迴光臨桑梓寮類感岐路黎庶思知恥  
老氏喻小鱗曹參寄獄士無謂弊邑陋覆簣由茲起  
贈隴西太守張正治詩 晉潘尼

二八由唐顯周以多士隆羣靈感韶運理翺應翔風  
張生拔幽華蘋繁登二宮未幾振朱錦剖符撫西戎  
及子仍同僚贈言貽爾躬威刑有時用唯德可令終  
贈建平太守李叔龍 晉傅咸

設官 卷三十八

四 太守

弘道興化實在良守悠悠建平皇澤未流朝選於衆  
乃子之授南荆注望心乎克副

贈汲郡太守八章 并序

晉陸雲

奚世都爲汲郡太守客將之官大將軍崇賢之德  
旣遠而厚下之恩又隆非此離析有感聖皇旣蒙  
引見又宴於後園感鹿鳴之宴樂詠魚藻之凱歌  
而作是詩

於穆皇晉豪彥實蕃天罔振維有聖貞觀鳴鳥在林  
良駿卽閑萃彼俊乂時亮庶官  
抑抑奚生天薦其淳芳賴蘭揮瓊光玉振沈機照物

妙思考神思我善問觀德古人

善問伊何惠音孔韶肇允衡門翻飛宰朝肅雍芳林  
芬響凌霄穆矣和風育爾清休

亦既有試出宰邦家之子于行民固謳歌風澄俗儉  
化靜世波芒芒既庶且樂于和

我有好爵既成爾服入贊崇華遂登帷幄時文聖宰  
天祚方敷朔風徽止鴻漸雲嶽

悠悠斯民三代直道我求明德惟奚攸考緝熙暉章  
天祿來保惠心無競豐化有造

樂只君子茂德攸綏嗟我懷人式是言歸華言來集

設官

卷三十八

五

如翼斯揮日予不惠照爾清暉

職思既殊亦各有司念我同僚悲爾異事之子之遠  
悠悠我思雖無贈之歌以言志

奉贈蕭二十使君

唐杜甫

盛

昔在嚴公幕俱為蜀使臣艱危參大府前後間清塵  
起草鳴先路乘搖動要津王臯聊暫出蕭雉只相馴  
終始任安義荒蕪孟母鄰聯翩旬禮意氣死生親  
張老存家事嵇康有故人食恩慙鹵莽鏤骨抱酸辛  
巢許山林志夔龍廊廟珍鵬圖仍矯翼熊羆且移輪  
落衣冠地蒼苔上才堪驚鳴自合金玉瑩逾新

曠絕含香舍稽留伏枕辰停驂雙闕早迴鴈五湖春  
不達長卿病從來原憲貧監河受貸粟一起轍中鱗

贈裴施州

唐杜甫

盛

廊廟之具裴施州宿昔一逢無此流金鍾大鑪在東  
序冰壺玉衡一作懸清秋自從相遇減多病三歲為  
客寬邊愁竟有四嶽明至理漢二千石真分憂幾度  
寄書白鹽北苦寒贈我青羔裘霜雪回光避錦袖蛟  
龍動鱗蟠銀鈎紫衣使者辭復命再拜故人謝佳政  
將老已失子孫憂後求兄接才華盛逢憶書樓碧池  
映

設官

卷三十八

六

真定卽事奉贈韋使君

唐高適

盛

漂泊懷書客遲迴此路隅問津驚棄置投刺忽踟躕  
方伯恩彌重蒼生詠已蘇郡稱廉叔度朝議管夷吾  
乃繼三台側仍將四岳俱江山澄氣象崖谷倚水壺  
詔寵金門策官榮葉縣臯擢才登粉署飛步躡雲衢  
起草徵調墨焚香卽宴娛光華揚盛矣霄漢在茲乎  
隱軫推公望逶迤協帝俞軒車辭魏闕旌節赴幽都  
始佩仙郎印俄兼太守符尤多蜀郡理更得潁川謨  
城邑推雄鎮山川列簡圖舊燕當絕漠全趙對平蕪  
曠野何彌漫長亭復鬱紆始泉遺俗近活水戰場無

月換思鄉陌星迴記斗龍  
淪落而誰遇栖遑有是夫  
不才羞擁腫三祿謝侏儒  
契濶慙行邁羈離憶友于  
田園同季子儲蓄異陶朱  
方欲呈高義吹噓揖大巫  
永懷吐肝膽猶憚阻榮枯  
解榻情何限忘言道未殊  
從來貴縫掖慈是念窮途

東平旅遊奉贈薛太守

唐高適

頌美馳千古欽賢仰大猷  
晉公標逸氣汾水注長流  
神與公忠節天生將相儔  
青雲本自負赤縣獨推尤  
御史風逾勁郎官草屢修  
鸞粉署起鷹鵠柏臺秋  
出入交三事飛鳴揖五侯  
軍書陳上策廷議借前籌

設官 卷三八

七

肅肅趨朝列雖離引帝求  
一麾俄出守千里再分憂  
不改任棠水仍傳晏子裘  
歌謠隨舉扇旌旆逐鳴騶  
郡國長河遶川原大野幽  
地連堯秦嶽山向禹青州  
汶上春帆渡秦亭晚日愁  
遺墟當少昊懸象逼奎婁  
卽此逢清鑒終然喜暗投  
叨承解榻禮更得問津遊  
高興陪登陟嘉言忝獻酬  
觀基知戰勝探象會冥搜  
眺聽情何限冲融惠勿休  
休祗應齊語默寧肯問沈浮  
然諾長懷季栖遑輒累丘  
平生感知己方寸豈悠悠

奉酬睢陽李太守

唐高適

公族稱王佐朝經允帝求  
本枝疆我李盤石冠諸劉

禮樂光輝盛山河氣象幽  
系高周柱史名重晉陽秋  
華省膺推擇青雲寵宴遊  
握蘭多具美前席有嘉謀  
賦得黃金賜言皆白璧酬  
著鞭驅駟馬操刃解全牛  
出鎮兼方伯承家復列侯  
朝瞻孔北海時用杜荊州  
廣固纔登陟毘陵忽阻脩  
三台冀入夢四嶽尚分憂  
郡邑連京口山川望石頭  
海門當建節江路引鳴騶  
俗見中興理人逢至道休  
先移白額橫更息赭衣偷  
梁國歌來晚徐方怨不留  
豈伊齊政術將以變澆浮  
訟簡知能吏刑寬察要囚  
坐堂風偃草行縣雨隨輶  
地是蒙莊宅城遺闕伯丘  
孝王餘井徑微子故田疇

設官 卷三八

八

冬至招搖轉天寒蟬蛻收  
猿巖飛雨雪兔苑落梧楸  
列戟霜侵戶塞帷月在鉤  
好賢常解榻乘輿每登樓  
逸足橫千里高談注九流  
詩題青玉案衣贈黑貂裘  
窮巷軒車靜閑齋耳日愁  
未能方管樂翻欲慕巢由  
講德良難敵觀風豈易儔  
寸心仍有適江海一扁舟

奉酬路太守見贈之作

唐高適

盛才膺命代高價動良時  
帝簡登藩翰人和發詠思  
神仙去華省爲鷺憶丹墀  
清淨能無事優游卽賦詩  
江山紛想像雲物共姿羣  
逸氣劉公幹玄言向子期  
多慙汲引速翻愧激昂遲  
相馬知何限登龍反自疑



風塵吏道迫行邁旅心悲拙疾徒爲僊  
秋庭一片葉朝鏡數莖絲州縣甘無取丘園悔莫追  
瓊瑤生篋箭光景滿茅茨他日青霄裏應應訪所之  
奉酬北海李太守丈人夏日平陰亭

唐高適

天子股肱守丈人山岳靈出身侍丹墀  
當昔皇運否人神俱未寧諫官莫敢議  
谷永獨言事匡衡多引經兩朝納深衷  
盛烈播南史雄詞豁東溟誰謂整隼  
寄書汶陽客迴首平陰亭開封見千里  
設官 卷三十八 九 太守

戲贈宣城趙太守悅

唐李白

趙得寶符盛山河功業存三千堂上客  
六國揚清風英聲何喧喧大賢茂遠業  
錯落千丈松虬龍盤古根枝下無俗草  
憶在南陽時始承國士恩公爲柱下史  
伊昔簪白筆幽都逐遊魂持斧冠三軍  
差池宰兩邑鶚立重飛翮焚香入蘭臺

夔龍一顧重矯翼凌翔鶴赤縣揚雷聲  
驚威頽秀木跡屈道彌敦出牧歷三郡  
遷人同衛鶴謬上懿公軒自笑東郭履  
閒吟步竹石精義忘朝昏顛顛成醜士  
獼猴騎土牛羸馬夾雙轅願借羲皇景  
溟海不振蕩何由縱鵬鴞所期玄津白  
贈昇州王使君忠臣 唐李白

唐李白

六代帝王國三吳佳麗城賢人當重寄  
巨海一邊靜長江萬里清應須收趙者  
奉和張使君宴加朝散 唐盧象

設官 卷三十八 十一 太守

佐理星辰貴分榮渙汗深言從大夫後  
騎擁軒裳客鸞驚翰墨林停杯歌麥秀  
爽氣凌秋笛輕寒散暝砧祗應將四子  
贈酒泉韓太守 唐岑參

唐岑參

太守有能政遙聞如古人俸錢盡供客  
酒泉西望玉關道千山萬磧皆白草  
安隱居倏忽今人老

贈鄆州馬使君

唐韓翃

東方千馬騎出望使君時暮雪行看盡  
路人趨墨幘官柳度青絲他日鈴齋內  
知君亦賦詩

贈李太守

唐于鵠

幾年爲郡守家似布衣貧沽酒迎幽客無金與近臣  
擣茶書院靜講易藥堂春歸闕功成後隨車有野人

贈李杭州

唐張籍

仙郎白首未歸朝應爲蒼生領六條惠化州人盡清  
淨高情野鶴共逍遙竹間虛館無朝訟山畔青田長  
夏苗終日政聲長獨坐開門唯望浙江潮

贈商州王使君

唐張籍

銜命南來會郡堂却思朝裏接班行才雄猶是山城  
守道薄初爲水部郎選勝相留開客館尋幽更引到

設官

卷三十八

十一

僧房明朝從此辭君去獨出商關路漸長

上江州李使君

唐朱慶餘

起家聲望重自古更誰過得在朝廷少還因諫諍多  
經年愁瘴癘幾處遇恩波入境無餘事唯聞父老歌

贈九江太守

唐張蠙

江頭暫駐木蘭船漁父來誇太守賢二邑旋添新戶  
口四營漸廢舊戈鋌笙歌不似經荒後禮樂猶如未  
戰前昨日西亭從游騎信旗風裏說詩篇

贈金州姚合使君

唐項斯

爲郎名更重領部是蹉跎官壁題詩盡衙庭看鶴多

城池連草塹籬落帶椒坡未覺旗旛貴閑行觸處過

贈前蔚州崔使君

唐馬戴

戰回脫劍綰銅魚寒鴈迎風避隼旗欲識前時爲郡  
政校成上下考新書

寄劉峽州伯華使君

唐杜甫

峽內多雲雨秋來尚鬱蒸遠山朝白帝深水謫夷陵  
遲暮嗟爲客西南喜得朋哀猿更起坐落鴈失飛騰  
伏枕思瓊樹臨軒對玉繩青松寒不落碧海潤逾澄  
昔歲文爲理羣公價盡增家聲同令聞時論以儒稱  
太后當朝肅多才接迹昇翠虛捐魍魎丹極上鵷鵬

設官

卷三十八

十二

宴引春壺酒恩分夏簟冰鵬章五色筆紫殿九莖  
學並盧王敏書借褚薛能老兄真不墜小子獨無承  
近有風流作聊從月繼徵放蹄知赤驥振翅服蒼鷹  
雕刻初誰料纖毫欲自矜神融躡飛動戰勝洗侵凌  
回首追談笑勞歌踟躕寢興年華紛已矣世故莽相仍  
刺史諸侯貴郎官列宿應潘生驂閣遠黃霸璽書增  
乳贊號攀石饑飢訴落藤藥囊親道士灰劫問胡僧  
憑久烏皮綻簪稀白帽稜林居看蟻穴野食待魚罾  
勅力交凋喪飄零免戰兢皆爲百里宰正似六安丞  
政術甘疎誣詞場愧服膺展懷詩誦魯割愛酒如澠

咄咄寧書字冥冥欲避矰江湖多白鳥天地有青蠅

寄崔澧州

唐張謂

共襍臺郎被俱褰郡守帷罰金殊往日鳴玉幸同時  
五馬來何晚雙魚贈已遲江頭望鄉月無夜不相思

寄郢州郎士元使君

唐錢起

龍節知無事江城不掩扉詩傳過客遠書到故人稀  
坐嘯看潮起行春送鴈歸望舒三五夜思盡謝元暉

奉寄婺州李使君舍人

唐劉長卿

建隼罷鳴珂初傳來暮歌漁樵識太古草樹得陽和  
東道諸生從南依遠客過天清婺女出土厚終人多

設官

卷三十八

十三

寄蘇州白二十二使君

唐張籍

三朝出入紫微臣頭白金章未在身登第早年同座  
主題詩今日異州人閨門柳色煙中遠茂苑鶯聲雨

後新此處吟詩向山寺知君忘却曲江春

寄徐州鄭使君

唐韓翃

江城五馬楚雲邊不羨雍容畫省年才子舊稱何水  
部使君還繼謝臨川射堂草遍收殘雨官路入稀對

夕天雖卧郡齋千里隔與君同見月初圓

同李太守北池泛舟宴高平鄭太守

唐高適

每揖龔黃事還陪李郭舟雲從四岳起水向百城流  
幽意隨登陟嘉言即獻酬乃知逢掖貴今日對諸侯

餞臨海太守劉孝儀蜀郡太守劉孝勝

梁簡文帝

碣石臨東海峨嵋距西候兩杜昔夾河二龍今出守  
方無夜犬驚向息神牛鬪涼風透輕幕麥雨交新溜  
念此一銜觴懷離在惟舊

餞唐州高使君

唐沈佺期

弱冠相知早中年不見多生涯在王事容鬢各蹉跎  
良守初分岳嘉聲即潤河還從漢闕下傾耳聽中和

設官

卷三十八

十四

餞唐州高使君

唐馬懷素

外牧資賢守斯人奉帝俞淮南膺建隼渭北暫分符  
坐歎煙波隔行嗟物候殊何年昇美課迴看北城隅

餞唐州高使君

唐盧藏用

餞酒臨豐樹寒帷出魯陽蕙蘭春已晚桐柏路猶長  
祖逖方城鎮安期外氏鄉從來二千石天子命惟良

餞郢州李使君

唐蘇頌

楚有章華臺遙遙雲夢澤復聞擁符傳及是收圖籍  
佳政在離人能聲寄侯伯

餞潞州陸長史再守汾州

唐蘇頌

河尹政成基爲汾昔所推不榮三入地還美再臨時  
擁傳雲初合聞鷺日正遲傍人多出餞別有吏民思

餞澤州盧使君

唐蘇頌初

聞道降綸書爲邦建綵旟政憑循吏往不以貴卿除  
詞賦良無敵聲華藹有餘榮承四岳後請絕二天初  
關路通秦壁城池接晉墟撰期行子賦分典列侯居  
別望喧追餞離言繫慘舒平蕪寒蒼亂喬大夜蟬踈  
寥沆秋先起推移月向虛舊交何以贈客至待烹魚  
送蘇八給事出牧徐州相國請出同芳韻

唐盧僊初

設官 卷三八

十三 太守

金鼎屬元方瑣闥連季常畏盈聊出守分命乃維良  
曉騎辭朝遠春帆向楚長賢哉謙自牧天下詠餘芳  
送李邕之任滑臺

唐玄宗

漢家重東郡宛彼白馬津黎庶旣蕃殖臨之勞近臣  
遠别初首路今行方及春課成應第一良牧爾當仁  
奉和聖製送李邕之任滑臺

唐張九齡初

眷言感忠義何有間山川徇節今如此離情空復然  
皇心在勤恤德澤委招宣暮月成功後明年或勞還  
送忠州太守康昭遠

唐玄宗

端拱臨中樞緬懷共予理不有臺閣英孰振循良美

分符侯甸內拜首明庭裏誓節期飲水調人方導水  
嘉聲馳九牧惠化光千祀時雨侔昔賢芳猷貫前史  
佇爾頌中和吾將令卿士

夏日梁王席送張岐州

唐沈佺期初

秦雞常下雍周鳳昔鳴岐此地推雄撫維良寄在斯  
家傳七貂貴人擅八龍奇高傳生光彩長林歎別離  
天人開祖席朝案候征麾翠帟當郊敞彤幃向野披  
芄芄秋麥盛苒苒夏條垂奏計何時入台階望羽儀  
送崔五太守

唐王維盛

設官 卷三八

十六 太守

坂玉樹宮南五丈原褒斜谷中不容憶唯有白雲當  
露冕子午山裏杜鵑啼嘉陵水頭行客飯劒門忽斷  
蜀川開萬井雙流滿眼來霧中遠樹刀州出天際澄  
江巴字迴使君年幾三十餘少年白哲專城居欲持  
盡省郎官筆迴與臨邛父老書

送魏郡李太守赴任

唐王維盛

與君伯氏別又欲與君離君行無幾日當復隔山陂  
蒼茫秦川盡日落桃林塞獨樹臨關門黃河向天外  
前經洛陽陌宛洛故人稀故人離別盡淇上動春陂  
企予悲送遠惆悵睢陽路古木官渡平秋城鄭官故

想君行縣日其出從如雲還思魏公子復憶李將軍

送封太守

唐王維

忽解羊頭削聊馳熊首轡揚舲發夏口按節向吳門  
帆映丹陽郭楓攢赤岬村百城多候吏露冕一何尊

送縉雲苗太守

唐王維

手疏謝明主腰章爲長吏方從會稽郊更發汝南騎  
按節下松陽清江響鐃吹露冕見三吳方知百城貴

送康太守

唐王維

城下滄江水江邊黃鶴樓朱欄將粉堞江水映悠悠  
鐃吹發夏口使君居上頭郭門隱楓岬候吏趨蘆洲

設官

卷三八

十七

何異臨川郡還來康樂侯

送梓州李使君

唐王維

萬壑樹參天千山響杜鵑山中一夜雨樹杪百重泉  
漢女輸檀布巴人訟芋田文翁翻教授不敢倚先賢

送梓州李使君之任

唐杜甫

籍甚黃丞相能名自潁川近看除刺史還喜得吾賢  
五馬何時到雙魚會早傳老思筇竹杖冬要錦衾眠

不作臨岐恨唯聽舉最先火雲揮汗日山澤醒心泉  
遇害陳公殞于今蜀道憐君行射洪縣爲我一潸然

送陵州路使君之任

唐杜甫

王室比多難高官皆武臣幽燕通使者岳牧用詞人

國待賢良急君當拔擢新佩刀成氣象行蓋出風塵

戰伐乾坤破瘡痍府庫貧衆寮宜潔白萬役但平均

霄漢瞻佳士泥塗任此身秋天正搖落回首大江濱

送任郎中出守明州

唐岑參

罷起郎官草初分刺史符城邊樓枕海郭裏樹侵湖  
郡政傍連楚朝恩獨借吳觀濤秋正好莫不上姑蘇

鳳翔府行軍送程使君赴成州

唐岑參

程侯新出守好日發行軍拜命時人羨能官聖主聞  
江樓黑塞雨山郭冷秋雲竹馬諸童子朝朝侍使君

設官

卷三八

十八

送顏平原并序

唐岑參

十二年春有詔補尚書十數公爲郡守上親賦詩  
觴郡公宴于蓬萊前殿仍賜以繒帛寵餞加等參

美顏公是行爲寵別章句

天子念黎庶詔書換諸侯仙郎授剖符華省輟分憂

置酒會前殿賜錢若山丘天章降三光聖澤該九州

吾兄鎮河朔拜命宣皇猷駟馬辭國門一星東北流

夏雲照銀印暑雨隨行軸赤筆仍在篋爐香惹衣裘

此地鄰東溟孤城弔滄洲海風掣金戟導吏呼鳴騶

郊原北連燕剽劫風未休魚鹽隘里巷桑柘盈田疇

爲郡豈淹旬政成應未秋易俗去猛虎化人似馴鷗  
蒼生已望君黃霸寧久留

送羽林長孫將軍赴欽州 唐岑參

剖竹向江濱能名計日聞隼旟新刺史虎劍舊將軍  
驛舫宿湖月州城浸海雲青門酒樓上欲別醉醺醺

送長孫將軍欽州之任 唐獨孤及

臨難敢橫行遭時取盛名五兵常典校四十又專城  
浪逐樓船破風從虎竹生島夷今可料繫頸有長纆

送馬鄭州 唐獨孤及

使君朱兩轡春日整東轅芳草成臯路青山涼水源  
設官 卷三十八 十九

勉修循吏跡以謝主人恩當使仁風動遙聽輿頌誼  
送韓使君督洪州 韓公父常 唐孟浩然

述德撫荆衡分符襲寵榮往來看擁傳前後賴專城  
勿翦棠猶在波澄水更清重符江漢理旋改豫章行

召父多遺愛羊公有令名衣冠列祖道耆舊擁前旌  
峴首晨風送江陵夜火迎無才慙孺子千里愧同聲

送東陽王太守 唐李頎

江臯杜蘅綠芳草日遲遲檣櫓今何去星郎出守時  
彤檐問風俗明主寄惻矜令下不徒爾人和當在茲

送長沙陳太守 唐李益

七郡長沙國南連湘水濱吳王垂舞袖地窄不迴身  
莫小二千石當安遠俗人洞庭鄉路遠羨錦衣春

餘于夜宴奉餞前蘇州韋使 唐劉長卿

復拜東陽郡逢馳北關心行春五馬急向夜一猿深  
山過康郎近星看婺女臨幸容棲託分猶戀舊棠陰

送柳使君赴袁州 唐劉長卿

宜陽出守新恩至京口因家始願違五柳閉門高士  
去三苗按節達人歸月明江路聞猿斷花暗山城見

吏稀惟有郡齋牕裏岫朝朝空對謝玄暉

送齊郎中赴海州 唐劉長卿

設官 卷三十八 二十

華省占星動孤城望日遙直廬收舊草行縣及新苗  
滄海天連水青山暮與朝閭閻幾家散應待下車招

送崔使君赴壽州 唐劉長卿

列郡專城分國憂彤幃皂蓋古諸侯仲華遇主年猶  
少公瑾論功位已酬草色青青迎建隼蟬聲處處雜

鳴騶千里相思如可見淮南木葉正驚秋

送齊郎中典括州 唐劉長卿

星象移何處旌麾獨向東勸耕滄海畔聽訟白雲中  
樹色雙谿合猿聲萬嶺同石門康樂住幾里挂帆通

送梁郎中赴吉州 唐劉長卿



遙想廬陵郡還聽叔度歌舊官移上象新令布中和  
看竹經霜少聞猿帶雨多但愁微拜日無奈借留何

送台州李使君

唐劉長卿中

露冕新承明主恩山城別是武陵源花間五馬時行  
縣山外千峰常在門

送馬使君赴鄭州

唐錢起中

東土忽無事專城復任賢喜觀班瑞禮還在偃兵年  
膏雨帶榮水歸人耕圃田遙知下車日萬井起新煙

送張員外出牧岳州

唐錢起中

鳳凰銜詔與何人善政多才寵寇恂臺下鸞鸞爭送  
設官

卷三十八

六

遠岳陽雲樹待行春自怜黃閣知音在不願彤幃出  
守頻應笑馮唐衰且拙世情相見白頭新

獨孤中丞筵陪餞韋使君赴昇州

唐皇甫冉中

中司龍節貴上客虎符新地控吳襟帶才光漢綰紳  
泛舟應度臘入境便行春處處歌來暮長江建業人

送李使君赴撫州

唐皇甫冉中

遠送臨川守還同康樂侯歲時徒改易今古接風流  
五馬嘶長道雙旌向本州鄉心寄西北應上郡城樓

送陸員外赴潮州

唐郎士元中

含香臺上客剖竹海邊州楚地多歸信閩谿是亂流  
今朝永嘉興重見謝公遊

送雍郢州

唐李端中

厭郎思出守遂領漢東軍望月逢殷浩綠江送范雲  
城閒煙草遍浦迴雪林分誰伴樓中宿吟詩估客聞

送夔州班使君

唐司空曙中

魚國巴庸路麾幢漢守過曉檣爭市隘夜鼓祭神多  
雲白當山雨風清滿峽波夷陵舊人吏猶誦兩岐歌

送夔州班使君

唐盧綸中

曉日照樓船三軍拜峽前白雲隨浪散青壁與城連  
設官

卷三十八

六

萬嶺岷峨雪千家橘柚川還知冠河內天子許經年  
送信州姚使君

唐盧綸中

朱轡徐轉擁羣官猿鳥無聲郡宇寬楚國上腴收賦  
重漢家良牧得人難銅鉛滿穴山能富鴻鴈連羣地

亦寒幾日政聲聞外戶九江行旅得相歡

送撫州周使君

即侍中

唐盧綸中

周郎三十餘天子賜魚書龍節隨雲水金鏡動里閭  
松聲三楚遠鄉思百花初若轉弘農守蕭咸事不如

送從叔牧永州

唐盧綸中

五侯軒蓋行何疾零陵太守登車日零陵太守淚盈

中此日長安方欲春虎符龍節照岐路何苦愁爲江  
海人彼方韶景無時節山水諸花恣開發客投津成  
少聞猿鴈過瀟湘更逢雪郡齋無事好開眠秔稻油  
油綠滿川浪裏爭迎三蜀貨月中喧泊九江船今朝  
小阮同夷老欲問明王借幾年

送盧員外往饒州

唐李嘉祐

爲郎復典郡錦帳映朱輪露冕隨龍節停機得水人  
早霜蘆葉變寒雨石榴新莫怪諳風土三年作逐臣

送泉州李使君

唐包何

傍海皆荒服分符重漢臣雲山百越路市井十洲人

設官

卷三十八

三

太守

執玉來朝遠還珠入貢頻連年不見雪到處即行春

婺州留別鄧使君

唐包何

西掖馳名久東陽出守時江山婺女分風月隱侯詩  
別恨雙谿急留歡五馬遲迴舟映沙嶼未遠剡相思

送端州馮使君

唐韓翃

白晝風流似有鬚一門豪貴領蒼梧三峰亭暗橘邊  
宿八桂林香節下趨玉樹羣兒爭翠羽金盤少妾揀

明珠懷君樂事不可見駿馬翩翩新虎符

送巴州楊使君

唐韓翃

白雲縣北千山口青歲欲開殘雪後前驅錦帶帶魚皮

輶側佩金章虎頭綬南鄭侯家醉落暉東關陌上著  
鞭歸愁看野馬隨官騎笑取秦人帶客旗使者下車  
憂疾苦豪吏銷聲出公府萬里歌鐘相慶時巴童聲  
節渝兒舞

送從弟濠赴饒州

唐張籍

京城南去鄱陽遠風月悠悠別思勞三領郡符新寄  
重再登科第舊名高去程江上多看堦迎吏船中亦  
帶刀到日更行清淨化春天應不見蓬蒿

送蘇州李使君赴郡二絕句

唐白居易

憶拋印綬辭吳郡衰病當時已有餘今日賀君兼自

設官

卷三十八

三

太守

喜八迴看換舊銅魚

館娃宮深春日長烏鵲橋高秋夜涼風月不知人世  
變奉君直似奉吳王

送戴端公赴容州

唐陳羽

分命諸侯重歲黼繡服香八蠻治險路千騎踏繁霜  
山斷旌旗出天晴劒佩光還將小戴禮遠去化南方

送祠部曹郎中鄴出守洋州

唐鄭谷

爲儒欣出守上路亦戎裝舊制詩多諷分憂俗必康  
開懷江稻熟寄信露橙香郡閣清吟夜寒星識望郎

送董卿赴台州

唐張翥

九陌除書出尋僧問海城家從中路擊吏隱數州迴  
夜蚌侵燈影春禽雜櫓聲開圖見異跡思上石橋行

送知己赴濮州

唐李洞晚

中路行僧謁郵亭話海濤劒搖林狄落旗因岳禽高  
苔長空州獄花開夢省曹濮陽流政化一半布風騷

贈別前蔚州契苾使君

使君遠祖國初功臣也

唐李商隱晚

何年部落到陰陵奕世勤王國史稱夜捲牙旗千帳  
雪朝飛羽騎一河水蕃兒襁負來青塚狄女盡聚出  
白登日晚鵲鵲泉畔獵路人遙識郅都鷹

設官

卷三八

三五

代杭民作使君一朝去二首

唐元稹中

使君一朝去遺愛在民口惠化境內春才名天下首  
爲問龔黃輩兼能作詩否

使君一朝去斷腸如劉蕡無復見冰壺唯應鏤金石  
自此一州民生男盡名白

○郡官屬

郡佐

長史

別駕

功曹

司馬

司兵

送蘇郎中瑄出佐荊州

唐蘇逖初

神仙久留滯清切佇飛翻忽佐南方牧何時西掖垣  
高車自蘭省便道出荆門不見河梁別空銷路塵

送李著作倅杭州

唐張諤初

輟史空三署題輿位一方祖筵開霽景征陌值韶光  
水陸風煙隔秦吳道路長佇聞敷善政邦國詠惟康

送著作郎佐台郡

唐錢起中

多年金馬客名遂動歸輪佐郡紫書下過門朱綬新  
揚舲望海嶽入境背風塵水驛偏乘月海園別受春  
帶經臨府吏繪鯉待鄉人始見美高士逍遙在縉紳

送蘇州姚長史

以下長史

唐韓翃中

江城驛路長煙樹過雲陽舟領青絲纜人歌白玉郎  
葛衣行柳翠花簾宿荷香別有心期處湖山滿吟堂

送盛長史

卷三十八

唐朱慶餘中

莫辭東路遠此別豈閒行職處中軍要官兼上佐榮  
野亭楓葉暗秋水藕花明拜省期將近孤舟促去程

送鄧州崔長史

唐盧綸中

出山車騎次諸侯坐領圖書見督郵遶郭桑麻通浙  
口滿川風景接襄州高城鳥過方催夜廢壘蟬鳴不  
待秋聞說元規偏愛月知君長得伴登樓

徐州歌

以下別駕○晉書曰王祥隱居廬江三

破之州界清靜政化大行時人歌之○按魏  
志呂虔文帝時遷徐州刺史請琅琊王祥爲別駕

海沂之康實賴王祥邦國不空別駕之功

贈彭州權別駕

唐蘇頌

雙流脉脉錦城開  
追餞年年往復迴  
祗道詞謔迎半  
刺徒聞禮數揖  
中台黃鶯一轉春  
風盡斑馬長嘶落  
景催莫憐分飛岐  
路別還當奏最掖  
垣來

送襄州任別駕

唐岑參

別乘向襄州  
蕭條楚地秋  
江聲官舍裏  
山色郡城頭  
莫羨黃公益  
須乘彥伯舟  
高陽諸醉客  
唯見古時丘

送懷州吳別駕

唐岑參

灞上柳枝黃  
壚頭酒正香  
春流飲去馬  
暮雨濕行裝  
驛路通函谷  
州城接太行  
單懷人總喜  
別駕得王祥

卷三十八

別駕

送榮別駕赴華州

唐皇甫冉

直到羣峰下  
應無累日程  
高車入郡舍  
流水出關城  
草色田家迴  
槐陰府吏迎  
還將海沂詠  
籍甚漢公卿

送符別駕還郡

唐錢起

驥足駿駸吳越  
關屏星復與紫  
書還已知從事  
元無事城上愁  
看海上山

二郡謠

以下功曹○後漢書曰汝南太守宗資

汝南太守范滂  
孟博南陽宗資  
主畫諾南陽太  
守岑公

孝弘農成瑨但  
坐嘯

贈別河南李功曹

宏詞金

唐韋應物

耿耿抱私戚  
寥寥獨掩扉  
臨觴自不飲  
況與故人違  
故人方琢磨  
環朗代所稀  
憲禮更右職  
文翰灑天機  
言歸洛都遊  
讌地千里及  
芳菲今朝章  
臺別楊柳亦  
依依雲霞未  
改色山川猶  
夕暉忽復不  
相見心思亂  
霏霏

冬日家會餞李司兵赴同州

以下唐岑參

急管維青絲  
玉瓶金屈卮  
寒天高堂夜  
撲地飛雪時  
賀君關西掾  
新綬腰下垂  
白面皇家郎  
逸翮青雲姿

卷三十八

同安

明旦之官去  
他辰良會稀  
惜別冬夜短  
務歡杯行遲  
季女猶自小  
老夫未令歸  
且看匹馬行  
不得鳴鳳飛

沙苑逼官舍  
蓮峰壓城池  
多暇或自公  
讀書復彈碁  
州縣信徒勞  
雲霄亦可期  
應須力為政  
聊慰此相思

贈別張兵曹

唐李頎

漢家蕭相國  
功蓋五諸侯  
勲業山河重  
丹青錫命優  
君為禁衛將  
爭看玉人遊  
荀令焚香日  
潘郎振藻秋

新成鸚鵡賦  
能衣鸛鷖裘  
不憚軒車遠  
仍尋薜荔幽  
苑梨飛絳  
葉伊水淨寒  
流雪滿故關  
道雲遮祥鳳  
樓

送韋十二兵曹

唐王昌齡

縣職如長纓終日檢我身平明趨郡府不得展故人  
故人念江湖富貴如埃塵迹在戎府掾心遊天台春  
平生馳驅分非謂杯酒仁出處兩不合忠貞何由申

送李兵曹赴河中

唐錢起

能荷鐘鼎業不矜綺縠榮侯門王事後儒服一書生  
昔志學文史立身為士英驪珠難隱曜鳳鸞會長鳴  
休命且隨牒候時常振纓寒蟬思關柳匹馬回清秋  
秋日黯將暮黃河如欲清黎民思坐嘯知子懷壯聲  
送萬兵曹赴廣陵

唐錢起

秋日思還客臨流語別離楚城將坐嘯郵尚有餘悲  
設官

卷三十八

二十九

設官

卷三十八

三十

司戶司倉

山晚桂花老江寒蘋葉衰應須楊得意更誦長卿辭  
送史兵曹判官赴樓煩

唐盧綸

渥注龍種散雲時千里繁花乍別離中有重臣承需  
澤外無輕虜犯旌旗山川自與郊垆合帳幕時因水  
草移故親賢得瓊玉仲宣能賦亦能詩

送張兵曹赴田

唐魏兼恕

河曲今無戰王師每務農選才當重委足食乃深功  
草色孤城外雲陰大漠中蕭關休一作歎別歸望在  
乘驄

重與彭兵曹

唐賈島

故人在城裏休寄海遊書漸去老不遠別來情豈疎  
硯水催臘日山雀到貧居每有平戎計官家別勅書  
荅李司戶

以下司戶

唐宋之間

遠方來下客輜軒攝使臣弄琴宜在夜傾酒貴逢春  
駟馬留孤館雙魚贈故人明朝散雲雨遙仰德爲鄰  
聞裴拙襄州司戶除豫州司戶因寄

唐孟浩然

故人荆府掾尚有柏臺威移職自樊衍芳聲聞帝畿  
共子卧林巷載酒訪柴扉松菊無君賞鄉園懶欲歸  
單父逢鄧司倉覆倉庫因有贈

以下司倉

邦牧今坐嘯羣賢趨紀綱四民忽不擾耕者遙相望  
粲粲府中妙授詞如履霜炎炎伏熱時草木無晶光  
匹馬度睢水清風何激揚校緡閱帑藏發廩欣斯箱  
邂逅得相逢歡言至夕陽開襟自公餘載酒登琴堂  
舉杯挹山川寓目窮毫芒白鳥向田盡青蟬歸路長  
醉中不惜別况乃正遊梁

唐高適

送郭司倉

唐王昌齡

映門淮水綠留騎主人明明月隨良掾春潮夜夜深  
寄普州司倉賈島

唐方干

閒曹猶得醉薄俸亦勝耕莫問吟詩苦年年年三

和酬號州李司法

以下司法  
唐楊炯明

唇齒標形勝關河壯邑居寒山抵方伯飲水五鴻臚  
君子從遊宦忘情任卷舒風霜下刀筆  
平野芸黃遍長洲鴻鴈初菊花宜泛酒  
昔我芝蘭契悠然雲雨疎非君重千里誰言事

送陝府王司法

唐盧綸

東門雪覆塵出送陝城人粉郭朝喧市朱橋夜倚津  
上僚應重學小吏已甘貧謝朓曾爲掾  
送江陵元司錄

以下司錄  
唐韓翃

設官

卷三十八

三

新領州從事曾爲朝大夫江城竹使待山路樞官扶  
片雨三江道殘秋五葉湖能令詩思好楚色與寒蕪  
贈袁司錄

即丞相淮陽公之猶子與袁筠有舊也  
唐溫庭筠

一朝辭滿有心期花發楊園雪壓枝劉尹故人詢往  
事謝郎諸弟得新知金釵醉就胡姬盡玉管閑留洛  
客吹記得襄陽舊語不堪風景岘山碑

送楊錄事充使

唐岑參

夫子方寸裏清秋澄霽江關西望第一郡以政無雙  
俠室下珠箔連宵傾玉缸使乎仍未醉斜月隱吟廳  
送柳錄事赴梁州

唐岑參

英掾柳家郎離亭酒甕香折腰思漢北隨傳過巴陽  
江樹連官舍山雲到卧牀知君歸夢積來去劔川長

送崔錄事赴宣城

唐高適

大國非不理小官皆用才欲行宣城印住飲洛陽杯  
晚景爲人別長天無鳥迴舉帆風波渺倚棹江山來  
羨爾兼乘興無湖千里開

送馬錄事赴永陽

唐李頎

子爲郡從事主印清淮邊談笑一州裏從容羣吏先  
手持三尺令遺決如流泉太守旣相許諸公誰不然  
孤城連海樹萬室帶山煙春日谿湖淨芳洲葭菼連

設官

卷三十八

三

炊粳蟹螯熟下筋鱸魚鮮野鶴宿簷際楚雲飛面前  
聽歌送離曲且駐木蘭船贈爾八行字當聞佳政傳

送號州王錄事之任

唐獨孤及

謂子文章達當年羽翼高一經俄白首三命尚青袍  
未遇須臾器安卑莫告勞盤根儻相值試用發礪刀

送濮陽錄事赴忠州

唐李端

成名莫歎雙旌遠主印還爲一郡雄赤葉黃花隨野  
岵青山白水映江楓巴人夜話孤舟裏越鳥春啼衆  
壑中聞說古書多未校肯令才子久西東

送宣州周錄事

唐韋應物



清時重儒士糾郡屬伊人薄遊長安中始得一交親

英豪若雲集餞別塞城闌高駕臨長路日夕起風塵

方念清宵宴已度芳林春從茲一分手迢遞吳興秦

但覩年運駛安知後會因唯當存令德可以解煩動

送馮著受李廣州署為錄事 唐韋應物中

鬱鬱楊柳枝蕭蕭征馬悲送君灞陵畔糾郡南海湄

名在翰墨場羣公正追隨如何從此去千里萬里期

大海吞東南橫嶺隔地維建邦臨日域溫煖御四時

百國共臻奏珍奇獻京師富豪虞興戎繩墨不易持

州伯荷天寵一作龍選還當翊丹墀子為門下生終始豈

設官 卷三十八 三

見遺所願酌貪泉心不為磷緇上將翫國士下以報

渴饑 贈陝掾梁宏 以下掾 唐賈至 盛

梁子工文四十年詩顛名過草書顛白頭仍作功曹

掾俸薄難供沽酒錢

送蜀郡李掾 唐岑參 盛

飲酒俱未醉一言聊贈君功曹善為政明主還應聞

夜宿劔門月朝行巴水雲江城橘花發滿道香氣氤

詩雋類函卷三十八

詩雋類函卷三十九

東吳俞安期彙纂 宣城梅鼎祚增定

雲間諸念修訂校

設官部六 縣令 縣丞 主簿 縣尉 吏附

○縣令 明府併入

崔瑗歌 崔氏家傳曰崔瑗為汲令開溝造稻田

上天降神明錫我仁慈父臨民布德澤恩惠施以序

穿溝廣溉灌決渠作甘雨

贈馮文罷遷斥丘令八章 晉陸機

設官 卷三十九 縣令

於皇聖世時文維晉受命自天奄有黎獻閭闔既闢

承華再建明明在上有集唯彥

奕奕馮生哲問允迪天保定子靡德不饒適心玄曠

矯志崇邈遵彼承華其容灼灼

嗟我人斯戢翼江潭有命集止翻飛自南出自幽谷

及爾同林雙情交映遺物識心

人亦有言交道寔難有頍者弁千載一彈今我與子

曠世齊歡利斷金石氣惠秋蘭

羣黎未綏帝用勤止我求明德肆于百里僉曰爾諸

俾民是紀乃眷北徂對揚帝祉

疇昔之遊好合纏綿借曰未給一作亦既三年陪  
華幄出從朱輪方驥齊鑣比迹同塵

之子既命四牡項領遵塗遠蹈騰軌高騁慶雲扶質  
清風承景嗟我懷人其邁唯永

否泰有一作殊窮達有遠及子春華後爾秋殫逝將  
去我陟彼朔陲非子之念心孰爲悲

贈長安令劉正伯詩

晉潘尼

遊鸞憑太虛騰鱗託浮霄過蒙嘉時會假翼陵扶搖

疲憊充時乏及余再同僚並跡侍儲宮攜手登皇朝

劉侯撫西都邁績參豹喬德厚化必深政明姦自消

設官

卷三九

三

萬尋由積簣千里一步超爾其騁逸軌遠塗固可要

贈河陽詩

叔潘尼

晉潘尼

處生化單父子奇臨東阿桐鄉建遺烈武城播絃歌

逸驥騰夷路潛龍躍洪波弱冠步鼎鉉既立宰三河

流聲馥秋蘭摘藻豔春華徒美天姿茂豈謂人爵多

贈澧陽韋明府

唐張九齡

君有百鍊刃堪斷九重扉誰開太阿匣持割武城雞

竟與尚書佩還應天子提何時遇操宰當使玉如泥

贈崔秋浦二首

唐李白

吾愛崔秋浦宛然陶令風門前五楊柳井上二梧桐

山鳥下廳事簷花落酒中懷君未忍去惆悵意無窮

二

崔令學陶令北牕常晝眠抱琴時弄月取意任無絃

見客但傾酒爲官不愛錢東皇春事起種黍早歸田

酬常郡縣見贈

唐獨孤及

愛君修政若修身鰥寡來歸乳雉馴堂上五絃銷暇

日邑中千室有陽春謂乘鳧舄朝天子却媿猪肝累

主人辭後讀君懷縣作定知三歲字猶新

長安客舍贈李行父明府

唐錢起

藏器待時少知人自古難遂令丹穴鳳晚食金琅玕

設官

卷三九

三

誰謂兵戈際鳴琴方一彈理煩善用簡濟猛能兼寬

夙夜念黎庶寢興非晏安洪波未靜壑何樹不驚鷗

鳧舄傍京輦昨心懸灌壇高槐暗苦雨長劒生秋寒

旅食還時客饑年亦盡歡親勞攜斗水往往救泥蟠

但恐酬明義蹉跎芳歲闌

贈衛南長官赴任

唐李嘉祐

吏曹難茂宰主意念疲人更事文犀節還過白馬津

雲間辭北闕樹裏出西秦爲報陶明府裁書莫厭貧

贈興平鄭明府

唐耿漳

海內兵猶在關西賦未均仍勞持斧使尚宰茂陵人

跡與儒生合心唯靜者親深情先結契宦官且起塵  
貧病休何日艱難遇此身悠悠行遠道再再過長辰  
明主知封事長沮笑問津恓惶忽相見欲語淚霑巾

贈岐山姜明府

唐李頎

謝客纔爲別陶公已見思非關口腹累自是雲霞姿  
釀酒栽黃菊炊粳折綠葵山河方入望日正望詩

贈同官李明府

唐李頎

訟堂寂寂對煙霞五柳門前聚曉鷗流水聲中祝公  
事寒山影裏見人家觀風競美新爲政計日還知舊

應更觸邪可惜陶潛無限酒一作不逢離菊正開花

設官

卷三十九

四

縣令

適荊州途次南陽贈何明府

唐皇甫冉

千里獨遊日有懷誰與同言過細陽令一遇朗陵公  
清節邁多士斯文傳古風閭閻知俗變原野識年豐

吾道方在此前程殊未窮江天經峴北客思滿巴東  
夢渚多愁遠山丘晴望通應嗟出處異流蕩楚雲中

贈華陰李明府

唐曹松

佩墨縣兼清約關西近城三峰豈不重厚地載猶輕  
雪篠歛難直風泉噴易橫須知高枕外長是勸民耕

寄碁母三

唐李頎

新加大邑綬仍黃近與單車去洛陽顧盼一過丞相

府風流三接今公香南川梗稻花侵縣西嶺雲霞色  
滿堂共道進賢蒙上賞看君幾歲作臺郎

荅長寧令楊轍

唐韋應物

皓月升林表公堂滿清輝嘉賓自遠至觴飲夜何其  
宰邑視京縣歸來無寸資環文溢衆寶雅正得吾師

廣川含澄瀾茂一作芳樹擢華滋短才何足數枉贈媿

妍詞歡晤良見屬素懷亦已披何意雲栖翰不嫌蓬  
艾卑但恐河漢役回車首路岐

寄雍丘寶明府

唐韓翃

少年結綬騁金羈許下如看瓊樹枝入里親過朗陵

卷三十九

五

縣令

伯出門高視潁川兒西遊太府東乘傳泗上諸侯誰  
不羨時輩寧將白筆期高流竚向丹青見何事翻飛

不及羣虎斑突騎來紛紛吳江垂釣楚山醉身寄滄  
波心白雲中歲胡塵靜如掃一官又罷行將老薛公

薦士得君初領黃金千室餘機盡獨親沙上鳥家  
貧唯愛金中魚

感物吟詩對暮天懷人倚杖臨秋水別離幾日問前

期鳴鴈亭邊人去時獨坐不堪朝與夕高風蕭瑟亂  
蟬悲

寄湘中鄭明府

唐黃滔

縣與白雲連滄洲况縣前嶽僧同夜坐江月言以圓  
琴拂莎庭石茶擔乳洞泉莫耽雲水興疲俗待君痊

錢唐郎中洛陽令

唐沈佺期

一臺推往妙三史佇來修應宰鳧還集辭鄭雉少面  
郊筵乘落景亭傳理殘秋願以弦歌暇芝蘭想舊遊

錢唐郎中洛陽令

唐沈佺期

洛陽舊出神明宰輦轂由來天地中餘邑政成何足  
貴因君取則四方同

錢唐永昌

唐馬懷素

聞君出宰洛陽隅賓友稱觴餞路衢別後相思在  
設官

卷三十九

六

處祇應闕下望仙鳧

錢唐永昌

唐崔日用

洛陽桴鼓今不鳴朝野咸堆直太平冬至冰霜俱怨  
別春來花鳥若為情

錢唐永昌

唐劉憲

始見郎官拜洛陽旋聞近侍發雕章緒言已最期年  
政綺字當先滿路光

送唐永昌

唐閻朝隱

洛陽難理若琴絲椎破連環定不疑鸚鵡休言秦地  
樂回頭一顧一相思

錢唐永昌

唐薛稷

河洛風煙壯市朝送君飛鳧去漸遙更思明年桃李  
月花紅柳綠宴浮橋

錢唐永昌

唐武平一

聞君墨綬出丹墀雙鳧飛來佇有期寄謝銅街攀柳  
日無忘粉署握蘭時

錢唐永昌

唐徐彦伯

金谿碧水玉潭沙鳧鳥翩翩弄日華蘭雞香陌行春  
倦為摘東園桃李花

錢唐永昌

唐李適

設官

卷三十九

七

聞道飛鳧向洛陽翩翩矯翮度文昌因聲寄意三花  
樹少室巖前幾過香

送王峻自羽林赴永昌令

唐張說

將星移北落神雨避東京為負剛腸譽還追強項名  
白雲向伊闕黃葉散昆明多謝絃歌宰稀聞桴鼓聲

送喬安邑備

唐張說

書閣移年歲文朋難復辭歡言冬雪滿恨別夏雲滋  
外尹方為政高明自不欺老人驂馭往童子狎離嬉

日茂西河俗寂寥東觀期遙懷秀才令京洛見新詩

送合宮蘇明府頌

唐張說

都邑羣方首商泉舊俗訛變風須愷悌成化絃歌  
疇昔珪璋友雍容文雅多振纓遊省闈鏘玉宰京河  
別曲鸞初下行軒雉尚過百壺非餞意流詠在人和

送合宮蘇明府

唐宋之間

鉉府誕英規公才天下知謂乘羔鴈族繼入鳳凰池  
赤縣求人隱青門起路岐翟迴車少別鳥化鳥遙馳  
神哭周南境童歌渭北陲賢哉荀奉倩哀職佇來儀

送武進鄭明府

唐宋之間

絃歌試宰日城闕賞心違北謝蒼龍去南隨黃鶴飛  
夏雲海中出吳山江上微昨歌豈云遠從此慶繼衣  
設官

卷三十九

八

送熊九赴任安陽

唐王維

魏國應劉後寂寥文雅空漳河如舊日之子繼清風  
阡陌銅臺下閭閻金虎中送車盈灞上輕騎出關東  
相去千餘里西園明月同

送方城韋明府

唐王維

遙思葭葦際寥落楚人行高鳥長淮水平無故郢城  
使車聽雉乳縣鼓應雞鳴若見州從事無嫌手板迎  
送趙十七明府之縣

唐杜甫

連城爲寶重茂宰得才新山雉迎舟楫江花報邑人  
論交翻恨晚卧病却愁春惠愛南翁悅餘波及老身

送宇文舍人出宰元城

唐岑參

雙鳬出未央千里過河陽馬帶新行色衣聞舊御香  
縣花迎墨綬關柳拂銅章別後能爲政相思淇水長  
送姚六崑客任會稽何大憲任孟縣

唐儲光義

越城臨渤海晉國在河汾仙綬兩鄉意青郊一路分  
野棠春未發田鶴暮成羣他日思吳會嘗因西北雲  
送義烏韋明府

唐獨孤及

妙年能致身陳力復安親不憚關山遠寧辭簿領勤  
過江雲滿路到縣海爲鄰每歎違心賞吳門正早春  
設官

卷三十九

九

送劉四赴夏縣

唐李頎

九霄獨立紅鸞姿萬仞孤生玉樹枝劉侯致身能若  
此天骨自然多歡美聲名播揚二十年足下長途幾  
千里舉世皆親丞相閣我心獨愛伊川水脫略勢利  
猶埃塵嘯傲時人而已矣新詩數歲即文雄上書昔  
召蓬萊宮明主拜官麒麟閣光車駿馬看玉童高人  
往來廬山遠隱士往來張長公扶南甘蔗甜如蜜雜  
以荔枝龍州橘赤縣繁詞滿劇曹白雲孤峰輝永日  
朝持手板望飛鳥暮誦楞伽對空室一朝出宰汾河  
開明府下車人吏開端坐訟庭更無事開門咫尺巫

咸山男耕女織蒙惠化麥熟雉鳴長秋稼明年九府  
議功時五辟三徵當在茲聞道桐鄉有遺老邑中選  
欲置生祠

送崔嬰赴漢陽

唐李頎

中外相連弟與兄新加小縣子男名纔年三十偏銅  
印知爾絃歌漢水清

送陸士倫宰義興

唐李益

陽羨蘭陵近高城帶水閒淺流通野寺綠茗蓋春山  
長吏先愁罷遊人詎肯還知君日清淨無事掩重關

送王汶宰江陰

唐包何

設官

卷三十九

十

郡北乘流去花間竟日行海魚朝滿市江鳥夜喧城  
止酒非關病援琴不在聲應緣五斗米數日滯淵明

送薛據宰涉縣

自永樂主簿陞狀  
尋復選受此官

唐劉長卿

故人河山秀獨立風神異人許白眉良天資青雲器  
一從負能名數載猶卑位寶劍誠可用烹鮮是虛棄  
昔聞在河上高卧自無事几案終日閑蒲鞭使人畏  
頃因歲月滿方謝風塵吏頌德有興人薦賢逢八使  
棲鸞往已屈馴雀今可嗣縣前漳水綠郭外晉山翠  
日得謝客遊時堪陶令醉徘徊白日飲暝色含天地

一鳥向瀟陵孤雲送行騎

送表明府之任

唐劉長卿

既有親人術還逢試吏年逢蒿千里閉村樹幾家全  
雪覆淮南道春生潁谷煙何時當位政相府待聞天

送武進韋明府

唐錢起

理邑想無事鳴琴不下堂井田通楚越津市半漁商  
廬橘垂殘雨紅蓮折早霜送君催白首歸水獨思鄉

送馬明府赴江陵

唐錢起

陶令南行心自永江天極目澄秋景萬室遙方犬不  
鳴雙鳧下處人皆靜清風高興得湖山門柳蕭條雙

設官

卷三十九

十二

翟閑黃花滿把應相憶落日登樓北望還

送唐明府赴溧水

縣事

唐韋應物

三為百里宰已過十餘年祇歎官如舊旋聞邑屢遷  
魚鹽濱海利薑蔗傍湖田到此安旰食琴堂又晏然

送長沙韋明府

唐郎士元

秋入長沙縣蕭條旅宦心煙波連桂水官舍映楓林  
雲日楚天暮沙汀白露深遙知訟堂裏佳政在鳴琴

贈別成明府赴劍南

唐韓翃

朝為三室印晚為三蜀人遙知下車日正及巴山春  
縣道橘花裏驛流江水濱公門輒無事賞地能相親



解衣初醉綠芳夕應採躑鴟薦佳客靈光遠映西川  
時閑望碧雞飛古祠愛君樂事佳興發天外銅梁多  
夢思

送李明府赴連州

唐韓翃中

萬里回南湘孤舟入桂陽諸侯近上客小吏拜官郎  
春報樟花細初筵木槿芳看承雨露速不待荔枝香

送別鄭明府

唐韓翃中

長頭大鼻鬚如雪早歲連兵劒鋒折千金盡去無斗  
儲雙袖破來空百結獨戀郊扉已十春高陽酒徒遠  
此身路傍誰識鄭公子谷口應知漢逸人兒女相悲  
設官

卷三十九

十二

縣令

探井曰前功豈在他人後勸君不得學淵明且策驢  
車辭五柳

別李明府

唐韓翃中

寵光五世腰青組出入珠宮引簫鼓醉舞雄王玳瑁  
牀嬌嘶駿馬珊瑚柱胡兒夾鼓越婢隨行捧玉盤嘗  
荔枝羅山道士請人送林邑使臣調象騎愛君一身  
遊上國闕下名公如舊識萬里初懷印綬歸湘江過  
盡嶺花飛五侯焦石烹江箭千戶沈香染客衣別後  
想君難可見蒼梧雲裏空山縣漢苑芳菲入夏蘭待  
君障日蒲葵扇

送金華王明府

唐韓翃中

縣舍江雲裏心閑境又偏家貧陶令酒月俸沈郎錢

送友人宰湘陰

唐李端中

從宦舟行遠浮湘又入閩兼葭無朔鴈檣栝有蠻神  
傳吏閑調象山精暗訟人唯須千樹橘暫收李衡貧

送菊潭王明府

唐盧綸中

組綬掩衰顏輝光里第間晚涼經灞水清晝入商山  
行境逢花發彈琴見鶴還唯應理農後鄉老賀君閑

送淮陰丁明府

唐朱慶餘中

之官未入境已有愛人心遣吏回中路停舟對遠林  
設官

卷三十九

十三

縣令

島聲淮浪靜雨色稻苗深暇日公門掩唯應伴客吟

送南康姚明府

唐賈島中

銅章美少年小邑在南天版籍多遷客封疆接洞田  
靜江鳴野鼓發纜帶村煙却笑陶元亮何須憶醉眠

別徐明府

唐賈島中

抱琴非本意生事偶相縈口尚袁安節身無子賤名  
地春寒雪盛山淺夕風輕百戰餘荒野千夫漸偶耕  
一杯宜獨夜孤客戀交情明日疲驂去蕭條過古城

送龍門令劉洽

唐張喬晚

去宰龍門縣應思變化年還將魯儒政又與晉人傳

峭壁開中古長河落半天幾鄉因勸勉耕稼滿雲煙

送汝上王明府之任

唐方干晚

何時到故鄉歸去佩銅章親友移家盡問閭百戰傷  
背關餘草木出塞足風霜遺老應相賀知君不下堂

送姚宰任吉州安福縣

唐僧無可晚

落絮滿衣裳攜琴問酒水一作鄉挂帆南入楚到縣半  
浮湘吏散翠禽下庭閑斑竹長人安宜遠泛沙上蕙  
蘭香

送姚明府赴招義縣

唐僧無可晚

濠梁古縣城結束赴王程道路攜家去波濤隔月行

設官

卷三十九

十四

縣令

車臨芳草下吏踏落花迎暮郭山遙見春洲鳥不驚  
風煙譙國達桑柘楚田平何以書能化長淮徹海清

書事寄萬年廳員外

唐僧無可晚

帝城皆劇縣今尹美居東遂拜趙張下暫離星象中  
擁歸從北闕送上動南宮舉起盆中日驅行草上風  
不驚盧天吠漸見夏臺空紫禁黃山遠滄溟素滄通  
封疆親日月邑里出王公逐盜千門啓興祥五稼豐  
胥徒迎曉集賦稅共秋終條教關天道歌謠達聖聰  
土膏寒麥覆人晦晝塵蒙解宇松連翠朝街日散紅  
文場新桂茂粉署舊蘭崇留客把盈爵抽毫詠早鴻

公與諸文士  
或早鴻詩前騶潘岳貴故里邵平窮勸隱蓮峯久  
期耕樹谷同鳬飛將去葉劍氣尚埋豐何必華陰土  
方垂拂拭功

送李明府之任南海

唐陸龜蒙晚

春盡之官直到秋嶺雲深處凭龍樓居人愛近沈珠  
浦候吏多來拾翠洲賓稅盡應輸紫貝蠻童多學佩  
金鉤知君不戀南枝久拋却經冬白罽裘

早春送郎官出宰

唐張隨

仙郎今出宰聖主正憂民紫陌軒車送丹墀雨露新  
趨程猶犯雪行縣正逢春粉署時廻首銅章已在身

設官

卷三十九

十五

縣令

鳴琴化欲展起草戀空頻今日都門外悠悠別漢臣  
○縣丞少府併入

贈蕭少府

唐孟浩然盛

上德如流水安仁道若山聞君秉高節而得奉清顏  
鴻漸昇台羽牛刀列下班處腴能不潤居劇理常難  
去詐人無諂除邪吏息奸欲知清與潔明月在澄灣

鉅鹿贈李少府

唐高適盛

李侯雖薄宦時譽何籍籍駿馬常借人黃金每留客  
投壺華館靜縱酒涼風夕卽此遇神仙吾欣知損益  
贈瑕丘王少府

唐李白盛

皎皎鸞鳳姿飄飄神仙氣梅生亦何事來作南昌尉  
清風佐鳴琴寂寞道爲貴一見過所聞操持難與羣  
毫揮魯邑訟目送瀛洲雲我隱屠釣下爾當玉石分  
無由接高論空此仰清芬

訓談少府

唐李白 盛

一尉居倏忽梅生有仙骨三事或可羞匈奴晒千秋  
壯心屈黃綬浪跡寄滄洲昨觀荆峴作如從雲漢遊  
老夫當暮矣蹀足懼驂騑

寄贈藍田韋少府先輩

唐鄭谷 晚

王畿第一縣縣尉是詞人館殿非初意圖書是舊貧  
設官 卷三十九 十六 縣丞

祈冰泉響響雪廟松春自此昇通籍清華日近身

寄贈許璋少府

唐姚鵠 晚

若說君高道何人更得如公庭唯樹石生計是琴書  
詩句峭無敵文才清有餘不知尺水內爭滯北溟魚

送豐城王少府

唐楊炯 初

愁結亂如麻長天照落霞離亭隱喬樹溝水浸平沙  
左尉才何屈東關望漸賒行看轉半斗持此報張華  
送江陵泉少府赴任便呈循荆州

唐岑參 盛

神仙吏姓梅人吏待君來渭北草新出江南花已開

城邊宋玉宅峽口楚王臺不畏無知己荆州甚愛才

送鄭少府赴滄陽

唐岑參 盛

子真河朔尉邑里帶清漳春草迎袍色晴花拂綬香  
青山入官舍黃鳥度官牆若到銅臺上應憐魏寢荒

送楚丘趙少府赴官

唐岑參 盛

青袍美少年黃綬一神仙微子城東面梁王苑北邊  
桃花色似馬榆莢小於錢單父聞相近家書早爲傳

送盧少府赴延陵

唐李頎 盛

問君從官所何日府中趨遙指金陵縣青山天一隅  
行人懷寸祿小吏獻新圖北固波濤險南天風俗殊

春江連橘柚晚景媚蒲菰漠漠花生渚亭亭雲過湖  
灘沙映村火水霧歛橋烏回首東門路鄉書不可無

送江陵全卿少府赴任

唐獨孤及 盛

冢司方春選劇縣得英髦固是攀雲漸何嗟趨府勞  
楚山迎驛路漢水漲秋濤驚翫方茲始看君六翮高

送沈少府之任淮南

唐劉長卿 中

惜君滯南楚枳棘徒棲鳳獨與千里帆春風遠相送  
此行山水好時物亦應衆一鳥飛長淮百花滿雲夢  
相期丹霄路遙聽清風頌勿爲州縣卑時來自爲用

題宛句宋少府廳留別

唐劉長卿 中

宋侯人之秀獨步南曹吏世上無此才天生一公器  
尚甘黃綬屈未適青雲意洞徹萬頃陂昂藏千里驥  
從宦聞苦節應物推高誼薄俸不自資傾家共人費  
顧予倦棲託終日憂窮賈開口卽有求私心豈無愧  
幸逢東道主因輟西征騎對話堪息機披文欲忘味  
壺觴招過客几案無留事綠樹映層城蒼苔覆閒地  
一言重然諾累夕陪宴慰何意秋風來颯然動歸思  
留歡殊自愜去念能爲累草色愁別時槐花落行次  
臨岐仍把手此會良不易他日瓊樹枝相思勞夢寐

送任先生任唐山丞

唐錢起中

設官

卷三十九

十九

縣丞

再命果良願幾年勤說詩上公頻握髮才子共垂帷  
琢玉成良器出門偏愴離腰章佐墨綬耀錦到茅茨  
老樹見家日潮平歸縣時衣催蓮女織頌聽海人詞  
鴻鵠志應在荃蘭香未衰金門定回首雲路有佳期

送修武元少府

唐錢起中

才祿榮色養此行寧歎惜自今黃綬采蘭時不厭丹  
墀芳草色百戰荒城復井田幾家春樹帶人煙黎昨  
久厭蓬飄苦遲爾西南惠月傳

送河南陸少府

唐錢起中

雲間陸生美且奇銀章朱綬映金羈自料抱材將致

遠望嗟趨府暫牽卑東城社日催巢燕上苑秋聲散  
御梨朝夕詔書還柏署行看飛隼集高枝

送開封盧少府

唐韋應物中

雄藩車馬地作尉有光輝滿席賓常侍填街燭夜歸  
關河征旆遠煙樹夕陽微到處無留滯梁園花欲稀

送單少府赴扶風

唐李端中

少年趨盛府顏色比花枝范丐非童子楊脩豈小兒  
叨陪丈人行常恐阿戎欺此去雲霄近看君逸足馳

送楊少府赴陽翟卽舍人弟

唐李端中

冠帶仁兄後光輝壽母前陸雲還入洛潘岳更張筵

設官

卷三十九

十九

縣丞

井邑嵩丘對園林賴水連東人欲相送旅舍已潸然

送義興元少府

唐李端中

逢君惠連第初命使光輝已得羣公祖終一作微妨太  
傅譏路長人返顧草斷燕迴飛本是江南客還同衣

錦歸

東潭宴餞河南趙少府

唐盧綸中

十載奉戎軒日聞君子言方將駕榮爵遽乃愴離樽  
岸轉臺閣麗潭清絃管繁松篁難晦節雨露不私恩  
坐使吏相勉居爲儒所尊可憐桃李樹先發信陵門

送大谷高少府

唐耿漳中

縣屬并州北近胡悠悠此別官仍孤應知史筆思循  
吏莫料轅門笑魯儒古塞草青宜牧馬春城月暗好  
啼烏凋殘貴有親仁術梅福何須去隱吳

送信安劉少府

唐權德輿中

相看結離念盡此杯中醉夷代輕達遊上才隨薄祿  
參卿滯孫楚隱市同梅福吏散時泛絃賓來閑覆局  
送上虞丞

唐權德輿中

越郡佳山水清江接上虞計程航一葦試吏佐雙鳬  
雲壑窺仙籍風謠驗地圖因尋黃絹字爲我弔曹盱

送管城李少府

唐韓翃中

設官

卷三十九

二十一 縣丞

懷祿兼就養更懷趨府心晴山東里近春水北門深  
新綬映芳草舊家依遠林還乘鄭小駟蹊蹊縣城陰  
送山陰姚丞攜妓之任兼寄山陰蘇少府

唐韓翃中

東風香草路南客心容與白哲吳王孫青娥柳安女  
都門數騎出河口片帆舉夜簾眠橘洲春山傍楓嶼  
山陰政簡甚從容到罷唯求物外蹤落日花邊刻谿  
水清煙竹裏會稽峰才子風流蘇伯玉同官曉暮應  
相逐加餐共愛鱸魚肥醒酒仍憐甘蔗熟知君鍊思  
本清新季子如今德有隣他日如尋始寧墅題詩早

晚寄西人

送人任濟陰

唐張籍中

黃綬在腰下知君非旅行將書報舊里留褐與諸生  
贈別盡沽酒惜歡多出城春風濟水上候吏聽車聲

送顧少府之永康

唐馬戴晚

婺女星邊去春生卽有花寒關雲復雪古渡草連沙  
宿次吳江晚行侵日微斜官傳梅福政縣顧赤松家  
燒起明山翠潮迴動海霞清高宜閱此莫歎近天涯  
送顧少府

唐項斯晚

作尉年猶少無辭去路賒漁舟縣前泊山吏日高衙

設官

卷三十九

二十一 縣丞

幽景臨谿寺秋蟬織杼家行程須過越先醉鏡湖花  
○主簿

贈李主簿

唐周賀中

稅時兼主印每日得閑稀對酒妨科吏爲官亦典衣  
案遲吟坐待宅近步行歸見說偏論道應愁判是非

贈別上元主簿張著

唐韓翃中

上書一見平津侯劒笏斜齊秣陵尉朝垂綬帶迎遠  
客暮鎖印囊呼上吏長樂花深萬井時同官無事有  
歸期回船對酒三生渚繫馬焚香五願祠日日澄江  
帶山翠綠芳都在經過地行人看射領軍堂遊女題

詩光宅寺風流才調愛君偏此別相逢定幾年惆悵  
浮雲迷遠道張侯樓上月娟娟

贈南陵李主簿

唐曹松

外邑官同隱寧勞短吏趨看雲情自足愛酒逸應無  
簾席彈碁子衣裳惹印朱仍聞陂水近亦擬棹菰蒲

寄孫冲主簿公

唐張籍

低折滄洲簿無書整兩春馬從同事借妻怕罷官貧  
道僻收閑藥詩高笑古人仍聞長吏奏表乞鎖廳頻

同郭八題楊主簿新廳

唐高適

華館曙沈沈惟良正在今用材兼柱石開物象高深  
設官

卷三十九

三

更得芝蘭地兼榮枳棘林向風扇戟戶當署近棠陰  
勿改安卑節聊閑理劇心多君有知己一和郢中吟

夏日題武功姚主簿

唐朱慶餘

亭午無公事垂簾樹色間僧來茶竈動吏去印牀閑  
傍竹行口巷當門立看山吟詩老不倦未省話官班

送蘇主簿赴偃師

唐張九齡

我與文雄別胡然邑吏歸賢人安下位驚鳥欲早飛  
激節輕華冕移官徇綵衣羨君行樂者從此拜庭闈

送陽翟張主簿之任

唐獨孤及

舊聞陽翟縣西接鳳高山作吏同山隱知君處劇閑

少年當効用遠道豈辭艱遲子揚名後方期綵服還

李五席送李主簿歸西臺

唐韋應物

請告嚴程盡西歸道路寒欲陪鷹隼集猶戀鵲鴝單  
洛邑人全少嵩高雪尚殘滿臺誰不故報我在微官

送元贊府重任龍門縣

唐盧綸

二職亞陶公歸程與夢同柳垂平澤內魚躍大河風  
混跡威長在孤清志自雄應嗤向隅者空寄路塵中

送洛陽李主簿

唐溫庭筠

想君秦塞外因見楚山青柰葉曉迷路枳花春滿庭  
祿優仍侍膳官散得專經子敬懷愚谷歸心在翠屏

設官

卷三十九

三

○縣尉 吏附

贈張敬微

唐蔡希寂

大河東北望桃林維樹冥冥結翠陰不知君作神仙  
尉特訝行來雲霧深

孟少府新除江南尉問風俗

唐郎士元

聞君作尉向江潭吳越風煙到自諳客路尋常隨竹  
影人家大底傍山嵐綠谿花木偏宜遠避地衣冠盡  
向南惟有夜猿啼海樹思鄉望國意難堪

寄陸渾縣尉李景先

唐姚合

微俸應一作同請唯君獨自閑地偏無驛路藥賤管



仙山月色生松裏泉聲在石間吟詩復飲酒何事共相關

題新鄉王釜廳壁

唐岑參 盛

憐君守一尉家計復清貧祿米嘗不足俸錢供與人城頭蘇門樹陌上黎陽塵不是舊相識聲同心自親

送李郎尉武康

唐岑參 盛

潘郎腰綬新雪上縣花春山色低官舍湖光映吏人不須嫌邑小莫即恥家貧更作東征賦知君有老親

送張卿郎君赴硤石尉

唐岑參 盛

卿家送愛子愁見灞頭春草羨青袍色花隨黃綬新

設官

卷三十九

三西

縣尉

縣西函谷路城北大陽津日暮征鞍去東郊一片塵

送張子尉南海

唐岑參 盛

不擇南州尉高堂有老親樓臺重層氣邑里雜鮫人海暗三山雨花明五嶺春此鄉多寶玉慎莫厭清貧

送李十一尉臨谿

唐岑參 盛

泠泠花下琴君唱渡江吟天際一帆影預懸離別心以言神仙尉因致瑤華音回軫撫商調越谿澄碧林

送袁大祝尉豫章

唐孟浩然 盛

何幸遇休明觀光來上京將逢武陵客獨送豫章行隨牒牽黃綬離羣會墨卿江南佳麗地山水舊難名

送裴二虬作尉永嘉

唐杜甫 盛

孤嶼亭何處天涯水氣中故人官就此絕境與誰同隱吏逢梅福遊山憶謝公扁舟吾已就把釣待秋風

送嚴維尉諸暨

嚴州人

唐劉長卿 中

愛爾文章達還家印綬榮退公兼色養臨下帶鄉情喬木映官舍春山宜縣城應憐釣臺石閑却為浮名

送陸三出尉

唐錢起 中

春草晚來色東門愁送君盛才仍下位明代負奇文且樂神仙道終隨鴛鴦羣梅生寄黃綬不日在青雲

送孫十尉溫縣

唐錢起 中

設官

卷三十九

三五

縣尉

飛花落絮滿河橋千里傷心送客遙不惜芸香染黃綬惟憐鴻羽下青霄雲衢有志終驤首吏道無媒且折腰急管繁絃催一醉顏陽不駐引征鑣

送嚴維尉河南

唐錢起 中

蕙葉青青花亂開少年趨府下蓬萊甘泉未獻楊雄賦吏道何勞賈誼才征陌獨愁飛蓋遠離筵只惜暝鐘催欲知別後相思處願植瓊枝向柏臺

送五經趙隨登科授廣德尉

唐韋應物 中

明經有清秩當在石渠中獨往宣城郡高齋謁謝公寒原正蕪漫一作沒夕鳥自西東秋日不堪別淒淒多

朔風

送元昱尉義興

唐盧綸中

欲成雲海別一夜夢天涯白浪緣江雨青山繞縣花  
風標當劇步冠帶稱儒家去矣謝親愛知予髮已華

送縉雲尉

唐張翥晚

釋褐從仙尉之官興若何去程唯水石公署在雲蘿  
野飯樓中迴晴山案上多三年罷趨府應更戰高科

送許棠先輩之官涇縣

唐鄭谷晚

白頭新作尉縣在古山中高第能卑宦前賢尚此風  
燕湖春蕩漾梅雨晝溟濛佐理人安後篇章莫廢功

設官

卷三十九

王去縣尉史

戲題贈稷山驛吏王全

金為驛吏五十六年人稱有道術往來多贈詩

唐李商隱晚

絳臺驛吏老風塵耽酒成僇幾十春過客不勞詢甲  
子唯書亥字與時人

詩雋類函卷四十

東吳俞安期彙纂宣城梅鼎祚增定

政術部一

善政 善政 化俗 恩賜 貢獻 知貢舉  
赴任 入京 入朝 赴闕 附

○善政

康衢歌

列子曰堯治天下五十年不知天下治  
康衢鬻童兒曰謠云云堯喜問曰誰教爾為  
此言童兒曰聞之大夫大夫曰古詩也

立我烝民莫匪爾極不識不知順帝之則

子產歌

二章一作誦○左傳曰鄭子產從政一  
年與人誦之云云及三年又誦之云云

政術

卷四十

取我衣冠而褚之取我田疇而伍之孰殺子產吾其  
與之褚衣囊也衣冠非法者收之不敢服

我有子弟子產誨之

古叶之我有田疇子產殖之叶時之

子產而死誰其嗣之

孔子誦

二章○呂氏春秋曰孔子始用於魯魯  
作誦云云注魯人名也○  
解亦見家語及孔叢子

麋裘而韞

叶毗臂反孔叢子作韞下同  
投之無戾韞之麋裘投之

無郵

麋鹿子也其皮以為裘加緹衣以朝  
天子也弟小貌投棄也戾郵作罪也

衮衣

章甫實獲我所章甫衮衣惠我無私衮衣公侯服也章甫

皇甫嵩歌

後漢書曰皇甫嵩字義真安定朝那人也靈帝時中作亂以嵩為左中郎將討賊數有功拜左車騎將軍領冀州牧封槐里侯嵩請冀州一年田租以贍飢民百姓

天下大亂今市為墟毋不保子今妻失夫賴得皇甫  
今復安居

吳資歌

常璩華陽國志曰太山吳資字元約孝順帝永建中為巴郡太守屢獲豐年人歌云云及資遷去人思資又歌云云

習習晨風動澍雨潤禾苗我后恤時務我人以優饒  
又歌

遠望忽不見惆悵當徘徊恩澤實難忘悠悠心永懷  
政術 卷四十一

應詹歌

晉書曰王澄惠帝末為荊州牧假應詹詹境獨全百姓歌之

亂離既普始為灰朽僥倖之運賴茲應后歲寒不凋  
孤境獨守拯我塗炭惠隆丘阜潤同江海恩猶父母

河東謠

歌元淑  
秦州河中梓柚代春元公至止田疇始理

關隴歌

晉書曰苻堅時關隴清晏百姓豐樂自長安至于諸州皆夾路樹槐柳二十里一亭四十里一驛旅行者取給于途工商賈販於道百姓歌之崔鴻前秦錄曰王猛化洽六州人移風變百姓歌之

長安大街夾樹楊槐下走朱輪上有鸞輿英彥雲集

謝我萌黎

夏侯歌

梁書曰夏侯夔為豫州刺史於蒼陵立堰溉田千餘頃境內賴之夔兄直先居此田兄弟並有恩惠百姓歌之

我之有州賴彼一作夏侯前兄後弟布政優優

鄱陽歌

南史曰陸襄吳郡人為鄱陽內史郡人入內室不加責謂但和言解諭之二人感恩深以自悔各乃為設酒食令其盡歡酒罷同載而還因相親愛人歌之曰

陸君政無怨家鬪既罷離共車

○化俗

成人歌

禮記檀弓曰成人有兄死而不為衰者聞高子舉為成宰遂為衰成人歌曰

政術

卷四十一

蠶則績而蟹有匡范則冠而蟬有綏兄則成而子阜  
為之衰成晉邑各匡蟹背殼似匡也范蟬也綏謂蟬

城中謠

漢書云馬后履行節儉事從簡約馬后政長安語云斯言如故有切事實○玉臺作童謠

城中好高髻四方高一尺城中好廣眉四方且半額

城中好大袖四方全匹帛

考城謠

後漢書曰仇覽字季智一名香陳留考城人為蒲亭長初到亭有陳元之母詣覽告元不孝覽以善言勸慰之母感悔涕泣而去覽乃親到元家與其母子飲因為陳元倫孝行譬以禍福元卒成孝子鄉邑為之謠曰

父母何在在我庭化我鳴皋哺所生

蠶叢詩

四章○華陽志不載詩名  
雅逸篇題曰蠶叢不知何據

川岷惟平其稼多黍旨酒嘉穀可以養父野惟阜丘  
彼稷多有嘉穀旨酒可以養母

其祭祀之詩曰

惟月孟春獺祭彼岷

叶魚

永言孝思享祀孔嘉

彼黍既潔彼儀既澤蒸命良辰祖考來格

其好古樂道之詩曰

日月明明亦惟其名誰能長生不朽難獲

又曰

惟德實寶富貴何常我思古人令問今望

政術

卷四

四

化俗

○恩賜

恩制賜食于麗正殿書院宴賦得林字

唐張說初

東壁圖書府西垣

一作曹

翰墨林誦

一作詩

聞國政講

易見天心位竊和羹重恩叨醉酒深緩歌春興曲情

竭為知音

恩制賜食於麗正殿書院宴賦得天字應制

唐王維賜宴同制  
前煙年四韻應制

唐王維

金殿忝陪賢瓊蓋忽降天鼎羅仙掖裏鴈拜瑣闥前

院通青霄路厨和紫禁煙酒酣空并舞何以答昌年

同望幸新亭賜錢公宴

唐李愔

感夢通玄化覃恩降紫宸賜錢開漢府分帛醉堯人  
地隔朝宗慶亭臨上洛新行看廣雲雨二月次東巡  
奉和陽城郡王太夫人恩命加鄧國太夫人

唐杜甫

衛幕街恩重潘輿送喜頻濟時瞻上將錫號戴慈親

富貴當如此尊榮邁等倫郡依封土舊國與太名新

紫詰鸞迴紙清朝燕賀人遠傳冬筭味更覺彩衣春

奕葉班姑史芬芳孟母鄰義方兼有訓詞翰兩如神

委曲承顏體鸞飛報主身可憐忠與孝雙美畫麒麟

政術

卷四

五

恩賜

恩賜耆老布帛

唐崔樞中

殊私及耆老聖德振黎元布帛欣天賜生涯作主恩

情均皆挾纊禮異貴丘園慶洽時方泰仁沾月告存

寧知酬雨露空識荷乾坤擊壤將何幸徘徊望九門

妻初授邑號誥身

唐白居易

弘農舊縣受新封鈿軸金泥誥一通我轉官階常自

愧君加邑號有何功花牋印了排窠濕錦幪裝來耀

手紅

喜劉蘇州恩賜金紫遙想賀謙以詩慶之

唐白居易

海內姑蘇太守賢恩加章綬豈徒然賀賓喜色欺杯酒醉妓歡聲遏管絃魚珮韋鱗光照地鵲銜瑞草勢冲天

賀羅員外賜緋

唐王傳晚

朱紫聯輝照日新芳菲全屬斷金人華筵重處宗盟地白雪飛時郢曲春仙府色饒盤柱侶蓮花光讓握蘭身自憐亦是膺門客吟想恩榮氣益振

宣賜錦袍設上贈諸郡客

唐劉兼晚

十月芙蓉花滿枝天庭驛騎賜寒衣將同玉蝶侵肌冷也遣金鵬遍體飛夜臥始知多忝竊畫行方覺轉

政術

卷四

六

貢舉

光輝深冬若得朝丹闕太華峯前衣錦歸

○貢獻

惜別行送向卿進奉端午御衣之上都

唐杜甫盛

肅宗昔在靈武城指揮猛將收咸京向公泣血洒行殿佐佑卿相乾坤平逆胡冥冥隨煙燼卿家兄弟功各震麒麟閣畫鴻鴈行紫極出入黃金印尚書勅業超千古雄鎮荊州繼吾祖裁縫雲霧衣拜跪頭封賀端午向卿將命寸心赤青山落日江湖白卿到朝廷說老翁漂零已是滄浪客

杜侍御送貢物戲贈

唐張謂盛

桐柱朱曄道路難伏波橫海舊登壇越人自貢珊瑚樹漢使何勞獬豸冠疲馬山中愁日晚孤舟江上畏春寒由來此貨稱難得多恐君王不忍看

送內使周大夫自杭州朝貢

唐羅隱晚

八都上將近平戎便附輜軒奏聖聰三變御前朝觀禮一函江表戰征功雲間閭闕何時見水底瑤池觸處通知有殿庭餘力在莫辭消息寄西風

○知貢舉

貞元十一年知貢舉撓悶不能定去留寄詩前

政術

卷四

七

貢舉

主司

唐呂渭中

獨坐貢闈裏愁多芳草生仙翁昨日事應見此時情大中初知禮闈入貢院因題此詩

唐魏扶晚

梧桐葉落滿庭陰鎖閉朱門試院深曾是當年辛苦地不將今日負前心

○掌選

赴選附

送張環攝御史監南選

唐孫逖初

漢使得張綱威明懾遠方恩沾柱下史榮比選曹郎江帶黔中闊山連峽水長莫愁炎暑地秋至有嚴霜

龍門送裴侍御監五嶺選

唐李頎

萬里番禺地，官人繼帝憂。君爲柱下史，將命出東周。  
歌馬傍川路，張燈臨石樓。稜稜靜疎木，渾渾響集流。  
椰葉四荒外，梅花五嶺頭。明珠尉佗國，翠羽夜郎洲。  
夷俗富珍產，土風資宦遊。心清物不雜，弊革事無留。  
舉善必稱最，持姦當去尤。何辭桂江遠，今日用賢秋。  
送魏一十四司馬充嶺南掌選

唐杜甫

選曹分五嶺，使者歷三湘。才美應推薦，君行佐紀綱。  
佳聲期共遠，雅節在周防。明白山濤隱，慷慨陸賈裝。  
政術

卷四十一

九

故人湖外少，春日嶺南長。憑報韶州牧，新詩昨寄將。  
李冬送戶部郎中使黔府選補

唐盧僊

握鏡均荒服，分衡得大同。徵賢一臺上，補吏五溪中。  
雨露將天澤，文章播國風。漢庭睽直諫，楚峽望清通。  
馬逐霜鴻漸，帆沿曉月空。還期鳳池拜，照耀列星宮。  
送楊少府赴選

唐李白

大國置衡鏡，準平天地心。群賢無邪人，朗鑒窮清深。  
若君詠南風，袞冕彈鳴琴。時泰多美士，京國富纓簪。  
山苗落澗底，幽松出高岑。夫子有盛才，主司得球琳。

流水非鄭曲，前行遇知音。衣工翦綺繡，一誤傷千金。  
何惜刀尺餘，不裁寒女衾。我非彈冠者，感別但開襟。  
空谷無白駒，賢人豈悲吟。大道安棄物，時來或招尋。  
爾見山吏部，當應無陸沈。

送孟十二倉曹赴東京選

唐杜甫

君行別老親，此去苦家貧。藻鏡留連客，江山憔悴人。  
秋風楚竹冷，夜雪華梅春。朝夕高堂念，應宜綵服新。  
陪使君早春西亭送王贊府赴選得歸字

唐岑參

西亭繫五馬，爲送故人歸。客舍草新出，關門花欲飛。  
政術

卷四十一

九

到來逢歲酒，却去換春衣。吏部應相待，如君才調稀。  
洛陽主簿叔知和驛承恩赴選伏辭

唐劉長卿

仲父王佐材，屈身仇香位。一從理京劇，萬事皆容易。  
則知無不可，通變有餘地。器宇溟渤寬，文鋒鏌錮利。  
憶憶洛陽道，日夕皇華使。二載出江亭，一心奉王事。  
功成良可錄，道在知無愧。天府留香名，銓闈就明試。  
賦詩皆舊友，攀轅多新吏。綵服辭高堂，青袍擁征騎。  
此行季春月，時物正鮮媚。官柳陰相連，桃花色如醉。  
長安相在目前，路遙髮髯落。日看華山關，門碧青翠。



行瞻稍已隔結戀無能慰誰念樽酒間徘徊竹林意

送田濟之楊州赴選

唐皇甫冉

家貧不自給求祿爲荒年調補無高位卑栖屈此賢

江山欲霜雪吳楚接風煙相去誠非遠離心亦渺然

○除拜

秦州見敕目薛三璩授司議郎畢四曜除監察

唐杜甫

大雅何寥闊斯人尚典刑交期余潦倒材力爾精靈

二子陞同日諸生困一經文章開突奧遷擢潤朝廷

舊好何由展新詩更憶聽別來頭併白相見眼終青

政術

卷四

十一

覽柏中丞兼子姪數人除官制詞因述父子兄

第四美載歌絲綸

唐杜甫

紛然喪亂際見此忠孝門蜀中寇亦甚柏氏功彌存

深誠補王室戮力見元昆三止錦江沸獨清玉壘昏

高名入竹帛新渥照乾坤子弟先卒伍芝蘭疊瑱璠

同心注師律洒血在戎軒絲綸實具載絳綬見已殊恩

奉公舉骨肉誅叛經寒溫金甲雪猶凍朱旌塵不翻

每聞戰場說歛激懦氣奔聖主國多盜賢臣官則尊

方當節鉞用必絕侵沴根吾病日迴首空臺誰再論

作歌挹盛事推轂期孤騫

喜朱拾遺承恩拜命赴任上都

唐劉長卿

詔書徵拜脫荷裳身去東山閉艸堂聞闔九天通楚

籍華亭一鶴在朝行滄洲離別風煙遠青瑣幽深漏

刻長今日却迴垂釣處海鷗相見已高翔

蒙召拜拾遺書情二首

唐費冠卿

拾遺帝側知難得官緊才微恐不勝好是中朝絕親

友九華山下詔來徵

二千里外一微臣二十年來任運身今日忽蒙天子

詔自慚驚動國中人

政術

卷四十

十一

初授戶曹喜而言志

唐白居易

詔授戶曹掾捧詔感君恩感恩非爲己祿養及吾親

弟兄俱簪笏新婦儼衣巾羅列高堂下拜慶正紛紛

俸錢四五萬月可奉晨昏廩祿二百石歲可盈倉囷

喧喧車馬來賀客滿我門不以我爲貪知我家內貧

置酒延賀客客容亦歡欣笑云今日後不復憂空罇

答云如君言願君少逡巡我有平生志醉後爲君陳

人生百歲期七十有幾人浮榮及虛位皆是身之賔

唯有衣與食此事粗關身苟免飢寒外餘物盡浮雲

和樂天初授戶曹喜而言志

唐元稹

王爵無細大得請即爲恩君求戶曹掾貴以祿奉親  
聞君得所請感我欲沾巾今人重軒冕所重華與紛  
矜誇仕臺閣奔走無朝昏君衣不盈篋君食不盈囷  
君言養既薄何以榮我門披誠再三請天子憐儉貧  
詞曹直文苑捧詔榮且欣歸來高堂上兄弟羅酒罇  
各稱千萬壽共飲三四巡我實知君者千里能具陳  
感君求祿意求祿殊衆人上以奉顏色餘以及親賓  
棄名不棄實謀養不謀身可憐白華士永願凌青雲  
始除尚書郎別善福精舍建中二年四月十九日自前除尚書郎

書比部員外郎

唐韋應物中

政術

卷四十

主

除拜

簡畧非世器委身同草木逍遙精舍居飲酒自爲足  
累日曾一櫛對書常懶讀社臘會高年山川恣遊曠  
明世方選士中朝懸美祿除書忽到門冠帶便拘束  
愧忝郎署跡謬蒙君子錄俯仰垂華纓飄飄翔輕轂  
行將親愛別戀此西澗曲遠峯明夕川夏雨生衆綠  
迅風飄野路一作吹往路迴首不遑宿明晨下煙閣白雲  
在幽谷

送吉中孚拜官歸業

唐李端中

南入華陽洞無人古樹寒吟詩開舊帙帶綬上荒壇  
因病求歸易霑恩隱更難孟宗應獻鮓家近守漁官

送吉中孚拜官歸楚州

唐李端中

才子神骨清虛疎眉眼明貌一作應同衛玠鬚且異  
潘生初戴蕤昔憤來過丞相宅滿堂歸道師衆口宗  
詩伯須臾里巷傳天子亦知賢出詔升高士馳聲在  
少年自爲才哲愛日與侯王會匡主一言中榮親千  
里外更聞仙士友往往東迴首驅石不成羊指丹空  
斃狗孤帆淮上歸商估夜相依海霧寒將盡天星曉  
欲稀潮頭來始歇浦口喧爭發鄉樹尚和雲鄰船猶  
帶月到洞必傷情巡房見舊名離疎壇路澀汲少井  
欄傾別我長安道前期共須老方隨水向山口惜花

政術

卷四十

主

除拜

辭島悵望執君衣今朝風景好

聞韶州李相公移拜彬州因寄

唐許渾晚

詔移丞相木蘭舟桂水潺湲嶺北流青漢夢歸雙闕  
曙白雲吟過五湖秋恩迴玉展人先喜道在金滕世  
不憂聞說公卿盡南望甘棠花暖鳳池頭

咸通初恩除欽州途中寄座主王侍郎

唐□□□

忽忝專城奉六條自憐出谷屢遷喬驅車雖覺還家  
近捧日惟愁去國遙朱戶昨經新紫戟風帆常覺戀

簾瓢江天夜夜知消息長見台星在碧霄

贈右臺監察御史左臺殿中以下選權

唐劉懷一初

惟昔參多士無雙仰異才鷹鷂同效逐鷄鷩忝遊陪  
入仕光三命遷榮歷二臺隔牆欽素躅對問限清埃  
紫署春光早蘭闌曙色催誰言夕鳥至空想鄧林隈  
暮春於山谷寺上方遇恩命加官賜服

唐獨孤及

天書到法堂朽質被榮光自笑無功德殊恩謬激揚  
還登建禮署猶忝會稽章

政術

卷四十

十四

選權

中

述舊賀遷寄陝號孫常侍

唐劉禹錫

中

南宮華襲芝蘭俊左輔曾交紫綬來多病未離清樂  
苑新恩已歷望仙臺關頭古塞桃林靜城下長河竹  
箭回聞說隨車有零雨此時偏動子荆才

送烏城李明府得陟狀赴京

唐僧皎然

中

驛吏滿江城深仁見此情士林推玉振公府薦冰清  
爲政移風久承恩就日行仲容綸綍貴南巷有光榮  
新轉南曹未叙朝散初秋暑退出守吳興書此

篇以自見志

唐杜牧

晚

捧詔汀州去全家羽翼飛喜拋新錦帳榮借舊朱衣

且免材爲累何妨拙有機宋株聊自守魯酒怕芻豢  
清尚寧無素光陰亦未晞一杯江海志佩得左魚歸

李定言自殿院銜命歸闕拜員外郎俄遷右史

因寄

唐許渾

晚

白筆南征變二毛越山愁瘴海驚濤纔歸龍尾含鵝  
舌更立螭頭運兔毫閭闔欲開宮漏盡冕旒初坐御  
香高吳中舊侶君先貴曾憶王祥與佩刀

○赴任

永初三年七月十六日之郡初發都

宋謝靈運

政術

卷四十

十五

赴任

述職期闌暑理棹變金素秋岸澄夕陰火晏圓朝露  
辛苦誰爲情遊子值頽暮愛似莊念昔久敬曾存故  
如何懷土心持此謝遠度李牧愧長袖卻克慚躡步  
良時不見遺醜狀不成惡曰予亦支離依方早有慕  
生幸休明世親蒙英達顧空班趙氏璧徒乖魏王瓠  
從來漸二紀始得傍歸路將窮山海迹永絕賞心悟  
始之宣城郡

齊謝朓

下帷闕章句高談魏名理疎散謝公卿蕭條依掾史  
簪髮逢嘉惠教義承君子心迹苦未并憂歡將十祀  
辛沾雲雨慶方纔參多士振鷺徒迫飛群龍難隸齒

烹鮮止貪競共治一作屬廉耻伊予昧損益何用祇

千里解劍北宮朝息駕南川溪寧希廣平詠聊慕華陰市棄置宛洛遊多謝金門裏招招漾輕楫行行趨巖趾江海雖未從山林於此始

後臨荊州

梁元帝

擁旄去京縣塞帷辭未央弱冠復王役從容遊豈張不學胡威絹寧挂裴潛牀所冀方畱犢行當息飲羊戲蝶時飄粉風花乍落香高欄來蕙氣疎簾度晚光綺錢臨仄宇阿閣繞長廊

景雲二年

唐書作景龍三年

予自門下平章事削階授

政術

卷四十一

七

江州員外司馬尋拜襄州刺史春日赴襄陽

途中言志

唐崔湜

予本燕趙人秉心愚且直羣籍備所見孤貞每自飭徇祿期代耕受任亦量力幸逢休明時朝野兩薦推一朝趨金門十載奉瑤墀入掌選固筆出參枚馬詞吏部既三踐中書亦五赫進無負鼎說還慙補袞詩常恐嬰悔吝不得少酬私嗷嗷路傍子納誨紛無已上勅明主疑下貽大臣耻毫髮傾無累冰壺邈自恃天道何期平幽冤終見明始佐廬陵郡尋牧襄陽城彤幃倚新寵朱轂蒙舊榮力薄慙任重恩深知命輕

飭徒留前路行子悲且慕猶聞長樂鐘尚辨青門樹慈親不忍訣昆弟默相顧去去勿重陳川長日云暮

赴馮翊作

唐儲光義

本自江海人且無寥廓志大明耀天宇靄靄風雨被迢遞別荆吳飄飄涉沂泗廣川俟舟楫峻坂傷騏驎贈賂失歸道崎嶇從下位西出太華陰北走少梁地葱蘢墟落色泱泱關河氣耻從俠烈遊甘爲刀筆吏寶劍茱萸匣豈忘知音貴大道且泛然沈浮未云異初黃綬赴藍田縣作

唐錢起

政術

卷四十一

七

忽忝英達顧寧窺造化恩螢光起腐草雲翼騰沈鵠片石世可用良工心所存一叨尉京甸三省慚黎元賢尹正趨府僕夫儼歸軒眼中縣胥色耳裏蒼生言居人散山水即景真桃源鹿聚入田逕鷄鳴隔嶺村餐和俗久清到邑政空論且嘉訟庭寂前階滿芳蓀始至郡

唐韋應物

湓城古雄郡一作鎮橫江千里馳高樹上迢遞峻堞繞欽危井邑煙火晚郊原草樹滋洪流蕩一作薄北吐崇嶺鬱南圻斯民本樂生逃近竟何爲早歲屬荒歉舊逋積如坻到郡方逾月終朝理亂絲賓朋未及醺簡

牘已云疲昔賢播高風得守媿無施豈待干戈戢且願撫惇嫠

平阿館赴郡

唐暢當

晨興平阿館見月沈江水溶溶山露披蕭蕭沙鷺起奉恩謬符竹伏軾省頑鄙何得施放山愧迎小郡吏寥落耕俗地征途清冥裏德緩乃吾民不得將庶矣禽奸非性能多愍會襄齒恭承共理邵常懼墜諸地

長慶二年七月自中書舍人出守杭州路次藍

溪作

唐白居易

太原一男子自顧庸且鄙老逢不次恩洗拔出泥滓

政術

卷四十

十八

赴任

既居可言地願助朝廷理伏閣三上章慙愚不稱育聖人存大體優貸容不殊鳳詔停舍人魚書除刺史寘懷齊寵辱委順隨行止餘杭乃名郡郡郭臨江汜已想海門山潮聲來入耳肯予貞元末羈旅曾遊此甚覺太守尊亦諳魚酒美因生江海興每羨滄浪水尚擬拂衣行况今兼祿仕青山峯繼接白日煙塵起東道既不通改轅遂南指自秦窮楚越浩蕩五千里聞有賢主人而多好山水是行頗爲愜所歷良可紀策馬度藍溪勝遊從此始

入京

還都口號

宋鮑照

分襲蕃帝華列正講皇宮禮讌及年暇朝奏因歲通維舟歇金景結棹俟昌風鉦歌首寒物歸吹踐開冬陰沈煙塞合蕭瑟涼海空馳霜急歸節幽雲慘天容旌鼓貫玄塗羽鵠被長江君王遲京國遊子思鄉邦恩世共渝洽身願兩坂逢勉哉河濟客勤爾尺波功

自江州還入石頭詩

梁劉峻

鼓枻浮大川延睇洛城觀洛城何鬱鬱香與雲霄半前望蒼龍門斜瞻白鶴館槐垂御溝道柳綴金隄岸迅馬晨風趨輕輿流水散高歌

政術

卷四十

十九

入京

禽亂我思江海游曾無朝市玩忽寄靈臺宿空軫及關歎仲子入南楚伯鸞出東漢何能栖樹枝取斃王孫彈

還京師

隋煬帝

東都禮儀舉西京冠蓋歸是月春之季花柳相依依雲蹕清馳道雕輦御晨暉嘹亮銑笳奏葳蕤旌旆飛後乘趨文雅前驅厲武威

奉和還京師

隋許善心

重光闡帝圖肆覲荷來蘇十洛連新邑因泰還舊都雷警三辰衛星陳七萃驅從風折鳳羽曜日拖魚鬚

憲章碑禮樂容服備車徒迴鑾入鄴鎬從踰度粉榆  
冉冉年和變遲遲節物徂餘花照玉李細葉翦桂梧  
朝夕萬國湊海會百川輸微生逢大造倏忽改榮枯  
和入京 隋呂讓

俘囚經萬里憔悴度三春髮改河陽鬢衣餘京洛塵  
鍾儀悲去楚隨會泣陌秦既謝平吳利終成失路人  
歲晚還京臺望城闕成口號先贈交親

唐盧僕初

紫陌開行樹朱城出晚霞猶憐慣去國疑是夢還家  
風弱知催柳林青覺待花交親望歸騎幾處擁年華

政術 卷四十一

二十一 入京

元和甲午歲詔書盡徵江湖逐客余自武陵赴  
京宿於都亭有懷續共來諸子一作張籍宿都庭有懷

唐劉禹錫中

雷雨湘江一作江山起卧龍武陵樵客躡仙踪十年楚水  
楓林下今夜初聞長樂鐘

送光祿姚卿還都

唐蘇頌初

漢室有英台荀家寵俊才九卿朝已入三子暮同來  
不授綸爲草還司鼎用梅兩京王老宅駟馬日應迴

秋日餞尹大往京

唐駱賓王初

尹大官三冬懸帳指蘭室而拾青六郎四海情深

飛桂尊而舉白于時兔死東上龍火西流劍彩沈  
波碎楚蓮于秋水金輝照岸秀陶菊于寒堤既切  
送歸之情彌軫窮途之感重以清江帶地間吳會  
于星津白雪在天望長安于日路請振詞鋒用開  
筆海人爲四韻用慰九秋

挂瓢予隱舜負鼎爾干湯竹葉離樽滿桃花別路長  
低河耿秋色落日抱寒光素書如可嗣幽谷佇賔行

送薛植入京

唐張說初

青組言從史鴻都忽見求欵言人向老飲別歲千秋  
彷彿長安陌平生是舊遊何時復相遇宛在水中流

政術 卷四十一

三十一 入京

送越州裴參軍充使入京 唐孫逖初

日落川徑寒離心苦未安客愁西向盡鄉夢北歸難  
霜果林中變秋花水上殘明朝渡江後雲物向南看

送杜侍御赴上都

唐孫逖初

避馬臺中貴登車嶺外遙還因貢賦禮來謁大明朝  
地入商山路鄉連渭水橋承恩反南越罇酒重相邀

夏日楊長寧宅送崔侍御常正字入京

唐杜甫盛

醉酒楊雄宅升堂子賤琴不堪垂老鬢還對欲分襟  
天地西江遠星辰北斗深烏臺俯麟閣長夏白頭吟



涪江泛舟送韋班歸京

唐杜甫

追錢同舟日傷春一水間飄零爲客久衰老美若還  
花逢重重樹雲輕處處山天涯故人少更益鬢毛斑

崔五宅送劉跋入京

唐李頎

行人惜寸景繫馬暫留歡昨日辭小沛何時到長安  
鄉中飲酒禮客裏行路難清洛雲鴻度故關風日寒  
維將道可樂不念身無官生事東山遠田園芳歲闌  
東歸予謝病西去子加餐宗伯非徒爾明時正可干  
躬耕守貧賤失計在林端宿昔奉顏色慚無雙玉盤

送錢子入京

唐李頎

政術

卷四十

二十二 入京

夜夢還京北鄉心恨擣衣朝逢入秦使走馬喚君歸  
驛路清霜下關門黃葉稀還家應信宿看子速如飛

送魏萬之京

唐李頎

朝聞遊子唱離歌昨夜微霜初渡河鴻鴈不堪愁裏  
聽雲山况是客中過關城曙色催寒近御苑砧聲向  
晚多莫見長安行樂處空令歲月易蹉跎

奉送五叔入京兼寄綦毋三

唐李頎

吏部明年拜官後西城必與故人期寄書春草年年  
色莫道相逢玉女祠

南陵別兒童入京

唐李白

白酒初熟山中歸黃鸝啄黍秋正肥呼童烹鷄酌白  
酒兒童嬉笑牽人衣高歌取醉欲自慰起舞落日爭  
光輝游說萬乘苦不早著鞭跨馬涉遠道會稽愚婦  
輕買臣予亦辭家西入秦仰天大笑出門去我輩豈  
是蓬蒿人

金鄉送韋八之西京

唐李白

客自長安來還歸長安去狂風吹我心西挂咸陽樹  
此情不可道此別何時遇望望不見君連山起煙霧

送顏評事入京

唐岑參

顏子人歎屈宦遊今未遲佇聞明主用豈負青雲姿

政術

卷四十

二十三 入京

江柳秋吐葉山花寒滿枝知君客愁處月落巴川時

送崔子還京

唐岑參

匹馬西從天外歸揚鞭只共鳥爭飛送君九月交河  
北雪裏題詩淚滿衣

送友入京

唐孟浩然

君登青雲去予望青山歸雲山從此別淚濕薜蘿衣

淮上送梁二恩命追赴上都

唐劉長卿

賈生年最少儒行漢庭聞拜手卷黃紙廻身謝白雲  
故關無去客春草獨隨君綠綠長淮水東西自此分

奉送裴員外赴上都

唐劉長卿

彤檐江上遠萬里詔書催獨過潯陽去空憐潮信迴  
離心秋草綠揮手暮帆開想見秦城路人看五馬來

送李補闕之上都

唐劉長卿中

獨歸西掖去難接後塵遊向日三千里朝天十二樓  
路看新柳夕家對舊山秋惆悵離心遠滄江空自流

送蔡侍御赴上都

唐劉長卿中

遲遲立駟馬久客戀瀟湘明日誰同路新年獨到鄉  
孤煙一作向驛遠積雪去關長秦地看春色南枝不  
可忘

送王端公入秦赴上都

唐劉長卿中

政府

卷四十

三十四

入京

舊國無家訪臨岐亦羨歸途經百戰後客過二陵稀  
秋草通征騎寒城背落暉行當蒙顧問吳楚歲頻飢  
聞虞沔州有督將歸上都登漢都東城寄贈

唐劉長卿中

淮南搖落客心悲渭水悠悠怨別離早鴈初辭舊關  
塞秋風先入古城池腰章建隼皇恩賜露冕臨人白  
髮垂惆悵恨君先我去漢陽耆老憶旌麾

送賈侍御克復後入京

一作江南送賈侍御入京

唐劉長卿中

對酒心不樂見君動行舟回看暮帆懸獨向空江愁

晴雲淡初夜春塘深漫流溫顏風霜霽喜氣煙塵收  
馳駟三千里朝天十二樓因云報親愛白髮生滄洲

隴右送韋三還京

唐錢起中

春風起東道握手望京關柳色從鄉至鶯聲送客還  
嘶驂顧近驛歸路出他山舉目情難盡羈離失志間

送處州裴使君赴京

唐皇甫冉中

使君朝北闕車騎別東方別喜天書召寧憂地脉長  
山行朝復夕水宿露爲霜秋草連秦塞孤帆落漢陽  
新街趨建禮舊位識文昌唯有

送竇叔向入京

唐皇甫冉中

政府

卷四十

三十五

入京

水結楊柳津從吳去入秦徒云還上國誰爲作中人  
驛樹同霜霰漁舟伴苦辛相如求一謁詞賦遠隨身  
送盧郎中使君赴京

唐皇甫冉中

三年期上國萬里自東溟曲蓋遵長道油幢憩短亭  
楚雲山隱隱淮雨草青青可康樂多新興題詩紀所經  
奉送杜侍御還京

唐權德輿中

罷戰回龍節朝天識鳳池寒生五湖道春及萬年枝  
郡化多遺愛官清已畏知懷恩偏感別墜淚向旌麾  
詔追赴都二月得至灞亭上

唐柳宗元中

十一年前南渡客四千里外北歸人詔書許逐陽和

至驛路開花處處新

送客歸京

唐白居易中

水陸四千里何時歸到秦舟辭三峽雨馬入九衢塵  
有酒留行客無書寄貴人唯憑遠傳語好在曲江春

送韋員外還京

唐崔峒中

十年離亂後此去若爲情春晚香山綠人稀豫水清  
野陂看獨樹關路逐殘鷺前殿朝明主應憐白髮生

○入朝

赴關附

鼓吹入朝曲

唐李白盛

金陵控海浦綠水帶吳京鏐歌列騎吹颯香引公卿

卷四十

入朝

槌鐘速嚴裝伐鼓啓重城天子憑玉几劍履若雲行  
日出照萬戶簪裾爛明星朝罷沐浴閑遨遊閨風亭  
濟濟雙闕下歡娛樂恩榮

入朝奉別張燕公

唐梁知微初

華容佳山水之子厭承明符竹紆小郡江湖被德聲  
三年計吏入路指巴丘城臯舟纔結纜騶駕已相迎  
別離他鄉酒委曲故人情孤嶼早煙薄長波晚氣清  
辛勤方遠鶩勝賞屢難并迴瞻洞庭浦日暮愁雲生

奉別張燕公入朝

唐王琚初

五載朝天子三湘逢舊寮扁舟方輟棹清論遂終朝

遠樹煙間沒長江地際遙帝城馳夢想歸帆滿風颺

岳州別趙國公王十一珣入朝

唐張說初

昔濫貂蟬長同承雨露霏今參魚鼈守望美洞庭歸  
浦樹懸秋影江雲落晚輝離寬似征鴈恒往帝鄉飛

荊州亭入朝

唐張說初

巫山雲雨峽湘水洞庭波九辯人猶擯三秋燕始過  
旄裘吳地盡鬢薦楚言多不果朝宗願其如江漢何

岳州別梁六入朝

唐張說初

遠蒞長沙渚欣逢賈誼才江山疲應接風日復晴開

卷四十一

入朝

江樹雲間斷湘山水上來近洲朝鷺集古戍夜猿哀  
岸杼含蒼口河蒲秀紫臺日餘偏地賞心盡故人杯  
自我違京洛嗟君此泝洄容華因別老交舊與年頽  
夢見長安陌朝宗實盛哉

廣州蕭都督入朝過岳州宴餞

唐張說初

孤城抱大江節使往朝宗果是臺中舊依然水上逢  
京華遙比日疲老颯如冬竊美能言鳥銜恩向九重

奉送嚴公入朝十韻

唐杜甫盛

鼎湖瞻望遠象闕憲章新四海猶多難中原憶舊臣

與時安反側自昔有經綸感激張天步從容靜塞塵  
南圖回羽翮非極捧星辰漏鼓還思畫宮鸞罷囀春  
空留玉帳街愁殺錦城人閣道通丹地江潭隱白蘋  
此生那老蜀不歟會歸秦公若登台輔臨危莫愛身

季夏送鄉弟韶陪黃門從叔朝謁

唐杜甫

令弟尚爲蒼水使名家莫出杜陵人比來相國兼安  
蜀歸赴朝廷已入秦拾舟策馬論兵地拖玉腰金報  
主身莫度清秋吟蟋蟀早聞黃閣畫麒麟

送薛補闕入朝

唐鮑防

政術

卷四

三八

入朝

平原門下十餘人獨受恩多未殺身每歎漢來兄弟  
少更憐楊氏子孫貧柴門豈斷施行馬魯酒那堪醉  
近臣賴有軍中遺令在猶將談笑對風塵

送崔侍御入朝

唐李嘉祐

十年猶執憲萬里獨歸秦舊國無芳草青雲見故人  
潘郎今髮白陶令未家貧相送臨京口停橈淚滿巾

送王端赴朝

唐李嘉祐

君承明主意日日上丹墀東閣論兵後南宮草奏期  
人稀傍河處槐暗入關時獨遣吳州客平陵結夢思

送侍御史四叔歸朝

唐李嘉祐

淮南頻送別臨水惜殘春攀折隋宮柳淹留秦地人  
含情歸上國論舊見平津更接天津近餘花映綬新  
送竇拾遺赴朝因寄中書十七弟

唐李嘉祐

自歎未霑黃紙詔那堪遠送赤墀人老爲僑客偏相  
戀素是詩家倍益親妻兒共載無羈思鴛鴦同行不  
負身憑爾將書通令弟唯論華髮愧頭巾

送王員外歸朝

唐劉長卿

往來無盡日離別要逢春海內罹多事天涯見近臣  
芳時萬里客鄉路獨歸人魏關心常在隨君亦向秦

政術

卷四

三九

入朝

夏口送徐郎中歸朝

唐劉長卿

星象南宮遠風流上客稀九重思曉奏萬里見春歸  
棹發空江響城孤落日暉離心與楊柳臨水更依依  
送員外侍御入朝

唐錢起

別思亂無緒妖氛猶未清含香五夜客持賦十年兄  
霜拂金波樹星回王斗城自憐江上鶴垂翅羨飛鳴  
新安奉送穆諭德歸朝賦得行字

唐口口口

九重宣室召萬里建溪行事直皇天在歸遲白髮生  
用材身復起觀聖眼猶明離別寒江上潺湲若有情

田司空入朝

唐張籍中

西來將相位兼雄不與諸君覲禮同早變山東知順  
命新收濟上立殊功朝官敘謁趨門外恩使宣迎滿  
路中閭闔曉來銅漏靜身當受冊大明宮

送魏端公入朝

唐孟郊中

東洛尚淹翫西京足芳妍大賓威儀肅上客冠劍鮮  
豈惟空戀闕亦以將朝天

陝州月城樓送辛判官入秦

以下赴關

唐岑參盛

送客飛鳥外城頭樓最高樽前遇風雨慙裏動波濤

政術

卷四

辛二

入朝

謁帝向金殿隨身唯寶刀相思灞陵月祇有夢徧勞

還闕首途寄精舍親友

唐韋應物中

休沐日云滿冲然將罷觀嚴車候門側晨起正

一作整

朝冠山澤含餘雨川澗注驚湍攬轡遵東路

一作前路

迴首一長歎居人已不見高閣在林端

送雷監赴闕庭

唐韋應物中

才大無不備出入爲時須雄藩精理行祕府擢文儒  
詔書忽已至焉得久踟躕方舟赴朝謁觀者盈路衢  
廣筵列衆賓送爵無停迂攀餞誠愴恨

一作賀榮且

歡娛長陪柏梁宴日向丹墀趨時方重右職蹉跎獨

海隅

送崔拾遺赴闕

唐朱慶餘中

清貌凌寒玉朝來拜拾遺行承天子詔去感主人知  
劔佩分班日風霜獨立時名高住不得非與九霄期

北還登漢陽北原題臨川驛

唐柳宗元中

驅馬方向關迴首一臨川多壘非予耻無謀終自憐  
亂松知野寺餘雪記山田惆悵樵漁事今還又落然

除官赴闕至州寄鄂岳李大夫

唐韓愈中

湓城去鄂渚風便一日耳不枉故人書無因泛江水

政術

卷四

辛二

入朝

故人辭禮闈旌節鎮江圻而我竄逐者龍鍾初得歸  
別來已三歲望望遠迢遞咫尺不相聞平生那可計

我齒落且盡君鬢白幾何年皆過半百來日苦無多

少年樂新知衰暮思故友譬如親骨肉寧免相可不

我昔實愚惹不能降色辭子犯亦有言臣猶自知之

公其務貴過我亦請改事桑榆儻可收願寄相思字

送劉三復郎中赴闕

唐杜牧晚

璚溪辭寂寞金馬去追遊好是鴛鴦侶正逢霄漢秋  
玉珂聲璚瑣錦帳夢悠悠微笑知今是因風謝釣舟

送睦州侯郎中赴闕

唐方干晚

昔著政聲聞國外今留儒術化江東青雲舊路歸仙  
掖白鳳新詞入聖聰絃管未知銀燭曉旗幟已待錦  
帆風郡人難議酬恩德偏在三年禮遇中

秋日赴闕題潼關驛樓

唐許渾晚

紅葉晚蕭蕭長亭酒一瓢殘雲歸太華疎雨過落一作

中條樹色隨關迴河聲入海遙帝鄉明日到猶是夢

漁樵

詩集類函卷四十

文府

卷四十一

三七

入朝

詩集類函卷四十一

東吳俞安期彙纂

宣城梅鼎祚增定

政術部二

鎮守

安輯

存撫

招諭並附

督撫

督出並附

置倉

覆糧

賑濟並附

括圖書

奉使

○鎮守

送徐州張建封還鎮

唐德宗

牧守寄所重才賢生焉時宣風自淮甸授鉞膺藩維

入觀展遐戀臨軒慰來思忠誠在方寸感激陳情詞

報國爾所尚恤人余是資歡宴不盡懷車馬當還期

文府

卷四十一

鎮守

穀雨將應候行春猶未遲勿以千里遙而云無已知

送嚴黃門拜御史大夫再鎮蜀川兼觀省

唐岑參盛

授鉞辭金殿承恩戀玉墀登壇漢主用講德蜀人思

副相韓安國黃門向子期刀州重入夢劍閣再題詞

春草連青綬晴花間赤旗山鶯朝送酒江月夜供詩

許國分憂日榮親色養時蒼生望已久來去不應遲

送王使君移鎮淮南

唐錢起中

共許徐方牧能臨河內人郡移棠轉茂車至鹿還馴

吏事嘉師旅篤行惜綰紳別心傾祖席愁望盡征輪



紫語微黃晚蒼生借冠頻願言青瑣拜早及上林

送李大夫赴廣州

唐錢起

一賢間氣生麟趾鳳凰羽何意人之望未爲王者輔  
出鎮忽推才盛哉文且武南越寄維城雄襟擁甲兵  
鼓門通幕府天井入軍營厥俗多豪侈古來難致禮  
唯君飲冰心可酌食泉水忠臣感聖君仰義不邀助  
龍鏡逃山魅霜風破嶂雲征途凡幾轉魏闕如在眼  
向郡海潮迎指鄉關樹遠按節化甌閩下車佳政新  
應令尉陀俗還作上皇人支離交後哲弱冠至華髮  
昔許霄漢期今嗟鵬鷃別圖南不可憐惆悵守藩旁  
政術 卷四十一 鎮守

送鄭尚書出鎮南海

唐張籍

遠鎮承新命王程不假催班行爭路送恩賜併時來  
牙旆從城展兵符到府開蠻聲喧夜市海色浸朝臺  
畫角天邊月寒關嶺上梅共知公望重多是隔年迴

送李僕射赴鎮鳳翔

唐張籍

由來勳業屬英雄兄弟連榮列位同先入賊城擒首  
惡盡封官庫讓元公旌幢獨繼家聲外竹帛新添明  
史中天子欲收秦隴地故教移鎮在扶風

送李司空赴鎮襄陽

唐張籍

中外兼權社稷臣千官齊出拜行塵再調公出勸

盛三受兵符寵命新商路雪開旗旆展楚堤梅發驛  
亭春襄陽風景由來好重與江山作主人

送李孤相公自僕射出鎮

唐劉禹錫

夏木正陰成戎裝出帝京沾襟辭闕淚回首別鄉情  
雲樹襄中路風塵漢上城前旌轉谷去後騎踏橋聲  
又領駕行重無嫌虎綬輕終提一麾去再入副蒼生  
奉送裴司徒令公自東都留守再命太原  
公兩任相 去十六年 唐劉禹錫

星使出關東兵符賜上公山河歸舊國箭管換離宮  
行色旌旗動軍聲鼓角雄愛棠餘故吏騎竹見新重  
政術 卷四十一 鎮守

漢壘三秋靜胡沙萬里空其如天下望旦夕詠清風

重送浙西李相公頃廉問江南已經七載後歷

滑臺劍南兩鎮遂入相今復領舊地新加旌

旄

唐劉禹錫

江北萬人看玉節江南千騎引金饒鳳從池上遊滄  
海鶴到遼東識舊巢城下清波含百谷窓中遠岫列

三茅碧鷄白馬回翔久却憶朱方是樂郊

送浙江李僕射相公赴鎮

唐劉禹錫

建節東行是舊遊歡聲喜氣滿吳州郡人重得黃水  
相重子爭迎郭細侯詔下初辭温室樹夢中先到景

陽樓自憐不識平津閣遙望旌旗汝水頭

送李尚書鎮滑州

自浙西觀察徵拜兵部侍郎月餘有此拜

唐劉禹錫中

南徐報政入文昌東郡須才別建章視艸名高同蜀客擁旄年少勝周郎黃河一曲當城下緹騎千重照路傍自古相門還出相如今人望在巖廊

送渾大夫赴豐州

唐劉禹錫中

鳳銜新詔降恩華又見旌旗出漢家故吏來辭辛屬國精兵願逐李輕車瓊裘君長迎風馭錦帶曾豪踏雪徭其奈明年好春日無人喚看牡丹花

政術

卷四十一

四

美溫尚書鎮定興元以詩賀

唐劉禹錫中

旌旗入境大無聲裁盡鯨鯢漢水清從此世人開耳目始知名將出書生

路逢青州王大夫赴鎮立馬贈別

唐白居易中

大旆擁金羈書生得者稀何勞問官職豈不見光輝赫赫人爭看翩翩馬欲飛不欺前歲尹駐節語依依

送令狐相公赴太原

唐白居易中

六纛雙旌萬鐵衣并汾舊路滿光輝青衫書記何年去紅旆將軍昨日歸詩作馬蹄隨筆走獵酣鷹翅伴

觥飛北都莫作多時計再為蒼生入紫微

送徐州高僕射赴鎮

唐白居易中

大紅旆引碧幢旌新拜將軍指點行戰將易求何足貴書生難得始堪榮離筵歌舞花叢散候騎刀槍雪隊迎應笑蹉跎白頭尹風塵惟管洛陽城

送容州中丞赴鎮

唐杜牧晚

交趾同星座龍泉似斗文燒香翠羽帳看舞鬱金裙鷁首衝瀧浪犀渠拂嶺雲莫教銅柱北空說馬將軍

送牛相公出鎮襄州

唐杜牧晚

盛時常注意南雍暫分茅紫殿辭明主巖廊別舊交

政術

卷四十一

五

危幢侵碧露寒旆獵紅旂德業懸秦鏡威聲隱楚郊拜塵先洒淚成廈簷客巢遙仰沈碑會駕驚玉佩敲奉和門下相公送西川相公兼領相印出鎮全

蜀詩十八韻

唐杜牧晚

盛業冠伊唐台階翊戴允無私天雨露有截舜衣裳蜀輟新衡鏡池留舊鳳皇同心真石友寫恨茂河梁虎騎搖風旆貂冠韻水蒼彤弓隨武庫金印逐文房棧壓嘉陵咽峯橫劍閣長前驅二星去開險五丁忙迴首崢嶸盡連天艸樹芳丹心懸魏闕往事愴甘棠治化輕諸葛威聲懾夜郎君平教說卦犬子召升堂

寒接西山雪橋維萬里橋奪霞紅錦爛撲地酒壚春  
忝逐三千客曾依數仞牆滯頑堪白屋攀附亦周行  
笛管伶倫曲簫韶清廟章唱高知和寡小子斐然狂  
奉送中丞姊夫傳自大理卿出鎮江西敘事書

懷因成十二韻

唐杜牧

惟帝憂南紀搜賢與大藩梅仙調步驟庾亮拂鬢韃  
一室何勞掃三章自不寬精明如定國孤峻似陳蕃  
灞岸秋猶嫩藍橋水始喧紅旂星石壁黑稍斷雲根  
滕閣丹霄倚章江碧玉奔一聲仙妓唱千里暮江痕  
私好初童稚官榮見了孫流年休挂念萬事至無言

政術

卷四十一

六

真守

王輦君頻過馮唐將未論儋書醕萬債竹塢問樊村  
○安輯 存撫 招諭並附

安輯嶺表事平罷歸

唐李嶠

雲端想京縣帝鄉如可見天涯望越臺海路幾悠哉  
六月飛鵬去三年瑞雉來境逢銅柱出山險石門開  
自我違瀛洛瞻途屢揮霍朝朝寒露多夜夜征衣薄  
白簡承朝憲朱方撫夷落既弘天覆廣且諭皇恩博  
皇恩溢外區殊俗詠來蘇聲朔臣天子壇場拜老夫  
絳官輅將略黃石寢兵符返旆收龍虎空營集鳥烏  
日落澄氛霽憑高視襟帶東甌抗於越南斗臨吳會

春色遙邊陲飛花出荒外卉服紛如積長川思遊客  
風生丹桂晚雲起蒼梧夕去軸艤清江歸軒趨紫陌  
承裳會百蠻珠璣委重關不學金刀使空持寶劍還  
奉和聖製送宇文融安輯戶口應制

唐張說

至德臨天下勞情遍九圍念茲人去遠蓬轉將何依  
外避征戍數內傷親黨稀嗟不逢明盛胡能照隱微  
柏臺簡行李蘭殿錫朝衣別曲動秋風恩令生春輝  
使出四海安詔下萬心歸忤無夔龍佐徒歌鴻鴈飛  
和李大夫嗣真奉使存撫東 唐杜審言

政術

卷四十一

七

安輯

六位乾坤動三微曆數遷謳歌移火德圖讖在金天  
子月開階統房星受命年禎符龍馬出寶籙鳳凰傳  
地即交風雨都仍卜潤渥明堂唯御極清廟乃尊先  
不宰神功運無爲大衆懸八荒平物土四海接人煙  
已屬群生泰猶言至道偏璽書傍問俗旌節近推賢  
秩比司空位官臨御史員推辭執刀筆直諫罷樓船  
國有大臣器朝加小會筵將行備禮樂送別仰神仙  
城闕周京轉關河陝代連稍觀汾水曲俄指絳臺前  
姑射聊長望平陽遂宛然舜耕餘艸木禹鑿舊山川  
昔出諸侯上無何霸業全中軍歸戰敵外府絕兵權

隱隱帝鄉遠瞻瞻肅命虔西河偃風俗東壁挂星躔  
井邑粉榆社陵園松柏田榮光晴掩代佳氣晚侵燕  
雨霽鴻私滌風行睿旨宣憚屢訪疾苦屠釣采貞賢  
人樂逢刑措時康洽賞延賜踰秦氏級恩倍漢家錢  
擁傳咸翹首稱觴競比肩拜迎彌道路詠舞溢郊鄩  
殺氣西衡白窮陰北暝玄飛霜逢渡海殘月迴臨邊  
緬邈朝廷問周流朔塞旋興來探馬策駿發抱龍泉  
學終八千卷文傾三百篇澄清得使者作頌有人焉  
莫以崇班閔而云勝托捐偉材何磊落陋質幾翩翾  
江海寧爲讓巴渝轉自牽一聞歌聖道助曲荷陶甄

政術

卷四十一

八

安詳

送安撫從口吏偶中丞

唐李洞

晚

奉詔向軍前朱袍映雪鮮河橋吹角凍岳月捲旗圓  
僧救焚經火人修著釣船六州安撫後萬戶解衣眠  
招諭有懷贈同人

唐李義府

初

遠遊冒艱阻深入勞存諭春去醉國門秋還在邊戍  
軒車行未返節序催難駐陌上悲轉蓬國中想芳樹  
蜀山自紛糾岷水恒奔注臨泛多苦懷登攀寡歡趣  
永夕飛淫雨崇朝蒸毒霧不求緩嶺桃寧羨印鄉蒞  
白狼行欲靜驄馬何常馭願接輶旆塵聯翻東北驚  
○巡行

和衛尉新渝侯巡城口號

梁王均

閭闔暖已晷鉤陳杳將暮栖鳥城上返一作晚雀林  
中度屯衛時巡警凝威肆安步閣道趨文昌禁兵連  
武庫銅鳥迎早風金掌承朝露景恩分曉色睥睨生  
秋霧維城任寄隆空想靈均賦伊余方病免丘園保  
恬素

和衛尉新渝侯巡城口號

梁庾肩吾

維城寄右戚巡警屬勤王南瞻通灞岸北眺指橫芒  
入漢飛延閣臨雲出建章步逐天津遠城隨秋夜長  
露槐落金氣風寮上新涼

政術

卷四十一

九

巡行

巡按自灤水南行

唐張九齡

初

理棹雖云遠飲水寧有惜况乃佳山川怡然傲潭石  
奇峯吸前轉茂樹隈中積猿鳥聲自呼風泉氣相激  
目因詭客逆心與清暉滌紛吾謬執簡行郡將移檄  
即事聊獨歡素懷豈兼適悠悠詠靡盬庶以窮日夕  
巡屬縣道中作

唐張九齡

初

春今夙所奉駕言遵此行途中却郡橡林下招村民  
至邑無紛劇來人但歡迎豈伊念邦政爾實在時清  
短才濫符竹弱歲起柴荆再入江村道永懷山藪情  
矧逢陽節獻默聽時禽鳴迹與素心別感從幽思盈

流芳日不待風志蹇無成知命且何欲所圖唯退耕  
華簪極身泰衰鬢慚木榮苟得不可遂吾其謝世嬰

送楊法曹按括州

唐孫逖

東海天台山南方縉雲驛溪澄問人隱巖險煩登陟  
潭壑隨星使軒車繞春色儻尋琪樹人爲報長相憶

送魏騎曹充宇文侍御判官分按山南

唐孫逖

雲雨陽臺路光華驛騎巡勸農開夢土恤隱惠荆人  
樓迴吟黃鶴江長望白蘋觀風布明詔更是漢南春

送狄員外巡按西山軍

唐岑參

政術

卷四十一

十一

兵馬守西山中國非得計不知何代策空使蜀人  
八州岷谷深千里雲雪閉泉澆閣道滑水凍繩橋脆  
戰士常苦飢糗糧繼胡兵猶不歸空山積年歲  
儒生識損益言事皆審諦狄子幕府郎有謀必康濟  
胸中懸明鏡照耀無巨細莫辭冒險艱可以裨節制  
相思江樓夕愁見月澄霽

○巡農

勸農 營田並附

奉和張荊州巡農晚望

唐錢起

太清霽雲雷陽春陶物象明牧行春令仁風助升長  
時和俗勤業播植農厥壤陰陰繁陌連漠漠水田廣

郡中忽無事方外還獨往日暮駐歸軒湖山有佳賞  
宣城傳逸韻千載誰此響

送表員外宣慰勸農畢赴洪州使院

唐李嘉祐

聖王臨前殿殷憂遣使臣氣迎天詔喜恩發上膏春  
艸色催歸棹鶯啼爲送人龍沙多道里流水自相親

送管田判官鄭侍御赴上都

唐劉長卿

上國三千里西還及歲芳故山經亂在春日送歸長  
曉奏趨雙闕秋成報萬箱幸論開濟力已實海陵倉

○置倉

覆糧 賑濟並附

政術

卷四十一

十一

送許員外江外置常平倉

唐岑參

詔置海陵倉朝推畫省郎還家錦服貴出使繡衣香  
水驛風催舫江樓月透牀仍懷陸氏橘歸獻老親嘗

送工部蕭侍郎刑部李郎中並以本官兼中丞

分命充京西京北覆糧使 唐劉禹錫

霜簡映金章相輝同舍郎天威巡虎落星使出駕行  
尊組成全策京坻閱見糧歸來虜塵滅畫地奏明光

送任御史江南發糧賑

河北百姓 唐張說

河朔人無歲荆南義廩開將與泛舟役必佇濟川才  
花月臨江浦春雲歷楚臺調飢坐相望繡服幾時迴

送姚侍御出使江東

唐宋之間

帝臺河朔郡南發海陵倉坐數青春別逶迤碧水長  
飲水朝受命衣錦晝還鄉爲問山東桂無人何自芳  
○括圖書

送賈起居奉使入洛陽取圖書因便拜觀

唐蘇頌

舊國才因地當朝史命官遺文徵缺簡還思采芳蘭  
傳發關門候觴稱邑里歡早持京副入旋佇洛書刊

送沈校書吳中搜書

唐儲光義

郊外亭臯遠野中岐路分苑門臨渭水山翠雜春雲

政術

卷四十一

三

秦閣多遺典吳臺訪闕文君王恩校理莫滯清江漬

送集賢崔八叔承恩括圖書

唐錢起

雨露滿儒服天心知子虛還勞五經笥更訪百家書

贈別傾文苑光華比使車晚雲隨客散寒樹出關疎

相見應朝夕歸期在玉除

送李嘉祐正字括圖書兼往揚州覲省

唐司空曙

不事蘭臺貴全多草帶風儒官比劉向使者得陳農

晚燒平蕪外朝陽疊浪東歸來喜調膳寒筍出林中

送顏司議使蜀訪圖書

唐韋應物

輶駕一封急一作傳蜀門千嶺曛詎分江轉字但見路  
綠雲山館夜聽雨秋援獨叫群無爲久留滯聖主待  
遺文

送耿漳江外括圖書

唐李端

驅傳一作馳道連天回風滿樹蟬將過夫子宅前問孝

廉船漢使收三篋周詩采百篇別君終有淚不是怨

流年

送耿拾遺漳充括圖書使往江淮

唐盧綸

傳今收遺籍諸儒喜錢君孔家唯有地禹穴但生雲

政術

卷四十一

三

編簡知還續蟲書亦自分如逢北山隱一爲謝移文

○奉使

唐問併入

北使洛

沈約宋書曰延之爲豫章世子中軍行參軍義熙十二年高祖北伐有宋公之

授府遣一使慶殊命參起居延之至洛陽道中作詩一首文辭藻麗爲謝晦傳亮所賞

宋顏延之

改服飭徒旅首路踰險艱振楫發吳洲秣馬陵楚山

塗出梁宋郊道由周鄭間前登陽城路日夕望三川

在昔輟期運經始開聖賢伊瀝絕津濟臺館無尺椽

官陞多巢穴城闕生雲煙王猷升八表嗟行方暮年

陰風振涼野飛雲蒼窮天臨塗未及引置酒慘無言



隱憫徒御悲威遲良馬煩遊役去芳時歸來屬復何  
蓬心既已矣飛薄殊亦然

奉使廬陵

梁吳均

悵然不自怡端憂坐漠漠風急鴈毛斷冰堅馬蹄落  
客子飢寒多江上衣裝薄何當報恩罷驅車還北郭  
被使從渡江

梁庾肩吾

八陣引佳兵三河總艫舳絳天揚遠旆雷野驅長轂  
夜劒動星芒秋潮驚箭服

奉使北徐州參丞御

梁庾肩吾

炎農稱卷領唐勛載允恭猶將表世盛尚且號民從

政術

卷四十一

古

奉使

未知今聖王比德邁前蹤格天垂禮樂寰海置提封  
粉榆諒昔社朱方有舊壻故鄉深帝念巡狩及時雍  
禁園周百里離宮即九重浮橋還瀉渭抗殿本疏龍  
過沛追鄉飲歸宛盛禮容千金登禹膳萬壽獻堯鍾  
依然對白水眷言懷赤松迴天隨輦道駐日逐戈鋒  
路遠大風積山長佳氣濃年光正婉婉春樹轉丰茸  
竹葉含初籜莫枝發早蕓瑞木翻無鳥祥花更少蜂  
咸英起雲鳳率舞間笙鏞海鷗時出沒江鱣乍噉鴈  
雲邊開華樹霧裏識峩峩小人濫趨走虛薄愧無庸  
皇恩不可報河清徒易逢

被使出關

陳何胥

出關登隴坂迴首望秦川絳水通西晉機橋指北燕  
奔流下激石古木上參天鶯啼落春後鴈度在秋前  
平生屢此別腸斷自催年

贈北使

陳潘徽

業定三邊靜時和四海散行人仍禮籍使者接輶軒  
賓榮君享燕客踞我司存既美齊嬰學欣逢鄭產言  
琴酒時歡會篇章極討論迴旌逗隴左返軸指河源  
塞榆行隱路津柳稍垂門日沈山氣合潮落水花翻  
離情欲寄鳥別淚不因猿所可緘懷袖方以代蘭萱

政術

卷四十一

古

奉使

鄴館公譙

北齊裴諤之

晉楚敦盟好僑札同心賞禮成樽俎陳樂和金石響  
朝雲駕馬進曉日乘龍上雙闕表皇居三臺映仙掌  
當階篋篠密約岸荷葉長束帶盡欣娛誰言驚歸兩  
公館譙酬南使徐陵

北齊裴讓之

嵩山表京邑鍾嶺對江津方域殊風壤分野各星辰  
出境君圖事尊盟我恤隣有才稱竹箭無用忝絲綸  
列樂歌鐘響張旆玉帛陳皇華徒受命延譽本無因  
轉宜將聘楚申胥欲去秦方期飲河朔翻屬卧漳濱  
禮酒盈三獻賓筵盛八珍歲稔鳴銅雀兵戢坐金人

雲來朝起蓋日落晚摧輪異國猶兄弟相知無舊新

將命至鄴

按本傳信在梁為通直散騎常侍聘于東魏文章辭令甚為鄴下所稱

北周庾信

大國修聘禮親隣自此敦張旌事原關負展報成言

西過犯風露北指度輶轅交歡值公子展禮覲王孫

何以譽嘉樹徒欣賦采繁四牢盈折俎三獻滿壘樽

人臣無境外何由欣此言風俗既殊阻山河不復論

無因旅南館空欲祭西門眷然惟此別夙期幸共存

將命至鄴酬祖正員

北周庾信

我皇臨九有聲教洎無隄興文盛禮樂偃武息氓黎

政術

卷四十一

十六

奉使

承乏驅騏驎旌旗事琬珪一作旌旄古碑文字盡荒

城年代迷被隴文瓜熟交媾香蕙低投瓊實有慰報

李更無蹊

將命使北始渡瓜步江

北周庾信

校尉始辭國樓船欲渡河輜軒臨磧岸旌節映江沱

觀濤想帷蓋爭長憶干戈雖同燕市泣猶聽趙津歌

趙河津吏女渡中流屬簡于發河鼓之歌

聘齊秋晚館中飲酒

北周庾信

欣茲河朔飲對此洛陽才殘秋欲屏扇餘菊尚浮杯

漳流鳴二水日色下三臺無因侍清夜同此月徘徊

對宴齊使

北周庾信

歸軒下賓館送蓋出河堤酒正離杯促歌工別曲悽

林寒木皮厚沙迥鴈飛低故人儻相訪知予已執珪

反命河朔始入武州

北周庾信

輕車初逐李定遠未隨班受詔祈連返申威疎勒還

飛蓬損腰帶秋鬢落客顏寄言舊相識知予生入關

贈劉儀同西聘

隋盧思道

開印昔柔遠賓越盡招携豈若馳天使玉節撫遺黎

五祠臨渭北雙嶺帶峰西故關看金馬餘壇聽寶雞

垂絲被柳陌落錦覆桃蹊分袂俄易慘離思實難齊

政術

卷四十一

十七

奉使

極野雲峯合逢嶂日輪低塵暗前旌沒風長後騎嘶

灞陵行可望函谷久無泥須君勞旋罷春艸共萋萋

贈別司馬幼之南聘

隋盧思道

故交忽千里輜車蒞遠盟幽人重離別握手送征行

晚霞浮極浦落景照長亭拂霧揚龍節乘風遡鳥旌

楚山百重映吳江萬仞清夏雲樓閣起秋濤帷蓋生

陸侯持寶劍終子繁長纓前修亦何遠君其勗令名

在南接北使

隋虞世基

會王二嶠至瑞節三秦歸林蟬疎欲盡江鴈斷還飛

墻垣崇客館旌蓋入王畿共此敦封植方欣薦紆衣

和吳侍御被使燕然

唐盧照隣 初

春歸龍塞北騎指鴈門垂胡笳折楊柳漢使采燕支  
戍城聊一望花雪幾參差關山有新曲應向笛中吹

遠使海曲春夜多懷

唐駱賓王 初

長笑三秋晚端居萬慮盈未安蝴蝶夢遽切鶯鶯情  
別島連環海離魂斷戍城流星疑伴使行月似依營  
懷祿寧期達牽時匪狗名艱虞行已達時迹自相驚

送魏兵曹使嵩州

唐陳子昂 初

陽山淫霧雨之子慎攀登羌笳多珍寶人言有愛憎  
思酬明主惠當盡使臣能勿以王陽歎叩道畏嶮巒

政術

卷四十一

十八 奉使

奉使嵩山途經緱嶺

唐宋之問 初

侵星發洛城城中歌吹聲畢景至緱嶺嶺上煙霞生  
草樹饒野意山川多古情大隱德所薄歸來可還耕

送陸侍御北使

唐沈佺期 初

古人貴將命之子出輜軒受委當不辱隨時敢贈言  
朝途際遼海春思繞轅轅安得回白日留歡盡綠樽

奉使自藍田玉山南行

唐張九齡 初

征驂入雲壑始憶步金門通籍微軀幸歸途明主恩  
匪唯徇行役兼得慰晨昏是節暑云熾紛吾心所尊  
海縣且悠緬山郵日駿奔徒知惡囂事未暇息陰論

曉武經陳迹衡湘指故園水聞南澗險煙望北林繁  
遠靄千巖合幽聲百籟喧陰泉夏猶凍陽景晝方暉  
懿此高深極徒令夢想存盛明期有報長往復奚言

夏日奉使南海道中作

唐張九齡 初

緬然萬里路赫曦三伏時飛走逃深林流爍恐生疵  
行李豈無苦而我方自怡肅事誠在公拜慶遂及私  
展力慚淺效銜恩感深慈且欲湯火蹈況無鬼神欺  
朝發高山阿夕濟長江湄秋瘴寧我毒夏水胡不夷  
信知道存者但問心所之呂梁有出入乃覺非虛詞

使至廣州

唐張九齡 初

政術

卷四十一

十九 奉使

昔年嘗不調茲地亦遭迴本謂雙鳬少何知駟馬來  
人非漢使橐駝是越王臺去去雖殊事山川長在哉  
使還都湘東作

唐張九齡 初

倉庚昨歸候陽鳥今去時感物遽如此勞生安可思  
養真無上格圖進豈前期清節往來苦壯容離別衰  
盛明非不遇弱操自云私孤櫟清川渚征衣寒露滋  
風朝津樹落日夕嶺猿悲牽役而無悔坐愁祇自怡  
當須報恩已終爾謝塵縈

奉和左司員外自洛使入京中路先赴長安逢  
立春日贈韋侍御等諸公 唐孫逖 初

拜郎登省闈奉使馳車乘遙瞻使者星便是郎官應  
臺妙時相許皇華德彌稱二陝聽風謠三秦望形勝  
此中睽益友是日多詩興寒盡歲陰催春歸物華證  
奉使巡檢兩京路果樹事畢入秦因詠歌

唐鄭審

聖德周天壤韶華滿帝畿九重承渙汗千里樹芳菲  
陝塞餘陰薄關河舊色微發生和氣動封植衆心歸  
春露條應弱秋霜果定肥影移行子蓋香撲使臣衣  
入逕迷馳道分行接禁闈何當扈仙蹕攀桂奉恩輝  
自蜀奉冊命往朔方途中呈韋左相文部房尚  
書門下崔侍郎

卷四十一

書門下崔侍郎

唐賈至

胡羯亂中夏鑾輿忽南巡衣冠陷戎寇狼狽隨風塵  
幽公秉大節臨難不顧身激昂白刃前濺血下沾巾  
尚書抱忠義歷險披荆榛扈從出劍門登翼岷江濱  
時望挹侍郎公才標縉紳亭亭岷山玉皎皎無繇磷  
顧惟乏經濟扞牧陪從臣永願雪會稽仗劍清咸秦  
太皇時內禪神器付嗣君新命集舊邦至德被遠人  
捧冊自南服奉詔趨北軍觀謁心載馳違離難重陳  
策馬出蜀山畏途上綠雲飲啄叢箐間棲息虎豹羣  
崎嶇凌危棧惴慄驚心神峭壁上欽岑大江下云云

皇風扇八極異類懷深仁元兇誘黠虜肘腋生妖氛  
明主信英武威聲赫殊一作隣晉師自朔方旗幟何  
續紛鐵騎照白日旄頭拂秋旻將來盪滄溟寧止蹠  
崑崙古來有屯難否泰常相因夏康續禹績世祖復  
漢勳千役各勤王驅馳拱紫宸豈惟太公望往昔逢  
周文誰謂三傑才功業復殊倫感此慰行邁無爲歌  
苦辛

送何員外使湖南

唐獨孤及

夙昔昔黃綬差池復瑣闥上田無晚熟逆嗣果先飛  
前路舟休繫故山雲不歸王程倘未復莫道鯉書稀  
政術

卷四十一

子二

送韋贊善使嶺南

唐劉長卿

欲逐一作樓樓船將方安丹服夷炎洲經瘴遠春水上  
龍運歲貢隨重譯年芳徧四時番禺靜無事空詠飲  
泉詩

送裴二十端公使嶺南

唐劉長卿

蒼梧萬里路空見白雲來遠國知何在憐君去未迴  
桂林無葉落梅嶺自花開陸賈千年後誰看朝漢臺  
奉使采箭簞竹谷中晨興

唐錢起

孤客倦夜坐聞猿乘早發背溪已斜漢登棧尚殘月  
重峰轉森爽幽步更超越雲木聳鶴巢風蘿掃虎穴

人群徒自遠世役終難歇入山非買山采竹異采藥  
誰見子牟意惜勞書魏闕

使雲陽寄府曹

唐韋應物

風駕祗府命冒炎不遑息百里次雲陽問問問漂漚  
上天屢憊氣胡不均寸澤仰瞻喬樹顛見此洪流跡  
良苗免湮沒蔓艸生宿昔頽墮滿故墟返喜將安宅  
周旋涉淦淪側峭綠溝脉仁賢憂斯民賤子甘所役  
公堂衆君子言笑思與覲

使往壽州寄劉長卿

唐皇甫冉

榛艸荒涼村落空驅馳卒歲亦何功兼葭曙色蒼蒼  
政術

卷四十一

三

奉使

遠蟋蟀秋聲處處同鄉路遙知淮浦外故人多在楚  
雲東日夕煙霜那可道壽陽西去水無窮

送河中張曹往太原計會

唐耿漳

北風長至遠四牡向幽并衰木新田路寒蕪古絳城  
遙聽邊上信遠計朔南程料變當臨事遙知外國情

送裴中丞出使

唐楊巨源

一清淮甸假朝綱金印初迎細柳黃辭闕天威和雨  
露出關春色避風霜龍韜何必陳三畧虎旅由來肅  
萬方宣諭生靈真重任回軒應問石渠郎

奉使鎮州行次承天行營奉訓裴司空

竄逐三年海上歸逢公復此著征衣旋吟佳句還鞭  
馬恨不身先去鳥飛

送逋使

唐張籍

揚旌過隴頭隴水向西流塞路依山遠戍城逢笛秋  
寒沙陰漫漫疲馬去悠悠爲問征行將誰封定遠侯  
送韋侍御奉使江嶺諸道催青苗錢

唐包何

近遠從王事南行處處經手持霜簡白心在夏苗青  
迴鴈書應報愁猿客屢聽因君使絕域方物盡來庭

政術

卷四十一

三

奉使

自桂林奉使江陵途中感懷寄獻尚書叔

唐李商隱

下客依蓮幕明公念竹林公與江陵相國部敘叔姪縱然膺使命  
何以奉徽音投刺雖傷晚酬恩豈在今迎來新瑣闥  
從到碧瑤岑水勢初知海天文始識參固慙非賈誼  
唯恐後陳琳前席驚虛辱華樽許細斟尚憐秦時苦  
不遣楚醪沈既載從戎筆仍披選勝襟瀟瀟通伏波柱  
簾對有虞琴宅與嚴城接門藏別岫深閣涼松冉冉  
堂靜桂森森社內容周續鄉中保展禽白衣居士訪  
烏帽逸人尋佞佛將成傳耽書或類淫長懷五穀贖

終著九州箴良訊封鴛綺餘光借玳簪張衡愁浩浩  
沈約瘦情惜蘆白疑粘鬢楓丹欲照心歸期無雁報  
旅抱有猿侵短日安能駐低雲只有陰亂鴉衝曉網  
寒女簇遙碓東道違寧久西園望不禁江生魂黯黯  
泉客淚泠泠逸翰應藏法高辭肯浪吟數須傳廣翼  
莫獨與盧諶假寐憑書簾哀吟扣劍鐔未嘗貪優息  
那復議登臨彼美迴清鏡其誰受曲鉞人皆向燕路  
無乃費黃金

送崔郎中往使西川行在

唐韋莊

拜書辭玉帳萬里劍關長新馬杏花色綠袍春草香  
政術

卷四十一

三四

使絕域

送崔拾遺出使江東

唐方干

一身朝玉陛幾日過銅梁莫戀城邊醉仙官待侍郎  
九門思諫近萬里采風謠關外逢新月天涯過晚潮  
鴈飛雲杳杳木落浦蕭蕭空怨他鄉別迴舟暮寂寥

使者

唐羅隱晚

使者銜中旨崎嶇萬里行人心猶未革天意固難明  
四海霍光第六龍張奉營陪臣無以報西望不勝情  
○使絕域

送梁卿王郎中使東蕃弔冊

唐崔湜

梁侯上卿秀王子中臺傑贈冊綬九夷旌旄下雙闕

西堂禮樂送南陌軒車別征路入海雲行舟沂江月  
茲邦久欽化歷載歸朝謁皇心諒所嘉寄爾宣風烈

送陸侍御使新羅二首

唐錢起中

衣冠周柱史才學我鄉人受命辭雲陛傾城送使臣  
去程滄海月歸思上林春始覺儒風遠殊方禮樂新

二

萬里三韓國行人滿目愁辭天使星遠臨水澗霜秋  
雲佩迎仙島虹旌過蜃樓定知懷魏闕回首海西頭

送韋中丞奉使新羅

唐權德輿中

淳化洽聲明殊方均惠養計書重譯至錫命雙旌往  
政術

卷四十一

三五

使絕域

星辭北極遠水泛東溟廣斗柄辨宵程天琛宜晝賞  
孤光洲島迴淨綠煙霞敞展禮盛賓徒交歡觀君長  
經途勞視聽愴別索夢想延頸旬歲期新恩在歸轅

送歸中丞使新羅

唐權德輿中

南憲銜恩去東夷泛海行天遙辭上國水盡到孤城  
已變炎涼氣仍愁浩淼程雲濤不可極來往見雙旌

送歸中丞使新羅

唐李端中

東望扶桑日何年是到時片帆通雨露積水隔華夷  
浩淼風來達虛鳴鳥去遲長波靜雲月孤島宿旌旗  
別葉傳秋意迴潮動客思滄溟迷舊路何處問前期



送歸中丞使新羅

唐耿漳中

遠國通王化儒林得使臣六君丞典冊萬里奉絲綸  
雲水連孤棹恩私在一身悠悠龍節去渺渺蜃樓新  
望裏行還暮波中歲又春昏明看日御靈怪問舟人  
城邑分華夏衣裳擬綰紳他時禮命畢歸路勿迷津

送歸中丞使新羅

唐皇甫冉中

詔使殊方遠朝儀舊典行浮天無盡處望日計前程  
暫喜孤山出長愁積水平野風飄疊鼓海雨濕危旌  
異俗知文教通儒有令名還將大唐禮方外授諸生

送從兄奉使新羅

唐顧況中

政行

卷四十一

三

使新羅

六氣銅渾轉三光玉律調河宮清奉晝海岳晏來朝  
地接提封入天平賜賁饒揚威輕破虜柔服耻征遼  
曙色黃金闕寒聲白鷺潮樓船方習戰驄馬是嘉招  
帝女飛銜石鮫人賣淚綃管寧雖不偶徐福倘相邀  
獨島懸空翠孤霞上沈寥蟾蜍同漢月蟬螭異秦橋  
水豹橫吹浪花鷹迴拂霄晨裝凌渺濟夜泊記招搖  
幾路通圓嶠何山是沃焦颶風晴自起陰火暝潛燒  
鬢髮成新髻人參長舊苗扶桑迎日近折柳帶津遙  
夢向愁中積竟當別處銷臨川思結網見彈欲求鵠  
共散義和曆誰差甲子朝滄波仗忠信語語辯謳謠

疊鼓鯨鱗隱陰帆鵠首飄南溟垂大翼西海飲文鯨  
指景尋靈艸排雲聽洞簫封侯萬里外未肯後班超

送金少卿副使歸新羅

唐張籍中

雲島茫茫天半微向東萬里一帆飛久爲侍子承恩  
重今佐使臣銜命歸過海便應將國信到鄉猶自著  
朝衣從前此去人無數光彩如今定是希

送源中丞充新羅冊立使

唐劉禹錫中

相門才子稱華簪持節東行捧德音身帶霜威辭鳳  
闕口傳天語到鷄林煙開鰲背千尋碧日浴鯨波萬  
頃金想見扶桑受恩愛一時西拜盡傾心

政術

卷四十一

三

使新羅

奉同朝賢送新羅使

唐孟郊中

淼淼望遠國一萍秋海中恩傳日月外夢在波濤東  
浪興豁胸臆泛程舟虛空既茲吟使信亦以難私躬  
寶怪賞不足異鮮悅多叢安危所繫重征役誰能窮

送冊東夷王使

唐馬戴晚

越海傳金冊華夷禮命行片帆秋色動萬里信潮生  
日映孤舟出沙連絕島明翳空翻大鳥飛雪洒一作噴  
長鯨舊質迴應改遐荒夢見驚何當理風楫天外問  
來程

送人入新羅使

唐李昌符晚

鷄林君欲去立冊付星軺越海程難計征帆影自飄  
望鄉當落日懷闕羨迴潮宿霧蒙青嶂驚波蕩碧霄  
春生陽氣早天接祖州逢愁約三年外相迎上石橋

送胡中丞使日東

唐曹松

辭天理玉簪指日使鷄林猶有中華戀方同積浪深  
張帆渡鯨口銜命見臣心渥澤遐宜後歸期托萬金

送高郎中北使

唐杜審言

北狄願和親東京發使臣馬銜邊地雪衣添異方塵  
歲月催行旅恩榮變苦辛歌鐘期重錫拜手落花春

送蕭常侍北使

唐錢起

政術

卷四十一

子八

使絕域

絳節引雕戈鳴騶動玉珂戎城去日遠漢使隔年多  
鴈宿常連雪沙飛半渡河明光朝即邇秋社早成歌

送張閣老中丞持節冊弔回

唐權德輿

旌旆翩翩擁漢官君行當得達人歡分職南臺知禮  
重綴書東觀見才難金章玉節鳴騶遠白艸黃雲出  
塞寒欲散別離惟有酒暫煩賓從駐征鞍

送于中丞使迴紇冊立

唐賈島

君立天驕發使車冊文字著金書漸通青塚鄉山  
盡欲達皇情譯語初調角寒城邊色動下霜秋磧厲  
行疎旌旂來往幾多日應向途中見歲除

送張司直入單于

唐于鵠

若過并州北誰人不憶家寒寒無伴侶路盡有平沙  
磧冷唯逢鴈天春不見花莫隨征將意垂老事輕車

送和北虜使

唐馬戴

路始陰山北迢迢雨雪天長城人過少沙磧馬難前  
日入流沙際陰生瀚海邊刀鏢向月動旌纛冒霜懸  
逐獸孤圍合交兵一箭傳穹廬移斥候一作頓烽火絕  
祁連漢將行持節胡兒坐控絃明妃的迴面南送使  
君旋

送和西蕃使

唐杜審言

政術

卷四十一

三九

使絕域

使出鳳皇池京師陽春晚聖朝尚邊策詔諭兵戈偃  
拜手明光殿搖心上林苑種落踰青羌關山度赤坂  
疆場及無事雅歌而餐飯寧獨錫和戎更當封定遠

送郭大夫再使吐蕃

唐張說

犬戎廢東獻漢使馳西極長策聞酋渠猜阻自夷殲  
容髮徂邊歲旌裘弊海色五年一見家妻子不相識  
武庫兵猶動金方事未息遠圖候才智苦節輸筋力  
脫刀贈分手書帶加餐食知君萬里侯立功在異域  
送鄭大夫惟忠從金城公主入蕃

唐張說

鳳吹遙將斷龍旗送欲還傾都邀節使傳酌緩離顏  
春積沙連海秋城月對關和戎應賞魏定遠莫辭班

送人隨大夫和蕃

唐儲光義

西方有六國六國願來賓聖主今無外懷柔遣使臣  
大夫開幕府才子作行人解劍聊相送邊城二月春

送友人使河源

唐賈至

送君魯郊外下車上高丘蕭條千里暮日落黃雲秋  
舉酒有遺恨論邊無遠謀河源望不見旌旆去悠悠

使交河郡獻封大夫

唐岑參

奉使按胡俗平明發輪臺暮投交河城火山赤崔嵬

政術

卷四十一

三

使交河

九月尚流汗炎風吹沙埃何事陰陽工不遣雨雪來  
吾君方憂邊分閫資大才昨者新破胡安西兵馬回  
鐵關控天崖萬里何遼哉煙塵不敢飛白艸空皚皚  
軍中日無事醉舞傾金疊漢代李將軍微功今可咍

送楊六判官使西蕃

唐杜甫

送遠秋風落西征海氣寒帝京氛祲滿人世別離難  
絕域逢懷怒和親願結歡敕書憐贊普兵甲望長安  
宣命前程急惟良待士寬子雲清自守今日起爲官  
垂淚方收筆傷時即據鞍儒衣山鳥怪漢節野童看  
邊酒排金斝歌捧玉盤艸肥蕃馬健雪重拂廬乾

慎爾參籌畫今茲正羽翰

和崔夷甫員外和蕃

唐李嘉祐

君過湟中去尋源未是賒經春逢白艸盡日度黃沙  
幾節行爲伴孤峰到似家和戎非用武不學李輕車

送楊中丞和蕃

唐郎士元

錦車登隴日邊草正萋萋舊好尋君長新愁聽鼓聲  
河源飛鳥外雪嶺大荒西漢壘今猶在遙知路不迷

奉送宋中丞使河源

唐李端

東周遺戍役才子欲離群部領河源去悠悠隴水分  
旆聲悲塞艸馬首度關雲辛苦逢炎熱何時及漢軍

政術

卷四十一

三

使交河

送常侍御却使西蕃

唐韋應物

歸奏聖朝行萬里却銜天詔報蕃臣本是諸生守文  
墨今將匹馬靜煙塵旅宿關河逢暮雨春耕亭鄣識  
遺民此去多應收故地寧辭沙塞往來頻

送李侍御入蕃

唐朱慶餘

遠使隨雙節新官屬外臺戎裝非好武書記本多才  
移帳依泉宿迎人帶雪來心知玉關道稀見一花開

送于中丞入蕃冊立

唐朱慶餘

上馬生邊思戎裝別衆僚雙旌銜命重空積去程遙  
迴沒沙中樹孤飛雪外鵬蕃庭過冊禮幾日却回朝

送工部張侍郎入蕃中祭

張翥修史

唐劉禹錫

月窟賓諸夏雲官降九天飾終隣好重錫命禮容全  
水咽猶登隴沙明稍極邊路因乘驛近志爲飲水堅  
毳帳差池見烏旗搖曳前歸來賜金石榮耀自編年

送常曾侍御使西蕃寄題

西唐李益

涼王宮殿盡蕪沒隴雲西今日聞君使雄心逐鼓聲  
行當收漢壘直可取蒲泥舊國無由到煩君下馬題

送和西蕃使

唐權德輿

白簡初分命黃金已在腰恩華通外國徒御發中朝

政術

卷四十一

三

唐

雨雪從邊起旌旗上隴遙暮天沙漠漠空磧馬蕭蕭  
驛路隨河水關城見柳條和戎先罷戰知勝霍嫖姚

送工部張曹長大夫奉使

西唐權德輿

珠璣覆露同奉使小司空西候車徒出南臺節印雄

弔祠將渥命導譯暢皇風故地山河在新恩玉帛通

塞雲凝發壘關月照驚蓬青史書歸日翻輕五利功

送楊中丞和蕃

唐權德輿

繼好中司出天心外國知已傳堯雨露更說漢威儀  
隴上應迴首河源復載馳孤峯問徒御空磧見旌麾  
春艸鄉愁起邊城旅夢移莫嗟行地遠此去答恩私

送薛大夫和蕃

唐孫頤

亞相獨推賢乘輅向遼邊一心傾漢日萬里望胡天  
忠信皇恩重要荒聖德傳戎人方屈膝塞月復嬋娟  
別思流鶯晚歸朝候鴈先當書外垣傳迴奏亦堦前

送薛大夫和蕃

唐

戎王歸漢命魏絳諭皇恩旌旆雙闕風沙上五原  
往途遵塞道出祖耀都門策令天文盛宣威使者尊  
澄波看四海入貢佇諸番秋杪迎迴駟無勞枉夢魂

送田中丞使西戎

唐僧無可

朝元下赤墀玉節使西夷關隴風迴首河湟雪灑旗

政術

卷四十一

三

唐

積砂行幾月戎帳到何時應盡平生志高企大國儀

詩集類函卷四十二

東吳俞安期彙纂 宣城梅鼎祚增定

政術部三

和戎 理訟 刑罰 附 休假 秩滿 移官 攝官 罷官 致仕 囚繫 赦宥

○和戎

奉和送金城公主適西蕃應制 景龍四年正月

貢祖母可敦又遣宗俄請婚中宗皇帝以雍王守禮女為金城公主妻之吐蕃遣使尚贊咄悉明撥等逆公主帝念主幼賜錦綉別數萬雜伎諸工悉從給樂二月一日公主行左衛大將軍楊矩御史大夫鄭惟忠及周利用等特節護送入蕃帝送至馬嵬因幸始平帳飲

政術

卷四十二

一 和戎

引羣臣及虜使者宴酒取命學士賦詩以饒徐彥伯序之帝泣涕歎為教始平縣死罪皆免賜民錢一年改縣為金城縣曰風池里曰怡別公主至吐蕃自築城以居復請河

唐韋元旦 初

柔遠安夷俗和親重漢年軍容旌節送國命錦車傳琴曲悲千里簫聲戀九天惟應漢西一作海月來就掌

珠圓

奉和送金城公主適西蕃應制 唐李嶠 初

漢帝撫戎臣絲言命錦輪還將弄機女遠嫁織皮人曲怨關山月妝消道路塵所嗟穠李樹空對小榆春

奉和送金城公主適西蕃應制 唐徐堅 初

星漢下天孫車服降殊蕃匣中詞易切馬上曲虛驚關塞移朱帳風塵照錦軒簫聲去日遠萬里望河源

奉和送金城公主適西蕃應制 唐趙彥昭

聖后經綸遠謀臣計畫多受降追漢策築館許戎和俗化烏孫壘春生積石河六龍今出餞雙鵝願為歌

奉和送金城公主適西蕃應制 唐唐遠志 初

皇恩睠下人割愛遠和親少女風遊兌婦娥月去秦龍笛迎金榜驪歌送錦輪那堪桃李色移向虜庭春

奉和送金城公主適西蕃應制 唐沈佺期 初

金榜扶丹掖銀河屬紫閣那堪將鳳女還以嫁烏孫

政術

卷四十二

二 和戎

王就歌中怨珠辭掌上恩西戎非我匹明主至公存

奉和送金城公主適西蕃應制 唐閻朝隱 初

甥舅重親地君臣厚義鄉還將貴公主嫁與褥毼王

爾薄山川關一作琵琶道路長迴瞻父母國日出在東方

東方

奉和送金城公主適西蕃應制 唐鄭愔 初

下嫁戎庭遠和親漢禮優笳聲出虜塞簫曲背秦樓貴主悲黃鵠征人怨紫駟皇情眷億兆割念俯懷柔

奉和送金城公主適西蕃應制 唐武平一 初

廣化三邊靜通姻四海安還將膝下愛持副域中歡

聖念飛玄藻仙儀下白蘭日斜征蓋沒歸騎動鳴鑾

奉和送金城公主適西蕃應制 唐徐彥伯 初

鳳泉憐簫曲鸞閣念掌珍羌庭逢築館廟策重和親

星轉銀河夕花移玉樹春聖心悽送遠留蹕望征塵

奉和送金城公主適西蕃應制 唐崔湜 初

懷戎前冊備降女舊姻修簫鼓辭家怨旌旗出塞愁

尚孤中念切方遠御慈流顧乏謀臣用仍勞聖主憂

奉和送金城公主適西蕃應制 唐薛稷 初

天道能殊俗深仁乃戢兵懷荒寄赤子忍愛鞠蒼生

月下瓊娥去星分寶婺行關山馬上曲相送不勝情

政術

卷四二

三 和戎

奉和送金城公主適西蕃應制 唐馬懷素 初

帝子今何在重姻適異方離情愴宸掖別路遠關梁

望絕園中柳悲纏陌上桑空餘願黃鵠東顧憶迴翔

奉和送金城公主適西蕃應制 唐蘇頌 初

帝女出天津和戎轉綺輪川經斷腸望地與析支鄰

奏曲風嘶馬銜悲月伴人旋知偃兵革長是漢家親

奉和送金城公主適西蕃應制 唐張說 初

青海和親日潢星出降時戎王子壻寵漢國舅家慈

春野開離讌雲天起別詞空彈馬上曲詎減鳳樓悲

奉和送金城公主適西蕃應制 唐劉憲 初

外館踰河右行營指路岐和親悲遠嫁忍淚泣將離  
旌旆羌風引軒車漢月隨那堪馬上曲時向管中吹

奉和送金城公主適西蕃應制 唐李適 初

絳河從遠聘青海赴和親月作臨邊曉花為度龍春

主歌悲顧鵠帝策重安人獨有瓊簫去悠悠思錦輪

觀永樂公主入蕃 唐孫逖 初

邊地鶯花少年來未覺親美人天上落龍塞始應春

歸蕃 唐宜芬公主 盛

出嫁辭鄉國由來此別難聖恩愁遠道行路泣相看

沙塞容顏盡邊隅粉黛殘妾心何處斷他日望長安

政術

卷四二

四 和戎

公主本豆盧氏女有令色天寶四載奚霫無主東平  
王安祿山請至其質子而以公主配之上遣中使護

送至虛池驛公主悲愁作詩題屏風至蕃  
而其國已立君矣質子見殺公主亦遇害

和蕃 唐戎昱 中

漢家清史上計拙是和親社稷依明主安危託婦人

豈能將王貌便擬靜胡塵地下千年骨誰為輔佐臣

送和蕃公主 唐張籍 中

塞上如今無戰塵漢家公主出和親邑司猶屬宗卿

寺冊號還同虜帳人九姓旗幡先引路一生衣服盡

隨身毳城南望無迴日空見沙蓬水柳春

送咸安公主 唐孫叔向 中



鹵簿遲遲出國門漢家公主嫁烏孫玉顏使向寧

去衛霍空承明主恩

唐李益

臨滄沱見番使列名

唐李益

漠南春色到滄沱碧柳青塞馬多萬里江山今不

閉漢家頻許到支和

代崇徽公主意

唐李山甫

金釵墜地鬢堆雲自別朝陽帝豈聞遣妾一身安社

稷不知何處用將軍

和戎

唐蘇郁

關月夜懸青塚鏡寒雲秋薄漢宮羅君王莫信和親

政術

策生得胡雛轉更多

○理訟

和湘東王理訟

梁劉孝綽

馮翊亂京兆廣漢欲兼治豈若兼邦牧朱輪塞素帷

淮海封畿地雜俗良在茲禁姦誅鉅兩馭駟震豺狸

送蔡少府登州推事

唐高適

膠東連即墨萊水入滄溟國小常多事人訛屢抵刑

公才微郡邑詔使出郊坰標格誰當犯風謠信可聽

結定襄郡獄

唐崔頌

我在河東時使往定襄里定襄諸小兒謂公爲城市

長老莫敢言太守不能理謗書盈几案文墨相填委

牽引肆中翕追呼田家子我來折此獄五聽辨疑似

小大必以情未嘗施鞭箠是時三月暮遍野農桑起

里巷鳴春鳩田園引流水此鄉多雜俗戎夏殊音旨

顧問邊塞人勞情曷云已

按覆後歸睦州贈苗侍御

唐劉長卿

地達心難達天高謫易成羊腸留覆轍虎口脫餘生

直氏僉金枉于家決獄明一言知已重片議殺身輕

日下人誰憶天涯客獨行年光銷蹇步秋氣入衰情

建德知何在長江問去程孤舟百口渡萬里一猿聲

政術

卷四十一

落月開鄉路空山向郡城豈今冤氣積千古在長平

縣內水亭晨興聽訟

唐錢起

晨光起宿露池上判黎昕借問秋泉色如何拙宦情

磨鉛辱利用策蹇愁前程昨夜明月滿中心如鵲驚

負恩時易失多病績難成坐惜寒塘晚霜風吹杜蘅

臺中鞠獄

唐元稹

二月除御史三月使巴蠻蠻民詬反誦訴嚙指明

痛癢憐蠻不解語爲發昏師姦歸來五六月旱色天

地殷分司別兄弟各各淚潸潸泉哉劇部職唯數賊

罪錢死款依稀取闢辭方便刪道心常自愧柔髮難

夕顯

按獄

唐舒元興中

中部接戎塞頑山周四遭氓苦稅外繙吏憂笑中刀  
大君明四目燭之洞秋毫臨軒命小臣汝往窮貪饕  
分明舉公法爲我緩窮騷小臣誠小心受命如煎熬  
飲冰不待夕驅馬凌晨皇及此督簿書游詞出狴牢  
門牆見狼狽案牘問腥臊探情與之言變態如姦狹  
真非既巧飾僞意乃深韜去惡猶農夫稂莠須耘耨  
恢恢布疎網罪者何由逃寄謝守士臣努力清郡曹  
奉命齊州推事畢寄本府尚書 唐曹鄴

政術

卷四十一

七

越鳥栖不定孤飛入齊鄉日暮天欲雨那兼羽翎傷  
州民言刺史蠹物甚於蝗受命大執法草草是行裝  
僕隸皆分散單車驛路長四顧無相識奔馳若投荒  
重門下長鎖樹影空過牆驅囚遶廊屋觶觶如牛羊  
獄吏相對語簿書堆滿牀敲枷打鎖聲終日在目旁  
既捨三山侶來餘五斗糧忍學空城雀潛身入官倉  
國中天子令頭上白日光曲木用處多不如直爲梁  
恐孤食恩地晝夜心不遑仲夏天氣熱鬚鬚忽成霜  
不願不可灌城狐不易防偶於擒縱間盡得見  
截斷姦吏舌孽開冤人腸朝向西望走馬歸汶水

賦得慎罰

唐虞世南

帝圖光往冊上德表鴻名道冠二儀始風高三代英  
樂和知化洽訟息表刑清罰輕猶在念勿喜尚留情  
明慎全無枉哀矜在好生五疵過亦察二辟理彌精  
懷中示廉耻嘉石務詳平每削繁苛性常推 一作惻  
隱誠政寬思濟猛疑罪必從輕于張懲不濫陳郭憲  
無傾刑措諒斯在歡然仰頌聲

○休假

請告附

休沐重還丹陽道中

齊謝朓

政術

卷四十一

八

薄遊第從告思閒願罷歸還叩歌賦似休汝車騎非  
灞池不可別伊川難重違汀葭稍靡靡江蓼復依依  
田鴿遠相叫沙鴉忽爭飛雲端楚山見林表吳岫微  
試與征徒望鄉淚盡沾衣賴此盈樽酌含景望芳菲  
問我勞何事霑沐仰清徽志挾輕軒見恩甚戀闥闈  
歲華春有酒初服偃郊扉

休沐寄懷

梁沈約

雖云萬重積所翫終 一作 一丘堦堦幸自足安事遠  
遨遊臨池清海暑開幌望高秋園禽與時變蘭根應  
節抽憑軒攀木末垂堂對水周紫籬開綠篠白鳥映  
青嶠艾葉彌南浦荷花遶北樓送日隱層閣引月入

輕幃熨熟寒蔬翦賓來春蟻浮來往既云翫光景爲誰留

歸沐呈任中丞昉

南史云孝綽天監初爲著作郎爲歸沐詩以示任法即此

詩也昉有答詩

梁劉孝綽

步出金華省遙望承明廬壯哉宛洛地佳麗實皇古  
虹蜺拖飛閣蘭芷覆清渠圓淵倒荷菱方鏡寫蟬語  
白雲夏峯盡青槐秋葉疎自我從人爵蟾兔屢盈虛  
殺青徒已汗司舉未云書文昌愧通籍臨印幸第如  
夫君多敬愛蟠木濫吹噓時時釋簿領騶駕入吾廬  
白晝誠礪硃無以儼瑤瑜但願常閒暇酌醴薦焚魚

政術

卷四十一

九

休暇

劉孝綽

孝綽繪之子年十四父黨沈約任昉范雲等聞其名命駕造焉昉尤相賞愛天監初起家著作任郎

梁任昉

閨水既成瀾藏舟遂移壑彼美洛陽子投我懷秋作  
久敬類誠言吹噓似嘲謔兼稱夏雲盡復陳秋樹索  
詎慰臺嗟人徒深老夫託一作徒然直史兼褒貶轄  
司專疾惡九折多美疹匪報庶良藥子其崇鋒穎春  
耕勵秋穫

休沐山庭

一作山庭

陳江總

洗沐惟五日栖遲在一丘古查橫近澗危石聳  
前洲弄綠開河柳也紅照海樞野花寧待晦山蟲詎

識秋人生復能幾夜燭非長遊

山莊休沐

唐盧照隣

蘭署乘閒日蓬扉狎遁栖龍柯疎玉井鳳葉下金堤  
川光控水箭山氣上雲梯亭幽聞唳鶴窓曉聽鳴鷄  
玉軫臨風奏瓊漿映月攜田家自有樂誰肯謝青谿  
和同府李祭酒休沐田居

唐李嶠

列位簪纓序隱居林野躡狗物爽全直栖真昧均俗  
若人兼吏隱率性夷榮辱地藉朱邱基家在青山足  
暫弭西園蓋言事東臬策室俯澗濱開扉面巖曲  
庭幽引夕霧簷迴通晨旭迎秋谷草黃含露園葵綠

政術

卷四十一

十

休暇

勝情仰蘭杜雅韻鏘金玉伊我懷丘園願從心所欲

休假還舊業便使

唐王維

謝病始告歸依依入桑梓家人皆佇立相候衡門裏  
時輩皆長年成人舊童子上堂嘉慶畢顧與姻親齒  
論舊忽餘悲目存且相喜田園轉蕪沒但有寒泉水  
衰柳日蕭條秋光清邑里入門乍如客休騎非便止  
中飯顧王程離憂從此始

因假歸白閣西草堂

唐岑參

雷聲傍太白雨在八九峯東望白閣雲半入紫閣松  
勝槩紛滿目衡門趣彌濃幸有數畝田得延一伸蹤

早聞達士語偶與心相通誤徇一微官還山愧塵容  
釣竿不復把野碓無人春惆悵飛鳥盡南溪聞夜鐘

張明府休沐還鄉宴海亭

唐孟浩然

自君理畿甸余亦經江淮萬里書信斷數年雲雨乖  
歸來休澣日始得賞心諧朱紱恩雖重滄洲趣每懷  
樹低新舞閣山對舊書齋何以發秋興陰蟲鳴夜堦

休沐東還胄貴里示端

唐韋應物

宦遊三十載田野久已疎休沐遂茲日一來還故墟  
山明宿雨霽風暖百卉舒泓泓野泉潔熠熠林光初  
竹木稍摧翳園場亦荒蕪俯驚鬢已衰周覽昔所娛

政術

卷四十二

十一

休微

存沒惻私懷遷變傷里閭欲言少留心中復畏簡書  
世道良自退榮名亦空虛與子終攜手歲晏當來居

休假東齋

唐韋應物

由來束帶士請謁無朝暮公暇及私身何能獨閑步  
摘葉愛芳在捫竹憐粉汚岍幘偃東齋夏天清曉露  
懷仙閱眞誥貽友題幽素榮達頗知疎恬然自成度  
綠苔日已滿幽寂誰來顧

藍溪休沐寄趙八給事

唐錢起

蟲鳴歸舊里田野秋農閑即事敦夙尚衡門方再闢  
夕陽入東籬爽氣高前山霜蕙後時老巢禽知暝還

侍臣黃樞寵鳴玉青雲間肯想觀魚處寒泉照髮斑

永寧里園亭休沐悵然成詠

唐羊士諤

雲景含初夏休歸曲陌深幽簾宜永日珍樹始清陰  
遲客惟長望忘言有匣琴畫披靈物態書見古人心  
芳草多留步鮮鷗自滿襟勞形非立事瀟灑愧頭簪

立春後休沐

唐包佶

心與青春背新年亦掩扉漸歸無相學惟避不材譏  
積病攻難愈銜恩報轉微定知書課日優詔許辭歸  
假病中南亭閒望

唐白居易

欹枕不視事兩日門掩關閑意不在遠小亭方丈間

政術

卷四十二

十一

休微

西簷竹梢上坐見太白山遙愧峰上雲對此塵中顏  
郡齋旬假命宴呈座客示郡寮

唐白居易

公門日兩衙公假月三旬衙用決簿領旬以會親賓  
公多及私少勞逸常不均況爲劇郡長安得閑宴頻  
下車已二月開筵始今晨初黔軍廚突一拂郡榻塵  
旣備獻酬禮亦具水陸珍萍醕茗溪醕水鱸松江鱸  
作食樂懸動佐歡妓席陳風流吳中客佳麗江南人  
歌節點隨袂舞香遺在茵清奏凝未闕醺顏氣已春  
衆賓勿遽起郡寮且逡巡無輕一日醉用犒九日勤  
和吳舍人早春歸沐西亭言志

唐姚鵠

曉漏戒中禁清香肅朝衣一門雙掌諾伯侍仲言歸

一作伯仲亭高性情曠職密交遊稀賦詩樂無事解

帶偃南扉陽春美時澤旭霽望山暉幽禽響未轉一作

如鳥鳴東原綠猶微名雖列仙爵心已遺一作塵機

即事同蠟隱聖渥良難違

假日

唐李商隱

素琴絃斷酒鉞空倚坐歛眠日已中誰向劉伶天幕

內更當陶令北窓風

朝請後還邑寄諸友生

唐韋應物

宰邑分甸服夙駕朝上京是時當暮春休沐集友生

政術

卷四十一

十三 休假

抗志青雲表俱踐高世名樽酒且歡樂文翰亦縱橫

良遊昔所希累譴夜復明晨露含琤琴夕風殞素英

一旦遵歸路伏軾出京城誰言再念別忽若千里行

閉閣寡誼訟端居結幽情況茲畫方永展轉何由平

任洛陽丞請告

唐韋應物

方鑿不受圓直木不為輪揆材各有用反性生苦辛

折腰非吾事飲水非我貪休告卧空館養病絕塵塵

游魚自成族野鳥亦有群家園杜陵下千歲心氛氲

天晴嵩山高雪後河洛春喬木猶未芳百草日已新

著書復何為當去東臯耘

○秋滿

罷丹陽郡往與吏民別

梁簡文帝

久歸從事來非留故吏錢柳栽今尚在棠陰君詎憐

別荊州吏民

梁元帝

玉節居分陝金貂總上流麾軍時舉扇作賦且登樓

年光徧原隰春色滿汀洲日華三翼舸風轉七星旂

向解青絲纜將移丹桂舟

別荊州吏民二首

梁元帝

寄言謝桀黠無乃氣干雲安知灞陵下復有李將軍

二

政術

卷四十二

十四 休假

莫言江漢遠煙霞隔數千何必黃丞相重應臨潁川

去東陽與吏民別

梁沈約

微薄叨今幸忝荷非昔期唐風豈異世欽明重在茲

飾驂去關輔分竹入河淇下車如昨日曳組忽彌綦

霜載凋秋草風三動春旗無以招卧轍寧望後相思

罷故章縣

陳陰鏗

秋滿三秋暮舟虛一水濱漫漫遵歸道淒淒對別津

晨風下散葉岐路起飛塵長岑舊知遠萊蕪本自貧

被裏恒容吏正朝不繫民惟當有一犢留持贈後人

別蘇州

唐白居易



浩浩如蘇民鬱鬱長洲城來顛荷寵命去愧無能名

青紫行將吏斑白列黎甿一時臨水拜十里隨舟行  
餞筵猶未收征棹不可停稍隔煙樹色尚聞絲竹聲  
悵望武丘路沈吟許水亭還鄉信有與去郡能無情

蒙恩除替將還京洛偶敘所懷因成六韻呈軍

事院諸公郡中一二秀才 唐崔璞晚

兩載求人瘼三春受代歸務繁多簿籍才短乏恩威  
共理垂天獎分憂直歲飢遽蒙交郡印安敢整朝衣  
作牧慙爲政思鄉念式微倘容還故里高卧掩柴扉

送王司馬秋滿西歸 唐劉長卿中

政術 卷四十一 五 秋滿

漢主何時放逐臣江邊幾度送歸人同官歲歲先辭  
滿惟有青山伴老身

送胡校書秋滿歸河中 唐耿漳中

古樹汾陰道悠悠去路長位卑仍解印身老又還鄉  
河水平秋岍關門向夕陽音書須數附莫學晉嵇康

道州弘道縣主簿知縣三年頗著廉慎秋滿縣  
闕申使請畱將赴衡州題其廳事

唐呂溫中

爲理賴同力陟明非所任廢田方墾章新拓未成陰  
術淺功難就人疲感易深□□駐歸棹與慰不欺心

送剡縣陳永秩滿歸越 唐方干晚

俸祿三年後程途一月間舟中非客路鏡裏是家山  
密雪霑行袂叢杯變別顏古人唯賀滿今挈解由還  
○移官

忝役湘州與宣城吏民別 齊謝朓

弱齡倦簪屨屢薄晚忝華輿間沃盡地區山泉諧所好

幸遇昌化穆惇一作惇俗罕驚暴四時從偃息三省無

侵冒下車遽喧席紆服始黔竈榮辱未遑敷德禮何

由導汨徂奉南岳兼秩典邦號疲馬方云驅銘刀安

可操道惠良寂寞恩靈亦匪報桂水日悠悠結言幸

政術 卷四十二 上六 秋滿

相勞吐納貽爾和窮通勗所蹈

去丹陽尹荊州二首 梁元帝

驂駕乘駟馬謁帝朝承明分符蒞閭越終然慙勵精

二

副君垂獎盼仁慈穆止敦終朝陪北閣清夜待西園

降貴深知已寧思食樵恩未嘗辭晝室誰忍去轅轅

和元帝去丹陽尹荊州 梁蕭琛

妙善有兼姿群才成大廈奕奕工辭賦翻翻富文雅

麗藻若龍雕洪才類河瀉案牘時多暇優游閱典墳

儒墨自玄解文史更區分平臺禮申穆免苑接雲卿



軒蓋陰馳道珠履忽成羣德音高下被英聲遠近聞

和元帝去丹陽尹荊州

梁徐勉

敬愛良是賢謙恭寔所務尊賢遺道德重學嚴師傅  
六藝誠為蔽三雍稱有裕覆被唯仁義吐納必珪璋  
壯思如泉湧逸藻似雲翔夙有匡時調早懷經世方  
畱心在庶績勵精思治綱

見京兆韋參軍量移東陽

唐李白

聞說金華渡東連五百灘全勝若耶好莫道此行難  
猿嘯千谿合松風五月寒他年一攜手搖艇入新安  
初聞貶謫續喜一本無量移登于越亭贈鄭校

政術

卷四十二

七

移官

書

唐劉長卿

青青草色滿江洲萬里傷心水自流越鳥豈一作不知

南國一作樹遶江花獨向北人愁生涯已逐一作計滄浪

去冤氣初逢渙汗收何事還邀遷客醉春風日夜待  
歸舟

和裴僕射移官言志

唐張籍

身在勤勞地常思放曠時功成歸聖主位重委羣司  
看臺邊石閑吟篋裏詩蒼生正瞻望難與故山期

○攝官

直石頭

梁武帝

率土皆王土安知全高尚東甌棄黍稷西遊入卿相

屬逢利建始投分參末將尺寸功未施河山賞已諒

攝官因時暇曳裾聊起望鬱盤地勢遠參差百雉壯  
翠壁絳霄際丹樓青霞上夕池出濠渚朝雲生疊嶂  
寵鳥易為恩屠羊無飾讓泰階端且平海水本無浪  
小臣何日歸頻轡從間放

攝官梁小廟

陳江總

疇昔遊依所今日薦櫻時憲章誠有章歲月逐難思  
故人獨之子官聯更在茲虛簷靜暮雀洞戶映光絲  
平生復能幾語事必傷悲

政術

卷四十二

八

移官

餞趙尚書攝御史大夫監朔方軍

唐蘇頌

勁虜欲南窺揚兵護朔陲趙堯寧易印鄧禹即分麾  
野餞迴三傑軍謀出一作用六奇雲邊愁出塞日下愴

臨岐拔劍行人舞揮戈戰馬馳明年麟閣上充國書  
於斯

送趙評事攝御史監軍嶺南

唐孫逖

議獄持邦典臨戎假憲威風從閭闔去霜入洞庭飛  
篁竹迎金鼓樓船引繡衣明年拜真月南斗使星歸

送大理正攝御史判涼州別駕

唐苑咸

天子念西疆咨君去不遑垂銀棘庭印持斧柏臺綱

雪下天山白泉枯塞草黃佇聞河隴外還繼海沂庭  
送李別將攝伊吾令充使赴武威便寄崔員外

唐岑參盛

詞賦滿書囊胡為在戰場行間脫寶劍邑里挂銅章  
馬疾飛千里鳧飛回五涼遙知竹林下星使對星郎

東津送韋諷攝閬州錄事

唐杜甫盛

聞說江山好憐若吏隱兼寵行舟遠汎情別酒頻添  
推薦非承乏操持必去嫌他時如按縣不得慢陶潛  
權攝昭應早秋書事寄元拾遺兼呈李司錄

唐白居易中

政術

卷聖一

九攝官

夏閏秋候早七月風騷騷渭川煙景晚驪山宮殿高  
丹陛子司諫赤縣我徒勞到官來十日覽鏡生二毛  
郵傳擁兩驛簿書堆六曹為問綱紀掾何必使鉞刀  
○罷官

初去郡

宋謝靈運

彭薛裁知耻貢公未遺榮或可優食競豈足稱達生  
伊予秉微尚拙訥訓浮名虛囿當栖嶠卑位代躬耕  
顧已雖自許心迹猶未并無庸方妙一作周任有疾像  
長卿畢娶類尚子薄游似邵生恭承古人意促一作  
夢茲柴荆牽絲及元與解龜在景平負心二十載於

今廢將迎理棹端還期遵渚驚脩垞迴溪終水涉登  
嶺始山行野曠沙岍淨天高秋月明憩石挹飛泉攀  
林蹇落英戰勝臞者肥鑒止流歸停即是義唐化獲  
我擊壤情一作聲

解珮去朝市

梁沈約

去朝市朝市深一作晨歸暮辭北纓而南徂浮東川而

西顧逢天地之降祥值日月之重光伊吾行之未已

一作伊當非予情之信芳充待詔於金馬奉高宴於

柏梁觀圖獸於虎圈望窈窕於披香遊西園兮登銅

雀攀青瑣今眺重陽講金華令議宣室畫武帳兮夕

政術

卷聖一

二十攝官

文昌佩甘泉今晨五柞簪栢指音今徽承光託後車  
今侍華幄游渤海今泛清漳天道有盈缺寒暑遞炎  
涼一朝賣玉梳眷眷惜餘香曲池無復處桂枝亦銷  
云清廟徒肅肅西陵久茫茫薄暮余多幸嘉運重來  
昌忝稽郡之南尉典千里之光貴別北芒於濁河戀  
橫橋於清渭望前軒之早桐對南階之初卉唯余情  
之屢傷豈茲焉之能慰眷昔日今懷歲歲將暮兮歸  
去來

罷相作

唐李適之盛

避賢初罷相樂聖且銜杯為問門前客今朝幾箇來

同孫擢免官後登薊樓

唐張訓

昔在五陵時年少心亦壯常矜有奇骨必是封侯相  
東走到營州投身事邊將一朝去鄉國十載履亭障  
部曲皆武夫功成不相讓猶希虜塵動更取林胡帳  
去年大將軍忽負樂生謗北別傷士卒南遷歿炎瘴  
濩落悲無成行登薊丘上長安三千里日夕西南望  
寒沙榆塞沒秋水灤河漲策馬從此辭雲山保閑放  
送房明府罷長寧令之湖州客舍

唐李嘉祐

君為萬里幸恩及五湖人未滿先求退歸閑不厭貧

政府

卷四十一

王

罷都統守鎮滑州作

唐王鐸

黜詔已聞來闕下檄書猶未遍軍前腰間盡解蘇秦  
印波上虛迎范蠡船正會星辰扶北極却驅戈甲鎮  
南燕三塵上相逢明主九合諸侯愧昔賢

贈漢陽輔錄事

唐李白

聞君罷官意我抱漢川湄借問久疎索何如聽訟時  
天清江月白心靜海鷗知應念投沙客空餘弔屈悲

與党評事

唐元結

大理評事党雅好閑自退元子愛之作詩贈焉

自顧無功勞二歲官再遷跼身班次中常竊愧耻焉  
加以久荒浪偃愚性頗全未知在冠冕不合無拘牽  
勤強所不及於人或未然豈忘惠君子恕之識見偏  
且欲因我心順為理化先彼云萬物情有願隨所便  
愛君得自遂令我空淵禪

罷官後酬元校書見贈

唐錢起

心期悵已阻交道復何如自我辭丹闕惟君到故廬  
忘機貧負米憶戴出無車一本作未忘金馬鄰犬吠  
初家人愁斗儲秋堂入閑夜雲月思離居窮巷聞  
砧冷荒枝應鵲疎宦名隨落葉生事感枯魚流水仍

政府

卷四十一

王

揮手知音未棄予

奉和吏楊尚書太常李卿二相公策免後即事

述懷贈客十韻

唐劉禹錫

文雅關西族衣冠趙北都有聲真漢相無類勝隋珠  
當軸龍為友臨池鳳不孤九天開內殿百拜看晨趨  
誠滿澄猷器成功別大鑪餘芳在公論積慶是神扶  
步武離台席徊翔集帝梧銓材秉秦鏡典樂去齊竽  
瀟灑風塵外逢迎詩酒徒唯應待華諾更入萬錢厨

罷都歸洛陽寄友人

唐劉禹錫

遠謫年猶少初歸鬢已衰門閑故吏去室靜老僧期

不見蜘蛛集頻爲僂句欺貧微囊易出寒甚谷難吹  
漢落唯心在平生有已知商歌夜深後聽者竟爲誰

送顏少府投鄭州

唐岑參

一尉便垂白數年惟草玄出關策匹馬逆旅聞秋蟬  
愛客多酒債罷官無俸錢知君羈思少所適主人賢

奉餞鄭中丞罷浙西節度還京

唐劉長卿

天上移將星元軍罷龍節三軍含怨慕橫吹聲斷絕  
五馬嘶城隅萬人卧車轍滄洲浮雲暮杳杳去帆發  
迴首不問家歸心遙向闕煙波限吳楚日夕事淮越  
弔影失所依側身隨下列孤蓬飛不定長劍光未滅

政術

卷四十一

三

罷官

綠綺爲誰彈綠芳堪自損悵然江南春獨此湖上月  
千里懷去思百憂變華髮頌聲滿江海今古流不竭

送李城門罷官歸嵩陽

唐權德輿

與君相識處吏隱在墻東啓閉千門靜逢迎兩掖通  
罷官多暇日肄業有儒風歸去塵寰外春山蘭桂叢

翰林中送獨孤二十七起居罷職出院

唐白居易

碧落留雲住青冥放鶴還銀臺向南路從此到人間

送孫德諭罷官往黔州

唐苗發

中歲分符典石城兩朝趨陸謁承明闕下昨陳歸老

疏天南今切去鄉情親知握手三秋別几杖扶身萬  
里行伯道暮年無嗣子欲將家事託門生

送吏部曹郎中鄭免官南歸

唐鄭谷

高名向已求古韻古無儔風月拋蘭省江山向一作

桂州賢人知止足中歲便歸休雲鶴深相待公卿不

易留滿朝張祖席半路上仙舟篋重藏吳講茶新換

越甌郡迎紅燭宴寺宿翠嵐樓觸目成幽興全家是

勝遊蓬聲漁叟雨葦色鷺鷥秋久別郊園改將歸里

巷修桑麻勝祿食節序免鄉愁陽朔花迎棹崇賢葉

滿溝郎中崇賢里席春歡促膝簷日煖扶頭道暢應爲

政術

卷四十二

三

罷官

蝶作時來必問牛終須康庶品未爽激寒流議在

歸羣望情難戀自由小生誠淺拙早歲便依及更課

每垂獎雪天常見憂遠招陪宿直首薦向公侯禁送

偏揮洒龍鍾志未酬

○致仕

詠二疎

晉陶潛

大叅轉四時功成者自去借問衰周來幾人得其趣

游目漢庭中二疎復此舉高嘯返舊居長揖儲君傅

餞送傾皇朝華軒盈道路離別情所悲餘榮何足顧

事勝感行人賢哉豈常譽厭厭閭里歎所營非近務

促席延故老揮觴道平素問金絲寄心清言曉未悟  
放意樂餘年遑恤身後慮誰云其人亡久而道彌著

送李庶子致仕還洛

唐楊炯初

此地傾城日由來供帳華亭逢李廣騎門接邵平瓜  
原野煙氛匝關河遊望賒白雲斷巘岫綠草覆江沙  
詔賜扶陽宅人榮御史車灞池一相送流涕向煙霞

送崔論德致仕東歸

唐權德輿中

天子坐法宮詔書下江東懿此嘉邇士蒲車起丘中  
褐衣入承明朴畧多古風直道待大子昌言沃宸聰  
巖居四十年心與鷗鳥同一朝受恩澤自說如池龍

政部

卷四十二

五五 致仕

乞骸歸故山累疏明深衷大君不奪志命錫忽已崇  
旭旦出東門輕裝若秋蓬家依白雲嶠手植丹桂叢  
竹齋引寒泉霜月相玲瓏曠然解赤轂去逐冥冥鴻

送滕庶子致仕歸江南

唐朱慶餘中

常懷獨往意此日去朝簪丹詔榮歸騎清風滿故林  
諸侯新起敬遺老重相尋在處饒山水堪行慰所心

孔尚書致仕

唐朱慶餘中

高人心易足三表乞身閑與世長疎索唯僧得往還  
直落閑闕下生事在休閒時復逢清景乘車自道山

賀少師相公致政并序

唐許渾

少師相公未及懸車之年乞罷將相徵於近代更  
無比肩予受恩門館竊抒長句寄獻

六十懸車自古稀我公年少獨忘機門臨二室留侯  
隱棹倚三川越相歸不擬優游同陸賈已回清白遣  
胡威龍城鳳沼棠陰在只恐歸鴻更北飛

和人賀楊僕射致政并序

唐許渾晚

祠部楊員外以僕射楊公拜官致仕舊府賓僚及  
門生合燕申賀飲後書事因和呈

蓮府一作龍關

公卿拜後塵手持優詔挂朱輪從軍幕下  
三千客聞禮庭中七十人飾帳麗詞推北巷講堂清

政術

卷四十一

五五 致仕

樂掩南隣豈同王謝山陰會空叙流杯醉暮春

○囚繫

被幽述志詩

廣弘明集曰梁簡文帝於幽禁中  
立身行已終始如一風雨如勝鷄鳴不已  
非欺暗室豈沈三光數至於此命也如何

梁簡文帝

怳忽煙霞散颺颺松柏陰幽山白楊古野路黃塵深  
終無千月命安用九丹金闕里長蕪沒蒼天空照心

十月賦于永福宮年四十九崩時太清五年也

獄中連句

南史云武陵王紀稱帝于蜀起兵內  
紀不從帝又遺之詩云回首望荆門驚浪且  
雷奔四馬驚長鬣三聲悲夜使周王若紀之

子也紀儲號帝下圓正于獄在獄中云云帝覽詩而泣紀敗圓正號哭絕食而死

梁蕭圓正

水長二江急雲生三峽昏願赦淮南罪思報阜陵恩

被執作詩

梁庾肩吾

髮與年俱暮愁將罪共深聊持轉風燭暫映廣陵琴  
三國典畧曰宋子仙被會稽縣得刑吾謂之曰昔聞汝能詩今可作者能當貴汝命有吾操筆立成子仙乃釋之

獄中贈人詩

王偉洛陽人居潁川仕魏為行臺景敗偉走歸草中直讀成主黃公南嶺送江陵詩贈元帝下受人云

梁王偉

政術

卷四三

三七

趙壹能為賦鄒陽解獻書何惜西江水不救轍中魚  
與胡師耽同繫胡州出被刑獄中

隋魯本

叔夜絃初絕韓安灰未然和悲不相見幽繫與幽泉

於婆州被囚

本傳曰結東陽信安令辛大德大德舍之歲餘與人爭田相訟有識紳者而告竟為吏所執

隋虞綽

窮達雖有命連逃誠負累背恩已倫生臨危未能死  
得罪既不測中心悵無已厚顏羞朋友囚心愧妻子  
聖日始東扶徂年迫西汜方遠盛明代永向幽泉裏  
況當此春節物候驚四里悲嘆日影亂柳運和風起

動植皆順性嗟余獨淪耻投筆不重陳此情寄知己

幽繫書情通簡知已

唐駱賓王 初

昔歲逢陽曆觀光賁楚材穴疑丹鳳起場似白駒來  
一命淪驕餌三絨慎禍胎不言勞倚伏忽此遽遭迴  
駟馬刑章峻蒼鷹獄吏猜爭縑非易辨疑壁果難裁  
捺拙慙周姜端憂滯夏臺生涯一滅裂岐路幾徘徊  
青陸芳春動黃沙旅思催圍扉長寂寂疎網尚恢恢  
入窵先搖尾迷津正曝鰓覆盆徒望日鰲戶未驚雷  
霜欺蘭猶敗風多木屢摧地幽蠶室閉門靜雀羅開  
自憫秦冤痛誰憐楚奏哀漢陽窮鳥客梁甫卧龍才

政術

卷四三

天

四繁

有氣還衝斗無時會鑿环莫言韓長孺長作不然灰  
憲臺出繫寒夜有懷

唐駱賓王 初

獨坐懷明發長謫苦未安自應迷北叟誰肯問南冠  
生歿交情異殷憂歲序闌空餘朝夕鳥相伴夜啼寒

宴胡楚真禁所

唐陳子昂 初

人生固有命天道信無言青蠅一相點白璧遂成冤  
請室閑逾邃幽庭草不喧寄謝韓安國何驚獄吏尊

幽繫二首

唐沈佺期 初

吾憐曾家子昔有投杼疑吾憐姬公且非無賜焉詩  
臣子竭忠孝君親惑讒欺妻妾離骨肉含愁與此辭



二

昔日公冶長非罪遇縲紲聖人降兄子古來難獨絕  
我無毫髮瑕苦心懷冰雪今世多秀士誰欲繼明轍

同獄者歎獄中無燕

唐沈佺期

何許乘春燕多知辨夏臺三時欲併盡雙影未嘗來  
食葢嫌叢棘銜泥怯灰不如黃雀語能雪冶長猜

移禁司刑

唐沈佺期

疇昔參鄉賦中年忝吏途丹膺曾學史白首不成儒  
天子開昌籙群生遇大鑪散材仍葺夏弱羽遽搏扶  
寵邁乘軒鶴榮過食稻鳬何功遊畫省何德理黃樞

政術

卷四十一

三

四

弔影慙非據傾心事遠圖盜泉寧止渴惡木匪投軀  
任直翻多毀安身遂少徒一朝逢紕謬三省竟無虞  
白簡初心屈黃沙始望孤患平終不怒持劾每相驅  
埋劍誰當辨偷金以自誣誘言雖委答流議亦真符  
首夏方憂固高秋獨向隅嚴城看燭耀圍戶對蜘蛛  
累餉唯妻子披寬是友于物情牽倚伏人事限榮枯  
門客心誰在隣交迹儻無撫雙涕落危坐百憂趨  
聖旨垂明德冤囚豈濫誅會希恩免理終望罪矜恩  
司寇宜哀獄台庭幸恤辜漢皇虛詔上容有報恩珠

獄中聞駕幸長安二首

唐沈佺期

傳聞聖旨向秦京誰念繫囚滯洛城扈從山來是方  
朔為伸冤氣在長平

無事今朝來下獄誰期十月是橫河君看鷹隼俱能  
擊為報蜘蛛收網羅

獄中貽姚張薛李鄭柳諸公

唐儲光義

直道時莫親起羞見讒口與人是非怪西子言有咎  
誣善不足悲失聽一何醜大來敢遐望小往且虛受  
中夜因圍深初秋縲紲久疎螢出暗草朔風鳴衰柳  
河漢低在戶蟪蛄垂回牖鴈聲遠天末涼氣生露後  
負戶愁讀書劍光忿衝斗哀哀害神理惻惻傷慈母

政術

卷四十一

三

四

妻子垂涕泣家童日奔走書詞苦人吏饋食勞交友  
寒服猶未成繁霜漸將厚吉凶問詹尹倚伏信非與  
鬼哭知已冤鳥言誠所誘諸公深惠愛朝夕相左右  
東濕雖欲操鉤金庶無負傷離念搖離足思驥首  
瑾瑜頗匿瑕邦國方含垢眷言出深牢永日常攜手  
送韓十四被魯王推遞往濟南府

唐崔國輔

西候情何極南冠冠怨有餘梁王雖好士不察獄中書

獄中上崔相渙

唐李白

胡馬渡洛水血流征戰場千門閉秋景萬姓危朝霜

賢相燮元氣再欣海縣康台庭有夔龍列宿彙成行  
羽翼三元聖發輝兩太陽應念覆盆下雪泣拜天光

在潯陽非所寄內

唐李白

聞難知慟哭行啼入府中多君同蔡琰流淚請曹公  
知登吳章嶺昔與歿無分崎嶇行石道外折入青雲  
相見若悲歎哀聲那得聞

繫潯陽上崔相渙二首

唐李白

毛遂不墮井曾參寧殺人虛言誤公子投杼感慈親  
白壁雙明月方知一玉真

虛傳一片雨枉作陽臺神縱爲夢裏相隨去不是襄

政術

卷四十一

三十一

王領國人

邯鄲四十萬同日陷長平能迴造化筆或冀一人生

罪所上御史惟則

唐劉長卿

誤因微祿滯南昌幽繫園扉晝夜長黃鶴翅垂同燕

雀青松心在任風霜斗間誰與看冤氣益下無由見

太陽賢達不能同感激更於一作何處問蒼蒼

罪所留繫寄張十四

唐劉長卿

不見君來久寃深意未傳冶長空得罪夷甫豈言錢

直道天何在愁容鏡亦憐因書欲自訴無淚可漣然

歎畢少府以持法無隱見繫

唐錢起

用法本禁邪盡心翻自極畢公在囹圄世事何糾纏  
翠鳳呈其瑞虞羅寄鐵翼囚中千念時牕外百花色  
落景閉園扉春蟲網叢棘古人一念文紛淚莫沾臆

罪所送苗員外上都

唐盧綸

謀身當議罪寧遣友朋聞禍近防難及愁長思未分  
寂寥驚遠語幽閉望歸雲親戚如相見唯應泣向君

拘幽操

唐韓愈

目窈窕今其凝其盲耳肅肅今聽不聞聲朝不日出  
今夜不見月與星有知無知今爲歿爲生嗚呼臣罪  
當誅今天王聖明

政術

卷四十一

三十一

○赦宥

則天門赦改年

唐沈佺期

聖人宥天下幽鑰動園徃六甲迎黃氣三光降紫泥  
籠籠上西鼓振迅廣陽鷄歌舞將金帛汪洋被逮黎

答寧愛州報赦

唐沈佺期

書報天中赦人從海上聞九泉開白日六翮起青雲  
命偶恩先貸情孤枉未分自憐涇渭別誰與奏明君

喜赦

唐沈佺期

去歲被荒客今春肆青歸律通幽谷暖盆舉太陽輝  
喜氣迎冤氣青衣報白衣還將合浦月俱回洛城飛

和張監觀赦

唐張說

日御臨雙闕天街儼百神雷方作解氣歲後建寅春  
喜候開星驛歡聲發市人金環能作賦來入管絃新  
既蒙宥罪旋復拜官伏感聖恩竊書鄙意兼奉  
簡新除使君等諸公

唐王維

忽聞漢詔還冠冕始覺殷王解網羅日比皇明猶自  
暗天齊聖壽未云多花迎喜氣皆知笑鳥識歡心亦  
解歌聞道百城新珮印還來雙闕共鳴珂

晚霽中園喜赦

唐儲光義

五月黃梅時陰氣散遠邇煙雲連晦朔蕤葉生隣里  
政術

卷四十一

三

落日晚霞明農夫知雨止幾悲祗席濕長歎垣墻毀  
曠朗天宇開家族躍以喜渙汗發大號坤元更資始  
散衣出中園小徑尚滑履池光搖萬象倏忽滅復起  
嘉樹如我心欣欣豈云已

獄中聞收東京有赦

唐劉長卿

傳聞闕下降絲綸為報關東滅虜塵壯志已憐成白  
首餘生猶待發青春風霜何事偏傷物天地無情亦  
愛人持法不須張密網恩波自解惜枯鱗

會赦後酬主簿所問

唐劉長卿

江南海北長相憶淺水深山獨掩扉重見太平身已

老桃源久住不能歸

酬張芬有赦後見贈

唐司空曙

紫鳳朝銜五色書陽春忽布網羅除已將心變寒灰  
後豈料光生腐草餘建水風煙收客淚杜陵花竹夢  
郊居勞君故有詩相贈欲報瓊瑤恨不如

元旦含元殿下立仗丹鳳樓門下宣赦相公稱

賀二首

唐楊巨源

天垂台曜掃機槍壽獻香山一作青山祝聖明丹鳳樓前  
歌九奏金鷄竿上鼓千聲衣冠南向薰風動文字東  
喜氣生從此登封資廟畧兩河連海一時清

政術

卷四十一

三

臨軒啓扇似雲收率土朝天劇水流瑞色春當正  
殿香煙捧日在高樓三朝氣早迎恩澤萬歲聲長繞  
冕旒請問漢家功第一麒麟閣上識鄼侯

大禮畢皇帝御丹鳳門改元建中大赦

唐李益

大明曠曠天氣分六龍負日升天門鳳凰飛來銜帝  
籙言我萬代金皇孫靈雞鼓舞承天赦高翔百尺垂  
朱幡宸居穆清受天歷建中甲子合上元昊穹景命  
即已至王事乃可酬乾坤升中告成答玄貺泥金檢  
玉昭鴻恩云亭之事畧可記七十二君寧獨尊小臣

唐馬戴晚

徐方平後聞赦因寄襲美

唐陸龜蒙

新春旒宸御輦軒海內初傳渙汗恩秦獄已收爲厲

氣聲江初返未招羗英才盡作龍蛇螫特停貢舉戰地多

成虎豹村除却數般傷痛外不知何事及王孫

奉和次韻徐方平後聞赦

唐皮日休

金雞煙外上臨軒紫誥新垂作解恩涿鹿未銷初敗  
血新安頓雪已康魂空林葉盡蝗來郡腐骨花生戰

政術

卷四十一

三十五

救濟

後村未遣蒲車問幽隱共君應老抱桐孫

詩集類函卷四十二

詩集類函卷四十三

東吳俞安期彙纂 宣城梅鼎祚增定

陽羨吳正志訂校

禮儀部

宗廟	祭總	大禮附	郊天	方丘
皇太后廟	朝日夕月	祭歲	雩祭	社稷
太子廟附				

○祭祀總載

大禮附

郊祀曲

齊謝朓

六宗禋祀岳五峙奠甘泉整蹕遊九闕清簫開八埒  
鏘鏘玉鑾動溶溶金障旋郊宮光已屬升柴禮既虔  
福響靈芝集南嶽固斯年

禮儀

卷四十三

不祀總載

祀敬亭山春雨聯句

齊謝朓

水府衆靈出石室寶圖開白雲帝鄉下行雨巫山來  
府歌風讚靈德舞蹈起輕埃高軒乍留吹玄羽或徘徊  
何從福降羣仙下識逸百神諒青鳥飛層隙赤鯉  
事永瀾隈齊舉郎

奉和聖製燭龍齋祭

唐張九齡初

上帝臨下鑒亦有光孰云陰騭惟聖克彰六月徂暑  
四郊信陽我后其勤告于壇場特意允溢羣靈鼓舞  
蔚兮朝雲霈然時雨雨我原田亦既有年燭龍煌煌  
明宗報祀予以助之天人帝子聞詩有訓國風茲始

祭風伯壇應張太祝作

唐儲光義

聖主御青春綸言命使臣將修風伯祀更福太平人  
帝慕宵聯事壇場曉降神帝心矜動物非爲屬車塵  
和張太祝冬祭馬步

唐儲光義

故壇何肅肅中夜自無喧烈火見陳信颺煙聞永言  
房星隱曙色朔風動寒原今日歌天馬非關征大宛

漁山神女祠歌

唐王維

迎神曲

坎坎擊鼓漁山之下吹洞簫望極浦女巫進紛屢舞  
陳瑤席湛清醕風淒淒今夜雨神之來今不來使吾

禮儀

卷四十三

二

祭祀總

心今苦復苦

送神曲

紛進拜兮堂前目眷眷兮瓊筵來不語兮意不傳作  
暮雨兮愁空山悲急管思繁絃靈之駕兮儼欲旋倏  
雲收兮雨歇山青青兮水潺潺

涼州賽神

唐王維

涼州城外少行人百尺峰頭望戍塵健兒擊鼓吹羌  
笛共賽東城越騎神

賽神曲

唐王建

男抱琵琶女作舞主人再拜聽神語新婦上酒勿辭

勸使爾舅姑無所苦椒漿湛湛桂座新一雙長箭繫  
紅巾但願牛羊滿家宅十月報賽南山神青天無風  
水復損一作碧龍馬上鞍牛服軛紛紛醉舞踏衣裳把  
酒路傍勸行客

元日嘉州大禮寄四學士六舍人

唐竇牟

有事郊壇畢無私日月臨歲華春更早天瑞雪猶深  
玉輦回時令金門降德音翰飛駕別侶叢植桂爲林  
粉澤資鴻筆熏和本素琴禮成戎器下恩徹鬼方沈  
麟爵來稱紀官師退絕箴道風黃閣靜祥景紫垣陰

禮儀

卷四十三

三

祭祀總

壽酒朝時獻農書直夜尋國香熅翠幄庭燎絕紅衾  
漢魏文章盛堯湯雨露霑密辭投水石精義出沙金  
宸扆親惟敬鈞衡近匪侵長驅千里駿清唳九霄禽  
慶賜迎新服齋莊棄舊簪忽思班女怨遙聽越人吟  
末路甘貧病流年苦滯淫夢中清瑣闥歸處碧山岑  
竊抃聞韶渡觀光想隸任大哉寰海晏不算子牟心

三年冬大禮四首

唐曹唐

皇帝齊心潔素誠自朝真祖報昇平華山秋草多歸  
馬滄海口波絕洗兵銀箭水殘河勢斷玉爐煙盡日  
華生千官整肅三天夜劒佩初聞入太清

海日西飛度禁林  
大清宮殿月沈沈  
不聞北斗傾堯  
酒空覺南風入舜  
琴歌壓鈞天閑  
夢盡詔歸秋水道  
情深雪風更起古  
杉葉時送步虛清  
磬音

太一天壇降紫君  
屬車龍鶴夜成羣  
春浮玉藻寒初落  
露拂金莖曙欲分  
三代樂迴風入律  
四溟歌駐水成文  
千官不動旌旗下  
日照南山萬樹雲

山擁飛雲海水清  
天壇未夕仗先成  
千官不起金騰議  
萬國空瞻玉藻聲  
禁火曙然煙焰曩  
官衣寒拂雪花輕  
側聞左右皆周召  
看取從容致太平

○郊天

禮儀

卷四十三

四

郊天

天郊饗神歌

晉無名氏

整泰壇祀

一作禮

皇神精氣感百靈  
賓藟朱火燎芳新

紫煙游

一作起

冠青雲神之體  
靡象形曠無方幽以清

神之來光景照聽  
無聞視無兆神之至  
舉歆歆靈爽

協動余心神之坐  
同歡娛澤雲翔化風  
舒嘉樂奏文

中聲八音諸神是  
聽咸潔齊並芬芳烹  
牲享玉觴

神悅饗歆

一作禮

祀祐大晉降繁祉  
祚京邑行廣一作四  
海

保天年

一作命

窮地紀

南郊歌

宋顏延之

廣威寶命嚴恭帝  
祖表海炳岱

一作炳

系唐曹楚靈

鑒睿一作睿文民屬睿武奄受敷錫  
中拓宇亘地稱  
皇釐天作主月寔來賓日際奉土開元正首禮交樂  
舉六典聯事九官列序有牲在滌有潔在俎以薦王  
衷以荅神祐

二

維聖饗帝維孝饗親皇乎備矣有事上春禮行宗祀  
敬達郊禋金枝中樹廣樂四陳陟配在京降德在民  
奔精照夜高燎煬晨陰明浮爍沈榮黯深淪告成大  
報受釐元神月御按節星驅扶輪逢興遠駕一作曜  
曜振振

禮儀

卷四十三

五

郊天

三

營泰時定天衷思心睿謀筮從建表藹設郊宮田燭  
置燿火通曆元旬律首吉飾紫壇坎列室中星兆六  
宗秩乾宇宴地樞謐大孝昭祭禮供牲日展盛自躬  
具陳器備禮容形儼綴被歌鐘望帝開聳神蹕靈之  
來辰光溢潔粢酌娛太一明輝夜華哲日裸既始獻  
又終煙鄉粦報清穹饗宋德祚王功休命永福復充

南郊歌

齊謝超宗

紫壇望靈翠幙佇神率天奉誓罄地來賓神貺並介  
泯祇合祉恭昭鑒享肅光孝祀咸謁四靈洞曜三光



皇德全被大禮流昌

二

報惟事天祭實尊靈史正嘉兆神宅崇禎五時昭覽  
六宗彝序介丘望塵皇軒肅舉

三

薦享洽禮樂該神娛展辰旆回洞雲路拂璇階紫霧  
靄青霄開曉皇都顧玉臺留昌德結聖懷

四

天以德降地以禮報牲尊俯陳崇幣仰燎事展司采  
敬達瑄薌煙贊青昊震颺紫場陳馨示策肅志宗裡

禮儀

卷四十三

六

郊天

禮非物備福唯誠陳

五

昭事上祀饗薦具陳回鑾轉翠拂景翔宸綴縣敷暢  
一作錫鍾石昭融羽炫深啓籥暄行風肆序輟度肅禮

停文四金聳衛六馭齊輪

南郊登歌詩二首

梁無名氏

瞰既明禮告成惟聖祖主上靈爵已獻壘又盈息羽  
籥展歌聲倏如在結皇情

禮容盛尊俎列玄酒陳陶匏設獻清酒致虔潔王既  
升樂已闋降蒼昊垂芳烈

祀園丘歌

北周庾信

重陽裡祀大報天丙午封壇肅且園孤竹之管雲和  
絃神光未一作來下風肅然王城七里通天臺紫微斜  
照影徘徊璣珠合璧重光來天策暫轉鉤陳開

二

旌迴外墻蹕郊門千乘按轡萬騎雲屯藉茅無咎  
掃地唯尊揖讓展禮衡璜節步星漢就列風雲相顧  
取法于天降其永祚

三

日至大禮豐犧上辰牲牢脩牧爾栗毛純俎豆斯立  
禮儀

卷四十三

七

郊天

陶匏以陳大報反命居陽兆日六變鼓鍾三和琴瑟  
俎奇豆偶惟誠惟質

四

員玉已奠蒼幣斯陳瑞形成象璧氣含春禮從天數  
智總圓神爲祈爲祀至敬咸遵

五

七星一作里是仰八陛有憑就陽之位如日之升思虔  
肅肅致敬繩繩祝史陳信玄象斯格惟類之典惟靈  
之澤幽顯對揚人神咫尺

六

歲之祥國之陽蒼靈敬翠雲長象爲飾龍爲章乘長  
日坏蟄戶烈雲漢迎風雨六呂歌雲門舞省滌濯奠  
牲牲鬱金酒鳳凰樽迴天睠顧中原

七

國命在禮君命在天陳誠唯肅飲福唯虔洽斯百禮  
福以千年鉤陳掩映天駟徘徊彫禾飾掌翠羽承鸞  
受斯茂祉從天之來

八

禮將畢樂將闌迴日響動天關翠鳳搖和鸞響五雲  
飛三步上風爲馭雷爲車無轍迹有煙霞暢皇情休  
禮儀

卷四十三

八 郊天

靈命雨留甘雲餘慶

九

六典聯事九司咸則率由舊章于焉允塞掌禮移次  
燔柴在焉煙升玉帛氣歛牲牲休氣馨香芳昭晰  
翼翼虔心明明上徹

十

玉帛禮畢神人事分嚴承乃睠瞻仰迴雲輦路千門  
王城九軌式道移候司方迴指得一惟清於萬斯寧  
受茲景命于天告成

冬至祀圜丘

唐 魏徵 隋 亮 虞 世南 等 作

欽惟大帝戴仰皇穹始命田燭爰啓郊官雲門駭聽  
雷鼓鳴空神其介祀景祚斯融

二

疊磬凝影皇壇路編珠流彩帝郊前已奏黃鐘歌大  
呂還符寶曆祚昌年

三

昔在炎運終中華亂無象豐郊赤烏見邛山黑雲上  
大賚下周車禁暴開殷網幽明同叶贊鼎祚齊天壤

南郊

梁簡文帝

肅恭明神巡聽前踵配天道尊迎陽義重玄酒陶匏  
禮儀

卷四十三

九 郊天

燔柴雲從跨舜論韶龍堯稱拱郊官載靜紫壇新諡  
肅肅禁圍陰陰仙室六戎列野八鑒昭日架殿星羅  
重官霧出康哉德盛美矣時豐三辰增曜七政永崇  
五方來洎四壤茲通懸繩度筭駕鹿追風旣敷懋化  
復親瑞滋金車出野玉露霑墀紫脫神章華平瑞芝  
長愉汪歲永固雍熙

駕出圜丘

隋 盧思道

開年簡時日上辛稱天吉平曉禁門開隱隱乘輿出  
乘輿出九重金根御六龍章移千乘動旆舉百神從  
黃麾引朱節靈鼓應華鐘神歌已相續神光復相燭

風中颺紫煙壇上埋蒼玉

朔旦冬至攝職南郊

唐權德輿中

大明南至應天正朔旦圜丘樂九成文軌盡同堯曆  
象齋祠忝備漢公卿星辰列位祥光滿金石交音曉  
奏清更有觀臺稱賀處黃雲捧日瑞昇平

和李相公攝事南郊

唐韓愈中

燦燦辰角曙亭亭寒露朝川源共澄映雲日還浮飄  
上宰嚴祀事清途振華鑣圜丘峻且坦前對南山標  
村樹黃復綠中田稼何饒顧瞻想巖谷興歎倦塵囂  
惟彼顛顛者去公豈不遯爲仁朝自治用靜兵已銷  
禮儀

卷四十三

十一 郊天

勿憚吐握勤可歌風雨調聖賢相遇少功德今宣昭  
賀秘書王丞南郊攝將軍

唐張籍中

正初天子親郊禮詔攝將軍領衛兵斜帶銀刀入黃  
道先隨玉輅到青城壇邊不在千官位仗外唯聞再  
拜聲共喜與君逢此日病中無計得同行

觀南郊迴仗

唐無名氏

傳警千門寂南郊絲仗迴但驚龍再見誰識日雙開  
德澤施雲雨雲光變燼灰閑兵貔虎振聽樂鳳凰來  
候刻移宸輦遵時集觀臺多慙遠臣賤不得禮容陪

丞相孟夏祗薦南郊紀獻

唐鄭谷晚

節應清和候郊宮事潔羞至誠聞上帝明德祀圜丘  
雅用陶匏器馨非黍稷流就陽陳盛禮匡國禱鴻休  
漸曉蘭迎露微涼麥弄秋壽山橫紫閣瑞靄抱皇州  
外肅通班序中嚴錫慶優奏歌三酒備表敬百神柔  
池碧將還鳳源清再問牛萬方瞻輔翼共賀贊皇猷  
○方丘

地郊饗神歌

晉無名氏

整泰壇埃皇祇衆神感羣靈儀陰祀設吉禮施夜將  
極時未移祇之體無形象潛泰幽洞忽荒祇之出夢  
若有靈無遠天下母祇之來遺光景昭若存終冥冥  
禮儀

卷四十三

十二 方丘

祇之至舉欣欣舞象德歌成文祇之坐同歡豫澤雨  
施化雲布樂八變聲教敷物咸亨祇是娛齊既潔侍  
者肅玉觴進咸穆穆饗嘉泰歆德馨祚有晉暨羣生  
溢九壤格天庭保萬壽延億齡初學記載一首云結  
組既歆欽綸玉具慶琛琳百  
福底自古錫萬壽迄在今

北郊歌

齊謝超宗

詔禮崇營敬饗玄時靈正丹帷月肅紫墀展薦登華  
風縣凝銷神惟戾止鬱葆逢莊昭望歲芬環游辰太  
穆哉尚禮橫光秉藹

二

佇靈敬享裡肅彝文縣動聲儀薦潔牲芬陰祇以貺  
昭祀式慶九服熙度六農祥正

三

慶圖濬邈蘊祥祕瑤倪天炳月嬋光紫霄邦化靈懋  
闔則風調儷德方儀徽載以昭

四

薦神升享序赫淹玉俎停金奏寶旆轉旋駕溢素  
景鬱紫躔靈心顧留宸睞洽外瀛瑞中縣

五

后皇嘉慶定祇玄時承帝休圖祇敷靈祉篚霽周序

禮儀

卷四十三

十二

方丘

軒朱凝會牲幣芬壇精明佇蓋調川瑞昌警岳祥泰

北郊登歌二首

梁無名氏

方壇既埴地祇已出盛典弗魯羣望咸秩乃升乃獻  
敬成禮卒靈降無非神饗載謐允矣嘉祚其升如日

二

至哉坤元實惟厚載躬茲奠饗誠交顯晦或升或降  
搖珠動佩德表成物慶流皇代純嘏不謬祺福是賚

祀方澤歌

北周庾信

報功陰澤展禮玄郊平琮鎮瑞方鼎升庖調歌絲竹  
縮酒江茅聲舒鐘鼓器質陶匏別耀秀華凝芳都荔

川澤茂祉丘陵容衛雲飾山壘蘭浮汎齊日至之禮  
歆茲大祭

二

曰若厚載欽明方澤敢以敬恭陳之玉帛德包含養  
功藏靈迹斯箱既千子孫則百

三

質明孝敬求陰順陽壇有四陛琮分八方牲牷蕩滌  
蕭合馨香和鑾戾止振鷺來翔威儀簡簡鐘鼓喤喤  
聲和孤竹韻入空桑封中雲氣坎上神光下元之主  
功深益藏

禮儀

卷四十三

十三

方丘

四

司筵撤席掌禮移次迴顧封壇恭臨坎位瘞玉埋俎  
藏芳歛氣是曰就幽成斯地意

祭方丘

唐褚亮

玉幣牲牷分薦享羽旄千鉞遞成容一德惟寧兩儀  
泰三材保合四時豈

恭職北郊

北周王褒

維皇敬明祀望拜出河東地靈開複道營星發紫宮  
衡街響清蹕偵候起相風森沈羽林騎肅穆虎賁亨  
朝日夕月

迎日辭見大戴禮○因學紀聞曰迎日辭亦見尚書大傳○文心雕龍曰旁作穆穆唱之拜

維某年某月上日年謂太歲所在月正月也其天地祝辭皆爾省文故曰下明之也

明光于上下勤施于四方旁作穆穆維予一人某敬

拜迎于郊以正月朔日迎日于東郊古者帝王以正迎日於東郊也所以為萬品先而尊事天也

朝日夕月歌二首隋牛弘等奉詔作

朝日

扶木上朝瞰崦山沈暮景寒來游晷促暑至馳輝永時和合璧耀俗泰重輪明執圭盡昭事服冕啓虔誠禮儀

卷四十三

十四朝日夕月

夕月

澄輝燭地域流耀鏡天儀曆草隨絃長珠胎遂望虧成形表蟾兔竊樂資王母西郊禮既成幽壇福惟厚

朝日三章

唐貞觀中作

惟聖格天惟明饗日帝郊肆類王宮戒吉珪奠春舒鐘歌曉溢禮云克備斯文有秩

二

晨儀式薦明祀惟光神物爰止靈暉載揚玄端肅事紫幄興祥福履攸假於昭允王

三

崇牙樹羽延調露旋宮扣律掩承雲誕敷懿德昭神武載集豐功表睿文

朝日二章

唐貞觀中作

太陽朝序王宮有儀蟠桃彩駕夕柳光馳軒祥表合漢曆彰奇禮和樂備神其降斯

五齊兼酌百羞具陳樂終廣奏禮畢崇禋明鑑萬寓照臨兆人永流洪慶式動曦輪

夕月三章

唐貞觀中作

測妙為神通微曰聖坎祀貽則郊禋展敬璧薦登光金歌動映以載嘉德以流曾慶

禮儀

卷四十三

十五

朝日夕月

二

肅晨爭舉天宗禮闕夜典恭秋陰明湛夕有醑斯旨有物其碩穆穆其暉穰穰是積

三

合吹八風金奏動分容萬舞玉鞘驚詞昭茂典光前列夕曜乘功表盛明

監祠夕月壇書事其祀用書

唐劉禹錫中

西皞司分晝夜平羲和停午太陰生鏗鏘揖讓秋光裏觀者如雲出鳳城

○祭嶽

封泰山祀天樂章十四首 唐玄宗

挹泰壇崇泰清受天命報天成竦皇心薦樂聲志上  
達歌下迎

二

億上帝臨下庭騎日月陪列星嘉視信大禧馨澹神  
心醉皇靈

三

相百辟貢八荒九歌叙萬舞翔肅振振鐙皇皇帝欣  
欣福穰穰

四

禮儀 卷四十三 十六 祭儀

高在上道光明物資始德難名承眷命牧蒼生寰宇  
謐太階平

五

天道無親至誠與鄰山川遍禮宮徵惟新玉帛非盛  
聰明會真正斯一德通乎百神

六

享帝享親維孝維聖緝熙懿德敷揚成命華夷志同  
笙鏞禮盛明靈降止感此誠敬

七

孝敬中發和容外彰騰華昭寓如升太陽貞璧就奠

玄靈垂光禮樂具舉濟濟洋洋

八

莫祖配天承天享帝百靈咸秩四海來祭植我蒼璧  
布我玄製華日徘徊神裡容裔

九

俎豆有馥粢盛潔豐亦有和羹既戒既平鐘鼓管磬  
肅唱和鳴皇皇后祖齊我思成

十

烝烝我后享獻惟寅躬酌鬱鬯跪奠明神孝莫孝乎  
配上帝親敬莫敬乎教天下臣

禮儀 卷四十三 十七 祭儀

十一

皇祖嚴配配享皇天皇皇降嘏天子萬年

十二

六鍾翕協六變成八佾倘佯八風生樂九歌今人神  
感美七德今天地清

十三

列祖順三靈文宗威四海黃鉞誅羣盜朱旗掃多罪  
戢兵天下安約法人心改大哉千羽意長見風雲在

十四

樂已終禋燎上懷靈惠結皇想歸風疾迴風爽百神



來眾神往

陪孟都督祭嶽途中有贈

唐韓翃中

封疆七百里祿秩二千石擁節祀太山寒天霜草白

送盧大理趙侍御祭東嶽兼寄孟充州

唐韓翃中

東嶽昔有事兩臣朝望歸驛亭開歲酒齋舍著新衣

上客鍾大理主人陶武威仍隨御史馬山路滿光輝

祭嶽回重贈孟都督

唐韓翃中

封作天齊王清祠太山下魯公秋賽畢曉日迴高駕

從騎盡幽并同人皆沈謝自矜文武足一醉寒谿夜

禮儀

卷四十三

十八

祭嶽

寄華州周侍郎立秋日奉詔祭嶽

唐李景遜晚

關河豁靜曉雲開承詔秋祠太守來山霽蓮花添翠

黛路陰桐葉少塵埃朱旛入廟威儀肅玉珮昇壇步

武回往歲今朝幾時事謝君非重我非才

訓李常侍立秋日奉詔祭嶽見寄

唐周鼎晚

秋祠靈嶽奉樽罍風過深林古柏開蓮掌月高珪幣

列金天雨露鬼神陪質明三獻雖終禮祈壽千年別

上杯豈是瑣才能祀事弘農太守主張來

○雜祭

零祭

先農

先蠶

蜡祭

零祭歌

齊謝朓

清明暢禮樂新候龍景練貞晨一陽律九陰晷伏耗

下土荐穰穰二宸儀警王度乾嗟雲漢望昊天三張

盛樂奏雲儺集五精延帝祖四零有諷禁有秩管粢

芬圭瓚瑟五靈之來帝闔開車煜燿吹徘徊六停龍

轡徧觀此凍雨飛祥雲靡七壇可臨莫可飲對毗社

鑒皇心

零祀三章

唐褚亮等作

朱鳥開辰蒼龍啓映大帝昭饗羣生展敬禮備懷柔

禮儀

卷四十三

十九

雜祭

功宜舞詠句液應序年祥協慶

二

紺筵分彩珪圖吐絢鳳管晨凝雲歌曉嘽肅事蘭羞

庚申桂奠百穀斯登萬箱攸薦

三

鳳曲登歌調令序龍零集舞汎祥風綵旒雲迴昭睿

德朱千電發表神功

零祀二章

唐開元中作

鳥緯遷序龍星見辰純陽在律明德崇禋五方降帝

萬宇安人恭以致享肅以迎神

二  
祀遵經設享緣誠舉獻畢于樽輒臨于俎舞止于戚  
樂停祝故歌以送神神還其所

先農歌

隋無名氏

農祥晨晰土膏初起春原似載青壇致祀歛蹕長阡  
迴旌外壇房俎飾薦山囂沈滓親事朱絃躬持黛耜  
恭神務穡受禧降祉

享先農

唐褚亮等作

羽籥低昂文綴已千戚蹈厲武行初望歲祈農神所  
聽延祥介福豈云虛

禮儀

卷四十三

二十

雜祭

享先蠶

芳春開令序韶苑暢和風惟靈申廣祐利物表神功  
綺會周天宇黼黻藻寰中庶幾承慶節歆奠下帷宮

二

明靈光至德深功掩百神祥源應節啓福緒逐年新  
萬宇承恩覆七廟佇恭禋一茲申至懇方期逮慶臻

三

霞莊列寶位雲集動和聲金卮薦綺席玉幣委芳庭  
因心罄丹款先已勵蒼生所冀延明福於茲亨至誠

四

桂筵開玉俎蘭圃薦瓊芳八音調鳳曆三獻奉鸞觴  
潔粢申太享庭實冀降祥神其覃有慶契福永無疆

五

仙壇禮既畢神駕儼將升佇屬深祥起方期庶績凝  
虔誠資宇內務本易黎烝靈心昭備享率土洽休徵

蜡祭歌

隋牛弘等作

四方有祀八蜡酬功收藏既畢榛葛送終使之必報  
祭之斯索三時告勞一日爲澤神祇必來鱗羽咸致  
惟義之盡惟仁之至年成物阜罷役息民皇恩已洽  
靈慶無垠

禮儀

卷四十三

二十一

雜祭

蜡百神三章

唐貞觀  
中作

序迫歲陰日躔星紀爰稽茂典聿崇清祀綺幣霞舒  
瑞珪虹起百靈垂裕萬方受祉

二

緹籥勁序玄英曉候姬蜡開儀幽歌入奏蕙馥彫俎  
蘭芬玉酎大享明祇永綏多祐

三

經緯兩儀文化洽削平方域武功成瑤絃自樂乾坤  
泰玉鉞長歡區宇寧

蜡百神二章

唐開元  
中作

八蜡開祭萬物合祀上極天維下窮神紀鼎俎流芬  
罇彝薦美有靈有祇咸希來止

二

十旬歡洽一日祀終澄彝拂俎報德酬功慮虔容肅  
禮縟儀豐神其降祉整馭隨風

○社稷

太社

魏陳思王

於惟太社官名后土是曰句龍功著上古德配帝王  
寔爲靈主克明播植農正曰社尊以作稷豐年是與  
義與社同方神北宇建國承家莫不攸叙

禮儀

卷四十三

社稷

皇太子社

晉潘尼

太簇協青陽履端發歲首孟月涉初旬吉日唯上酉  
我后邇天休設社祈遐裔

社

自注云余以永初三年八月大社聊爲此文

宋何承天

實惟陰祇稷惟穀先率育萬類協靈昊乾霸德方將  
時號共工厥有才子寔曰句龍稱物平賦百姓熙雍  
陶唐救災決河流江棄亦播植作乂萬邦克配二祀  
以報勲庸勲庸伊何厚載蒼生倉廩既實禮節斯行  
人亦有言因物思人矧乃大德功被陶鈞乃家乃國  
是奉是遵

社稷歌四首

隋無名氏

春祈社

厚地開靈方壇崇祀達以風露樹之松梓勾萌既申  
芟柞伊始恭祗粢盛載膺休祉

春祈稷

粒食興教播厥有先尊神致潔報本惟虔瞻榆束耒  
望杏開田方憑馭福佇詠豐年

秋報社

北墉申禮單出表誠豐犧入薦華樂在庭原隰既平  
泉流又清如雲已望高廩斯盈

禮儀

卷四十三

社稷

秋報稷

民天務急農亦勤止或菽或蕪惟薦惟芑涼風戒時  
歲云秋矣物成則報功施必祀

祭太社樂章五首

唐褚亮等作

后土凝德神功協契九域底平兩儀交際戊期應序  
陰墉展幣靈車少留俯歆樽桂

二

美報崇本嚴恭展事受露疏壇承風啓地潔粢登俎  
醇醴入饋介福達流羣生畢遂

三

神道發生敷九稼陰極乘仁暢八埏緯武經文隆景  
化登祥薦祉啓豐年

四

烈山有子后土有臣播種百穀濟育兆人春官緝禮  
宗伯司禋戊爲吉日迎享茲辰

五

吉祥式就酬功載畢親地尊天禮文經術貺徵令序  
福流初日神馭爰歸祠官其出

州城西園入齋祠社

唐陳叔達初

升壇預潔祀詰早肅分司達氣風霜積登高日色遲

禮儀

卷四十三

二五

禮儀

農教先八政陽和秩四時初年服垂冕告幣勤褰帷  
瘞地尊餘奠人天庶有資椒蘭卒清酌簋簋徹鄉其  
折俎分歸胙充庭降受釐方憑知禮節況奉化雍熙

○宗廟

皇后廟 太子廟附

宗廟歌二章

晉無名氏

曰晉是常享祀時序宗廟致敬禮樂具舉惟其來祭  
普天率土犧樽既奠清酤既載亦有和羹薦羞斯備  
蒸蒸永慕感時典思登歌奏舞神樂其和祖考來格  
祐我邦家敷天之下罔不休嘉

肅肅在位濟濟臣工四海來格禮儀有容鐘鼓振管

絃理舞開元歌永始神胥樂今肅肅在位臣工濟濟  
小大咸敬上下有禮理管絃振鼓鐘舞象德歌詠功  
神胥樂今肅肅在位有來雍雍穆穆天子相維辟公  
禮有儀樂有則舞象功歌詠德神胥樂今

宗廟登歌二章

宋殷淡

帝容承祀練時涓日九重徹關四靈賓室肅倡龜音  
庶旄委佾休靈告饗嘉慶尚芬玉珮飾列桂簋昭陳  
具司選禮翼翼振振

裸宗祀典耐恭孝時禮無爽物信靡媿辭精華平宅  
誠監昭通升歌翊節下管調風皇心履變敬明尊親

禮儀

卷四十三

二五

宗廟

大哉孝德至矣交神

祠太廟

宋孔欣

東帶從王事結纓奉清祀肅肅禁闈內翳然絕塵軌  
戕我高堂上層構鬱雲起明發修薦享矜悚不遑止  
磬折階廊間樓樓常靡已

丞齋應詔

宋謝莊

霜露凝宸感肅儼動天引西郊滅溘揜一作東溟起  
昭晉舞風泛龍常輪霞浮玉軻紫階協笙鏞金途展  
應陳方見六詩和永聞九德潤觀生識幸渥睇服慙  
輶一作恪

太廟登歌二章

齊褚淵

惟王建國設廟凝靈月薦流典時祀暉經瞻宸俊思  
雨露追情簡日筵宴闕奠升文金壘浮桂冲帳舒熏  
備僚肅列駐景開雲

至饗攸極睿老悼禮具物咸潔聲聲維合體氣昭  
扶幽眇慕纏遠迎絲驚促送侑留晚聖環殿儼節收  
增恰妙感崇深英徽彌亮

宗廟登歌七首

深無名氏

功高禮洽德尊樂備三獻具舉百司在位誠敬罔替  
幽明同致茫茫億兆無思不遂益之如天容之如地

禮儀

卷四十三

三

宗廟

二

殷兆玉僅周始邠王於赫文祖基我大梁肇土七十  
奄有四方帝軒百祀人思未忘永言聖烈祚我無疆

三

有夏多罪殷人塗炭四海倒懸十室思亂日天命我  
繼凶珍難既躍乃震言各辰辰爰宅各勤各修各

四

犧象既飾露組斯具我鬱載馨黃流乃注我我神工  
駿奔是務珮上鳴堦纓還拂樹悠悠億兆天臨日煦

五

猗與至德光被黔首鑄銘蒼昊甄陶區有恪一作恭  
三獻對揚萬壽比屋可封合生無咎匪徒七百天長  
地久

六

有命自天於皇后帝悠悠四海莫不來祭繁祉具膺  
八神聳衛福至有兆慶來無際播此餘休于彼荒裔

七

祀典昭潔我禮莫違八簋充室六龍解駢神宮肅肅  
靈寢微微嘉薦既饗景福攸歸至德光被洪作載輝

禮儀

卷四十三

三七

宗廟

嚴省

一作

寂寥清廟靜肅襟視牲盛端服侍

宗廟歌

北周庾信

肅肅清廟嚴嚴寢門歌器防滿金人戒言應棟懸鼓  
崇牙樹羽階變升歌庭紛象舞閑安象設緝熙清莫  
春鮪初登新萍先薦倏然入室儼乎在位悽愴履之  
非寒之謂

二

永惟祖武潛慶靈長龍圖革命鳳曆歸昌功移上塲  
德耀中陽清廟肅肅猛虞煌煌曲高大夏聲和盛唐

牲牲蕩滌蕭合馨香和鸞戾止振鷺來翔永敷萬國  
是則四方

三

年祥辨日上協龜言奉酎承列來庭駿奔雕禾飾竿  
翠羽承樽敬殫如此恭惟執燔

四

獻明  
皇帝

若水逢降君窮桑屬惟政不戢馭帝鑒鬱矣當天命  
方定五雲官先齊八風令文昌氣似珠太史河如鏡  
南宮學已開東觀書還聚文辭金石韻毫翰風飈豎  
清室桂馥馮齊房之詡詡寧思玉管笛空見靈衣舞

禮儀

卷四十三

二六

宗廟

五獻高祖  
武皇帝

南河吐雲氣北斗降星辰百靈咸仰德千年一聖人  
書成紫微動律定鳳凰馴六軍命西土甲子陳東鄰  
戎衣此一定萬里更無塵煙雲同五色日月並重輪  
流沙旣西靜蟠木又東臣凱樂聞朱鴈鏡歌見白麟  
今爲六代祀還得九疑賓

六

禮殯裸獻樂極休成長離前按宗祀文明縮酌浮蘭  
澄馨合鬯馨折禮容旋廻靈貺受釐撤俎飲酒移樽  
惟光惟烈文子文孫

七

庭闕四始筵終三薦顧步階墀徘徊餘奠六龍矯首  
七萃敬途鼓移行漏風轉相鳥翼翼從事綿綿四時  
惟神降嘏永言保之

享太廟

唐魏徵褚  
亮等作

聖敬通神光七廟靈心薦祚和萬方嚴裡克配鴻基  
遠明德維馨鳳曆昌

尚書省受誓誠貽太廟裴丞 唐儲光義

皇家有恒憲齋祭崇明祀嚴車伊洛間受誓文昌裏  
沈沈雲閣見稍稍城烏起曙色照衣冠虛庭鳴劍履

禮儀

卷四十三

二九

宗廟

徘徊念私覲悵望臨清汜點翰欲何言相思從此始

太后室

以下太后廟

宋殷淡

幽瑞浚靈表彰嬪聖翊載微文敷光崇慶上緯纏祥  
中維飾詠永屬輝猷聯昌景命

太后室二首

北周明帝

表靈躋象績儀緯風膺華丹耀登瑞紫穹訓形霄宇  
武彰宸宮騰芬金會爲德聲容

二

天樞凝耀地紐儷輝聯光騰世炳慶翔機薰藹中寓  
景璽上微玉頌鏤德金籥傳微



太后室

北周庾信

月靈興慶沙祥發源功參禹迹德贊堯門言容典禮  
愉狄微章儀形溫德令問昭陽日月不居歲時晚晚  
瑞雲纏心闕宮惟遠

攝官梁小廟

梁有小廟太祖太夫人廟也非嫡  
以總權兼太  
常卿守小廟

陳江總

疇昔遊依所今日薦櫻時憲章誠有華歲月遂難思  
故人獨之子官聯更在茲虛簷靜暮雀洞戶映光絲  
平生復能幾語事必傷悲

享昭德皇后廟

唐無名氏

禮儀

卷四十三

三十

宗廟

辰位列四星帝功參十亂進賢動內輔扈蹕清多難  
承天厚載均並曜宵光燦留微藹前躅萬古披圖煥

享坤儀廟

唐徐彦伯

猗若清廟肅肅熒熒國薦嚴祀坤興淑靈有凡在室  
有樂在庭臨茲孝享百祿惟寧

二

陰靈効祉軒曜降精祥符淑氣慶集素明瑤俎既列  
雕桐發聲微猷永遠比德皇英

享坤儀廟

唐薛稷

陽靈配德陰魄昭升堯壇鳳下漢室龍興覩天作對

前旒是凝化行南國道盛西陵造舟集濯無德而稱  
我粢既潔我醴既澄陰陰靈廟光靈若憑德馨惟享  
孝思烝烝

二

乾道既亨坤元以貞肅雍攸在輔佐斯成外睦九族  
內光一庭克生睿哲祚我休明欽若徽範悠哉淑靈  
建茲清宮于彼上京縮茅以獻潔秬惟馨實受其福  
斯乎億齡

享坤儀廟

唐胡雄

送文迎武遞參差一始一終光聖儀四海生人歌有

禮儀

卷四十三

三十一

宗廟

慶千齡孝享肅無虧

享坤儀廟

唐劉子玄

妙算申帷幄神謀及廟庭兩階文物備七德武成功  
校獵長楊苑屯軍細柳營將軍獻凱入歌響溢重城

享坤儀廟

唐口口口

月靈降德坤元授光娥英比秀姪姒均芳瑤臺薦祉  
金屋延祥迎神有樂歆此嘉鄉

享太子廟

以下太子廟

唐中宗

金相載穆玉裕重輝養德青禁承光紫微乾宮候色  
震象增威監國方永賓天不歸孝友自衷溫文性與

龍樓正啓鶴駕斯舉丹宸流念鴻名式序中興考室  
永陳彝俎

享隱太子廟

唐口口口

道閔鶴關運纏鳩里門集大命俾歆嘉祀禮亞六瑚  
誠殫二簋有誠顯若神斯戾止

二

歲肇春宗乾開震長瑤山既寂戾園斯享玉肅其事  
物昭其象絃誦成周笙歌合響

三

三縣已判歌鐘列六佾將開羽鉞分向想燕飛來蔽  
禮儀

卷四十三

三十一 太子廟

日終疑鶴影降凌雲

四

天步昔將開商郊初欲踐撫戎金陣廓貳極瑤圖闡  
雞戟遂崇儀龍樓期好善弄兵懸震業啓聖隆祠典

五

蒼震有位黃離蔽明江充禍結戾據災成銜冤苦痛  
贈典今榮享靈有秩奉樂以迎

詩集類函卷四十一

詩集類函卷四十四

東吳俞安期彙纂 宣城梅鼎祚增定

禮儀部二

明堂 靈臺 辟雍附  
廟 元會 朝會 退朝 釋奠 孔子  
徵召 拜表

○明堂

靈臺 辟雍附

明堂詩

漢班固

於昭明堂明堂孔陽聖皇宗祀穆穆皇上帝宴饗  
五位時序誰其配之世祖光武普天率土各以其職  
荷敷緝熙允懷多福

禮儀

卷四十四

明堂

明堂銘

漢李尤

布政之室上圓下方體則天地在國正陽廳闥四設  
流水洋洋順節行化各居其房春恤幼孤夏進賢良  
秋厲武人冬謹關梁

明堂頌

齊虞通之

肅肅明堂惟國之光儀天矩地崇姬潤黃縣殷颺輝  
服夏擅芳無斁伊典有煥斯章綿綿教樞翳翳化紀  
聲沈五都風晦千祀我皇蒸哉追孝創軌縉憲垂統  
光圖麗史宗祀既崇享配惟馨六樂薦和四圭流明  
殷殷華海鑒盟孚誠慶輝旁燭休光下盈

明堂歌

宋謝莊

地紐謚乾樞回華蓋動紫微開旌蔽日車若雲駕六  
龍乘網緼曄帝京輝天邑聖祖降五靈集構瑤琨聳  
珠簾漢拂幌月棲檐舞綴暢鍾石融駐飛景爵行風  
懋榮盛潔牲牲百禮肅羣司虔皇德遠大孝昌貫九  
幽洞三光神之安解玉鑾景福至萬寓歡

二

雍臺辨朔澤宮練辰潔火夕照明水朝陳六瑚賁室  
八羽華庭昭事先聖懷濡上靈肆夏戒敬升歌發德  
永固鴻基以綏萬國

禮儀

卷四十四

二

和劉尚書兼明堂齋宮詩

梁元帝

質明攝上宰詰旦乘輶軒四圭邸蒼玉六變舞雲門  
香浮鬱金酒煙繞鳳凰樽紹冕文輝映珩珮自相喧  
微風颺清管輕雨發陳根新花臨御陌春色起天園  
河間獻樂語斯道媿能論

靈臺詩

漢班固

乃經靈臺靈臺既崇帝勤時登爰考休徵三光宣精  
五行布序習習祥風祁祁甘雨百穀蕃蒸庶草蕃廡  
屢惟豐年於皇樂育

辟雍二見凡

舟張辟雍鵠鵠相從八風回回鳳凰喈喈叶堅吳又尚書大傳  
有昭辟雍有賢泮宮田里周行濟濟鏘鏘相從執質  
有族以文

勅爾賢率爾衆工奏爾悲誦音肅肅離離無怠無凶

辟雍詩

漢班固

乃流辟雍辟雍湯湯聖皇蒞止造舟爲梁瞻瞻國老  
乃父乃兄抑抑威儀孝友光明於赫太上示我漢行  
洪化惟神永觀厥成

○釋奠

禮儀

卷四十四

三

釋奠詩

晉潘尼

敦書請業研幾通理尊師重道釋奠崇祀德成教倫  
孰云不祉

釋奠詩

宋王僧達

時泰道暢禮備樂修啓庠選俊博教深求異人麟萃  
淑美雲浮師尊訓浹嘉敬載柔

皇太子釋奠會作

宋界口文帝元嘉十一年三月皇太子劭釋奠於國學

宋顏延之

國尚師位家崇儒門稟道毓德講藝立言浚明爽曙  
達義茲昏永瞻先覺頤惟後昆

大人長物繼天接聖時屯必亨連蒙則正優閑武術  
闡揚文令庶士傾風萬流仰鏡

虞庠飾館睿圖炳晬懷仁憬集抱智廣至踵門陳書  
躡屨獻器澡身玄淵宅心道秘

伊昔周儲聿光往記思皇世哲體元作嗣資此夙知  
降從經一作志過彼前文規周矩值

正殿虛筵司分簡日尚席函丈丞疑奉帙侍言稱辭  
惇史秉筆妙識幾微王載有述

肆一作議芳訊大教克明敬躬祀典告奠聖靈禮屬  
觀盟樂薦歌笙昭事是肅俎實非馨

禮儀 卷四十四 四 釋奠

獻終襲吉卽宮廣譙堂設象筵庭宿金縣台保兼微  
皇戚比彥肴乾酒澄端服整升

六官視命九賓相儀纓笏巾序巾卷充街都莊雲動  
野雉風馳倫周伍漢超哉邈猗

清輝在天容光必照物任其情理宣其奧安先國胄  
側聞邦教徒媿微冥終謝智效

釋奠詩 北魏表曜

南庠貴齒東學尚親卑躬下問降禮師臣圓冠濟濟  
方領恂恂肄業既終舍奠爰始韶音遞奏笙鏞間起  
芟夏情情晬容豐豐德奢并慙陳信焉吐

釋奠文宣王 唐無名氏

聖道日用神機不測金石以陳絃歌載陟爰釋其菜  
匪馨于稷來顧來享是宗是極

二

萬國以貞光上嗣三善茂德表重輪視膳寢門尊要  
道高闕崇賢引正人

三

粵惟上聖有縱自天傍周萬物俯應千年舊章允著  
嘉贊孔虔王化茲首儒風是宣

四

禮儀 卷四十四 五 釋奠

堂獻瑤篚庭敷璆縣禮修其容樂和其變肅肅觀享  
雍雍執奠明禮惟馨蘋蘩可薦

五

隼集龜開招聖列龍蹲鳳時肅神儀尊儒敬業宏圖  
闡緯武經文盛德施

釋奠日國學觀禮聞雅頌 唐滕珣中

太學時觀禮東方曉色分威儀何棣棣環珮又紛紛  
古樂從空盡清歌幾處聞六和成遠吹九奏動行雲  
聖上尊儒學春秋莫茂勲幸因陪齒列聊以頌斯文  
釋奠日國學觀禮聞雅頌 唐令狐峘中

肅肅先師廟依依胃子羣滿庭陳舊禮開戶拜清芬  
萬舞當華燭簫韶入翠雲頌歌侵曉聽雅吹度風聞  
澹泊調元氣中和美聖君唯餘東魯客蹈舞向南薰  
侍皇太子釋奠宴 齊竟陵王

八簋舒芬

侍皇太子釋奠宴 南齊禮志永明中皇太子講孝經親臨釋奠車駕幸聽

齊王儉

禮惟國幹義實民端身由業渌世以教安金鎔乃器  
水術伊瀾踐芳則馥履冰固寒馨宗務時類官善誘  
禮儀 卷四十四 六

咨此含生躋彼仁壽淳移雅缺歷茲永久游藝莫師  
獨學誰友三兆戒辰八鸞警旦風動蒿宮雲棲參館  
禮邁仁周樂超英漢神保爰格祝史斯贊鬱鬯既終  
德馨是與降冕上庠升宴東序槐宰金貞藩維玉譽  
時彥莘莘國胄楚楚

侍皇太子釋奠宴

梁沈約

尊學尚矣道亦遐哉啓圖觀秘闕苑興才事高東序  
義邁雲臺我德傳灼灼英台復禮曲臺反樂宣榭  
闕文內舉輶軒外駕結朋千里從師百舍隆典必修  
闕祀咸薦迴鸞獻爵從金委奠肆士辨儀育人掌縣

髣髴神蹤徘徊靈瞻

爲南郡王侍皇太子釋奠宴二首

梁沈約

陵季相沿訓隨世殆政缺雅乖風漓化改禮亡衽席  
樂沈河海三雍靡構四教誰采瞻震並峻義屬重麗  
積書清道晦彼生知

義重師匡業貴虛受襄野順風西河杜帝表跡齡光  
降情迴首道御百靈神行萬有尊學尚矣繼列傳微  
旗章或舛茲道莫違自堂及室異軫同歸洋洋聖範  
楚楚儒衣

禮儀

卷四十四

七 釋奠

爲王嫡子侍皇太子釋奠宴 梁任昉

在昔歸運阻亂弘多夷山製宇盪海爲家風雲改族  
日月增華欽聖茲遠懷道茲冲踐言動俗果行移風  
進往一簣啓或三蒙水實因水金亦在鎔惟神知化  
在物立言樂正雅頌咸被後昆告奠明祀觀道聖門  
日月不息師表常尊

○孔子廟

享先聖先師歌

隋無名氏

經國立訓學重教先三墳肇冊五典留篇開鑒理著  
陶鑄功宣東膠西序春誦夏絃芳塵載仰祀典無驚

和謁孔子廟

隋劉斌

性與雖天縱主世乃無由何言泰山毀空驚逝水流  
及門思往烈入室想前修寂寞荒堦暮摧殘古木秋  
遺風暖如此聊以慰蒸求

享孔子廟

唐無名氏

通吳表聖問老樸真三千弟子五百賢人德齡規法  
萬載祠裡潔誠以祭奏樂迎神

二

醴溢犧象著陳俎豆膏壁類聞泗川如觀里校覃福  
宵筵承祐雅樂清音送神具奏

禮儀

卷四

孔子廟

經魯祭孔子而歎之

唐玄宗

夫子何爲者棲棲一代中地由鄒氏邑宅即魯王宮  
歎鳳嗟身否傷麟怨道窮今看兩楹奠當與夢時同

奉和聖製經魯祭孔子應制

唐張說

孔聖家鄒魯儒風藹典墳龍駟舊宅鳳德詠餘芬  
入室人如在升堂樂似聞懸知一王法今日待明君

奉和聖製經魯祭孔子應制

唐張九齡

丘門泰山下不見登封時徒有先王法今爲明主思  
恩加萬乘幸禮致一牢祠舊宅千年外光華空在茲

題衡山縣文宣王廟新學堂呈陸宰

唐杜甫

旄頭彗紫微無復俎豆事金甲相排蕩青衿一憔悴  
嗚呼已十年儒服弊于地征夫不遑息學者淪素志  
我行洞庭野歛得文翁肆僣僣先先胃子行若舞風雲至  
周室宜中興孔門未應棄是以資雅才渙然立新意  
衡山雖小邑首唱恢大義因見縣尹心根源舊宮闕  
講堂非曩構大屋加塗墍下可容萬一作人牆隅亦  
深邃何必三千徒始歷戎馬氣林木在庭戶密幹疊  
蒼翠有井朱夏時輶轡凍堦圯耳聞讀書聲殺伐災  
髮鬚故國延歸望衰顏減愁思南紀收波瀾西河共  
風味采詩倦跋涉載筆尚可記高歌激宇宙凡百慎  
失墜

禮儀

卷四

九

○元會

元會詩

晉禮樂志漢儀有正會禮正旦受賀公  
卿歲後作樂宴饗魏都  
鄭正會文昌殿用漢儀

魏陳思王

初歲元祚吉日惟良乃爲嘉會宴此高堂一有尊卑  
列叙典而

有章衣裳鮮潔黼黻玄黃一有清醑盈爵  
中坐騰光二句珍膳維有  
二句充溢圓方一有笙瑟既設琴瑟俱張  
悲歌厲響出清商四句俯視文軒仰瞻

華梁願保茲善一作千載爲常歡笑盡娛樂哉未央

皇室一作榮貴壽考無疆  
一作壽考東王



正旦大會行禮歌

晉荀勗

於皇元首羣生資始履端大享敬御繁祉肆覲羣后  
爰及卿士欽順則元允也天子

正旦大會行禮歌

晉傅玄

天鑒有晉世祚聖皇時齊七政朝此萬方○鐘鼓斯  
震九賓備禮正位在朝穆穆濟濟○煌煌三辰寶麗  
於天君后是象威儀孔虔○率禮無愆莫非邁德儀  
刑聖皇萬邦惟則

元會曲

齊謝朓

二儀啓昌曆三陽應慶期珪瓊紛成序鞞譯憬來思  
禮儀

卷四十四

十一元會

分階絕組練充庭羅翠旗觴流白日下吹溢景雲滋  
天儀穆藻殿萬寓壽皇基

元會歌

北齊無名氏

夏正肇旦周物充庭具僚在位俛伏無聲大君穆穆  
宸儀動睟日煦天廻萬靈胥萃

二

天子南面乾覆離明三千咸列萬國填并猶從禹會  
如次湯庭奉茲一德上下和平

三

皇運應錄廓定區寓受終以文構業以武克昌命舜

舜亦命禹大人馭歷重規杳矩欽明在上昭納八紘  
從靈體極誕聖窮神化生羣品陶育烝人展禮肆樂  
協此元春

四

萬方咸暨三揖以申垂旒馮玉五瑞交陳拜稽有章  
升降有節聖皇負展虞唐比烈

五

三端正啓萬方觀禮具物充庭二儀合體百華照曉  
千門洞晨或華或裔奉贊惟新悠悠亘六合圓首莫  
不臣仰施如雨晞和猶春風化表笙鏞歌謳被琴瑟  
禮儀

卷四十四

十二元會

誰言文軌異今朝混爲一

元正饗會曲

北周庾信

氣離清濁剖元開天地分三才初辨正六位始成文  
繼天爰立長安民乃樹君其明廣如日其澤厚如雲  
惟昔我文祖撥亂拒謳歌三分未撫運八百不陵河  
禮敷天下信樂正神人和風塵行息警江海欲無波

二

我皇承下武革命在君臨應圖當舜玉嗣德受堯琴  
沈首多推運陽誠有讓心就日先知遠觀淵早見深  
玄精實委御蒼正乃皆平履端初萬國年祥慶百靈

玉帛咸觀禮華戎各在庭鳳鸞中夷則天文正玉  
皇基自天保萬物乃由庚

三

握衡平地紀觀象正天樞祺祥鍾赤縣靈瑞炳皇都  
更受昭華玉還披蘭葉圖金波來白兔弱木下蒼烏  
玉斗調元協金沙富國租青丘還擾圃丹穴更巢梧  
安樂新成慶長生百福符

四

明明九族序穆穆四門賓陰陵朝北附蟠木引東臣  
澗途求板築谿源取釣綸多士歸賢戚維城屬茂親  
禮儀

卷四十四

十三

元會

貴位連南斗高榮據北辰迎時乃推策司職且班神  
日月之所照霜露之所均永從文軌一長無外戶人

五

爵盤舒棟宇崢嶸倬大壯拱木詔林衡全模徵梓匠  
千櫨綺翼浮百拱長虹抗北去邯鄲道東來鄖師望  
龍首載文槐雲楣承武帳居者非求隘卑宮豈難尚  
壯麗天下觀是以從蕭相

元會大饗歌

隋無名氏

深哉皇度粹矣天儀司陞整蹕式道先馳入屯霧擁  
七萃雲披退揚進揖步矩行規句陳乍轉華蓋徐移

羽旗照耀珪組陸離居高念下處安思危照臨有度  
紀律無虧

二

惟熙帝載式固王猷體乾建本是曰孟侯馳道美漢  
寢門稱周德心既廣道業惟優傳保斯導賢才與遊  
瑜玉發饗畫輪停輶皇基方峻七鬯恒休

三

燔黍設教禮之始五味相資火爲紀平心和德在甘  
旨牢羞既陳鍾石俟以斯而御揚盛軌  
養身必敬禮食昭時和歲阜庶物饒鹽梅既濟鼎鉉

禮儀

卷四十四

十三

元會

調特以膚脂加臙曉威儀濟濟懋皇朝

饗人進羞樂侑作川潛之膾雲飛臙甘酸有宜芬勻  
藥金敦玉豆盛交錯御鼓既聲安以樂

玉食惟后膳必珍芳菰既潔重秬新是能安體又調  
神荆包畢至海貢陳用之有節德無垠

嘉羞入饋猶化謐沃土名滋帝臺實陽華之菜雕凌  
栗鼎俎芬芳豆邊溢通幽致遠車書一

道高物備食多方山膚既善水黍良桓蒲在位簋業

張加遵折俎爛成行恩風下濟道化光  
禮以安國仁爲政具物必陳饗牢盛置罍斤斧順時

令懷生熙熙皆得性於茲宴喜流嘉慶

皇道四達禮樂成臨朝日舉表時平甘芳既飫醑以清揚休玉卮正性情隆我帝載永明明

○朝會 退朝 候朝並附

冬至乾陽殿受朝

隋煬帝

北陸玄冬盛南至晷漏長端拱朝萬國守文繼百王至德慙日用治道媿時康新邑建嵩岳雙闕臨洛陽圭景正入表道路均四方碧空霜華淨朱庭皎日光纓珮既濟濟鐘鼓何鏗鏘文戟翊高殿采牕分脩廊元首之明哲股肱貴惟良舟楫行有寄庶此王化昌

禮儀

卷四十四

十四

奉和冬至乾陽殿受朝應詔 隋牛弘

恭已臨萬寓宸居馭八埏作貢菁茅集來朝圭黻連司儀三揖盛掌禮九賓虔重欄映如璧複殿繞非煙

奉和冬至乾陽殿受朝應詔 隋許善心

森森羅陛衛噦噦鏘璫璫禮殫五瑞輯樂闋九功成

早朝車中聽望

梁何遜

詰旦鐘聲罷隱隱禁門通遽車響北闕鄭履入南宮宿霧開馳道初日照相風胥徒紛絡繹驕御或西東暫喧耳目外還保性靈中方驗遊朝市此說不為空賦得謁帝承明廬 陳江總

霧開仁壽殿雲繞承明廬輪停紺轡引馬度紅塵餘香貂拜黻裘花綬拂玄除謁帝升清漢何殊入紫虛

荅王筠早朝

陳江總

金兔猶懸魄銅龍欲啓扉三條息行火百雉照初暉御溝槐影出仙掌露光晞

入朝

北周王褒

鳳池一作直城通複道嚴駕早凌晨鐵符行警曙銀榮未開闔暫暗城無影晴新路不塵屯兵引畫劒騎吹動斑輪徒知仰睿藻抽辭殊未申

凌晨早朝

唐虞世南

禮儀

卷四十四

十五

朝會

萬戶霄光曙重簷夕霧收玉花停夜燭金壺送曉籌日輝青瑣殿霞生結綺樓重門應啓路通籍引王侯

凌晨入朝

唐上官儀

脉脉廣川流驅馬入長洲鵲飛山月曙蟬噪野風秋高宗承貞觀之後天下無事儀獨持國政嘗凌晨入朝巡洛水堤步月徐譽詠此詩音韻清亮羣公望之

早朝

唐韋元旦

震維芳月季宸極衆星尊珮玉朝三陸鳴珂度九門挈壺分早漏伏檻耀初暎北倚蒼龍闕西臨紫鳳垣詞庭草欲奏溫室樹無言鱗翰空爲不長懷聖主恩

同韋舍人早朝

唐徐彥伯

夕轉清壺漏晨驚長樂鐘  
逶迤綸禁客假寐守銅龍  
予亦趨三殿肩隨謁九重  
繁珂接曙響華劍比春容  
相問韶光歇彌憐芳意濃  
願言乘日盱攜手即雲峯

同韋舍人早朝

唐鄭愔

瑞闕龍居峻宸庭鳳掖深  
才良寄天綽趨拜仙朝簪  
飛鴈看成字喧車識駐音  
重軒輕霧入洞戶落花侵  
聞有題新翰依然想舊林  
同聲慚下玉謬此托韋金

同韋舍人早朝

唐沈佺期

閭闔連雲起巖廊拂霧開  
玉珂龍影度珠綬鴈行來

卷四十四

十六

朝會

長樂宵鐘盡明光曉奏催  
一經傳舊德五字擢英才  
儼若神仙去紛從霄漢迴  
千春奉休曆分禁喜趨陪

和崔正諫秋日早朝

唐沈佺期

雞鳴朝謁滿露白禁門秋爽氣  
臨旌戟朝光耿冕旒  
河宗來獻寶天子命焚裘  
獨負池陽議言從建禮遊

同潘屯田冬日早朝

唐張文琮

假寐懷古人夙興瞻曉月  
通晨禁門啓冠蓋趨朝謁  
霜霽清九衢霞光照雙闕  
紛綸文物紀煥爛聲明發  
腰劍動陸離鳴玉和清越

早朝大明宮呈兩省僚友

唐賈至

銀燭朝天紫陌長  
禁城春色曉蒼蒼  
千條弱柳垂青瑣  
百轉流鶯繞建章  
劍佩聲隨玉墀步  
衣冠身惹御爐香  
共沐恩波鳳池上  
朝朝染翰侍君王

奉和中書賈至舍人早朝大明宮之作

唐岑參

雞鳴紫陌曙光寒  
鶯囀皇州春色闌  
金闕曉鐘開萬戶  
玉階仙仗擁千官  
花迎劍佩星初落  
柳拂旌旗露未乾  
獨有鳳凰池上客  
陽春一曲和皆難

奉和中書賈至舍人早朝大明宮之作

唐杜甫

禮儀

卷四十四

十七

朝會

五夜漏聲催曉箭  
九重春色醉仙桃  
旌旗日暖龍蛇動  
宮殿風微燕雀高  
朝罷香煙攜滿袖  
詩成珠玉在揮毫  
欲知世掌絲綸美  
池上于今有鳳毛

奉和中書賈至舍人早朝大明宮之作

唐王維

絳幘雞人送曉籌  
尚衣方進翠雲裘  
九天閭闔開宮殿  
萬國衣冠拜冕旒  
日色纔臨仙掌動  
香煙欲傍衮龍浮  
朝罷須裁五色詔  
珮聲歸到鳳池頭

早朝

唐王維

皎潔明星高蒼茫遠天曙  
槐露暗不開城鴉鳴稍去

始聞高閣聲莫辨更衣處銀燭已成行金門儼駟

早朝

唐王維

柳暗百花明春深五鳳城烏睥睨曉宮井曉驢聲  
方朔金門侍班姬玉輦迎仍聞遣方士東海訪蓬瀛

春日直門下省早朝

唐王維

騎省直明光雞鳴謁建章遙聞侍中珮閣識令君香  
玉漏隨銅史天書拜夕郎旌旗映闕歌吹滿昭陽  
官舍梅初紫宮門柳欲黃願將遲日意同與聖恩長

和祠部王員外雪後早朝

唐岑參

長安雪後似春歸積素凝華連曙暉色借玉珂迷曉

禮儀

卷四十四

朝會

騎光添銀燭晃朝衣西山落月臨天仗北闕晴雲捧  
禁闥聞道仙郎歌白雪由來此曲和人稀

和王員外晴雪早朝

唐錢起

紫微晴雪帶恩光繞仗偏隨駕驚行長信月留寧避  
曉宜春花滿不飛香獨看積素凝清禁已覺輕寒讓  
太陽題柱盛名兼絕唱風流誰繼漢田郎

早朝

唐耿漳

鐘鼓餘聲裏千官向紫微冒寒人語少乘月燭來稀  
清漏聞馳道輕霞映瑣闥猶看嘶馬處未啟掖垣扉

早朝

唐白居易

鼓動出新昌雞鳴赴建章翩翩穩鞍馬楚楚健衣裳  
宮漏傳殘夜城陰送早涼月堤槐露氣風燭樺煙香  
雙闕龍相對千官鴈一行漢庭方尚少慙歎鬢如霜

觀早朝

唐韋應物

伐鼓通嚴城車馬溢廣墮煌煌列明燭朝服照華鮮  
金門杳深沈尚聽清漏傳河漢忽已沒司閤啓晨闌  
丹殿據龍首崔嵬對南山寒生千門裏日照雙闕間  
禁旅下成列鑪香起中天輝輝覩明聖濟濟行俊  
賢媿無鴛鴦姿短翮空飛還誰當假毛羽雲霧相追攀

禮儀

卷四十四

十九

朝會

春日早朝應制

唐戴叔倫

仙仗肅朝官承平聖主歡月沈宮漏靜雨濕禁花寒  
丹荔來金闕朱櫻貢玉盤六龍扶御日只許近臣看  
和武相公早朝中書候傳點書懷奉呈

唐羊士諤

殿省秘清曉夔龍升紫微星辰拱帝座劒履翊天機  
耿耿金波缺沈沈玉漏稀綵箋躡驚獸畫扇列名輩  
志業丹青重恩華雨露霏三台昭建極一德慶垂衣  
昌運瞻文教雄圖本武威殊勲如帶遠佳氣似煙非  
抗節衷無隱同心尚弼違良哉致君日維岳有光輝

奉和李相公早朝於中書候傳點偶書所懷呈

門下武相公中書鄭相公 唐呂溫中

禁門留騎吹內省正衣冠稍辨旂常色尚聞鐘漏殘  
九天鑪燭煖六月玉聲寒宿霧開霞觀晨光泛露盤  
致君期反朴求友得如蘭政自同歸理言成共不刊  
準繩臨百度領袖映千官臥鼓流沙靜飛航弱海安  
盡規訓主意偕賦代交歡雅韻人間滿多慙竊和難

早朝日寄所知

唐權德輿中

長安雪後見歸鴻紫禁朝天拜舞同曙色漸分雙闕  
下漏聲遙在百花中爐煙乍起開仙仗玉珮成行引  
禮儀 卷四十四 三

上公共荷發生同雨露不應黃葉久從風

臺城曉朝曲

唐溫庭筠晚

司馬門前柳千炬闌干星斗天將曙朱網翕鬚丞相  
車曉隨疊鼓朝天去博山鏡樹香芊芊裊裊浮航金  
盡龍大江欽勢避辰極兩闕深嚴煙翠濃

朝謁

唐鄭谷晚

捧日整朝簪千官一片心班趨黃道急殿揖紫宸深  
威鳳迴香展新鸞轉上林小松含瑞露春翠易成陰

秋日早朝

唐許渾晚

宵衣應待絕更籌環王鉞鉞月夜樓并博覽千樹

曉鑰開闔闔萬山秋龍旗盡列趨金殿雉扇纔分拜  
玉旒虛帶鐵冠無一事滄江歸去老漁舟 一作滄江  
歸老釣魚

懷昔年朝謁率成八韻

唐□□□

夷落朝雲候王正小雪辰緬懷朝紫陌曾是灑朱輪  
氣耿簪裾肅風嚴刻漏頻暗飛金馬仗寒舞玉京塵  
豸角隨中憲龍池列近臣薤珠凝瑞彩玄圃淨華茵  
帝澤千箱慶天顏萬物春明君猶咫尺高詠愧巴人

行臨公車

梁何遜

擾擾排曙扉鱗鱗驅早駕禁門微猶閉嚴城方警夜  
禮儀 卷四十四 三

道勝多增榮拙薄終難化以茲畎澮質重與滄溟舍  
纒舟去濁河揆景辭清灞平生多意緒懷抱皆徂謝  
念此將如何撫心獨悲咤

賦得待詔金馬門

陳何胥

漢家一統軌濟濟萬國朝飛縷拂曉霧輦輦逐晨威  
槐衢映綠絳日彩麗金貂此時參待詔誰復想漁樵  
朝天子詞寄魏博士田侍郎 唐王建中

山川初展國圖寬未識龍顏坐不安風動白髯旌節  
下過時天子御樓看

相感君臣總淚流恩深舞蹈不知休初從戰地來無



物唯奏新添十八州

催修水殿宴沂公與別諸君總不同隔月太常先習

樂金書牌燹彩雲中

無人敢奪在先籌天子開邊送與毬遙索綵箱新樣

錦內人昇出馬前頭

御馬牽來親自試珠毬到處玉蹄知殿頭宣賜連催

上未解紅纓不敢騎

老作三公經獻壽臨時猶自語差池私從班裏來長

跪捧上金杯便合儀

四海無波乞放閒三封手疏犯龍顏他時若有邊座

禮儀

卷四十四

三

動不待天書自出山

胡馬悠悠未盡歸玉關猶隔吐蕃旗老臣一表求高

臥邊事從今欲問誰

威容難盡改頻頻眉目分毫恐不真有詔別圖書閣

上先教粉本定風神

重賜弓刀內宴迴看人城外滿樓臺君臣不作多時

別收盡邊旗當日來

行還值雨為清道所駐

以下

梁劉孝威

齊楚磐石貴韓吳異姓王俱乘早朝罷相隨出建章

喧呼驚里閭叫咷駭康莊早騶同車擊青紫

鷹揚掖門南北遠復道東西長旛旗爭絡繹官騎鬱

相望微風生繁傳輕雨潤帷裳油衣分競道小蓋列

成行入舍便繁密五營興服光迴車遊司隸俄軒揖

內郎况余白屋士自依

一作休

早路傍日月雖臨照仄

陋難明歟早榮羞日及晚知慙豫章徒抱凌雲志終

愧摩天翔安能久淪辱圖南會有方

春晚看羣公朝還人為八韻 隋陳子良

遊子惜春暮策杖出蒿萊正直康莊晚羣公謁帝迴

履度南宮至車從北闕來珂影傍明月笳聲動落梅

迎風采牀轉照日綬花開紅塵掩鶴蓋翠柳拂龍媒

禮儀

卷四十四

三

退朝

綺雲臨舞閣丹霞薄吹臺輕肥寧所羨未若返山隈

宣政殿退朝晚出左掖

唐杜甫

天門日射黃金榜春殿晴薰赤羽旗宮草霏霏承委

珮爐煙細細駐游絲雲近蓬萊常五色雪殘鵲鵲亦

多時侍臣緩步歸青瑣退食從容出每遲

紫宸殿退朝口號

唐杜甫

戶外昭容紫袖垂雙瞻御座引朝儀香飄合殿春風

轉花覆千官淑景移晝漏稀聞高閣報天顏有喜近

臣宮中每出歸東省會送夔龍集鳳池

晚出左掖

唐杜甫

晝刻傳呼淺春旗簇仗齊退朝花底散歸院柳邊迷  
樓雪融城濕宮雲去殿低避人焚諫草騎馬欲難棲

春日退朝

唐劉禹錫中

紫陌夜來雨南山朝下看戟枝迎日動閣影助松寒  
瑞氣轉綃縠游光泛波瀾御溝新柳色處處拂歸鞍

春日朝罷呈臺中寮友

唐羊士諤中

退食鵷行振羽儀九霄雙闕迴參差雲披綵仗春風  
度日暖香堦晝刻移玉樹籠煙鵷鵠觀石渠流水鳳  
凰池時清執法慚無事未有長楊漢主知

朝下寄韓舍人

唐耿湋中

禮儀

卷四十四

三

退朝

侍臣鳴珮山西曹鸞殿分階翊綵旄瑞氣迴浮青玉  
案日華遙上赤霜袍花間焰焰雲旗合鳥外亭亭露  
掌高肯念萬年芳樹裏隨風一葉在蓬蒿

守東華門開

以下  
候朝

梁簡文帝

脂車向馳道總轡息中華落關猶待漏文戟未通車  
薄雲初啓雨曙色始成霞  
絃誦終無取顧已自懷嗟

待漏內閣書事奉贈元九學士閣老

唐白居易中

衙排宣政仗門啓紫宸關彩筆停書命花軔趁立班

稀星點銀燐殘月墮金環閨漏猶傳水明河漸下山  
從東分地色向北仰天顏碧縷爐煙直紅垂珮尾閑  
綸闈慙並入翰苑忝先攀笑我青袍故饒君茜綬殷  
詩仙歸洞裏酒病滯人間好去鵷鵠侶冲天便不還

酬樂天待漏入閣見贈

時樂天為中書舍人予任翰林學士

唐元稹中

未勘銀臺契先排玉殿關沃心因特召承旨絕常班  
諸學士上  
承旨學士在  
殿閣才人袖  
思政對學士往  
在官官傳詔  
嘔鵠軟舉  
鵠宮花低作帳雲從積成山密視樞機草偷瞻咫尺  
顏恩垂天語近對久漏聲開丹陛曾同立金鑾恨獨

禮儀

卷四十四

三

候朝

攀筆無鴻業潤袍媿紫文殷河水通天上瀛洲接世  
間謫仙名籍在何不重來還

入閣

唐鄭谷中

秘殿臨軒日和鑾返正年兩班文武盛百辟羽儀全  
霜漏清中禁風旗拂曙天門嚴新勅契使入乍承宣  
玉几當紅旭金爐縱碧煙對駭稱法吏贊引出宮鈿  
言動揮毫疾威容執簿專小臣叨備位歌詠泰階前

徵召

溫泉宮禮見

唐錢起中

新豐佳氣滿聖主在溫泉雲繞龍行處山明日啟前

順風求至道側席問遺賢靈雪瑤墀降晨霞綵仗懸  
滄溟不讓水疵賤也朝天

謁見日將至雙闕

唐□□□

曉色臨雙闕微臣禮位陪遠驚龍鳳觀誰識冕旒開  
藹藹千年盛顯顯萬國來天文標日月時令布雲雷  
迴出黃金殿全分白玉臺雕蟲竟何取瞻戀不知迴  
送分司陳郎中祗召直史館重修三聖實錄

唐劉禹錫中

蟬鳴宮樹引行車言自成周赴玉除遠取南朝貴公  
子重修東觀帝皇書常時載筆窺金匱暇日登樓到

禮儀

卷四十四

三六

後朝

石渠若問舊人劉子政如今白首在南徐

送職方王郎中吏部劉員外自太原鄭相公幕

繼奉徵書歸省署

唐李山甫

雙鳳銜書次第飛玉皇催促列仙歸雲開日月臨青  
瑣風卷煙霞上紫微蓮影一時空儉府蘭香同處撲  
堯衣此生長掃朱門者每向人間夢粉闥

六月十七日召對

唐韓偓晚

清暑簾開散異香恩深咫尺對龍章花應洞裏尋常  
發日向壺中特地長生長忽疑槎犯斗歸來兼恐海  
生桑如今冷笑東方朔雅用詠諧侍漢皇

○拜表

洛中初冬拜表有懷上京人唐劉禹錫中

鳳樓南面控三條拜表郎官早渡橋清洛曉光鋪碧  
簾上陽霜葉翦紅綃省門簪組初成列雲路駕鸞想  
退朝寄謝殷勤九天侶槍榆水擊各逍遙

十二月拜起居表回

唐許渾

一章西奏拜仙曹回馬天津北望勞寒水欲春冰彩  
薄曉山初霽雪峰高樓形向日攢飛鳳宮勢凌波壓  
斷鰲空鎖煙霞絕巡幸周人誰識鬱金袍

禮儀

卷四十四

三七

拜表

詩雋類函卷四十五

東吳俞安期彙纂 宣城梅鼎祚增定

金壇于嘉訂校

禮儀部三

宴饗 酬宴 侍宴

○宴饗

柏梁臺與羣臣聯句

漢武帝元封三年作柏梁臺詔羣臣二千石有能爲

七言詩乃得上坐

漢武帝

日月星辰和四時

帝驂駕駟馬從梁來 梁王孝郡國

士馬羽林材

大司馬 總領天下誠難治

不易哉

大將軍 刀筆之吏臣執之

禮儀

卷四十五

宴饗

聲中詩

建德 宗室廣大日益滋

禁不時

衛尉路 總領從宗柏梁臺

功差次之

大鴻臚 乘輿御物主治之

石揚目

一作箕 微道宮下隨討治

輔盜賊天下危

左馬 盜阻南山爲民災

家公主不可治

尹 椒房率更領其材

賀常舍其

杜杓 榑櫨相枝持

梅

走狗逐兔 張采恩

人迫窘詰屈幾窮哉

齧妃女唇甘如飴

清暑殿効柏梁體

梁武帝

居中負展寄纓紱

帝言慙輻湊政無術 新安太

無垠愧違弼

徐勉 變贊京河豈微物

宮慙樞密

黃門侍 清通簡要臣豈汨

展濫榮秩

張卷 復道龍樓歌林實

坐慙羊質

御史中 嗣以書記臣敢匹

鼎講畫

司徒主 鼎味參和臣多匱

宴清言殿作柏梁體

梁元帝

玉衡七政轉璇璣

帝升降端揆而才非 侍中尚書澄

鏡朱紫眇難追

吏部尚 書臣

禮儀

卷四十五

宴饗

移仗蓬萊宮御大明殿會吐蕃騎馬之戲因重

爲柏梁體聯句

唐中宗

大明寓御臨萬方

宗顧慙 內政翊陶唐

舞向平陽

長寧公主 秦樓魯館沐恩光

求郎

太平雄才 七步謝陳王

再司銓管恩可忘

史部 文江學海思濟航

萬邦考績臣所詳

郎考功員外 著作不休出中腸

著作

權豪屏跡 肅嚴霜

堂

將作大匠 玉醴由來獻壽觴

附曲水聯句

梁庾肩吾

春色明上已桃花落繞溝波迴厄不進綸下鉤時留  
臣絳水時迴岍花觴轉更周陳有渡玉俎垂餌下銀  
鉤王臺迴川入帳殿列俎間芳洲漢艾凌波出江楓  
拂岍遊吏肩王生迴水碓蔡姬蕩輕舟岍燭斜臨水  
波光上映樓下殿

縣瓠方丈竹堂饗侍臣聯句北史曰兼中書侍

北孝文饗臣於縣瓠方丈竹堂道昭與兄懿俱侍坐樂作酒酣孝文乃作歌

北魏孝文帝

白日光天今無不曜江左一隅獨未照帝願從聖明  
今登衡會萬國誠混內一作外王雲雷大振今

卷四十五

三

禮儀  
天門闢率土來賓一正歷鄭舜舞千戚今天下歸文  
德遠被莫不思鄭道皇風一鼓今九地匝戴日依天  
清六合鄭遵彼汝墳今昔化貞未若今日道風明帝  
文王政教今暉江沼寧如大化光四表宋

孟津

魏文帝

良辰啓初節高會構一作歡娛通天拂景雲俯臨四  
達衢羽爵浮象樽珍膳盈豆區清歌發妙曲樂正奏  
笙竿曜靈忽西邁炎燭繼望舒翊日浮黃河長驅旋  
鄴都

銅雀園詩

魏文帝

朝遊高臺觀夕宴華池陰大酋奉甘醪狩人獻嘉禽  
齊倡發東舞秦箏奏西音有客從南來爲我彈清琴  
五音紛繁會拊者激微吟淫魚乘波聽踊躍自浮沈  
飛鳥翻翔舞悲鳴集北林樂極哀情來寥亮摧肝心  
清角豈不妙德薄所不任大哉子野言弭弦且自禁

公宴詩

魏陳思王

公子愛敬客終宴不知疲清夜遊西園飛蓋相追隨  
明月澄清影列宿正參差秋蘭被長坂朱華冒綠池  
潛魚躍清波好鳥鳴高枝神飈接丹轂輕輦隨風移  
飄飄放志意千秋長若斯

禮儀

卷四十五

四

公讌詩

魏劉楨

永日行遊戲歡樂猶未央遺思在玄夜相與復翱翔  
輦車飛素蓋從者盈路傍月出照園中珍木鬱蒼蒼  
清川過石渠流波爲魚防芙蓉散其華菡萏溢金塘  
靈鳥宿水裔仁獸遊飛梁華館寄流波豁達來風涼  
生平未始聞歌之安能詳投翰長歎息綺麗不可忘

公讌詩

魏王粲

昊天降豐澤百卉挺葳蕤涼風撤蒸暑清雲却炎暉  
高會君子堂並坐蔭華棖嘉肴充圓方旨酒盈金罍  
管弦發徽音曲度清且悲合坐同所樂但慙杯行遲

常聞詩人語不醉且無歸今日不極歡含情欲待誰  
見眷良不翅守分豈能違古人有遺言君子福所綏  
願我賢主人與天享巍巍克符周公業奕世不可追

公燕

魏阮瑀

陽春和氣動賢主以崇仁布惠綏人物降愛常所親  
上堂相娛樂中外奉時珍五味風雨集杯酌若浮雲

公燕

魏應瑒

巍巍主人德佳會被四方開館延羣士置酒于斯堂  
辨論釋爵結援筆興文章穆穆衆君子好合同歡康  
促坐塞重帷傳滿騰羽觴

禮儀

卷四十五

五一 宴饗

宴會歌

晉無名氏

聲聲我皇配天垂光留精日昇經覽無方聽朝有暇  
延命衆臣冠蓋雲集罇俎星陳肴蒸多品八珍代變  
羽爵無算究樂極宴歌者流聲武者投袂動容有節  
絲竹並設宣暢四體繁手趣擊歡足發和酣不忘禮  
好樂無荒翼翼濟濟

冬至初歲小會歌

晉張華

日月不留四氣迴周節慶代序萬國同一作休庶尹  
羣后奉壽一作升朝我有嘉禮式宴百寮繁有綺錯  
旨酒泉亭笙鏞和奏磬管流聲上隆其愛下盡其心

宣其壅滯訓詁之德音乃宣乃訓配享交泰永載  
仁風長撫無外

皇太子集應令

晉潘尼

聖朝命方岳爪牙司北鄰皇儲延篤愛設餞送遠賓  
誰應今日宴具惟廊廟臣置酒宣猷庭擊鼓靈沼濱  
羽觴飛醕醪芳饌備奇珍巴渝二八奏妙舞鼓鐸振  
長袂一作袂生迴殿曲裾揚輕塵

皇太子賜謙詩

晉陸機

明明隆晉茂德有赫思媚上帝配天光宅誕育皇儲  
儀刑在昔微言時宣福祿來格勞謙降貴肆敬下臣  
禮儀

卷四十五

六一 宴饗

肇彼先驅翻成嘉賓

宴詩

梁武帝

止殺心自詳勝殘道未遍四主慚懷音九夷稍革面  
世治非去兵國安豈忘戰釣臺聞史籍岐陽書記傳  
和武帝宴詩二首

梁簡文帝

校尉開陳勅將軍定月支南通新息柱北屆武陽碑  
豫遊戲馬館教戰昆明池銀塘瀉清渭銅溝引直瀾  
常從良家子命中幽并兒金鞍飾紫珮玉燕帖青驪  
車書今已共願奏云亭儀

蔡壺今息鼓董案或開帷聊舉青龍陣正取絳宮時



曉立隨後拒轍祭逐前師軍門初露節步陳始分旗

後園宴樂

北齊魏收

東馬輕燕外獵雉陋秦中朝車轉夜轂仁旗指旦風  
式宴臨平圃展衛寫層<sup>一作層</sup>穹積崖疑造化導水通  
神功樹靜歸煙合簾疎反照通一逢堯舜日未假北  
山叢

晚宴文思殿

陳後主

晚日落餘暉宵圍翠蓋飛荷影侵池浪雲色入山扉  
螢光息復起暗鳥去翻歸樂極未言醉杯深猶恨稀

宴樂修堂應令

陳江總

禮儀

卷四十五

七

肅城通甲觀承華啓畫堂北宮降恩賞西園度羽觴  
殊私奉玉裕終宴在金房庭暉連樹彩簷影接雲光  
仙如伊水駕樂似洞庭張彈絲命琴瑟吹竹動笙簧  
庸踈濫應阮哀朽惡連章

賦得置酒高殿上

陳張正見

陳王開甲第粉壁麗椒塗高牕侍玉女飛闥敞金鋪  
名香散綺幕石硯彫金鑪清醪稱玉饋浮蟻擅蒼梧  
鄒巖恒接武申白日相趨容與升階玉差池曳履珠  
千金一巧笑百萬兩鬟姝趙姬未鼓瑟齊客罷吹竽  
歌喧桃與李琴挑鳳將雛魏君慚舉白晉主媿投壺

風雲更代序人事有榮枯長卿病消渴壁立還成都

宴東堂

隋煬帝

雨罷春光潤日落暝霞暉海榴舒欲盡山櫻開未飛  
清音出歌扇浮香飄<sup>一作飄</sup>舞衣翠帳全臨戶金屏半  
隱扉風花意無極芳樹曉禽歸

宴羣臣歌

隋無名氏

皇明馭曆仁深海縣載擇良辰式陳高宴顒顒卿士  
昂昂侯甸車旗煜燭衣纓葱蒨樂正展懸司官飾殿  
三揖稱禮九賓爲傳圓鼎臨碑方壺在面鹿鳴成曲  
嘉魚入薦筐篚相輝獻酬交徧飲和飽德恩風長扇

禮儀

卷四十五

八

春日玄武門宴羣臣

唐太宗

韶光開令序淑氣動芳年駐輦華林側高宴柏梁前  
紫庭文珮滿丹墀袞袞連九夷遙瑤席五狄列瓊筵  
娛賓歌湛露廣樂奏鈞天盈樽浮綠醕雅曲韻朱絃  
粵余君萬國還慚俯八埏庶幾保貞固虛已厲求賢

聖泉宴

唐王勃

披襟乘石磴列籍俯春泉蘭氣薰山酌松聲韻野絃  
影飄垂葉外香度落花前興洽林塘晚重巖起夕煙  
春日宴樂遊園賦得接字

唐王勃

帝里寒光盡神臯春望浹梅郊落晚英柳甸驚初葉

流水抽奇弄崩雲灑芳牒清樽湛不空暫喜平生接

奉和天樞成宴夷夏羣寮應制

長壽三年則天內鑄八銖銅柱高一百三十餘萬斤於定鼎門大周萬國述德天樞紀革命之功貶唐宗之德使納言姚壽護作天樞下置鐵山銅龍負載獅一麒麟圍繞上有雲蓋下施蟠龍以托珠高一丈圓三尺金形煥煌光作日月武三思爲其文乃悉鑲羣臣蕃酋名氏於其上朝士獻詩者不可紀惟李嶠詩冠絕當時

唐李嶠

轍迹銘西弁勲庸紀北燕何如萬方會頌德九門前的臨黃道迢迢入紫煙仙盤正下露高柱欲承天山類叢雲起珠疑大火懸聲流塵作劫業固海成田

禮儀

卷四十五

九

帝澤傾堯酒薰風入舜絃欣逢下生日還視上皇年

奉和梁王宴龍泓應教

唐宋之問

水府淪幽壑星軺下太微鳥驚司僕馭花落侍臣衣芳樹搖春晚晴雲遶坐飛淮王正畱客不醉莫言歸

春晚宴兩相及禮官於麗正殿探得風字

唐玄宗

朕以薄德祗膺曆數正天柱之將傾紉地維之已絕故得承奉宗廟垂拱巖廊居海內之尊處域中之大然後祖述堯典憲章禹績敦睦九族會同四海猶恐烝黎未乂徭戍未安禮樂之政虧師儒之

道喪乃命使者衣繡服行郡縣因人所利擇其可

勞所以便億兆也乃命將士擐介冑冒矢石審山

川之向背應歲月之孤虛所以靜邊陲也乃命禮

官考制度稽典則序文昭武穆享天地神祇所以

申嚴潔也乃命學者繕落簡緝遺編纂魯壁之文

章綴秦坑之煨燼所以修文教也故能使流寓返

粉榆之業戎狄稱藩屏之臣神祇歆其禮祀庠序

闡其經術既家六合時巡兩京函秦則委輸斯遠

鼎邑則朝宗所利封畿四塞從來測景之都城闕

千門自昔交風之地陰陽代謝日月相推豈可使

禮儀

卷四十五

十

春色虛捐韶華並歌乃置旨酒命英賢有文苑之

高才有掖垣之良佐舉杯稱慶何樂如之同吟湛

露之篇宜振凌雲之藻于時歲在乙丑開元十三

年三月二十七日

乾道運無窮恒將人代工陰陽調曆象禮樂報玄穹

介冑清荒外衣冠佐域中言談延國輔詞賦引文雄

野霽伊川綠郊明輦樹紅晷旒多暇景詩酒會春風

同二相已下羣官樂遊園宴

宣帝神爵三年春起其地多玫瑰樹首薦草

唐玄宗

選日巖廊暇需雲宴樂初萬方朝玉帛千品會簪裾

地入南山近城分北斗餘池塘垂柳暗原野雜花踈  
帝幙看逾暗歌鐘聽自虛興闌歸騎轉還奏弼違書  
奉和聖製同二相已下羣官樂遊園宴

唐崔沔初

五日醑纔畢千年樂未央復承天所錫終燕國之陽  
地勝春逾好恩深樂更張落花飛廣座垂柳拂行觴  
庶尹陪三史諸侯具萬方酒酣同拊躍歌舞詠時康  
奉和聖製同二相已下羣官樂遊園宴

唐胡皓初

五醑終宴集三錫躡娛僊阜崇高異神州覽眺殊  
禮儀  
卷四十五  
十一  
宴

南山臨皓雪北闕對明珠廣座鵷鴻滿昌庭駟馬趨  
綺羅含草樹絲竹吐郊衢銜杯不能罷歌舞樂唐虞  
奉和聖製同二相已下羣官樂遊園宴

唐王翰初

未極人心暢何如帝道明仍嫌醑宴促復寵樂遊行  
陸海披珍藏天河望斗城四關青靄合數處白雲生  
鼎餽調元氣歌鐘溢雅聲空慚堯舜日至德香難名  
奉和聖製同二相已下羣官樂遊園宴

唐崔尚初

春日照長安皇恩寵庶官合錢承罷宴賜帛復追歡

供帳憑高列城池入迴寬花催相國醉鳥和樂人彈  
北闕雲中見南山樹杪看樂遊宜締賞舞詠惜將闌  
奉和聖製同二相已下羣官樂遊園宴

唐趙冬曦初

裏塏三秦地芳華二月初醑承奠璧罷宴是合錢餘  
柳翠垂堪結桃紅卷欲舒從容會鵷鷺延曼戲龍魚  
喜氣流雲物歡聲來里閭聖恩將厚意請述記言書  
奉和聖製同二相已下羣官樂遊園宴

唐張說初

漢苑臨佳地軒庭近侍臣共持榮幸日來賞豔陽春  
禮儀  
卷四十五  
十二  
宴

饌玉頒王篚撝金下帝鈞池臺草色遍宮觀柳條新  
花綬光連榻朱顏暢飲醇聖朝多樂事天意每隨人  
奉和聖製同二相已下羣官樂遊園宴

唐張九齡初

寶筵延厚命供帳序羣公形勝宜春接儀文建禮同  
晞陽人似露解慍物從風朝慶千齡始年華二月中  
輝光遍草木和氣發絲桐歲歲無爲化徒知樂九功  
奉和聖製同二相已下羣官樂遊園宴

唐宋璟初

侍飲終醑會承恩續勝遊戴天惟慶幸選地卽殊尤

北向祇雙闕南臨賞一丘曲江新溜暖上苑雜花稠  
疊疊韶絃屢多貴帛周醉歸填吟陌榮耀接軒裘

奉和聖製同二相已下羣官樂遊園宴

唐蘇頌初

樂遊光地選酺飲慶天從座密千官盛場開百戲容  
綠塍際山盡翠幕倚雲重下上花齊發周迴柳遍濃  
奪晴紛劒履喧聽雜歌鐘日晚含恩散堯人併可封  
首夏華萼樓觀羣臣宴寧王山亭迴樓下申之

以竹樂賦詩并序

唐玄宗

萬物莫不氣兆乎上而形視乎下鐵石異品雲蒸

禮儀

卷四十五

十三

宴樂

並濕草木無心春來咸喜故聖人弘道先王法天  
酒星主獻酬之義需卦陳飲食之象近命羣官欣  
時樂宴盡九春之麗景匝三旬之暇日暢飲桂山  
棹歌泌水醇以養德味以平心本將導達陽和助  
成長育亦朝廷多慶軍國餘閑者也前月之晦細  
風飄雨繁絃中止列席半醉佳辰易失絕興難追  
良可慨也今年帶閏節候全晚暑氣猶清芳草未  
歇申布雅意復叙初筵披樂善之邸坐忘憂之觀  
東郊跬步南山在目足以締夏首之新賞補春餘  
之墜歡矣朕登覽上宮俯臨長陌暢衆心之怡虞

歡歸騎之逶迤鼓之以瑟琴侑之以筐篚衢樽意  
洽場霍思苗賦我有嘉賓之詩奏君臣相悅之樂  
踟躕西日吟翫乘風不知衷情發於翰墨也

今年通閏月入夏展春輝樓下風花晚城隅宴賞歸  
九歌揚政要六舞散朝衣天喜時相合人和事不違  
禮中推意厚樂處感心微別賞陽臺樂前旬暮雨飛  
奉和聖製華萼樓下宴應制 唐張說初

萬心翹樂宴三舍緩昌時山接夏雲險臺留春日遲  
節移芳未歇興隔賞仍追醉後傳嘉惠樓前舞聖慈  
皇恩與時合天意若人期故發前旬雨新垂湛露詩

禮儀

卷四十五

十四

宴樂

奉勅宴梁王宅賦得樹字

唐張說初

虎殿成鴻業援巖題鳳賦既荷大君恩還蒙小山遇  
秋吹迎絃管涼雲生竹樹共惜朱邸歡無辭洛城暮  
三月二十日詔宴樂遊園賦得風字

唐張說初

樂遊形勝地表裏望郊宮北闕連天頂南山對掌中  
皇恩貸芳月旬宴美成功魚戲芙蓉水鶯啼楊柳風  
春花看欲暮天澤戀無窮長袖招斜日留光待曲終  
奉和上陽水牕賜宴得移字 唐張九齡初  
河漢非應到汀洲忽在斯仍逢帝樂下如逐海槎窺

春賞時將換皇恩歲不移今朝遊宴地莫比天淵池

龍門旬宴得月字韻

唐張九齡

恩華遂芳歲形勝兼韶月中席傍魚潭前山倚龍闕  
花迎妙妓至鳥避仙舟發宴衍良在茲再來情不歇

天津橋賜宴得歌字

唐張九齡

清洛象天河東流形勝多朝來逢宴喜春盡却妍和  
泉鮪歡時躍林鸞醉裏歌賜恩頻若此爲樂奈人何

奉和上陽水牕賜宴得春字

唐孫逖

今日逢新夏歡遊續舊旬氣和先作雨恩厚別成春  
鳳管臨青洛龍輿下紫宸此中歌在藻還見躍潛鱗

禮儀

卷四十五

十五

宴樂

大同殿生玉芝龍池上有慶雲百官共觀蒙恩

錫宴敢書卽事

唐王維

欲笑周文歌宴鎬還輕漢武樂橫汾豈如玉殿生三  
秀復有龍池出五雲陌上堯樽傾北斗樓前舜樂動

南薰共歡天意同人意萬歲千秋奉聖君

奉和聖製重陽賜會聊示

唐李泌

大唐造昌運品物荷時成乘秋逢令節錫宴歡羣情  
俯臨秦山川高會漢公卿未追赤松子且泛黃菊英

賡歌聖人作海內同休明

奉和聖製重陽日百寮曲江宴示懷

唐崔元翰

偶聖觀昌期受恩慙弱質幸逢良宴會況是清秋日  
遠岫對壺觴澄瀾映簪紱包羔備豐膳象鳳詔鳴律  
薄劣廁英髦歡娛忘衰疾平臯行鴈下曲渚雙鳬出  
沙岍菊開花霜枝果垂實天文見成象帝念資勤恤  
探道得玄珠齋心居特室豈如橫汾唱其事徒驕逸

奉和聖製重陽日賜宴

唐韋應物

聖心憂萬國端居在穆清玄功致海晏錫謙表文明  
恩屬重陽節雨應此時晴寒菊生池苑高樹出宮城  
捧藻千官處垂戒百王程復覩開元日臣愚獻頌聲

禮儀

卷四十五

十六

宴樂

奉和聖製麟德殿宴百寮

唐盧綸

雲闕御筵張山呼聖壽長玉欄豐瑞草金陛立神羊  
台鼎資庖膳天星奉酒漿蠻夷陪作位犀象舞成行  
網已祛三面歌因守四方千秋不可極花發滿宮香

和御製麟德殿宴百寮

唐宮嬪宋若昭

垂衣臨八極肅穆四門通自是無爲化非關輔弼功  
修文招隱伏尚武殄妖兇德炳韶光熾恩沾雨露濃  
衣冠陪御宴禮樂盛朝宗萬壽稱觴舉千官信一同

和御製麟德殿宴百寮

唐宮嬪宋若荀

端拱承休命時清荷聖皇四聰聞受諫五服遠朝王

景媚鶯初囀春殘日更長命筵多濟濟盛樂復錦  
豐鎬誰將敵橫汾未可方願齊山嶽壽祉福永無疆  
奉和聖製九月十八日賜百寮追賞因書所懷

唐權德輿

錫宴朝野洽追歡堯舜情秋堂絲管動水榭煙霞生  
黃花媚新霽碧樹含餘清同和六律變交泰萬寓平  
睿藻下中天湛恩口文明小臣諒何幸亦此影華纓

錫宴日詩

唐韓偓

玉銜花馬踏天街詔遣追歡綺席開中使押從天上  
去外人知自日邊來臣心淨比漪漣水聖澤深於漱

禮儀

卷四十五

十七

灋堆才有異恩頒稷契已將優禮及鄒枚清商迴向  
黎園降妖妓新行峽雨迴不散通靈離禁直曉來殘  
醉入銀杯

○酺宴

奉和賜酺

隋書本傳曰煬帝自東都還京師賜酺四日為五言詩詔羣臣詩

成者奏之帝覽詩而善之謂侍臣曰氣高致遠歸之於胃詞清體潤其在世基意密理新惟庚自直過此者未可以言詩也帝所有篇什多令繼和與虞綽齊名同志友善丁時

後進之士咸以二人為準的

隋王冑

河洛稱朝市崑崙實與區周管曲阜作漢建奉春謨  
大君苞二代皇居盛兩都招搖正東指天駟迺西驅

展軫齊玉軼式道耀金吾千門駐罕單四達儼車徒  
是節春之暮神臯華實敷皇情感時物睿思屬粉榆  
詔問百年老恩隆五日酺小人荷鎔鑄何由荅大鑪

大酺二首

唐杜審言

聖后乘乾日皇明御曆辰紫宮初啓坐蒼壁正臨春  
雷雨垂膏澤金錢贈下人詔酺歡賞遍交泰覩惟新

二

毘陵震澤九州通士女歡娛萬國同伐鼓撞鐘驚海  
上新妝袷服照江東梅花落處疑殘雪柳葉開時任  
好風火德雲官逢道泰天長地久屬年豐

禮儀

卷四十五

十八

奉和上元酺宴應詔

唐楊炯

甲乙遇災年周隋送上絃祆星六丈出沴氣七重懸  
赤縣空無主蒼生欲問天龜龍開寶命雲火照靈慶  
萬物覩真人千秋逢聖政祖宗玄澤遠文武休光盛  
大號域中平皇威天下驚參辰昭文物宇宙浹聲明  
漢后三章令周王五伐兵匈奴窮地角本自達正朔  
驕子起天街由來虧禮樂一戰掃風雨再戰夷屯剝  
清明日月旦蕭索煙雲煥寒暑既平分陰陽復貞觀  
惟神詣妙物乃聖符幽贊下武發微祥平階屬會昌  
金泥封日觀璧水匝明堂業盛助華德輿包天地皇



孝思義罔極易禮光前式天煥三辰暉靈書五雲  
敬時窮發歛卜代盈千億五緯聚華軒重光入望園  
公卿論至道天子拜昌言雷解初開出星空即使元  
瑤臺涼景薦銀闕秋陰徧百戲騁魚龍千門壯宮殿  
深仁洽蠻徼愷樂周寰縣宣室召羣臣明庭禮百神  
仰德還符日沾恩更似春襲城非牧豎楚國有巴人

洛城觀酺應制

唐陳子昂初

聖人信恭已天命允昭回蒼極神功被青雲秘籙開  
垂衣受金冊張樂宴瑤臺雲鳳休徵滿龍魚雜戲來  
崇恩踰五日惠澤暢三才玉帛羣臣醉微章縉禮該  
禮儀

卷四十五

十九

酺宴

方觀升中禪言觀拜洛迴微臣固多幸敢上萬年杯

春中興慶宮酺宴

并序

唐玄宗

夫抱器懷才含仁蓄德可以坐而論道者我於是  
乎闢重門以納之作扞四方折衝萬里可運籌帷  
幄者我於是乎懸重祿以待之是故外無金革之  
虞朝有緡紳之盛所以巖廊多暇垂拱無爲不言  
而海外知歸不教而寰中自肅元亨之道其在茲  
乎况乎天地交而萬物通陰陽和而四時序所寶  
者粟所貴者賢故以宵旰爲懷黎元在念盡力溝  
洫不計宮室之已卑致敬鬼神不知飲食之斯薄

往以仲冬建子南至初陽爰詔司存式陳郊祀挹  
夷夏之誠請咨人神之厚睠禮歸太一禮備上玄  
足以申昭報之情足以極嚴禋之道然心融萬類  
歸雷雨之先春慶洽百寮象雲天而高宴歲二月  
地三秦水汎汎而龍池滿日遲遲而鳳樓曙青門  
左右軒庭映梅柳之春紫陌東西帟幕動煙霞之  
色撞鐘伐鼓雲起雪飛歌一聲而酒一杯舞一曲  
而人一醉詩以言志思吟湛露之篇樂以忘憂  
運臨汾之筆

九達長安道三陽別館春還將聽朝暇迴作豫遊展

禮儀

卷四十五

二十一

酺宴

不戰要荒服無刑禮樂新合酺覃七宇歡宴接羣臣  
玉竿飛千日瓊筵薦八珍舞衣雲曳影歌扇月開輪  
伐鼓魚龍雜撞鐘角觝陳曲終酣興晚須有醉歸人

奉和聖製南郊禮畢酺宴

唐張九齡初

配天昭聖業率土慶輝光春發三條路酺開百戲場  
流恩均庶品縱觀聚康莊妙舞來平樂新聲出建章  
分曹日抱戴赴節鳳歸昌幸奏承雲樂同晞湛露陽  
氣和皆有感澤厚自無疆飽德羣臣醉連歌奉柏梁

奉和聖製登封禮畢洛城酺宴

唐張九齡初

大君畢能事端展樂成功運與千齡合歡將萬國同

漢酺歌聖酒韶樂舞薰風河洛榮光遍雲煙喜氣通  
春華頻覺早天澤倍加崇草木皆霑被猶言不在躬

東都酺宴四首

并序

唐張說初

先天元祀孟冬十月東都留守韋公寅奉聖朝述  
宣嘉旨乃合洛京之五省招河伊之二縣將吏咸  
集佩章有序鏘鏘濟濟侃侃聞闕供帳於興教之  
門式酺宴也原夫樂生於心非因結風之奏和達  
於氣無待陽春之節蓋澤之所及也深則情之所  
感者遠國家天地一統君臣百年朝榮舊德之序  
野賴先疇之業玄化漸漬洪恩既久太上功德不  
禮儀

卷四十五

王

酺宴

宰夏后命子之初皇帝孝理無爲漢祖事親之日  
生堯舜於天屬見文武於同時前古未逢斯人何  
幸是日六樂振作萬舞再弱鳥獸徘徊士女踴躍  
則知衆庶觀德之所樂也旨酒絡繹大庖燔炙芳  
溢風煙醉流阡陌又知衣冠之所適也由近而視  
達萬國之慶皆然自明而察幽三靈之欣可接若  
夫吟詠德澤播越仁聲斯固雅頌之餘波政教之  
遺美凡我詞客安敢闕如賦詩展事垂列於後  
重華昇寶曆軒帝眇閑居政成天子孝俗返上皇初  
忘味因觀樂歡心寄合酺自憐疲馬意戀戀主恩餘

二

朱城塵曉滅翠幙景情開震震靈鼉起翔翔舞鳳來  
雕盤裝草樹綺乘結樓臺共喜光華日酣歌捧玉杯

三

曉月調金鼓朝暾對玉盤爭馳羣鳥散鬬伎百花團  
遇聖人知幸承恩物自歡洛橋將舉燭醉舞拂歸鞍

四

愷宴惟今席餘歡殊未窮入雲歌嫋嫋向日妓叢叢  
映管催酣興留關待曲終長安若爲樂應與萬方同

東都酺宴

唐張說初

禮儀

卷四十五

王

酺宴

堯舜傳天下同心致太平吾君內舉聖遠合至公情  
錫命承丕業崇親享大名二天資廣運兩曜益齊明  
道暢昆蟲樂恩深朽蠹榮皇興久西幸留鎮在東京  
合宴千官入分曹百戲呈樂來嫌景遽酒著訝寒輕  
喜氣連雲閣歡呼動洛城人間知幾代今日見河清  
奉和聖製春中興慶宮酺宴 唐張說初  
千齡逢啓聖萬域共來威慶接郊裡後酺承農事稀  
御樓橫廣路天樂下重闈鸞鳳調歌曲虹霓動舞衣  
合聲雲上聚連步月中歸物覩恩無外神和道入微  
鑄京陪樂飲柏殿奉文飛徒竭秋雲影何資春日暉

廣運樓下夜侍醑宴應制

唐蘇頌

東岳封廻宴洛京西牖通曉會公卿樓臺絕勝宜春  
苑燈火還同不夜城正觀人間朝市樂忽聞天上管  
絃聲醑來萬舞羣臣醉喜戴千年聖主明

夏月華萼樓醑宴應制

唐王昌齡

土德三元正堯心一國同汾陰備冬禮長樂應和風  
賜慶垂天澤流歡舊渚宮樓臺生海上簫鼓出天中  
霧曉庭初接宵長曲未終雨隨行幕合月照舞羅空  
玉陛分朝列文章發聖聰恩臣忝詩賦歌詠頌絲桐  
大醑得長字韻

唐儲光義

禮儀

卷四十五

三

大道啓元命時人居太康中朝發玄澤下國被天光  
明詔始端午初筵當履霜鼓聲迎爽氣羽籥映新陽  
太守卽玄圃淮夷成葆疆小臣慚下位拜手頌靈長  
獻高使君大醑作

唐儲光義

肅穆郊禋畢工歌賞事并三朝遵湛露一道洽仁明  
布德音皆應無爲物自成花添羅綺色鶯亂管絃聲  
獨有同高唱空陪樂太平

流夜郎聞醑不預

唐李白

北闕聖人歌太康南冠君子竄遐荒漢醑聞秦酌天  
樂願得風吹到夜郎

侍宴

侍太子坐

魏陳思王

白日曜青春時雨靜飛塵寒水辟炎景一作涼風飄  
我身清醴盈金觴餽饌縱橫陳齊人進奇嘉一作樂歌  
者出西秦翩翩我公子機巧忽若神

侍五官中郎將建章臺集詩

魏應瑒

朝鴈鳴雲中音響一何哀問子遊何鄉戢翼正徘徊  
言我塞門來將就衡陽栖往春翔北土今冬客南淮  
遠行蒙霜雪毛羽日摧頽常恐傷肌骨身隕沈黃泥  
簡珠墮沙石何能中自諧欲因雲雨會濯翼陵高梯

禮儀

卷四十五

三

良遇不可值伸眉路何階公子敬愛客樂飲不知疲  
和顏旣已暢乃肯顧細微贈詩見存慰小子非所宜  
且爲極歡情不醉其無歸凡百敬爾位以副饑渴懷  
侍武帝華林園集詩九章

洛陽園經曰華林園在城內東北隅魏明

帝起名芳林園齊王芳敗名華林

晉應貞

悠悠太上民之厥初皇極肇建彝倫攸敷五德更運  
膺錄一作受符應錄受符陶唐旣謝天歷在虞

於時上帝乃顧惟春光我晉祚應期納禪位以龍飛

文以虎變玄澤滂流仁風潛扇區內宅心方隅

天垂其象地耀其文鳳鳴朝陽龍翔景雲嘉禾重穎

竟發載芬率土咸序一作人胥悅欣

恢恢皇度穆穆聖容言思其順貌思其恭在視斯明  
在聽斯聰登庸以德明試以功

其恭惟何昧且不顯無理不經無義不踐行捨其華  
言去其辯游心至虛同規易簡六府孔修九有斯靖

一作來踐

澤靡不被化罔不加聲教南暨西漸流沙幽人肄一作  
肆險達國忘遐越裳重譯充我一作皇家

我我列辟赫赫虎臣內和五品外威四賓修一作時  
貢職入覲天人備言錫命羽蓋朱輪

禮儀

卷四十五

三五

侍宴

貽宴好會不常厥敷神心所受一作不言而喻於是  
一作射弓矢斯御發彼五的有酒斯飲

文武之道厥猷未墜在昔先王射一作御茲器示武  
懼荒過亦為失試凡厥羣后無懈於位千寶晉紀曰

月上幸芳林園與羣臣宴賦詩  
觀志散騎常侍應自詩最美

侍皇太子宴始平王

晉王讚

豐聖胤繼明重體樂此棠棣其甘如薺我有嘉宴  
以洽百禮煌煌同族鵲鵲王寮惟中惟外如瓊如瑤  
湛湛朝雲德靡不覆玄黃所綴文成絲繡政以神和  
樂以安奏一人有慶萬邦是祐

侍宴詩南史云孝武嘗歡飲普令羣臣賦詩慶  
之日臣請口受師伯上令顏師伯執筆慶之  
口受之云云上甚悅衆坐並稱其辭意之美

宋沈慶之

微生遇多幸得逢時運昌朽老筋力盡徒步還南岡  
辭榮此聖世何愧張子房

三日侍華光殿曲水宴代人應詔十章

齊謝朓

羣分未辨類聚茲式天睠休明且求至德御繁實簡  
制動惟默官府百王衣裳萬國

中葉遭閔副內多違悠悠靈貺爰有適歸於昭曆后  
禮儀

卷四十五

二十六

侍宴

撫運天飛凝居中縣神動外畿  
懸象著明離光乃位我有儲德微猷淵備長壽察書

龍樓廻轡重道上庠行遵儒肆  
朝陽有幹布葉萋萋思皇威矣鷦羽高樓出馳先輅

入秉介珪瞻泰望井建曾分奎  
求賢每勞得士方逸有覺斯順無文咸秩萬箱惟重

百鏐載卹屈草戒諛階賞紀日  
文教已肅武節既馳榮光可照合璧如規載懷姑射

尚想瑤池濯龍乃飾天淵在斯  
作樂順動實符時義上春初吉亦留淵寄紅樹巖舒

青沙水被雕梁虹拖雲霓鳥跂

高懸甲帳周塞繡帷長延列陞激水旋墀浮醪聚蟻

靈蔡呈姿河宗躍踢海介夔跼

弱腕纖腰遷延妙舞秦箏趙瑟殷勤促柱降席連綫

稱觴接武稽首萬年獻茲多祐

天地既成泉流既清薄暮沾幸屬奉文明將標齊配

刻掃秦京願馳龍漠飲馬懸旌

侍宴華光殿曲水奉勅爲皇太子作九章

齊謝朓

旁求邃古遯聽鴻名大寶曰位得一爲貞朱梯叶社

禮儀

卷四十五

三七

侍宴

綠字摘英升配同貫進讓殊聲

大橫將屬會昌已命國步中徂震居膺慶聖劔先傳

龜玉增映宗堯有緒復禹無競

禮行郊社人神受職實效山川鱗羽變色玄塞北靡

丹微南極浮毳駕風非泳非陟

能官民秀利建天跗朽鵠列野營絳分區論思帝則

獻納宸樞麟趾方定鵲翼誰濡

西京謁謁東都濟濟秋被濯流春袂浮醴初吉云獻

上除方啓昔駕陽纘今帳雲陞

嘉樂舊矣芳宴在斯載留神矚有睟天儀龍精已映

威仰未移葉依黃鳥花落春池

高殿弘敞禁林稠密青磴崛起丹樓間出翠葆隨風

金戈動日惆悵清管徘徊輕脩

灞漣入筵河淇流昨海一作若來往觴有汾沂

歡飲有終清光欲暮輕貂回首華組徐步

登賢博望獻賦清漳漢貳稱敏魏兩垂芳監撫有則

比邕無方瞻言守器永愧元良

擬顏特進延之侍宴

梁江淹

太微凝帝宇瑤光正神縣揆日粲書史相都麗聞見

列漢構仙宮開天製寶殿桂棟留夏廳蘭棹停冬霰

禮儀

卷四十五

三七

侍宴

青林結冥濛丹巘被一作葱蒨山雪備卿謁池卉具

靈變重陽集清氛下輦降玄宴鸞望分寰隊矚曠盡

都甸氣生川岳陰煙滅淮海見中坐溢朱組步欄造

瓊升禮登佇睿情樂闋延皇眄測恩躋愉逸公牒懽

浮賡承榮重兼金一作榮重巡華過盈瑱敢飾輿人

詠方慙淥水薦

侍宴

梁王僧孺

麗景屬春餘清陰澄夏首交枝隱脩逕迴流影遙阜

徒帷輾輕筠移鑾拂高柳去矣勞茂績勉哉報嘉誘

小臣良不才涓塵媿所守何用勝雕斲譬木良如朽

侍宴景陽樓

梁王僧孺

金鋪燦可鏡桂棟儼臨雲沾觴均飲德服道驗  
詎論禹無間非恥堯爲君小臣亦何者短翮屢追羣

侍宴景陽樓

梁王僧孺

廻輿避暑宮下輦迎風館散漫輕煙轉霏微商雲散  
蔓草巨巖垂高枝起天半回風稍驚水落光漸斜岸  
妙儻駐行雲清歌入層漢睟顏暢有懌德音良已粲

侍宴二首

梁劉孝綽

清宴延多士鴻漸濫微薄臨炎出蕙樓望辰躋蘭閣  
上征切雲漢倪眺周京洛城寺鬱參差街衢紛漠漠

禮儀

卷四十五

三十 侍宴

禁林寒氣晚方秋未搖落皇心重發志賦詩追並作  
自昔承天寵於茲被人爵選言非綺綺何以儷金縷

二

茲堂乃峭嶠伏檻臨曲池樹中望流水竹裏見攢枝  
欄高景難蔽岫隱雲易垂邇逢休幸朱蹕曳青規  
丘山不可荅葵藿空自知

侍宴同劉公幹應令

梁劉孝綽

副君西園宴陳王謁帝歸列位華池側文雅縱橫飛  
小臣輕蹕翼勉勉謬相追置酒陪朝日淹留望夕霏

侍宴集賢堂應令

梁劉孝綽

北閣時既啓西園又已闢官屬引鴻鸞朝行命金碧  
伊臣獨何取隆恩徒自昔布武登玉墀委坐陪瑤席  
綢繆參宴笑淹留奉觴醴壺人告漏晚煙霞起將夕  
返景入池林餘光映泉石

侍宴樂遊林光殿曲水

梁劉孝威

蒸哉軒頊赫矣堯心女媧補石重華紱一作金湯羅  
禹扇義慈農琴皇平備矣受命君臨試舟五反和樂  
九成鉤楯秘戲協律新聲丹極水激縫綵葩榮天吳  
還往海若逢迎

侍宴謝朓宅餞東歸應制

梁沈約

禮儀

卷四十五

三十 侍宴

皇情悵東馳羽旆拂南廡夏雲清朝景秋風揚早蟬  
飲和陪下席論道光上筵

樂將殫恩未已應詔

梁沈約

淒鏘笙管道參差舞行亂輕肩既屢舉長巾亦徐換  
雲鬢垂寶花輕妝染微汗羣臣醉又飽聖恩猶未半

侍宴應令

梁庾肩吾

副君時暇豫曾城聊近遊清池寫飛閣踈樹出龍樓  
北陸水方壯西園春欲周梅心芳屢動蒲節促難抽  
徒然欣並命無以廁應劉

侍宴宣猷堂應令

梁庾肩吾



副君德將聖陳王才挾天歸來宴平樂置酒對林泉  
鑪香雜山氣殿影入池連豔舞時移節新歌屢上絃  
聽曲慚迴顧思經徒欲眠

侍宣猷堂宴湘東王應令

梁庾肩吾

陳王驂駕返副后西園遊並命登飛閣列坐對芳洲  
桂巖逢暮序菊水值窮秋竹逕簫聲發桐門琴曲愁  
一作徒奉文成誦空知思若抽

侍宴景陽樓應令

梁庾肩吾

沐道逢將聖飛觴屬上賢仁風開美景瑞氣動非煙  
秋樹翻黃葉寒池墮黑蓮承恩謝命淺念報在身前  
禮儀

卷四十五

三十一

侍宴

華光殿侍宴賦競病韻南史曰景宗累立軍功後破魏帥凱旋帝于華光殿宴飲聯句令左僕射沈約賦韻景宗啓求賦詩帝曰卿技能甚多人才英拔何必止在一詩景宗已醉求作不已時韻已盡惟餘競病二字景宗便操筆而成帝深歎賞  
梁曹景宗

去時兒女悲歸來笳鼓競借問行人何如霍去病

侍宴玄武觀

陳江總

詰曉三春暮新雨百花朝星宮移渡早天駟動行鑣  
旆轉蒼龍闕塵飛飲馬橋翠觀迎斜照丹樓望落潮  
鳥聲雲裏出樹影浪中搖歌吟奉天詠未必待聞韶  
侍宴瑤泉殿

陳江總

水亭通粉詣石路接堂皇野花不識采旅竹本無行  
雀驚疑欲曙蟬噪似含涼何言金殿側亟奉瑤池觴

侍宴臨芳殿

陳江總

鍾箭自一作且徘徊皇堂薦羽杯橋平疑水落石迴見  
山開林前暝色靜花處近香來西崕傷撫夕北閣盪  
遊陪

秋日侍宴萼苑湖應詔

陳江總

翠渚還鑾輅瑤池命羽觴千門響雲蹕四澤動榮光  
玉軸昆池浪金舟太液張虹旗照島嶼鳳蓋繞林塘  
野靜重陰濶淮秋水氣涼霧開樓閣近日迴煙波長  
禮儀

卷四十五

三十一

侍宴

洛宴諒斯在鍋飲詎能方朽劣叨榮遇簪笏奉周行  
侍宴

陳徐陵

園林才有熱夏淺更勝春嫩竹猶含粉初荷未聚塵  
承恩豫下席應阮獨何人

御幸樂遊苑侍宴

陳張正見

大君臨四表榮光普八埏區中文化洽海外武功宣  
鳳下書丹篆龜符著綠編昆明不習戰雲夢豈遊畋  
軌文通萬國旌節靖三邊高秋藐姑射睿想屬汾川  
兩宮明合璧雙闕帶非煙揚鑾出城觀詔蹕指郊壩  
禁苑廻雕輦離宮建翠旒流水背雷轂追風赴電鞭

畫熊飄析羽金埒響膠弦鳴王升文砌稱觴溢綺筵  
獸舞依鐘石鸞歌應管絃霞明黃鵠路風爽白雲天  
潦收荷葢折露重菊花鮮上林賓早鴈長楊唱晚蟬  
小臣慚藝業擊壤慕懷鉛康衢飛駛羽大海滴微涓  
詠歌還集木舞踏遂臨泉願薦南山壽明明奉萬年

入隋侍宴應詔後主從隋文帝東巡登芒山賦陳後主

一作萬  
年書  
日月光天德山河壯帝居太平無以報願上東封書

侍宴應詔賦韻得前字 唐虞世南初

芬芳禁林晚容與桂舟前橫空一鳥度照水百花燃

禮儀 卷四十五 三三 侍宴

綠野明斜日青山澹晚煙陪終宴賞握管類窺天

侍宴歸鴈堂 唐虞世南初

歌堂面綠水舞館接金塘竹開霜後翠梅動雪前香  
鳥歸初可侶鴈起欲分行刷羽同棲集懷思愧稻粱

玄武門侍宴 唐杜正倫初

大君臨展暇脣賞狎林泉開軒臨禁籞藉野列芳筵  
參差歌管颺容裔羽旗懸玉池流若醴雲閣聚非煙  
湛露晞堯日薰風入舜絃大德侔玄造微物荷陶甄  
謬陪瑤水宴仍廁柏梁篇闕名徒上月鄒辯詎談天  
既喜光華旦還傷遲暮年猶冀升中日輕若奉蕭然

侍宴步冊宮應制得情字 唐許敬宗初

三星希曙景萬騎翊天行葆羽翻風隊騰吹掩山楹  
暖日晨光淺飛煙旦彩輕寒寒桃變色冰斷前流聲  
漸奏長安道神臯動睿情

銀潢宮侍宴應制 唐魏元忠初

別殿秋雲上離宮夏景移寒風生玉樹涼氣下瑤池  
顰花仍吐葉巖木尚抽枝願奉南山壽千秋長若斯

過太平公主山亭侍宴 唐張昌宗初

淮南有小山嬴女隱其間折桂芙蓉浦吹簫明月灣  
扇掩將雛曲釵承墮馬鬟歡情本無限暮掩洛城關

禮儀 卷四十五 三十四 侍宴

太平公主山亭侍宴應制 唐李嶠初

黃金瑞榜絳河隈白玉仙輿紫禁來碧樹青岑雲外  
聳朱樓畫壁水中開龍舟下瞰鮫人室羽節高臨鳳  
女臺遽惜歡娛歌吹晚揮戈更却曜靈回

甘露殿侍宴應制 唐李嶠初

月宇臨丹地雲牕網碧紗御筵陳桂醑天酒酌榴花  
水向浮橋直城連禁苑斜承恩恣歡賞歸路滿煙霞  
宿羽亭侍宴應制 唐杜審言初

步輦千門出離宮二月開風光新柳報宴賞落花催  
碧水搖空閣青山繞吹臺聖情留晚興歌管送餘杯

仙萼池亭初成侍宴應制

唐沈佺期

山中氣色和宸賞第中過輦路拔仙掌帷宮拂帝蘿  
泉臨香澗落峰入翠雲多無異登玄圃東南望白河

仙萼池亭侍宴應制

唐沈佺期

步輦尋丹嶂行宮坐翠微川長看鳥滅谷轉聽猿稀  
天磴扶階迴雲泉透戶飛開花開石竹幽葉吐薔薇  
徑狹難留騎亭寒欲進衣白龜來獻壽仙次返彤闈

白蓮花亭侍宴應制

唐沈佺期

九日陪天仗三秋幸禁林霜威變綠樹雲氣落青岑  
水殿黃花合山亭絳葉深朱旗夾小徑寶馬駐清潯

禮儀

卷四十五

三

侍宴

苑吏收寒果饗人膳野禽承歡不覺暝遙經素秋砧

麟趾殿侍宴應制

麟趾殿在長安城漢明帝建  
嘗集公卿有文學者八十人

於此刊  
校經史

唐宋之問

北闕層城峻西宮複道懸乘輿歷萬戶置酒望三川  
花柳含丹日山河入綺筵欲知陪賞處空外有飛煙

上陽宮侍宴應制得林字

唐宋之問

廣樂張前殿重裘感聖心砌奠霜月盡庭樹雪雲深  
舊渥驂宸御慈恩忝翰林微臣一何幸再得聽瑤琴

奉和幸上陽宮侍宴應制

唐宗楚客

紫庭金鳳闕丹禁玉雞川似立蓬瀛上疑遊崑閬前

鳥將歌合轉花共錦爭鮮湛露飛堯酒薰風入舜絃  
水光搖落月樹色帶晴煙向夕迴瑤輦佳氣滿巖泉

春日芙蓉園侍宴應制

唐宋之問

芙蓉素地沼盧橘漢家園谷轉斜盤徑川迴曲抱源  
風來花自舞春入鳥能言侍宴瑤池夕歸途騎吹繁

春日芙蓉園侍宴應制

唐李嶠

年光竹裏遍春色杏間遙煙氣籠青閣流文蕩畫橋  
飛花隨蝶舞艷曲伴鶯嬌今日陪歡豫還疑陟紫霄

春日芙蓉園侍宴應制

唐李乂

水殿臨丹籞山樓遶翠微昔遊人託乘今幸帝垂衣

禮儀

卷四十五

三

侍宴

澗條綠峰合巖花逗浦飛朝回江曲地無處不光輝

春日芙蓉園侍宴應制

唐蘇頌

御道紅旗出芳園翠輦遊繞花開水殿架竹起山樓  
荷葉輕蕙煙魚龍出負舟寧如穆天子空賦白雲秋

侍宴應制得分字

唐喬知之

紫禁肅晴氣朱樓落曉雲豫遊龍駕轉天樂鳳簫聞  
竹外仙亭出花間輦路分微臣一何幸詞賦奉明君

梨園亭侍宴應制

唐喬知之

年光陌上發香輦禁中遊草綠鴛鴦殿花紅翡翠樓  
天杯承露酌仙管雜風流今日陪歡豫皇恩不可酬

初春行宮侍宴應制得天字 唐蘇味道

溫液吐涓涓跳波急應絃簪裾承睿賞花柳發韶年  
聖酒千鍾洽宸章七曜懸微臣從此醉還似夢鈞天

春日洛陽城侍宴 唐姚崇

南山開寶曆北渚對芳蹊的歷風梅度參差露草低  
堯樽臨上席舜樂下前谿任重由來醉乘酣志轉迷

故洛陽城侍宴應制 唐姚崇

遊豫停仙蹕登臨對晚晴川島連側影巖鳥應虛聲  
野奏風成曲山居雲作纓今朝丘壑上高興小蓬瀛

春晚侍宴麗正殿探得開字 唐張說

禮儀 卷四十五 三七 侍宴

聖政惟稽古賓門引上才坊因購書立殿爲集賢開  
髦彥星辰下仙章日月廻字如龍負出韻是鳳銜來  
庭柳餘春駐官櫻早夏催喜承芸閣宴幸捧柏梁杯  
晦日詔宴永穆公主亭子賦得流字

唐張說

堂邑山林美朝恩晦日遊園亭含淑氣竹樹繞春流  
舞席千花妓歌船五彩樓羣歡與王澤歲歲滿皇州

荷亭侍宴應制 唐張說

廻鑾青岳觀帳殿紫煙峰仙路迎三鳥雲衢駐六龍  
園林看化塔壇墀識餘封山外聞簫管還如天上聽

侍宴武三思山第同用風字 唐張說

梁王池館好曉日鳳樓通竹町羅千衛蘭筵降兩宮  
清歌芳樹下妙舞落花中臣覺筵中聽還如大國風

侍宴武三思第同用風字 唐韋安石

梁園開勝境軒駕動宸衷早荷承湛露脩竹引薰風  
九醞傾鍾石百獸協絲桐小臣陪宴錦獻壽奉維嵩

畫殿侍宴應制 唐徐安貞

校文常近日賜宴忽昇天酒正傳杯至饗人捧案前  
玉階鳴溜水清閣引歸煙共惜芸香暮春風度幾年

侍宴曲 唐賈至

禮儀 卷四十五 三八 侍宴

雲陛褰珠扆天墀覆綠楊隔簾妝隱映向席舞低昂  
鳴珮長廊靜開冰廣殿涼歡餘劒履散同輦入昭陽

詩雋類函卷四十六

東吳俞安期纂

宣城協鼎祚增定

陽羨吳時宣訂校

禮儀部四

藉田 侍耕附

封禪

巡幸

駕迴

○藉田

侍耕附

舜祠田辭

文心雕龍曰舜之祠田云云利民之志願形於言矣

荷此長耜耕彼南畝四海俱有

藉田

梁武帝

寅賓始出日律中方星鳥千畝土膏紫萬頃陂色縹

嚴駕佇霞昕浥露逗光曉啟行天猶暗伐鼓地未悄

禮儀

卷四十六

藉田

蒼龍發蟠蛇青旂引窈窕仁化洽孩蟲德令禁胎天

耕藉乘月映遺滯指秋杪年豐廉讓多歲薄禮節少

公卿秉耒耜庶疋荷鋤耰一人慚百王三推先億兆

和藉田

梁簡文帝

禮經聞往說觀寶著遐篇豈如春路動祈穀重民天

蒼龍引玉軼交旗影曲旃皮軒承早日豹尾拂游煙

地廣重畦淨林芳翠幕懸青壇出長畎帷宮繞直阡

秉耒光帝則報獻重皇虔度諧金石奏德厚歌頌詮

三春潤冀莢七月待鳴蟬鯨魚顯嘉瑞銅雀應豐年

不勞鄭國雨無榮鄴令田是知躬耕美兼聞富教宣

藉田歌

梁江淹

羽鑾從動金駕時遊教騰義鏡樂綴前修幸先丹耜

躬導綠疇靈之聖之歲殷澤柔

二

瓊斿旣飾繡簋以陳方燮嘉種永毓宵民

從藉田應衡陽王教五章

陳張正見

帝京惟赤縣神居應紫微塗山萬國仰滄海百川歸

東郊事平秩仲月祀靈威含光開早扇閭闔啟朝扉

二

洛城鍾漏息靈臺雲霧卷森森虎戟前藹藹鸞旂轉

禮儀

卷四十六

藉田

屬車遊絳闕風鳥度丹獻帳殿幸金輿旌門擁玉輦

三

玉輦帶非煙金輿映綠川雨師清遠路風伯靜遙天

分渠通沃野激水入公田草發一作青壇外花飛蒼

玉前

四

蒼玉臨瑤壁青壇躬帝藉冒櫛乃三推齊衡均百辟

蘭場儼芝駕桂圃芳瑤席山禽韻管絃野獸和鐘石

五

鐘石旣相和江海復無波梁客簪冠盛陳王文雅多

脩途參弱駘喬木間輕羅幸承濫吹末擊壤自爲歌

聞藉田有感

唐柳宗元

天田不日降皇輿留滯長沙歲又除宜室無由問聲  
音事周南何處託成書

侍東耕

宋謝莊

肅鏢奉晨發恭幣廟朝聞仙鄉降朱靄神郊起青雲  
陰臺承寒彩陽樹迎初薰觀德欣臨藉瞻道樂遊汾

侍東耕詩

宋顏延之

題封經地域辰角麗天節浮藹起青壇沈腴發絳耦  
草服薦同穗黃冠獻嘉壽

禮儀

卷四十六

三

蕭四

○封禪

在嵩州遙敘封禪

唐李義府

初

天齊標巨鎮日觀啓崇期岌嶢臨渤澥隱嶙控河沂  
眺迴分吳乘凌高屬漢祠建嶽誠爲長升功諒在茲  
帝猷符廣運玄範暢文思飛聲總地絡裁化撫乾維  
瑞策開珍鳳禎圖薦寶龜創封超昔夏修禪掩前姬  
東后方肆覲西都導六師返駕移星苑揚罕馭風司  
沸鼓喧平陸凝蹕靜通遠汶陽馳月羽蒙陰警電輶  
崑花飄曙輦峰葉蕩春旗石閭環藻衛金壇映黼帷  
仙階溢秘黍靈檢耀祥芝張樂分韶護觀禮縱華夷

佳氣浮丹谷榮光泛綠坻三始貽遐貺萬歲受重釐  
菲質陶恩獎趨迹奉軒墀觸網淪幽裔乘微限明時  
周南昔已歎邛西今復悲

扈從登封告成

唐宋之間

初

複道開行殿鉤陳列禁兵和風吹鼓角佳氣動旗旌  
後騎迴天苑前山入御營萬方俱下拜相與樂昇平

扈從登封告成頌應制

唐宋之間

初

御路迴中嶽天營接下都百靈無後至萬國競前驅  
文衛嚴清蹕幽仙讀寶符貝花明漢果芝草入堯廚  
濟濟衣冠會喧喧夷夏俱宗禮仰神理刊木望川途

禮儀

卷四十六

四

蕭四

撫已貧非病時來本不愚顧陪丹鳳輦率舞白雲衢

東封山下宴群臣

唐張諤

初

萬里扈封禪群公遇此歡幔城連夜靜霜仗滿空寒  
輦路宵煙合旌門曉月殘明朝陪聖主山下禮園壇

登封大酺歌四首

唐盧照隣

初

日觀仙雲隨鳳輦天門瑞雪照龍衣繁絃綺席方終  
夜妙舞清歌歡未歸

明君封禪日重光天子垂衣曆數長九州四海常無

事萬歲千秋樂未央

翠鳳逶迤登介丘仙鶴徘徊天上遊借問乾封何所



樂人皆壽命得千秋

千年聖主應昌期萬國淳風王化基請比上古無爲  
代何如今日太平時

府試觀開元皇帝東封圖

唐馬戴晚

儼若翠華舉登封圖乍開晃旒明主立冠劍侍臣陪  
跡類飛仙去光同拜日來粉痕疑檢玉黛色訝生蒼  
挂壁雲將起陵風仗若迴何年復東幸魯叟望悠哉

○巡幸

夏諺

吾王不遊吾何以休吾王不豫吾何以助一遊一豫

禮儀

卷四十六

五

巡幸

爲諸侯度

祈招

音詩王逸詩○左氏傳昔穆王欲肆其  
祭公謀父作祈招之詩以止王心是以得沒  
于祇宮其詩云云注謀父周卿士祈父周司  
馬招其名也祭公方諫

周祭公謀父

祈招之惜惜式昭德音思我王度式如玉式如金形

民之力而無醉飽之心情情安和貌金玉取其堅重  
謂量其力而賦役之如制

器者各隨其形也家語作刑  
謂聖用民力而不知厭也

帝遊二首

北周庾信

帝遊光出震君明擅在離巖廊惟眷顧欽若尚無爲  
龍穴非難附鸞巢欲可窺具茨應不遠汾陽寧足隨

悉民播植重溝洫劬勞多桑林還注雨積石遂開河  
明徵逢永命平秩值年和更有薰風曲方聞晨露歌

二

移風廣軒曆崇德盛唐年成文興大雅出豫動鈞天  
黃鍾六律正閭闔八風宜孤竹調陽管空桑節雅絃  
舞林鸞更下歌山鳳欲前聞音能辨俗聽曲乃思賢  
感物觀治亂心恒防未然君子得其道太平何有焉

宸遊

原作

唐顧况中

暖谷春光至宸遊近甸榮雲隨天仗轉風入御簾輕  
翠蓋浮佳氣朱樓倚太清朝臣冠劍還宮女管絃迎

禮儀

卷四十六

六

巡幸

細草承雕輦繁花入幔城文房開聖藻武衛宿天營  
玉醴隨觴至銅壺逐漏行五星含土德萬姓徹中聲  
親祀先崇典躬推示勸耕國風新正樂農器近銷兵  
道德關河固刑章日月明野人同鳥獸率舞感昇平

行幸甘泉宮

漢書曰武帝太始三年正月行幸  
其泉官成帝永始四年正月行幸

北

梁簡文帝

雉歸海水寂裘來重譯通吉行五十里隨處宿離宮  
鼓聲恒入地塵飛上暗空尚一作書隨豹尾太史逐  
相風銅鳴周國鏃旗曳楚雲虹倖臣射覆罷從騎一作  
妓新歌終董逃拜金紫賢妻侍禁中不羨神仙侶排

煙逐駕鴻

行幸甘泉宮歌

梁劉孝威

漢家迎夏畢避暑甘泉宮棧一作車鳴里鼓駟馬駕

相風枝尉鳥桓騎待制樓煩弓後旌猶五柞前笳度

九嶠才人豹尾內御酒屬車中輦迴百子閣扇動七

輪風鳴鐘休衛士披圖召後宮材官促校獵涼秋一作秋

來喜射熊

奉和幸太原輦上作應詔

隋虞茂

唐巡光帝則夏務穆宸儀珠旗揚翼鳳玉獸嚴丹螭

流吹和春鳥交弄拂花枝

禮儀

卷四六

巡幸

奉和幸江都應詔

隋虞世基

巡遊光帝典征吉乃先天澤國翔宸駕水府汎樓船

七萃榮長薄三翼亘通川夙興大昕始求衣昧旦前

澄瀾浮曉色遙林卷宿煙晨霞稍含景落月漸虧弦

迴塘響歌吹極浦望旌旄方陪觀東后登封禪肅然

奉和幸江都應詔

隋虞世南

南國行周化嵒山祕夏圖百王豈殊軌千載叶前謨

肆觀遵時豫順動悅來蘇安流進玉舳一作肅綱戒道翼

金吾龍旂煥辰象鳳吹溢川塗封唐昔敷錫分陝被

荆吳沐道咸知讓慕義久成都一作美都冬律初飛

管陽鳥正銜蘆嚴飊肅林薄暖景澹江湖鴻私決幽

遠厚澤潤凋枯虞琴起歌詠漢筑動已飲多幸霑行

葦無庸類散樗

汴水早發應令

隋虞世基

夏山朝萬國軒庭會百神成功疇與讓盛德今為隣

匡宇屬平一庶類仰陶鈞鑾蹕臨河濟表見肅崇禮

啓行分七萃備物象三辰祈祈且原隰濟濟咸縉紳

陽谷升朝景青丘發早春袞衣敷帝則分器敘彝倫

臨淄成誦美河間雅樂陳薰風穆已被茂實久愈新

初發東都應詔

隋虞世基

禮儀

卷四六

巡幸

二龍乘玉軸萬騎翊林塘縱觀此何事巡駕幸淮揚

伊雒名山轉江河道路長照日秋源淨分花曲水香

稻梁叨歲月羽翮仰恩光後塵歸舊里還如仙鶴翔

奉和長春宮應令

唐虞世南

瑤山盛風樂南皮務逸遊如何事巡撫民瘼諒斯求

文鶴揚輕蓋蒼龍飾桂舟汎沫縈沙嶼寒澌擁急流

路指八仙館途經百尺樓眷言昔遊踐迴駕且淹留

後車喧鳳吹前旌映綵旒龍驂駐六馬飛閣上三休

調諧金石奏歡洽羽觴浮天文徒可仰何以廁琳球

於北平作

唐太宗

翠野駐戎軒盧龍轉征旆遙山麗如綺長流縈似帶  
海氣百重樓巖松三尺大茲焉可遊賞何必襄城外

駕出長安

唐宋之問

聖德超千古皇風扇九圍天迴萬象出駕動六龍飛  
淑氣來黃道祥雲覆紫微太平多扈從文物有光輝

奉和聖製初出洛城

唐張九齡

東土淹龍駕西人望翠華山川祇詢物宮觀豈爲家  
十月迴星斗千官捧日車洛陽無怨思巡幸更非賒

奉和春日幸望春宮應制

唐劉憲

暮春春色最便妍苑裏花開列御筵商山積翠臨城  
禮儀

卷四十六

九

起滌水浮光共幕連鶯藏嫩葉歌相喚蝶碍芳叢舞  
不前歡娛節物今如此願奉宸遊億萬年

奉和聖製春日幸望春宮應制

唐張說

別館芳菲上苑東飛花澹蕩舞筵紅城臨渭水天河  
靜闕對南山雨露通繞殿流鶯凡幾樹當蹊亂蝶許  
多叢春園既醉心和樂共識皇恩造化同

奉和聖製春日幸望春宮應制

唐崔日用

東郊芳物正熏馨素滌鳥驚戲綠汀鳳閣斜通平樂  
觀龍旂直逼望春亭光風搖動蘭英紫淑氣依遲柳  
色青渭浦明晨修禊事群公傾賀水心銘

奉和聖製春日幸望春宮應制

唐蘇頌

東望望春春可憐更逢晴日柳含煙宮中下見南山  
盡城上平臨北斗懸細草偏承迴輦處飛花故落舞  
觴前宸遊對此歡無極鳥弄歌聲雜管絃

奉和聖製春日幸望春宮應制

唐李乂

東城結宇瞰千尋北闕迴輿具四臨麗日祥煙承罕  
單輕莢弱草藉衣簪秦商重沓雲巖近河渭紫紆霧  
壑深謬接鸞鸞陪賞樂還欣魚鳥遂飛沈

奉和聖製春日幸望春宮應制

唐韋元旦

九重樓閣半山斜四望韶陽春未賒侍暉妍歌臨灞  
禮儀

卷四十六

十一

涖留鴈艷舞出京華危竿競捧中衡日戲馬爭街上  
苑花景色歡娛長若此承恩不醉不還家

奉和聖製春日幸望春宮應制

唐馬懷素

綠氍毹輿俯碧潯行春御氣發皇心搖風細柳繁馳  
道映日輕花出禁林通野園亭開帝幕連堤草樹狎  
衣簪謬參西掖霑堯酒願沐南薰解舜琴

奉和聖製春日幸望春宮應制

唐沈佺期

芳郊綠樹散春晴複道離宮煙霧生楊柳千條花欲  
綻蒲桃百丈蔓初繁林香酒氣元相入鳥轉歌聲各  
自成是日風光牽宿醉來晨復得幸昆明

奉和聖製春日幸望春宮應制 唐崔湜 初

澹蕩春光滿曉空，逍遙御輦入離宮。  
山河眺望雲天外，臺榭參差煙霧中。  
庭際花飛錦繡合，枝間鳥轉管絃同。  
即此歡娛齊鑄宴，唯應率舞樂薰風。

奉和聖製春日幸望春宮應制 唐薛稷 初

九春風景足，林泉四面雲霞敞。  
御筵花鏤黃山繡，作苑草圍玄灞錦為川。  
飛觴競醉心迴日，走馬爭看眼著鞭。  
喜奉仙遊歸路遠，直論行樂不言旋。

奉和聖製春日幸望春宮應制 唐李適 初

玉輦金輿天上來，花園四望錦屏開。  
輕絲半拂朱門柳，細縷全披畫閣梅。  
蝶舞飛行飄御席，鶯歌度曲繞仙杯。  
聖詞今日光輝滿，漢主秋風莫道才。

卷四十六

十一 巡幸

奉和聖製春日幸望春宮應制 唐鄭愔 初

晨蹕凌高轉翠旌，春樓望遠背朱城。  
忽排花上遊天苑，却坐雲邊看帝京。  
百草香心初冒蝶，千林嫩葉始藏鶯。  
幸同葵藿傾陽早，願比盤根應候榮。

奉和聖製春日幸望春宮應制 唐閻朝隱 初

句芒人面乘兩龍，道是春神衛九重。  
綵勝年年逢七日，醺醺歲歲滿千鍾。  
官梅間雪祥光遍，城柳含煙淑氣濃。  
醉倒君前情未盡，願因歌舞自為容。

奉和聖製至長春宮登樓觀稼穡之作 唐蘇頌 初

帝迹奚其遠，皇符之所崇。  
敬時堯務作，盡力禹稱功。  
赫赫惟元后，經營自左馮。  
變蕪杭稻實，流惡水泉通。  
國皇猶前豹人疲，詎肯熊黃圖。  
巡沃野，清吹入離宮。  
是閱京坻富，仍觀都邑雄。  
憑軒一何綺，積溜瀉晴空。  
禮節家安外，和平俗在中。  
見龍垂渭北，辭鴈指河東。  
睿思方居鑄宸遊，若飲豐寧誇子雲。  
從祗為獵扶風。

奉和幸神臯亭應制 唐宋之問 初

清蹕喧黃道，乘輿降紫宸。  
霜戈凝曉日，雲管發陽春。

卷四十六

十一 巡幸

夏口仙萼亭應制 唐宋之問 初

臺古全疑漢，林餘半識秦。  
宴酣思布澤，節改令行仁。  
昔恃山河險，今依道德淳。  
多慚獻嘉頌，空累屬車塵。

早登太行山中言志 唐玄宗

清蹕度河陽，凝笳上太行。  
火龍明鳥道，鐵騎繞羊腸。  
白霧埋陰壑，丹霞助晚光。  
澗泉含宿凍，山木帶餘霜。  
野老茅為室，樵人薜作裳。  
宣風問耆艾，敦俗勸耕桑。  
涼德慚先哲，微猷慕昔皇。  
不因今展義，何以冒垂堂。

奉和聖製早登太行山言志應制

唐蘇頌初

北山東入海馳道上連天順動三光注登臨萬象懸  
俯觀河內邑平指洛陽川按蹕夷關險張旗巨井泉  
曉巖中警柝春事下蒐田德重周王問歌輕漢后傳  
宸遊鋪令典睿思超芳年願以封書奏迴鑾禪肅然  
奉和聖製早登太行山言志應制

唐張說初

六龍鳴玉鑾九折步雲端河絡南浮近山經北上難  
羽儀映松雪戈甲帶春寒百谷晨笳動千巖曉仗攢  
禮儀

卷四十六

十三

巡幸

皇心感韶節敷藻念人安既立省方館復建禮神壇  
扈蹕參天老承榮忝及官長勤百年意思見一勝殘  
奉和聖製早登太行山中言志應制

唐張九齡初

孟月攝提貞乘時我后征晨嚴九折度暮戒六軍行  
日御馳中道風師卷太清戈鋌林表出組練雪間明  
動植希皇豫高深奉睿情陪遊七聖列望幸百神迎  
氣色煙猶喜恩光草尚榮之采稱萬歲今此復同聲  
奉和聖製早登太行山言志應制

唐苗晉卿初

金吾戒道清羽騎動天聲砥路方南紀重巖始北征  
關樓前望遠河邑下觀平喜氣迴輿合祥風入旆輕  
祝堯三老至會禹百神迎月令農先急春蒐禮後行  
仍親后土祭更理晉陽兵不似勞車轍空留八駿名  
幸蜀西至劍門

唐玄宗

劍閣橫雲峻鑾輿出狩回翠屏千仞合丹嶂五丁開  
灌木縈旗轉仙雲拂馬來乘時方在德嗟爾勒銘才  
途次陝州

唐玄宗

境出三秦外途分二陝中山川入虞虢風俗限西東  
樹古棠陰在耕餘讓畔空鳴笳從此去行見洛陽宮  
禮儀

卷四十六

十四

巡幸

奉和聖製途次陝州應制  
唐張說初  
周召嘗分陝詩書空復傳何知萬乘賸追賞二南篇  
郡帶洪河側宮臨大道邊洛城將日近佳氣滿山川  
奉和聖製登會昌山應制

唐孫逖初

巖磴列雲旗吾君訪道時乾行萬物觀日馭六龍遲  
望遠迴天顧登高動睿詞願因山作壽長保會昌期  
奉和聖製登會昌山應制

唐錢起中

睿相入希夷真遊到具茨玉鑾登嶂遠雲路出花遲  
泉壑凝神處陽和布澤時六龍多順動四海正雍熙  
駕幸河東

唐王昌齡盛

晉水千廬合汾橋萬國從開唐天業盛入沛聖恩濃  
下輦迴三象題碑任六龍睿明題日月千載此時逢  
駕幸溫泉

唐盧象盛

傳聞聖主幸新豐清蹕鳴鑾出禁中細草終朝隨步  
輦垂楊幾處繞行宮千官扈從驪山北萬國來朝渭  
水東此日小臣徒獻賦漢家誰復重揚雄

上皇西巡南京歌十首

天寶十五載六月己亥  
祿山陷京師十一月庚  
辰次蜀郡八月癸巳皇太子即皇帝位于靈  
武十二月丁未上皇天帝至蜀備大赦以蜀

南京

唐李白盛

胡塵輕拂建章臺聖主西巡蜀道來劍壁門高五千

禮儀 卷四六

主 巡幸

丈石爲樓閣九天開

九天開出一成都萬戶千門入畫圖草樹雲山如錦

繡秦川得及此間無

華陽春樹號新豐行入新都若舊宮柳色未饒秦地

綠花光不減上陽紅

誰道君家行路難六龍西幸萬人歡地轉錦江成渭

水天迴玉壘作長安

萬國同風共一時錦江何謝曲江池石鏡更明天上

月後宮親得照蛾眉

濯錦清江萬里流雲帆龍舸下揚州北地雖誇上林

苑南京還有散花樓

錦水東流繞錦城星橋北挂象天星四海此中朝聖

主峨嵋山上列仙庭

秦開蜀道置金牛漢水元通星漢流天子一行遺聖

跡錦城長作帝王州

水綠天清不染塵風光和暖勝三秦萬國煙花隨玉

輦西來添得錦江春

劍閣重關蜀北門上皇歸馬若雲屯少帝長安開紫

極雙懸日月照乾坤

聞再幸梁洋

唐韋莊

禮儀 卷四六

十六 巡幸

纔喜中原息戰輦又聞天子幸巴西西延燒魏闕非關

燕大狩陳倉不爲雞興廢玉龍寒自躍昭陵石馬夜

空嘶遙思萬里行宮夢太白山前月欲低

車駕西遊因而有作

唐溫庭筠

宣曲長陽瑞氣凝上林狐兔待秋鷹誰將詞賦隨雕

輦寂寞相如臥茂陵

過舊宮

北史曰明帝二年九月丁未行幸同州故宅賦詩 北周明帝

玉燭調秋氣金輿歷舊宮還如過白水更似入新豐

秋潭清晚菊寒井落疎桐舉杯延故老今聞歌大風

過舊宅二首

唐太宗



新豐停翠輦誰邑駐鳴笳園荒一徑斷臺古半塔  
前池銷舊水昔樹發今花一朝辭此地四海遂成家

二

金輿巡白水玉輦駐新豐鈕落藤披架花殘菊破叢  
葉鋪荒草蔓流竭半池空紉珮蘭生徑舒圭葉凋桐  
昔地一蕃內今宅九圍中架海波澄鏡韜文器反農  
八表文同軌無勞歌大風

奉和聖製過舊宅應制

唐許敬宗

飛雲臨紫極出震表清光自爾家寰海今茲返帝鄉  
情深感代國樂甚燕譙方白水浮佳氣黃星聚太常

禮儀 卷四十六

七

岐鳳鳴層閣豐雀賀雕梁桂山猶總翠衡薄尚流芳  
攀鱗有遺皓沐德并稱觴

奉和聖製過舊宅應制

唐上官儀

石關清晚夏璇輿御早秋神麾颺珠雨仙吹響飛流  
沛水祥雲泛宛郊瑞氣浮大風凝漢筑葉煙入舜球  
翠梧臨鳳邸滋蘭帶鶴舟偃伯歌玄化扈蹕頌王遊  
遺簪謬昭獎珥筆荷恩休

巡省途次上黨舊宮

并序

唐玄宗

朕昔在初九佐貳此州未遇扶搖之力空侯海沂  
之詠洎大橫入兆出處斯易一揮寶劍遽履瑤圖

承曆數而順謳謠著天衣而御區夏嗟乎向時沈  
默駕四馬而朝京師今日逍遙乘六龍而問風俗  
爰因巡省塗次舊居山川宛然人事無聞忽其昇  
華周遊館宇觸目依然雖迹異漢皇而地如豐邑  
擊筑忼慨酌桂流連空想大風題茲短什

三千初擊浪九萬欲搏空天地猶驚否陰陽如迴蒙  
存身期歷試佐貳佇昭融多謝時康理良恩實難  
長懷問鼎氣夙負拔山雄不學劉琨舞先歎漢祖風  
英髦既包括豪傑自牢籠人事一朝異謳歌四海同  
如何昔朱邸今此作離宮鴈沼澄瀾翠嶺巖落紅

禮儀

卷四十六

十八

小山餘桂馥長坂舊蘭蕙即是淹留處乘歡樂未窮  
奉和聖製巡省途次上黨舊宮應制

唐張說

葱嶽興王郡殷憂啓聖圖周成會西土漢武幸南都  
歲上鸞輿邁農詞鴈政敷武威稜外域文教靡中區  
警蹕干戈捧朝宗萬玉趨舊藩人事革新豐國邑殊  
壁有真龍畫庭餘鳴鳳梧叢觴祝堯壽合鼎獻湯廚  
陽樂寒初變春恩蟄更蘇三耆頒命服五稔復田輸  
君賦大風起人歌湛露濡從臣觀玉葉方願紀靈符  
奉和聖製巡省途次上黨舊宮應制

唐蘇頌

潞國臨淄邸天王別駕輿出潛離隱際小往大來初  
東陸行春典南陽即舊居約川星罕駐扶道日旂  
雲覆連行在風迴助掃除木行城邑望皇落土田  
昔試邦興后今過俗後予示威寧校獵崇讓不陳  
府吏趨宸展鄉耆捧帝居帳傾三飲處閑整六飛  
盛業銘汾鼎昌期應洛書願陪歌賦末留比蜀相如  
奉和幸長安故城未央宮應制并序

唐宋之間初

長安城漢之故都本秦漢之離宮也漢初脩置此  
禮儀

卷四六

九

城極狹小至惠帝元年更築之周回六十五里  
南爲南斗形北爲北斗形至今人呼漢京爲斗城  
是也未央宮在長安城高祖七年丞相蕭何建立  
自櫟陽徙居焉

漢王未息戰蕭相乃營宮壯麗一朝盡威靈千載空  
皇明悵前跡置酒宴羣公寒輕綵仗外春發幔城中  
樂思迴斜日歌詞繼大風今朝天子貴不假叔孫通  
奉和幸未央宮應制

唐趙彥昭

夙駕移天蹕憑軒覽漢都寒煙收紫禁春色遶青  
舊史遺陳跡前王失霸符山河寸土盡宮觀天

崇高惟在德壯麗豈爲謨茨室留皇覽薰歌盛有虞

奉和幸未央宮應制

唐李乂初

鳳輦乘春陌龍山訪故臺北宮纔盡處南斗獨昭回  
肆覽飛宸札稱觴引玉杯已觀蓬海變誰厭柏梁災  
代挹孫通禮朝稱賈誼才忝儕文雅地先後各時來  
奉和幸未央宮應制

唐李嶠初

舊宮賢相築新苑聖君來運改城隍變年深棟宇摧  
後池無復水前殿久成灰莫辨祈風觀空傳承露杯  
宸門千載合睿律九韶開今日聯章處猶疑上柏臺  
奉和幸未央宮應制

唐劉憲初

禮儀

卷四六

三

巡幸

漢宮千祀外軒駕一來遊夷蕩長如此威靈不復留  
憑高睿賞發懷古聖情周寒向南山斂春過北渭浮  
土功昔云盛人英今所求幸聽薰風曲方知霸道羞  
經破薛舉戰地

唐太宗

昔年懷壯氣提戈初仗節心隨朗日高志與秋霜潔  
移鋒驚電起轉戰長河決管碎落星沈陣卷橫雲裂  
一揮氛沴靜再舉鯨鯢滅於茲俯舊原屬目駐華軒  
沈沙無古迹滅竈有殘痕浪霞穿水淨峯霧抱蓮昏  
世途亟流易人事殊今昔長想眺前踪撫躬聊自適  
奉和聖製經破薛舉戰地應制

唐許敬宗初

混元分大象長策挫脩鯨於斯建宸極由此創鴻名  
一戎乾宇泰千祀德流清垂衣凝庶績端拱鑄羣生  
復整瑤池駕還臨官渡管周遊尋曩迹曠望動天情  
離宮面丹浦帳殿矚宛城虜場棲九穗前歌被六英  
戰地甘泉涌陣處景雲生普天霑凱澤相攜欣頌平  
行次成臯途經先聖擒建德之所緬思功業感

而賦詩

唐玄宗

有隋政昏虐羣雄已交爭先聖按劍起叱咤風雲生  
飲馬河洛竭作氣嵩華驚克敵皇圖就擒俘帝道亨  
顧慙嗣寶曆恭承天下平幸過翦鯨地感慕神且英  
禮儀

卷四十六

三

巡幸

奉和聖製行次成臯經先聖擒建德之所

唐張說

初

夏氏階隋亂自言河朔雄王師進穀水兵氣臨山東  
前掃成臯陣却下洛陽宮義合帝圖起威加天宇同  
軒臺百年外虞典一巡中戰罷思王業倚馬賦神功  
奉和聖製行次成臯經先聖擒建德之所

唐張九齡

初

天命誠有集王業初惟艱翦商自文祖夷項在茲山  
地識斬蛇處河臨飲馬間威加昔運往澤流今聖還  
尊祖頌先烈賡歌安用攀紹成即我后封岱出天關

奉和聖製幸禮部尚書竇希玠宅應制

唐劉憲

初

北斗樞機任西京肺腑親疇昔王門下今茲御幸晨  
恩光山水被聖作管絃新遠坐熏紅藥當軒暗綠筠  
摘荷纔早夏聽鳥尚餘春行漏金徒晚風煙起觀津  
奉和聖製幸禮部尚書竇希玠宅應制

唐李乂

初

家住千門側亭臨二水傍貴遊開北第宸睠幸西鄉  
曳履迎中谷鳴絃出後堂浦疑觀萬象峯似駐三光  
草向瓊筵樂花承繡屐香聖情恩舊重留飲賦雕章  
禮儀

卷四十六

三

巡幸

奉和聖製幸禮部尚書竇希玠宅應制

唐沈佺期

初

北闕垂旒暇南宮聽禮迴天臨翔鳳轉恩向躍龍開  
蘭氣薰仙帳榴花引御杯水從金穴吐雲是玉衣來  
池影搖歌席林香散舞臺不知行漏晚清蹕尚徘徊  
奉和聖製幸禮部尚書竇希玠宅應制

唐蘇頌

初

尚書列侯第外戚近臣家飛棟臨清綺迴輿轉翠華  
日交當戶樹泉漾滿池花圓頂圖嵩石方流擁魏沙  
豫遊今聽履侍從昔鳴笳自有天文降無勞訪海槎

上之回

梁簡文帝

前旆拂回中後車臨桂宮輕絲駐雲罕春色繞川風  
桃林方灼灼柳路日曛曛笳聲駭胡騎清磬聳山戎  
微臣今拜手願帝永無窮

上之回

陳張正見

林光稱避暑回中乃吉行龍媒躡影駛玉輦御雲輕  
風烏繞鵲鵲彩鷁照昆明欲知鐘箭遠遙聽寶鷄聲

上之回

北齊蕭慤

發軔城西時回輿事北遊山寒石道凍葉下故宮秋  
朔路傳清警邊風捲畫旒歲餘巡省畢擁仗一作返

卷四十六

三

皇州

上之回

隋陳子良

承平重遊樂詔蹕上之回屬車響流水清笳轉落梅  
嶺雲益道轉巖花映綬開下輦便高宴何如在瑤臺

上之回

唐盧照隣

回中道路險蕭關烽埃多五營屯右地萬乘出西河  
單于拜玉璽天子按雕戈振旅汾川曲秋風橫大歌

上之回

唐沈佺期

制書下關右天子問回中壇墠經過遠威儀侍從雄  
黃麾搖晝日青憶曳松風迴望且泉道龍山隱漢宮

上之回

唐李白

萬乘出黃道千旗揚彩虹前軍細柳北後騎甘泉東  
豈問渭川老寧邀襄野童但慕瑤池宴歸來樂無窮

東都父老望幸

唐鄭夬

鑾輿秦地久羽衛洛陽空彼土雖憑固茲川乃得中

龍顏覲白日鶴髮仰清風望幸誠逾邈懷來意不窮  
昔因封泰嶽今佇躡維嵩天地心無異神祇理亦同

翠華翹渭北玉檢候關東衆願難阻明君早勒功

華清宮望幸

唐□□□

驪岫接新豐岩巖駕碧空鑿山開秘殿隱霧蔽仙宮

卷四十六

十四

絳闕猶棲鳳雕梁尚帶虹溫泉曾浴日華館舊迎風

蕭穆瞻雲輦深沈閉綺櫳東郊望奇處瑞氣藹濛濛

○駕迴

從駕還京

隋李德林

至仁文教遠惟聖武功宣太師觀六義諸侯問百年

玄覽時乘隙訓旅次山川鎮象屯休氣華蓋翼飛煙

鼓奏千人響旗動七星連峻嶺戈迴日高峰馬煦一作

天姑射神遊罷蕭關列騎旋更待東山上看君巡

侍篇

扈從還洛呈侍從群官

唐李嶠

四海帝王家兩都周漢室觀風昔來幸御氣今旋踵  
雷奮六合開天行萬乘出玄冥奉時駕白矩參戎律  
後陣咽笳簫前驅嚴罕單輝光射東井禁令橫西秩  
帳殿別陽春旌門臨甲乙將交洛城雨稍遠長安日  
印鞏雲外來咸秦霧中失孟冬霜霰下是日農功畢  
天道向歸餘皇情美陰陽行存名嶽禮遞問高年疾  
祝鳥旣開羅調人更張瑟登原采謳誦俯谷求才術  
邑罕懸磬貧山無挂瓢逸施恩浹寰宇展義該文質  
德澤盛軒遊哀矜深禹恤申歌地廬駭獻壽衢傳溢  
瑞色抱氤氲寒光變蕭颺宗枝旦與輔侍從王劉匹  
禮儀

卷四十六

五

巡幸

扈從廻鑾應制

唐蕭華

盛

粵在秦京日議乎封禪難豈知陶唐主道濟蒼生安  
惟彼烈祖事增修寶榮觀聲名朝萬國玉帛禮三壇  
纂聖德重光建元功載刊仍開舊馳道不記昔廻鑾  
羽騎搖晴日弓戈生早寒猶思檢玉處却望白雲端

觀法駕自鳳翔廻

唐錢起

中

機槍一掃滅閭闔九重開海晏鯨鯢盡天旋日月來

聖情蘇品物龍御一作關雲雷曉漏移仙仗朝陽出  
帝臺周慚散馬出禹讓濟川廻欲識封人願南山舉  
酒杯

辰州聞大駕還宮

唐戎昱

中

聞道鑾輿歸魏闕望雲西拜喜成悲寧知隴水銷煙  
日再有園林秋薦時渭水戰添亡虜血秦人生觀舊  
朝儀自慚出守辰州畔不得親隨日月旗

回鑾

唐鄭谷

晚

妖星沈雨露和氣滿京關上將功勳立明君法駕還  
順風調雅樂夾道敘群班香汎傳宣裏塵清指顧間  
禮儀

卷四十六

五

巡幸

樓臺新紫氣雲物舊黃山曉渭行朝蕭秋郊曠望間

詩集類函卷四十七

東吳俞安期彙纂 宣城梅鼎祚增定

陽羨曹福孫訂校

禮儀部五

扈從 迎駕 省直

○扈從

從幸洛水饒王公歸國詩 晉王浚

聖主應期運至德欽靈倫神道垂大教玄化被無垠  
欽若崇古制建虞房四隣皇興迴羽蓋高會登水濱  
臨川講妙藝縱酒釣潛鱗八音以迭奏蘭臺儼時珍  
古人亦有言為國不思貧與蒙廟庭施幸得用六鈞

禮儀

卷四十七

群僚荷恩澤朱顏感獻春賦詩盡下情至感暢人神  
長流無舍逝白日入西津奉辭慕華輦侍衛路無因  
馳情繫帷幄乃心戀軌塵

從駕頓上

宋謝莊

中權臨楚路前茅望吳雲冀馬依風蹀邊簫當夜聞

應詔觀北湖田收

集曰元嘉十年也

宋顏延之

周御窮轍跡夏載歷山川蓄軫豈明懋善遊皆聖仙  
帝暉膺順動清蹕巡廣廡樓觀眺豐穎金薦映松山  
飛奔互流綴緹縠代迴環神行埒浮景爭光溢中天  
開冬眷徂物感悴盈化先陽陸園精氣陰谷自寒煙

攢素既森藹積翠亦葱芊息饗報嘉歲通急戒無年  
溫渥浹輿隸和惠屬後筵觀風久有作陳詩愧未妍  
疲弱謝陵遠取累非繆牽

擬表太尉淑從駕

梁江淹

官廟禮哀敬粉邑道嚴玄恭潔由明祀肅薦在祈年  
詔徒登季月戒鳳藻行川雲旆象漢徙宸網擬星懸  
朱攄麗寒渚金鏤映秋山羽衛藹流景絳吹震沈淵  
辨詩測京國履籍鑒都鄙詠謠響玉律邑頌被丹絃  
文軫薄桂海聲教燭冰天和惠頌上笏恩渥浹下筵  
幸侍觀洛後豈慕巡河前服義方無沫展歌殊未宣

禮儀

卷四十七

春日從駕新亭應制

梁劉孝綽

旭日輿輪動言追河曲遊紆餘出紫陌迤邐度青樓  
前驅掩蘭徑後乘歷芳洲春色江中滿日華巖上留  
江風傳葆吹嚴華映采旂臨澗起睿作駟馬暫停輈  
侍從榮前阮雍容慙昔劉空然等彈翰非徒嗟未遒

從駕幸金墉城

北魏溫子昇

茲城實佳麗飛甍自相竝膠葛擁行風岩巖閱流景  
御溝屬清洛馳道通丹屏湛淡水成文參差樹交影  
長門久已閉離宮一何靜細草綠玉堦高枝蔭桐井  
微微夕渚暗肅肅暮風冷神行揚翠旗天臨肅清警



伊臣從下列逢恩信多幸康衢雖已泰弱力將安騁

從駕遊山

北齊袁爽

天遊響仙蹕春望動神衷澗水含初溜山花發早藁  
玉輿明淑景珠旗轉瑞風平原與上路一作佳氣遠  
葱蔥

從駕幸晉陽

隋薛道衡

省方遵往冊遊豫叶前經金吾朝戒道校尉晚巡營  
重轡下飛騎絕浦渡連旌澗水寒逾咽松風遠更清  
方觀翠華返簪筆上云亭

從駕天池應詔

隋薛道衡

禮儀

卷四十七

三

通鑑

上聖家寰宇威畧振邊陲八維窮眺覽千里曳一作轉  
旌旗駕黿臨碧海控驥踐瑤池曲浦騰煙霧深浪駭  
鯨螭

從駕巡遊

隋李德林

大夏堯遺俗汾河漢豫遊今隨龍駕往還屬鴈飛秋  
天行肅輦路日馭翼華輶朝乘六氣辨夕動七星旒  
谷靜禽多思風高松易秋遠林才有色逢水漫無流  
京華佳麗所目極與雲浮但覩凌霄觀詎見望仙樓  
璚門皆秀發駕池盡學優待君草封禪東山觀射牛  
追從鸞輿夕頓戲下應令 隋虞世南

重輪依紫極前曜奉丹霄天經總宸扈帝命扈仙鑣  
乘星開鶴禁帶月下虹橋銀書含曉色金輅轉晨飈  
霧徹軒營近塵暗斗城逢蓮花分秀萼竹箭下驚潮  
撫已慚龍幹承恩集鳳條瑤山盛風樂抽簡薦徒謠

贈許左丞從駕萬年宮

唐盧昭隣 初

聞道上之回詔蹕下蓬萊中樞移北斗左轄去南臺  
黃山聞鳳笛清蹕侍龍媒曳日朱旗卷參雲金帳開  
朝參五城柳夕宴柏梁杯漢時光如月秦祠聽似雷  
寂寂芸香樹離思獨悠哉

和周記室從駕曉發合璧宮

唐李嶠 初

禮儀

卷四十七

四

通鑑

濯龍春苑曙翠鳳曉旗舒野色開煙後山光澹月餘  
風長笳響咽川迴騎行疎珠履陪仙駕金聲振屬車  
扈從出長安應制 唐杜審言 初

分野都畿列時乘六御均京師舊西幸洛道此東巡

文物驅三統聲名走百神龍旗繁漏夕鳳輦拂鉤陳  
撫迹地靈古游情皇鑒新山追散馬日水憶釣漁人  
禹食傳中使堯樽遍下臣省方稱國阜問道識風淳  
歲晚天行吉年豐景從親歡娛包歷代宇宙忽疑春

扈從出長安應制

唐沈佺期 初

漢宅規模壯周都景命隆西賓讓東主法駕幸天中

太史占星應春官奏日同旌門起長樂帳殿出新豐  
翕習黃山下紆徐清渭東金聲張畫月珠幘戴相風  
是節嚴陰始寒郊散野蓬薄霜霑上路殘雪繞離宮  
賜帛矜耆老褰旒問小童復除恩載洽望秩禮新崇  
臣忝承明召多慚獻賦雄

松山嶺

唐宋之間初

翼翼高旌轉鏘鏘鳳輦飛塵銷清蹕路雲濕從臣衣  
白羽搖丹壑天營逼翠微芳聲耀今古四海警宸威

扈從登封途中作

唐宋之間初

帳殿鬱崔嵬仙遊實壯哉曉雲連暮卷夜火雜星回

禮儀

卷四十七

五

扈從

谷暗千旗出山鳴萬乘來扈從良可賦終乏揆天材

扈從南出雀鼠谷

唐張說初

豫動三靈贊時巡四海威破關凌曙出平路半春歸  
霍鎮迎雲蓋汾河送羽旂南山柳半密谷北草全稀  
遲日宜華蓋和風入夾衣上林千里近應見百花飛

答張說扈從南出雀鼠谷

唐玄宗

雷出應乾象風行順國人川途猶在晉車馬漸歸秦  
背硤關山險橫汾鼓吹震草依陽谷變花待北巖春  
聞有鵷鸞客清詞雅調新求音思欲報心跡竟難陳  
奉和聖製答張說扈從南出雀鼠谷

硤路繞河汾晴光拂曙氛笳吟中嶺樹仗入半峰雲  
頓覺山原盡平看邑里分早行芳草迴晚憩好風薰  
嘉頌推英宰春遊扈聖君共欣承睿渥日月照天文  
奉和聖製答張說扈從南出雀鼠谷

唐王光庭初

省俗恩將巡方路稍迴寒隨汾谷盡春逐晉郊來  
雲騎傳行漏煙旌引從臺惠風初應律和氣正調梅  
雅頌通宸詠天文接曙台灞陵桃李色應待日華開  
奉和聖製答張說扈從南出雀鼠谷

禮儀

卷四十七

六

扈從

唐張九齡初

設險諸侯地承平聖主巡東君朝二月南旆擁三辰  
寒出重關盡年隨行漏新瑞雲叢捧日芳樹曲迎春  
舞詠先馳道恩華及從臣汾川花鳥意併奉屬車塵  
奉和聖製答張說扈從南出雀鼠谷

唐宋璟初

秦地雄西夏并州近北胡禹行山啟路舜在邑爲都  
忽視寒暄隔深思險易殊四時宗伯敘六議宰臣鋪  
徵作宮長應星環日每紆盛哉隆合道良以致亨衢  
奉和聖製答張說扈從南出雀鼠谷

唐梁昇卿初

何意重關道千年遇聖王  
幽林承惠澤閒客見清光  
日御仙途達山靈壽域長  
寒雲入晉薄春樹隔汾香  
國佐同時雨天文屬歲陽  
從來漢家盛未若此巡方  
奉和聖製答張說扈從南出雀鼠谷

唐蘇頌初

雨施巡方罷雲從訓俗迴  
密途汾水衛清蹕晉郊陪  
寒著山邊盡春當日下來  
御祠玄鳥應仙仗綠楊開  
作頌音傳雅觀文色動台  
更知西嚮樂宸藻叶鹽梅  
奉和聖製答張說扈從南出雀鼠谷

禮儀 卷四十七

七 唐王丘初

襟帶三秦接旂常萬乘過  
陽源淑氣早陰谷沍寒多  
花縵前茅仗霜嚴後殿戈  
代雲開晉嶺江鴈入汾河  
北土分堯俗南風動舜歌  
一聞天樂唱共逐萬人和  
奉和聖製答張說扈從南出雀鼠谷

唐趙冬曦初

軒轅應順動萬牧正趨陪  
道合殷為礪時行楚有材  
省方西禮設振旅北京迴  
地理分壤天文照上台  
寒依汾谷去春入晉郊來  
竊比康衢者長歌仰大哉  
奉和聖製答張說扈從南出雀鼠谷

唐袁暉初

魏國山河險周王警蹕迴  
九旌雲際出萬騎谷中來  
石路行將盡煙郊望忽開  
賞矜垂柳報春畏落花催  
興逸橫汾體恩褒作頌才  
小臣瞻日月延首詠康哉  
奉和聖製答張說扈從南出雀鼠谷

唐席豫初

鳴鑾初幸代旋蓋欲橫汾  
嶺盡千旗出郊平五校分  
前林已暄景後壑尚寒氛  
風送蕭韶曲花迎黼黻文  
鹽梅推上宰禮樂統中軍  
獻賦紆天札飄飄飛白雲  
奉和聖製答張說扈從南出雀鼠谷

禮儀 卷四十七

八 唐徐安貞初

兩臣初入夢二月扈巡邊  
澗北寒猶在南山春半傳  
頌聲先奉御辰象復迴天  
雲日明千里旌旗照一川  
柳陰低輦路草色變新田  
還望汾陽近宸遊自宵然  
侍從途中口號應制 唐閻朝隱初

唐閻朝隱初

疵賤出山東忠貞任土風  
因敷河朔藻得奉洛陽宮  
一顧侍御史再顧給事中  
常願粉肌骨特答造化功  
扈從溫泉宮獻詩 唐張說初

唐張說初

溫泉啟蟄地氛氲渭浦歸  
鴻日數羣騎仗聯聯環北  
極鳴笳步步引南薰松間  
彩殿籠佳氣山上朱旗繞

瑞雲不知遠夢華胥國何如親奉帝堯君

扈從溫泉同紫微黃門群公泛渭川得齊字

唐蘇頌初

紅旗映綠萼春仗漢豐西侍蹕浮渭渭揚舲降紫泥  
近臨鈞石地遙指鈞璜溪岸轉帆飛疾川平棹舉齊  
傳舟來是用軒馭往應迷興發菱歌動沙洲亂夕鷺

扈從鄂杜間奉呈刑部尚書舅崔黃門馬常侍

唐蘇頌初

翠輦紅旗出帝京長楊鄂杜昔知名雲山一一看皆  
美竹樹蕭蕭畫不成羽騎將過持袂拂香車欲度卷

禮儀

卷四十七

九

扈從

簾行漢家曾草巡遊賦何似今來應聖明

扈從鳳泉和崔黃門喜恩旨解嚴罷園之作

唐蘇頌初

輦路岐山曲儲胥渭水湄教成提將鼓禮備植虞旗  
不取從畋樂先流去殺慈舜韶同舞日湯祝盡飛時  
物應陽和施人知雨露私何如穆天子七萃幾勞師

和僕射晉公扈從溫泉

唐王維盛

天子幸新豐旗旌渭水東寒山天仗裏溫谷幔城中  
莫玉群仙座焚香太乙宮出遊逢牧馬罷獵有非熊  
上宰無爲化明時太古同靈芝三秀紫陳粟萬箱紅

王禮尊儒教天兵小戰功謀猷歸哲匠詞賦屬文宗  
司諫方無闕陳詩且未工長吟吉甫頌朝夕仰清風

從駕遊溫泉宮

唐李白盛

羽林十二將羅列應星文霜仗懸秋月霓旌卷夜雲  
嚴更千戶肅清樂九天聞日出瞻佳氣葱葱繞聖君  
溫泉侍從歸逢故人

唐李白盛

漢帝長楊苑誇胡羽獵歸子雲叨侍從獻賦有光輝  
激賞程天筆承恩賜御衣逢君奏明主他日共翻飛

扈從御宿池

唐祖詠盛

君王旣出狩輦路入秦京遠樹低槍壘孤山入幔城

禮儀

卷四十七

十

扈從

寒疎清禁漏夜警羽林兵誰念迷方客長懷魏闕情

奉和扈從溫泉宮承恩賜浴

唐蔡希周盛

天行雲從指驪宮浴日餘波錫詔同彩殿氤氳擁香  
溜紗窓宛轉閉和風來將蘭氣衝皇澤去引星文捧  
碧空自憐遇坎便能止願託仙查路未通

和李員外扈駕幸溫泉宮

唐錢起中

未央月曉度疎鐘鳳輦時巡出九重雪霽山門迎瑞  
日雲開水殿候飛龍輕寒不入宮中樹佳氣常薰仗  
外峰遙羨枚臯扈仙蹕偏承霄漢渥恩濃

○迎駕

迎大駕

晉潘尼

南山鬱岑崑洛川迅且急青松蔭脩嶺綠縈被廣隔  
朝日順長途夕暮無所集歸雲乘輿浮淒風尋帷入  
道逢深識士舉手對吾揖世故尚未夷嶠田方崇澁  
狐狸夾兩轅豺狼當路立翔鳳嬰籠檻騏驎見維繫  
俎豆昔嘗聞軍旅素未習且少停君駕徐待于戈戢

奉迎大駕道路賦詩

宋書傳亮傳曰亮初奉迎大駕道路賦詩二首其一一篇有憂懼之辭按本傳宋少帝廢亮率行臺至江陵奉迎文帝疑即此時作也

宋傅亮

夙權發皇邑有人祖我舟餞離不以幣贈言重琳球

禮儀

卷四十七

十一

迎駕

知止道攸貴懷祿義所尤四牡倦長路君轡可以收  
張邠結晨軌疏董頓夕輶東隅誠已謝西景逝不留  
性命安可圖懷此作前修敷衽銘篤誨引帶佩嘉謀  
迷寵非余志厚德良未酬撫躬愧疲朽三省慚爵浮  
重明昭蓬艾萬品同率由忠告豈假知式微發直謳  
蒲津迎駕  
唐宋璟  
迴鑾下蒲阪飛旆指秦京洛上黃雲送關中紫氣迎  
霞朝看馬色月曉聽鷄鳴防拒連山險長橋壓水平  
省方知化洽察俗覺時清天下長無事空餘襟帶名  
○省直

直中書省

齊謝朓

紫殿肅陰陰彤庭赫弘敞風動萬年枝日華承露掌  
玲瓏結綺錢深沈映朱網紅藥當階翻蒼苔依砌上  
茲言翔鳳池鳴珮多清響信美非吾室中園思偃仰  
朋情以鬱陶春物方駘蕩安得凌風翰聊恣山泉賞  
和宋記室省中  
齊謝朓

落日飛鳥遠憂來不可極竹樹澄遠陰雲霞成異色  
懷歸欲乘電瞻言思解翼清揚婉禁居祕此文墨職  
無歎阻琴尊相從伊水側

冬夜酬魏少傅直史館

北齊邢邵

禮儀

卷四十七

十一

省直

年病從橫至動息不自安兼豆未能飽重裘詎解寒  
况乃冬之夜霜氣有餘酸風音響北牖月影度南端  
燈光明且滅華燭新復殘衰顏依候改壯志與時闌  
體羸不盡帶髮落強扶冠夜景將欲近夕息故無寬  
忽有清風贈辭義婉如蘭先言歎三友次言慚一官  
麗藻高鄭衛專學美齊韓審喻雖有屬筆削少能干  
一作高足自無限積風良可搏空想青門易寧見赤  
松難寄語東山道高駕且盤桓

直中書省

唐韋承慶

青刀鳳凰池扶疎鷄樹枝唯應集鸞鷟何為宿羈雌

大造乾坤闢深恩雨露垂鵬鵬既含養駑駘亦驅馳  
木偶翻爲用芝泥忽濫窺九思空自勉五字本無施  
徒喜逢千載何階答二儀螢光向日盡蚊力負山疲  
禁宇庭除闊閒宵鐘箭移暗花臨戶發殘月下簾欹  
白鬢隨年改丹心爲主披命將時竝泰言與行俱危  
寄謝登巢客堯年復在斯

同徐員外除太子舍人寓直之作

唐郭元振

太子擅元良宮臣命偉長除榮辭會府直宿憩書坊  
露濕幽巖桂風吹便坐桑閣連雲一色池帶月重光

禮儀

卷四十七

十一

省直

葉歔蘭無氣荷枯水不香遙聞秋興作言是晉中郎

和庫部李員外秋夜寓直作

唐宋之問

相庭貽慶達才子拜郎初起草儀仙閣焚香臥直廬  
更深河欲斷節勁柳偏疎氣耿凌雲筆心搖待漏車  
叨榮廁儔侶省已慙空虛徒斐陽春和難參麗曲餘

冬夜寓直麟閣

唐宋之問

直事披三省重關秘七門廣庭憐雪淨深屋喜爐溫  
月幌花虛馥風懸竹暗喧東山白雪意茲夕寄琴樽

和姚給事寓直

唐宋之問

清論滿朝陽高才拜夕郎還從避馬路來接珥珥行

簾幕黃扉日威迴白簡霜柏臺遷鳥茂蘭署得人芳  
禁靜鐘初徹更疎漏更長曉河低武庫流火度文昌  
寓直光輝重乘秋漢翰揚暗投空欲報下調不成章

和蘇員外寓直

唐喬知之

自昔重爲郎伊人練國章三旬登建禮五夜直明光  
墨草尚書奏衣飄侍御香捫軒竹氣靜拂簾蕙風涼  
曉漏離闔闐鳴鐘出未央從來宿臺上天子貴文強

宿直溫泉宮羽林獻詩

唐張說

冬狩美秦正新豐樂漢行星陳玄武閣月對羽林營  
寒木羅霜仗空山響夜更恩深靈液暖節勁古松貞

禮儀

卷四十七

十四

省直

文武皆王事輸心不爲名

同崔員外秋宵寓直

唐王維

建禮高秋夜承明候曉過九門寒漏徹萬井曙鐘多  
月迴藏珠斗雲消出絳河更慚衰朽質南陌共鳴珂  
和戶部楊員外伯成寓直

唐李愔

落日彌綸地公才畫省郎詞驚起草筆坐引護衣香  
雙闕天河近千門夕漏長遙知臺上宿不獨有文強  
夏晚初霽南省寓直時兼尚書郎節度判官同

用餘字

唐庾秋履溫

薄宦因時忝涼宵寓直初沈沈仙閣閉的的暗更徐



霽色連空上炎氛入夜除星迴南斗落月度北窗虛  
待漏殘燈照含芳襲氣餘寐來冠不解奏罷草仍書  
幕府慚良策明曹魏散樗命輕徒有報義重更難疎  
燕厦欣成託鵷行濫所知晨趨當及早復此戒朝車  
同張少府和厠秋員外夏晚初霽南省寓直時  
兼充節度判官同用餘字 唐寇坦 盛

黃綬歸休日仙郎復奏餘冥居當夏晚寓直會晴初  
露散星文發雲披水鏡虛高才推獨唱嘉會喜連茹  
月色搖春闥香煙靄廬千門傳夜警萬象照階除  
少孺嘉能賦文強閱賜書兼曹謀未展入幕志方據

禮儀

卷四十七

十五

省直

爲奉靈臺帛恭先待漏車貞標不可仰空此樂樵漁

省中即事

唐岑參 盛

華省繆爲郎蹉跎鬢已蒼到來恒幙被隨列且含香  
竹影遮牕暗花陰拂簾涼君王新賜筆草奏回明光

西掖省即事

唐岑參 盛

西掖重雲開曙暉北山疎雨點朝衣千門柳色連青  
瑣三殿花香入紫微平明端笏陪鵷列薄暮垂鞭信  
馬歸官拙自悲頭白盡不如巖下偃荆扉

題省中院壁

唐杜甫 盛

掖垣竹埤梧十尋洞門對雪常陰陰落花游絲白日

靜鳴鳩乳燕青春深腐儒衰晚謬通籍返食遲回違  
寸心哀職曾無一字補許身媿比雙南金

春宿左省

唐杜甫 盛

華隱掖垣暮啾啾栖鳥過星臨萬戶動月傍九霄多  
不寢聽金鑰因風想玉珂明朝有封事數問夜如何  
春夜寓直

唐錢起 中

養性慣雲臥爲郎如鳥栖不知仙閣峻惟覺玉繩低  
帳喜香煙暖詩慚賜筆題未央春漏促殘夢謝晨鷄  
和萬年成少府寓直

唐錢起 中

赤縣新秋夜文人藻思催鐘聲自仙掖月色近霜臺

禮儀

卷四十七

十六

省直

一葉兼螢度孤雲帶鴈來明朝紫書下應問長卿才  
和張舍人中書宿直

唐李嘉祐 中

漢主留才子春城直紫微對花閨闔靜過竹吏人稀  
裁詔催添燭將朝欲更衣玉堂宜歲久且莫厭形闌

夜直省中

唐韋應物 中

河漢有秋意南宮生早涼玉漏殊杳杳雲闕更蒼蒼  
華燈發新燭輕一作煙浮夕香顧跡知爲忝束帶愧  
周行

憶夜直金鑾奉詔承旨

唐李紳 中

月當銀漢玉繩低深聽簫韶韶碧落齊門壓紫垣高綺

樹閣連青瑣近丹梯墨宜外渥催飛詔草定新恩促  
換題明日獨歸花路近可憐人世隔雲泥

中書寓直

唐白居易中

繚繞宮牆圍禁林半開閭闔曉沈沈天晴更覽南山  
近月出方知西掖深病對詞頭慙彩筆老看鏡面愧  
華簪自嫌野物將何用土木形骸麋鹿心

和王員外冬夜寓直

唐盧綸中

高步長裾錦帳郎居然自是漢賢良潘岳敘年因鬢  
髮揚雄託諫在文章九天韶樂飄寒月萬戶香塵裏  
曉霜坐見重門儼朝騎可憐雲路可翱翔

禮儀

卷四十七

十七 省直

夏夜宿直

唐白居易中

人少庭宇曠夜涼風露清槐花滿院氣松子落階聲  
寂默挑燈坐沈吟踟躕月行年衰自無趣不是厭承明

夏日獨直

唐白居易中

憲臺文法地翰林清切司鷹情課野鶴驥德責山麋  
夏日獨上直日長何所爲澹然無他念虛靜是吾師  
形委有事牽心與無事期中臆一以曠外累都若遺  
地貴身不覺意閒境來隨但對松與竹如在山中時

西掖早秋直夜

唐白居易中

涼風起禁掖新月生宮沼夜半秋暗來萬樹枝嫋嫋

炎涼遞時節鐘鼓交昏曉偶聖惜年衰報恩愁力小

祕省後廳

唐白居易中

槐花雨潤新秋地桐葉風翻欲夜天盡日後廳無一  
事白頭老監枕書眠

冬夜與員外錢同直禁中

唐白居易中

夜深草詔罷霜月凜凜欲臥煖殘杯燈前相對飲  
連鋪青練被對置通中枕髣髴百餘宵與君同此寢

和胡將軍寓直

唐王建中

宮鴉栖定一作盡禁檜攢樓殿深嚴月色寒進狀直穿  
金戟槩探更先傷玉鉤欄漏傳五點班初合鼓動三

禮儀

卷四十七

十八 省直

聲仗已端逢見正南宣不坐新栽松樹喚人看

和嚴揆省中宿齋遇令狐員外當直之作

唐李逢吉中

致齋分直宿南宮越石盧謚此夜同位極班行猶念  
舊名題章奏亦從公曾驅爪士三邊靜新贈髯參六  
義窮竟夕文昌如有月可憐如在庾樓中

中書郎事

唐裴度中

有意効承平無功益聖明灰心緣忍事霜鬢爲論兵  
道直身還在恩深命轉輕鹽梅非擬議葵藿是平生  
白日長懸照蒼蠅謾發聲嵩陽舊田地終使謝歸耕

南宮寓直

唐鄭谷晚

寓直事非輕宦孤憂且榮制承黃紙重辭見紫垣清  
曉霽庭松色風和禁漏聲粉廊會試處直事值假即於郡堂四廊題所記多在石柱昔賢名來誤宮憲燕啼疑花樹鶯  
殘陽應更好歸速恨嚴城

祕閣伴直

唐鄭谷晚

祕閣鎖書深牆南別晚岑吏人同野鹿庭木似山林  
淺井寒蕪入迴廊疊蘚侵閒看薛稷鶴共起五湖心  
省中偶作

唐鄭谷晚

三轉郎曹自勉旃莎隄吟步想前賢未如何遜無佳  
禮儀

卷四十七

十九

句若比馮唐是壯年捧制名題黃紙尾約僧心在白  
雲邊乳毛松雪春來好直夜清閒且學禪

中秋月直禁苑

唐鄭畋晚

禁署方懷忝綸闈已再加暫來西掖路還整上清槎  
恍惚歸丹地深嚴宿絳霞幽襟聊自適閑弄紫薇花

陪鄭誠郎中假日省中寓直

唐林寬晚

憲廳名最重假日許從容牀滿諸司印庭高五粒松  
井尋芸吏汲茶折岳僧封鳥度簾旌暮猶吟隔苑鐘

和周繇校書先輩省中寓直

唐林寬晚

古木重門掩幽深祗欠谿此中真吏隱何必更嚴栖

名姓鐫幢記經書逐庫題字隨飛蠹缺堦與落星齊

奉賀給事寓直

唐崔峒晚

桂枝家共折鷄樹代相傳忝向鸞臺下仍看鴈影連  
夜閒方步月漏盡欲朝天知去丹墀近明王許薦賢  
和騫右丞省中暮望

唐楊炯初

故事閒臺閣仙門藹已深舊章窺複道雲幌肅重陰  
玄律葭灰變青陽斗柄臨年光搖樹色春氣遶蘭心  
風響高牕度流痕曲岸侵天明總樞轄人鏡辨衣簪  
日暮南宮靜瑤華振雅音

奉和翰林丁侍郎禁署早春晴望

禮儀

卷四十七

二十

省直

唐劉得仁晚

御林聞有早鶯聲玉檻春香九陌晴寒著霽雲歸紫  
閣暖浮佳氣動皇城宮池日到冰初解輦路風吹草  
欲生鶯侶此時皆賦詠商山雪在思尤清

和都官苗員外秋夜寓直對雨

唐李嘉祐中

多雨南宮夜仙郎寓直時漏長丹鳳闕秋冷白雲司  
螢影侵堦亂鴻聲出苑遲蕭條吏人散小謝有新詩  
和韋侍御寓直對雨

唐錢起中

名貫四科首班宜二妙齊如何厭白簡未得步金閨  
寓直晦秋雨吟餘聞遠鷄漏聲過且冷雲色向窗低

誰謂霄漢近翻嗟心事睽蘭滋人未握霜曉鷺還栖  
佇見田郎字親勞御筆題

和寶吏部雪中寓直

唐牟士諤中

瑞花飄朔雪皓氣滿南宮迢遞層城掩徘徊午夜中  
金闥通籍恨銀燭直廬口誰問烏臺客家山憶桂叢

和謝舍人雪夜寓直

唐皇甫曾中

禁省夜沈沈春風雪滿林滄洲歸客夢青瑣近臣心  
揮翰宜鳴玉承恩在賜金建章寒漏起更助掖垣深

寓直中庶坊贈蕭洗馬

梁王均

龍樓實九重薄寒殊復早玉堦泣青露銅池結秋淙

禮儀

卷四十七

三十一省直

霜被守宮槐風驚護門草之子擅文華縱橫富詞藻  
舒錦慙光麗握珠謝奇寶婉孌非工文何用披懷抱  
物類志曰護門草出常山取置戶下或有過其門者草必叱之一名百靈草

從主移西州寓直齋內霖雨不晴懷郡中遊聚

梁何遜

寓直慙虎賁沈迷豈職事祈祈寒枝動濛濛秋雨駛  
不見眼中人空想山南寺雙桐傍欄上長楊夾門植  
夙昔構良遊接膝同歡志東西忽爲阻向隅懷獨思  
颯颯履聲喧擾擾群分異臥聞復雷響坐視重局祕  
欲寄一行書何解三秋意

和鄭雛校內省眺矚思鄉友 唐楊炯初

銅門初下碎石館始沈研游霧千金字飛雲五色牋  
樓臺橫紫極城闕俯青田暄入瑤房裏春迴玉宇前  
霞文埋落日風物淡歸煙翰墨三餘隙關山四望懸  
頽峰睽酌羽流水曠鳴弦雖欣承白雪終恨隔青天  
和中書侍郎楊再思春夜宿直鳳閣懷群公

唐魏知古初

拜門傳漏曉寓省索居時昔重安仁賦今稱伯玉詩  
鴛池滿不溢鷄樹久愈滋夙夜懷山甫清風有所思  
和中書侍郎楊再思春夜宿直鳳閣懷群公

禮儀

卷四十七

三十一省直

唐沈佺期初

西禁青春消南端皓月微千廬宵駕合五夜曉鐘稀  
星斗橫綸閣天河度瑣闌煙花章奏裏紛向夕郎飛

酬楊給事廉見贈省中 唐沈佺期初

前見給事

子雲推辨博公理擅詞雄始自尚書省旋聞給事中  
言從溫室祕籍向瑣闌通顧我叨郎署慙無章奏工  
分曹八舍斷解決五時空宿昔陪餘論平生賴擊蒙  
神仙應東掖雲霧限南宮忽枉瓊瑤贈長歌蘭渚風  
酬蘇員外味道夏晚寓直省中見贈

唐沈佺期初

並命登仙閣通宵直禮闈大官供宿膳侍史護朝衣  
卷幔天河入開窓雨露微小池殘暑退高樹早涼歸  
冠劍無時釋軒車待漏飛明朝題漢柱三署有光輝  
和杜侍御太清臺宿直旦有懷 唐李嶠初

唐上官儀初

奕奕九成臺窈窕絕塵埃蒼蒼萬年樹玲瓏下冥露  
池色搖晚空巖花斂餘照清切丹禁靜浩蕩文河渺

禮儀

卷四十七

主

省直

留連窮勝託夙期睽善謔東望安仁省西臨子雲閣  
長嘯披煙霧高步尋蘭若金狄掩通門雕鞍歸騎喧  
燕姝對明月荆豔促芳樽別有青山路策杖訪王孫  
春晚紫微省直寄內類苑不載 唐蘇頌初

直省清華接建章向來無事日猶長花間燕子棲鳩  
鵲竹下鷄雛繞鳳凰內史通宵承紫詣中人落晚愛  
紅妝別離不慣無窮憶莫誤卿卿學太常

獻

唐張九齡初

軒掖殊清秘才華固在斯興因膏澤酒情與惠風吹

所美應人譽何私亦我儀同聲感喬木比翼謝長離  
價以陸生減賢慙鮑叔知薄遊嘗獨媿芳訊乃兼施  
此夜金闈籍伊人瓊樹枝飛鳴復何遠相顧幸媿媿  
和許給事夜直簡諸公 唐張九齡初

唐張九齡初

未央鐘漏晚仙宇藹沈沈武衛千廬合嚴扃萬戶深  
左掖知天近南牕見月臨樹搖金掌露庭徙玉樓陰  
他日聞更直中宵屬所欽聲華大國寶夙夜近臣心  
逸興乘高閣雄飛在禁林寧思竊抃者情發為知音  
奉和許給事夜直簡諸公 唐崔顥盛

唐崔顥盛

西掖黃樞近東曹紫禁連地因才子拜人用省郎遷

禮儀

卷四十七

主

省直

夜直千門靜河明萬象懸建章宵漏急闔闔曉鐘傳  
寵列貂蟬位恩深侍從年九重初起草五夜即成篇  
顧已無官次循涯但自憐遠陪蘭渚作空此仰神仙  
秋夜寓直即事懷贈蕭令公裴侍郎兼通簡南

省諸友人

唐王灣盛

聖主萬年興賢臣數載升古靈傳岳秀宏量稟川澄  
綏甸舉長策風霜秉直繩出車逢俗震登閣滿朝稱  
賦簡流亡輯農安政理平還家新長幼巡隴舊溝塍  
忠鯁大勳立寰瀛墮業懲焚香兼御史懸鏡委中丞  
旗隼當朝立臺驄發部乘司徒漢家重國典賴川徵

雲路俄平入台階忽上凌秉鈞調造化宣緯慰黎蒸  
金省方秋作瑤軒直夜凭中書贈陳準右相簡王陵  
三傑賢更穆百僚歡且兢搖懷及賓友計曲辨淄澠  
閭闔冥陰散鉤陳爽氣凝月深宮樹轉河近禁樓水  
里吏風驅策微涓効斗升望塵宵繼火書札曙懷蒸  
彼此雖流眄規模轉服膺惠將霄漢隔勞或歲時矜  
位重恩寧濫才輕懾不勝林巒甘獨往疵賤苦相仍  
敢忘銜花雀思同附驥蠅平生逐鳥鵲何日嗣蒼鷹  
奉和范舍人宿直曉翫新池寄南省友

唐沈東美

禮儀

卷四十七

三五

省直

傳聞閭闔裏寓直有神仙史爲三墳博郎因五字選  
晨臨翔鳳沼春注躍龍泉去似登天上來如看鏡前  
影搖宸翰發波淨列星懸旣濟仍懷友流謙欲進賢  
彈冠聲實貴覆被渥恩偏温室言雖阻文場契獨全  
玉珂光赫奕朱紱氣蟬聯興逸潘仁賦名高謝朓篇  
青雲仰不逮白雪和難牽冉冉胡爲此甘心老歲年  
和刑部成員外秋夜寓直寄臺省知己

唐岑參

列宿光三署仙郎直五宵時衣天子賜厨膳大官調  
長樂鐘應近明光漏不逢黃門持被覆侍女捧香燒

筆爲題詩點燈綠起草挑竹喧交砌葉柳驪拂腮條  
粉署榮新命霜臺憶舊寮名香播蘭蕙重價蘊瓊瑤  
擊水翻滄海搏風透赤霄微才喜同舍何幸忽聞韶  
奉和中書徐侍郎中書省翫白雲寄潁陽趙大  
唐儲光義

青闕初朝退白雲遙在天非關取雷雨故欲伴神仙  
汎灩鵷池曲飄飄瓊闕前猶多遠山意幸入侍臣篇  
和張舍人夜直中書寄吏部劉員外

唐韋應物

禮儀

卷四十七

三五

省直

西垣草詔罷南宮憶上才月臨蘭殿出涼自鳳池來  
松桂生丹禁鶯鷺集雲臺託身各有所相望徒徘徊  
初秋月夜直宿因呈楊閣老 唐權德輿  
欽枕直廬暇風蟬迎早秋沈沈玉堂夕皎皎金波流  
對掌喜新命分曹諧舊遊相思翫華彩因感庾公樓  
和司門殷員外早秋省中直夜寄荆南衛端公

唐權德輿

共嗟王粲滯荊州才子爲郎憶舊遊涼夜偏宜粉署  
直清言遠待玉人酬風生北渚煙波闊露下南宮星  
漢秋早晚得爲同舍旅知君兩地結離憂

晚秋西省寄上李韓二舍人 唐司空曙



畫漏傳清唱天恩禁旅秋鴈親承露掌砧隔曝衣樓  
賜膳中人送餘香侍女收仍聞勞上直晚步鳳池頭

酬李司兵直夜見寄

唐皇甫冉中

江城聞鼓角旅宿復何如寒月此宵半春風舊歲餘  
徒云資薄祿未必勝閒居見欲扁舟去誰能畏簡書

酬吏部寶郎中直夜見寄

唐牟士諤中

解巾侍雲陛三命早為郎復以雕龍彩旋歸振鷺行  
玉書期養素金印已懷黃茲夕南宮詠遐情媿不忘  
和常舍人晚秋集賢院即事十二韻寄贈江南

徐薛二侍郎

唐盧綸中

禮儀

卷四十七

三七

省直

綸閣九華前森沈綺仗連洞門開旭日清禁肅秋天  
霜滿朝容備鐘餘漏唱傳搖瑞陪羽扇端升入爐煙  
麟筆刪金篆龍綃薦玉編汲書荀勗定漢史蔡邕專  
御竹潛通筍宮池暗瀉泉亂絮紫弱蕙墜葉洒枯蓮  
列署齊遊日重江並謫年登封思議草侍講憶同筵  
滄海風濤廣黥山瘴雨偏唯應緘上寶贈逵一呈妍  
奉和戶曹叔夏夜寓直寄呈同曹諸公并見示

唐盧綸中

斂板捧清詞恭聞侍直時暮塵歸衆騎遂宇舍諸司  
華月先燈至清風與簾隨亂螢光熠熠行樹影離離

龍吟人寧識鵬搏鸚豈知便應當五夜敢望竹林期

中書連直寒食不歸因懷元九 唐白居易中

去歲清明日南巴古郡樓今年寒食夜西省鳳池頭  
併上新人直難隨舊伴遊誠知視草貴未免對花愁

和錢員外禁中夙興見示

唐白居易中

窻白星漢曙憲煖燈火餘坐卷朱裏幕看封紫泥書  
宵宵鐘漏盡瞳瞳霞景初樓臺紅照曜松竹青扶疎  
君愛此時好迴頭時謂予不知上清界曉景復何如  
奉和武相公省中宿齋酬李相公見寄

唐鄭絪中

禮儀

卷四十七

三八

省直

高閣安仁省名園廣武廬沐蘭朝太一種竹詠華胥  
禁靜疎鐘徹庭開爽韻虛洪鈞齊萬物縹帙整群書  
寒露滋新菊秋風落故蕖同懷不同賞幽意竟何如  
和令狐六員外直夜即寄上相公

唐姚合中

霜臺同處軒憲接粉署先登語笑疎皓月滿簾聽玉  
漏紫泥盈手發天書吟詩清美招閑客對酒逍遙臥  
直廬榮貴人間難有比相公離此十年餘

休澣日西掖謁所知

唐溫庭筠晚

赤墀高閣自從容王女牕扉報曙鐘日麗九門青瑣

闔雨晴雙闕翠微峰  
毫端蕙露滋仙艸  
琴上薰風入  
禁松荀令鳳池春  
晚晚好將餘潤變魚龍

詩雋類函卷四十七

禮儀

卷四十七

二十九

詩雋類函卷四十八

東吳俞安期彙纂  
宣城梅鼎祚增定

禮儀部六

婚姻  
上陵  
誕辰  
上壽  
滿月  
辭日  
附  
並附  
挽歌  
上

○婚姻

太子納妃  
公主出降  
燕入

白水

二見○  
寧戚之每見管仲也  
亟稱曰浩浩  
乎儵儵乎管子不歸而不始有少妾問  
焉仲曰非而與知也  
妾曰毋少毋賤賤仲  
以語之妾曰爾子殆欲室也  
古有白水之詩

浩浩白水儵儵之魚  
君來召我我將安居  
國家未立從我焉如  
傳列女

禮儀

卷四十八

一 婚姻

浩浩者水育育者魚  
未有室家而召我安居  
然盛大

魚育育然相與而遊  
其中喻時人皆得配偶以  
居其室寧戚有仇儻之思  
故陳此詩以見意

述婚詩二章

漢秦嘉

羣祥既集二姓交歡  
敬茲新婚六禮不愆  
羔鴈總備玉帛  
交交君子將事威儀  
孔閒猗兮容兮穆矣  
其言二

紛彼婚姻禍福之由  
衛女興齊衰似滅周  
戰戰兢兢懼德不仇  
神啓其吉果獲令攸  
我之愛矣荷天之休

與君爲新婚  
原作古詩

無名氏

冉冉孤生竹結根泰山阿  
與君爲新婚兔絲附女蘿

免絲生有時夫婦會有宜千里遠結婚悠悠隔山陂  
思君令人老軒車來何遲傷彼蕙蘭花含英揚光輝  
過時而不采將隨秋草萎君亮執高節賤妾亦何爲  
文心雕龍曰孤竹  
一篇傳教之辭

感婚詩

晉張華

駕言遊東邑東邑紛襍襍婚姻及良時嫁娶避當梁  
窈窕出閨女嫵婉姬與姜素顏發紅華美目流清揚  
韓煒衆親盛於我猶若常譬彼暮春草榮華不再陽  
少年新婚爲之詠

梁沈約

山陰柳家女薄言出田墅丰容好姿顏便辭巧言語  
禮儀

卷四十八

婚姻

腰肢既軟弱衣服亦華楚紅輪映早寒盡扇迎初暑  
錦履並花紋繡帶同心苜羅襦金薄厠雲鬢花釵舉  
我情已縈紆何川長崎嶇託意眉間黛中心口上朱  
莫爭三春價坐喪千金軀盈尺青銅鏡徑寸合浦珠  
無因達往意欲寄雙飛鳥裾開見玉趾衫薄映凝膚  
羞言趙飛燕笑殺秦羅敷自顧雖悴薄冠蓋曜城隅  
高門列騶駕廣路從驪駒何慚鹿盧劍詎減府中趨  
還家問鄉里詎堪特作夫

看伏郎新婚

梁何遜

霧夕蓮出水霞朝日照梁何如花燭夜輕扇掩紅妝

良人復灼灼席上自生光所悲高駕動環珮出長廊  
左右新婚

梁劉琨

小史如初日得婦類行雲琴聲一作琴聲妾曾聽桃子一作  
挑壻經分蛾眉參意畫繡被共籠薰偏增使君妬無  
趣遣相聞一作相聞使君

看新婚

陳周弘正

莫愁年十五來聘子都家婿顏如美玉婦色勝桃花  
帶啼疑暮雨含笑似朝霞暫却輕紈扇傾城判不賒  
看新婚

唐鄭世翼

初并夢桃李新妝應標梅疑逐朝雲去翻隨暮雨來  
禮儀

卷四十八

婚姻

雜珮含風響叢花隔扇開嫦娥對此夕何用久徘徊  
七夕看新婚隔巷停車

隋陳子良

隔巷遙停憶非復爲來遲只言更尚淺未是渡河時  
初宵看婚

唐楊師道

洛城花燭動戚里畫新娥隱扇羞應慣含情愁已多  
輕啼濕紅粉微睇轉橫波更笑巫山曲空傳暮雨過

觀兄弟同夜成婚

唐鄭軌

棠棣開雙萼天桃照兩花分庭合珮響隔扇偶妝華  
迎風俱似雪映綺共如霞今宵二神女併在一仙家

戲贈潘徐城門兩新婦

唐李百藥

秦晉稱舊匹潘徐有世親三星宿已會四德婉而嫺  
雲光鬢裏薄月影扇中新年華與妝面共作一芳春

太子納妃

高宗子洪為太子納妃有司奏贊用白鴈適苑中獲之帝喜曰漢獲朱鴈為樂府歌今得白鴈為婚贊婚乃人倫之首我則無憾帝與羣臣俱作詩慶婚

唐高宗

雕軒回翠陌寶駕歸丹殿鳴珠佩曉衣鏤壁輪初扇  
華冠列綺筵蘭醕申芳宴環階鳳樂陳玳席珍羞薦  
蝶舞翻香新歌分落素塵歡凝歡懿慶叶慶初烟  
暑闌炎氣息涼早吹疎頻方期六合泰共賞萬年春

奉和太子納妃

唐胡元範

禮儀

卷四十八

四

婚姻

金闥未息火玉樹鍾天愛月路飾還裝星津動歸佩  
紫極流宸渥清規佇慈誨恩波洽九流光輝軼千載  
列席詔親賢式宴坐神仙聖文飛聖筆天樂奏鈞天  
曲池涵瑞景文字孕祥煙小臣同百獸率舞悅堯年

奉和太子納妃

唐裴守貞

雲路移彤輦天津轉明鏡仙珠照乘歸寶月重輪映  
望園嘉宴洽主第歡娛盛絲竹揚帝薰簪裾奉宸慶  
聚雲謁曉光湛露晞朝陽天文天景麗睿藻宸詞芳  
玉庭散秋色銀宮生夕涼太平超邃古萬壽樂無疆

太子納妃太平公主出降

太平公主武后所生沈敏多權謀武后以

為類已受之謂謂文帝得神寶之異其子  
縣為婚館門隘不能容輦車有司駁拒入  
自與安門設燎相屬道從為唐高宗

龍樓光曙景曾館啟朝扉艷日濃妝影低星降葵暉  
玉樓浮瑞色銀榜藻祥徽雲轉花繁蓋霞飄葉綴旂

奉和太子納妃太平公主

唐郭正一

桂宮初服冕蘭掖早升笄禮盛親迎晉聲芬出降齊  
金龜開瑞鈕寶翟上仙梯轉扇承宵月揚旌照夕現

奉和太子納妃太平公主

唐劉禕

夢梓光青陸機桃藹紫宮德優宸念遠禮備國姻崇  
萬戶聲明發三條騎吹通香輪送重景綵旆引仙虹

禮儀

卷四十八

五

婚姻

奉和太子納妃太平公主  
出唐元萬頃  
象輅初乘鴈璇宮早結褵離元應春夕帝子降秋期  
鳴瑜合荐響比玉麗穠姿和聲躋鳳掖交影步鸞墀

奉和太子納妃太平公主

唐任希古

帝子升青陸王姬降紫宸星光移雜珮月彩薦重輪  
龍旌翻地杪鳳管颺天濱槐陰浮淺瀨葆吹翼輕塵

奉和太子納妃太平公主

唐胡元範

帝子威儀絕儲妃禮度優疊鼓陪仙觀凝笳翼畫翽  
鬱鬱神香滿奕奕彩雲浮排空列錦罽騰觀溢皇州

奉和太子納妃太平公主

唐裴守貞

瑜珮升青殿，穠華降紫微。還如桃李發，更似鳳凰飛。  
金屋貞離象，瑤臺起婺微。綵纓紛碧座，續羽泛綸衣。

壽陽王花燭圖

唐宋之問 初

仙媛乘龍日，天孫捧鴈來。可憐桃李徑，更遶鳳凰臺。  
燭照香車入，花臨寶扇開。莫令銀箭曉，爲盡合歡杯。

安樂郡王花燭行

唐張說 初

青宮朱邸翊皇闈，玉葉瓊蕤際紫微。姬姜本來舅甥  
國，卜筮俱道鳳皇飛。星昴殷冬獻吉日，天桃穠李逢  
相匹。鸞車鳳輦王子來，龍樓月殿天孫出。平臺火樹  
連上陽，紫炬紅輪十二行。丹爐飛鐵馳炎焰，炎霞燦

禮儀

卷四十八

六 婚姻

電吐明光綠屏紺，憶紛如霧節鼓清。笳前啓路城隅  
靡靡稍東還，橋上鱗鱗轉南渡。五方觀者聚中京，四  
合塵煙漲洛城。商女香車珠結網，天人寶馬玉繁纓。  
百壺淥酒千斤肉，大道連延障錦軸。先祝聖人壽萬  
年，復禱宜家承百祿。珊瑚刻盤青玉樽，因之假道入  
梁園。梁園山竹疑雲漢，仰望高樓在天半。翠幕蘭堂  
蘇合薰，珠簾挂戶水波紋。別起芙蓉織成帳，金縷駕  
騶兩相向。麝茵飾地承瑤履，花燭分階移錦帳。織女  
西垂隱燭臺，雙童連綬合歡杯。諷諠綺庭嬪從列，娥  
娥紅粉扇中開。黃金兩印雙花綬，富貴婚姻古無有。

清歌棠棣美王姬，流化邦人正夫婦。

天門街西觀榮王娉妃

唐張光朝 成

仙媛來朱邸，名王出紫微。三周初展義，百兩遂言歸。  
鄭國通梁苑，天津接帝畿。橋成烏鵲助，蓋轉鳳凰飛。  
霜仗迎秋色，星河滿夜輝。從茲磐石固，應爲得賢妃。

天門街西觀榮王娉妃

唐梁鉉 盛

帝子乘龍夜，三星照戶前。兩行宮出火，十里道鋪筵。  
羅綺明中識，簫韶暗裏傳。燈攢九華扇，帳撒五銖錢。  
交頸文鴛合，和鳴彩鳳連。欲知來日美，雙拜紫微天。

蕭駙馬花燭

唐王昌齡 盛

禮儀

卷四十八

七 婚姻

青鸞飛入合歡宮，紫鳳銜花出禁中。可憐今夜千門  
裏，銀漢星回一道通。

李監宅

唐杜甫 盛

尚覺王孫貴，豪家意頗濃。屏開金孔雀，褥隱繡芙蓉。  
且食雙魚美，誰看異味重。門闌多喜色，女壻近乘龍。

王評事駙馬花燭詩四首

唐盧綸 中

萬條銀燭引天人，十月長安半夜春。步障三千隘將  
斷，幾多珠翠落香塵。

一人女壻萬人憐，一夜調疎抵百年。爲報司徒好將  
息，明珠解轉又能圓。

人主人臣是親家千秋萬歲保榮華幾時曾向高天裏得見今宵日裏花

比翼和鳴雙鳳凰欲棲金帳滿城香平明却入天泉裏日氣曛曛五色光

壽安公主出降

唐李商隱

晚

嬌水聞貞媛常山索銳師昔憂迷帝力今分送王姬事等和強虜恩殊睦本枝四郊多壘在此禮恐無時

催妝

唐徐安期

初

傳聞燭下調紅粉明鏡臺前作好春不須滿面渾妝却留著雙眉待畫人

禮儀

卷四十八

八

婚禮

詔作催妝五言

唐陸暢

中

雲安公主貴出嫁五侯家天母親調粉日兄憐賜花催鋪柏子帳待障七香車借問妝成未東方欲曉霞內人以陸暢吳音捷才以詩嘲之

十二層樓倚翠空鳳鸞相對立梧桐變成走報監門衛莫使吳歛入漢宮

酬以此詩大哈別賜宮錦榜伽瓶唾盂各一

粉面仙郎選世朝偶逢神女學吹簫須教翡翠聞王母不奈烏鶯噪鵲橋

友人婚楊氏催妝

唐賈島

中

不知今夕是何夕催促陽臺近鏡臺誰道芙蓉水中種青銅鏡裏一枝開

催妝

唐黃滔

晚

北府迎塵南郡來莫將芳意更遲回雖言天上光陰別且被人間更漏催煙樹迴垂連帶杏綠童交捧合歡杯吹簫不是神仙曲爭引秦娥下鳳臺

新嫁娘二首

唐王建

中

錦帳兩邊橫遮掩侍娘行遣郎鋪簾席相並拜親情

二  
三日入厨下洗手作羹湯未諳姑食性先遣小娘嘗

禮儀

卷四十八

九

婚禮

盧校書年暮取崔氏結褵之後崔氏因賦此詩

唐崔氏

盧象之妻

不怨盧郎年紀大不怨盧郎官職卑自恨妾身生較晚不及盧郎年少時

洛州蕭司兵謁兄還赴洛

禮成

唐沈佺期

初

棠棣日光輝高襟應序歸來成鴻鴈聚去作鳳凰飛細草承輕傳驚花慘別衣灞亭春有酒岐路惜芬菲

送入成婚

唐張說

初

婚禮知無賀承家歎有輝親迎驥子躍吉兆鳳雛飛溫席開華扇梁門換紫衣遙思桃李日應賦採蘋歸



送桓子之郢成禮

唐孟浩然

聞君馳綵騎蹀躞指荆衡

一作南荆

爲結潘楊好言過鄢

郢城標梅詩有贈羔鴈禮將行今夜神仙女應來感

夢情

送陝縣王主簿赴襄陽成親

唐岑參

六月襄山道三星漢水邊求凰應不遠去馬騰須鞭

野店愁中雨江城夢裏蟬襄陽多故事爲我訪先賢

送族弟凝之滁求婚崔氏

唐李白

與爾情不淡忘筌已得魚玉臺挂寶鏡持此意何如

坦腹東牀下由來志氣疎逢知向前路擲果定盈車

禮儀

卷四十八

十一 婚嫁

送大理封主簿五郎親事不合却赴通州主簿

前閬州賢子余與主簿平章鄭氏女子垂欲

納采鄭氏伯父京書至女子已許他族親事

遂停

唐杜甫

禁鑿去東牀趨庭赴北堂風波空遠涉琴瑟幾虛張

渥水出騏驎崑山生鳳凰兩家誠款款中道許蒼蒼

頗謂秦晉匹從來王謝郎青春動才調白首缺輝光

玉潤終孤立珠明得聞藏餘寒折花卉恨別滿江鄉

送鄭正則之漢陽迎婦

唐李嘉祐

錦字相催鳥急飛郎君暫脫老萊衣遙想雙眉待人

盡行看五馬送潮歸望夫山上花猶發新婦江邊鶯

未稀今秋和鳴真可羨此行誰道負春輝

送黎兵曹往陝結親

所婚即君唐盧綸

郎馬兩如龍春朝上路逢鴛鴦初集水薜荔欲依松

步帳歌聲轉妝臺燭影重何言在陰者得是戴侯宗

送李明府使蘇州便赴吉期

唐韓翃

莫言水國去迢迢白馬吳門見不逢楓樹林中經楚

雨木蘭舟上蹋江湖空山古寺千年石草色寒隄百

尺橋早晚盧家蘭室外珊瑚玉佩徹青霄

送李校書赴吉期

唐賈島

禮儀

卷四十八

十一 誕辰

筮算重重吉良期詎可遷不同牛女夜是配鳳皇年

佩玉春風裏題章臘燭前詩書與箴訓夫哲又妻賢

送段覺之西蜀結婚

唐許渾

詞賦名高身不閑綵衣如錦度函關鏡中鸞影羅威

去劍外花歸衛玠還秋浪遠侵黃鶴嶺暮雲遙斷碧

雞山此時人問西遊客心在重霄鬢欲斑

○誕辰

誕辰內殿宴羣臣聯句

景龍二年十一月十五日中宗皇帝降誕日內

嚴宴羣臣因爲

唐中宗

潤色鴻業寄賢才中叨居右弼貴鹽梅李運籌帷幄

荷時來宗楚職掌圖籍監蓬萊憲劉兩司謬忝謝鍾裴

崔禮樂銓管効涓埃鄭陳師振旅清九垓趙彦欣承

顧問侍天杯李適銜恩獻壽柏梁臺蘇黃縑青簡奉康

哉盧藏鰥生侍從忝王枚李右掖司言實不才馬懷素

宗伯秩祀天地開帝歌難續仰昭回宋之微臣捧

日變寒灰遠甄班左愧遊陪上官婕妤

中宗降誕日長寧公主滿月侍宴

唐李嶠初

神龍見像日仙鳳養雛年大火乘天正明珠對月圓

祚逢金篋裏歌奏玉筐前今日宜孫慶還參祝壽篇

禮儀卷四十八

中宗降誕日長寧公主滿月侍宴應制

唐鄭愔初

春殿猗蘭美仙階柏樹榮地逢芳節應時觀聖人生

月滿增祥英天長發瑞霽南山遙可獻常願奉皇明

千秋節宴

令節肇開情兼感受率題八韻以示羣臣

蘭殿千秋節稱君萬歲觴風傳率土慶日表繼天祥

玉宇開花萼金縣動會昌衣冠白露下懸幕翠雲長

獻壽成新俗朝儀入舊章月銜花綬鏡露綴綵絲囊

處處祠田租年年宴杖鄉深思一德事小獲萬人康

奉和聖製千秋節宴應制開元十七年秋八月

日宴百官於花萼樓下羣臣張說等上表請

曰左丞相臣說右丞相臣張說太子少傅臣

則風俗傳其後故少昊著流虹之感商湯本

玄鳥之命孟夏有佛生之供仲春修禮道祖之

錄追始尋源其義一也代惟開元神武皇帝

陛下二氣合神九龍浴聖清明總於玉靈爽

明冠於金天月惟仲秋日在端午恒星不見

之夜祥光照室之朝羣臣相賀誕聖之辰也

焉可不以為嘉節乎此夫曲水宴亭重陽射

勝大願以八月五日為千秋節著之甲令布

於四方羣臣以是日獻甘露醢酒上萬歲壽

酒王公戚里進金鏡綴帶土庶以結壽域

囊更相遺問村社作壽酒宴樂賽白帝報田

神上明玄天光啓大聖下彰皇化垂裕無窮

異域占風同見美俗上勅旨曰八月五日

朕生辰感先聖之慶靈荷皇天之眷命卿等

禮儀卷四十八

請為令節上獻嘉名勝地良遊清秋尚興百

綬豐熟萬寶已成自我作古舉無越禮朝野

同歡足為美事依卿來請宜付所司

唐張說初

五德生王者千齡啓聖人赤光來照夜黃雲上覆晨

海縣銜恩久朝章獻壽新高居帝坐出夾道衆官陳

架杖洗清景管迎秋旻珠囊含瑞露金鏡抱仙輪

何歲無鄉飲何田不報神薰歌與名節傳代幸羣臣

皇帝降誕日集賢殿賜宴

唐張說初

仲秋金帝起五日土行昭瑞表壬寅露光傳甲子宵

陰風吹大澤夢日照昌朝不獨華封老千年喜祝堯

奉和聖製天長節賜宰臣歌

唐王維盛

太陽升兮照萬方開閭闔兮臨玉堂儼冕旒兮垂衣  
裳金天淨兮麗三光彤庭曙兮延八荒德合天兮禮  
神遍靈芝生兮慶雲見唐堯后兮稷禹臣匝宇宙兮  
華胥人盡九服兮皆四隣乾隆瑞令坤獻珍

八月五日歌

唐顧況

四月八日明星出摩耶夫人降前佛八月五日佳氣  
新昭成太后生聖人開元九年燕公說奉詔聽置千  
秋節丹青廟裏貯姚宋花萼樓中宴岐薛清樂靈香  
幾處聞鸞歌鳳吹動祥雲已於武庫見靈鳥仍向晉  
山逢老君率土普天無不樂河清海晏窮寥廓梨園  
禮儀

卷四十八

十四

子弟傳法曲張果先生進仙藥玉座清涼遊帝京悲  
翁回首望承明雲韶九奏杳然遠唯有五陵松柏聲

長春節

唐劉兼

聖朝佳節遇長春跪捧金爐祝又焚寶藏發來天地  
秀兵戈銷後帝皇尊太平基址千年永混一車書萬  
古存更有馨香滿芳檻和風遲日在蘭蓀

石公生日

唐羅隱

祥煙靄靄拂樓臺慶續玄元節後來已向青陽標四  
序便從嵩嶽應三台龜銜玉柄增年算鶴舞瓊筵獻  
壽杯自顧下儒何以祝柱天功業濟時才

○上壽

王公上壽詩

晉張華

稱元慶奉聖觴后皇延遐祚安樂撫萬方

王公上壽酒歌

晉荀勗

踐元辰延顯融獻羽觴祈令終我皇壽而隆我皇茂  
而嵩本支奮百世休祚鍾聖躬

上壽酒歌

晉傅玄

於赫明明聖德龍興三朝獻酒萬壽是膺敷祐四方  
如日之升自天降祚元吉有徵

上壽曲

北齊無名氏

禮儀

卷四十八

十五

仰三光奏萬壽人皇御六氣天地同長久

上壽歌

隋無名氏

俗已乂時又良朝玉帛會衣裳基同北辰久壽共南  
山長黎元鼓腹樂未央

奉和聖製重陽節宰臣及羣官上壽應制

唐王維

四海方無事三秋大有年百生逢此日萬壽願齊天  
芍藥和金鼎朱萸插玳筵玉堂開右个天樂動官縣  
御柳疎秋景城烏拂曙煙無窮菊花節長奉柏梁篇

上壽詞

唐王維

宮殿參差列九重祥雲瑞氣捧皆濃微臣欲獻唐堯壽遙指南山對袞龍

九日勤政樓下觀百寮獻壽 唐□□ 盛

御氣黃花節臨軒紫陌頭早陽生綵仗齊色入僊樓獻壽皆鵷鷺瞻天盡冕旒菊樽過九日鳳曆肇千秋樂奏薰風起杯酣瑞影收年年歌舞席此地慶皇休

長至上公獻壽

唐張叔良 中

鳳闕晴鐘動雞人曉漏長九重初啓鑰三事正稱觴日至龍顏近天旋聖曆昌休光連雪淨瑞氣雜爐香化被君恩洽恩霑士庶康不因稽舊典誰得紀朝章

禮儀

卷四十八

十六

長至上公獻壽

唐崔琮 中

應曆三陽首朝天萬國同斗邊看子月臺上候祥風五夜鏡初曉千門日正融玉堦文物盛仙仗武貔雄率舞皆羣辟稱觴卽上公南山爲聖壽長對未央宮

長至上公獻壽

唐李竦 中

候曉金門闢乘時寶曆長羽儀瞻上宰雲物麗初陽漢禮方傳佩堯年正捧觴日行臨觀闕帝錫洽珪璋盛美超三代洪休降百祥自憐朝不坐空此詠無疆

長至上公獻壽

唐白敏中 中

候曉金門闢朝天萬國同瑞雲昇觀闕香氣映華嵩

日色臨仙禁龍顏對昊穹羽儀瞻百姓獻壽侍三宮化被君王洽恩沾草木豐自欣朝玉座宴此詠皇風

○滿月 晦日附

滿月

唐張諤 初

社金流茂祉庭玉表奇才竹似因談植蘭疑入夢裁烏將八子去鳳逐九雛來今夜明珠色當隨滿月開

歲夜安樂公主滿月侍宴 應制

唐杜審言 初

戚里生昌胤天杯宴重臣盡樓初滿月香燄早迎春睿作堯君寶孫謀梁國珍明朝元會日萬壽樂章陳歲夜安樂公主滿月侍宴 應制 唐沈佺期 初

禮儀

卷四十八

十七

除夜子星迴天星滿月杯詠歌騰趾合肅管鳳雛來歲炬常然桂春盤預折梅聖皇千萬壽垂曉御樓開

小歲日喜談氏外孫女滿月 唐白居易 中

今旦夫婦喜他人豈得知自嗟生女晚敢訝見孫遲物以希爲貴情因老更慈新年逢吉日滿月乞明時桂燎熏花果蘭湯洗玉肌懷中有可抱何必是男兒

金鑾子晬日

唐白居易 中

行年欲四十有女曰金鑾生來始週歲學坐未能言慙非達者懷未免俗情憐從此累身外徒云慰目前若無天折患則有婚嫁牽使我歸山計應遲十五年

趙使君生子晬日

唐僧法振

老骨貴天生肌膚片玉明見人空解笑弄物不知名  
國器嗟由小風神望益清抱來芳樹下時聽鳳聲  
○上陵 拜掃附

拜衡陽文王義季墓

宋孝武帝

昧旦憑行軾濡露及山庭投步矜履躅舉目增淒清  
輶路滅歸軫淪關負重局深松朝已霧幽燧晏未明  
長楊敷晚素宿草披初青哀往起沈泉追愛慟中情  
竹帛憑年遠世範隨伏傾

拜陵廟作

宋顏延之

禮儀

卷四十八

上陵

周德恭明祀漢道遵光靈哀敬隆祖廟崇樹加園塋  
逮事休命始投迹階王庭陪厠迴天顧朝燕流聖情  
早服身義重晚達生戒輕否來王澤竭泰往人悔形  
勅躬慙積素復與昌運并恩合非漸清榮會在逢迎  
夙御嚴清制朝駕守禁城束紳入西寢伏軫出東堦  
衣冠終冥漠陵邑轉葱青松風遵路急山煙冒龍生  
皇心憑容物民思被歌聲萬紀載絃吹千歲託旒旌  
未殊帝世遠已同淪化萌幼壯困孤介未暮謝幽貞  
發軌喪夷易歸軫慎崎傾

從拜陵登京峴

宋鮑照

孟冬十月交殺盛陰欲終風烈無勁草寒甚有凋松

軍井冰書結士馬羶夜重晨登峴山首霜雪凝未通  
息鞍循隴上支劒望雲峰表裏觀地險昇降究天容  
東嶽覆如礪瀛海安足窮傷哉良永矣馳光不再中  
衰賤謝遠願疲老還舊邦深德竟何報徒令田陌空

仲秋太常寺觀公輅車拜陵

唐苗仲芳

南呂初開律金風已戒涼拜陵將展敬車輅儼成行  
士庶觀祠禮公卿習舊章郊原佳氣引園寢瑞煙長  
鹵簿辭丹闕威儀列太常聖心何所寄惟德在無忘

拜桓宣武墓詩

晉顧凱之

禮儀

卷四十八

上陵

山崩溟海竭魚鳥將何依

和裴侍中承恩拜掃旋轡途中有懷寄州縣官

寮鄉園故親

唐張九齡

嵩嶽神惟降汾川鼎氣雄生才作霖雨繼代有清通  
天下稱賢相朝端挹至公自家來佐國移孝入爲忠  
霜露多前感丘園想舊風扈巡過晉北問俗到河東  
便道恩華降還鄉禮教崇野樽延故老朝服見兒童  
○送葬 護喪 迎喪附

王尚書瞻祖日

梁何遜

昱昱丹旌振亭亭素蓋立金鐸謹已鳴龍輻將復入

華臺日未徙荒墳路行濕已矣將何如賓馭皆灑泣

和陽一作侯送表金紫葬 陳張正見

玄泉開隧道日日照佳城一朝嗟此路千載幾傷情

秋氣一作悲松色淒風咽挽聲歸雲向谷晚還柳背

山輕唯當三夜龍月暫時明

送觀寧侯葬 北周王褒

蒙羽高峻極淮泗導清源刑茅廣裂地跼萼盛開蕃

紛綸彤牋彩從容瓊玉溫衝飈搖柏幹烈火壯曾崑

疇昔同羈旅辛苦涉涼暄觀風方聽樂垂淚遽傷冤

造舟虛客禮高閨掩賔垣桂樹思公子芳草惜王孫

禮儀 卷四十八 三

今晨向郊郭猶似背輶輳丹旒書空位素帳設虛樽

楚琴南操絕韓書舊說存西靡傷新樹東陵惜故園

自憐悲谷影彌愴一作玉關門餘輝盡天末夕霧擁

一作山根平原看獨樹臯亭望列村寂寥還蓋靜荒

茫歸路昏挽鐸已流唱歌童行自喧瞻言千載後誰

將遊九原 送劉中書葬 北周王褒

昔別傷南浦今歸去北邙書生空託夢久客每思鄉

寒近邊雲黑塵昏野日黃陵谷俄遷變松柏易荒涼

題銘無復迹何處驗龜長

送冥法師葬 北周庾信

龍泉今日掩石洞即時封玉匣摧談柄懸河落辯鋒

香爐猶是柏塵尾更成松郭門未十里山迴已數重

尚聞香閣梵猶聽竹林鐘送客風塵擁寒郊霜露濃

性靈如不滅神理定何從

望送魏徵葬 魏徵疾上與太子同至其第指

命百官赴喪給羽葆鼓吹陪葬昭陵其妻裴

氏曰徵平生儉素今葬以羽儀非其志也悉

辭不受以布車載柩而葬上登西苑樓望哭

盡哀賦此詩自製碑文并為書石謂侍臣曰

人以銅為鏡可以正衣冠以古為鏡可以見

興替以人為鏡可以知得失魏徵沒朕亡一

鏡矣 唐太宗

禮儀 卷四十八 三

閭闔總金鞍上林移玉輦野郊愴新別河橋非舊饒

慘日映峰沈愁雲隨蓋轉哀笳時斷續悲旌乍舒卷

望望情何極浪浪淚空泫無復昔時人芳春共誰遣

夜聞故梓州韋使君明當引緋感而成章 唐蘇頌

側矣南隣問冥然東岱幽里閉寧相杵朝歎忽遷舟

君心惟伯仲吾人復欵遊對連時亦早交喜歲纔周

序發扶陽贈交因司寇酬詎期危露盡相續逝川流

卧疾無三弔居間有百憂振風吹鼓夕明月照帷秋

薜駁題詩館楊疎奏妓樓共將歌哭歎轉為弟兄留



感物存如夢觀生去若浮余非忘情者雪涕報林丘

承聞故房相公靈輓自閬州啓殯歸葬東都有

作二首

唐杜甫

遠聞房太守歸葬陸渾山一德興王後孤覓久客間  
孔明多故事安石竟崇班他日嘉陵淚仍沾楚水還

二

丹旄飛飛日初傳發閬州風塵終不解江漢忽同流  
劒動親身匣書歸故國樓盡哀知有處爲客恐長休

送終

唐韋應物

奄忽逾時節日月復其良蕭蕭車馬悲祖載發中堂  
禮儀

卷四十八

三

送葬

生平同此居一旦異存亡斯須亦何益終復委山岡  
行出國南門南望鬱蒼蒼日入乃云造慟哭宿風霜  
晨遷俯玄廬臨訣但遑遑方當永潛翳仰視白日光  
俯仰遽終畢封樹已荒涼獨留不得還欲去結中腸  
童稚知所失啼號捉我裳卽事猶倉卒歲月始難忘

送魏六侍御葬

唐皇甫冉

哭葬寒郊外行將何所從盛曹徒列指新墓已栽松  
海月同千古江雲覆幾重舊書曾諫獵遺草議登封  
疇昔輕三事常期老一峰門臨商嶺道廳引洛城鐘  
應積泉中恨無因世上逢招尋偏見厚踈慢亦相容

張范惟通夢永羊永絕蹤誰知長卿疾歌賦不還邛

送柳宜城葬

唐顧況

鳴笳已逐春風咽匹馬猶依舊路嘶遙望柳家門外  
樹恐聞黃鳥向人啼

觀葬者

唐權德輿

塗芻隨書哭數里至松門貴盡人間禮寧知逝者覓  
笳簫出廣陌煙雨閉寒原萬古皆如此傷心反不言

與樂天同葬杓直

唐元稹

元伯來相葬山濤誓撫孤不知他日事兼得似君無  
觀廉女直葬女真善隸書常爲內中學士

禮儀

卷四十八

三

送葬

玉牕拋翠管輕袖掩銀鸞錯落雲車斷丁冷金鑿寒  
鶴尋深院立人借舊書看寂寞聞香處紅花滿石壇  
葬寶雞行路士人

唐廖有方

嗟君沒世委空囊幾度勞心翰墨場半面爲君申一  
慟不知何處是家鄉

掩役夫張進骸

唐柳宗元

生死悠悠爾一氣聚散之偶來紛喜怒哀忽已復辭  
爲役孰賤辱爲貴非神奇一朝續息定枯朽無妍媸  
生平勤早樞剝林不告疲既死給轉櫬葬之東山基

奈何值崩湍蕩析臨路垂饒然暴百骸散亂不復支  
從者幸告余睠之涓然悲猶虎獲迎祭犬馬有益帷  
佇立唁爾竟豈復識此爲畚鍤載埋瘞溝瀆護其危  
我心得所安不謂爾有知掩骼著春令茲焉適其時  
及物非吾輩聊且顧爾私

張工部發引日屬傷足卧疾不遂執紼

唐權德輿

子春傷足日况是寢門哀元伯歸全去無由白馬來  
旆簫里巷咽龜茲墓田開片石潺湲淚含悽叙史才  
送廬十四弟侍御護韋尚書靈輓歸上都二十

禮儀

卷四十八

三十四

韻

唐杜甫

素幕渡江遠朱幡登陸微悲鳴駟馬顧失涕萬人揮  
參佐哭辭畢門闌誰送歸從公伏事久之子俊才稀  
長路更執紼此心猶倒衣感恩義不小懷舊禮無違  
墓待龍驤詔臺迎獬豸威深衷見士則雅論在兵機  
戎狄乘妖氣塵沙落禁闈往年朝謁斷他日掃除非  
但促銅壺箭休添玉帳旂動詢黃閣老肯慮白登圍  
萬姓瘡痍合羣兇嗜慾肥刺規多諫諍端拱自光輝  
儉約前王體風流後代希對敷期特達衰朽再芳菲  
空裏愁書字山中疾采薇撥杯要忽罷抱被宿何依

眼冷看征蓋兒扶立釣磯清霜洞庭葉故就別時飛

送阿史那安西迎舊使靈輓 唐王建

漢家都護邊頭沒舊將麻衣萬里迎陰地背行山下  
火風天錯到磧西城單于送葬還垂淚部曲招魂亦  
道名却入杜陵秋巷裏路人來去讀銘旌

○挽歌

薤露歌 薤露古今注曰薤 古辭

薤上露何易晞晞露晞明朝更復落人死一去何時歸

蒿里歌 古辭

蒿里誰家地聚斂精魂一作神一作無賢愚鬼伯一何

禮儀

卷四十八

三十五

相催促人命不得少踟躕

挽歌

魏繆襲

生時遊國都死沒棄中野朝發高堂上暮宿黃泉下  
白日入虞淵懸車息駟馬造化雖神明安能復存我  
形容稍歇滅齒髮行當墮自古皆有然誰能離此者

挽歌三首

晉陸機

上擇考休貞嘉命咸在茲夙駕驚徒御結轡頓重基  
龍旒一作被廣柳前驅矯輕旗殯宮何嘈嘈哀響沸  
中閨中聞且勿謹一作聽我薤露詩死生各異倫祖  
載當有特舍爵兩楹位啓殯進靈輓飲饌觴莫舉出

無期惟在曠遺影棟宇與子辭周親咸集  
自遠來翼翼飛輕軒駸駸策素騏按轡遵長薄送  
子長夜臺呼子子不聞泣子子不知歎息重觀側念  
我疇昔時三秋猶足收萬世安可思殉沒身易亡殺  
子非所能含言言哽咽揮涕涕流離

流離親友思惆悵神不泰素驂佇輻軒玄駟驚飛蓋  
哀鳴興墳宮迴遲悲野外竟與寂無響但見冠與帶  
備物象平生長旌誰為旆悲風鼓行軌傾雲結流靄  
振策指靈丘駕言從此逝

重阜何崔嵬玄廬竄其間磅礴立四極穹隆放蒼天  
禮儀 卷四十八 三六

側聽陰溝漏卧觀天井懸墻一作廣宵何寥廓大暮安  
可晨人往有返歲我行無歸年昔居四民宅今託萬  
鬼隣昔為七尺軀今成灰與塵金玉素所佩鴻毛今  
不振豐肌饗螻蟻妍姿一作骸永夷泯壽堂延魍魎虛  
無自相賓螻蟻爾何怨魍魎我何親拊心痛荼毒永  
歎莫為陳

挽歌

晉陸機

竟衣何盈盈旌旄何習習入母拊棺號兄弟扶筵泣  
靈輜動輟輟龍首矯崔嵬挽歌挾轂唱嘈嘈一何悲  
浮雲中容與飄風不能迴淵魚仰失梁征鳥俯墜飛

王侯挽歌見唐類函詩紀 晉陸機

孤竟雖有識宜漠難為符操心玄芒內注血貽鬼區

士庶挽歌見唐類函詩紀不載 晉陸機

塋埴為塗車束薪作芻靈陶犬不能吠瓦雞焉能鳴  
安寢曾丘下時聞板築聲

擬挽歌辭三首 晉陶淵明

有生必有死早終非命促昨暮同為人今旦在鬼錄  
冤氣散何之枯形寄空木嬌兒索父啼良友撫我哭  
得失不復知是非安能覺千秋萬歲後誰知榮與辱  
但恨在世時飲酒不得足

禮儀 卷四十八 三七

在昔無酒飲今但湛空觴春醪生浮蟻何時更能嘗  
肴案盈我前親舊哭我傍欲語口無音欲視眼無光  
昔在高堂寢今宿荒草鄉一本下有荒草無八句一作朝  
相送出門去歸來夜未央

荒草何茫茫白楊亦蕭蕭嚴霜九月中送我出遠郊

四面無人居高墳正嵯峨馬為仰天鳴風為一作自

蕭條幽室一已閉千年不復朝千年不復朝賢達將

無一作奈何向來相送人各自一作還其家親戚或餘

悲他人亦已歌死去何所道託體同山阿

松柏篇 并序 宋鮑照

余患脚上氣四十餘日知舊先借傳玄集以余病劇遂見還開泰適見樂府詩龜鶴篇於危病中見長逝詞惻然酸懷抱如此重病彌時不差呼吸之喘舉目悲矣火藥間缺而擬之

松柏受命獨歷代長不衰人生浮且脆鴟若晨風悲東海送逝川西山道落暉南廓一作悅籍短蒿里收

永歸諒無疇昔時百病起盡期志士惜牛刀忍勉自療治傾家行藥事顛沛去迎醫徒備火石苦奄至不得辭龜齡安可獲一作已迫睿聖不得留爲善何所益捨此赤縣居就彼黃墟宅永離九原親長

禮儀

卷四十八

二十八

與三辰隔屬續生望盡闔棺世業埋事痛存人心恨結亡者懷祖葬既云及墳遂亦已開室族內外哭親疎同共哀外姻遠近至名列通夜臺扶輿出殯宮低回戀庭室天地有盡期我去無還日居者今已盡入事從此畢火歇煙既沒形銷聲亦滅鬼神來依我生人永辭訣大暮杳悠悠長夜無時節鬱湮重冥下煩冤難具說安寢委沈冥戀戀念平生事業有餘結刊述未及成資儲無擔石兒女皆孩嬰一朝放捨去萬恨纏我情追憶世上事束教已自拘明發靡怡愈久歸多憂虞轍聞晨逕荒撤宴式酒濡知今瞑目苦恨

失時娛遙遙民居獨埋深壤中墓前人跡滅上草日豐空林響鳴咽高松結悲風長霖無覺期誰知逝者窮生存處交廣連榻舒華茵已沒一何苦措哉不容身昔日平居時晨夕對六親今日掩奈何一見無諧因禮席有降殺三齡速過隙几筵就收撤室宇改疇昔行女遊歸途仕子復王役家世本平常獨有亡者劇時祀望歸來四節靜坐丘孝子撫墳號父今知來不欲還心依戀欲見絕無由煩冤荒隴側肝心盡崩抽

代蒿里行

宋鮑照

禮儀

卷四十八

二十九

同盡無貴賤殊願有窮伸馳波催永夜零露逼短晨一作結我幽山駕去此滿堂親虛容遺劍佩實一作貌戢衣中斗酒安可酌尺書誰復陳年代稍推遠懷抱日幽淪人生良自劇天道與何人齊我長恨意歸爲狐兔塵

挽歌

謝綽拾遺錄曰太祖嘗召延之傳誦頌曰尋覓不值太祖曰但酒店中求之自當得也傳誦依音訪覓果見延之在酒肆裸身挽歌了不應對他日酒醒乃往

宋顏延之

令龜口明兆撤奠在方昏戒徒赴幽冥祖駕出高門行行去城邑遙遙守丘園息鑣竟平墜稅駕別嚴根

代挽歌

宋顏延之

獨處重冥下憶昔登高臺傲岸平生中不爲物所裁  
塹門只復閉白蟻相將來生時芳蘭體小蟲今爲災  
玄鬢無復根枯體依青苔憶昔好飲酒素盤進青梅  
彭韓及廉藺疇昔已成灰壯士皆死盡餘人安在哉

挽歌

北齊祖延

昔日一作時驅駟馬謁帝長楊宮旌懸白雲外騎獵紅  
塵中今來向漳浦素蓋轉悲風榮華與歌笑萬事盡  
成空

古挽歌

唐孟雲卿

禮儀

卷四十八

三

挽歌

草草閭巷喧塗車儼成市死者何所須盡我生人意  
北邙路非遠此別終天地臨穴頻撫棺至哀反無淚  
爾形未衰老爾息纔童稚骨肉安可離皇天若容易  
房幄卽靈帳庭宇爲哀次薤露歌若斯人生盡如寄

古挽歌

唐沈千運

北邙不種田但種松柏與柏松柏未生處留待市朝客

古挽歌

唐趙微明

寒日蒿上明淒淒郭東路素車誰家子丹旌引將去  
原下荆棘叢叢邊有新墓人生病長別此是長別處  
曠野何蕭蕭風悲白楊樹

古挽歌

唐于鵠

雙轍出郭門綿綿東西道送死多於生幾人得終老  
見此切肺肝不如歸山好不聞哀哭聲默默安懷抱  
時盡從物化又免生憂擾世間壽者稀盡爲悲傷惱

二

送哭誰家車靈車紫帶長青童抱何物明月與香囊  
可惜羅衣色看昇入水泉莫愁塹道暗燒漆得千年

三

陰一作劫風吹黃蒿挽歌渡秋水車馬却歸城孤墳月  
明裏

禮儀

卷四十八

三

挽歌

挽歌詞

唐白居易

丹旌何飛揚素驂亦悲鳴晨光照閭巷輜車儼欲行  
蕭條九月天哀挽出重城借問送者誰妻子與弟兄  
蒼蒼上古原峨峨開新塋含酸一慟哭異口同哀聲  
舊壙轉無絕新墳日羅列春風草綠北邙山此地年  
年生死別

詩雋類函卷四十八

詩集類由卷四十九

東吳俞安期彙纂

宣城梅鼎祚增定

陽羨曹福孫訂校

禮儀部七

挽歌下 弔

○挽歌下

孝敬皇帝挽歌

唐劉禕之

戒奢虛廢輅錫號紀鴻名地叶蒼梧野途經紫聚城

重蕭掩寒色晨威斷曙聲一隨仙驥遠霜雪愁陰生

孝和皇帝挽歌

唐賈竇初

新命子齡啟鴻圖累聖餘天行應潛曜帝出受圖書

禮儀

卷四十九

挽歌

禮若傳堯舊功疑復夏初夢遊長不返何國是華胥

讓皇帝挽歌

唐盧僕初

泰伯玄風遠延州德讓行闔棺追大節樹羽冊鴻名

地戶迎天仗皇階失帝兄還聞漢明主遺劍泣東平

玄宗挽歌

唐鄭丹中

律曆千年會車書萬里同固期常戴日豈意厭觀風

地慘新疆理城摧舊戰功山河萬古壯今夕盡歸空

肅宗挽歌

唐鄭丹中

國以重明受天從諒闇移諸侯方北面白日又西馳

龍影當泉落鴻名向廟垂永言青史上還見

代宗挽歌

唐李端中

祖庭三獻罷嚴衛百靈朝警蹕移前殿宮車上渭橋

寒霜凝羽葆野吹咽笳簫已向新京兆誰云天路遙

德宗皇帝挽歌四首

唐白居易中

執象宗玄祖貽謀啟孝孫文高柏梁殿禮薄灞陵原

宮仗辭天闕朝儀出國門生成不可報二十七年恩

二

虞帝南巡後殷宗諒闇中初辭鐘鼎地已閉聖仙宮

曉落當陵月秋生滿旆風前星奉帝座不使北宸空

三

禮儀

卷四十九

二

挽歌

業大承宗祖功成付子孫睿文詩播樂遺訓史標言

節表中和德方垂廣利恩縣知千載後理代數貞元

四

夢滅三齡壽哀延七月期寢園愁望遠宮仗哭行遲

雲日添寒慘笳笙向晚悲因山有遺詔如葬漢文時

德宗神武孝文皇帝挽歌二

唐劉禹錫中

出震清多難乘時播大鈞操絃調六氣揮翰動三辰

運偶升天日哀深率土人瑤池無轍迹誰見屬車塵

二

鳳翼擁銘旌威遲異告行漢儀陳祕器楚挽咽繁聲



三 經緯清廟凝旒背直城唯因晉內傳知是向

憲宗皇帝挽歌 唐張祐中

嗚咽上攀龍昇平不易逢武皇虛好道文帝未登封  
壽域無千載泉門是九重橋山非遠地雲去莫疑峯

憲宗章武孝皇帝挽歌詞三 唐元稹中

國付重離後身隨十聖仙北辰移帝座西日到虞淵  
方文言虛設華胥事渺然觸鱗曾在宵偏哭墮鼻前

二

天寶遺餘事元和盛聖功二凶梟帳下三叛斬都中  
楊惠琳李師道傳首京師劉始服沙陀虜方吞邏逆

禮儀 卷四十九 三 挽歌

戎沙陀突厥自元狼星如要射猶有鼎湖功

三

月落禁垣西星攢曉仗齊風傳宮闕苦雲拂羽儀低  
路隘車千兩橋聲馬萬蹄共嗟封石儉不為報功泥

順宗至德大聖大安孝皇帝挽詞三首

唐元稹中

不改延洪祚因成揖讓朝謳歌同戴啓過密共思堯  
雨露施恩廣梯航會葬逢號弓那獨切曾感昔年招

二

前春文祖廟大舜嗣堯登及此踰年感還因是月

三 經緯追孝促業在繼明興儉詔同今古山川繞

三

七月悲風起淒涼萬國人羽儀經巷內輜輳轉城闌  
暝色依陵早秋聲入路新自嗟同草木不識承貞春

敬宗睿武昭愍孝皇帝挽歌三首

唐劉禹錫中

寶曆方無限仙期忽有涯事親崇漢禮傳聖法殷家  
晚出芙蓉闕春歸棠棣華玉輪今日動不是畫雲車

二

任賢勞夢寐登位富春秋欲遂東人行寧虞祀國憂

禮儀 卷四十九 四 挽歌

長楊收羽騎太液泊龍舟惟有衣冠在年年愴月遊

三

講學金華殿親耕鉤盾田侍臣咨諫獵方士信求仙  
虹影俄侵日龍顏不上天空餘水銀漢長照夜燈前

上文宗元聖昭獻孝皇帝挽歌三首

唐劉禹錫中

繼體三才禮承顏九族親禹功留海內殷曆付天倫  
調露曲常在秋風調尚新本文方百代先讓標華春

二

月落宮車動風淒儀仗間路唯瞻鳳翼人尚想

御宇方無事乘雲遂不還聖情悲望處沈日下西山

三

享國十五載升天千萬年龍鑣仙路遠騎吹禮容全  
日下初陵外人悲舊劍前周南有遺老掩淚望秦川  
開成上行皇帝挽歌四首奉敕撰進

唐白居易中

御宇恢皇化傳家叶至公華夷臣妾內堯舜弟兄中  
制度移氓俗文章變國風開成與貞觀實錄事多同

二

晏駕辭雙闕靈儀出九衢上雲歸碧落下席葬蒼梧

禮儀

卷四十九

五

挽歌

奠晚餘堯曆龜新啓夏圖三朝連棟葉從古帝王無

三

嚴恭七月禮哀動萬人心地感勝秋氣天愁結夕陰  
鼎湖龍漸遠濛汜日初沈唯有雲韶樂長留治世音

四

化成同軌表清平恩結連枝感聖明帝與九齡雖吉  
夢山呼萬歲是虛聲月低儀仗辭蘭路風引笳簫入  
柏城老病龍髯攀不及東周還傳最傷情

莊陵挽歌三首

唐張籍中

白日已昭昭干戈亦漸消迎師新出道從諫早臨朝

倂倂威權薄忠良寵錫饒丘陵今一變無復白雲謠

二

觀風欲巡洛習戰日開池始收三年政旋開七月期  
陵分內外使官具吉凶儀渭北新園路簫笳遠更悲

三

曉日龍車動秋風闔闔開行帷六宮出執紼萬方來

慘慘郊原暮遲遲挽唱哀空山煙雨夕新柏遶陵臺

故齊王贈承天皇帝挽歌

唐皇甫冉中

盛禮追崇日人知友悌恩舊居從代邸新隴入文園

鴻寶仙書秘龍旂帝服尊蒼蒼松裏月萬古此高原

禮儀

卷四十九

六

挽歌

昭肅皇帝挽歌詞三首

唐李商隱中

九縣懷雄武三靈仰睿文周王傳叔父漢后重神君

玉律朝驚露金莖夜切雲笳簫淒欲斷無復詠橫汾

二

玉塞驚宵析金橋罷舉烽始巢阿閣鳳旋駕鼎湖龍

門咽通神鼓樓凝警夜鐘小臣觀吉從猶欲欲東封

三

莫厭昭華館虛傳甲帳神海迷求藥使雪隔獻桃人

桂寢青雲斷松扉白露新萬方同象鳥舉動淨秋塵

惠文太子挽歌

唐袁瓘中

寒仗丹旄引陰堂白日違暗燈明象物畫水濕靈衣  
羽化淮王去仙迎太子歸空餘燕衛土朝夕向陵飛

惠文太子挽歌二首

唐張說

碣館英靈在瑤山美謚尊翦桐悲曩戲攻玉愴新恩  
宮仗傳馳道朝衣送國門千秋穀門外明月照西園

二

梁國深文雅淮王愛道仙帝歡同宴日神奪上賓年  
旒旒飛行樹帷宮宿野煙指言君愛弟揮淚滿山川

恭懿太子挽歌五首

唐王維

何悟藏環早纔知拜壁年翀天王子去對日聖君憐  
禮儀

卷四九

挽歌

樹轉宮猶出笄悲馬不前雖蒙絕馳道京兆別開阡

二

蘭殿新悲切椒宮夕臨幽白雲隨鳳管明月在龍樓  
人向青山哭天臨渭水愁雞鳴常問膳今恨玉京留

三

騎吹凌霜發旌旗夾路陳凱容金節護冊命玉符新  
傳母悲香祿君家擁畫輪射熊今夢帝稱家問何人

四

蒼舒留帝寵子晉有仙才五歲過人智三天使鶴催  
心悲陽祿館目斷望思臺若道長安近何爲更不來

五

西望昆池濶東瞻下杜平山朝豫章館樹轉鳳皇城  
五枝連旗色千門疊鼓聲金環如有驗還向畫堂生  
悼懷太子挽歌詞二首奉詔撰進

唐白居易

竹馬書薨歲銅龍表葬時永言窳窳事全用少陽儀  
壽夭由天命哀榮出聖慈恭聞褒贈詔軫念在與夷

二

翦葉藩封早承華冊命尊笙歌辭洛苑風雪蔽梁園  
鹵薄凌霜宿銘旌向月翻官僚不逮事哭送出都門

禮儀

卷四九

挽歌

莊恪太子挽歌詞二首

唐溫庭筠

疊鼓辭宮殿悲笳降杳冥影離雲外日光滅火前星  
鄴客瞻秦苑商公下漢庭依依陵樹色空繞古原青

二

東府虛容衛西園寄夢思鳳懸吹曲夜鶴斷問安時  
塵陌都人恨霜郊賸馬悲唯餘埋璧地煙草近丹墀

相國清河王挽歌

北魏溫子昇

高門詎改轍曲沼尚餘波何言吹樓下翻成薤露歌

彭城王挽歌

隋盧思道

旭旦禁門開隱隱靈輿發纔看鳳樓迴稍視龍山沒

猶陳五營騎尚聚三河卒容衛儼未一作歸空

秋月

梁宣王挽詞三首

唐宋之間初

貴藩堯母族外戚漢家親業重興王際功高復辟辰  
愛賢唯報國樂善不防身今日衣冠送空傷置醴人

二

金精何日閉玉匣此時開東望連吾子南瞻近帝臺  
地形龜食報墳土燕銜來可歎虞歌夕紛紛騎吹迴

三

像設千年在平生萬事違綵旗翻葆吹主妻奠靈衣

禮儀

卷四九

九

隴日寒無影郊雲凍不飛君王留此地駟馬欲何歸

魯忠王挽詞三首

唐宋之間初

同盟會五月歸葬出三條日慘咸楊樹天寒渭水橋  
稍看朱鷺轉尚識紫駟驕寂寂泉臺恨從茲罷玉簫

二

邦家錫寵光存沒貴忠良遂裂山河地追尊父子王  
人悲槐里月馬踏槐原霜別向天京北悠悠此路長

三

樹羽迎朝日撞鐘望早霞故人悲宿草中使慘晨笳  
氣有衝天劍星無犯斗槎唯餘孔公宅長接魯王家

范陽王挽詞二首

唐宋之間初

賢相稱邦傑清流舉代推公才掩諸夏文體變當時  
賓弔翻成鶴人三惜喻龜洛陽今紙貴猶寫太沖詞

二

贈秩微章洽求書祕艸成客隨朝露盡人逐夜舟驚  
蒿里衣冠送松門印綬迎誰知楊伯起今日重哀榮

成王挽詞

唐岑參盛

幽山悲舊桂長坂愴餘蘭地底孤燈冷泉中一鏡寒  
銘旌門客送騎吹路人看漫作琉璃枕淮王誤合丹

太尉兼中書令贈太師西平郡王挽詞

禮儀

卷四九

十一

唐權德輿中

翊戴推元老謀猷合大君河山封故地金石表新墳

劒履歸長夜笳簫咽暮雲還經誓師處薤露不堪聞

故司徒兼侍中贈太傅北平郡王挽歌

唐權德輿中

授律勳庸盛居中鼎鼐和佐時調四海盡力靜三河  
忽訪天京兆空傳漢伏波今朝麟閣上偏軫聖情多

韋譙公挽歌二首

唐張說初

五瑞分王國雙珠映后家文飛書上鳳武結笥中蛇  
出豫榮前馬迴鸞表後車袞衣將錫命泉路有光華

二

國驕雙騏驎庭儀兩鳳皇將星連相位玉樹伴金鄉  
歌舞侯家艷軒裘戚里光安知杜陵下碑額已相望  
故右散騎常侍贈舒國公褚公挽歌

唐蘇頌

陽翟疏豐構臨平演慶源學筵尊授几儒服寵乘軒  
審諭留中密開陳與上言徂輝一不借空有賜東園

右丞相挽歌詞二首

唐張說

王宰丹青化春卿禮樂才緇衣傳舊職華袞贈新哀  
路泣群官送山嘶駟馬廻佳辰無白日賓閣有青苔

禮儀

卷四十九

十一

挽歌

二

聞歌出野田冠帶寢窮泉萬事皆身外平生尚目前  
西垣紫泥綽東岳白雲篇自惜同聲處從今遂絕絃

張丞相燕公挽歌詞二首

唐孫逖

海內文章伯朝端禮樂英一言興實運三入濟群生  
命與才相偶年將位不并台星忽已圻流慟軫皇情

二

甲第三重戟高門四列侯已成冠蓋里更有鳳皇樓  
人世方爲樂生涯遽若休空餘掌綸地傳慶百千秋

元相公挽詞三首

唐白居易

銘旌官重威儀盛騎吹聲繁國溥長後魏帝孫唐室  
相六年七月葬咸陽

墓門已閉笳簫去惟有夫人哭不休蒼蒼露草咸陽  
隴此是千秋第一秋

送葬萬人皆慘澹及虞馳馬亦悲鳴琴書劍珮誰收  
拾三歲遺孤新學行

河南觀察使故相國表公挽歌三首

唐劉禹錫

五驅龍虎節一入鳳皇池令尹自無喜羊公人不疑  
天歸京兆日葉下洞庭時湘水秋風至淒涼吹素旗

禮儀

卷四十九

十一

挽歌

二

丹旆發江臯人悲鴈亦號湘南罷亥市漢上改詞曹  
表墓雙碑立尊名一字褒常聞平楚獄爲報里門高

三

返葬二千里荆衡達帝畿逢人多故吏拜奠盡沾衣  
地得青鳥相賓驚白鶴飛五公碑尚在今日亦同歸

故燕國公挽歌二首

唐李嘉祐

文若爲全德留侯是重名論公長不幸因病得無生  
大夢依禪定高墳共化成自應憐寂滅人世但傷情

二

其美持衡日皆言折檻時蜀侯供廟署漢主缺台司  
車馬行仍止笳簫咽又悲今年杜陵陌殄瘁百花遲

故相國苗公挽歌

唐錢起中

霸陵誰罷葬漢主念蕭何盛業留青史浮榮逐逝波  
隴雲仍作雨薤露已成歌悽愴平津閣秋風弔客過

贈司徒豆盧府君挽詞

唐蘇頌初

寵贈追胡廣親臨比賀循幾聞投劍客多會服總人  
草閉墳將古松陰地不春二陵猶可望存歿有忠臣

故相國燕國公子司空挽歌

唐劉禹錫中

彫弓封舊國黑貂繼前功十年鎮南雍九命作司空

禮儀

卷四九

挽歌

池臺樂事盡蕭鼓葬儀雄一代英豪氣曉散白楊風

故太子太師徐公挽歌四首

唐王維盛

功德冠羣英彌綸有大名軒皇用風后傳說是星精  
就第優遺老來朝詔不名留侯常辟穀何苦不長生

二

謀猷爲相國翊贊奉乘輿劍履升前殿貂蟬托後車  
齊侯疏土宇漢室賴圖書僻處留田宅仍纔十頃餘

三

舊里趨庭日新年置酒辰聞詩鸞渚客獻賦鳳樓人  
北闕辭明主東堂哭大臣猶思御朱轡不惜汗車茵

四

久踐中台座終登上將壇誰言斷車騎空憶盛衣冠  
風日咸陽慘笳簫渭水寒無人當便闕應罷太師官

故僕射裴公挽歌三首

唐岑參盛

盛德資邦傑嘉謨作世程門瞻駟馬貴時仰八裴名  
罷市秦人送還鄉終老迎莫埋丞相印留著付玄成

二

五府瞻高位三台喪大賢禮容還故絳寵贈冠新田  
氣歟汾陰鼎龜歸京兆天先時劍已沒壠樹久蒼然

三

禮儀

卷四九

挽歌

富貴徒言久鄉閭歿後歸錦衣都未著丹旄忽先飛  
哀挽辭秦塞悲笳出帝畿遙知九原上漸覺手人稀

中書令裴公挽歌詞二首

唐溫庭筠晚

王儉風華首蕭何社稷臣丹陽布衣客運渚白頭人  
銘勒燕山暮碑沈漢水春從今虛醉飽無復汚車茵

二

箭下妖星落風前殺氣迴國香荀令去樓月定公來  
玉璽終無慮金滕竟不開空嗟薦賢路芳草滿燕臺

崔尚書挽詞

唐張說初

相宅隆坤寶承家占海封庭中男執鴈門外女乘龍



鳴玉遊三省從金侍九重一朝賓客散留劍在青松

戶部崔尚書挽歌

唐崔融初

八座圖書委三臺章奏盈舉杯常有勸曳履忽無聲  
市若荊州罷池如薛縣平空餘濟南劍天子署高名  
故太常卿贈禮部尚書李公挽歌

唐蔣渙盛

白簡常持憲黃圖復尹京能標百郡則威肅一朝清  
典秩崇三禮臨戎振五兵更聞傳世業才子有高名  
故陳州刺史贈兵部尚書韋公挽歌

唐孫逖初

禮儀

卷四十九

唐孫逖初

奕葉金章貴連枝鼎位尊台庭爲鳳穴相府是鵠原  
世閱空悲命泉幽不返蒐惟餘漢臣史經術贊章門  
故刑部李尚書挽歌詞三首 唐張九齡初

二

仙宗出趙北相業起山東明德嘗爲禮嘉謀屢作忠  
論經白虎殿獻賦甘泉宮與善今何在蒼生望已空

三

宿昔三台踐榮華駟馬歸印從青瑣拜輸入紫宸揮  
題劍恩方重藏舟事已非龍門不可望感激涕沾衣  
永歎常山寶沈埋京兆阡同盟會五月華表記千年

渺漫野中草微茫空裏煙共悲人事絕唯對杜陵田

贈工部尚書馮公挽歌三首

唐張說初

忠鯁難爲事平生盡畏途如弦心自直秀木勢恒孤  
詔葬南陵道神遊北斗樞貴門傳萬石餘慶在雙珠

爵位題龍旆威儀出鳳城路傍人泣送門外馬嘶迎

萬事非吾有千悲是世情昔馬稱夏日今也謚冬卿

三

杳然長夜臺舉世可哀哉泉戶一朝閉松風四回來  
石碑墳駁薛珠服聚塵埃遙望東鶴千年往復迴

禮儀

卷四十九

十六

初

故河南尹岐國公贈工部尚書蘇公挽歌二首

唐岑參盛

河尹恩榮舊尚書寵贈新一門傳畫戟幾世駕朱輪  
夜色何時曉泉臺不復春唯餘朝服在金印已生塵

二

白日扇泉戶青春掩夜臺舊堂階草長空院砌花開  
山曉銘旌去郊寒騎吹迴三川難可見應惜庾公才

祕書劉尚書挽歌二首

唐溫庭筠晚

王筆活鸞鳳謝詩生芙蓉學筵開絳帳談柄發洪鐘  
粉署見飛鵬玉山猜卧龍遺風灑清韻蕭散九原松

二

塵尾近良玉鶴裘吹素絲懷陵殷浩謫春

京口貴公子襄陽諸女兒折花兼路月多唱柳郎詞

唐李端中

禍集鉤方失災生劍忽飛無山就日拜空憶向天歸  
門吏看還拜官官識賜衣東堂哀贈畢從此故臣稀

二

素旆低寒水清簾出曉風鳥來傷賈傅馬立哭滕公  
松柏青山上城池白日中一朝今古隔惟有月明同

故趙王屬贈黃門侍郎上官公挽詞二首

禮儀

卷四九

十一

唐宋之間初

韋門旌舊德班氏業前昔謫去因丞相歸來為婕妤  
周原烏相塚越嶺鴈隨車漠漠辭昭代空憐賦子虛

二

綠車隨帝子青瑣翊宸機昔枉朝歌騎今虛夕拜闈  
柳河悽挽曲薤露濕靈衣一盾窮泉閉雙鸞遂不飛

故趙王屬贈黃門侍郎上官公挽詞

唐李義初

暮歸泉壤幽一作朝發城池絕漢時結愁陰秦川作  
陵下悲霞駭駭百駟馳悵悵群龍餞石馬徒自鳴

人終不見

故西臺侍郎上官公挽歌

唐李義初

寓內文儒重朝端禮命優立言多啓沃論道盛謀猷  
顧月琴安在衝星劍不留徒懷東武秘更掩北原丘

故徐州刺史贈吏部侍郎蘇公挽歌三首

唐張九齡初

韋玄方繼相有爽復齊名在貴兼天爵能賢出世卿  
學聞金馬詔神見玉人清藏壑今如此為山遂不成

二

相如只謝病子敬忽云亡豈悟瑤臺雪分彫玉樹行

禮儀

卷四九

六

挽歌

三

清規留草議故事在封章本謂山公啓而今歿始揚  
返蒼長安陌秋風簫鼓悲奈何相送者不是平生時  
寒影催年急哀歌助晚遲寧知建旗罷丹旄向京師

李工部挽歌三首

唐張說初

錦帳為郎日金門待詔時楊官先上賦柏殿幾聯詩  
瞬息琴歌斷淒涼簫挽悲那堪灞陵岸迴首望京師

二

宅兆西陵上平生雅志從城臨丹闕近山望白雲重  
會葬知元伯看碑識蔡邕無由接神理揮涕望青松

三

常時好賓客永日對絃歌是夕歸泉下傷心無奈何  
墓庭人已散祭處鳥來過碑石生苔蘚榮名豈復多

右常侍集賢院學士徐公挽歌二首

唐張說

才美臨淄北名高淮海東衣儀三省遍漁獵五車通  
玉殿孤新榜珠英落舊叢徒懸一寶劍何處訪徐公

二

歎息菁林友才華天下選並賦三陽宮集詩集賢殿  
具物衣如在咄嗟常不見既哀薤露詞豈忘平生眷  
禮儀

卷四九

十九 挽歌

崔司業挽歌二首

唐張說

海岱英靈氣膠庠禮樂資風流滿天下人物擅京師  
疾起揚雄賦竟遊謝客詩從今好文主遺恨不同時

二

象設存華館威儀下墓田鳳池傷舊草麟史泣遺編  
帷蓋墟煙沒干旌隴日懸古來埋玉樹流恨滿山川

陸著作挽詞二首

唐儲光義

世業江湖側郊園休沐處猶言五日歸未道千秋去  
鄉亭春水綠昌閣寒光暮昔爲畫錦遊今成近川路

二

歸路秦城下寒雲慘平田故園滄海上綠柳覆平川  
送客異他日還舟殊昔年華亭有明月長向隴頭懸

苗侍中挽歌二首

唐岑參

攝政朝章重持衡國相尊筆端通造化掌內運乾坤  
青史遺芳滿黃樞故事存空悲渭橋路誰對漢皇言

二

天子悲元老都人惜上公優賢几杖在會葬市朝空  
丹旄翻斜日清笳怨暮風平生門下客繼美廟堂中  
故吏部郎中贈給事中韋公挽歌二首

唐李益

禮儀

卷四九

二十

神理今何在斯人竟若斯顏淵徒有德伯道且無兒  
白髮今非老青雲數有奇誰言夕郎拜翻向夜臺悲

二

社里東城接松阡此地開聞笳春色慘執紼故人哀  
終日南山對何時渭水迴仁兄與恩舊相弔泣泉臺

丹陽刺史挽歌詞三首

唐駱賓王

百齡嗟倏忽一旦附山阿丹桂消亡盡青松哀思多  
薰風虛聽曲薤露已成歌自有藏舟處誰憐隙驪過

二

側愴恒山羽留連棣萼篇佳城非舊日京兆即新阡

城郭三千歲丘陵幾萬年唯餘松柏隴朝夕起寒煙

三

短歌三獻曲長夜九泉臺此室玄扃掩何年白日開  
荒郊疎古木寒隧積陳芟獨此傷心地松聲薄暮來

樂大夫挽詞五首

唐駱賓王 利

可歎浮生促吁嗟此路難丘陵一起恨言笑幾時歡  
蕭索郊墟晚荒涼井徑寒誰當門下客獨見有任安

二

蒿里誰家地松門何代丘百年三萬日一別幾千秋  
逐照寒無影窮泉凍不流居然同物化何處欲藏舟

禮儀

卷四九

三

流歌

三

昔去梅笳發今來薤露晞彤駟朝帝闕丹旄背王畿  
城郭猶疑是原陵稍覺非九原如可作千載與同歸

四

一日先朝菌千秋掩夜臺青烏新兆去白馬故人來  
草露當春泣松風向夕哀寧知荒隴外爭鶴自徘徊

五

忽見泉臺路猶疑水鏡懸何如開白日非復覩青天  
華表迎千歲幽局送百年獨嗟流水引長掩伯牙絃

故西河郡杜太守挽歌三首

唐王維 盛

天上去西征雲中護北平生擒白馬將連破黑鵬城  
忽見芻靈苦徒聞竹使榮空留左氏傳誰繼上商名

二

返葬金符守同歸石窀妻捲衣悲畫翟持妻待鳴雞  
容衛都人慘山川駟馬嘶猶聞隴上客相對哭征西

三

途芻去國門祕器出東園太守留金印夫人罷錦軒  
旌旄轉衰木簫鼓上寒原墳樹應西靡長思魏關恩

故西河郡杜太守挽歌四首

唐岑參 盛

蒙叟悲藏壑殷宗惜濟川長安非舊日京兆是新阡

禮儀

卷四九

三

流歌

黃霸官猶屈蒼生望已愆唯餘卿月在留向杜陵懸

二

鼓角城中出噴壚郭外新雨隨思太守雲從送夫人  
蒿里埋雙劍松門閉萬春回瞻北堂上金印已生塵

三

憶昨明光殿新承天子恩剖符移北地受鉞領西門  
塞草迎軍幕邊雲拂使軒至今聞隴外戎虜尚三冤

四

漫漫澄波濶沈沈大厦深秉心常匪席行義每揮金  
汲引窺蘭室招攜入翰林多君有令子猶注世人心

韋長史挽歌

唐崔融初

日暮桑榆下寒生松柏中冥冥多苦霧切切有悲風  
京兆新阡合扶陽甲第空郭門從此去荆棘漸蒙龍

眉州康司馬挽歌詞

唐張九齡初

家受專門學人稱入室賢劉楨徒有氣管輅獨無年  
謫去長沙國竟歸京兆阡從來匣中劍埋沒罷衝天

秦州薛都督挽詞

唐崔湜初

十里絳山幽千年汾水流碑傳門客建劍是故人留  
龍樹煙含夕山門月照秋古來鐘鼎盛共盡一蒿丘

故武衛將軍挽詞三首

唐杜甫盛

禮儀

卷四十九

三三挽歌

嚴警當寒夜前軍落大星壯夫思敢決哀詔惜精靈  
王者今無戰書生已勒銘封侯意踈濶編簡爲誰青

二

舞劍過人絕鳴弓射獸能鉅鋒行愜順猛噬失蹻騰  
赤羽千夫膳黃河十月冰橫行沙漠外神速至今稱

三

哀挽青門去新阡絳水逢路人紛雨泣天意颯風颯  
韶曲精仍銳匈奴氣不驕無由覩雄畧大樹日蕭蕭

馬武騎挽歌二首

唐李嶠初

五日皆休沐三泉獨不歸池臺金闕是樽酒瑋筵非

巷靜遊禽入門閑過客稀唯留昔年鳳尚繞六

二

昔下天宮館常過帝子家夜傾金屋酒春舞玉臺花  
試馬依紅垆吹簫弄紫霞誰言東郭路翻枉北門車

武三思挽歌

唐李嶠初

玉匣金爲纓銀鉤石作銘短歌傷離曲長暮泣松局  
事往昏朝霧人亡圻夜星忠賢良可惜圖讎入丹青

徐高御挽歌

唐張說初

蒲密遙千載鳴琴始一追公卿傳世範仁義續靈基  
不待南遊祿何先北帝期玉棺從此閉金鼎代相欽

禮儀

卷四十九

三三挽歌

文德皇后挽歌

唐朱子奢初

神京背紫陌綽綽結行輶北去橫橋道西分清渭流  
寒光向壘沒霜氣入松楸今日泉臺路非是濯龍遊

文德皇后挽歌

唐李百藥初

徘徊兩儀殿悵望九成臺玉輦終辭宴瑤篁遂不開  
野曠陰風積川長思鳥來寒山寂已暮虞殯有餘哀

則天皇后挽歌

唐崔融初

宵陳虛禁夜夕臨空山陰日月昏尺景天地慘何心  
紫殿金鋪澀黃陵玉座深鏡奩常不啓聖主淚沾巾

二

前殿臨朝罷長陵合葬歸山川不可望文物盡成非  
陰月霾中道軒星落太微空餘天子孝松上景雲飛  
則天皇太后挽歌 唐宋之間初

象物行周禮衣冠集漢都誰憐事虞舜下里泣蒼梧  
贈恭順皇后挽歌 唐皇甫冉中

徂謝年方久哀勞事獨稀雖殊百兩迕同是九泉歸  
詔使歸金策神人送玉衣空山竟不從寧肯學湘妃

昭德皇后挽歌

唐包信 中

西汜馳暉過東園別路長歲華唯隴柏春事罷公桑  
龜兆開泉戶禽口閉畫梁更聞哀禮過明詔制心喪  
禮儀 卷四十九 挽歌 三五

昭德皇后挽歌

唐白居易 中

仙去逍遙境詩留窈窕章春歸金屋少夜入壽宮長  
鳳引曾辭輦蠶休昔採桑陰靈何處感沙麓月無光

貞懿皇后挽歌

唐錢起 中

淑麗詩傳美徽章禮飾哀有恩加象服無日祀高禋  
曉月孤秋殿寒山出夜臺通靈深眷想青鳥獨飛來

大行皇太后挽歌詞二首

唐韓愈 中

一紀尊名正三時孝養榮高居朝聖主厚德載群生  
武帳虛中禁玄堂掩太平秋天笳鼓歇松柏徧山鳴

二

威儀備吉凶文物雜軍容配地行新祭因山訖  
鳳飛終不返劍化會相從無復臨長樂空聞報曉鐘

三

追攀萬國來驚衛百神陪畫宴登秋殿容衣入夜臺  
雲隨仙馭遠風助聖情哀只有朝陵日妝奩一暫開

懿安皇太后挽歌詞

唐許渾 晚

陵前春不盡陵下夜何窮未信金蠶老先驚玉燕空  
挽移蘭殿月笳引柏城風自此隨龍馭喬山暮靄中

宣貴妃挽歌

宋江智淵

桂棹來塵寂筵俎竟虛存雲松方靄露風草已聲原  
禮儀 卷四十九 挽歌 三五

故郭婉儀挽歌

唐司空曙 中

一日辭秦鏡千秋別漢宮豈唯泉路掩長使月輪空  
苦色凝朝露悲聲切曉風婉儀餘舊德仍載禮經中

章懷太子靖妃挽詞

唐沈佺期 初

彤史佳聲載青宮懿範留形將鸞鏡隱覓伴鳳笙遊  
送馬嘶殘日新營落晚秋不知蒿里曙空見隴雲愁

節義太子楊妃挽歌二首

唐張說 初

西華三公族東閣五可才玉環初受慶金玦反逢災  
桂殿花空落桐園月自開朝雲將暮雨長繞望思臺

二



昔日三朝路逶迤四里車繡腰長命綺隱警連枝花  
今春尺園樹索然無歲華共傷千載後惟號一王家

樂平長公主挽歌

隋盧思道

妝樓對馳道吹臺臨景舍風入上春朝月滿涼秋夜  
未言歌笑畢已覺生榮謝何時洛水湄芝田解龍駕

故北平公主挽歌

唐上官儀初

木落園池曠庭虛風露寒北里清音絕南陔芳草殘  
遶氣猶標劍浮雲尚寫冠寂寂琴臺晚秋陰入井幹

高密長公主挽歌

唐上官儀初

湘渚韜靈跡娥臺靜瑞音鳳逐清簫遠鸞隨幽鏡沈

禮儀 卷四九

三七

挽歌

霜處華英落風前銀燭侵寂寞平陽館月冷洞房深

故高安公主挽詞

唐蘇頌初

彤管承師訓青圭備禮容孟孫家代寵元女國朝封  
柔軌題貞順閑規賦肅雍寧知落照盡霜吹入悲松

高安公主挽歌二首

唐李義初

湯沐三千賦樓臺十二重銀鑪稱貴幸玉輦盛過逢  
嬪則留中饋娥輝沒下春平陽百歲後歌舞為誰容

二

賓衛儼相依橫門啓曙扉一作靈陰蟾兔缺仙影鳳  
皇飛一水秋難渡三泉夜不歸况臨青女節瑤草更

前京

淮陽公主挽歌

唐李義初

玉陽生漢渚金縷化印塵湯沐榮夫女哀榮感路人  
鳳皇曾伴伴螭蟻忽為親曉日成蹊處穠華不復春

永泰公主挽歌二首

唐吳兢初

穠華從婦道釐降適諸侯河漢天孫合瀟湘帝子遊  
關雎方作訓鳴鳳自相求可歎凌波迹東川遂不流

二

舜華徂北渚宸恩結南陽盤綬哀榮備遊軒寵悼彰

三川謀遠日八水宅連岡無復秦樓上吹簫下鳳皇

禮儀 卷四九

三八

挽歌

玉清公主挽歌

唐張謂盛

學鳳年猶少乘龍日尚賒初封千戶邑忽駕五雲車  
地接金人岸山通玉女家秋風何太早吹落禁園花

梁國惠康公主挽歌二首

唐牟士諤中

湯沐成陳跡山川遂寂寥鵲飛應織素鳳起獨吹簫  
玉殿中參罷雲輦上漢逢皇情非不極空輟未央朝

二

授冊榮天使陳詩感聖恩山河啓京國編素及王門  
泉向金危咽霜來玉樹繁都人聽哀挽淚盡望寒原

梁國惠康公主挽歌二首

唐韓愈

定謚芳聲遠移封大國新巽宮尊長女台室屬良人  
河漢重泉夜梧桐半樹春龍輜非厭翟還展禁城塵

二

秦地吹簫女湘波鼓瑟妃佩蘭初應夢奔月竟淪輝  
夫族迎魂去宮官會葬歸從今沁園草無復更芳菲

贈梁國惠康公主挽詞

唐權德輿中

外館嬪儀貴中參睿渥深初笄橫白玉盛服縷黃金  
鳳度簫聲遠河低婺彩沈夜臺留冊謚悽愴有徽音

魏國憲穆公主挽詞

唐權德輿中

漢制榮儀服周詩美肅雍禮尊同姓主恩錫大名封

禮儀

卷四九

三九

挽歌

外館留圖史陰臺閔德容睿慈歌薤露千古仰芳蹤

趙郡王配鄭氏挽歌

北史趙郡王睿齊神武從子也娶鄭述祖女爲妃

北齊盧詢祖

君王盛海內伉儷盡寰中女儀掩鄭國嬪容映趙官

春豔桃花水秋度桂枝風遂使叢臺夜明月滿牀空

江王太妃挽歌

唐上官儀初

黃鶴悲歌絕椒花清頌餘埃凝寫隣鏡網結和羣魚  
銀消風燭盡珠滅夜輪虛別有南陵路幽叢臨葉疎

恭王故太妃挽歌詞二首

唐元稹中

燕結貽天夢梁王盡孝思雖從魏詔葬得用漢藩儀

曙月殘光斂寒簫度曲遲平生奉恩地哀挽欲何之

二

文衛羅新壙仙娥掩暝山雪雲埋隴合簫鼓望城還  
寒樹風難靜霜郊夜更閑哀榮深孝嗣儀表在河間

鄧國太夫人挽歌

唐宋之問初

鸞死鉛妝歇人亡錦字空悲端若能減渭水亦應窮

鄭國夫人挽歌詞

唐趙良器盛

淑德延公胄宜家接帝姻桂宮男掌僕蘭殿女昇嬪

恩澤昭前命盈虛變此辰百年今已矣彤管列何人

故榮陽君蘇氏挽歌三首

唐張九齡初

禮儀

卷四九

三九

挽歌

門緒公侯列嬪風詩禮行松蘿方有寄桃李忽無成

劍去雙龍別雛哀九鳳鳴何言嶧山樹還似半心生

二

永歎芳魂斷行看草露滋二宗榮盛日千古別離時

竟罷生芻贈空留畫扇悲容車候曉發何處是歸期

三

編服紛相送玄局翳不開更悲泉火滅徒見柳車迴  
舊室容衣奠新塋拱樹栽唯應月照簾藩岳此時哀

天官崔侍郎夫人盧氏挽歌

唐沈佺期初

偕老言何謬香魂事永違潘魚從此隔陳鳳宛然飛

聖鏡塵中暗藏燈地下微猶憑少君術彷彿觀容輝

天官崔侍郎夫人盧氏挽歌 唐李嶠初

寵服當年盛芳魂此地窮劍飛龍匣在人去鵲巢空  
簾櫳孤生竹琴哀半死桐唯當青史在千載仰嬋風

達奚吏部夫人寇氏挽歌 唐李頎盛

存歿令名傳青松柏田事姑稱孝婦生子繼先賢  
露濕銘旌重風吹鹵簿前陰堂從此閉誰誦女師篇

達奚吏部夫人寇氏挽歌 唐王維盛

束帶將朝日鳴環映牖辰能令諫明主相勸識賢人  
遺挂空留壁迴文日覆塵金蠶將畫柳何處更知春

禮儀 卷四十九 挽歌 三

二

女史悲彤管夫人罷錦軒上瑩占二室行哭度千門  
秋日光能淡寒川波自翻一朝成萬古松柏暗平原

韓員外夫人清河縣君崔氏挽歌一首

唐岑參盛

今德當時重高門舉世推從夫榮已絕封邑寵難追  
陌上人皆惜花間鳥亦悲仙郎看隴月猶憶畫眉時

二

遽聞傷別劍忽復歎藏舟燈冷泉中夜衣寒地下秋  
青松弔客淚丹旌路人愁徒有清河在空悲逝水流

西河郡太原守張夫人挽詞 唐岑參盛

鵲印慶仍傳魚軒寵莫先從夫元凱貴訓子孟軻賢  
龍是雙歸日鸞非獨舞年哀容今共盡悽愴杜陵田

故程將軍妻南陽郡夫人樊氏挽歌

唐孫逖初

德配程休甫名高魯季姜寵繁蒼玉佩宴夢鬱金堂  
白日期偕老幽泉忽悼亡國風尤在詠江漢近南陽

故南陽夫人樊氏挽歌二首 唐王維盛

石窠恩榮重金吾車騎盛將朝舞贈言入室還相敬  
疊鼓秋笳動懸旌寒日映不言長不還環珮猶將聽

禮儀 卷四十九 挽歌 三

二

錦衣餘翟弗繡轂罷魚軒淑女詩常在夫人法尚存  
凝笳隨曉旆行哭向秋原歸去將何見誰能返戟門

故女道士姪儀太原郭氏挽歌二首

唐劉長卿中

作範宮闈睦歸真道藝超馭風仙路遠背日帝宮遙  
鸞殿空留處霓裳已罷朝淮王哀不盡松柏但蕭蕭

二

宮禁恩長隔神仙道已分人間驚早露天上失朝雲  
逝水年無恨佳城日易曛簫聲將雄曲哀斷不堪聞

○弔

弔孟協律

唐寶島中

才行古人齊生前品位低  
葬時貧賣馬遊日哭誰妻  
孤冢北印上空齋中岳西集詩應萬首物象留曾題

弔暢當

唐戴叔倫中

萬里江南一布衣  
早將佳句動京畿  
徒聞子敬遺琴在不見相如駟馬歸  
朔雪恐迷新塚草秋風愁老故山薇  
玉堂知已能銘述猶得精鬼慰所依

弔孟浩然

唐張蠙晚

每每樵家說孤墳亦夜吟  
若重生此世應更苦前心

禮儀

卷四九

三三一挽歌

名與襄陽遠詩同漢水深  
親栽鹿門樹猶蓋石牀陰

弔賈島二首

唐曹松晚

先生不折桂謫去抱何冤  
已葬離燕骨難招入劍冤  
旅墳低却草稚子哭勝猿  
冥冥如搜句宜邀賀監論

故驛迎弔故桂府常侍有感

唐李商隱晚

飢鳥翻樹晚鷄啼泣過秋原  
沒馬泥二紀征南恩與舊此時丹旄玉山西

弔建州李員外

唐張喬晚

銘旌歸故里猿鳥亦悽然  
已葬桐江月空迴建水船  
客傳為郡政僧說讀書年  
恐有吟魂在深山古木邊

弔侯圭常侍

唐李洞晚

我重君能賦君褒我解詩  
三堂一拜遇四海兩心知  
影挂僧挑燭名傳鶴拂碑  
涪江弔孤塚片月下峨嵋

故驛迎弔故桂府常侍有感

唐李商隱晚

飢鳥翻樹晚鷄啼泣過秋原  
沒馬泥二紀征南恩與舊此時丹旄玉山西

禮儀

卷四九

三三一挽歌

詩雋類函卷五十

東吳俞安期彙纂

宣城梅鼎祚增定

陽羨曹師建訂校

樂部一

樂總載 歌 舞

○樂總載

鈞天曲

齊謝朓

高宴顯天臺置酒迎風觀笙鏞禮百神鍾石動雲漢  
瑤堂琴瑟驚綺席舞衣散威鳳來參差玄鶴起凌亂  
已慶明庭樂詎慙南風彈

觀樂應詔

梁王暕

樂部

卷五十

樂總載

趙瑟含清音秦箏凝逸響參差陳九夏依遲分四上  
從風繞金梁含雲映珠網遞奏豆二八繁絃非一兩  
幸叨東郭吹側陪南風賞忘味信鏗鏘餐和終俯仰  
輕塵已飛散游魚亦翻蕩恩光實難遇詠言寧易放  
賦得薄暮動絃歌

梁沈君攸

柳谷向夕沈餘日蕙樓臨砌徙斜光金戶半入藂林  
影蘭徑時移落盡香絲繩玉壺傳綺席秦箏趙瑟響  
高堂舞裙拂復喧珠珮歌響出扇繞塵梁雲邊雪飛  
絃柱促留賓但須羅袖長日暮歌鍾恒不倦處處行  
樂為時康

樂部曹觀樂

隋何妥

東海餘風大陶唐遺思深何如觀徧舞奏鼓聞提金  
清管調絲竹朱絃韻雅琴八行陳樹羽六德審知音  
至道兼韶濩充庭總韎任高天度流火落日廣城陰  
百神諸景福萬國仰君臨大樂非鐘鼓且用戒民心  
奉勅於太常寺修正古樂 隋何妥

大樂遺鐘鼓至樂貴忘情俗久淳和變年深禮教生  
嶰谷調孤管崙山學鳳鳴浮雲成舞曲白雪作歌名  
聞詩六義辨觀漏八風平肅穆皇威暢淪漣河水清  
鈞天動絲竹括地響鐸鉦盡美兼韶濩盛德總咸英

樂部

卷五十

樂總載

寥亮鳴鐘徹飄揚翟羽輕小臣屬千載時幸預簪纓  
行欣負蒼璧衢壇聽九成

觀太常奏新樂

隋孔德紹

大君膺寶曆出豫表功成鈞天金石響洞庭絃管清  
八音動繁會九變叶希聲和雲留睿賞薰風悅聖情  
盛烈光韶濩易俗邁咸英竊吹良無取率舞抃輕生  
和孔侍郎觀太常新奏樂 隋下斌

昔人夢上

一作

帝尚喜頌鈞天况茲開景業作樂武

功宣大雅廢還理承風毀更縣中和誠易擬韶夏詎  
相沿健為一作磬響徹嶰谷管聲傳小臣濫清耳長

奉南風絃

於太常寺聽陳國蔡子元所校正聲樂

隋許善心

維陽成禮樂治定昔君臨充庭觀樹羽之上一作帝仰

擬金既因鍾石變將隨河海沈湛露廢還序承風絕

復尋袞章無舊迹韶夏有餘音澤竭英莖散人遺憂

思深悲來未減瑟淚下正聞琴詎似文侯睡聊同微

子吟鍾奏殊南北商聲異古今獨有延州聽應知亡

國音

奉和月夜聽軍樂應詔

隋薛道衡

樂部

卷五十

三

樂部

旌門臨古堞微道度深隍月冷疑秋夜山寒落夏霜

遙空澄暮色清景散餘光笳聲喧隴水鼓曲噪漁陽

沈鬱興神思眺聽發天章嵩岱終難學丘陵徒自強

三層閣上置音聲

唐太宗

綺筵移暮景紫閣引宵煙隔棟歌塵合分階舞影連

聲流三處管響亂一重絃不似秦樓上吹簫空學仙

隔壁聞奏伎

唐裴延初一作陳蘭琳

徒聞絃管切不見舞腰回賴有歌梁合塵飛一半來

勤政樓觀樂

唐賈至

銀河帝女下三清紫禁笙歌出九城為報延州來聽

樂須知天下欲昇平

冊上公太常奏雅樂

唐無名氏

司樂陳金石逶迤引上公奏音人語絕清韻氣聲通

應律煙雲改來儀鳥獸同得賢因舉頌修禮便觀風

聖壽三稱內天觀九奏中寂寥高曲盡猶自清宸聰

曉過南宮聞太常清樂

唐陸贄

南宮聞古樂拂曙聽初驚煙靄遙迷處絲桐暗辨名

節隨新律改聲帶緒風輕合雅將移俗同和自感情

速音兼曉漏餘響過春城九奏明初日寥寥天地清

曉過南宮聞太常清樂

唐張濂

樂部

卷五十

四

樂部

玉珂經禮寺金奏過南宮雅調乘清曉飛聲向遠空

慢隨飄去雪輕逐度來風迴出重城裏傍聞九陌中

應將肆夏比更與五英同一聽南薰曲因知大舜功

太常觀閱驃國新樂

唐胡直鈞

異音來驃國初被奉常人纔可宮商辨殊驚節奏新

轉規迴繡面曲折度文身舒散隨鸞吹喧呼雜鳥春

襟袵懷舊識絲竹變恒陳何事留中夏長令表化淳

郊壇聽雅樂

唐

泰壇恭祀事彩仗下寒桐展禮陳嘉樂齊心動衆靈

韻長飄更遠曲度靜宜聽汎響何清越隨風散杳冥



微懸和氣聚旋退曉山青本自鈞天降還疑別洞庭

貢舉人謁先師聞雅樂

唐呂昫

禮聖來羣彥觀光在此時聞歌音乍遠合樂和還遲  
調朗能偕竹聲微又契絲輕泠流篴簾綵繞動纓綏  
九變將隨節三終必盡儀國風由是正王化自雍熙

貢舉人謁先師聞雅樂

唐王起

藹藹觀光士來同鵠鷺羣鞠躬遺像在稽首雅歌聞  
度曲飄清漢餘音遏曉雲兩楹淒已合九仞杳難分  
斷續同清吹洪纖入紫氛長言聽已罷千載仰斯文

秋夜聽高調涼州

唐白居易

樂部

卷五十

五

樂部

樓上金風聲漸緊月中銀字韻初調促張絃柱吹高  
管一曲涼州入淡寥

歌舞

唐李商隱

遏雲歌響清迴雪舞腰輕只要君流盼君傾國自傾

○歌

詠歌

梁元帝

汗輕紅粉濕坐久翠眉愁傳聲入鐘磬餘轉雜篴篥

詠歌

唐李嶠

漢帝臨汾水周仙去洛濱郢中吟白雪梁上繞飛塵  
響發行雲駐聲隨子夜新願君聽扣角當自識賢臣

詠歌姬

梁江洪

寶鑷間珠花分明靚妝點薄鬢約微黃輕紅澹鉛臉  
發言芳已馳復加蘭蕙染浮聲易傷歎沈唱安而險  
孤轉忽徘徊雙蛾乍舒斂不持全示人半用輕紗掩

詠歌人偏得日照

陳周弘正

斜光入丹扇的最分明欲持照雕栱乃作繞梁聲

梁劉孝綽

獨明花裏翠偏光粉上津屢將歌罷扇迴拂影中塵

陽翟新聲

齊王融

懷春發下蔡含笑向陽城恥爲飛雉曲好作鷓鴣鳴

樂部

卷五十

六

歌

樂府

陳陸瓊

臨淄佳麗地年少一作小習名倡似笑唇朱動非愁眉

翠揚掩抑隨竿轉和柔會瑟張輕扇屢迴指飛塵亟

繞梁

清歌發

北齊劉逖

扇中通曼臉曲裏奏陽春久應迷座客何啻起梁塵

聽歌一絕

北周庾信

協律新教罷河陽始學歸但令聞一曲餘聲三日飛

聽楊氏歌

唐杜甫

佳人絕代歌獨立發皓齒滿堂慘不樂響下清虛裏

江城帶素月況乃清夜起老夫悲暮年壯士嘆  
玉杯久寂寞金管迷宮徵勿云聽者瘦愚智心盡  
古來傑出士豈待一知己吾聞昔秦青傾側天下耳

聽張立本女吟

唐高適

危冠廣袖楚宮妝獨步閒庭逐夜涼自把玉簪敲  
竹清歌一曲月如霜

聽流人水調子

唐王昌齡

孤舟微月對風林分付鳴箏與客心嶺色千重萬重  
雨斷絃收與淚痕深

夜泊黃山聞殷十四吳吟

唐李白

樂部

卷五十

七歌

昨夜誰爲吳會吟風生萬壑振空林龍驚不敢水中  
卧猿嘯時聞巖下音我宿黃山碧谿月聽之却罷松  
間琴朝來果是滄洲逸酤酒提盤飯霜栗半酣更發  
江海聲客愁頓向杯中失

秋浦清谿雪夜對酒客有唱鷓鴣者

唐李白

披君貂襜褕對君白玉壺雪花酒上滅頓覺夜寒無  
客有桂陽至能吟山鷓鴣清風動牕竹越鳥起相呼  
持此足爲樂何煩笙與竿

聽舊宮中樂人穆氏唱歌

唐劉禹錫

曾隨織女渡天河記得雲間第一歌休唱貞元供奉  
曲當時朝士已無多

中秋夜聽歌聯句

唐李元衡

此夕來奔月何時去上天雲鬟方自照玉腕更呈鮮  
□□人間意颺颺物外緣詩裁明月扇歌索想夫憐  
暗染荀香久長隨楚夢偏會當來彩鳳髻鬋逐神仙

夜聞歌者

唐白居易

夜泊鸚鵡洲秋江月澄澈鄰船有歌者發調堪愁絕  
歌罷繼以泣泣聲通復咽尋聲見其人有婦顏如雪  
獨倚帆檣立娉婷十七八夜淚似真珠雙雙墮明月

樂部

卷五十

八歌

借問誰家婦歌泣何淒切一問一沾襟低眉終不說  
聽歌四絕句

唐白居易

水調

第五遍乃五言  
調韻最切

五言一遍最殷勤調少情多似有因不會當時翻曲  
意此聲腸斷爲何人

想夫憐

王維右丞詞云秦州一  
半夕陽開此句尤佳

玉管朱絃莫急催容聽歌送十分杯長愛夫憐第二  
句請君重唱夕陽開

何滿子

開元中滄洲有歌者何滿子臨  
刑進此曲以贖死上竟不免

世傳滿子是人名臨就刑時曲始成一曲四詞歌八

疊從頭便是斷腸人

離別難詞

綠楊陌上送行人馬去車迴一望塵不覺別時紅淚盡歸來無淚可沾巾

嵩陽觀夜奏霓裳

唐白居易中

開元遺曲自淒涼况近秋天調是商愛者誰人唯白尹奏時何處在嵩陽迴臨山月聲彌怨散入松風韻更長子晉少姨聞定怪人間亦便有霓裳

聞歌妓唱嚴郎中詩因以絕句寄之

唐白居易中

樂部

卷五十

九一歌

已留舊政布中和又付新詞與艷歌但是人家有遺愛就中蘇小感恩多

渾鴻臚宅聞歌効白紵

唐柳宗元中

翠帷雙卷出傾城龍劍破匣霜月明朱唇掩抑悄無聲金簧玉磬宮中生下沈秋水激太清天高地迴凝日晶羽觴蕩漾何事傾

秋夜聽嚴紳巴童唱竹枝歌

唐劉商中

巴人遠從荆山客回首荆山楚雲隔思歸夜唱竹枝歌庭槐落葉秋風多曲中歷歷叙鄉思鄉思綿綿楚詞古身騎吳牛不畏虎手提箕笠欺風雨猿啼日暮

江岸邊綠蕪連山水連天來時十三今十五一成新衣已再補鴻鴈南飛報隣伍在家歡樂辭家苦天晴露白鐘漏遲淚痕滿面看竹枝曲終寒竹風裊裊西風落日東風曉

聽唱赤白桃李花

唐李益中

赤白桃李花先皇在時曲欲向西宮唱西宮官樹綠

聞歌

唐李商隱中

歛笑凝眸意欲歌高雲不動碧差裁銅臺罷望歸何處玉輦忘還事幾多青塚路邊南鴈盡細腰宮裏北人過此聲腸斷非今日香燭燈光奈爾何

樂部

卷五十

十一歌

聞歌

唐許渾晚

新秋絲管清時轉遏雲聲曲盡不知處月高風滿城

聽唱鷓鴣

唐許渾晚

金谷歌傳第一流鷓鴣清怨碧雲愁夜來省得曾聞處萬里月明湘水流

聽歌鷓鴣辭

唐許渾晚

南國多情多艷詞鷓鴣清怨遶梁飛甘棠城上客先醉苦竹嶺頭人未歸響轉碧霄雲駐影曲終清漏月沈暉山行水宿不知遠猶夢玉釵金縷衣

聽歌

唐高駢晚

公子邀歡月滿樓佳人揭調唱伊州便將席上秋風起直到蕭關水盡頭

王將軍宅夜聽歌

唐于鄴晚

朱檻滿明月美人歌落梅忽驚塵起處疑有鳳飛來一曲聽初徹幾年愁暫開東南正雲雨不得見陽臺

江南聞新曲

唐方干晚

席上新聲花下杯一聲聲被拍聲催樂工不識長安道盡是書中寄曲來

試霓裳羽衣曲

唐李肱晚

開元太平日萬國賀豐歲梨園厭舊曲玉座流新製

卷五十

十一歌

鳳管遞參差霞衣競搖曳宴罷水殿空輦餘香草細蓬壺事已久仙樂功無替誰肯聽遺音聖明知善繼

聽郢客歌陽春白雪

唐□□□

寂聽郢中人高歌已絕倫臨風飄白雪向日秦陽春調雅偏盈耳長聲杳入神連連貫珠並裏裏遏雲頻

度曲知難和凝情想任真周郎如賞善莫使滯芳晨

吳志曰周瑜少精意於音樂雖三爵之後其有闕誤喻必知之知之必顧故謠云曲有誤周郎顧其結正無意味耳

醉中聞甘州

唐薛逢晚

老聽笙歌亦解愁醉中亦遣合甘州行追赤嶺千山

外坐想黃河一曲流日暮豈堪征婦怨路傍能結旅人愁左綿刺史心先老淚滿朱絃催白頭

聽盛小叢歌贈崔侍御

李尚書諱為浙東使門山上鴈初飛其聲急切召至日去籍之妓盛小叢也時察院崔侍御元範自府幕赴闕庭李餞之命小叢歌饌在座各為一絕贈送之崔下句云獨向柏臺為老吏或曰侍御鳳閣中書即其程也何老於柏臺請改之崔不可是年秋崔鞠獄誰中乃終於柏臺之任

唐李訥晚

繡衣奔命去情多南國佳人歛翠娥曾向教坊聽國

樂為君重唱盛叢歌

奉和聽妓歌贈崔侍御

唐崔元範晚

樂部 卷五十 十一歌

羊公留宴峴山亭洛浦高歌五夜情獨向柏臺為老吏可憐林木響餘聲

奉和聽妓歌贈崔侍御

唐封彥冲晚

蓮府纔為綠水賓忽乘驄馬入咸秦為君唱作西河調日暮偏傷去住人

奉和聽妓歌贈崔侍御

唐盧鄴晚

何郎載酒別賢侯更吐歌珠宴庾樓莫道江南不同醉即倍舟楫上京遊

贈花卿一首

唐杜甫 賦

錦城絲管日紛紛半入江風半入雲此曲祇應天上

有人間能得幾回聞

醉後戲與趙歌兒

唐岑參

秦州歌兒歌調苦偏能立唱漢陽女座中醉客不得意聞之一聲淚如雨向使逢著漢帝憐董賢氣咽不能語

與歌者何戡

唐劉禹錫

二十餘年別帝京重聞天樂不勝情舊人唯有何戡在更與殷勤唱渭城

與歌童田順郎

唐劉禹錫

天下能歌御史娘花前葉底奉君王九重深處無人樂部

卷五十

十三

見分付新聲與順郎

贈李龜年

唐李端

青春事漢主白首入秦城遍識才人字一作時人號多知舊曲名風流隨故事語笑合新聲獨有垂楊樹偏傷日暮情

贈沈學士張歌人

唐杜牧

拖袖事當年郎教唱客前斷時輕裂玉收處遠綠煙孤直絙雲定光明滴水圓泥情遲急管流恨咽長絃吳苑春風起河橋酒旆懸憑君更一醉家在杜陵邊

贈歌者

唐薛能

一字新聲一顆珠轉喉疑是擊珊瑚聽時坐部首中有唱後纓花葉裏無漢浦蒹葭開虛解佩臨邛焉用枉當壚誰人得向青樓宿便是仙郎不是夫

霓裳詞十首

唐王建

弟子部中留一色聽風聽雨作霓裳散聲未足重來授直到牀前見上皇

自直梨園得出稀更番上曲不教歸一時跪拜霓裳徹立地堦前賜紫一作彩衣

勅賜官人澡浴迴遙看美女院門開一山星月霓裳動好字先從殿後來

樂部

卷五十

十四

旋翻一作修一曲譜聲初起除却梨園未教人宣示畫家分手寫中官走馬賜功臣

傳呼法部按霓裳新得承恩別作行應是貴妃樓上看內人昇出綵羅箱

伴教霓裳有貴妃從初直到曲成時日長耳裏聞聲熟拍數分毫錯總知

中管五絃初半曲遙教合上隔簾聽一聲聲向天頭落學得仙人夜唱經

絃索縱橫隔彩雲五更初發滿宮聞武皇自送西王母新染霓裳月色裙

朝元閣上風初起夜聽霓裳玉露寒宮女月中更潛立黃金梯滑並行難

知向華清秋月滿山頭山底種長生去時留下霓裳曲總是離宮別管聲

何滿子歌

張湖南座爲唐有熊作

唐□□□

何滿能歌能宛轉天寶年中世稱罕嬰刑繫在囹圄間下調哀音歌憤懣梨園弟子奏玄宗一唱承恩羈網緩便將何滿爲曲名御譜親題樂府纂魚家入內本領絕葉氏有年聲氣短自外徒煩記得詞點拍纔成已夸誕我來湖外拜君侯正值灰飛仲春瑋廣宴

樂部

卷五十

五

江亭爲我開紅妝逼坐花枝暖此時有熊踏華筵未吐芳詞貌夷坦翠蛾轉盼搖雀釵碧袖歌垂翻鶴卵定面凝眸一聲發雲停塵下何勞算迢迢擊磬達玲玲一一貫珠勻款款犯羽含商移調態留情度意拋絃管湘妃寶瑟水上來秦女玉簫空外滿纏綿疊破最殷勤整頓衣裳頗閑散水含遠溜咽還通駕泥晚花啼漸嬾歛黛吞聲若自冤鄭袖見搗西子浣陰山鳴鴈曉斷行巫峽哀猿夜呼伴古者諸侯饗外賓鹿鳴三奏陳珪瓚何如有熊一曲終牙籌記令紅螺盃

○舞

詠舞

梁武帝

腕弱復低舉身輕由迴縱可謂寫自歡方與心期共

詠舞

梁簡文帝

嬌情因曲動弱步逐風吹懸釵隨舞落飛袖拂鬟垂

詠舞二首

梁簡文帝

戚里多妖麗重聘蔑燕餘逐節工新舞嬌態似凌虛納花承襍褻垂翠逐璫舒扇開衫影亂中度復行踈徒勞交甫憶自有專城居

可憐稱二八逐節似飛鴻懸勝河陽妓闇與淮南同入行看復進轉面望鬟空腕動若華玉衫隨如意風

樂部

卷五十

十六

舞

上客何須起啼鳥未肯終

詠獨舞

梁簡文帝

因羞強正釵顧影時迴袂非關善留客更是嬌夫壻

和詠舞

梁劉孝儀

迴履裾香散飄衫釧響傳低釵依促管曼睂入繁絃

又和

梁劉孝儀

轉袖隨歌發頓履赴絃餘度行過接手迴身乍歛裾

詠舞曲應令

梁庾肩吾

歌聲臨盡閣舞袖出芳林石城定若遠前谿應幾深

詠舞

梁庾肩吾



飛鳥袖始拂啼鳥曲未終聊因斷續唱試託往還風

詠舞

梁殷芸

斜身含達意頓足有餘情方知難再得所以遂傾城

詠舞

梁王暕

從風迴綺袖映日轉花鈿同情依促柱共影赴危絃

詠舞

梁何敬容

因風且一顧揚袂隱雙蛾曲終情未已含睇目增波

詠舞

梁楊噉

紅顏自燕趙妙妓邁陽阿就行齊逐唱赴節聞相和  
折腰送餘曲歛袖待新歌頓容生翠羽曼睇出橫波

樂部

卷五十

十七

雖稱趙飛鸞比此詎成多

詠舞

梁何遜

管清羅薦合絃驚雪袖遲逐唱迴纖手聽曲轉蛾眉  
凝情盼隨耳微睇託含辭日暮留嘉客相看愛此時

應令詠舞

梁劉遵

倡女多豔色入選盡華年舉腕嫌衫重迴腰覺態妍  
情繞陽春吹影逐相思絃履度開裙裾鬟轉匝花鈿  
所愁餘曲罷爲欲在君前

應令詠舞

梁王訓

新妝本絕世妙舞亦如仙傾腰逐韻管斂色聽張絃

袖輕風易入釵重步難前笑態千金動衣香十里傳  
將持比飛鸞定當誰可憐

詠舞女

梁江洪

腰纖茂楚媛體輕非趙姬映襟闌寶粟緣肘挂珠絲  
發袖已成態動足復含姿斜睛若不盼嬌轉復遲疑  
何慙雲鶴起詎減鳳驚時

應令詠舞

陳徐陵

十五屬平陽因來入建章主家能教舞城中巧盡妝  
低鬟向綺席舉袖拂花黃燭送空迴一作隱邊影衫傳篋  
裏香當由好留客故作舞衣長

樂部

卷五十

十八

應令詠舞

北周庾信

洞房花燭明燕餘雙舞輕頓履隨疎節低鬟逐上聲  
步轉行初進衫飄曲未成鸞迴鏡欲滿鶴顧市應傾  
已曾天上學詎是世中生

詠舞

唐楊師道

二八如迴雪三春類早花分行向燭轉一種逐風斜

詠舞

唐李嶠

妙伎遊金谷佳人滿石城霞衣席上轉花袖雪前明  
儀鳳諧清曲迴鸞應雅聲非君一顧重誰賞素腰輕

舞曲

晉傅玄

和樂唯有舞運體不失機退似游龍婉進如翔鸞飛  
回目流神光傾亞有餘姿

白紵舞歌詩

宋書樂志曰白紵舞歌詩舊新有  
二篇二篇與晉辭同其一篇異

無名氏

高舉兩手白鵠翔輕軀徐起何洋洋凝停善睠容儀  
光宛若龍轉乍低昂隨世而變誠無方如推若引留  
且行宋世方昌樂未央舞以盡神安可忘愛之遺誰  
贈佳人質如輕雲色如銀袍以光軀巾拂塵制以為  
袍餘作巾四座歡樂胡可陳清歌徐舞降祇神

白紵曲

宋南平王鑠

樂部

卷五十

十九

舞

僊僊徐動何盈盈玉腕俱凝若雲行佳人舉袖輝作  
耀青蛾摻摻擢手映鮮羅狀似明月汎雲河體如輕  
風動流波

白紵舞歌詞四首

并序

宋鮑照

侍郎臣鮑照啓被教作白紵舞歌詞謹竭庸陋裁  
爲四曲附啓上呈識方渙悴思塗猥局言既無雅  
聲未能文不足以宣贊聖旨拙拔妙實謹遣簡餘  
慙隨悚盈謹啓詞曰

吳刀楚製爲佩褱纖羅霧縠垂羽衣含商咀徵歌露  
晞珠履一作颯沓紉袖飛淒風夏起素雲回車忌馬

煥容忘歸蘭膏明燭承夜暉

桂宮柏寢擬天居朱爵文牕鞞綺疏象牀瑤席鎮犀

渠雕屏匝匝組帷

一作帳

舒秦箏趙瑟挾笙竿垂璫散

珮盈玉除停觴不御欲誰須

三星參差露霑濕絃悲管清月將入寒光蕭條候蟲

急荆王流歎楚妃泣紅顏難長時易散凝華結藻一作

網久延立非君之故豈安集

池中赤鯉庖所捐琴高乘去騰

一作飛

上天命逢福世

丁溢恩

一作微命逢  
福丁溢恩

簪金藉綺升曲筵恩厚德深一作

思德交如山潔誠洗志期暮年烏白馬角寧足言

樂部

卷五十

二十一

舞

白紵曲二首

宋鮑照

朱唇動素腕

一作袖

舉洛陽少童

一作年

邯鄲女古稱淥

水今白紵催絃急管爲君舞窮秋九月荷葉黃北風

驅鴈天雨霜夜長酒多樂未央

春風澹蕩俠思多天色淨淥氣妍和含桃紅萼蘭紫

芽朝日灼爍發園華卷幌結帷羅玉筵齊謳秦吹盧

女絃千金顧笑買芳年

白紵歌二首

宋湯惠休

琴瑟未調心已悲任羅勝綺彊自持忍思一舞望所

思將轉未轉恒如疑桃花水上春風出舞袖透迤邐

日徘徊鶴轉情豔逸君為迎歌心如一

少年窈窕舞君前容華豔豔將欲然為君嬌凝復還

延流目送笑不敢言長袖拂面心自煎願君流光及

盛年

白紵辭二首

梁武帝

朱絲玉柱羅象筵飛管促節舞少年短歌流目未肯

前含笑一轉私自辭

纖腰嫋嫋不任衣嬌怨獨立特為誰赴曲君前未忍  
歸上聲急調中心飛

四時白紵歌五首

梁沈約

樂部

卷五十

三

舞

春白紵

蘭葉參差桃半紅飛芳舞戲春風如嬌如怨狀不  
同含笑流眄滿堂中翡翠羣飛飛不息願在雲間長  
比翼佩服瑤草駐容色舜日堯年歡無極

夏白紵

英華作梁武帝今  
從樂府作沈約

朱光灼爍照佳人含情送意遙相親嫣然一作轉  
亂心神非子之故欲誰因翡翠羣飛飛不息願在雲  
間長比翼佩服瑤草駐容色舜日堯年歡無極

秋白紵

白露欲凝草已黃金瑄玉柱響洞房雙心一意俱徊

翔吐情寄君君莫忘翡翠羣飛飛不息願在雲間長  
比翼佩服瑤草駐容色舜日堯年歡無極

冬白紵

寒閨晝密羅幌垂婉容麗色心相知雙去雙還誓不  
移長袖拂面為君施翡翠羣飛飛不息願在雲間長  
比翼佩服瑤草駐容色舜日堯年歡無極

夜白紵

秦箏齊瑟燕趙女一朝得意心相許明月如規方襲  
子夜長未央歌曰紵翡翠羣飛飛不息願在雲間長  
比翼佩服瑤草駐容色舜日堯年歡無極

樂部

卷五十

三

舞

白紵歌九首

梁張率

歌兒流唱聲欲清舞女赴節體自輕歌舞並妙會人  
情依一作絃度曲婉盈盈揚蛾為態誰目成

妙聲屢唱輕體飛流津染面散芳菲俱動齊息不相  
違今彼嘉客澹忘歸時久翫夜明星稀

日暮塞門望所思風吹庭樹月入帷涼陰既滿草蟲  
悲誰能離別長夜時流歎不寢淚如絲與君之別終

何知一作如

秋風鳴一作

條露垂葉空闌光盡坐愁妾獨向長安

作獨一作

淚承睫山高水深路難涉望君光景何時

逢夜方達時既寒秋風蕭瑟白露團佳期不待歲欲  
闌念此遲暮獨無歡鳴弦流管增長歎

夜寒湛湛夜未央華燈空爛月懸光從風衣起發芬  
香爲君起舞幸不忘

列坐華筵紛羽爵清曲未終月將落歌舞及時酒常  
酌無令朝露坐銷鑠

愁來一作多夜遲猶歎息撫枕思君終反仄金翠釵環  
稍不飾霧縠流黃不能織但坐空閨思何極欲以短

書寄飛翼

逢夜忘寐起長歎但望雲中雙飛翰明月入牖風吹

樂部

卷五十

三

舞

幔終夜悠悠坐申旦誰能知我心中亂終然有懷歲  
方晏

賦樂府得大垂手

梁簡文帝

垂手忽迢迢飛燕掌中嬌羅衣恣風引輕帶任情搖  
詎是長沙地促舞不回腰

小垂手

梁簡文帝

舞女出西秦躡影舞陽春且復小垂手廣袖拂紅塵  
折腰應兩袖頰足轉雙巾蛾眉與曼臉見此空愁人

舞就行

梁劉孝儀

依歌移弱步倚竹豔新妝徐來翻應節亂去反成行

看舞

北周庾信

鸞迴不假學鳳舉自相關到縵衫袖廣恒長礙舉鬟

田使君美人舞如蓮花北銍歌 唐岑參

美人舞如蓮花旋世人有眼應未見高堂滿地紅氍  
毹試舞一曲天下無此曲胡人傳入漢諸客見之驚

且歎慢臉嬌蛾纖復穠輕羅金縷花蔥龍回裾轉袖  
若飛雪左銍右銍生旋風琵琶橫笛和永匝花門山

頭黃雲合忽作出塞入塞聲百草胡沙寒風颭翻身  
入破如有神前見後見回回新始知諸曲不可比採

蓮落梅徒聒耳世人學舞祇是舞恣態豈能得如此

樂部

卷五十

三

舞

觀舞柘枝二首

唐劉禹錫

胡服何葳蕤仙姬登綺墀神飈獵紅蕖龍燭映金枝  
垂帶覆纖腰安鈿當顰眉翹袖中繁鼓傾眸迴華棖

燕餘有舊曲淮南多冶詞欲見傾城處君看起節時

二 山雞臨清鏡石燕赴遙津何如上客會長袖入華裯

體輕似無骨觀者皆聳神曲盡回身處層波猶注人

王中丞宅夜觀舞胡騰

唐劉言史

石國胡兒人見少蹲舞蹲前急如鳥織成蕃帽虛頂  
尖細氍胡衫雙袖小手中拋下蒲萄盞西顧忽思鄉

路遠跳身轉轂寶帶鳴弄脚續紛錦靴軟四座無言  
皆瞑目橫笛琵琶遍頭促亂騰新毯雪朱毛傍拂輕  
花下紅燭酒闌舞罷絲管絕木綿花西見殘月

口號吳王舞人半醉

唐李白

風動荷花水殿香姑蘇臺上宴吳王西施醉舞嬌無  
力笑倚東牕白玉牀

爲舞者作

唐杜甫

百寶裝腰帶真珠絡臂韉笑時花近眼舞罷錦纏頭

胡騰歌

唐李端

胡騰身是涼州兒肌膚如玉鼻如錐桐布輕衫前後

樂部

卷五十

三五

卷蒲筍長帶一邊垂帳中跪作本音語拈襟擺袖爲  
君舞安西舊牧收淚看洛下詞人抄曲與揚眉動眼  
踏花氍毹紅汗交流珠帽偏醉脚東傾又西倒雙靴柔  
弱滿燈前環行急蹴皆應節反手叉腰如却月絲桐  
忽盡一曲終鳴鳴畫角城頭發胡騰兒胡騰兒故鄉  
路斷知不知

霓裳羽衣舞歌

唐白居易

我昔元和侍憲皇曾陪內宴宴昭陽千歌萬舞不可  
數就中最愛霓裳舞舞時寒食春風天玉鈞欄下香  
案前案前舞者顏如玉不著人家間一作俗衣服虹裳

霞帔步搖冠鈿環繫繫珮珊珊娉婷似不任羅綺顧

聽樂懸行復止磬簫箏笛遞相攙擊撤彈吹聲遞進

凡法曲之初衆樂不齊惟金石絲竹次第過無

慵不飛拍故不舞中序肇騁初入拍秋竹竿裂春

水折亦無拍序飄然轉旋聲迴雪輕嫵然縱逸游龍

驚小垂手後柳無力斜曳裾時雲欲生舞之初態

煙蛾歛畧不勝態風袖低昂如有情上元點髮招萼

綠王母揮袂別飛瓊繁音急節十二遍跳珠撼玉何

鏗鏘霓裳一作而終翔鸞舞了却收翅喉鶴曲終

長引聲霓裳之末長引一聲當時乍見驚心目疑視

樂部

卷五十

三六

諦聽殊未足一落人間八九年耳冷不曾聞此曲淞  
城但聽山魃語巴峽唯聞杜鵑哭轉自江州刺史移  
領錢塘第二年始有心情問絲竹玲瓏篴篥謝好筆  
陳龍膚築沈平笙清絃脆管纖纖手教得霓裳一曲  
成自玲瓏以下虛白亭前湖水畔前後只曾三度按  
便除庶子拋却來聞道如今各星散今年五月至蘇  
州朝鐘暮角催白頭貪看案牘常侵夜不聽笙歌直  
到秋秋來無事多閑悶忽憶霓裳無處問聞君部內  
多樂徒問有霓裳舞者無答云七州千萬戶一作七  
戶無人知有霓裳舞唯寄長歌與我來題作霓裳羽



衣譜四幅花箋碧間紅霓裳實錄在其中千姿萬狀

分明見恰與昭陽舞者同眼前髣髴觀形質昔日今

朝想如一疑從霓裳呼召來似著丹青圖寫出我愛

霓裳君合知發於歌引一作形於詩君不見我歌云

驚破霓裳羽衣曲長恨歌云又不見我詩云曲愛霓裳未

拍時錢塘詩云由來能事皆有主楊氏創聲君造譜開元中西

京師度使楊敬述進君言此舞難其人須得是一作傾城可憐女

吳妖小玉飛作煙夫差女小玉死後形見於王越

西施化爲土嬌花巧笑久寂寥館娃羅山一作空處

所如君所言誠有是君試從容聽我語若求國色始

樂部 卷五十

翻傳但恐人間廢此舞妍媸優劣寧相遠大都只在

人擡舉李嬋一作張態君莫嫌亦擬隨時且教取

看常州柘枝贈賈使君 唐白居易中

莫惜新衣舞柘枝也從塵汚汗霑垂料君即却歸朝

去不見銀泥衫故時

柘枝妓 唐白居易中

平鋪一合錦筵開連擊三聲畫鼓催紅蠟燭移桃葉

起紫羅衫動柘枝來帶垂鈿勝花腰重帽轉金鈴雪

面迴看即曲終留不住雲飄雨送向陽臺

柘枝 唐章孝標晚

柘枝初出鼓聲招花鈿羅衫聳細腰移步錦靴空綽

約迎風繡帽動飄飄亞身踏節鸞形轉背面羞人鳳

影嬌祇恐相公看未足便隨風雨上青霄

舞衣曲 唐溫庭筠晚

藕腸纖縷抽輕春煙機漠漠嬌娥嚙金梭浙瀝透空

薄翦落交刀吹斷雲張家公子夜聞雨夜向蘭堂思

楚舞蟬衫麟帶壓愁香偷得鸞簪鎖金縷管含蘭氣

嬌語悲胡槽雪腕鴛鴦絲芙蓉力弱應難定楊柳風

多不自持迴嚬笑語西廳客星斗寥寥波脉脉不逐

秦王捲象牀滿樓明月梨花白

樂部 卷五十

詩集類函卷五十